

47176/B

CAR. TRAVGOTT GOTTLOB
SCHOENEMANN

REG. BIBL. ACAD. GOETTING. A SECRETIS

BIBLIOTHECA

HISTORICO-LITERARIA

PATRVN LATINORVM

A TERTVLLIANO PRINCIPE

VSQVE AD

GREGORIVM M. ET ISIDORVM

HISPALENSEM

AD BIBLIOTHECAM FABRICII LATINAM

ACCOMMODATA

TOMVS SECVNDVS

LIPSIAE

IN LIBRARIA WEIDMANNIA

M D C C X C I I I I.

CAR. TRAVAGNOT GOTTL. BOB.
SCHONEMANN

IMP. REG. ACAD. GOTTL. & SCHONEMANN

BIBLIOTHECA

1815

HISTORICO LITERARIA

PATRVM LATINORVM

A TERTVLLIANO PRINCIP

VSQVE AD

GREGORIVM M. ET ISIDORVM

HISPALIENSEM

AD BIBLIOTHECAM FABRICII LATINAM

ACCOMMODATA

TOMVS SECVNDVS

LIPSIÆ

IN LIBRARIIS WILDMAN

NO. 10. 1. 1. 1.



VIRO PERILLVSTRI
CHRISTIANO GOTTLOB
HEYNE

S. R. MAIESTATI BRITANN. A CONSILIIS AVLAE
IN ACADEMIA GEORGIA AVGVSTA ELOQVENTIAE
ET HVMAN. LITERARVM PROFESSORI ET
BIBLIOTHECAE REGIAE SVPREMO PRAE-
FECTO CAET.

PATRONO AC PRAECEPTORI

CVIVS INSTITVTIONI CONSILIIS ET PATERNAE
PENE RERVM MEARVM CVRAE CVM TANTA
DEBEAM QVANTA EGO NVNQVAM SAT AVT
DIGNE SATIS PRAEDICARE
POTERO

PIVM ET GRATVM ANIMVM TENVI
HOC MVNVSCVLO

TESTIFICATVRVS

D. D. D.

CAROLVS TRAVGOTT GOTTLOB
SCHOENEMANN.

VIRI PERILLI
CHRISTIANO GOTTLIEB
H E Y E

E. R. CIA STATI BRITANNI A GUBERNIO AFRICAE
IN AFRICA BRITANNICA AFRICA BRITANNICA
ET HANNO LITTERARUM, PROTECTOR ET
BIBLIOTHECAE REGIAE AFRICAE
FACTO 1841

PATRONE AD PRAESEPTORI
CIVIS INSTITUTIONI GUBERNIS ET PATRONE
PENE RERUM MEARUM CIVIS CUM TANTA
DEBAM QUANTA EGO INVOCAM SAT AVT
DIGNO SAT INHIBERE
POTERO

FIRM ET GRATUM ANIMUM TENNI
HOC MUNUS CULO
TESTIFICATIVES

D. D. D.
CAROLUS TRAVGOTT GOTTLIEB
SCHONEMANN

LECTVRIS

S.

En alteram bibliothecae nostrae partem. Comprehensuram eam sperabam omnes qui tractandi superessent, patres; sed tantum spatii vnus sibi vindicauit Augustinus, vt, nisi iustam voluminis amplitudinem nimis longe fuisset excessurus, ne omnes quidem quinti saeculi patres in illud redigere liceret. Restat igitur tertius operis tomus, omne tandem, quodcumque reliquum est, exhibiturus, quamque primum poterit, publicandus.

Laudauerunt Viri Docti diligentiam, qua in exponendis prioribus vsus essem. Eandem et in adornandis iis, quae nunc publici iuris facio, seruare eo intentius studui, quo maiores lisdem habebam semperque habebo gratias propter insignem, quacum labores meos exceperunt, beneuolentiam. Neque indignius ea crediderim alterum hocce volumen, licet multis in locis mihi adeo displiceat. Sic ipse, vt alia in Aurelio, Pelagio, Petro Chrysologo et fortassis etiam in Cassiano et Leone M. iudicio non satis seuero admissa taceam, maxime vitupero prolixitatem, qua *Maximi Taurinensis* homiliarum at-

que sermonum codices manuscriptos enumeraui et recensui, nec satis tempestiue dicendorum affluente copia obrutum me perpendisse doleo, nimis tenues atque ieiunas, omnique fere ad amplificandas excolendasue literas momento destitutas esse istas antiquitatis reliquias, quam ut tantum spatii, quantum abriperunt, concedi ipsis debuisset. Condonabunt ea hisque similia Iudices, quorum aequitatem atque facilitatem iam in sententiis de priori volumine satis admiratus sum.

Quae addenda operi corrigendaue iam nunc reperi continuandaque diligentia adhuc sum reperturus, ea tertio, quod paro, volumini adiciam. Neque tamen hoc in loco praetermittenda est mentio quatuor *Augustini* libellorum, quos, quum typis iam, quae dicenda de eo habuisssem, exscripta essent, latebrarum, in quibus hucusque latuerant, obscuritati ereptos in Clarissimi FONTANI, bibliothecae Riccardianae praefecti, *Nouis Eruditorum Deliciis* s. *Bibliotheca veterum αὐτοδῶν opusculorum* eiusque parte tertia, Florentiae anno, qui proxime antecessit, publicata, deprehendi. Sunt autem ii

1) libellus *de Oratione*. Depromsit eum Vir

Doctissimus e codice II. Plutei XII. bibliothecae

cae Mediceo - Laurentianae, ineunte saeculo XV. eleganter in membranis scripto, contulitque eundem cum altero pariter membranceo saeculi XIII., quondam bibliothecae Minorum Sanctae Crucis, nunc IV. Plutei XVIII. eiusdem b. Med. - Laur., qui idem ipsi esse videtur ac qui in cod. LXVIII. bibliothecae Venetae exstat, quum eius catalogus aequae ac suus opusculum Augustino tribuat.

- 2) *Tractatus de quatuor virtutibus charitatis*, exscriptus ex codice XI. membraneo Plutei XXI. saeculo itidem XV. scripto, collatusque cum altero Plutei XXIII. N. XIV. saeculo, ut videtur, XIII. exarato, cuius ope prioris calligraphi nonnulla errata emendare lacunamque implere valuit editor acutissimus.
- 3) *Homilia in quartam dominicam de Aduentu* ab Augustino ad populum habita, atque ex vetusto Homiliario ineunte saeculo XII. conscripto seruatoque in eadem bibliotheca codice I. Plutei XIV. sumta.
- 4) *Sermo in circumcisione Domini*, in quo praecipua de laudibus vnitatis ecclesiae profert, ex Homiliario III. Riccardianae bibliothecae, cui praeest Doctissimus *Fontani*, ineunte saeculo XI. a peritissimo librario scripto depromptus.

Iure autem istos libellos Augustino tribuendos esse inde efficit Vir Sagacissimus, quod tales vere ab eo profectos esse Possidii Calamensis index doceat, genuinosque eos, quos exhibeat, esse singularis Augustineae orationis atque dictionis species, quam omnem prae se ferant, aperte ostendat. Praeterea vero spem facit, fore, ut alia adhuc eiusdem patris opuscula cum eruditis communicet. Goettingae, die XXII. Iunii. MDCCLXXXIII.

Quod nobismet ipsis iam, dum in hoc volumine absolviendo versabamur, aegritudine ex rei valde adamatae interitu grauiter afflictis non licuit, ut mente satis composita quae dicenda forent praefaremur: id amore suo erga nos dedit et ex sententia praestitit vir integerrimus et ad omne officiorum genus amicis praestandum semper paratissimus ANT. FRID. WILHELMVS LEISTE *Guelpherbytanus, Ph. D.*, modo *Regii Repetentium Theol. Collegii Sodalis*, iam vero ad munus *Subrektoris in Lyceo Urbis patriae* honorificentissime vocatus. Quo magis itaque carissimo viro me obstrictum sentio, et quo altius praesentis beneficii memoria animo nostro insidet; tanto grauius desiderium amissae iucundissimae eius consuetudinis fero, gratumque ipsi animum profiteri non possum, quin simul penitus contrister optimo et probatissimo studiorum et consiliorum consorti ac socio, cui omne vitae tempus supremum numen fortunet, priuatus. Die XVII. Iulii.

SCHOENEMANN.

INDEX CONTENTORVM.

Caput quintum, quod scriptores Saeculi quinti tantum non omnes, sed ad Leonis vsque tempora complectitur. Series haec est:

Sect. 1.	Aurelius Episc. Carthaginensis	-	pag.	1
Sect. 2.	Aurelius Augustinus	-	-	8
Sect. 3.	Faustus	-	-	364
Sect. 4.	Secundinus	-	-	365
Sect. 5.	Sulpicius Seuerus	-	-	366
Sect. 6.	Chromatius Episc. Aquilej.	-	-	411
Sect. 7.	Pelagius	-	-	423
Sect. 8.	Coelestius	-	-	462
Sect. 9.	Annianus Diac. Celedensis	-	-	473
Sect. 10.	Orosius	-	-	481
Sect. 11.	Innocentius Episc. Rom.	-	-	507
Sect. 12.	Zosimus Episc. Rom.	-	-	523
Sect. 13.	Seuerus Episc. Minoricensis	-	-	533
Sect. 14.	Hefychius Salonitanus	-	-	534
Sect. 15.	Bonifacius Episc. Rom.	-	-	534
Sect. 16.	Marius Mercator	-	-	541
Sect. 17.	Nicetas	-	-	565
Sect. 18.	Iulianus Episc. Eclanensis	-	-	570
Sect. 19.	Fastidius	-	-	582
Sect. 20.	Leporius	-	-	588
Sect. 21.	Paulinus Mediolanensis	-	-	597
Sect. 22.	Euodius Episc. Vzalenfis	-	-	603
Sect. 23.	Vigilius Diac.	-	-	606
Sect. 24.	Seuerus Episc. Mileuit.	-	-	607
Sect. 25.	Maximus Episc. Taurinensis	-	-	607
				Sect.

Sect. 26.	Ioannes Cassianus	- -	pag. 669
Sect. 27.	Castor Episc. Aptensis	- -	697
Sect. 28.	Colestinus Episc. Rom.	- -	699
Sect. 29.	Lupus Episc. Trecentis	- -	711
Sect. 30.	Possidius Episc. Calamentis	- -	714
Sect. 31.	Hilarius Episc. Arelatensis	- -	721
Sect. 32.	Capreolus Episc. Carthag.	- -	732
Sect. 33.	Vranius	- -	737
Sect. 34.	Xystus f. Sixtus Episc. Rom.	- -	738
Sect. 35.	Petrus Chrysologus	- -	746
Sect. 36.	Eucherius Episc. Lugdunensis	- -	773
Sect. 37.	Vincentius Lirinensis	- -	795
Sect. 38.	Valerianus Episc. Cemeliensis	- -	812
Sect. 39.	Saluianus	- -	823
Sect. 40.	Patricius	- -	846
Sect. 41.	Bacharius	- -	855
Sect. 42.	Leo M. Episc. Rom.	- -	861
Sect. 43.	Prosper Aquitanus	- -	1012
Sect. 44.	Hilarius Prosperi	- -	1049
Sect. 45.	Philippus	- -	1052
Sect. 46.	Antonius Honoratus	- -	1054
Sect. 47.	Eustathius	- -	1056
Sect. 48.	Constantius	- -	1057
Sect. 49.	Paschasinus	- -	1058
Sect. 50.	Polemius S. Syluius	- -	1059
Sect. 51.	Turibius	- -	1060
Sect. 52.	Leo Bituricensis	- -	1062
Sect. 53.	Salonius	- -	1063

ADDENDA ET CORRIGENDA.

Pag. 2. lin. 26. adde *que* post *argumentorum*. Ib. lin. 29. 1. *quam* pro *quum*. Ib. lin. 31. 1. *damnauit* pro *damnarunt*. Pag. 4. lin. 18. 1. *Arzugitanam* pro *Arzugitonam*. Pag. 5. lin. 9. 1. *Louanienſi* pro *Lauanienſi*. Pag. 9. lin. 23. post *tempus* inferere comma. Idem facito pag. 10. lin. 21. post *numeris*. Pag. 14. lin. 1. post *ipſi* inferere *et*. Pag. 16. lin. 1. post *ne* inferere comma. lin. 2. pro *maius* 1. *magis*. ibidem pro *ut* 1. *quod*. Pag. 17. lin. 7. 1. *tam* pro *tum*. lin. 15. *ſicubi* pro *sibi*. lin. vlt. post *Benedictinis* comma ponatur pro *puncto*. Pag. 25. lin. 33. 1. *opprimerentur* pro *oppreſſum* *iri*. Pag. 27. lin. 4. 1. *qua* pro *quibus*. Pag. 29. lin. vlt. inferere *ad* ante *unitatem*. - Pag. 31. lin. 28. 1. *Ambroſii* pro *Ambroſiae*. Pag. 38. post lin. 17. inferere „52. *De ſancta Virginitate* liber ſcr. a. 401. Ext. in ed. *Eraſm. Louan. et Bened. T. VI.*“ qui totus locus, ut et ſequens, in ms, exciderat. Pag. 78. l. 1. ſupple: „28) *de decem chordis. 29) ſermo de ebrietate.*“. Pag. 277. l. 27. inferere *ſpecimen* ante v. *commentariorum*. Pag. 438. l. 27. 1. *ſuperſit* pro *ſumſit*. Pag. 457. l. 4. lege 1572. Pag. 593. l. 24. 1. *Leporiani* pro *Leoporiani*. Pag. 863. l. 26. inferere comma post *erat*. Ibid. l. 28. 1. *has* pro *haas*. Pag. 865. l. 6. 1. *hunc* pro *nunc*. Pag. 873. l. 3. 1. *Interim* pro *Interin*. Ibid. l. 13. 1. *adeoque* pro *eoque*. Pag. 876. l. 21. post *quomodo* inferere comma. Pagg. 886. l. 14. post *Aegyptios* (Q. 141. A. 103.) adde: Scriptae ſunt omnes intra annos 442. et 460., et quidem ex Balleriniſiorum computatione, hac ferie: I. II. III. a. 442. IV. a. 443. V. VI. VII. a. 444. VIII—XI. a. 445. XII.—XIV. a. 446. XV—XVIII. a. 447. XIX—XXI. a. 448. XXII. eodem exeunte; aut ineunte a. 449. XXIII—

LIV. a. 449. LV—LXXVII. a. 450. LXXVIII—CI. a. 451. CII—CIX. a. 452. CX—CXXV. a. 453. CXXVI—CXL. a. 454. CXLI—CXLIII. a. 455. CXLIV—CLVIII. a. 457. CLIX—CLXVI. a. 458. CLXVII. eodem aut sequenti, CLXVIII. a. 459. CLXIX—CLXXIII. a. 460. Pag. 893. l. 28. l. *Quesnelianam* pro *Quesneuianam*.

Plura in praesenti colligere non vacat. Sed pauca super-
futura confidimus, freti scilicet industria, quam abunde
hisce plagulis emendandis impendit C. G. PEZOL-
DVS, A. M. cui correctoris munus a redemptore ho-
nestissimo demandatum fuit. Adeo enim operae suae Ille
non pepercit, vt, sicubi a descriptoribus omissum aliquid,
aut peruerse scriptum offendisset, publicas eius causa bibli-
othecas adire non grauaretur. Quod eximium Viri optimi
studium vt publice collaudare gestiui, ita me semper grata
memoria profecuturum profiteor.

CAPVT QVINTVM.

Patres et Scriptores Ecclesiastici saeculi quinti.

I.

AVRELIVS EPISCOPVS CARTHAGI- NENSIS.

Quae patria eius, quique parentes fuerint, adeo S. I. Vita.
obscurum est, ut ne coniecturis quidem ali-
quid tentare liceat. Fratris eius, Fortunati nomine,
qui a. 411. Diaconum Ecclesiae Carthagenensis ege-
rit, meminit Paulinus Presbyter *), quem tunc tem-
poris Carthagine commoratum esse nouimus. Lite-
ras aut omnino non, aut summis tantum labris eum
attigisse aspera ac scabra oratio, cum in epistola en-
cyclica, tum iis, quae Conciliorum occasione dis-
seruit, quodammodo prodere videtur. Nec alia
vnquam doctrinae ingeniue cultioris specimina pro-
didit. Forsitan hinc conieceris, Aurelium humili
loco natum, propter domesticam angustiam iis prae-
sidiis caruisse, quibus iuuenile ingenium fingi firma-
rique solet. Sed haec utut sint, certe non obfue-
runt, quo minus iis muneribus, quibus inter suos
admotus est, cum laude fungeretur. Nam cum ec-
clesiasticis officiis sese destinasset, et Genethlio mor-
tuo a. 392. ex diacono, nulla haud dubie praeter-
quam animi ac morum commendatione, in sedem
Episcopi Carthagenensis totiusque Africae Primatis
fuiſſet

*) In Vita Ambrosij.

fuiſſet euectus, tantum abſuit, vt grauitas atque auctoritas tanto muneri conſona in eo deſideraretur, vt vix vni praedeceſſorum ſucceſſorumque eius tantum a clero ſuo tributum fuerit. In quo plurimum vtiſque eum iuuat mira animi manſuetudo ac facilitas, qua aliorum et doctiorum, imprimis ex collegis, conſilia in rebus grauibz admiſit, vt ex Auguſtini epiſtolis et iis, quae in Conciliis, ſub eius praefidio actis, geſta ſunt, manifeſto declaratur. Multiplici enim et moleſta, cum pro doctrinae puritate, tum pro eccleſiae oeconomia ac tranquillitate, clericoꝝque officiis ac iuribus cura exercebatur, eamque ſaepius ad congregatos vel vnius vel omnium Africae prouinciarum Episcopos preſbyterosque detulit, quorum crebri per epiſcopatus eius conſeſſus non ſolum ſingulari *libro Canonum temporibus S. Aurelii* locum dederunt, ſed plerumque etiam anticipantes nos reddunt, quantum ex rebus tunc temporis in eccleſia Africana geſtis aut ſoli Aurelio aut conſociato Synodorum conciliorumque ſtudio ſit tribuendum. Sic, vt pauca tantum attingamus, nam plenam horum recenſionem libri noſtri ratio ſeiungere praecipit, partes eius in Collatione Carthaginenſi cum Donatiſtis coram Marcellino a. 411. laudare ſolent, in qua tamen nec dicendi aliqua facultate nec dictorum argumentorum virtute magnopere excelluit, certe neminem ex iis, qui ſimul cum eo ad diſceptandam cauſam electi erant, niſi dignitate ſua vlla in re praefitit. Nec magis ipſe quum congregati cum eo epiſcopi ſemel atque iterum Coeleſtiii atque Pelagii errores damnarunt, quorum adunatis pariter viribus ſubdolae Romani Pontificis in cauſa appellationum machinationes verſae ſunt. Sed quod penes eum ſolum fere conciliorum conuocandorum ius ac officium eſſet praetereaue de iis, quae placuiſ-

cuiſſent, reſcribere ad eccleſias vel Africanas vel tranſmarinas eum oporteret, poterat fortasſe absque arrogantia, quae in illum non cadit, dicere, *ſe ſolum cunctorum eccleſiarum (Africae) ſuſtinere ſollicitudinem.* Ceterum Auguſtinus ei coniunctiſſimus, magnaue in vita illius pars et ipſe fuit. Nec vltima fata utrumque diu diſiunxerunt, obiit enim Aurelius a. 430, Auguſtino vix anno dimidio ſuperſtite.

Praeter *allocutiones* ad patres Africanos in Codi-^{9.2.}Scripta. ce eccleſiae Africanae relatas et *praefationes* aliquot in *Collatione Carthaginienſi* cum Donatiſtis, una ſuperest ipſius *epiſtola encyclica ad omnes epiſcopos per Byzacenam et Arzugitanam provinciam conſtitutos* de damnatione Pelagii atque Coeleſtii haereticorum, iuxta reſcriptum Honorii, *Scr.* a. 419. vt ſubſcriptio declarat.

Complures *epiſtolae* eius *deperditae* ſunt, quas diligenter recenſet *Tillemontius* *). *Spuria* eſt, ex Iſidori Mercatoris ſcilicet fabrica, vt ipſemet Baroni-
us ad a. 374. agnoſcit, *Episto-la eius ad Damasum* in Vbaldina huius editione recuſa.

Vbi primum typographicis formulis exſcripta ſit haec Aurelii epiſtola, nondum mihi liquet. In *Hendreichii Pandect. Brandeb.* p. 356. ſicut et in *Cat. Bibl. Bodleianae* laudatur quaſi ſeorſim prodita *Mogunt.* 1524. 4. quod ipſa quidem epiſtolae breuitas diſſuadet, tametſi, cum aliqua, cui inſerta eſſe debeat, eccleſiaſticorum ſcriptorum collectio ſtatim non ſuccurrat, certius aſſerre nequeam. Interim quae nobis ſedulo diſquirentibus ſe obtulerunt eius exempla in maioribus operibus latentia, hic indicabimus.

9. 3. Editiones.

A 2

1530.

*) Mem. eccl. T. XII. p. 559.

1530.

Coloniae fol. Aurelii Carth. epi ad oēs epōs p Bizanzenā et Arzidnitānam prouinciā constitutos etc. in *Merlini Conciliis T.I. Fol. CCXXIII. a.* inter Leonis M. epistolās num. LXXII. admodum mendosa. Subiiciuntur *Excerpta ex gestis habitis contra Pelagium haereticum et alia de libellis eiusdem, quae in Palestina sibi obiecta damnare compulsus est, item Dogma Pelagii haeretici et Dogma Catholicorum contra Pelagium.*

1535.

Parisiis apud Franc. Regnault. 8. Eadem ut in antecedenti; in repetita huius Conciliorum et Isidorianae decretorum Collectionis editione T. I. Fol. CCXL. b. sq. Immutato vero in sequenti editione Epistolarum Leonis ordine et haec Aurelii epistola et quae appendicis loco erant, exulare iussa sunt.

1562.

Basileae ex off. Io. Oporini. fol. Epistola S. Aurelii episc. ad omnes episcopos per Bizacenā et Arzugitonā prouinciā constitutos, de damnatione Pelagii atque Coelestii, praemissa Imperiali epistola ad Aurelium, subiectaque sacra Honorii et Theodosii Augustorum contra Pelagium et Coelestium (epistola) ad Palladium praefectum praetorio, addito etiam Exemplari edicti propositi a Palladio; in *Centuriatorib. Magdeb. Centuria quinta p. 846-49.*

Tres istae accessiones prima vice hic euulgatae sunt.

1607.

Romae f. Aurelii Epistola ad o. e. p. B. et Axuritanā prouinciā constitutos etc. in *Annalibus Baronii*

ronii ad a. 419. T. V. p. 446. (§. LVIII. ed. Mans.) Praemittitur pag. 445. (§. LVII. ed. Mans.) Honorii rescriptum ad Aurelium; reliqua, nempe *Constitutio Impp. ad Praefect. Praetorii* et exemplar *edicti Praefecti Praetorii* proferuntur ad a. 418. (§. XX.) et ad a. 420. (§. IV.) *Rescriptum Imperiale*. Edidit Baronius e Crescouio. Monet vero, in suo Codice absque die et consule esse lectum; in exemplari vero, quod ab *Henrico Gratio* Professore Lauanienti (ex numero editorum operum Augustini), cum Romae esset, acceperit, Consulibus eius anni *Monaxio* atque *Plinta* notatum esse. In editione Mansiana (Lucae 1741.) legitur. T. VII. p. 173.

Reliqua, nempe *Constitutio Impp. ad Praefect. praetorii* et exemplar *edicti Praefecti praetorii* proferuntur ad a. 418. (§. XX.) et a. 420. (§. IV.)

1639.

Dublinii 4. Epistola S. Aurelii etc. cum accessione ante laudatorum; in *Iac. Vsserii Historia Pelagiana Haereseos*, inserta eius *Antiquitatt. et Primord. Ecclesiar. Britannicar.* cap. 50. p. 272. Repetitur hoc opus Londini 1687.

1671.

Lutetiae Parisior. fol. Epistola S. Aurelii etc. praemittuntur *constitutio Impp. edictum praefectorum Praetorii*, et Epistola ad Aurelium; in *Concilior. ed. Phil. Labbei et Gabr. Cossartii T. II. p. 1609.* (1606-10.) Accedunt *decretum Constantii imperatoris* in eadem causa et *Exemplar edicti propositi a Volusiano praefecto urbis*, quae pariter Baronius ediderat ad a. 420. n. II. et III. descripta ex Codice S. Vedasti Atrebatensis ab *Henr. Grauiio*.

1673.

Parisiis apud *Sebast. Mabre-Cramoisy. f.* Epistola S. Aurelii et reliqua ex emendatione et cum annotationibus *Ioannis Garnerii* in eius *dissertatione de Constitutionibus Imp. editis in Causa Pelagianorum*, quae est *Tertia adpend. poster.* ad primam partem operum *Marii Mercatoris* p. 248. (238 62.) Aurelii epistola minima pars eorum est, quae in hac dissertatione solide, cum aliqua tamen erga sedem Romanam propensione a Garnerio illustrata sunt. Adhibuit Magdeburgenses, Baronium, Vsserium, Labbeum, et Baluzium *) praeterque eos ad Constitutionem Imp. et edicta praefecti. Praet. Salmasium **), ex quibus quatuor, nempe quorum nomina italico caractere indicauimus, ait, testatos esse, se MSS. consuluisse codices. In Aurelii Epistola praeter laudatos auctores contendisse monet veteres duas editiones, vnam *Isidori Mercatoris*, alteram, omnium optimam, nonnullorum *Prosperi opusculorum*, quas quidem disertius ab eo non fuisse significatas aegre ferimus. Commode quoque haec eius opera pro lectorum vsibus est digesta. Singulos enim textus excipiunt *Variae Lectiones* et ratio emendandi et dein-

*) In *Adpendice ad Saluianum*. Ita iterata vice laudat varias eius lectiones. Ego vero, quamuis sedulo inquisiuerim, nullam adpendicis ad Saluianum speciem, nec in ed. a. 1663 nec in altera a. 1669. reperire possum. Nec Saluiani nomen per errorem ab eo scriptum putem, tum quod toties repetit, tum quod nec aliud quicquam a Baluzio editumprehendimus, cui haec adpendix adesset. De his ergo ab aliis edoceri optamus.

**) In *Eucharistico pro Sirmondi aduentoria*. Paris. 1621. 4. p. 290.

deinceps binis columnis fusiores notae, adeo, ut vno obtutu ab vnoquoque lustrari possint. Ceterum cum omnes Garnerianas dissertationes *Antverpiae* apud *Petrum Mortier* 1703. in *Adpendice Operum Augustini recudendas* curauit, *Io. Clericus*, Aurelii epistolam habes ibi p. 163. sq.

1715.

Parisiis ex typogr. Regia. f. Epistola S. Aurelii ad omnes episcopos etc. una cum reliquis eadem ferie ac Labbeus exhibuerat; in *Concilior. Collectione Regia* Max. edente *Io. Harduino*. T. I. p. 1232. (1230-34.) Inspexit Baronium, Grauium, et Sirmondum et MSS. etiam Codices Colbertinum et Belouacensem.

1760.

Florentiae expensis Ant. Zatta, Veneti. fol. Epistola S. Aurelii etc. c. accessionibus, omnia iuxta Harduinum descripta, in *noua Concilior. Collectione Mansiana*. Tom. IV. p. 447. (444-48.)

1772.

Venetiis ex typogr. Io. Bapt. Albritii. f. S. Aurelii Carth. Episc. Epistola ad omnes Episcopos per Byzacenam et Arzygitanam prouinciam constitutos etc. relectis, quae in superioribus comparuerant accessionibus; in *Bibl. Patrum Andr. Gallandii*. T. VIII. p. 129 sq.

Secutus est editor Garnerium, cuius notas etiam describendas curauit. Notitia de Aurelio solita ipsi elegantia conscripta extat in *Prolegg. cap. III. pag. vi.*

AVRELIVS AVGVSTINVS.

§ I. Vita.

Natus est Tagastae obscuro Africae oppido, in mediterranea Numidiaie parte haud procul a Madauris et Hippone Regio sito, idibus Nouembris anno CCCLIV. i. e. trecentesimo quinquagesimo quarto, parentibus honestis de Curialium seu eorum, qui munia publica procurabant in municipiis, numero, ut tradit Possidius. Pater erat Patricius, mediocri fortuna sed liberali et propenso in omnes animo, simul tamen iracundus et ferox, ut ipsum pinxit Augustinus *); fidem christianam sub finem vitae demum amplexus; mater Monica, clarissimum inter christianos nomen, quae liberos suos ab incunabulis statim religionis christianae sensu et amore imbuat. De infantia sua, prima educatione, et institutione deinde puerilis aetatis ipse plura retulit in Confessionibus, quam ad sequentia vitae eius acta illustranda opus erat et conducibile. Viuidum fuit scilicet aut feruidum potius pueri et adolescentis ingenium, partim a sanguine parentis partim coeli natura. Iam pater liberos suos, ut ex variis elucet, quae memoriae de eo Augustinus prodidit, medullitus amabat et in sinu gaudebat de quibuscunque aut ingenii aut corporis quas exfererent viribus; mater pia sane nec minus prudens, plurimum tamen indulgit appetitui filii, qui, si strenue literas disceret, satis bene educari videbatur. Hinc semina ingentium vitiorum simul cum aetate maturescente succreuerant, quae si non ipsum penitus perdidissent, videbantur tamen a fide christiana abstrahere et plane reddere alienum. Postquam Madauris aliquamdiu latinis imprimis literis

et

*) Conf. l. 9. n. 9 et 19.

et oratoriae artis elementis vacasset, nam graecarum literarum tum eum taedebat et postea nonnisi leuiter eas attigit: Carthaginem missus est, vt eloquentiae, qua sola tunc hominibus mediocri loco natis ad gloriam et opes aut in foro aut in academiis consequendas patebat via, studium excoleret; quem in finem, vt ipse narrat, pater gloriae cupidus plus sumtuum, quam domesticae paterentur facultates, ei suppeditabat. Ibi tum fiebat, vt, cum aliquantisper et vrbis et cominilitonum exemplis pellectus et suapte natura procliuis nec angustias fortunarum sentiens dissolutiori vitae sese dedisset, annum vix decimum octauum natus *Adeodatum* filium ex concubina susceperet, quem puerum frugi et acris ingenii non semel in scriptis suis laudat et immatura morte in ipso adolescentiae flore sibi ereptum doluit. Sed antequam ei hic puer natus esset, patre orbatus est, nec tamen magnam inde studiorum suorum iacturam fecit, siquidem et mater quibuscunque posset modis necessaria ei prospexit, et Romaniani cuiusdam, quem idcirco enixe praedicat, liberalitas effecit, ne ei quidquam non solum ad necessitatem, sed et iucunditatem vitae deesset. Circa id tempus agebat vero aetatis annum vndeuigesimum, ad sapientiae seu philosophiae cognitionem se adplicuit, incitatus subito libro Ciceronis, qui Hortensius erat inscriptus et ad sapientiam amplectendam hortabatur; quae cogitatio sic totum eum cepit et ad tempus tenuit, vt sepositis extemplo oratoriis exercitationibus omnes spes rationum suarum, quae non cum illa coniungi posse, et ex ea quasi nasci viderentur, abiiceret et fastidiret; tametsi deliberabundus adhuc velut inter anfractus et confragosa haereret, qualis via sibi ingredienda esset. Ex vna parte interiore quadam mentis agitatione, quam religionis aliquis sensus ex prima pueritiae per-

ceptione residuus tetigit et quasi afflauit, ad christianam doctrinam ferebatur, ex altera parte variae ac multiplices veterum Graecorum et Romanorum sapientium scholae eum inuitabant. Sed cum semel inter haec scripturas sacras legere coepisset, tantum subito eum cepit humilis earum et vilis, ut ipsi, Tullianam dignitatem spiranti, videbatur, dictionis tædium, ut non magis declinasse quam refugisse hanc semitam dici possit. Tradidit ergo se alteris, non tamen magistri alicuius institutioni confidens, sed suoapte studio. Arripuit primum Aristotelis Categorias, quas a Rhetore Carthaginensi magistro suo mirifice commendari audierat, easque solus non solum legit sed percepit etiam, ut ex sermonibus cum iis, qui easdem in schola cum voce, tum figuris in pulvere depictis didicerant, institutis expertus est. Ab eo tempore pariter omnes liberalium artium libros per se ipsum legit, et intellexit quoscunque legere poterat, et quidquid de arte loquendi et differendi, quidquid de dimensionibus figurarum et de musicis et de numeris sine magna difficultate et nullo hominum tradente. Per hanc ipsam de sapientia consequenda sollicitudinem incidit in Manichaeos, quos postea, cum probe illos cognouisset, apte vocat homines *superbe delirantes, carnales et loquaces*. Nam cum nescio quam reconditam et abstrusam affectatoribus suis initiandis pollicerentur sapientiam: nugae et vana acumina venditabant, et sobrietatem castitatemque in ore gerentes vitam omni nequitiarum et turpitudinis genere commaculabant. Quae quamquam Augustini perspicacem animum fugere non poterant, non impedire tamen potuerunt, quo minus per nouem integros annos, ingenti matris dolore, eos sequeretur. Quare quod ipsum in consortio eorum retinuit, nihil paene aliud fuisse videtur, quam
spes

spes iucunda, fore, ut superatis auditoris aliisque discentium docentiumque gradibus ad mysteria tandem penetraret. Docuit interea temporis primum Tagastae, quo ad tempus se contulerat, Grammaticam, et postquam inde Carthaginem rediisset, ibi Rhetoricam professus est. Scripsit tum quoque, anno aetatis vicesimo sexto aut septimo, primos libros suos *de Apto et Pulcro*, sed qui iam tum, cum Confessiones scriberet, interciderant. Inter haec accidit, ut amici quidam eius, qui Romam proficiscendi consilium ceperant, ipsi quoque, et honoris maioris et amplioris emolumenti in ea urbe, quae literarum studia praemiis vberrimis aleret et ubi iuvenes magistrorum subsellia frequentantes morum modestia et studiorum quodam ordine longe a ferocia Carthagenensium abhorrent, ostentatione, ut secum iter faceret persuaderent. Vix autem e matris amplexibus arte quadam se extorsit, et cum tandem Romam appulisset, graui morbo, qui morti propinquum fecit, implicatus est, ex quo simulac paulisper conualuisset, scholas aperit et discipulos longe quidem a Carthagenensium licentia alienos sensit; sed quod iidem pessime audirent ob turpitudinem, qua in fraudem magistri, cui mercedem deberent, quasi conspirarent eumque, ubi aliquamdiu audiissent, defererent et ad alium transferent: et haec spreuit. Posteaquam igitur Mediolanenses a praefecto urbis Symmacho petiissent, ut sibi rhetoricae magistrum prouideret, Augustinus hanc prouinciā ambiuit et dictione proposita probatus Mediolanum ab eo missus est anno circiter 384.

Hic vero locus fuit, unde totius vitae eius conuersio et commutatio originem duxit. Nam cum Ambrosii urbis illius Episcopi sermones, quos statis diebus ad populum habere solebat, nulla quidem ab initio alia de causa, quam ob eloquii suauitatem, frequen-

quentasset, sensim cum verbis res ipsae animi eius penetrarunt, et primum quidem Manichaeorum dogmata, quae diu quidem falsi convincere optabat, concusserunt, mox, ubi ipse tandem omnibus ingenii animique viribus obniti coepisset, funditus evertunt. Fuit sub recentem hanc de haeresi sua inuenterata victoriam, cum mater eius, quae a prima filii in Italiam transfretatione consolari non potuisset, Mediolanum accederet; quam mirifica de nouo rerum statu laetitia cepit. Sed etsi illam quidem haeresin exuisset et catholicae fidei redditus videretur, incertus tamen, quem vitae et studiorum cursum in posterum teneret, dubiorum aculeis et consiliorum celeri fluctuatione vexatus ac iactatus est. Animum modo huic, modo illi adiicit; quae modo coepisset, medio opere rursus dimisit et in aliis viam vix ingressus substitit. Erat vero nullus tum non solum in rebus suis sed et in alienis casus tam fortuitus, quin noua aliqua sollicitudine animum eius maceraret aut nouo aliquo proposito accenderet. Non parum etiam aluit et auxit hanc animi concitationem et ex crebro sensuum impulsu et affectuum vehementia conflictum Platoniorum lectio, cui plurimum tempus tribuebat. Addidit his Pauli epistolas, quarum obscurior sensus cum grauitate coniunctus facile intelligi potest, quantopere animum inter metus et terrores omnisque generis phantasmata suspensum percellere debuerit. His accedebant quotidianae confabulationes cum Alypio et Nebridio familiaribus, quorum hic Carthagine Mediolanum nullam aliam ob causam se contulerat, quam ut ipsi adhaerere posset, ille diu noctuque consilia de vitae communione et perpetua inuicem societate instituenda agitabat. Adde matris nullo non tempore quiescentem sollicitudinem, gemitus et preces, quas indefessa cum in templis, tum domi, pro filii

filii salute ad Deum effunderet, et quae Augustinum latere minime poterant, immo et ipsius cum eo conversationis partem plurimam efficiebant; itemque Ambrosii monita et cohortationes aut amicas reprehensiones: et intelliges, paucos futuros fuisse, quos tantae animi perturbationes non fregissent et penitus oppressissent. Aliter tamen Augustino pro ingenii felicitate et ignea imaginationis eius natura accidit. Nam cum ipse et Alypius a Pontitiano quodam, Afro genere, in palatio Valentiniani Mediolani militante, vitam S. Antonii enarrari audisset, tantus ex ea auditione omnia mentis sensa et ideas superavit pectoris tumultus et exaestuans affectus, ut excluso omni rerum externarum impulsu, coelum velut cogitatione peteret, et numen ipsum quasi intercedere huic fremitui cogeret. Nam subito diuinitus, ut ipsi videbatur, audita voce omnis hic furor resedit et lenioribus de vitae ratione conformanda deliberationibus locum fecit.

Primum igitur (accidit vero a. 386.) omnibus terrestribus curis valedicere statuit, refugit consilium quod ipsi federat nouissimum vxoris ducendae, gloriae item ex literis capiendae fastidium subiit, et insecutis mox vindemialibus feriis magisterio suo sese abdicavit atque sic grauissimis muneris et cupiditatum vinculis exsolutus in rus (Villam *Cassiacum*) concessit, et in matris amicorumque congressionibus de quaestionibus vtilibus nec raro subtilibus otium sanctum et Deo totum dicatum exegit. Varia, quae ex illis cum amicis colloquiis per idem spatium enata et ab eo edita sunt opuscula facile ex temporis quam singula in recensu praeferunt nota cognosci possunt. Ex hoc recessu tandem Mediolanum rediit, ut sacrum Baptismum per Ambrosium susciiperet; quod contigit in Paschatis peruigilio, nocte ante XXV. Aprilem a.

387. Paulo post ipsi amicis Alypio et Euodio, Tagastensi eodem, cum simul Deo seruire vnaque habitare proposuissent eorumque omnium curam Monica, perinde ac si singulorum parens extitisset, gereret, in Africam remeare ibique locum vitae suae instituto aptum quaerere placuit. Cum eo erat Nauigius frater et Adeodatus filius: sed cum ad Ostia Tiberina peruenisset, mater optima subito morbo correpta (paucis vt Benedictini supputant diebus ante Idus Nouembres a. 387.) decessit. Dolorem ex eius obitu sibi inflictum verissimis verbis expressit, dum *quasi dilaniatam sibi vitam, quae una facta fuerit ex sua et illius diceret* *). Iam vero hac tam dulci itineris comite orbatus, dilato ad tempus in Africam reditu, Romam diuertitur. Vbi cum antea cum Manichaeis familiarissime vixisset, iidemque interceptam discessu eius consuetudinem reuocare cuperent, ille vero refugeret iisque errores suos et prauitatem vitae serio exprobraret, post varias ab initio velitationes tandem in apertum illud aduersus eos cunctos ac singulos bellum prorupit, quod sine vlla virium et animi relaxatione ad obitum vsque acerrime voce et scriptis gessit. Scripsit itaque, Romae constitutus, sine intercapedine libros, quorum fama mox omnem Africam est peruagata, *de Moribus Ecclesiae catholicae et de Moribus Manichaeorum*, in quibus iactantiam eorum de falsa et fallaci sua continentia reprimere studuit; ibidemque opus de *libero arbitrio* contra disputationes eorum de origine mali, quod illi ab immutabili quadam et Deo coaeterna natura deducebant, ipse ex libero voluntatis arbitrio deriuabat, inchoauit. Nondum autem in his libris (quorum primum tantum Romae conscripsit, reliquos duos

*) Confess. l. IX. c. 12. n. 30.

duos iam presbyter addidit) attigit quaestionem *de gratia Dei, qua sub electos sic praedestinasset, ut eorum, qui iam in eis uterentur libero arbitrio, ipse etiam praepararet voluntates*, quoniam id solum quaestionis erat, *unde malum: non unde redeatur ad pristinum vel ad maius perueniatur bonum* *). At saepe postea a Pelagianis ad hos ipsos libros, quasi eorum causam in iis egisset, prouocatum est, nec parum ipsum sollicitum habuit in Retractationum libris, ut eorum quae tunc disputasset cum senioribus opinionibus suis nexum et quasi cognationem ostenderet. Roma digressus mense Augusto vel Septembre anni 388. Africam exeunte hyeme appulit et per Carthaginem Tagastam petiit, ubi ruri, id est, agris paternis, qui haereditario iure ipsi obtigerant **), vivere constituit ac transiit ibi fere triennium procul ab omnibus saeculi curis, meditationibus et exercitiis sacris vacans, ac nihil paene a monacho differens. Adsumferat vero ad idem vitae institutum, quod ipsum, vel locum ubi degebant, *monasterium* appellat ***), amicos quosdam, quorum numerum augeri haud aegre patiebatur. Interim et scriptorum suorum, quae identidem sat grandibus voluminibus emisit, et huius speciosae vitae fama usquequaque adeo percrebuerat, ut et secessus eius resonaret; et ipse ea loca, quibus episcopus deesset, accedere caveret, metuens,

ne,

*) Retract. l. I. cap. IX. §. 2.

**) Possidius in vita Augustini c. 3. narrat eum agros suos, simulac Tagastam rediisset, vendidisse et pretium distribuisse pauperibus. Quod si vere ab illo proditum fuit, necesse est, eum vel in alienatis aut alienis plane degisse, aut saltem partem de suis retinuisse.

***) Sermo CCCLV. c. I. n. 2.

ne si qui agnoscerent, inuitus ad episcopatum trahe-
retur. Tanto maius improuisum ei accidit, vt, cum
amici cuiusdam gratia, quem Deo se lucrari posse
putabat, vt secum in monasterio esset, sub finem
anni 391. Hipponem Regium, securus, quia epi-
scopum locus haberet, adiisset, ibique Valerii inter-
esset concionibus, subito ad monitum illius de ordi-
nandi presbyteri necessitate, magno cum tumultu et
clamore omnium raperetur et quantumuis repugna-
ret, crearetur presbyter. Ferunt tunc quosdam, cum
lacrymas eum effundere vidissent, suspicatos, eas
poenitentiae deberi, quod non continuo episcopus
factus esset, studuisse consolari suggerendo, presby-
terium quidem infra dignitatem eius esse, proxime
tamen ad episcopatum accedere. At alia et dignior
ipsi erat lacrymarum causa, vt non semel in scriptis
suis professus est. Quippe longe augustior et grauior
ipsi quam vulgo plerisque eam ambientibus omnis
haec sacrorum officiorum prouincia videbatur, et
metuebat, ne tantum non in se praesidii haberet,
quam ad eam rite obeundam opus esset. Quapro-
pter etiam id temporis, quod interesset ab ordina-
tione sua ad Paschatis festum a. 392. dari sibi ad
praeparandum optauit, et cum impetrasset in solitudi-
nem se recepit. Igitur muneris illius primordia ex
hoc demum tempore iuste repeti posse videntur. Pri-
ma autem ipsius cura fuit, vt Hipponem quoque mo-
nasterium institueret, in quo vota eius adiunxit Vale-
rius, horto ecclesiae Hipponensis ad hunc usum ei
concesso. Aliam deinde et praeclaram de ecclesia
bene merendi et simul nomen suum, illustrandi occa-
sionem nactus est per eundem Valerium, eo, quod
ipsi coram se concionandi potestatem faceret. Quod
quidem antehac a presbyteris fieri insolitum in Ec-
clesiis latinis, mox vbi praeiussit Valerius, Graecus
natione

natione scilicet et latini sermonis vsu tardior, plures per Africam episcopi imitati sunt. Nec vero desit inter haec et cetera muneris auocamenta scriptis insigniora fidei capita aut illustrare et apud suos corroborare, aut contra aliter ac praeue sentientes adstruere et defendere; assiduum insuper ipsi cum amicis tum propinquis loco, quam remotissimis permultis, fuit commercium. Tanta vero fuit huius presbyteri apud omnes etiam Africae episcopos citra inuidiam existimatio, ut summa dignitate inter eos viri, veluti Aurelius, consilia eius lubenter admitterent, et cuncti adeo in Concilio Hipponensi a. 393. sine exemplo coram ipsis *de fide et symbolo* sermonem facere eum iuberent. Quibus omnibus de causis haudquaquam sane inanibus metuens Valerius, ne sibi episcopus deesset ad ecclesiam illam regendam subito euocaretur, petiit ab Aurelio Carthaginis episcopo totiusque Africae primati, ut sibi liceret eum collegam et coepiscopum suum facere. Quod ubi impetrasset, mox clero et populo suo pluribusque episcopis praesentibus significavit et magno cum omnium consensu a Megalio episcopo Calamensi Numidia primati, cuius hae partes erant, postulavit, ut episcopum ordinaret. Intercedebat quidem eius ordinationi, criminis nescio cuius eum insimulans Megalius; sed ubi falsum illud esse, in hoc ipso litigio cognovisset, poenituit eum calumniae, nec diutius in ordinationem eius consensum cohibuit. Sed et ipse Augustinus reluctabatur et non nisi prolatis variis, non Africanis modo, sed transmarinis exemplis, quae ab ecclesiae consuetudine non abhorrere probarent, ut vivente adhuc Episcopo aliis eidem ecclesiae praeficeretur, vinci potuit. Aptè hoc loco ad ingenium hominis declarandum de recusatione eius excidit Benedictinis.

„Non minor erat eius

*modestia et religio, quam tot illustrium virorum, qui aetate illa, ut episcopatum susciperent, sicuti scribit *)*, tenebantur inuiti, perducebantur, includebantur, custodiebantur, patiebantur tanta quae volebant, donec eis adesset voluntas suscipiendi operis boni.“ Contigit ordinatio eius exeunte anno 395. aut sub initium sequentis. In hanc vero tam insignem dignitatem ipse tantum de suo transfudit honorem atque claritudinem, ut nullum eo illustriorem episcopum Ecclesia latina nouerit. Nam etiam ante susceptum episcopatum summa esset presbyteri celebritas, nec ipsos Episcopos puderet eius consilia et vota exsequi, nulla tamen erat auctoritas eius legibus ecclesiasticis confirmata, circumscriptaque agendi licentia alieno arbitrio. Ex quo vero semel ad regendam Ecclesiam Hipponensem euectus est, ex eius nutu atque ordinatione non solum Valerius coëpiscopus, sed Aurelius etiam Carthaginensis episcopus et totius Africae primas, totaque cum eo ecclesia Africana, quin immo transmarinae ecclesiae per totum Occidentem, plurimaeque in Orientis partibus pependerunt.

Nostrium quidem in praesenti non est omnium eius factorum gestorumque historiam contexere, quippe quae cum vniuersa temporum illorum ac euentuum serie tam arcte cohaerent, ut sine accurata istorum enarratione parum concinne fieri possit, nec, si locus minus esset alienus, nostram operam post tot summorum virorum diligentiam requirant. Expectabitur vero imago viri, qualis ab hoc tempore fuerit, ex scriptis eius gestorumque memoria expressa, in qua, si minus acute viderim, qui colorum delectus esset habendus, id reprehendi non aegre

*) Ipsius verba in *Ep. ad Donatum* CLXXIII. n. 3.

aegre patiar. Ac primum quidem huc facit vitae priuatae eius consideratio. Natura vehemens erat, facileque sensibus commouebatur, ita ut quaecunque obicerentur, subito complecteretur, modumque non raro in fruendo excederet. Exercitiis ergo quotidianis huic animi morbo ac imbecillitati mederi instituerat, nempe contemplatione sui ipsius ac investigatione vitiorum, prece porro continua et studio amorem Dei in se augendi. Ac hoc postremum quidem potissimum fuit praesidium, quo contra cupiditatum impetus ac insidias uti soleret. Nimirum ut celeres istos sensuum motus et crebras vibrationes aut sisteret aut saltem praepediret, alio conuertere opus habuit interna quadam contentione animique ad sublimiores cogitationes euectione aut potius raptu, quo plurimum omni tempore ac in omni contemplationis genere homines viuendi ingenii potuisse compertum est. Nec vero iste nifus infirmioris erat cerebri, aut mentem eius de statu deturbabat, sed utebatur etiam in his ratiocinatione quadam ipsi propria et velut ex perfecta cognitione et propiori aspectu inflammari videbatur. Hinc querebatur apud se de lassitudine sua, quae impediret, quo minus Deum, prout vellet, amaret. Metuens scilicet corporis imaginem in Deo concipere, sensu tamen amplecti cupiebat, quae solius intellectus erant. Nam pulcritudinem et dulcedinem Dei laudat et in amplexus eius vitam suam currere dicit et cum illo quasi amico et familiari blando sermone colloquebatur *).

B 2

Nec

*) *Confess. l. XIII. c. VIII. n. 9.* Da mihi te Deus meus, redde te mihi: te enim amo, et si parum est, amem validius. Non possum metiri, ut sciam, quantum desit mihi amoris ad id quod fat est, ut currat vita mea in amplexus tuos, nec auertatur donec

Nec tamen emendare inter ea cessauit, quotquot in se deprehenderet vitia, sed ita, vt non sibi illud arrogaret, sed Deum ipsum operari in se putaret, quo magis eum in dies vicissim amore complecteretur; indeque enata illa de operatione Dei in homine seu gratia diuina effectrice opinio, quae plurimum per totam vitam eius dominata est. Ceterum erat affabilis et blandus, et tam singulis, quam toti ecclesiae suae, bene cupiebat. Mores emendare haud postrema eius erat cura, et nihil fucatae tribuens religioni, bene, discernebat, quae ex recto animi proposito, quaeue

donec abscondatur in abscondito vultus tui. Hoc tantum scio, quia *male est* praeter te, non solum extra me, sed et in me ipso, et omnis mihi copia quae Deus non est, egestas est! *Ibid. Lib. eod. cap. XXIX. et sq. in.* Et attendi vt inuenirem, vtrum septies vel octies videris, quia bona sunt opera tua, cum tibi placuerunt: et in tua visione non inueni tempora, per quae intelligerem, quod toties videris, quae fecisti. Et dixi, O Domine, nonne ista scriptura tua vera est, quoniam tu verax et veritas edidisti eam? Cur ergo tu mihi dicis, non esse in tua visione tempora; et ista scriptura tua mihi dicit per singulos dies, ea quae vidisti te vidisse bona sunt? Et cum ea numerarem, inueni quoties? Ad haec tu dicis mihi, quoniam tu es Deus meus et dicis voce forti in aure interiore seruo tuo perrumpens meam surditatem, et clamans: O homo, nempe quod Scriptura mea dicit, ego dico. Et tamen illa temporaliter dicit, Verbo autem meo tempus non accidit, quia aequali mecum aeternitate consistit. Sic ea, quae vos per spiritum meum videtis, ego video; sicut ea, quae vos per spiritum meum dicitis, ego dico. Atque ita cum vos temporaliter eas videatis, non ego temporaliter ea video. Et audiui Domine Deus meus, et elinxi stillam dulcedinis ex tua veritate.

quaeue ex momentanea commotione aut leuitate aliqua proficiscerentur: id quod tot eius seu ad amicos, seu alios quoscunque consilia, monita atque cohortationes per epistolas communicata declarant. Nec vero disciplinam ecclesiae seueris legibus exercebat, et parcissimus erat in puniendo. Idem nec auarus in augendo ecclesiae patrimonio, quippe qui haereditates non appeteret, quasdam vero sibi oblatas recusaret et redderet; quam ob rem a nonnullis etiam reprehendebatur, quod minus ecclesiae bonis prospiceret. Sed vitae solitariae vt antea cupidissimus, cum per episcopi negotia et officia humanitatis, quae ipsi nouum munus erga hospites iniungebat, sequi illam minime posset, nouum monasterium in ipsa Episcopali domo constituit, vnde iuniores alumnos ad ministeria ecclesiastica subinde prouehere solebat. Ac sane multifariarum rerum administratio cum episcopi talis loci munere in Africa erat coniuncta, in quibus tamen omnibus expediendis ita se gessit, vt nunquam florentiorem Ecclesiae Africanae statum fuisse existiment, quam cum ille summae rerum non loci iure, sed per summam auctoritatem praesset. Nam et concionabatur non solum statis diebus absque intermissione, sed et alias creberrime et nunquam sine ingenti hominum confluxu et studio. Ipse autem summo ardore ac contentione ad fatigationem vsque id agebat, vt verba sua in animos penetrarent, audientes percellerent, commouerent, incenderent *). Praeterea responde-

B 3

bat

*) *Digna sunt verba eius, quae a pluribus ac vulgo solet legantur ex libro de catechizandis rudibus cap. 2. n. 3. „Mihi prope semper sermo meus displicet. Melioris enim audis sum, quo saepe fruor interius, antequam eum explicare verbis fon-*
nan-

bat quotidie iis, qui vel praesentes, vel de priuatis rebus, vel de ecclesiae et fidei rationibus, vel de moribus, vel denique, quod frequentissime fieri solebat, de locis biblicis ipsum consultabant. Vt nihil de iis dicam, qui more iam pridem in ecclesiis inoleto in causis litigiosis, antequam in iure desuper contenderent, arbitrium episcopi deposcere solebant; cuiusmodi interpellationes non exiguo ipsi temporis impendio constabant. Quaestiones autem illae, quas diximus crebro ad eum deferri solitas, ex momentis fere leuibus erant repetitae et ab inani et friuola Africanorum sedulitate profectae, de quibus vere si quid vnquam

nantibus coepero: quod vbi minus, quam mihi notus est, euoluero, contristor linguam meam cordi meo non potuisse sufficere. Totum enim quod intelligo, volo, vt, qui me audit, intelligat; et sentio, me non ita loqui, vt hoc efficiam; maxime, quia ille intellectus quasi rapida corrusionem profundit animum: illa autem locutio tarda et longa est, longeque dissimilis; et dum ista voluitur, iam se illa in secreta sua condidit; tamen quia vestigia quaedam miro modo impressit memoriae, perdurant illa cum syllabarum morulis; atque ex iisdem vestigiis sonantia signa peragimus. *Nos autem plerumque in auditoris utilitatem vehementer ardentes*, ita loqui volumus, quemadmodum tunc intelligimus, cum per ipsam intentionem loqui non possumus. Et quia non succedit, angimur, et velut frustra operam infumamus, taedio marcescimus; atque ex isto taedio languidior fit idem sermo et hebetior, quam erat vnde perduxit taedium. *Sed mihi saepe indicat eorum studium, qui me audire cupiunt, non ita frigidum esse eloquium meum, vt videtur mihi; et eos inde aliquid utile capere, ex eorum delectatione cognosco; mecumque ago sedulo; vt huic exhibendo ministerio non desim, in quo illos video bene accipere quod exhibetur.*

vnquam Erasmus pronuntiauit: „*Vberiores fructus nobis dedisset illud ingenium, si in Italia Galliae vel nasci, vel viuere contigisset. Rudis erat Africa, voluptatum auida, studiorum inimica, curiosarum rerum appetens. Vnde frequenter illum exercent quaestionibus friuolis, nec multum facientibus ad pietatem: et ad suae gentis affectus saepe cogitur attemperare calavum. Verum tali excolendo senticeto tali opus erat agricola. Quamquam digniora lectu scripturus erat, si vel ad Romanorum aut Graecorum iudicia se composuisset, vel minus indulgisset simplicium imperitiae. Sed christiana charitas prius habet prodesse quamplurimis, quam probari praecipuis, fraternae salutis, quam suae gloriae sitientior. Quosdam autem, praecipue mulierculos pia quaedam habebat ambitio, pulchrum esse ducentes, quaecunque scriptum impetrasse ab episcopo. Ita factum est, ut dum vir pius omnium votis obsequitur, minus alicubi satisfaciat lectori fastidioso *)*.” Enimuero non inter Africam solum haec infania erat domestica; sed in Italia etiam aliisque Occidentis prouinciis erant, qui omnes ab eo veluti oraculo quodam quaestiones solui atque explicari posse putarent, quibus non literis solum, sed integris voluminibus saepe respondere opus habuit, dum nemini non satisfacere non magis per summam charitatem, quam laudis ac honoris causa, cuius quidem ad finem vitae appetentissimus mansit, cuperet. Publica deinde ecclesiae cura saepe eum ad Concilia et Synodos vocabat, in quibus partim de disciplina atque moderatione ecclesiae in vniuersum tuenda reparandaue, aut de singulis consuetudinibus disceptabatur, aut de vita et moribus

B 4

cleri-

*) In Praefatione Epistolis praemissa, quae est in Tomo II. Opp. statim in auersa tituli pagina.

clericorum singulorum iudicium fiebat, aut denique pro doctrina confirmanda custodiendaque consilia salutaria agitabantur, ac haereticorum ac schismaticorum dogmata artesque damnabantur et impugnabantur. Interfuit igitur conciliis, de quibus quidem exploratum est, Carthaginensibus, quarto a. 398, quinto eodem anno, sexto et septimo a. 419. in causa appellationum habitis; Africano tertio a. 401. et quarto a. 407; Collationi aduersus Donatistas a. 411; Cirtensi contra eosdem a. 412. et Mileuitano contra Pelagianos a. 418. Atque ut nulla harum Synodorum acta clariora sunt, quam quae ad haereticum impugnationem spectarunt, ita Augustini quoque nulla vel in iisdem, vel suoapte consilio gesta illustriora sunt, quam aduersus suae aetatis haereticos.

Ac contra Manichaeos quidem odium ipsi erat insitum acerrimum ex eo statim tempore, quo primum ad catholicam ecclesiam se recepisset. Quapropter nunquam destitit, eos vel scriptis, vel praesentes, si quos deprehenderet, impugnationibus suis vexare eorumque, ut vocare solebat, artes atque captiones, quibus iuuenibus imprimis insidiarentur, patefacere et inuidia opplere. Contigit etiam nonnullos ab eorum causa auertere, sed scriptis, ex quibus primus post susceptum episcopatum fuit liber contra *Epistolam Manichaei*, quam vocabant *fundamenti*, et grande opus contra *Fauslum*, et aliquanto post *de natura boni*, neminem eorum adduxit, ut vitae suae poeniteret. Quocirca nec veritus est Imperatorem postulare, ut legibus olim contra Manichaeos latis iuxta cum illis contra alios haereticos vigorem reduceret. At longe acerbior pugna ipsi cum Donatistis fuit. Dirum illud schisma inter utramque ecclesiam iam ab ineunte saeculo quarto omnem

omnem Africam peruaferat et veluti aura pestifera letali halitu suo omnia paene christianae charitatis et moderationis germina in animis enecauerat. Plurimum vi et aperto bello inuicem egerant animisque semper infensioribus vtraque pars a certamine redierant. Nec parum auxerat tumultus, quod de Iuliano tradi solet, eum Donatistarum furorem contra Catholicos aluisse. Iam dimidia fere pars omnium ecclesiarum in manibus Donatistarum erat, cum Augustinus ad certamen cum ipsis suo Marte subeundum se pararet. Vidit ille primum ea parte belli, qua haecenus a Catholicis dimicatum erat, parum feliciter rem profligari et ad exitum perducere posse, dum totius dissidii cardo in eo verteretur, vtra pars veram ecclesiam sequeretur; vtrum Donatistae schismatici, an Catholici potius exclusi dicendi essent; quae quidem quaestio cum ad superioris temporis gesta a Donatistis reuocari solebat, ad vtriusque assensum dirimi non poterat. At ille cautior non huic gurgiti se immisit, sed aggredi eos coepit ex eo, quod baptismum in iis, qui a Catholicis ad ipsos transissent, iterari iuberent; quod sicuti ab omnium ecclesiarum usu abhorrens atque noua temeritate introductum contendebat, ita fidei quoque aduersari urgebat, indeque non solum schismaticos, sed haereticos et fidei contaminatores eos esse coëgit. Tum vero nihil antiquius habuit, quam ut eos ad colloquia publica secum instituenda pelliceret; quo fore praevidebat, ut seu venirent et in obstinatione sua persisterent, seu detractarent collationem, inuidiae et apud suos laicos, quos auertere maximi sane momenti erat, et apud imperatores, si quando eorum auxilium implorandum esset, grauissimo pondere oppressum iri. Primum igitur iam a. 395. Proculeianum episcopum Donatistarum apud Hipponem, cum

ipse tum per alios etiam de colloquio sollicitavit; quod cum ille constanter recusasset, anno 397. Fortunium Tuburci episcopum cum ipse visitaret, ad disputationem secum, audiente plebe, impulit, eandemque causam per literas cum Fortunato egit. Similiter a. 400. Crispinum Calamensem Donatistarum episcopum, ut secum de dissidii causa disputaret, per literas prouocauit; nec non alios identidem. Interea a. 400. prodiit Petiliani epistola, qua suae ecclesiae causam strenue tuebatur acriterque exprobrabat Catholicis insidias, quibus Donatistas peterent; quam collectam ex pluribus, quibus dissecta circumferri solebat, particulis Augustinus accurate refellere conatus est; quo tempore, vel etiam ante, contra Parmeniani quoque epistolam scripsit. Cum porro a. 401. idibus Septembribus secundum Carthaginense Concilium habitum esset, actumque in eo de reducendis ad ecclesiam Donatistis, pacifice ac benigne actum iri cum iis visum est, si legati ad magistratus mitterentur, qui gestorum inter Donatistas et Maximinianistas acta peterent, iisque partim ad convincendos eos, partim diffamando ad minuendam eorum apud suos auctoritatem vterentur. Quod successu non omni caruit, eoque animati catholici episcopi passim discurrentes, partim plebem sermonibus habitis a Donatistis abstrahere, partim publica interpellatione clericos eorum ad colloquia secum habenda pellicere tentarunt; tametsi verisimile est, aliquos eorum, qui parum verecunde rem gessissent, a plebe irata, vel etiam incitata, inclementius tractatos esse. Examinati hi legati in concilio a. 403. octauo Kalendas Septembres apud Carthaginem coacto, placuitque denuo circumire magistratus ac seniores locorum et per antistites Donatistarum interpellare, ut aliquos ex numero suorum deligerent, qui cum Ca-
tho-

tholicis loco constituto de causa sua disceptarent. Ne vero haec tumultuarie ac inuitis potestatibus saecularibus fierent, oblata est ab Aurelio et approbata in concilio conuentionis formula, quibus omnes emissarii vterentur, literarumque simul, quibus a gubernatoribus prouinciarum postularetur, vt per magistratus locorum Donatistas conuenire liceret. Praeter haec Augustinus epistolas ad laicos Donatistarum circumferri curauit, quibus adhortabatur, vt praesules suos, si ad colloquium venire nollent, ad solvendas difficultates, quibus in fide eorum Catholici offenderentur, cogerent, aut ex recusatione eorum futilitatis argumenta caperent. Quibus sollicitationibus et velut incurvationibus magis exacerbati aduersariorum animi, et nonnulla crudeliter a plebe sunt perpetrata, quae iustam speciem imperatorum auxilium implorandi praebuerunt. Decretum ergo, vt legati Italiam et ad ipsum Imperatorem et ad ministros eius praecipuos et episcopos eorum locorum, in quibus ille forte versaretur, mitterentur hoc nomine, vt leges generaliter a Theodosio in omnes haereticos constitutae expressius in Donatistas excitarentur. Nec tamen hisce demum suis literis commotum, sed iam praeventum fama immanium Donatistarum scelerum imperatorem, cum praeteritis legibus vim reddidisse, tum nouas in eosdem poenas edicto idib. Febr. a. 405. promulgato sanxisse, a Catholicis proditum est. Ac tantum sane valuerunt hae minae, vt ad primum terrorem ex multitudine quidam castra Donatistarum defererent, sed vbi remissius cum ipsis per prudentiam gubernatorum, qui tantam hominum multitudinem tempore iniquissimo ab imperatore abalienari metuebant, agi coepisset, omnis sensim spes Catholicorum evanuit. Quapropter illi, non desisterunt ab Honorio iterata vice flagitare, vt
leges

leges promulgatae ratae haberentur, qui quidem non semel eorum obtestationibus cessit legumque executionem protrahi vetuit. Sed inter haec ipsa medio fere anno 409. vel prudentiorum consiliis, aut Donatistarum precibus indulgens, cuicunque liberum religionis exercitium fore edixit. Quod tanto intolerabilius accidit Catholicis, quo confidentius famam de hac futura indulgentia inter Donatistas subortam irriferant ipseque Augustinus literis publice ad vniuersos directis captiose vanos eiusmodi rumores ab iis spargi obiecerat *). Proinde graue rerum suarum discrimen metuentes, frequenter conuenere Carthaginem a. 410. decretumque in Concilio, legatos mitti ad Imperatorem, qui quocunque modo impetrarent, vt abrogata inuisa illa lege, qua cunctis, et haereticis et paganis, ius sacra propria exercendi concessum erat, vniuersi Donatistarum episcopi seueris edictis ad Collationem cum Catholicis ineundam compellerentur. Nec satis fuit Augustino, *horum omnium iudice Possidio inceptor et exsecutori*, eos cogi, sed nec accusatos videri voluit, ne scilicet ipsum cum suis accusatorum partes sustinere oporteret, delatumque apud Imperatorem, eos ipsos a. 406. Collationem talem postulasse. Captus est Honorius abolitaque pristina indulgentia, lege pridie idus Octobris a. 410. Rauennae data et promulgata in Africa ante XIV. Kalendar. Iun. seu die circiter XIV. Kalendar. Febr. a. 411. omnes Donati partium episcopi quarto iussi ab edicto mense Carthagine ad Collationem praesto esse. Quodsi ad id tempus venire detrectassent, scriptum erat, duorum amplius mensium spatium concedi, quo iterum et tertio vocarentur. Sin nec tum quidem adessent contumaciae poenas datu-

*) Epist. CV. ed. Bened.

datuos populosque vniuersos ad praestandum ecclesiae Catholicae obsequium cogendos, et ecclesias, quotquot in eorum potestate essent, restituendas esse. Conuenere ad diem praestitutam omnes profecti ex remotissimis Africae prouinciis, itineribus molestis non minus quam sumptuosis, ignari, quo nomine et in quem finem, actaque a Kalendis Iuniis a. 411. praesentibus CCLXXIX. Donatistarum et CCLXXXVI. Catholicorum episcopis delectisque ad disputandum vtrique septem, praeside vero et iudice Marcellino Tribuno ad id negotium ab Augustis delegato, decantata illa Collatio, cuius exitum iam satis aperte Edictum imperatoris monstrauerat. Damnati a Marcellino et paulo post Honorii lege tertio Kal. Febr. a. 412. proposita et poenae in eos sancitae, vt, si ad ecclesiam Catholicam reuerti nollent, omnes tum clerici, tum laici, possessionibus suis et ecclesiis exuti, in exilium pellerentur. Quo facto magna pars eorum, certe locupletiores, necessitati paruerunt; multi tamen exilium passi sunt, alii latuerunt, nec pauci etiam palam ac peruicaciter resisterunt seque suamque causam publice tueri ausi sunt, haud dubie, quod nossent tot hominum millia per tot distitas invicem prouincias non desultoria opera opprimi posse. Ac sic euenit sane. Tam lente enim persecutio processit, vt seueriore imperatoris lege opus esse videretur, quae a. 414. X. Kalendas Iulias publicata est priori per singula capita insistens. Equidem vero quamquam negare non ausim, Augustinum moderate victoria sua usum esse, aegre tamen adducor, vt eius et reliquorum Catholicorum episcoporum, vt Benedictini volunt, intercessionibus mitius Donatistas habitos esse credam. Quippe satius haud dubie erat, errantes patienter ferre et cum vitae integrae, tum charitatis vere christianae exemplis, si non vnitatem,

tatem, saltem ad pacem cum Catholica ecclesia agendam adducere, quam absque vlla intermissione lacessere, calumniari apud imperatorem, libertate iurium suorum priuare, ac tandem per summam iniquitatem sub specie iusti in extremum discrimen adductos misericordia fouere. Nam illa charitas, quam de suggestu praedicabat Sanctus Doctor tunc, cum aliqui ex iis rebus suis spoliati, aut aliorum miseria in furorem acti, in catholicum quendam suarum partium desertorem sceleratas manus iniecissent, nescio, cui vsui erat futura *). Idem vero, cum paulo post crescente legum seueritate multa millia hominum, qui sedibus suis, puto, expulsi et omnibus necessitatibus egentes non habebant, quo confugerent, sibi met ipsis manus inferrent, securus ea spectabat et in has voces Loyolitis exempla praebituras erupit: „*Si putas moueri nos oportere, quia isto modo tot millia moriuntur; quantum existimas nos habere consolationis, quod a tanta dementia partis Donati, ubi non solum nefariae diuisionis error, verum etiam furor iste lex facta est, longe atque incomparabiliter plura millia liberentur? **)* Item Populorum congregationes per plurimas Africae regiones ab illa perditione (Donatarum) liberatorum, si sub vno conspectu videres, tunc diceres, nimiae fuisse crudelitatis, si dum timeretur, ne homines desperati, et istorum innumerabili multitudini nulla aestimatione comparandi, suis et voluntariis ignibus cremarentur, isti in aeternum per-

*) In *Sermone* ad populum hac occasione habito in *ed. Bened. CCCLIX. n. 8.* Noua nobis nuntiata sunt, inquit; cuidam presbytero nostro linguam excueuerunt. Isti phrenetici sunt: EXERCENDA EST CHARITAS; AMANDI ET IPSI!

**) *Contra Gaudent. l. I. c. 29.*

perdendi et sempiternis ignibus cruciandi relinquerentur *).“ Hoc animo et his armis, id est, hac moderatione, patientia et charitate in ferendis aliorum erroribus et hac exercitatione, perseverantia et fiducia in debellandis vincendisque ecclesiae hostibus Pelagianos aggressus est. Initia et progressus istius haeresis quantum cum vita auctorum suorum ac defensorum coniuncta fuerunt, in Pelagii, Coelestii, Iuliani, Cassiani aliorumque, quorum de scriptis aliquid ad nos peruenit, memoria tangimus et in praesenti etiam satis esse existimamus, ut ad illos lectores ablegentur. Certe hic nihil erat eorum, quae tanta specie contra Donatistas iactata sunt, non animus paci et communioni ecclesiae inimicus, non rixae et litigia prius ab ipsis mota, nullus schismatis turbarumue metus, nihil in vita ipsorum probrosum aut tantum contemnibile. Immo homines erant sanae mentis, indolis erectae, docti quidem longe supra clericorum vulgus ipsumque eorum coryphaeum Augustinum, nullaue ingenii laude deteriores, boni denique et sanctitatis fama adeo inclyti; sed huic uni crimini obnoxii, quod doctrinam profiteri auderent, magni nostri doctoris visionibus recens subnatis plane contrariam. Nam quid olim in altercatione cum Manichaeis de liberi arbitrii vi et natura senserit scripseritque, iam in antecedentibus dictum est. Accidit vero, ut, cum Simplicianus Mediolanensis, post Ambrosiae obitum (a. 395.) episcopus, cuius consilio

*) In libro *de Correctione Donatistarum* (qui in hac causa ultimus eius fuit) seu *Epistola ad Bonifacium* Tribunum, postea Africae comitem *ed. Bened. CLXXXV. cap. 8. n. 32.* Nimirum haec est illa *charitas, quam non ordine amandi, sed ordine subueniendi* procedere ait in *ep. ad Honoratum CXXXIX. n. 3.*

lio monitisque olim in conuersione sua vsus erat Augustinus, ad eum literas de loco atque conditione eius gratulatorias dedisset, simulque quaestiones aliquot partim de epistola ad Romanos, partim de libris Regum enodandas proposuisset, in locum I Cor. IV. 7. et verba, *Quid habes, quod non acceperis*, incidens, consideratione tempestiua adhibita, pristinam sententiam deponeret, fideique initium et bona opera ex ea consequentia non amplius humani arbitrii, sed merum dei donum statueret. Arcē haec coniuncta erant cum illo animi ipsius, qualem supra descripsimus, statu, tantoque cupidius arripiebat, fortiusque tenebat ea, quo magis hanc diuinæ gratiae operationem in semetipso sentire sibi visus erat. Sed vnde tantas subito iras tamque exitiale odium in huius opinionis nouae aduersarios conceperit, vt non solum voce et scriptis quam plurimis *) litem ipsis intenderet, sed in Palaestinam etiam Italiamque et Constantinopolim vsque bellum transferret, et, dum ipse patientiam in ore gereret et fraternam charitatem vultu ostenderet, homines ira tumidos et audacissimos, immo vero et flagitiosos ad infectandos eos subornaret, rabiem S. Hieronymi stimularet, Patrum Africanorum congregationes et Pontificem Romanum Innocentium, Bellonae quasi spiritu afflaret, tandemque ab ipso imperiali culmine fulmen peteret: id non facile intelliget, nisi qui per diuturnum cum Donatistis conflictum animum eius efferari et praecordia atra bile obduci spectauerit. Quantumvis autem virium ac machinarum ad opprimendos eos.

*) Horum indicem peculiarem iuxta singulos annos composuit Io. Garnerius in Diff. VI. ad Mar. Mercatorem, de scriptis aduersus Haeresim Pelagianam Cap. II. pag. 342-354.

eos exhauriret, viros tamen, tanta in scriptis gravitate, tantosque per vitam veritatis, quam profiterentur, testes non potuit tot verborum inanium et interpretationum ludicarum obstreperaculis sexcenties repetitis erroris convincere, aut, nisi apud eos, qui iam ab eo praeoccupati erant, vel auctoritatem eius sequi mallent, quam ipsi experiri, vel aliud quidpiam hoc obsequio intenderent, ipsis derogare. Quid? quod ipsius adeo libri novas lites subinde pepererunt, quas tantum abfuit, ut novis scriptis, quibus subuenire certe non cessabat, dirimeret, ut potius maiores inde tumultus exorirentur; quemadmodum Aduerbinorum et Massiliensium monachorum historia testatur. Licet autem non Manichaeos solum Donatistasque et Pelagianos bello petiit sanctissimus iheros, tamen libri illius *contra Marcionistas*, (inscripti contra aduersarium legis et Prophetarum) *Priscillianistas* (ad Orosium, Consentium et Ceretium directi) et *Novatianos* (per epistolam ad Seleucianam) quemuis alium nobilitaturi, iuxta illustres illas expeditiones positi fere evanescent. Idem de velitatione *contra Iudaeos* dixeris. Nec *Paganos* ab eo impugnatos quisquam nostrum nosset, nisi mole et eruditione iuxta conspicuum opus *de Ciuitate Dei* loqueretur. Acquieuit in libro *de haeresibus*, quem anno 429. accensere solent. Cum iampridem successorem suum Eradium presbyterum destinasset, secure illud momentum expectabat, quo curam ecclesiae non deponere, sed in alium transferre iuberetur, animamque Deo reddidit quinto Kalendas Septembres (d. XXVIII. Augusti) a. 430. Hippone, in tertium mensem a Vandalis obfessa.

I. *Scripta* Augustini *genuina*, seruato *Retracta*-s.2. *Scriptationum* ordine, quem similiter auctores Magnae Bibliothecae Patrum secuti sunt.

16. *Acta contra Fortunatum* quendam Manichaeorum Presb. quocum disputauerat d. 28 et 29. Aug. a. 392. Ext. in ed. *Erasmi*. et *Louan.* T. VI. *Bened.* VIII.
17. *De Fide et Symbolo* liber natus ex sermone, quem coram Episcopis in Concilio Hipponensi a. 393. presbyter adhuc habuit. Ext. in ed. *Erasmi*. et *Louan.* T. III. *Bened.* VI.
18. *De Genesi ad literam* liber imperfectus circiter a. 393. scriptus. Ext. in ed. *Erasmi*. *Louan.* et *Bened.* T. III.
19. *De Sermone Christi in monte* ad Matth. c. V. VI. VII. libri II. circa a. 393. Ext. in ed. *Erasmi*. et *Louan.* T. IV. *Bened.* III.
20. *Psalmus contra Donatistas* a. 393. Ext. in ed. *Erasmi*. et *Louan.* T. VII. P. I. *Bened.* IX.
- [21.] Ad eundem fere a. 393. referendus est liber deperditus *contra Epistolam Donati*, Carth. Episc. Schismatici. Nam proxime post *Psalmum* ponit *Augustinus* *Retract.* I. 21.
22. *Contra Adimantum* liber a. 394. Ext. in ed. *Erasmi*. et *Louan.* T. VI. *Bened.* VIII.
23. *Expositio quarundam Propositionum* ex Epist. Pauli ad Romanos. Dedit Carthagine adhuc presbyter a. 394. Ext. in ed. *Erasmi*. et *Louan.* T. IV. *Bened.* III.
24. *Expositio Epistolae ad Galatas* eodem circiter anno scripta. Ext. in ed. *Erasmi*. et *Louan.* T. IV. *Bened.* III.
25. *Expositio Epistolae ad Romanos inchoata* sub idem fere tempus. Ext. in ed. *Erasmi*. et *Louan.* T. IV. *Bened.* III.
26. *De Mendacio ad Consentium* liber a. 395. Ext. in ed. *Erasmi*. et *Louan.* T. IV. *Bened.* VI.

27. *De continentia* liber in *Pf. CXLI. v. 3. 4. scr. c.*
a. 395. Ext. in ed. *Erasmi. et Louan. T. IV. Bened. VI.*
28. *De diuersis Quaestionibus LXXXIII. siue Responsiones ad Quaestiones LXXXIII.* Has Augustinus a fratribus interrogatus, nullo obseruato ordine, dictauit in Africa c. a. 390. Episcopus vero factus, eas colligi iussit, et vnum ex iis librum fieri curauit a. 398. Ext. in ed. *Erasmi. et Louan. T. IV. Bened. T. VI.*
29. *De diuersis Quaestionibus VII. Libri II.* Qui primi omnium sunt, quos Episcopus scripsit *Augustinus ad Simplicianum* Mediol. Episc. qui S. Ambrosio suffectus est a. 397. Ext. in ed. *Erasmi. et Louan. T. IV. Bened. VI.*
30. *Contra Manetis* Epistolam, cui titulus *Fundamenti*, liber scriptus circiter a. 397. Ext. in ed. *Erasmi. et Louan. T. VI. Bened. VIII.*
31. *De agone Christiano* a. 396. conscriptus. Ext. in ed. *Erasmi. et Louan. T. III. Bened. VI.*
32. *De Doctrina Christiana* libri IV. Hos inchoauit circa a. 397. verum ad tertii libri caput tertium absoluit, tribusque quartum addidit a. 426. Ext. in ed. *Erasmi. Louan. et Bened. T. III.*
- [33.] Ad a. 398. referendi quoque *Contra partem Donati* libri duo, quorum meminit *Retract. I, 5.* Sed non amplius extant.
34. *De Fide rerum, quae non videntur.* Hunc tractatum *Erasmus* et eum secuti *Louanienses* tanquam spurium et ex *Augustini* scriptis confarcinatum reiecerant; *Benedictini* vero pro genuino receperunt. Videtur ad a. 399. referendus. Ext. in ed. *Erasmi. et Louan. T. IV. Append. Bened. T. VI.*

35. *Confessionum* libri XIII. circa a. 400. scripti.
Ext. in ed. *Erasmi. Louan. et Bened. T. I.*
36. *Contra Faustum Manichaeum Disputationes* seu
libri XXXIII. Opus absolutum c. a. 400. quod ad
Hieronymum misit a. 404. Ext. in ed. *Erasmi. et*
Louan. T. VI. Bened. VIII.
37. *De actis cum Felice Manichaeo* libri II, sunt *acta*
Collationis, quam cum eo habuit *Augustinus* Hip-
pone mense Decembri a. 404. Ext. in ed. *Erasmi.*
et Louan. T. VI. Bened. VIII.
38. *De natura Boni* liber aduersus Manichaeos scr.
post a. 404. Ext. in ed. *Erasmi. et Louan. T. VI.*
Bened. VIII.
39. *Aduersus Secundinum Manichaeum* liber scr. a.
circa 405. Ext. in ed. *Erasmi. et Louan. T. VI.*
Bened. VIII.
- [40.] Hic referendus esset, si extaret, quem contra
Hilarium quendam virum tribunitium laicum Ca-
tholicum scripsisse se testatur *Retract. lib. II. cap. II.*
41. *Quaestionum Evangelicarum* XCVIII. libri II.
quos festinanter admodum scripsit *Augustinus* post
a. 400. Ext. in ed. *Erasmi. et Louan. T. IV. Be-*
ned. III.
42. *Annotationes in Iobum* scriptae versus a. 400.
Ext. in ed. *Erasmi. et Louan. T. IV. Bened. III.*
43. *De catechizandis rudibus* liber post a. 400. scri-
ptus. Ext. in ed. *Erasmi. et Louan. T. IV. Be-*
ned. VI.
44. *De Trinitate* libri XV. a. 400. inchoati, a. 416.
absoluti. Ext. in ed. *Erasmi. et Louan. T. III. Be-*
ned. VIII.
45. *De consensu Evangelistarum* libri IV. versus a.
400. scripti, quos inter scribendum libros de Tri-
nitate composuit. Ext. in ed. *Erasmi. et Louan.*
T. IV. Bened. III.

46. *Contra Parmeniani*, Donati in sede Carthag. successoris, *Epistolam ad Tychonium* scr. c. a. 400. Ext. in ed. *Erasm.* et *Louan.* T. VII. *Bened.* IX.
47. *De Baptismo* libri VII. eodem tempore aduersus Donatistas exarati. Ext. in ed. *Erasm.* et *Louan.* T. VII. *Bened.* IX.
- [48.] Sequitur in *Retractionum* serie, lib. II. c. 19. proxime liber, cui tit. *Contra quod attulit Centurius a Donatistis*: qui non extat.
49. *Ad Inquisitiones Ianuarii* libri II. c. 2. 400. scr. Ext. in ed. *Erasm.* *Louan.* et *Bened.* T. II.
50. *De Opere Monachorum* liber iubente *Aurelio*, Episc. Carthag. c. a. 400. scr. Ext. in ed. *Erasm.* et *Louan.* T. III. *Bened.* T. VI.
51. *De Bono coniugali* liber aduersus Iovinianum a. 400. scr. Ext. in ed. *Erasm.* *Louan.* et *Bened.* T. VI.
53. *De Genesi ad Literam* libri XII. a. 401. inchoati, absoluti a. 415. Ext. in ed. *Erasm.* *Louan.* et *Bened.* T. III.
54. *Contra Literas Petiliani Donatistae*, Cirtensis vel Constantinienfis in Numidia Episc. libri III. Ext. in ed. *Erasm.* et *Louan.* T. VII. *Bened.* IX.
55. *Ad Catholicos Epistola contra Donatistas* vulgo de *unitate Ecclesiae* liber, qui a quibusdam non *Augustini* putatur, a *Dupinio* tamen ei asseritur et ad a. 402. refertur. Ext. in ed. *Erasm.* et *Louan.* T. VII. *Bened.* IX.
56. *Contra Cresconium Grammaticum*, qui *Petiliani* causam defendendam suscepit, libri IV. a. 406. scr. Ext. in ed. *Erasm.* et *Louan.* T. VII. *Bened.* IX.

Hoc loco subiungendi fuissent, si extarent, libri tres subsequentes, quorum *Augustinus* meminit *Retract.* II. c. 27. 28. 29, scilicet,

- [57.] *Liber Probationum et Testimoniorum contra Donatistas.*
- [58.] *Contra nescio quem Donatistam.*
- [59.] *Admonitio Donatistarum de Maximianistis.*
60. *Liber de Diuinatione Daemonum* scr. inter a. 406 et 411. Ext. in ed. *Erasmi*. et *Louan.* T. III. *Bened.* VI.
61. *De sex quaestionibus contra Paganos* expositis liber ad *Deo gratias* Presbyterum, c. a. 408. scr. videtur. Meminit *Augustinus* *Retract.* II. 31. Inter epistolas editus est (olim 49. nunc 102.) in ed. *Erasmi*. *Louan.* et *Bened.* T. II.
- [62.] Sequitur in *Retract.* lib. II. 32. *Expositio Epistolae S. Iacobi*, quae non extat.
63. *De peccatorum meritis et remissione ac de Baptismo Parvulorum* Libri III. ad *Marcellinum* scr. a. 412. Ext. in ed. *Erasmi*. et *Louan.* T. VII. P. II. *Bened.* X.
64. *De unico Baptismo* liber eodem tempore scr. Ext. in ed. *Erasmi*. et *Louan.* T. VII. *Bened.* IX.
- [65.] Quem post opus de *unico Baptismo* recenset *Augustinus* II. 35. liber de *Maximianistis contra Donatistas*, iam non amplius restat.
66. *De Gratia Noui Testamenti* liber ad *Honoratum* scr. c. a. 412. Ext. in ed. *Erasmi*. *Louan.* et *Bened.* T. II.
67. *De Spiritu et Litera* liber ad *Marcellinum* a. 412. vel 413. scr. Ext. in ed. *Erasmi*. et *Louan.* T. III. *Bened.* X.
68. *De Fide et Operibus* liber scr. a. 413. Ext. in ed. *Erasmi*. et *Louan.* T. IV. *Bened.* VI.
69. *Breuiulus Collationum contra Donatistas* scr. sub finem a. 411. Ext. in ed. *Erasmi*. et *Louan.* T. VII. *Bened.* IX.

70. *Ad Donatistas* post dictam *Collationem* liber forte sub init. a. 412. scr. Ext. in ed. *Erasmi*. et *Louan.* T. VII. *Bened.* IX.
71. *De videndo Deo ad Paulinam* liber. Ext. in ed. *Erasmi*. *Louan.* et *Bened.* T. II.
72. *De natura et Gratia contra Pelagianos* liber a. 415. scr. Ext. in ed. *Erasmi*. et *Louan.* T. VII. P. II. *Bened.* T. X.
73. *De Perfectione iustitiae hominis* ad Eutropium et Paulum, Episcopos Gallicanos, liber seu Epistola scr. a. 415. Ext. in ed. *Erasmi*. et *Louan.* T. VII. P. II. *Bened.* X.
74. *De Ciuitate Dei* libri XXII. ad Comitem *Marcellinum*, quos aggressus est scribere *Augustinus* a. 413. post captam ab *Alarico*, Gothorum Rege, Urbem Romam, absoluit demum a. 427 vel 428. Ext. in ed. *Erasmi*. et *Louan.* T. V. *Bened.* VII.
75. *De bono Viduitatis* liber (seu Epistola). Non meminit eius in *Retractionibus*, sed a Possidio in indicem relata est. Ext. in ed. *Erasmi*. et *Louan.* T. IV. *Bened.* VI.
76. *Contra Priscillianistas et Origenistas* liber a. 415. scr. ad Paulum Orosium Hispanum. Ext. in ed. *Erasmi*. et *Louan.* T. VI. *Bened.* VIII.
77. *De origine animae* ad Hieronymum. vid. infra n. 92.
- [78.] Sequitur in *Retract.* lib. II. c. 46. liber ad *Emeritum*, Donatistarum Episc. qui hodie non extat. cf. n. 85. 86.
79. *De Gestis Pelagii contra Aduersarios Gratiae D. N. I. C.* liber a. 416. seu 417. scr. ad Aurelium, Episc. Carthag. Ext. in *Supplem. Vignerii* T. I. p. 413 sqq. et ed. *Bened.* T. X.
80. *De correctione Donatistarum* liber ad Bonifacium Tribunum ac demum Comitem in Africa scr.

- scr. c. a. 417. Extat inter Epistolas olim 50. nunc 185. ed. *Erasmi. Louan. et Bened. T. II.*
81. *De Praesentia Dei* liber ad Dardanum in Galliis Praefectum scr. circa idem tempus. Extat inter epistolas (olim 57. nunc 187.) edit. *Erasmi. Louan. et Bened. T. II.*
82. *In Euangelium Iohannis* Tractatus CXXIV. quibus praefixa est *Praefatio* incerti Auctoris. Sermones sunt ab *Augustino* pro Concione habiti annis 416 et 417. Ext. in ed. *Erasmi. et Louan. T. IX. Bened. III.*
83. *In Epistolam I. Diui Iohannis ad Parthos* Tractatus X. sub idem tempus scripti. Ext. in ed. *Erasmi. et Louan. T. IX. Bened. III.*
84. *De Gratia Christi et Peccato Originali contra Pelagium et Coelestium* libri II. circa medium a. 408. scr. Ext. in ed. *Erasmi. et Louan. T. VII. Bened. X.*
85. *De gestis cum Emerito Caesareae in Mauritania Donatistarum Episcopo* liber a. 413. vel 418. script.
86. *Sermo ad Caesariensis Ecclesiae plebem* Emerito praesente habitus. Ext. in ed. *Erasmi. et Louan. T. VII. Bened. IX.*
87. *Contra Sermonem quendam Arianorum* sine Auctoris nomine liber a. 418. scr. Ext. in ed. *Erasmi. et Louan. T. VI. Bened. VIII.*
88. *De Patientia* liber vel potius Sermo scr. vt creditur, ante a. 418. Ext. in ed. *Erasmi. et Louan. T. IV. Bened. VI.*
89. *De Nuptiis et Concupiscentia* ad *Valerium* Comitem libri II. Prior scriptus est a. 418. exeunte, secundus a. 420. Ext. in ed. *Erasmi. et Louan. T. VII. P. II. Bened. T. X.*

90. *Locutionum* libri VII. c. a. 419. scripti. Ext. in ed. *Erasmi*. Louan. et *Bened.* T. III.
91. *Quaestionum in Heptateuchum* DCLXV. libri VII. eod. a. 419. scr. Ext. in ed. *Erasmi*. et Louan. T. IV. *Bened.* III.
92. *De anima et eius origine* libri IV. a. 419 et 420. scripti. Ext. in ed. *Erasmi*. et Louan. T. VII. P. II. *Bened.* X.
- Ceterum scripserat *Augustinus* a. 415. ad S. Hieronymum *de origine animae* librum, qui inter Epistolas extat ordine CLXVI. in ed. *Bened.* alias 28. simulque alterum de sententia D. Iacobi Apostoli II. 10. *Qui offenderit in vno, factus est omnium reus*, Epist. CLXVII. olim 29. Vtramque tanquam libros recensuit *Augustinus* *Retract.* lib. II. c. 45.
93. *De coniugiis adulterinis ad Pollentium* libri II. scr. a. 419. Ext. in ed. *Erasmi*. Louan. et *Bened.* T. VI.
94. *Contra Aduersarium Legis et Prophetarum* libri II. scr. a. 420. Ext. in ed. *Erasmi*. et Louan. T. VI. *Bened.* VIII.
95. *Contra Gaudentium*, Thamugadensem Episc. Donatistarum libri II. eodem a. 420. scr. Ext. in ed. *Erasmi*. et Louan. T. VII. *Bened.* IX.
96. *Contra Mendacium* liber ad *Consentium* a. 420. scr. Ext. in ed. *Erasmi*. et Louan. T. IV. *Bened.* VI.
97. *Contra duas Epistolas Pelagianorum* libri IV. ad *Bonifacium* I. Episc. Rom. *Zosimi* successorem, scripti a. 420. vel paulo post. Ext. in ed. *Erasmi*. et Louan. T. VII. P. II. *Bened.* X.
98. *Contra Iulianum* libri VI. a. 421. scripti. Ext. in ed. *Erasmi*. et Louan. T. VII. P. I. *Bened.* X.

99. *Enchiridion* s. *Manuale* ad Laurentium. *de Fide, Spe et Charitate*, scr. 421. Ext in ed. *Erasmi*. et *Louan.* T. III. *Bened.* VI.
100. *De cura pro mortuis gerenda* a. 421. scr. Ext. in ed. *Erasmi*. et *Louan.* T. IV. *Bened.* VI.
101. *De octo Dulcitii Quaestionibus* liber scr. a. 422. Ext. in ed. *Erasmi*. et *Louan.* T. IV. *Bened.* VI.
102. *Regula ad servos Dei* de tribus vltima *), de qua dubitat *Erasmus*, licet indignam *Augustino* non iudicet, asserunt plane *Benedictini*. Extat in Epistola CCXI. (alias CIX.) Sanctimonialibus ab ipso scripta a. 423. vel 424. Inde vero depromptam virisque aptatam fuisse dicunt. Ed. *Erasmi*. *Louan.* et *Bened.* T. I.
103. *De Gratia et Libero Arbitrio* ad *Valentinum Abbatem* et *Monachos Adrumetinos* scr. a. 426. vel 427. Ext. in ed. *Erasmi*. et *Louan.* T. VII. P. II. *Bened.* X.
104. *De Correptione et Gratia* liber ad *Monachos* item *Adrumetinos* a. 427. scriptus.
105. *Retractionum* libri II. in quibus *Augustinus* opera sua XCIV. in libris CCXXX. recenset ad annum vsque 427. quo scripti sunt. Ext. in ed. *Erasmi*. *Louan.* et *Bened.* T. I.
106. *De Haeresibus* liber intra a. 428 et 430. absolutus. Ext. in ed. *Erasmi*. et *Louan.* T. VI. *Bened.* VIII.
107. *Tractatus* s. *liber de Incarnatione Domini adversus Iudaeos* post librum de *Haeresibus* a *Benedictinis* ponitur. Ext. in ed. *Erasmi*. et *Louan.* T. VI. *Bened.* VIII.
108. 109. *Collatio cum Maximino Arianorum Episcopo* librique duo contra eundem. Collatio habita est

*) De reliquis vide infra n. 21. 22. in *Dubiis*.

- est a. 428. Hippone. Ext. in ed. *Erasm.* et *Louan.* T. VI. *Bened.* VIII.
110. *De Praedestinatione Sanctorum* liber ad *Prosperum* et *Hilarium* scr. a. 428. vel 429. Ext. in ed. *Erasm.* et *Louan.* T. VI. *Bened.* X.
111. *De Praedestinatione Sanctorum* liber Ildus, vulgo *de Dono Perseuerantiae* nuncupatus ad eodem scr. a. 428. vel 429. Ext. in ed. *Erasm.* et *Louan.* T. VI. *Bened.* X.
112. *Contra secundam Iuliani responsionem, opus imperfectum sex libros complectens* scr. a. 428. vel 429. Ext. in *Viguerii Supplem.* T. II. *Bened.* ed. X.
113. *Speculum ex utroque Testamento* sub a. 427. scriptum et a *Possidio* in *Indiculo* et *Vita Augustini* memoratum. Ext. in ed. *Erasm.* et *Louan.* T. III. *Viguerii Suppl.* I. *Bened.* III.
114. *Examinationes in Psalmos Davidis* CL. Ext. in ed. *Erasm.* et *Louan.* T. VIII. *Bened.* IV.
115. *Epistolae* numero CCLXXI. iuxta ordinem chronologicum a Benedictinis in IV. Classes dispositae. Ima Classis eas continet, quas Augustinus nondum episcopus scripsit ab a. 386 ad 395. IIda, quas ab eo tempore scripsit ante *Collationem Carthaginensem* cum Donatistis habitam et detectam in Africa *Pelagii* haeresin, i. e. ab a. 396. ad 412. IIIa, quas ab eo tempore ad obitum scripsit, nempe ab a. 411 ad 430. IVa eas, quarum tempus minus compertum habetur, quas tamen omnes ab *Augustino* iam episcopo scriptas esse certum est. *Augustini* Epistolis antea vulgatis paucae hactenus ineditae accesserunt in ed. Benedictinorum. Ext. in ed. *Erasm.* *Louan.* et *Bened.* T. II. Plures autem iamiam inter Epistolas leguntur, quas tanquam

quam libros *Augustinus* in *Retract.* recensuit, quas suis locis notatas videbis.

116. *Sermones.* Horum variae extant collectiones, quarum quinque sequentes (praeter *Sermones ad fratres in Eremita*) prodierunt in ed. *Erasmi*. Bas. 1529. T. X.

I. *De verbis Domini* siue *de verbis Evangelii*, *Sermones* LXIV. Ex his Sermo 14. *Eradii* Presbyteri est, 19. *Maximi* Taurinensis, 28. *S. Ambrosii* Mediolanensis Episcopi.

II. *De verbis Apostoli* *Sermones* XXXV. Ex his Sermo 25. *Maximi* est, inter *Ambrosianos* nonus.

III. *Homiliae L.* in quibus varia scripturae loca explicantur et *Loci communes tractantur.* Harum quarta ex *Ambrosii* scriptis decerpta.

Collectiones istae tres antiquae sunt, ante annos quippe 800 factae, Augustino tamen nequaquam aequales. Duos sequentes autem summa incuria adornatae sunt ab ed. *Amerbachianae* curatoribus, uempe

IV. *Sermones de Tempore* CCLVI. ex quibus plurimi alios prae se ferunt auctores. *Sermones* vero 87, 215, 255. spurii habentur. *Sermonem* 191. Augustino abiudicat *Phil. Labbeus*. Eorum vero nonus est Sermo *Bernardi*; 11. *Maximo* tribuitur; 15. *Saueriano* uti et *Fulgentio* adscribitur; 33. *S. Leonis* est; 37. *Maximi*; 48. ex *Hilario*, *Ambrosio* et *Augustino* hinc inde desumptus est; 63. *S. Leonis* est; 68, 77, 117. *S. Ambrosii*; 118. *Maximini*; 120. *Eusebio* tribuitur; 125. idem fere est ac *Symbolum Damaso inscriptum* inter *Opera S. Hieronymi*; 128. *Maximum*, 130. *Chrysostomum* auctorem habet; 136, 138, 156, 176. inter *Euse-*

Eusebianos habentur; 177. *S. Gregorii* est; 173. ex eiusdem scriptis desumptus; 226, 228, 229, 242. ex *Ambrosii* scriptis.

V. *De Sanctis Sermones* LI. ex quibus *Sermones* 1. et 18. *Fulgentio* adscribunt nonnulli; sermo 22. e *Petro Rauennatensi* decerptus est; 26. inter *Ambrosianos* reperitur; 27. *Maximi* est; 30. et 31. spurii sunt, posterior inter *Ambrosianos* habetur, vti et sermo 33; 35. *Fulberti* est; 36. *Eusebii* Episcopi; 37. *Alcuini* Presbyteri, ex variis tamen confarcinatus; 47. etiam *S. Leoni* tribuitur.

VI. *Sermones* alii XVII. ex quibus sex *de Tempore*, septimus *de verbis Apostoli*, decem *de Sanctis* in editione Parisiensi 1531. primum editi.

VII. *Sermones* IV. videlicet *de Iacob et Esau*, in festo *S. Vincentii*, in *Prouerb. XIII.* in *Parabolam Seminantis*, et in illud *Matth. XVI. Qui vult venire post me* etc. Hi primum prodierunt (cum *Tractatu in Orationem Dominicam*) in ed. Basil. 1556. Quibus accesserunt in ed. a. 1569.

VIII. *De diuersis Sermones* XLIII.

IX. *Fragmenta Sermonum* *S. Augustini* XXVII. ex *Eugippii* Abbatis *Thesauro* seu *Collectionibus* ad *Probam Virginem*, atque ex *Commentariis Flori*, *Lugdunensis ecclesiae Diaconi*, in *Epistolas Pauli*, ex verbis *Augustini* sub *BEDAE* nomine inter eius *Opera* et seorsim etiam impressis.

X. *Sermones de diuersis* CXXIII. a *Louanienfibus* a. 1571. Tomo X. editi, annumeratis praedictis sermonibus XLIII. Ex his plurimos supposititios esse fatentur ipsi *Louanienfes*.

XI. *Homiliae* XI. a Parisiensibus editae a. 1614. ex MSS. Carthusianis, atque *aliae* XIII. ex MSS. Pithocanis.

XII. *Sermones* XL. de variis argumentis a *Iacobo Sirmundo* Iesuita primum editi cum notis Paris. 1631. 8. „quorum nonnullos, ait *And. Rivetus*, ut nolim negare *Augustinum* auctorem habere, maxime qui in Indiculo *Possidii* numerantur, alios tamen, qui e Monachorum cryptis prodierunt, patietur Editor apud nos esse suspectae fidei, donec probationibus dignioribus nobis commendentur.“ Inter hos autem XL. *Sermones* habentur *Homiliae* illae XIII. superius commemoratae.

XIII. *Sermones* VI. Romae primum editi a. 1644. a *Ioan. Bapt. Maro* Romano, S. Angeli in Foro Piscium Canonico.

Quatuor posteriores *Sermonum Collectiones* recudit *Vignerus* Parte I. *Suppl.* Parte vero II. alios XLVI. haecenus ineditos atque ex diuersis Bibliothecis depromptos addidit.

Ceterum in praecedentibus *Sermonibus* notari debet, non raro euenire, ut idem *Sermo* in diuersis *Sermonum Collectionibus* bis vel forsan saepius numeretur: quamplurimi vero ex aliis *Augustini* scriptis excerpti sunt. *Sermones* ex hisce aliquot spurios obiter notauimus: at cum longe adcuratius id praestiterint *Benedictini*, nos *Censuram Sermonum* ab iis latam in compendio exhibere e re fore arbitrati sumus *). *Sermones* itaque omnes, quibus

Tomus

*) Commode nobis datum fuit hoc loco diligentiam auctorum *Magnae Bibl. Eccles. Colon.* qui post *Ca-*
uum

Tomus V. absoluitur, (de quo vide infra ad ipsius editionis commemorationem) in quatuor Classes redegerunt, *de Scripturis Vet. et Novi Testamenti*, *de Tempore*, *de Sanctis*, et *de Diversis*: quibus accessit quintus Ordo *sermonum dubiorum*; cum nonnisi aperte supposititii in Appendicem reiecti sint. Classes istae quinque Sermones complectuntur CCCXCIV. praeter Fragmenta. In Appendicem reiiciuntur, tanquam certo certius spurii, Sermones CCCXVII. ex Collectionibus supra memoratis hinc inde selecti: nimirum ex vulgari Collectione Sermonum *de Verbis Domini* (vid. supra n. I.) Serm. 3, 14, 19, 20, 22, 28, 34, 47, 52, 54, 56, 17, 58, *de Verbis Apostoli*, (n. II.) Serm. 21, 25, 26, 34, 35. *Homiliarum* L. (n. III) Sermo 2, 3, 4, 6-10, 12, 15, 16, 21, 22, 26, 30, 31, 33, 35, 39, 45-48. *De Tempore* (n. IV.) Serm. 1, 2, 3. et omnes reliqui, praeter 5tum, 12, 16, 19, 20, 23, 25, 27, 28, 30, 31, 32, 34, 39, 42, 45, 49, 50, 52, 72, 74, 94, 96, 107, 109, 110, 113, 119, 135, 139, 140, 141, 143-149, 151, 155, 160, 164, 165, 170. 174, 186, 187, 196, 205, 212, 214, 220, 234-237, 245, 246, 254, 256. Sermones *de Sanctis* (n. V.) omnes spurii sunt praeter 4m, 12, 17, 23, 24, 42, 45, 48, 50, 51. Inter Sermones XVII. (de quibus n. VI.) spurii sunt 1us, 2us, (qui pars est Sermonis 51. in Collectione Benedicti.) 7us (pars Sermonis 361.) 35, 36, (pars Sermonis 279)

veum et *Oudinum* haec ex Benedictinis excerpserunt, in usum nostrum conuertere.

279.) 38, 65, 96, 97, 98, 99, 118. (pars Sermonis 325.) Ex Sermonibus LXXVI. *ad fratres in Eremo commorantes* etc. nonnisi sex in Tomo V. exhibent Benedictini, reliquos in sequenti. Ex his sex, spurii sunt tres, qui in vulgari Sermonum istorum collectione locum obtinent 56, 70 et 72. Ex Sermonibus ab *Hieron. Vignerio* editis *Supplem. Parte I.* spurii sunt 3us, 4, 5, 13, 14, 15, 17, 18. In Parte II. spurii sunt 1us, 2, 8, 10-14, 20, 23, 25, 26, 27, 29, 34, 36-39.

Denique reiecti sunt a Benedictinis inter Sermones Tom. V. libri aliquot ab *Erasmo* et *Louanienfibus* inter Tractatus repositi: nimirum

117. *De Epicuracis et Stoicis* in Act. XVII. Apost. Tractatus non omnino malus, iuxta *Erasmum* in Censura huic praefixa, sed nihil aut quam minimum habens *Augustini*. Contra Benedictini iudicant, et omnino bonum Sermonem, et nihil habentem nisi *Augustini*. Eius meminit *Possidius* in Indiculo cap. I. Extat in editione *Erasmi* et *Louan.* Tom. VI. *Bened.* V. Serm. CL. Class. I.

118. In illud Exod. III. 14. *Ego sum, qui sum*, scilicet, *de rubo, in quo flamma erat, et rubus non comburebatur*. Hic tractatus in *Erasmiana* quidem editione incerti Auctoris esse praenotatur, at in *Vlimmer.* et *Louan.* tribuitur *Augustino*. Benedictini vero inter dubios parum absuit, quin reponerent. *Ibid.* Serm. VII.

119. *De decem chordis* liber seu Sermo a *Possidio* notatus in Indice c. 8. atque ab *Eugypio* et *Flero* citatus. *Ibid.* Serm. IX. *Erasmi* et *Louan.* Tom. IX.

120. *De Pastoribus* } Vterque ad Ezech. Cap. XXXIV.
 121. *De Ombus* } Ibid. Serm. XLVII. et XLVIII.
 } contra Donatistas.
 122. *De conuenientia decem plagarum et decem praeceptorum.* Ibid. Serm. VIII. Huius quoque meminit *Possidius* in Ind. c. 9. et ipse *August.* in Pf. LXXVII. n. 27. Fragmentum repertum est inter Eugypptii Excerpta in MS. Regio et Victorino.

II. Scripta Deperdita.

Praeter illa, quae passim indicata sunt n. 21. 33. 40. 48. 57. 58. 59. 62. 65. 78. alia diligenter enotauit *Guil. Cane*, scilicet

1. *Contra Paganos* lib. III. et *Exhort. ad eosdem.*
2. *De Sacrificiis Spiritualibus contra Manichaeos.*
3. *De Sacrificio vespertino.* Qui tractatus fortasse non alius est, quam Sermo eiusdem tituli ordine 342. ed. Bened. ex *Sirmondianis*, (olim 8us) in quo explicatur initium Euangelii Iohannis.
4. *De die Domini secundum Sophoniam Prophetam contra Manichaeos.*
5. Tractatus diuersi *contra Arianos.*
6. *Ad Primianum, Donatistarum Carthagenens. Episc. Commonitorium.*
7. *De traditione in persecutionibus et de falso Baptismo contra Donatistas* libb. III.
8. *De Baptismo contra eosdem* liber.
9. *Ad Mercatorem Episcopum contra eosdem.* Primum quidem prodiit in Editione Benedictinorum ex peruetusto Codice Monast. S. Bertini in Belgio *Augustini* Epistola (ordine 193) ad *Mercatorem*, eum procul dubio, cui *Mario* praenomen fuit, anno circiter 418. scripta, quam recensuit *Possidius* in Indic. c. 4. eiusdemque tertiam partem trans-

transtulit *Augustinus* in librum de octo *Dulcitii* *Quaestionibus* (de quo supra n. 101.).

10. *De charitate tractatus diuersi.*
11. *Principia Geometriae, Arithmetices, et Philosophiae.*
12. *Epistolae, Sermones et Tractatus* plures, quorum mentio habetur in *Ind. Possidii*, apud *Bedam*, ipsum *Augustinum*, et alibi.

III. *Scripta Dubia, Supposititia, Spuria.*

1. *De Symbolo s. Regula fidei* ad Catechumenos libri vel potius Sermones IV. Extant in ed. *Erasmi*. et *Louan.* T. IX. *Bened.* VI. vsque ad n. 8.
2. *Sermo de quarta Feria, siue cultura agri Domini.*
3. *De Cataclysmo seu Diluui.*
4. *De tempore Barbarico siue in tempus persecutionis Barbarorum.*
5. *De nouo Cantico et de reditu in coelestem patriam ac viae periculis* Sermo ad Catechumenos.
6. *Sermo de Disciplina Christiana.*
7. *Sermo de Vtilitate Ieiunii.*
8. *Sermo de Urbis excidio.*

Quae sequuntur, vsque ad n. 15. extant in *Append.* Tomi VI. ed. *Bened.* n. 9. 10. 11. Tom. IX. Ed. *Erasmi*. et *Louan.*

9. *Sermo de contemptu mundi.* Incerti Auctoris. Item *Sermo de vanitate saeculi*, qui ferme totus habetur in tractatu *de reſtitutione Catholicae conuerſationis*, de quo infra n. 61.
10. *Sermo de bono disciplinae.* *Melch. Goldastus* ab *Haiminsfeld* aſſeruit *Valeriano* *Cemelienſi* apud *Alpes maritimas* *Episc.* *ſaec.* V. eiusque etiam nomen praeferunt *Fragmenta huius opusculi* in *vetusto Codice Colbertino* reperta.

11. *Sermo de Obedientia et Humilitate.*
12. *Tractatus de Caritate* s. de verbis Psalmi *Terra dedit fructum suum.*
13. *De Oratione et Eleemosyna* Tractatus, (seu potius fragm. maioris Operis) ab *Hieron. Vignerio* editus Tomo II. Supplem.
14. *De Generalitate Eleemosynarum.*
15. *Sententiae Miscellaneae.* Haec omnia incerti sunt Auctoris, nec Augustinum sapiunt.
16. *De creatione primi hominis.* Totus insertus est hic liber in Tractatu *de Spiritu et Anima* n. 67. Reperitur inter Opera *Ambrosii* sub Tit. *Tractatus de dignitate primi hominis* et inter Opera *Alcuini* cum tit. *Cogitationes B. Albini Leuitae* in haec Geneseos verba, *Faciamus hominem ad imaginem nostram.* Ext. in ed. *Erasmi.* et *Louan.* Tom. IX. Append.
17. *De arbore scientiae boni et mali.* Ext. in ed. *Erasmi.* *Louan.* et *Bened.* T. IX. Append.
Sequentia vsque ad num. 23. extant, in *Append.* Tom. I. ed. *Bened.*
18. *De Grammatica* liber.
19. *Principia Dialecticae et Rhetorices.* Libri III.
20. *Categoriae decem ex Aristotele decerptae.* Quatuor isti tractatus, qui Augustino in praecedentibus editionibus adscripti erant, (*Erasmi.* et *Louan.* T. I.) a Benedictinis in Appendicem reiecti, spurriis accensentur. (Tomo. XI.)
21. *Regulae Clericis traditae* Fragmentum.
22. *Regula secunda* (*Tertia* est genuina, vide supra n. 102.) Ext. in ed. *Erasmi.* et *Louan.* Tom. I. in Append.
23. Liber *de Vita Eremitica* ad Sororem, quem non edidit *Erasmus.* Extat in Append. T. I. Ed. *Louan.* et *Bened.* *Aelredi* Rieuallensis est (qui Saec.

XII. vixit) iuxta *Lucam Holstenium*. Tertia circiter pars in Operibus *Anselmi*, scil. Medit. XV. XVI. et XVII. extant.

Quae sequuntur, vsque ad n. 26, in Append. Tomi II. Ed. *Louan.* et *Bened.* extant.

24. *Epistolae XVI. mutuae S. Augustini et Papae Bonifacii I. breuissimae*, quas antiquas esse fatetur *Erasmus*, sed *Augustino* abiudicat, quod iudicium *Bellarminus* et *Louanienses* secuti sunt.
25. *Epistola ad Demetriadem. Pelagii* est, vt ipse *Pelagius* fatetur in suis ad *Innocentium* Papam literis.
26. *Epistolae mutuae SS. Augustini et Cyrilli de magnificis admirandisque S. Hieronymi virtutibus et miraculis. Supposititiae.*
27. *Altercatio seu Collatio S. Augustini cum Pascenio Ariano Hippone habita, praesente Laurentio iudice delecto a Pascenio, viro spectabili. Non est Augustini.*
28. *De Mirabilibus S. Scripturae libri III. Incerti auctoris, qui post a. 700. vixisse perhibetur. Ext. in ed. Erasmi. T. III. Louan. et Bened. ibid. in Append. vti et sequens.*
29. *De Benedictionibus Patriarchae Iacob opusculum. Decerptum est ex S. Hieronymi Quaest. Hebr. in Genes. et Moralibus Gregorii M. et Alcuinum auctorem habet.*
30. *Quaestiones Vet. et N. Test. in tres partes diuisae, quibus quartam super addiderunt, XXV. Quaestiones complexam, sed spuriam Louanienses, Hilario Diacono adiudicantes. Ext. in Append. Tomi IV. ed. Louan. et Tomi III. Bened.*
31. *In Apocalypsin D. Ioannis Expositio siue Homiliae XVIII. Fortasse Tychonii Afri Donatistae Notae sunt ex Victorino, Primasio et Beda collectae.*

dae. Ext. in ed. *Erasmi*. T. IX. *Louan.* ibid. in Append. et *Bened.* III.

Quae sequuntur vsque ad n. 65. extant in Append. Tomi VI. Ed. *Bened.* praeter *Sermones ad Fratres in Eremito* aliosque, de quibus supra 9-15.

32. *Liber Sententiarum* s. *Quaestionum* XXI. ex *Augustino* aliisque nullo ordine ab auctore aliquo imperitissimo collectarum. Ext. in edit. *Erasmi*. et *Louan.* Tom. IV. in Append. vbi et sequens.
33. *Quaestionum* LXV. *Dialogus* ex variis *Augustini* libris maximam partem congestus.
34. *Liber de Fide* ad *Petrum* Diaconum, olim inter Opera *Augustini* impressus, ab *Erasmo* vero primum ei abiudicatus. *Fulgentii* est *Ruspensis* Episcopi. Ext. in ed. *Erasmi*. et *Louan.* T. III. in Append. vbi et sequens.
35. *De Spiritu et Anima* liber. Continet Dicta et Collectanea ex multis et diuersis auctoribus excerpta.
36. *De Amicitia*. Nonnisi Epitome est trium librorum *Aelredi Rieuallensis* de eodem argumento. Ext. in ed. *Erasmi*. et *Louan.* Tom. IV. in Append. vbi et sequens.
37. *De substantia dilectionis et amoris* liber. Duo libri in vnum confusi. Auctores ignorantur.
38. *De diligendo Deo* liber, qui et *Meditationum* inscribitur. Conflatus est item ex variis libris *Hugonis Victorini*, *Bernardi* et *Anselmi*. Ext. in ed. *Erasmi*. et *Louan.* T. IX. in Append. vsque ad n. 48.
39. *Soliloquium Animae ad Deum* liber. Ab auctore incerto ex *Augustino* non modo, sed aliis etiam auctoribus, veluti ex *Vgonis Victorini* libro de *Arra Animae* collectus.

40. *Meditationum liber.* *Louanienses* inter genuinos *Augustini* foetus reliquerant, neque de eo aliud pronunciauerant, quam quod antea dubitans incertusque *Erasmus* dixerat, auctorem esse vel *Augustinum*, vel qui eius libros non indiligenter legisset. Collectus est potissimum ex *Anselmi* scriptis ab auctore XII. saec. nec non ex *Ioannis Abbat*is *Fiscamen*sis opere.
41. *De Contritione Cordis liber.* Auctor saec. XII. confarcinauit ex *Anselmi* et *Hugonis de S. Victore* operibus.
42. *Manuale.* Opusculum ex variis antiquioribus et saec. XI. scriptis collectum: *Augustino*, *Cypriano*, *Gregorio* et *Isidoro*, *Anselmo* *Bernardo* etc.
43. *Speculum* siue *Manuale*, vt in aliquot Codicibus inscribitur: et in Cod. Bibl. *Bernardinorum Parisiensis* habetur sub titulo: *Libellus Catholicae fidei*, alterumque adiunctum habet Opusculum. Haec autem duo Opuscula nihilo diuersa sunt a Part. I. II. *Confessionis Fidei*, quae cura *Pet. Franc. Chiffletii* Ies. sub *Alcuini* nomine prodiit. Certe auctor Saec. XII. non antiquior.
44. *Speculum peccatoris.* Incerti auctoris est et Saec. XII. non excedit.
45. *De triplici habitaculo liber.* Incerti nec ineruditi auctoris.
46. *Scala Paradisi.* Est *Guigonis* seu *Guidonis* saec. XII.
47. *De cognitione verae Vitae.* *Honorii Augustodunensis* putatur.
48. *De Vita Christiana.* Liber est *Fastidii* *Britanni*.
49. *Liber exhortatorius*, vulgo *de Salutaribus documentis ad quendam Comitem*. *Paulino Aquileiensi* seu *Foroiuliensi Patriarchae*, qui saec. VIII. vixit,

haud iniuria asserunt. Ext. in Ed. *Erasmi*. et *Louan.* Tom. IV. in Append.

50. *De duodecim Abusionum gradibus.* Cypriano aequae ac Augustino falso tribuitur. Auctor ignoratur. Ext. in Ed. *Erasmi*. et *Louan.* T. IX. *Append.*
51. *Tractatus de septem Vitiis et septem Donis Spiritus Sancti.* Hugonis Victorini. Primus edidit inter *Sanctorum Patrum Monumenta* Paris. 1634. *Guil. Camerarius* Scotus Congreg. Oratorii Presbyter, Theol. D. Paris. eum *Augustino* non ab antiquis MSS. Codicibus, sed tantum à multis viris doctis tribui dicens. Inde recepit *Vignerus Supplem.* T. I. Sed quia inter opera *Hugonis* vulgo occurrit ibidemque alius affinis ei, et pars quasi quaedam eiusdem, inscriptus: *de septem peccatis mortalibus: contra quae valent Orationis Dominicae septem petitiones*, reperiatur, omisere *Benedictini*.
52. *De conflictu Vitiorum et Virtutum.* Ambrosii Autpertii est saec. VIII. scriptoris. Hoc opusculum quatuor antiquis ecclesiae doctoribus tributum; Augustino primum in omnibus Operum illius editionibus; deinde *S. Leoni* Papae in Ed. Paris. 1511. postea *S. Ambrosio* Med. Ep. in ed. Rom. 1585. in qua *ad Simplicianum* inscribitur; denique et *S. Isidoro Hispalensi* in ed. Matrit. 1599. et Paris. 1601. Sed plurimum decepit *Sigebertus Gemblacensis de Vir. ill.* c. 55. deceptus ipse falsa vet. aliquot Codd. inscriptione, qui nomen *Isidori* habere dicuntur. Ext. in Ed. *Erasmi*. et *Louan.* T. IX. *Append.* vbi et sequens.
53. *De Sobrietate et Castitate.* Ignoti auctoris, sed antiquus liber et elegans, iudice *Dupinio*.

54. *De vera ac falsa Poenitentia ad Christi deuotam.* Totus fere hic liber cum *Augustini* nomine in *Decreta Gratiani* et in *Sententias Petri Lombardi* translatus est. Tribuerunt postea eidem *Petrus Blesensis*, *Vincentius Bellouacensis* et *Thomas Aquinas*. Inter recentiores de auctore a *Trithemio* inde disceptatum est. Vicit tamen probabilior sententia, auctorem esse ab *Augustino* diuersum. Ext. in ed. *Erasmi*, et *Louan.* Tom. IV. *Append.*
55. *De Antichristo.* Plerumque *Alcuino* tribui solet, inter cuius opera integer, hic vero et apud *Rabanum Maurum* imperfectus extat. Saeculo nono asferendus videtur. Ext. in ed. *Erasmi*, et *Louan.* Tom. IX. *Append.*
56. *Psalterium*, quod matri suo composuisse fertur *Augustinus*. Sed in MS. Cod. Regio 4373. inscribitur: *B. Ioannis Papae factum apud Viennas.* Hic autem *Ioannes* creditur esse nomine XXII. Ext. in Ed. *Erasmi*, et *Louan.* T. IX. *Append.* vsque ad n. 61.
57. *Cantici Magnificat Expositio.* Ex *Hugonis Victorini* Tractatu in hunc hymnum decerpta.
58. *De Assumptione B. Mariae Virginis* liber seu potius sermo. Auctor creditur *Fulbertus Carnotensis*, qui ineunte Saec. XI. vita functus est. Alii Codd. *Ambrosii Autperti* (Saec. VIII.) nomen praeferunt.
59. *De Visitatione infirmorum* libri duo.
60. *De Consolatione Mortuorum* libri s. sermones II. ex S. *Ioanne Chrysostomo* forsan decerpti.
61. *De reſtitutione Catholicae conuerſationis.* Extat in lib. 2. Vitae S. *Eligii*, *Nouiomenſis* Episc. per S. *Audoenum* *Rothomag.* descriptae. Alii tamen

ex ipso Eligio (Saec. VIII.) et *Caesario Arelatenfi* (Saec. VI.) collectum volunt.

62. Sermo *de Symbolo*. Integre collectus ex Symbolo Rufini Aquilei. Presb. ex Homiliis *S. Caesarii Papae et Ruonis Carnotensis*. (Saec. XI. et XII.) Insuper etiam complectitur totum Sermonem 242. qui extat in *Append. T. V. ed. Bened.* membratim dissectum.

63. Sermo *in peruigilio Paschae de esu agnae*. Reperitur etiam inter *S. Hieronymi* supposititia.

64. Sermo *in Ps. XLI. ad Neophytos*, qui et *Hieronymo* falso tribuitur.

65. Sermones III. *de Ritibus et Mystério Baptismatis*. Hoc primus euulgauit *Sirmondus* in *Append.* post Sermones XL. sed minime *Augustini* esse arbitratur.

Sequentia vsque ad n. 77. in *Append. T. VIII. ed. Bened.*

66. *Aduersus quinque haereses*, seu *contra quinque hostium genera Tractatus*, scilicet aduersus Paganos, Iudaeos, Manichaeos, Sabellianos et Arianos. Hunc Erasmus hominis eruditi, arguti et facundi esse censuerat, non tamen *Augustini*, nisi forte, ait, iuuenis scripserit. *Augustino* sine cunctatione abiudicant *Bellarminus*, *Louanienses*, alique, Bedae auctoritate. Ext. in ed. *Erasm.* et *Louan.* T. VI.

67. *Contra Iudaeos, Paganos et Arianos* Sermo alius, ut videtur, ab illo, qui in *Indiculo Possidii* legitur, et quem ideo vere *Augustini* esse iudicat *Bellarminus*: nam auctor istius exscripsisse videtur *S. Gregorium* tum in exordio, tum quaedam eiusdem alia cap. 17. Extat in ed. *Erasm.* et *Louan.* T. VI.

68. *De Altercatione Ecclesiae et Synagogae* dialogus. Auctoris Saec. XIII. vel XIV. nam Ioannis Scoti coaetaneum se fuisse testatur. Ext. in ed. *Erasmi*. et *Louan.* T. VI. in Append.
69. *De Fide seu Vnitate Trinitatis aduersus Manichaeos* liber I. Hunc ex vetustissimi Codicis Corbeiensis auctoritate *Euodio Vxalensi*, in Africa Episcopo, asseruit *Iac. Sirmondus* Hist. Praedest. c. I. Ext. in ed. *Erasmi*. et *Louan.* T. VI.
70. *Commonitorium* (vulgo *S. Augustini* Episc. *Ecclesiae Catholicae*) quomodo sit agendum cum *Manichaeis*, qui conuertuntur. Sub *Augustini* nomine vulgatum est in *Append.* ad T. X. ed. *Parisi.* 1586. Scriptum antiquissimum est, quod *Dupinius* Concilii alicuius Africae Constitutionem putat.
71. *Contra Felicianum Arianum de Vnitate Trinitatis* liber ad *Optatum*. Pronunciauit olim *Erasmus* non esse probabile, hunc librum esse *Augustini*, (cuius in *Retractionibus* non meminit). Dissimulata vero *Erasmi* censura librum istum *Louanien-*ses inter genuinos *Augustini* foetus reposuerunt, *Bedae*, *Lanfranci*, *Alcuini* et *Petri Lombardi* fere auctoritatibus ducti. Fortasse *Vigilii Tapsensis* est. Ext. in ed. *Erasmi*. et *Louan.* T. VI.
72. *Quaestiunculae de Trinitate et de Genesi*, quae ex *Alcuino* descriptae sunt. Ext. in ed. *Erasmi*. et *Louan.* T. III. *Append.*
73. *De Deitate et Incarnatione Verbi* ad Ianuarium libri II. collecti ex *Origenis* opere περὶ ἀρχῶν iuxta versionem *Ruffini* Aquilei. Presb. Ext. in ed. *Erasmi*. et *Louan.* T. IV. *Append.* vsque ad n. 76.
74. *De Trinitate et Vnitate Dei* liber I. Distinctus olim fuit in capita XIII. quorum IX. posteriora totum fere, sed contractum et interpolatum *S. Augu-*

- Augustini* librum contra *Sermonem Arianorum* continebant. Capita autem priora Quaestiones aliquot Dialogi *Pauli Orosii* (qui ext. in Append. T. VI.) decurtatas et deprauatas referunt.
75. *De Essentia Diuinitatis* liber I. Non Augustino tantum, sed multis aliis, Ambrosio, Hieronymo, Anselmo, Bonauenturae tributus. Prima et maxima pars ex Eucherii Lugd. Ep. opere *de Formulis Spiritualis intelligentiae* sumta.
76. *Libellus seu dialogus de Vnitate Sanctae Trinitatis*. Ignoti, sed antiquissimi auctoris. Ext. in Append. ed. Paris. 1586.
77. *De Dogmatibus Ecclesiasticis* liber *Gennadii Massiliensis*, cuius sub nomine seorsim etiam edidit *Geuerh. Elmenhorstius* Hamb. 1614. 4. Ext T. III, ed. *Erasmi*. et *Louan.* in *Append.*
78. *Sermo de Rusticiano* Subdiacono.
79. *Contra Fulgentium* Donatistam. Non Augustini, sed vetustissimi tamen auctoris, utpote qui Concilium illud Carthaginense contra Caecilianum viderit. Ext. in ed. *Erasmi*. et *Louan.* T. VII. in *Append.* Part. I. *Bened.* IX. *Append.*
80. *Hypomnesticon contra Pelagianos et Coelestianos* libri VI. *Sixto III.* P. R. (a. 432.) *Garnerius* Iesuita, alii cum *Sirmondo Mario Mercatori* tribuunt. Ext. in ed. *Erasmi*. et *Louan.* T. VII. *Append.* P. II. *Bened.* X. *Append.* ubi et duo sequentes.
81. *De Praedestinatione et Gratia* liber, a nonnullis *Fulgentii Ruspensis* Ep. creditus, ab aliis utroque et Augustino et Fulgentio abiudicatus.
82. *De Praedestinatione Dei* libellus, ignoti auctoris.
83. *Hyinnus: Te Deum laudamus*, Ambrosio et Augustino simul tribui solitus, de cuius auctore certo nihil statui potest.

Haud opus esse puto rei literariae et ecclesiasticae historiae studiosis, ut de ratione, qua tot tantaque, quibus Augustini scripta comprehenduntur, volumina ab ipsius inde auctoris manu propagata et ad typographiae salutaria tempora servata fuerint, sedulo disquirant: siquidem iam sua aetate cum fama eius scriptorum exemplaria omnem paene orbem peruagata essent, et post obitum eius nequaquam cessante eorum usu non defuerint, qui et conservandis et multiplicandis assidue studerent *). Observat *Fabricius* **), saeculis aliquot ab excessu eius elapsis, tanto in pretio fuisse illa monumenta, ut eorum causa, cum in Hispania exemplaria deessent, circa a. 650. Taio Caesaraugustanus Episcopus Romam mitteretur. Sequioribus autem temporibus cum bonae literae lumen suum benignum plane abscondissent, huius tamen libros non ex manibus monachorum excussos fuisse, non solum tot ex saeculo nono, decimo et sequentibus proximis reliqua MSS. exemplaria loquuntur, sed documento sunt etiam varia illa *Collectanea* seu *Florilegia Sententiarum* et Loco-

9. 3. Editiones.

*) In Hipponensi Bibliotheca magnam, immo paene omnium librorum Augustini supellectilem fuisse, quae flammas etiam ac rapinas Vandalorum euaserit, multa, cum Augustini, tum aliorum loca testantur, et postremum quidem, hoc, quod Possidius ad illius intuitum indicem scriptorum Augustinianorum composuerit; de quibus omnibus addeant, qui tanti putant, *Engelberti Klupfelii* disq. an et quomodo Bibliotheca S. Augustini incolumis servata fuerit in *Excidio Hipp.* 430, insertam *Eiusd. Vet. Bibl. Ecclesiasticae*. Vol. I. P. I. (Friburgi Brisg. 780. 8.) p. 173. fqq.

**) In *Bibl. Lat. T. II. Lib. IV. c. 3.* ed. Venet. p. 353.

Locorum insigniorum, quae pusillo studio ex operibus eius decerpta et compacta sunt, quorum, quod felici omine contigit, paucissima tamen typis sunt impressa, sed passim in bibliothecis iustis tenebris premuntur *). De Carolo Magno peruulgatum est Eginhardi testimonio, quanti libros *de Ciuitate Dei* fecerit. Sed quod paucis notum fuerit, Carolus V. Rex Galliae, virum inter doctos suae aetatis longe eminentissimum *Radolphum de Preulles* stipendiis rege dignis adegit, ut idem opus in gallicum sermonem transfunderet et commentariis eruditis illustraret **). Ex quo vero saeculo decimo quinto mira illa libros multiplicandi ars occoepit, inter primos statim, qui typorum formulas flagitarent, Augustinus fuit, nec ullus latinorum scriptorum crebrius eo prelo deinceps mandatus est. Primum autem, quod stanneis characteribus exscriptum est opus, fuit liber eius *de arte praedicandi* seu ultimus ex quatuor libris *de Doctrina Christiana* circa annum 1465. *Argentorati* apud *Iohannem Mentelinum*, quem eodem vel proximo statim anno repetiit *Iohannes Fust Moguntiae*. Iam vero a. 1467. ex celebri illo *Sublacensi monasterio* prodiit primarium eius opus *de Ciuitate Dei* et sequenti statim proximoque anno *Romae* ab iisdem typographis repetitum, cito omnes paene Italiae officinas peruolitauit. Igitur excusum est eodem anno 1470. *Venetis*, ibidemque bis 1475. apud *Nic.*

*) Subiunximus infra quaedam ex Oudino et M. Bibl. Eccl. Colonienfi de eiusmodi *Defloratoribus* et *Commentatoribus* tam antiquis, quam recentibus.

**) De Imperatore Carolo V. huius nominis idem narrasse Gallum quendam in *Ephemerid. Erudit. (Journal des Sçav.)* 1666. 15. Mart. alicubi in *Bibl. Colon. Eccl.* legimus.

Nic. Ienson et Gabr. Petr. de Taruifio, Romae 1474. apud *Vdalr. Gallum, Neapoli* 1477; *Venetiis* 1486. 1489; *Tholosae* 1488. Nec minus in Germania circa idem opus in prela incubuerunt, quamquam serius aliquando, cum iam remissior factus esset in Italia primus ille librorum excudendorum ardor. Vnum solum nouimus antiquius exemplar excusum a. 1473. *Moguntiae apud Petr. Schoiffer*; deinde *Basileensibus* signum extulit *Mich. Wenzler* a. 1479. quem decem annos post secutae sunt *Amerbachianae* impressiones, *Friburgensis* 1499. *Langendorffii* 1515. *Lugdun.* 1520. Extat quoque *Louaniensis* 1488. Germanicis vero plerumque adiuncti conspici solent commentarii *Thomae Valois* et *Nicolai Trueth*, quibus admodum tum delectatos fuisse videntur obscurioris huius doctrinae amatores, donec per *Ludouicum Viuem* sunt sepulti. Cum *Basileensibus* librorum *de Ciuitate Dei* editionibus huius aetatis pari fere passu incedunt libri *de Trinitate*. Horum prima descriptio fuisse videtur *Venetiana* absque anni mentione per *Paganin. de Paganinis*, aut *Mediolanensis* per *Leonh. Pachel.* 1489. Fortasse autem Germania antiquiorem habuit in ea, quae loci quidem et anni signo caret, sed singularis vetustatis indicia habet. Eodem vero anno, quem *Mediolanensis* profert, prelo dedit *Io. Amerbach* iterumque 1490. quae sequentem habuit *Friburgensem* a. 1494. *Basileensem Langendorffii* 1515. et *Lugdunensem* 1520. Ad haec prima circa Augustini libros studia pertinet porro in Germania editio libri *de Consensu IV. Euangelistarum, Lauingae* 1473. item libri *de Fide et Operibus, Coloniae eodem anno*; variaque ibidem minori forma excusa opuscula, quae omnia ad eundem annum redire videntur. Suppar iisdem fortasse, modo Germanica sit, *Confessionum* editio loci et anni indicio destituta, quarum vetusta

tusta admodum descriptio *Mediolani* facta est 1475. et mox *f. l.* 1482. *Sermones* etiam frequenter per hoc tempus prela exercuerunt, ex quibus antiquissimae *Homiliae L., Augustae* per *Anth. Sorg* 1475. excusae, quas exceperunt *Sermones ad Eremitas fratres, Mutinae* a. 1477; *Mediolani* 1484; *Brixiae* 1486; *Venetis* per *Pagan. de Paganinis* 1487; *ibidem* per *Vinc. de Benaliis* 1492; tandem *Amerbachiana Collectio*, inter quos recens farrago *Sermonum de Tempore* 1494 et 1495, repetita illa *Parisiis* apud *Iodoc. Badium* 1516. et *Hagenoae* 1521. *Epistolarum* porro impressiones praeter antiquam loco et anno non insignitam factae sunt ab eodem, qui toties nobis laudandus est, *Io. Amerbachio* a. 1493 et 1494. itemque *Enarrationes in Psalmos* repetitis vicibus a. 1489. 1493 (cuius anni *Veneta* etiam editio laudari solet), 1494. 1497. ex sua officina exire passus est, eumque secutus *Lugdunensis* artifex a. 1519. His insuper adde ingentem numerum eorum librorum, qui propter indiciorum et notarum defectum certo anno affigi nequeunt, cuiusmodi non vna extat editio librorum *de Doctrina christiana, de quantitate animae, Soliloquiorum, Sermonum, de Trinitate, Confessionum, Epistolarum, de Consensu quatuor Evangelistarum, de Spiritu et Litera, de Civitate Dei; in Evangelium Iohannis, Enchiridii ad Laurentium* etc. quos omnes suo loco diligenter notauimus et pro viribus descriptos dedimus.

Interea plurima etiam eius opuscula colligi et in vnum corpus condi coepta sunt, licet in adlegendis singulis non semper ratio quaedam et consilium spectatum fuit, sed casui magis, qui varia inuicem illius scripta sociasset, curatores obsecuti esse videntur. Primum in his locum sibi vindicant *Tractatus* a. 1484. *Venetis* per *Andream de Bonetis de Papia* 4. iunctim

iunctim editi, nisi iidem forte iam ex priori *Veneta* per *Ostauian. Scotum* 1483. sint deriuati, quod certo confirmare non possum; et *Argentinenfis* editio per *Martin. Flach* a. 1489. et iterum *ibidem* excusa 1491. Posterior *Veneta* editione non parum auctior est, licet vltra dimidiam partem cum eadem egregie concordet, adeo vt difficile dictu sit, vtrum vestigiis illius insisterit, an incepto plane diuerso sit adornata. Vtraque tamen talia complectitur opera, quae non magna voluminis mole constant, certe non prolixiora libris *de doctrina christiana* idque hoc imprimis respectu, quod illa vel seorsum iam prostant, veluti *de Ciuitate Dei*, *de Trinitate*, *Enarrationum* in Psalmos libri, vel peculiarem sibi quaeque postularent operam, qualem contigisse etiam *Epistolis* et *Sermonibus* vidimus. Eadem fortasse *Veneta* editio rescripta est *ibidem* apud *Dionys. Bertholdum* 1491. a qua distant editiones, *Parmensis* per *Angelum Vgoletum* et *Veneta* per *Pelegrinum de Pasqualibus*, vtraque a. 1491., quas opinor exemplum praeuisse editioni *Iodoci Badii Ascensii*, excusae *Parisii* 1520. apud *Io. Paruum* et adhibitae diligenter a Patribus Maurinis. Nec silentio praetereundum est singulare eiusdem *Iodoci Badii* et *Augustini de Ratispona* consilium in colligendis edendisque sua opera correctis diuersis *Quaestionum Augustini* libris. Prodiit hoc opus a. 1497. *Lugduni* per *Io. Trechsel. fol.* eximia industria et multo cum iudicio instructum.

His tandem omnibus praeparatis *Io. Amerbachius* de omni re literaria et imprimis ecclesiasticis scriptoribus latinis meritissimus, non vt aliorum frueretur diligentia, nam sua ipsius huc potissimum adducta res erat, sed ne incrementis literarum, quae matura videbantur, deesset, consilium *uniuersorum*

Augustini Operum per partes edendorum cepit. Confecit igitur XI. volumina, quorum octo prioribus omnia ipsius scripta ordine chronologico ad fidem Retractationum eius disposuit addiditque tribus insuper, ea, quae in Retractationibus vel omissa erant, vel serius elaborata. Simul vero ne moles in immensum cresceret et quod exemplaria haud dubie superessent, rationem habuit eorum, quae antea seorsim ex sua officina protulerat, *Epistolasque, Sermones* et *Enarrationes in Psalmos* ab hac editione seiunxit. Prodiit haec Amerbachiana *Basileae* a. 1506. et magnis omnium, qui hasce literas amabant, plausibus fuit accepta, recusa etiam *Parisiis* a. 1515. Videtur autem haec editio plene omnibus desideriiis satisfecisse. Nam ad annum vsque 1529. non solum nihil innouatum est in Amerbachii instituto, sed singulatim etiam pauci iidemque minores Augustini libelli hoc interuallo temporis, *Coloniae* imprimis 1527. *de Doctrina Christiana, de Spiritu et Litera*, 1528. *de Fide et Operibus, de Natura et Gratia* etc. item *Augustae Vindelicorum* 1523. *de Fide et Operibus* et *Enchiridion ad Laurentium*, et *Norimbergae* denique, veluti a. 1524. *de Natura et Gratia*, euulgati sunt, quibus omnibus Textus Augustini nihil incrementi cepit. Tanto benignior fortuna in libros *de Civitate Dei* omnia cumulauit, quae per istam aetatem a doctorum hominum ingenio ac diligentia in exornando libro veteri expectari poterant, siquidem Io. Ludouicus Vives, literarum elegantiorum in Hispania et Belgio stator et vindex, in editione *Basileensi* apud Frobenium, non modo textum ex codicibus MSS. ad quorum usum magnam sermonis latini et priscae doctrinae facultatem afferebat, dedit recognitum, sed commentario insuper illustrauit, cui parem vbertate et elegancia in vilo prisco scriptore

ptore ne Itali quidem viderant tantusque a cunctis aevi istius literarum amatoribus honos habitus fuit, vt Erasmus nouo in hoc opere labore supersedere se posse iudicaret totumque in editionem suam reciperet.

ERASMIANA autem illa recensio, quae licet diuersissima, pro more, experiretur iudicia, studia tamen in hoc genere incredibile quantum accendit. Consilium soli Frobenio debetur, qui nullis hac in re sumtibus pepercit et hoc nomine tantum vitam sibi produci a summo numine optabat, vt haec ad exitum perducta videret. Sed voti huius compos non factus est, morte praereptus cum vix duo priores Tomi absoluti essent. Dederat autem Frobenii precibus Erasmus, vt opus, cuius nonnisi partem exiguan in se recepisset, cum profligando nemo succedere vellet, totum tandem sustineret, eoque mortuo filiis eius idem obsequium praestandum esse duxit. Tria igitur in hac editione foeneratus est hic scriptor perquam magna ad promouendum ipsius studium. Primum munditiem a characteribus et chartis et iustum aliquod decus in toto habitu ac descriptione. In Amerbachianis enim impressis, vt nemini ignotum esse potest, liberalior cultus merito desideratur, dum partim literae ad adspectum ingratae sunt adhibitae, partim charta adest crudior et omnia denique paginae spatia adeo sunt oppleta, vt sordidum paene in eo se praebuisse Amerbachium dixeris. Deinde integra primum exhibet ipsius opera. Tertia denique dos fuit textus correctus a vitiis innumeris ex grammatico potissimum genere, et iis, quae ab ignorantia antiquitatis et doctrinae veteris orta videri poterant; tum noua partitio et iudicia de iis, quae aut omnino non genuina essent, aut saltem viderentur dubia.

Saepius autem iterata et identidem aucta est haec editio. Sic non contemnendis *Sermonum* accessionibus locupletata est *Parisiis* apud *Chevallonium* 1531-32. et *ibidem* apud *Carolum Guillard* 1541. nec non in singulis *Basileensium* repetitionibus, nempe 1541-43. cui suppetias tulit *Martinus Lypsius*; 1556. curante *Ioanne Costerio*; et 1569. quae ultima Frobeniana fuit absolutissima et nitidissima omnium, in quam etiam *Sermones* illi, quos primum ex MSS. codicibus eduxit et *Louanii* a. 1564. publicavit *Ioannes Vlimmerius*, migrarunt. Porro recusa est etiam *Lugduni* 1561-63. octonis, et *Parisiis* 1571. fol. et impuras etiam *Venetorum* bibliopolarum manus passa a. 1545. 1552. 1570 et 1584. Ceterum Erasimianam recensionem sequuntur, quotquot ab eius editione diuersis in locis seorsim excusi sunt Augustiniani libelli, quorum haud exiguus quidem numerus fuit, sed nihil ex iis Augustini lectio lucri fecit. Frequenter imprimis lectitatae esse debent *Confessiones*, quae *Coloniae* 1531. et 1569. *Louanii* 1563. et 1571. *Antuerpiae* 1567. et 1568. descriptae sunt; item liber *de Spiritu et Litera* excusus *Parisiis* 1538. *Witebergae* 1541. *Antuerpiae* 1568; *de Fide et Operibus* *Parisiis* 1534. *Coloniae* 1552. *Antuerpiae* 1568; *de Consensu IV. Euangelistarum* *Parisiis* 1538. et *Coloniae* 1539; *de Cura pro mortuis gerenda* *Parisiis* 1543; *de libero arbitrio*, *de praedestinatione et gratia* *Coloniae* 1568; *de Natura et Gratia* *Antuerpiae* 1568; *de Doctrina Christiana Venetiis* 1534; *Enchiridion ad Laurentium* *Coloniae* 1532; item per *Lambertum Danaeum* *Geneuae* 1575. cum *Commentario* repetito *ibidem* 1579. 1583. 1597. Idem Danaeus anno post addidit librum *de haeresibus*, qui pariter repetitus est a. 1578. 1593. et 1595. Denique iteratum quoque

quoque de Ciuitate Dei opus cum Io. Lud. Viuis commentario Parisiis 1544. et 1555, Basileae 1555. et 1570.

Sed noua repens Augustino lux oborta est per coniuncta *Theologorum* LOVANIENSIVM studia in editione *Operum* ipsius *Antuerpiae* apud *Christoph. Plantinum* a. 1577. *XI. Tomis fol.* publice propofita; in qua non solum critica apertior, sed praeclarum etiam hoc, quod spuria dubiaque prorsus a reliquis separata, sua cuique tomo subiecta sint. Vt nihil de animaduersionibus dicam aliisque commodis, quae nulla non aetas in ea summopere probauit. Certatim ea expressa est et plerumque cum accessione aliqua: *Parisiis* 1586. *Geneuae* 1596. *Parisiis* 1603. 1604. 1613-14. *Coloniae* 1616. *Parisiis* 1626. 1635. 1652. Subinde etiam extrinsecus augmenta quaedam allata sunt, veluti a. 1611. cum primum librum *de gestis Pelagii* ex codice MS. ex Italia sibi transmissio *Augustae Vindelitorum* imprimi curasset *Marcus Velferus*. Similiter *Claudius Menardus* Andegauensis *Parisiis* a. 1617. primum publici iuris fecit duos libros priores contra secundam *Iuliani responsionem*, quos denuo recognitioni suae subiecit *Mich. Paludanus* Gandauensis *Louanii* 1642. Porro *Iacobus Sirmondus* *XL. Sermones* nouos edidit *Parisiis* 1631. et *Ioannes Marus* *Sermones* sex cum fragmentis aliquot *Romae* 1644. Sed sequiores illae repetitiones, vtut auctiores sensim, propter vitia crebra multo primis sunt deteriores. Quare cum non sine manifesto damno sumtus in eas impendi cognouisset *Hieronymus Vignerus*, *Congreg. Oratorii D. Iesu Paris.* Presbyter, subuenire studuit edito anno 1654. et 1655. duobus tomis *Supplemento omnium Operum Augustini ante a. 1614. impressorum*, 'quo comparato quamuis antiquiorem, seu *Erasmi*, seu *Lo-*

vanienſium editionem absque damno, immo fructu maiori, retinere studiosi possent. Simul *sex* libros *contra secundam responsionem Iuliani* operis eiusdem, cuius duos libros primum ediderat Menardus variosque insuper *Sermones* et *Tractatus* usque dum ineditos addidit. Ad exemplar Louanienſe se composuerunt, quae ab extremo saeculo XVI. usque ad finem XVII. seorsim singula aut plura inuicem iuxta argumenti affinitatem excusa sunt Augustini scripta. Cuiusmodi sunt *Confessiones*, *Wirceburgi* 1581. et *Turoni* 1588; *de Ciuitate Dei Antuerpiae* 1600; *Geneuae* et *Lugduni* 1610. *Parisiis* 1613. 1636. 1651. *Francofurti* 1624. *Hamburgi* 1661; *de Doctrina Christiana Antuerpiae* 1601. *Witebergae* 1604. *Helmeſtadii* 1629. et 1655. per Ge. Calixtum; *de unitate ecclesiae Moguntiae* 1602. cum notis *Iusti Caluini*, *Helmeſtadii* 1657. per Ge. Calixtum; item liber *de utilitate credendi* per eundem, ibidem eodemque anno, et postea *Louanii* 1680. *de Haeresibus*, *Helmeſtadii* 1621. *Oxoniae* 1631. *Helmeſtadii* 1678. cum *Danaei* comm.; *de Fide et Operibus Francofurti* 1652. *Enchiridion* ad *Laurentium Witebergae* 1604. *Parisiis* 1665; *Epistolae Francofurti* 1678. selectae *Flexiae* 1638. et *Louanii* 1662. Nouam quidem *Confessionum* recensionem iuxta plures MSS. iactitauit *Henricus Sommalius* Soc. I. quae dici non potest, quoties impressa sit et repetita *Lugduni*, *Coloniae*, *Duaci*, *Dilingae* etc. sed cui a Criticis exiguum pretium statutum est. Nec vero momenti vilius sunt variae illae opusculorum *contra Pelagianos* collectiones, cuiusmodi *Parisiis* 1644. et 1652. *Louanii* 1647. et 48. *Romae* 1652. *Bruxellis* 1654. et 1673. et *Lugduni* 1673. prodierunt. Sed quod miraberis, ex *Gallicis* aliquot *versionibus*, quae frequenter intra hoc spatium prouenerunt, praecipue

Arnal-

Arnaldinis, fructus quidam ad textum huius scriptoris confirmandum redundarunt.

Noua denique atque vltima series a BENEDICTINORVM luculentissima opera orditur. *Conspectum* huius editionis iam a. 1671. publice proposuit vir doctus Congregationis Maurinae, qui curam illius in se receperat, sed paulo post a Congregatione pulsus, aliis eam prouinciam cedere coactus fuit *Franc. Delfau*. Tradita deinde est *Thomae Blampino* et *Petro Coutantio*, quibus per occasionem alii quidam sodales diligentiam suam commodarunt. Sed *Maillonii* partes in hoc negotio nullae fuerunt, praeterquam quod epistolam nuncupatoriam ad Regem Ludouicum XIV. cuius auspiciis totum opus gestiebat, elaborasse dictus est. A copiis criticis et diligentia editorum est consummatissima. Imprimis autem noua singulorum scriptorum ad temporum rationem discussio et spuriorum a genuinis discriminatio ecclesiasticae historiae studiis perquam salutaris commendatur. Recudi eam fecit et vno volumine variarum ad maxime illustres Augustini controuersias dissertationum suarumque haud vulgaris notae observationum auxit *Io. Clericus Antuerpiae* seu *Amstelodami* verius 1700-1703. quo factum est, vt ad plures saltem inter Protestantes vsus huius editionis pertingere potuerit. Italis non aequae placuisse videtur. Nam *Parisiensem* Benedictinorum, *autographo vndique similem*, iam anno 1706. iterum prelo committere parabat *Ioannes Bapt. Clarellus*, Typographus Venetus, publiceque id consilium significauit misso ad Eruditos Protrepico, in quo Antuerpiensis editio male ipsi ob fidem et voluntatem Clerici audiebat; quod turpe tamen quaestuosi mangonis artificium non opus erat, vt Oudini bilem moueret et ad Clerici patrocinium suscipiendum eum, ipsi mini-

me fauentem, impelleret *). Ceterum ignoramus, an Clarelli illud consilium successum habuerit, sed procul dubio haud multum ab eo abludit ea, quam a. 1729. et sequentibus ibidem prodire iussit *Ioannes Baptista Albrizzi*.

Reliqua, quae separatim a Benedictinorum inde aetate in Augustinum collata sunt, haud capiunt magnificam commendationem. *Duae* quidem *Epistolae ad Optatum*, altera *de Natura et Origine Animae*, altera *de poenis paruulorum*, quae sine baptismo decedunt, recens ex codice Abbatiae Gottwicensis in Austria inferiori erutae sunt, *Viennae* 1732. et *Parisiis iterum* 1734. impressae. Memoratu etiam digna videtur *Io. Schilteri* IC. editio libri *de Coniugiis adulterinis* *Ienae* 1698. a quibus cetera, veluti *Tricassini* ed. librorum *de Gratia contra Pelagium et Coelestium* *Mogunt.* 1687. *Liber de Haeresibus* *Cantabrig.* 1687. et *Oxon.* 1721. *Speculum Augustini* a *Tommasi* editum *Romae* 1679. Confessiones cum prolixissimo *Franc. Archangeli de Praesentatione* commentario euulgatae *Florentiae* 1757. et libelli, quos nuper *Teegius* Thuringus ad Benedictinorum exemplum typographorum formulis describi fecit *Lipsiae* 1767. 69. et 70. longo intervallo distant. In hoc tanto autem Augustini recentiori aetate neglectu optandum foret, vt, quod Parisinus quidam *Ph. D. Pierres* exorsus erat institutum, praeclaro specimine in nitidissima *Confessionum* descriptione a. 1776. proposito, non deseruisset, aut alii in simili subsidiorum criticorum fortuna imitarentur.

Sed

*) Reperitur *Clarelli* epistola in *Actis Eruditorum Lips.* Febr. 1707. pagg. 94 - 96. Conf. *Oudinus Comment.* T. I. pagg. 985. sq.

Sed transeamus tandem ad *Annales editionum* Augustini, quos quidem ita descripsimus, ut I. *Scriptorum collectorum* a primis initiis. II. *Singulorum* iuxta seriem consuetam a nobis proponerentur. Quibus omnibus absolutis paragrapho peculiari quaedam non inutilia de *Epitomatoribus*, *Defloratoribus* et *Commentatoribus Augustini*, tam antiquis, quam recentibus, subiicientur. Eiusmodi autem scripta, quae non tam explicandis aut commentandis certis Augustini libris interuiunt, quam de doctrina Augustini vel vniuersa, vel de singulis illius capitibus siue instruendi, seu conuincendi, aut alienas opiniones redarguendi causa tractant, intra limites operis huius haud apte cogi posse arbitrati sumus.

I. Collectiones Operum et Opusculorum Augustini

SAEC. XV.

1473.

Coloniae. 8. maj. Augustinus de fide. Ab initio: *Incipit liber Sancti Augustini ad Petrum Diaconum de fide*. In fine: *Liber iste S. Augustini de fide catholica ad Petrum Diaconum Coloniae impressus est. In vigilia sancti iohannis baptiste. Anno domini M. CCC. septuagesimo tercio.*

Character huius voluminis est gothicus antiquus luculentus, charta densa, paginae lineis latis XXVI. impressae. Nullae extant paginarum foliorumue vel plagularum notae. Distinctionibus, quas comata et puncta appellamus, inseruit lineola duplicata, qua alias Grammatici in verbis bicompositis uti solent, quamque *ὕφευ* vocant. Tribuimus vero huic volumini locum inter opuscula propter sequentium cum eo similitudinem, quae si non eodem

anno, attamen ex eadem officina vere prodierunt, ut nunc quidem comparatione singulorum inter se inducti opinamur, et egregiam artis perfectionem in paucis plagulis ostendunt. Nempe tria, quae sequuntur volumina, eodem caractere, sed nitidissimo et quo absolutius hoc in genere vix quicquam fingi possit, in charta longe optima et fulgenti, pagina lineas XXVII. complectente, impressa sunt. Ceterum characterum notae nullae prorsus cernuntur, nec loci, nec anni ullum indicium. Complectuntur autem

- I. Librum *de agone christiano* una cum ipsius de eodem iudicio, *ex libris retractationum*; librum *de Sermone Domini in monte habito*, cuius in fine ad calcem voluminis: *Explicit liber primus beati Augustinus (Aug: sic) de montana.*
- II. Tractatum *de Fuga Mulierum*; tr. *de Continentia*; Librum *de Contemptu mundi*; *Epistolam beati Ieronimi ad Paulinum presbiterum*; *Sermones duos Augustini de communi vita clericorum*, qui incipiunt *propter quod volui etc. et charitati vestrae etc.*
- III. *Omellas* b. Augustini et primo *de eo*, quod *Psal- mista* ait: *Quis est homo, qui vult vitam et cupit videre dies bonos.* 2) *de eo*, quod scriptum est: *Esto consentiens aduersario tuo etc. Et qui odit fratrem suum, homicida est.* 3) *de eo*, quod Dominus ait: *diligite inimicos vestros.* 4) *de eo*, quod scriptum est in *Ysaia*: *Clama, ne cesses.* 5) *de eo*, quod apostolus ait: *Radix omnium malorum cupiditas.* 6) *de eo*, quod scriptum est: *Beatus, qui post aurum non abiit.* 7) *de eo*, quod *Apo- stolus* ait: *Redimite tempus cum dies mali sunt.*

- Opuscula n. II. et III. exhibita commemorat etiam *Catal. Creuennae nouissimus T.I. p. 106 et 107.* additque
- IV. *Librum de disciplina christiana* supra enumeratis plane conformem n. 470. et
- V. *Sermonem super Orationem dominicam*, nec non *Enchiridion ad Laurentium*; n. 469. posteriores tractatus, quos omnes per *Vlricum Zel de Hanau* circa 1470. excusos esse statuit editor, secutus in eo iudicium *Deburii* in *Cat. Bibl. Ducis de la Val T.I. p. 172 sq.* qui n. 478. posteriores hosce tractatus notauit, addens primum IX. alterum VI. foliis constare. Ibidem n. 473. cum libris a nobis n. II. commemoratis simul existunt et quidem ab initio.
- VI. *S. Augustini Liber de vita beata. Liber de honestate mulierum. Libellus de honestate vitae.*

1483.

Venetiis cura et impensis Octauiani Scoti ciuis Modoetiensis. 4. B. Augustini opuscula Ascetica minora. Recenset Ge. Pray in rarioribus libris Bibl. Budenf. T.I.

1484.

Venetiis per Andream de Bonetis de Papia. 4. S. Augustini opuscula. In fine. Explicit liber S. Augustini de vera religione, et de clericorum vita sancti Augustini. nec non cuiusdam dignissimi tractatus de spiritu et anima. Que omnia in isto libro continentur: cum summa diligentia per M. Andream de bonetis de papia venetiis impressa fuerunt. inclito principe Ioanne mocenigo venetiarum duce. M. CCCC. LXXXIII. die XXII. Mensis Iulii.

Insunt

Insunt eadem, quae in editione sequenti Argentoratensi numeris I- XXII. exhibentur. Hinc vero adiecta sunt: 23) *Eusebii Corradi* Canonici Regularis Laterauensis *Epistola ad Sixtum IV. R. P. de auferendo ab ecclesia errore scribentium*, S. Augustinum fuisse Eremitam: 24) *Regula S. Augustini*. 25) *Vita S. Augustini* scripta a S. Possidio, *Episcopo Calamensi*. 26) *Eusebii Corradi ad Sixtum IV. et Cardinales Annotatio*, seu potius *Tractatus brevis de errore scribentium*, S. Augustinum fuisse Eremitam. 27) *Liber S. Augustini de anima*. Diligenter hanc editionem iam ab aliis bibliographis obiter commemoratam recensuit Cl. Seemiller fasc. III. p. 7. quo duce nihil certius in lubrica hac semita deprehendimus. Ab eo igitur docemur, omnia haec opuscula eodem caractere, gothico nimirum minuto, duabus columnis, nitidae ac firmæ simul chartæ impressa esse. Obseruat porro per priora viginti duo opuscula foliis superscriptos esse titulos, non item in reliquis. Literas initiales, custodes et numeros paginarum deficere, easdem tamen esse signatas. In *Cat. Bibl. Reg. T. I. p. 376.* laudatur a primo *Meditationum* opusculo. Nec raro etiam fit, ut singuli ex hac collectione libri tanquam seorsim h. l. et a. excusi, vel incuria scriptorum, vel quod auulsi a reliquo corpore interdum obuenant, commemorentur.

1489.

Argentorati per Martin. Flach. fol. Aurelii Augustini opuscula plurima: *Haec sola tituli instar pagina prima habentur, caractere gothico maiori impressa. in fine:* B. Aurelii Augustini Hipponensis episc. ac doctoris ecclesiae sanctissimi pariter et perspicacissimi: plurimorum opusculorum, nec non vitae eius a Possidonio conscriptae: impensis et opera Mar-

Martini Flach Argentinae accuratissime impresso-
rum. Finis Anno a natiuitate saluatoris M. CCCC.
LXXXIX. XIII. Kalendas Apriles.

Hos inuat arguta scrutari indagine verum.

Illos Dulichio verba lepore tenent.

Ast aliis gratum est varios versare libellos.

Sunt quos scripta quibus non nisi sancta placent.

Quisquis es ex istis: paucis nummis eme multos

Aurelii libros: hancque leuato sitim.

Neruofos cernes rationum viribus: atque

Ornatos: varios: de deitate simul.

Hos menda expertes tulit Argentina: premique

Martinus docili *simus* ab arte dedit.

Literae sunt gothicae. Paginae columnis binis im-
pressae, folia, sex prioribus exceptis, numerata, sin-
gula capita numeris suis et argumentis sunt perquam
commode distincta. Insunt sequentia: 1) *Medita-
tiones*, 2) *Soliloquia*, 3) *Manuale de verbo Dei*, 4)
Enchiridion ad Laurentium, 5) *Liber de triplici ha-
bitaculo*, 6) *scalae paradisi*, 7) *de duodecim abusio-
num gradibus*, 8) *de beata vita*, 9) *de assumptione
beatae Mariae virginis*, 10) *de diuinatione Daemo-
num contra Paganos*, 11) *de honestate mulierum*,
12) *de cura agenda pro mortuis ad Paulinum Nol.
Ep.*, 13) *de vera ac falsa poenitentia*, 14) *de con-
tritione cordis*, 15) *de contemptu mundi ad clericos*,
16) *de conuenientia Xpraeceptorum et Xplagarum
Aegypti*, 17) *de cognitione verae vitae*, 18) *Confes-
siones*, 19) *de doctrina christiana*, 20) *de fide ad
Petrum Diaconum*, 21) *Sermones duo de vita et mo-
ribus Clericorum*, 22) *de vera religione ad Roma-
nianum*, 23) *de spiritu et anima*, 24) *de vita chri-
stiana ad sororem suam viduam*, 25) *de definitio-
bus orthodoxae fidei et ecclesiasticis dogmatibus*, 26) *de
disci-*

disciplina christiana, 27) *Sermo de charitate*, 30) *Tractatus de vanitate huius saeculi*, 31) *de obedientia et humilitate*, 32) *de agone christiano*, 33) *de bono disciplinae*, 34) *Regula de communi vita Clericorum*, 35) *Posidonius de vita Augustini*. Praecedunt praeter hunc ipsum omnium opusculorum indicem, peculiares aliquot quorundam librorum tabulae. Miror Cl. Seemillerum, qui eandem editionem in commentarios fasc. III. p. 171. retulit, non contendisse cum ed. Veneta 1484. Habet etiam Cl. Braun l. l. T. II. p. 174.

1491.

Ibidem ap. eund. f. Eadem ex secunda editione. *In fine*: M. CCCC. XCI. die XI. mensis Augusti. Eius exemplum mancum tamen notavit Gemeiner l. l. p. 203. integrum vt nostrum Cl. Braun l. l. T. II. p. 213.



Parmae per Angelum Vgoletum. f. Augustini opuscula varia finita *Pridie Kalend. Aprilis. Cat. Bibl. Smith.* p. 28. et *Creuennae nouiss. T. I. p. 110.* Ordiantur seriem libri contra *Academicos*, vnde *Morrellus* in *Cat. Bibl. Pinell.* hoc nomine ea refert.



Venetis per Dionysium Bertoldum. f. Aur. Augustini opuscula plurima: quaedam non plus impressa. Haec in speciem tituli in prima primi folii pagina. Incipiunt a *Meditationibus*, quarum titulus minio impressus; vltimum est *Vita* eius per *Posidonium* conscripta, ad cuius calcem: *Eiusdem videlicet Aur. Augustini Hipponensis Episcopi ac doctoris ecclesiae*

clesiae sanctissimi pariter, nec non vite eius a Possidonio conscripte: impensis et opera Dionysii Bertoldi de Bologna Venetie accuratissime impressorum finis anno a nativitate salvatoris nostris (sic) M. CCCC. XCI. die XXVI Martii. His denique epigramma est subiectum. Textus occupat folia CCCXXXIX. Accedunt autem ab initio voluminis praeter titulum octo folia tabulam materiarum exhibentia. Superest in fine folium cum chartarum registro symbolum typographi sistens. Literae sunt Gothicae. Descriptio facta est per binas columnas, expressis foliorum numeris ac signaturis, ut tamen custodes desiderentur. Debemus huius et sequentis editionis notitiam *Cl. Braunio, Notit. Lit. T. II. p. 229.* Utinam vero viro diligentissimo contenta eiusdem, vel enumerare, vel cum aliis saltem comparare placuisset.



Venetis per Pelegrinum de Pasqualibus. f. min. Plurima opuscula S. Augustini. Haec pro titulo. Ad calcem: Finiuntur opuscula S. Augustini hipponensis anno a nativitate domini M. CCCC. LXXXXI. die vero 10 nouembris impressa fuerunt Venetiis per Pelegrinum de Pasqualibus de Bononia.

Volumen est foliorum CXXXI. exscriptum typis gothicis, columnis binis. Insunt numeri ac signaturae, nec tamen custodes. Initium faciunt libri contra Academicos, cum hac epigraphe minio impressa: *Diui Aur. Augustini Hipponensis episcopi contra Academicos: vel de Academicis, quem adhuc Catechumenus edidit.* Praemittitur epistola *Seuerini Chalci*, Canonorum regularium S. Crucis Montanensis Canoniae Praepositi ad lectorem, cui operum index et epigramma aliquod subnexa sunt.

[1495.]

Basileae per Iohannem de Amerbach. fol. VI. Vol. S. Augustini Opera. Maett. T. I. P. II. p. 588. ex fide de la Caille p. 82. Sed frustra eam apud alios literatos viros, et in optimarum bibliothecarum catalogis conquisivimus. Vereor ergo, ne per errorem, nescio quem, talis notitia inciderit, quod vel ex eo sit verisimile, quod formam chartarum duplicem folii scilicet et quarti prodidit. Meminit eius quidem etiam *Vigneri* in *Praef. ad Supplem. Operum Augustini*. Sed non maiori fide. Immo paene certum, varias singulorum Augustini scriptorum, veluti *Enarrationum in Psalmos, Epistolarum et Sermonum*, editiones per annos 1493, 94, 95, 97, identidem ab Amerbachio excusas, hunc errorem peperisse.

1497.

Lugduni per Io. Trechsel. f. Opus questionum divi Augustini, in quo haec omnia continentur.

Heptateucon opus variarum questionum super septem libros biblie: comprehendens totidem, septem libros.

Questionum novi et veteris Testamenti lib. III.

De consensu Evangelistarum libri IV.

Questionum Evangeliorum libri III.

Questionum octoginta trium liber I.

Questionum LXV. Orosii: eiusdem dyalogus, qui est liber unus.

Questionum octo Dulcidii libellus unus.

Questionum Laurentii de fide, spe et charitate: enchiridion.

Inquisitionum Ianuarii et de consuetudinibus ecclesie II.

Questio-

Questionum Honorati de Gratia N. T. liber unus.

Questionum quinque Hylarii libellus unus.

Questionum sex contra Paganos ad Deo gratias, libellus unus.

Item omnium istorum indices et retractationes in faciebus posite.

Haec in fronte tituli, quibus subiecti sunt in commendationem eius versiculi aliquot ad D. Augustinum. *In fine* (extremae paginae columna prima): *Finis sex questionum diui aurelii augustini epi contra paganos ad deo gratias: et per consequens totius huius operis. Deo gratias.* Columna altera deinde post Badii perorationem et subiectum eidem chartarum registrum: *Impressum est autem hoc opus Lugduni: opera et impensis M. Ioannis Trechsel Alemanni: anno salutis nostrae Millesimo quadringentesimo nonagesimo septimo. VII. Kalend. Majas.* Quibus in extrema pagina subiicitur symbolum typographi. Praefatus est Iodocus Badius ad Magistrum Petrum Gerardum, sacrae theol. profess. et fratrem Eremitarum Augustini Parchiensem (*sic*) Priorem. (d. Lugduni. VII. Kal. Maj. 1497.) Ex eo quidem discimus, opus hoc collectum esse atque castigatum ab *Augustino de Ratispona, S. Theol. Baccalaureo*, de Scholasticorum aliquot doctorum scriptis, iam ante editis, bene merito. Neque vero ipsius etiam Badii studium operi defuit, siquidem et conquirendis quam pluribus, quos ille nancisci non potuerat, tractatibus et corrigendis iisdem non modicam sibi huiusmodi diligentiae particulam vendicare posse fateatur. „Nam primum, *inquit*, eum, quem in tergo conspicias ordinem, observatum volumus: ut primo loco veteris duntaxat testamenti questiones: secundo

noui et veteris: tertio euangeliorum, quae noui duntaxat sunt: et ultimo relique ponerentur. Ceterum si forte quispiam reprehenderit, quod de consensu euangelistarum et enchiridion inter questiones inferuimus: non recte animaduernerit, quantum ea opera cum questionibus conueniant. Deinde retractationes ipsius Augustini, vbicunque fecerit, operi praeposuius: et in marginibus locorum, quos tractauit, ipsas consignauimus. Tum grecum suis characteribus conscripsimus et in margine iis, qui grecos ignorant, latinis repetimus: adiecta nonnumquam significatione. Tum quoties in diuersis codicibus duplicem, quarum neutra aspernanda esset, lectionem offendimus, utramque posuimus: sed alteram sub margine. Tum libros in fronte chartarum distinximus. Tum indices omnium, quae in singulis operibus continerentur, ipsis praeposuius, et interdum etiam ante ipsa capita reposuius. In primis tamen questionibus, quas in formam questionum redegimus, non opus repetito visum est: ne forte praenotatio ipsa narratione maior nasceretur: loca tamen biblie, vnde excepta sunt, diligentius cum ipsis questionibus annotauimus.“ — Nec omittenda plane nobis videtur, quae in extrema columna legitur eiusdem *Badii De operis complemento: et ut dicunt registro ad magistratum nostrum Petrum Gerardi*: priorem etc. *Peroratio*, quae sic sonat: Hec sunt magistratorum nostrorum optime: magister petre Gerardi: quo de questionibus diui patris augustini: multo quidem labore parta tandem tuo nomini dicata emitimus: precantes omnes ea perlectores in partem accipiant bonam: veniamque dent: si vel pauciores questiones, quam ipse sanctissimus doctor augustinus confecit: vel has minus cognitas omiserimus. *Pau-*
culas

culas enim deesse remur atque eas tantum, quae ad simplicianum mediolam. episcop. conscripte sunt: quas hactenus reperire non potuimus: locum tamen, quo inferi possent, reliquimus trium quaternionum: Mm. Nn. Oo. quem si vocantem dereliquimus: vitio dandum nullus nisi inhumanus et calumniator censerebit: cum vel singula opera plena sint: et seorsum emitti possint. Quae vero errata veremur: eiusmodi credimus, quae sine recognitione aut admonitione nostra facile quivis deprehenderit et emendaverit. Ne quis autem chartarum conuertendarum ignoret: et ob id deesse quidquam putet: hec series est. a - f. A - G. Aa - Ll. Pp. Quorum b. k. q. r. G et Ll. terne sunt pp. quine: reliquae autem quaterne etc." Exscriptum est opus hocce caractere gothico minuto binis columnis, lineis adeo scriptis ut LV. paginam capiant. Enimvero perquam commode adornatum est. Tametsi enim foliorum paginarumque numeri, custodesque desint, habet tamen chartarum signaturas, continuam in summa pagina inscriptionem caractere maiusculo expressam; literae item initiales parvis quidem indicatae sunt, sed cuiusvis capitis linea prima characterem maiorem sortita est, gaudetque argumento numeroque praemisso, qui numerus literis romanis simul in margine repetitus est. Praecedit porro septem foliis quaestionum tabula cum sententia ipsius Augustini super Quaestionibus ex libris retractationum, in qua vnum hoc observanti dignum restat, quod singulari adnotatione editor lectionem *scripturarum sanctas* contra alteram *scripturas sanctas* complurium codicum auctoritate excusat ac defendit. Meminit huius ed. Cl. Braun T. II. p. 295. Nec alia fortasse est ab ea, cuius sub titulo *primi Operum Augustini Tomi* meminit Maettarius

T.I. p.482. fide *de la Caille* subnixus, apud quem per errorem a. 1487 pro 1497 scriptus esse videtur *).

SAEC. XVI.

1506.

Basileae apud *Iaannem Amerbachium. fol. IX.*
Tomis, D. Augustini Prima Pars librorum, quos edidit Catechumenus.

Pars II. Libri, quos scripsit Baptizatus.

Pars III. Libri, quos edidit Presbyter.

Pars IV - VIII. Libri, quos edidit Episcopus.

Pars IX - XI. Libri, quos non recenset in libris retractationum.

Primae huius operum Augustini editionis exempla adeo rara sunt, ut licet non paucos euoluerim diversarum Bibliothecarum catalogos, in duobus tantum hactenus reperire contigerit **), qui ambo eundem quidem, quem in conspicuo posuimus annum, produnt, quemque Maettarius eruit ***). Datur nimirum in his discrepantia quaedam, dum alii, velut

*) Nunc idem iam *Hambergerum* monuisse video *Tom. III. pag. 104.*

**) Nempe in *Catalogo Bibl. Bodleianae*, qui citat *Augustini opera IX. Tomis* per Amerbachium Bas. 1506. et *Cat. Bibl. Princip. Ecclesiae et Monasterii Ord. S. Benedicti ad S. Emmeranum Ratisbonae P. I. (1748. 8.)* in quo plenior titulus p. 40 seqq. adscriptus est, sed omisis partibus V. VI. VII et X, mancum illud exemplum esse proditur.

***) *Tom. II. P. I. p. 216.*

Iut auctores Colonienſes annum 1504. alii annum 1501 et 1503. praeferunt *), vnde fortasſe iure aliquo colligas, non vno anno totam hanc editionem eſſe abſolutam, ſed inceptam anno 1503, ad finem tandem a. 1506. perductam, eoque anno, qui terminus integri operis fuiſſet, ſingulos Tomos eſſe ſignatos **). Nec tomorum numerum eundem omnes tradunt, ſed alii *noeuem*, alii *undecim* conſtare opus totum volunt, non ſane ſcripturae aliquo errore, ſed diſertis verbis numerum enuncianteſ. Quid? quod Trithemius *quindecim* voluminibus impreſſum eſſe dicat ***).

Nunc tamen, ne diutius hiſce experiundis operam impenderemus, effecit Oudinus, qui, declarata totius partitione, ſatis ſignificat, ipſam editionem a ſe fuiſſe inſpectam. Docet autem *undecim* partibus, *noeuem* vero tomis eſſe comprehenſam, atque ſic diſtinctam, vt *octo* priores eos Auguſtini libros, quos ipſe in ſuis *Retractionibus* recenſet, contineant,

F 3

reli-

*) Pertinet huc locus, quem etiam Colonienſes adducunt, ex *Sweertii Athenis Belg.* p. 148, vbi de *Dodone* ſcribit: „*Primus congeſſit et caſtigauit S. Auguſtini opera omnia, adiecit et argumenta in Opera ſingula ac cenſuras, ſed immaturam eius operam peſtis abſumſit, eo ipſo anno, quo prelo ſubiiciendum opus erat, 1501. prodiitque poſt mortem ex officina Amerbachii 1503.*“

**) Conſentit Oudinus in *Comment.* T. I. p. 934. circa annum 1500. inceptum, anno vero 1506. completum eſſe opus dicens. Pro poſteriori numero operarum vitio ibi exſcriptum eſt 1586. Oudinum fere totum exſcripſerunt Colonienſes, niſi quod de ſuo addiderunt, *omnia a. 1504. lucem adſpexiſſe.*

***) In Epiſtola ad *Iacob. Kymolanum* Carmelitam data Herbipoli XVI Auguſti 1507. apud Maett. II.

reliquae ceteros, quorum nulla in hoc opere mentio iniicitur, complectantur, quod ita se habere ex *Catalogo Bibl. Emmeranae* intelleximus, qui tres priores Partes vno Tomo seu Volumine comprehensas ostendit. Simul monet, plurimos *Sermones*, plurimasque *Epistolas*, nec non *Enarrationes in Psalmos*, vtpote quae iam antea per annos 1489, 1494, 1495, 1497 excudi curauerat; vndecim his partibus adiicere noluisse. Vfus autem fuerat *Io. Amerbachius* in paranda hac editione opera cuiusdam *Augustini Dodonis, Frisii, Basileae ad S. Leonardum Canonici*, qui, illo sumtus praebente, Italiae, Galliae et Germaniae Bibliothecas perscrutatus erat, et ipse, si per fata licuisset, operibus vndique comportatis, manum admoturus fuisset.

1515.

Parisis fol. IX. Tomis. Diui Aurelii Augustini opera *iuxta Amerbachianam descripta*. Deest huius editionis memoria in Maettario. Commemorant eam Colonienfes, notat Catalogus Bibl. Bodleianae. In Germania vix vnum eius exemplar inueniri putem, nec in Gallia quidem, nisi in Bibliothecis obscurioribus lateant. Certe Cat. Bibl. Reg. Paris. eam ignorat.

1517.

Sine loco. fol. *Index Operum S. Augustini per eximium Ioannem Theuschlein de Frickenhausen*, ex Rottenburga Tuberina. Sic extat in *Cat. Bibl. Emmeranae* p. 41. Pertinere autem puto ad editionem Amerbachianam.

1520.

Parisis apud Ioannem Paruum. 4. D. Aur. Augustini libri III. contra Academicos, soliloquia et alia opuscula: quatuor haec iam primum impressa de Visitatione infirmorum; de adulterinis coniugiis, de bono coniugali et bono virginali. Cat. Bibl. Reg. T. I. p. 376.

1528 - 29.

Basileae ex officina Frobeniana. fol. X. Tomis. D. Aurelii Augustini, Episcopi Hipponensis, Opera omnia ex emendatione Des. Erasmi.

Pleniorum titulum, unde hauriremus, non datum fuit. Opinamur autem, non procul eum abluere ab eo, quem editio a. 1543. praefert. Sed cum iam accesserimus ad eam editionem, quae non modo integra ac plena prima dici potest, sed sequentium omnium, non excepta nouissima, fundamenta iecit et in iis quodammodo dominatur, necesse erit, ut ante omnia, quae ipse Erasmus de instituti sui ratione in medium attulit, cum lectoribus communiceemus. Etenim sequentium editionum curatores aut contenti fuerunt, Erasmanam operam accessionibus aliquot locupletatam prelo committere, aut ultra vestigiis ipsius institerunt et partim codicibus, partim iudicio suo confisi emendatiorem ac sinceriores efferre contenderunt, aut etiam ab illo longius recesserunt. Quorum omnium studia atque conamina non dicam aestimare, sed ne examinare quidem absque accurata Erasmanae operae cognitione licet. Nec vero uniuerse atque paucis didicisse sufficit, Erasmus textum emendasse, genuina a supposititiis secreuisse et cuncta nouo ordine esse dispartitum, quo sane nec ad auctoris, nec ad editoris ingenium cognoscendum

magnopere iuuamur. Sed cum primus ille explicare aggressus sit, quae peculiaris Augustini ac maxime propria tam in sentiendo, quam eloquendo, virtus fuerit, eamque notionem deinde, qua solet in ceteris quoque ecclesiasticis scriptoribus solertia, ad explorandam tam vniuersam scriptorum genuinitatem, quam singulorum locorum sanitatem traduxerit, omnique inde saeculo critices aliqua formula in Augustino restituendo praeiuerit, non facile quemquam, qui haecce studia curat, fore, arbitror, qui hac Erasmi disputatione absque damno carere possit. Accedit, quod primus item Erasmus deprauationum textus Augustiniani causas, variaque corruptorum genera indagauerit, quorum descriptio quodammodo eundem usum praestare potest, qui alias a Codicum notitia bene explicata exspectari solet. Atque haec praefaminis loco, ne inferenda hac oratione bene longa negligenter aut parum verecundi aliquibus videremur. Iam ipsum audi. Sic enim in epistola, (data Friburgi Brisgauiae. M. D. XXIX.) qua totum opus *Alfonso Fonscae, Principi et Archiepiscopo Toletano totiusque Hispaniae Primati*, nuncupat, cuiusque dimidiam partem in laudes Augustini impendit, loquitur:

„Quo dilabor? Non enim institueram encomium Augustini, quodsi suscepissem, haec quota portio laudum illius erat. Illud tantum volebam ostendere, quam dolendum fuerit, tantum ecclesiae thesaurum tam sero per typographos prodiisse in publicum, quem maxime referebat in omnium versari manibus. Deterrebat nimirum illos impendiorum magnitudo. Primus hoc egregium facinus ausus est, vir singulari pietate IOANNES AMERBACHIVS, re sat beatus, sed animi dotibus longe beatior, quem nec sumptus immensi, nec in conquirendis vndecunque

exem-

exemplaribus instantia, nec in conferendis taedium, nec operis difficultas, nec distractionis alea, nec vlla res alia deterruit, quo minus totum Augustinum redderet omnibus communem. Non huc inuitauit virum quaestus amor, sed sincera pietas, quam omnes illius praefationes spirant, ac reuocandi priscos illos ecclesiae doctores studium, quos videbat ac dolebat propemodum antiquatos. Proinde non dubito, quin illius manibus bene precentur omnes, qui per Augustini libros ad pietatem profecerunt. Idem in vniuersas Hieronymi lucubrationes maiori etiam studio molientem deus ad superos euocauit. Eam tamen prouinciam tribus filiis, Brunoni, Basilio, et Bonifacio, quos in hoc curarat trium peritia linguarum instituendos, moriens delegauit, per quos non minore studio, quam fide peractum est, quod optimus pater voluit. Sic enim illos et ad pietatem et ad eruditionem educarat, vt quodammodo se maior ac melior in illis superesset, hodieque supersit. Nam natu maximus tantum in fata concessit. Tot sunt examina monachorum in orbe, quorum otium magnis censibus alitur. Tot sunt Abbates opimo reditu, nihil aliud, quam aedificantes, vel alentes equos, vel epulantes. Hic erat illorum proprius labor, quem homo laicus sua sponte suscepit. Atque in Augustino quidem tantum adhibitum est ab illo curae, studii, vigilantiae, quantum illa tum ferebat aetas, rudior adhuc et perpaucos habens in hoc genere literarum exercitatos. Illud potius mirandum, quod, quum Augustini lucubrationes tot iam annis versentur inter manus eruditorum, nulla extiterit de illo publica querimonia, quemadmodum de Hieronymo nemo non querebatur. Atqui ni multos haberem testes, qui operi excudendo vel praesuerunt, vel adfuerunt, nemo mihi crediturus sit, quan-

tum mendarum offenderim ac sustulerim, etiam il-
 linc, vbi nihil esse deprauatum putabatur. Habet
 enim Augustinus suum quoddam dicendi genus, ar-
 gutum, et periodis in longum productis multa con-
 voluens, quod lectorem et familiarem, et acutum,
 et attentum, et bene memorem requirit, denique
 taedii laborisque patientem, quales non ita multos re-
 perias. Iam tamen prophanas literas parcius osten-
 tat, quam Hieronymus, tamen obiter ad eas fre-
 quenter alludit. His rebus factum est, vt lector
 audaculus magis, quam argutus, mutarit quicquid
 offendeat. Verum quae vel librariorum incuria,
 vel lectorum inscitia commissa sunt, habent vteun-
 que colorem, quo culpam liceat, si non excusare,
 certe extenuare: quanquam hanc oportuit esse publi-
 cam Principum, Praesulum et Abbatum curam, vt
 vtilium, sed praecipue sacrorum voluminum exem-
 plaria per eruditos viros quam diligentissime castigata
 seruarentur in publicis bibliothecis. Illos vero, quos
 absoluat a sacrilegii crimine, qui nec errore, nec
 vlla necessitate, sed inepta libidine, studio mutarunt
 huius viri scripta, vertentes *que in et: et in que:*
sed in at: at in sed: dixit in ait: ait in dixit: ver-
 bum in participium: participium in verbum: alia-
 que innumera his consimilia, quasi luserint in ope-
 re alieno. Hoc flagitium quum alias, tum praeci-
 pue deprehendimus in libris de Trinitate. Depre-
 hendimus autem ex collatione *codicis*, quem nobis
 praebuit *Flandriae monasterium quoddam*, cuius no-
 men in praesentia non occurrit, sane bellum ac ve-
 tustum, dixisses bonae fidei, magnaeque auctoritatis
 exemplar. Vix vnquam occurrebant duo versus, quin
 esset, quod iugularet transuersus calamus. Hic non
 erat error aut oscitantia, sed impius ludus hominis
 male feriat. Alibi nescio quis sententias expleuerat,
 adie-

adiectis verbis aliquot non necessariis: velut quoties beatus Augustinus citabat e scripturis canonicis, quantum ad id, quod agebatur, satis erat, ille scripturae testimonium altius repetitum ex eodem loco longius prosequeretur, quum nihil esset ad rem necesse. Id praecipue factum comperimus in Commentariis, quos scripsit in epistolam ad Romanos et ad Galatas. Risimus non paucis locis insignem scribarum delirationem, qui, quod lector ineptiens annotarat in margine sui codicis, retulerunt in contextum. Ex multis duo proponam exempla, quorum alterum est in Epistola LVIII. vbi leguntur haec Augustini verba: *Hos autem prophetas, quos post apostolos posuit, non puto illos esse, qui ordine temporum ante apostolos fuerunt, sed istos, quibus iam sub apostolis per gratiam donabatur, aut interpretatio scripturarum et inspectio mentium, aut praedictio temporis sequuturi.* In priori editione participium *sequuturi*, a suo nomine, *temporis*, prolixo verborum assumpto diuulsum comperimus, idque non solum insigniter indoctum erat ac stultum, verum ne ad rem quidem tantillum faciens. Non enim illic ambigebatur, qui essent apostoli, et vnde ducta vox, sed de quo prophetarum genere loqueretur illic Apostolus. Non repetam hic longum nugamentum, ne sim taedio, decerpam modo pauca, vnde facilis sit coniectura, quam cetera nihil habeant mentis. Hunc in modum orditur: *Si enim ego ipse ut de his, quid sentiam, habeas, differentiam facturum me sperauerim: Agnoscis sermonis florem. Ac mox: Ut enim ad vim termini proficiscar, Apostolos Graecum, dicitur ab apos, quod notat argumentum, vel praeminentiam, et scolon, quod est missio, quasi praeminenter missus, ad augmentationem scilicet fidei catholicae, vel apostolus quasi postmissus etc.* Quid hac deliratione prodigio.

digiosius? Apos enim apud Graecos tantum significat, quantum Kiskildriuium apud Latinos, et scolon Graecis sonat offendiculum. Deinde stultissime imaginatur in nomine apostolus, apost additum pro postmodum, pro quo barbari dicere solent de post. Atqui si graeca vox est apostolus, ut ipse docet, unde illic latina praepositio post? Sequitur, propheta autem a pro, id est procul, et for faris, quum propheta Graecis nihil aliud sonet, quam latinis praedictor. Haec proposuisse satis arbitror, ad totius nugamenti gustum quendam, quod ita attextum est, quasi quis pro Augustino Paulinum doceat, de quo significarat se dubitare. Alter locus est in libro secundo: De sermone domini in monte habito. Quoniam inter fractus spiritus Paulus commemorat gaudium, ne quis existimaret, illum de quouis gaudio loqui, sic locum explanat Augustinus. *Sane sciendum est, hic gaudium proprie positum. Mali enim homines non gaudere, sed gestire dicuntur proprie, sicut superius diximus voluntatem proprie positam, quam non habent mali, etc.* Haec Augustini verba quum nihil habeant obscuritatis, tamen aliquis conatus erat dilucidius, scilicet explicare sententiam hisce verbis: *Neque gaudium virtutis sit, sicut voluntas, et haec potius ad sanctos pertinent: ad peccatores vero gestus magis et cupiditas deputanda sunt.* Et hoc tam insulsum nugamentum e spatio marginis in contextum relatum aliquamdiu nos torfit. Cum huiusmodi portentis fuit nobis subinde luctandum. Alius ex undiquaque decerptis frustulis, veluti nouum opus, Augustini titulo construxerat: alius aliena cum Augustini scriptis miscuerat: alius ex quaestione fecerat epistolam, assutis initio paucis verbis. Ne singula persequar, vix in alterius tam impie, quam in huius sacri doctoris voluminibus lusit otiosorum temeritas.

Vt omittam interim pseudepigrapha, quaedam non inerudita, quaedam vix tolerabilia, quaedam prorsus indocta. Verum in omnibus, quae illi falso sunt inscripta, nihil insulsius aut impudentius Sermonibus ad Eremitas, in quibus nec verba, nec sententiae, nec peccus, nec omnino quicquam est Augustino dignum: et tamen quisquis hoc opus confinxit, homo suavis sibi promisit futurum, ut Augustinus crederetur, et sane reppererunt similes labra lactucas. Nihil tamen horum submouimus, nisi quod ea, quae bis aut saepius habebantur inter huius viri lucubrationes, sat habuimus semel ponere, ne voluminum magnitudinem superuacua sarcina oneraremus: censuris tantum additis indicauimus, quid nothum esset, quid ambiguum, quid commixtum. Haec igitur in tam eximio scriptore committi sane dolendum est: sed aequè mirum, super his nullam hactenus fuisse studiosorum querimoniam: vnde coniectura capi potest, diuum Augustinum antehac a plerisque Theologis aut non legi solitum, aut indiligenter fuisse lectum. Ne mihi quidem vnquam persuaderi potuisset, tantum in tam celebri scriptore latuisse mendarum. Equidem nihil minus habebam in animo, quam hanc capeßere prouinciam. Deterrebat immensa voluminum moles, et operis difficultas iuvenile robur, ac prorsus adamantinum quendam hominem exigebat: me vero iam et aetas et valetudo ab hoc genere laborum in totum dehortabatur. Sed felicitis memoriae IOANNES FROBENIVS, vir ob singularem erga studia fauorem omnium studiosorum amore perenni dignus, tandem illud a me precibus extorserat, ut in Epistolis vnicum ternionem emendarem, quo posset operis specimen in proximis nundinis ostendere. Pollicitus sum, sed hac lege, ne quid speraret amplius. Annuit. Ceterum quum per-

perspicerem, illi certum esse consilium, volumen Epistolarum absoluere, neque quenquam esse paratum, qui posset, aut certe vellet, emendandi partes obire: vicit animi destinationem, quum singularis amici pertinax voluntas, tum ipsa negotii pietas. Hoc volumen totum ad me recepi, sed vnicum, etiam atque etiam testificans, ut si pergere vellet, alium inueniret castigatorem, nec me suo quoque dispendio, non modo studiorum, a melioribus curis auocaret. Quid multis? quum nullus existeret, qui vellet eam sarcinam in humeros tollere, et Ioannes Frobenius asseueraret, stare sententiam, ut si non daretur aliud, totum Augustinum, qualis qualis erat, rursus excuderet: ego partim amici respectu, cui nihil pernegare valebam; sed multo magis inexpiabile piaculum esse reputans, si tam eximius ecclesiae doctor, tot mendis oblitus, tantis impendiis denuo prodiret in orbis theatrum, hoc insigniore deformitate notabilis, quo magis elegantia formularum, ac maiestate voluminum, oculos omnium ad se rapturus esset: perinde quasi purpuram eximiam ostendas foedis maculis deformatam, passus sum imponi mihi clitellas. Tandem ubi tantum pelagus ingressus ventis vela dedissem, longe plus, quam exspectaram, comperi difficultatis, ut non semel animum desponderim, deque deferendis institutis cogitarim: ad quod ipsum euidentis etiam valetudinis periculum invitabat, aut, ut rectius dicam, compellebat. Iam me terrebat et exemplum Ioannis Frobenii, quem videbam huic immortuum negotio, virum alioqui quum firmo corpore, tum vita longissima dignum. Verum quod prima fronte deterrebat a negotio, hoc ipsum propius consideranti stimulos addebat. Non enim oportet bonorum virorum amicitiam vitae spatium terminari, praesertim quum huius difficillimi nego-

negotii moles in filios illius Hieronymum et Ioan-
nem Erasmium, reliquosque liberos esset deuoluta,
quibus hoc minus oportebat deesse, quod tali patre
essent orbat. Nam quidquid erat erga Frobenium
affectus, in hos transtuli. Itaque obfirmato animo,
sic vt operi tam sacro satius ducerem animam im-
pendere, quam semel susceptum non absolvere, tae-
dium omne deuici: quoque sum altius ingressus, hoc
labor assuetudine factus est leuior, ipso, vt opinor,
Augustino coeptis nostris prospera fauoris aura coe-
litus aspirante, donec tandem procul aperiret sese
portus, in quem propitii numinis auxilio delati, lae-
tum celeusma nunc canimus. In dirigendis porro
voluminibus hunc ordinem sequuti sumus. In Pri-
mum volumen contulimus ea, ex quibus tota Augu-
stini vita, mores, ingenium, et affectus perspiciun-
tur, quod hoc pacto futurum arbitrarer, vt et re-
ctius intelligeretur, et auidius legeretur. Amor
enim doctoris et attentum reddit, et lubentem disci-
pulum. Adiecimus eiusdem progymnasmata, qui-
bus vel infans adhuc in Christo, vel nouus tyro fe-
licissime praelusit ad egregia facinora. Secundum
volumen dedimus Epistolis, partim quod in his quo-
que permulta sunt, quae scripsit iuuenis; partim
quod ex his maxime deprehenditur, si quid in illius
natura fuit peculiare. Tertium et Quartum dedi-
mus his lucubrationibus, quas ad docendum parauit.
Quintus habet Ciuitatem dei, quod hoc opus simul
et docens et confutans errores maxime Paganorum,
vtrinque mixtum esset. In hac portione nihil est
nostrae industriae, quod hanc prouinciam hortatu
meo sibi proprie sumpsisset vir apprime doctus Ioan-
nes Ludouicus Viues. In Sextum et Septimum dis-
tribuimus pugnas aduersus haereses diuerfas. In
Octa-

Octauum et Nonum collecti sunt tractatus, sic enim appellat Augustinus scripturarum enarrationes apud populum habitas, nisi quod in Nonum farraginem quandam adiecimus libellorum, quos viri nescio qui spiritales in hoc parasse videntur, ut affectum suum ad rerum coelestium contemplationem inflammarent. Decimum volumen complectitur homilias varii argumenti, in quibus permulta sunt aliena, quemadmodum et in Nono. In singulis, ne nullus esset ordo, vel sacrorum voluminum, quae interpretatur, ordinem, vel haereseon origines sequuti sumus. Ipse Augustinus in libris Retractationum maluit aetatis suae, et in Christianismo progressuum ordinem sequi, recensens, quae scripserit catechumenus, quae sacro lauacro renatus, quae presbyter, quae episcopus, nisi quum epistolis et tractatibus suum locum destinasse videtur, quam huius curae partem non absoluit, ut ex ipsius aliquot scriptis apparet. Siquidem hoc moliebatur iam extrema senecta, veluti praefagiens extremum imminere diem, tantoque studiosius agens, ut quoniam vocis officio diutius ecclesiae prodesse non poterat, in libris illi superesset, quatenus licebat, et emendatus et integer, quod propemodum assequutus est. Vix enim ex alterius monumentis minus intercidit, a deprauatoribus nihil omnium potuit vnquam esse tutum. Nostram operam hic non exaggerabimus, conferat cui vacat et agnoscet. Nec tamen ausim polliceri, nihil resedisse, quod egeat emendatore. Alicubi nos destituerant vetusti codices, aliquando in opere tam prolixo somnus obrepfit, quem Flaccus putat esse condonandum humanae naturae. Iam si operarum incuria commissum est, a nobis praestari non potuit, qui cum officina nihil habemus commercii. Tantum illos ad-

mo-

monere possumus, qui praesunt officinae: quod quidem a nobis factum est sedulo. Quidquid nostra mediocritas potuit, bona fide praestitit."

Habes hic omnia, quibus noua editio se commendet. Nec superuacaneum, immo necessarium plane existimem, indicem singulorum, quae in vnoquoque Tomo continentur, operum subiungere. Quamuis enim ab initio constitutum erat, in editionum recensu ordinem continuum librorum non attingere, et facile nos eiusmodi indice carituros esse mihi persuaferam, maxime cum supra in recensu omnium diligenter notatum sit, vbi quoduis tam in Erasmanis, quam Louanienfibus et Benedictina reperiatur; ipsa tamen re edocti sumus, certam de successu collatae in auctorem operae notitiam informari non posse, nisi in potioribus editionibus librorum numerum et seriem intueri liceat. Huius igitur Erasmaniae ordo hic est: *In Tomo Imo insunt:*

Retractionum lib. II. *cum censura.*

Confessionum libri XIII. *cum censura.*

De Grammatica liber vnus.

Principia dialecticae.

Categoriae decem.

Principia Rhetorices.

De Musica lib. VI.

Contra Academicos lib. III.

De ordine lib. II.

De vita beata.

Soliloquiorum lib. II.

De magistro.

De immortalitate animae.

De libero arbitrio lib. III.

De vera religione.

De moribus ecclesiae catholicae, et de moribus

Manichaeorum lib. II. *cum censura.*

De Genesi contra Manichaeos lib. II. *cum censura.*

Regulae Augustini *cum censura.*

Posidonius de vita Augustini.

In Tomo II.

Epistolarum farrago.

Epistolae sunt CCXLII. ducentae quadraginta duae, inter quas et spuriae quaedam ab Erasmo obelo transfixae, nec tamen prorsus loco motae. Pertinent huc Epistolae vulgo Augustini dictae ad Bonifacium et huius ad Augustinum, e quibus nonnisi vnam vehementer prolixam et insigniter illiteratam, ut ipse inquit, remouere sustinuit, praetereaque *coronidem sub titulis Cyrilli, subito Latine loquentis et Augustini Graeco male Latine scribentis impudentissime confictam refecuit.* Atque his epistolis, tam singulis, ubi quidem ex re videbatur, censurae aliquid addidit, quam vniuersis etiam praefatus est in *epistola ad lectores*, scripta Basileae M.DXXVII. docens partim, quod ad externum earum habitum spectet, eas, sicuti et populares orationes (homilias), nunquam nec in Retractationum libris, nec postea aliqua vel temporum, vel personarum, vel materiarum ratione fuisse digestas, indeque facilius postea admixtas esse, quae nihil Augustino dignum haberent, vel confictas etiam, nec vero libros et epistolas semper inuicem discretos esse, dum alibi librum appellat Augustinus, quem alio loco pro epistola venditat; partim autem ipsam eorum indolem et vim mirifice declarans.

Tomo III.

De doctrina Christiana lib. IV.

Locutionum lib. VII.

- De fide et symbolo lib. I.
Enchiridion de fide, spe et charitate ad Laurentium lib. I.
De ecclesiasticis dogmatibus lib. I. *cum censura.*
De fide ad Petrum diaconum lib. I. *cum censura.*
De trinitate lib. XV.
De Genesi ad litteram imperfectus lib. I.
De Genesi ad litteram lib. XII.
De mirabilibus sacrae scripturae lib. III. *cum censura.*
De agone Christiano lib. I.
De opere Monachorum lib. I.
De spiritu et littera ad Marcellinum lib. I.
De diuinatione daemonum lib. I.
De spiritu et anima lib. I. *cum censura.*
Speculum lib. I. *cum censura.*
Quaestiunculae de trinitate.
De benedictionibus Iacob patriarchae. *cum censura.*
Sententiae ex Augustini et aliorum libris decerptae.

Tomo IV.

- De mendacio ad Consentium liber vnus.
Contra mendacium ad eundem lib. I.
De fide et operibus lib. I.
Quaestionum in Vetus instrumentum lib. VII.
Quaestionum Euangelicarum lib. II.
Quaestionum Euangelicarum secundum Matthaeum lib. I. *cum censura.*
De consensu Euangelistarum lib. IV.
Octoginta trium quaestionum lib. I. *cum censura.*
Viginti vnus sententiarum lib. I. *cum censura.*
De diuersis quaestionibus ad Simplicianum lib. II.
De octo Dulcitii quaestionibus lib. I.
Quaestionum LXV. dialogus. *cum censura.*

Quaestionum Veteris et Noui Testamenti lib. I.
cum censura.

De cura pro mortuis gerenda ad Paulinum lib. I.

De catechizandis rudibus lib. I.

De incarnatione verbi lib. II. *cum censura.*

De trinitate et vnitae dei lib. I. *cum censura.*

De essentia diuinitatis lib. I. *cum censura.*

De fide rerum inuisibilium lib. I. *cum censura.*

De substantia dilectionis lib. I. *cum censura.*

De continentia lib. I. *cum censura.*

De patientia lib. I. *cum censura.*

De bono viduitatis lib. I. *cum censura.*

Huic quoque Tomo inserta est *Censura* libri *de singularitate Clericorum*, qui ipse tamen tanquam alienus foetus et inter aliorum etiam Patrum opera iterata vice vulgata, omissus est.

De vera et falsa poenitentia lib. I. *cum censura.*

De salutaribus documentis lib. I. *cum censura.*

De amicitia lib. I. *cum censura.*

De sermone domini in monte lib. II.

Expositionis epistolae Pauli ad Romanos lib. I.

Expositionis quarundam propositionum ex epistola ad Romanos lib. I.

Expositionis epistolae Pauli ad Galatas lib. I.

Annotationum in Iob lib. I.

Tomo V.

De ciuitate dei libri XXII. cum commentariis Ludouici Viuis.

Tomo VI.

De haeresibus ad Quod vult deum lib. I.

De quinque haeresibus oratio. *cum censura.*

Concio ad catechumenos contra Iudaeos, Paganos et Arianos. *cum censura.*

Oratio

Oratio aduersus Iudaeos.

De altercatione ecclesiae et synagogae dialogus.
cum censura.

De vtilitate credendi ad Honoratum lib. I.

Contra epistolam Manichaei, quam vocant Fundamenti lib. I.

De duabus animabus contra Manichaeos lib. I.

Contra Fortunatum quendam Manichaeorum presbyterum. *cum censura.*

Contra Adimantum, Manichaei discipulum.

Contra Faustum Manichaeum lib. XXXIII.

De actis cum Felice Manichaeo lib. II. *cum censura.*

Contra Secundinum Manichaeum lib. I.

De natura boni contra Manichaeos lib. I.

De fide contra Manichaeos lib. I.

Contra aduersarium legis et prophetarum lib. II.

Contra Priscillianistas et Origenistas lib. I.

Contra sermonem Arianorum lib. I.

Contra Maximinum, Arianorum episcopum lib. III. *cum censura.*

Contra Felicianum Arianum de vnitatis Trinitatis;
cum censura.

De bono coniugali contra Iovinianum.

De sancta virginitate.

De adulterinis coniugiis ad Pollentium lib. II.

Tractatus de Epicureis et Stoicis. *cum censura.*

Tractatus de eo, quod dictum est a deo ad Moysen, ego sum, qui sum, incerti auctoris.

Tomo VII.

Contra partem Donati, psalmus.

Contra epist. Parmeniani lib. III.

Contra literas Petiliani, Cirtensis episcopi Donatistae lib. III.

- Contra Cresconium Donatistam grammaticum lib. IV.
- Contra Gaudentii, Donatistarum episcopi epist. lib. III. quorum postremus nunc primum est excusus.
- De baptismo contra Donatistas lib. VII. *cum censura.*
- De vnico baptismo contra Petilianum lib. I.
- De vnitae ecclesiae contra Petiliani Donatistae epistolam lib. I.
- Opus Breuiculi collationum cum Donatistis.
- Post collationem contra Donatistas lib. I.
- Super gestis cum Emerito, Donatistarum episcopo lib. I.
- Contra Fulgentium Donatistam lib. I. *cum censura.*
- De peccatorum meritis et remissione, ac de baptismo paruulorum, ad Marcellinum lib. III.
- De natura et gratia contra Pelagianos lib. I.
- De gratia Christi et peccato originali, contra Pelagium et Caelestium lib. II.
- De nuptiis et concupiscentia ad Valerium comitem lib. II.
- Contra duas epistolas Pelagianorum ad Bonifacium lib. IV.
- Contra Iulianum Pelagianum lib. VI.
- De anima et eius origine lib. IV.
- De praedestinatione et gratia lib. I.
- Prosperi epistola ad Augustinum de reliquiis Pelagianae haereseos.
- Hilarii epist. ad eundem de eadem materia.
- De praedestinatione sanctorum lib. I. *cum censura.*
- De bono perseuerantiae lib. I.
- De praedestinatione dei lib. I. *cum censura.*
- De gratia et libero arbitrio ad Valentinum lib. I.

Ad eundem de correptione et gratia lib. I.

Ad articulos sibi falso impositos, Augustini responsio.

Contra Pelagianos, Hypognosticon, lib. VI. *cum censura praecedente.*

De perfectione iustitiae contra Caelestium lib. VI. *cum censura.*

Tomo VIII.

Enarrationes in Psalmos.

Tomo IX.

Cuius libri fere omnes censuras habent annexas.

In euangelium Ioannis expositio.

In epistolam Ioannis expositio.

In Apocalypsim Ioannis expositio.

Meditationum lib. I.

De diligendo deo liber alius, qui et Meditationum inscribitur.

Soliloquiorum animae ad deum lib. I.

Manuale lib. vnus.

De triplici habitaculo lib. I.

Scalae paradisi liber.

De duodecim abusuum gradibus.

De contritione cordis liber vnus.

De cognitione verae vitae lib. I.

De assumptione beatae Mariae virginis.

De disciplina Christiana.

De decem chordis.

De cantico nouo lib. I.

De contemptu mundi lib. I.

De vanitate seculi lib. I.

De obedientia et humilitate sermo.

De bono disciplinae sermo.

De visitatione infirmorum lib. II.

De consolatione mortuorum sermones II.

De quarta feria, siue cultura agri dominici, sermo.
 De cataclysmo sermo.
 De tempore Barbarico sermo.
 De sobrietate et virginitate sermo.
 Speculum peccatoris tractatus.
 De vtilitate poenitentiae tractatus.
 De conflictu vitiorum et virtutum lib. I.
 De quatuor virtutib. charitatis tractatus.
 De laudibus charitatis tractatus.
 De honestate mulierum lib. I.
 De pastoribus lib. I.
 De ouibus liber siue homilia.
 De symbolo fidei ad catechumenos lib. IV.
 De conuenientia decem praeceptorum et decem
 plagarum Aegypti, liber vnus.
 De rectitudine catholicae conuersationis tractatus.
 De vtilitate ieiunii tractatus.
 De vrbis excidio tractatus.
 De creatione primi hominis tractatus.
 De arbore scientiae boni et mali tractatus.
 De pugna animae tractatus.
 De antichristo tractatus.
 Psalterium, quod matri suae composuit.
 Super Magnificat expositio.

Tomo X.

De verbis domini.
 De verbis Apostoli.
 Homiliae L.
 Homiliae de tempore. *cum censura.*
 Homiliae de sanctis.
 Ad fratres in eremo. *cum censura.*

Quam late autem harum censurarum vsus pateat
 non solum ex eo, quod speciminis loco de praefatio-
 ne in Epistolas produximus, sed multo etiam magis
 ex

ex iis, quas longe instructiores Monachi Benedictini dederunt, constare potest. Contentorum index duplex, vnus iuxta Tomorum seriem, alter ordine alphabetico concinnatus, nec non ordo editionis Amerbachianae insigni cum lectoris commodo post praefationem additi sunt. Non est vero *huius* editionis contentorum index, quem Oudinus venditat, sed nouissimae Erasimianae, utpote qui Posidonii indiculum scriptorum Augustini vna cum Vita hic editum mentitur, qui primum a. 1564. in lucem editus est.

1528 - 30.

Coloniae apud Io. Gymnicum. 8. Ex hac officina prodierunt non vno nomine, sed perbreui temporis spatio, varia Augustini opuscula (vno non raro volumine comprehensa), quae suis quaeque titulis discreta sic se habent: 1) *Diui Aur. Augustini, Hipp. Episcopi, de opere Monachorum liber vnus ad Aurelium, episcopum Carthaginensem. Anno M.D.XXIX. Mense Augusto.* 2) *Diui Aur. Augustini Hipp. episc. enchiridion ad Laurentium II. Anno M.D.XXVIII.* 3) *D. Aur. Augustini, Hipp. ep. de gratia et libero arbitrio ad Valentinum et cum illo monachis, liber vnus. Eiusdem de correptione et gratia ad eundem et cum illo monachis, liber vnus. Quibus praemittuntur epistolae duae Diui Augustini ad Valentinum contra eos, qui negant liberum arbitrium. Anno M.D.XXX.* 4) *Diui Aur. Augustini de immortalitate animae. Liber vnus. Eiusdem de agone Christiano, liber vnus. absque anni et loci nota.*

1531 - 32.

Parisis, ex officina Claudii Chevallonii. fol. X. Tomis. D. Aur. Augustini, quae extant ex emendatione Des. Erasmi.

Laudat hanc Erasimianae repetitionem *Oudinus in Comm.* p. 939 seqq., eique accessisse ait *Iacobi Hemeri Studgardienfis* Epistolam nuncupatoriam ad Gallum Millerum, Ecclesiae Tubingensis Theologum, quae totam editionis huius rationem fusius exponat. Idem monet in hac editione primum editos esse *Sermones XVII.* sex de tempore, septimus de verbis *Apostoli*, et decem de *Sanctis*. *Catalogus Bibl. Musci Britt.* (Lond. 1789. fol.) in huius editionis mentione annum 1532. profert, quocirca utrumque praefigere placuit.

1537.

Augustae Vindelicorum excudebat Heinricus Steyner. fol. Diui Aurelii Augustini Episcopi *Opuscula*, nempe

- In libros Moyfi, Iosuae et Iudicum libri VII.
- Quaestiones veteris et noui testamenti.
- Quaestionum euangelicarum secundum Matthaeum.
- Quaestiones ad Orosium liber vnus.
- Quaestionum Hilarii liber vnus.
- De octo Dulcitii quaestionibus liber vnus.
- De diuersis quaestionibus, ad sanctum Simplicianum libri II.
- Quaestionum euangelicarum libri II.
- Octoginta trium quaestionum liber vnus.
- De sex quaestionibus contra Paganos liber vnus.
- Ad inquisitiones Ianuarii libri duo.
- De inquisitione Trinitatis liber vnus.
- De Epicureis et Stoicis liber vnus.
- De Haeresibus ad Quod vult deum liber vnus.
- De quinque Haeresibus liber I.
- Contra Iudaeos, Paganos et Arianos liber vnus.
- Contra Iudaeos liber vnus.
- Retractationum libri duo.

Haec

Haec series librorum integrorum efficit *Tomum tertium Epitomes Operum Augustini* a Io. PISCATORIO concinnatae. Expressi sunt ex ed. Lugdunensi a. 1497. et Amerbachiana, vt ipse editor in praefatione professus est.

1541.

Parisis apud Carolum Guillard; fol. X Tomis.
D. Aurelii Augustini opera omnia ex *Des. Erasmi* emendatione; editio auctior et locupletior cum indice locupletissimo, cura et studio *Florentii Bourgoini.*
Cat. Bibl. Regiae Paris.

1543.

Basileae in officina Frobeniana per Hieronymum Frobenium et Nicolaum Episcopum. fol. XI Tomis.
Omnium operum D. Aurelii Augustini, Hipponensis Episcopi, *Primus Tomus*, ad fidem vetustorum exemplarium, post omnium in hunc vsque diem editiones denuo summa vigilantia repurgatorum a mendis innumeris, vt optimo iure tantus ecclesiae doctor renatus videri possit. Inspice, lector, et fateberis, hanc non vanam esse pollicitationem: quodsi gratus etiam esse voles, non patieris tantum laboris, tantumque impensarum frustra sumptum esse. Sub finem annexi sunt Indices duo, alter materiarum, alter interpretatorum Scripturae locorum: quibus lectorem haud leuiter adiutum iri confidimus. —

Hic primi voluminis atque operis vniuersi titulus annum 1543. impressum habet, sed ad calcem tomorum singulorum annus, quo vnusquisque absolutus fuerit, extat.

Secundus Tomus Op. D. A. Aug. H. E. completens illius Epistolas, non mediocri cura emendatas per Des. Erasmus Roterodamum. Anno M.D.XLI.

Tertius Tomus — completens τὰ διδακτικά, hoc est, quae proprie ad docendum pertinent. Anno M.D.XLI.

Quartus Tomus — completens reliqua τῶν διδακτικῶν. Anno M.D.XLI.

Quintus Tomus — XXII Libros de Ciuitate Dei, diligenter recognitos per eruditiss. virum Ioan. Ludovicum Viuëm, ac eiusdem Commentariis, denuo ab autore reuisis, illustratos, continens. Anno M.D.XLII.

Sextus Tomus — continens τὰ πολεμικά, hoc est, decertationes aduersus haereses, praecipue Iudaeorum, Manichaeorum, Priscillianistarum, Origenistarum, Arrianorum et Iouiniani. Anno M.D.XLII.

Septimus Tomus — continens reliquam partem τῶν πολεμικῶν, id est, pugnas aduersus Haereses Donatistarum et Pelagianorum. Anno M.D.XLII.

Octauus Tomus — continens enarrationes in Psalmos mysticos. Anno M.D.XLII.

Nonus Tomus — continens illius Tractatus, hoc est: expositiones ad populum factas in Nouum Testamentum, cum aliis varii generis opusculis, quorum indicem habet alterum huius paginae latus. Anno M.D.XLII.

Decimus Tomus — continens reliqua tractata apud populum, quorum summam indicabit haec pagina versa. Anno M.D.XLII.

In omnia D. A. Augustini Scripta Indices duo, eo conscripti modo, vt nihil annotatu dignum possis desiderare, neque quicquam velut superuacaneum reicere: quorum prior materias in ipsis passim operibus tractatas, indicat: posterior sacrae scripturae locorum interpretationes iuxta Bibliorum ordinem obser-

obseruatorum ostendit. Anno M.D.XLIII. *In fine* :
Mense Septembri.

Quid noui in hac altera Frobeniana editione operibus Augustini euenerit, per quos illa et quibus subfidiis sustentata fuerit, praefatione, versa tituli primi pagina impressa, bibliopolae exponunt. Orsi enim ab Amerbachii meritis, gratiam, quam Erasmus opera sua apud omnes iniuerit, cumulationem cum initurum fuisse monent, si soli tam ingentem prouinciam obire vacasset, et non bonam eius partem, aliis negotiis ex transuerso se ingerentibus, in amicos partiri compulsus esset.

Deinde pergunt: „Sed quod ille posteriore editione factum tectum praestaturus sperabatur, interim alii occupauerunt. Succedente enim Lutetiana editione, celeberrimae scholae aliquot alumni in hoc incubuerunt, ut si quid Erasimum sociosue subterfugisset, sarcirent sua cura; haud poenitenda per Musas, et minime superuacua. Tandem urgente iam fato extremam castigationis manum, et ut credi par est, ipsius Augustini sancta anima tot praeclaris successibus fauente, extitit vir omnium bonorum benevolentia dignissimus, et ad hanc functionem a natura factus sculptusque, olim eo potissimum nomine Erasmo cum primis charus, illique in hoc negotio (ut sic dicam) succenturiatus, *Martinus Lypsius*: cui viro et temporis spatium, et otium, et exemplarium copia, et in labore sociorum delectus, et literatura idonea, huicque par industria, et in tanto negotio non tam diligentia, quam religio, ad hoc doctorum hominum fauor adhortationesque atque insuper praemiorum allectamenta, denique quidquid praesidiorum opus esset, abunde suppeteret. Namque is a teneris vnguiculis Augustini admirator, atque etiam ex professo eius instituti sectator, pro suo peculiari
erga

erga sanctiss. virum affectu, annos plus viginti hoc paene solum egit, ne quod mendum in scriptis eius subsideret: utpote qui etiam prima nostra editione Erasmo plura loca, quam alius quisquam amicorum suppeditauit. Deinde praeter domesticam symmystarum bibliothecam, corrogatis ex circumquaque vicinis monasteriis vetustis et incorruptis exemplaribus, optimo quoque in hunc usum promptissime communicante, adscitis ex suo sodalitis impigris aliquot, qui adiutarent, nihil vel aliis, vel sibi ipsi ad summam conferendi diligentiam reliquum fecit, magna, mediocria, minuta, pari lance appendens, et annotans. Vix credas, mi lector, haec citra exaggerationem dici, ni margines exemplaris ab illo missi videas, hominis indefessum studium testantes: dum certis notis terna quaternaue, aut etiam plura exemplaria profert, tum quatenus euariant, indicat. Nam cum sit non minore modestia, quam eruditione, maluit aliis iudicandi munus cedere, aliquando tamen suum praecudicium addens, quod quidem semper libenter amplexi sumus. Cetera viris doctis, et qui Augustiniana phrascos saluam diu multumque regustatam iam probe callerent, iudicanda commissa sunt: id quod non cuius proclive fuerit. — Illud dissimulandum non est, in parte quadam Decimi tomi, non magna sane, si germana tantum spectes, nos Lypsi subsidio destitutos, grassantibus sub id tempus Geldris in Louanium et viciniam, vbi tum Lypsius agebat: quod ideo lectorem monitum oportebat, ne forte ex paucis illis de reliquis coniecturam faciat; in ceteris potius quisque suis oculis inoffense (modo stilo Augustini assueti sint,) omnia percurrentibus, quam nostro testimonio credat; comperiet vniuersa pariter accurata, ne pseudepigraphis quidem exceptis. Ceterum in tanta indagine et peruestigatione

vni-

unicum opusculum, duntaxat e germanis, nunc primum repertum est et editum, videlicet *Contra Gaudentium liber tertius*: unde liquet, vix hic aliud quicquam, quod extet, desiderari; nam sermones De tempore (vt vocant) et sanctis, a quibusdam copiae magis, quam delectui seruientibus, mira licentia passim interfarchi, nihil ad praesens negotium attingent: cum cuius erudito appareat, quosdam etiam excusos toto stilo Augustinum parentem inficiari, nonnullos Graecum magis, quam Latinum autorem prae se ferre. Aequum igitur est, vt, quod Romanae eloquentiae candidati in Cicerone, Lilio, Seneca, Plinio, aliisque non paucis, in quibus posterior eruditorum cura ad priorem semper aliquid adiunxit, magno applausu obuiisque vlnis exceperunt, idem sanctioris literaturae studiosi in Augustini scriptis non fastidiant, si pectora, qualia decet, ad eorum lectionem adferre volunt.

Totum opus exscriptum est binis columnis solito Frobenianae officinae caractere, sed minori et non admodum nitido, praeterquam in praefatione, quae typis paulo maioribus est exarata.

1545.

Venetiis ex officina Erasmiiana apud Vincentium Valgrisum. 8. Voll. III. D. Aurelii Augustini, Ecclesiae Doctoris Eximii, Opusculorum *Tomus Primus*. Quo omnia, quae ad fidem et opera spectant — *Tomus Secundus*, quo omnia, quae ad gratiam et liberum arbitrium spectant — *Tomus Tertius*, quo omnia, quae ad electionem, vocationem, glorificationemque spectant, declarantur: ex libris eiusdem a *M. Augustino Fregoso Sosteneo* excerptus et scholiis, argumentis et indice locupletatus.

Liber

Liber rarissimus, cuius nuspian mentionem factam esse memini. Ne quis vero a titulo sibi imponi patiatur, quasi locorum diuersorum vndicunque excerptorum et auulforum, nunc vero iuxta varias argumenti sedes compositorum farrago sit, libros integros ad vnum argumentum facientes, collectos esse sciat hac serie:

Tomo Primo:

De doctrina Christiana libri IV; de disciplina Christiana liber; Enchiridion ad Laurentium liber; de ecclesiasticis dogmatibus liber; de haeresibus liber; de V. haeresibus oratio; de vtilitate credendi liber; de fide et symbolo liber; de fide ad Petrum diaconum liber; de agone christiano liber; de fide et operibus liber; in Psalmum XXIX. enarratio; in Psalmum XXX; in Psalmum XXXI.

Tomo Secundo:

Liber expositionis inchoatae Epist. diui Pauli ad Rom.; liber expositionis quarundam propositionum, ex epist. ad Rom.; liber expositionis Epist. ad Gal.; Epist. Hilarii ad Augustinum; Rescriptum Augustini ad Hilarium; Epist. patrum Carthaginensis concilii ad Innocentium papam; rescriptum Innocentii papae ad patres Carthaginensis concilii; Epist. patrum Mileuitani concilii ad Innocentium papam; rescriptum Innocentii papae ad patres Mileuitani concilii; Epist. Augustini ad Hilarium; epist. quinque Episcoporum ad Innocentium papam; rescriptum Innocentii papae ad 5 Episcopos; libri III. de libero arbitrio; epist. prima diui Augustini ad Valentinum, et cum illo fratribus; epist. 2. Augustini ad Valentinum, et cum illo fratribus; epist. prima diui Augustini ad Sixtum presbyterum; epist. secunda diui August.

August. ad Sixtum presb.; epist. Alipii et Augustini ad Paulinum Episcopum; liber de gratia et libero arbitrio, ad Valentinum, et cum illo monachis; liber de natura et gratia, ad Timasium et Iacobum, contra Pelagianos; epist. sancti Prosperi Aquitani de gratia et libero arbitrio ad Rufinum; liber de gratia et libero arbitrio sancti Prosperi Aquitani, pro defensione diui Aurelii Augustini contra Cassiani presbyteri librum; epist. sancti Aurelii Episcopi de damnatione Pelagii atque Coelestii; epist. decerpta ex gestis synodalibus contra Pelagium haereticum, quae in palaeestina synodo, sibi obiecta, damnare compulsus est; Canones tredecim, epist. Coelestini papae pro Prospero et Hilario de gratia Dei aduersus quosdam Galliarum presbyteros, Pelagii sectatores.

Tomo Tertio:

Retractionum lib. II.; hypognosticon contra Pelagianos et Coelestianos lib. VI.; contra duas Pelagianorum epistolas ad Bonifacium lib. IV.; de spiritu et litera ad Marcellinum liber; de praedestinatione et gratia, qui intitulatur de voluntate dei, liber; Prosperi Aquitani de reliquiis Pelagianae haereseos ad Augustinum epistola; Hilarii Arelatenfis de eadem materia ad Augustinum epistola; de praedestinatione sanctorum liber primus; de bono perseuerantiae liber secundus; Prosperi responsiones ad excerpta, quae de lanuensi ciuitate missi sunt; de praedestinatione dei liber.

Singulis Tomis praemissa est tabula, argumenta librorum et capitum singulorum declarans, quam inscripsit: *Argumenta per M. Augustinum Sosteneum Fregosum compendiose in vnum redacta; et index alphabeticus materiarum insignium.* Nuncupauit edi-

tor opus suum M. Hieronymo Suripando totius Augustinianae Religionis Generali. Descriptio est elegans typis rotundis nitidis, charta alba et tenera, marginibus amplissimis, quippe qui ultra lemmata et loca biblica in ipsis notata late protenduntur.

1552.

Venetiis ad signum spei. 4. X Tomis. Diui Aur. Augustini, Hipp. Episcopi, Omnium Operum *Primus Tomus*, ad fidem Veterum exemplarium summa vigilantia repurgatorum a mendis innumeris, notata in contextu et margine suis signis veterum exemplarium lectione, ut optimo iure tantus Ecclesiae Doctor renatus videri possit. Inspice, Lector, et fateberis, hanc non vanam esse pollicitationem: quod, si gratus etiam esse voles, non patieris tantum laboris, tantumque impensarum frustra sumptum esse. *Cui accesserunt libri, epistolae, sermones et fragmenta aliquot*, haecenus nunquam impressa. Additus est et index, multo, quam Basiliensis fuerat, copiosior. M.D.LII (1552.)

Secundus Tomus Operum rel. (ut in Basileensi 2. 1543.) *Nunc postremo accuratiori quam antea diligentia excusus.* M.D.LII.

Tertius Tomus ut in Basileensi. M.D.LII.

Quartus Tomus — complectens reliqua τῶν διδασκalicῶν. Pleraque, quae erant plane conuulsa et luxata, ea ad fidem exemplarium veterum Victorinorum restituta sunt. M.D.LI. (1551.)

Quintus Tomus — continens XXII. Libros de Ciuitate Dei. Cui accesserunt Commentarii Io. Ludov. Viuis ab autore recogniti. M.D.LI.

Sextus Tomus ut in Basileensi. M.D.LI.

Septimus, Octauus, Nonus et Decimus Tomus similiter. M.D.L. (1550.)

Index

Index omnium, quae insigniter a D. Aurelio Augustino dicta sunt, nunc recens supra praecedentes Editiones, per *F. Florentium Bourgoinum* Parisiensem, Franciscanum, longe quam antea audior ac locupletior redditus. Insuper multa, quae erant manca, mutila et solum inchoata, tam in indice auctoritatum sacrae scripturae, id est, veteris ac novi instrumenti, quam in locis aliquot sacrarum scripturarum pugnantis conciliatis in Augustino, reformata, aucta et repurgata sunt. Perlege et iudica. M.D.LII. (1552.)

Editio extra Italiam paucissimis visa. Notatamprehendimus in *Catalogo Bibliothecae Tigurinae**). Illius exemplar erat quondam Hannouerae in ditissima praestantium librorum supellectile Duuiana, quod feliciter in manus *Davidis Clement* incidit, et ab eo curiosius est descriptum in *Bibliotheca Historica Critica* T. II. p. 269 seqq. Duo vero simul praestitit insignia literatoribus beneficia, alterum, quod librum rarissimum nec per se accuratiori cognitione indignum primus patefecit, alterum maius etiam, quod diligenti eius collatione, cum sequenti Veneta editione, omne huius artificium et constructionem luculenter declarauit, atque id, de quo inter Clericum et Rich. Simonium litigabatur, facili negotio expediuit. Scilicet non meram praecedentium alicuius repetitionem putare oportet, sed ad plures et fere superiores omnes **) conformatam. Siquidem non omnes,

H 2 fed

*) T. I. p. 70. Sic *Venet. 4. X Tomis. D. Aur. A. op. per Fl. Bourgoinum.*

**) *Les Editions de Bâle, de Paris et de Venise qui l'ont précédée, sont le fond, sur lequel on a travaillé.* Venetam editionem Operum omnium hac ipsa anti-

sed complures tamen Erasmi Censuras retinuit, variantes lectiones in margine offert, et sicubi in textum aliquid receptum sit, ibidem indicat, ex qua editione proficiscatur. Recusa autem non solum Tomo I. *Erasmi* praefatio ad *Alphonsum Fonseca*, sed in secundo etiam *Iacobi Haemeri*, quem editionis Parisiensis a. 1532. curam gessisse supra vidimus, ad lectorem admonitio. Ceterum nescio, quam verum sit, quod de augmentis in titulo promissum est. Clementius enim alteri quidem editioni Venetae, quae eandem formulam hinc petiit et limine suo suspendit, vanitatem et fraudulentiam exprobrat, attamen in hac eandem sollicitare neglexit. Nec minus equidem optassem, ut Victorinos Codices, quos ad quarti tomii emendationem praesto fuisse dicunt, circumspexisset.

1556.

Basileae apud Hieronymum Frobenium et Nic. Episcopium. fol. X Tomis. D. Aur. Aug. Opera, emendata per Erasmus Roterod.

In hac editione, teste Oudino, additi sunt Sermones quinque antea nondum excusi, videlicet, *de Iacob et Esau ad populum sermo*, col. 1487. *Sermo in caput 13. Prouerbiorum Salomonis*, col. 1505. *In parabolam seminantes sermo*, col. 1517. In illud Matthaei 16. *Qui vult venire post me etc.* col. 1519. *Tractatus in Orationem Dominicam*, col. 1523. Suspiciamur autem huius editionis curam gessisse *Ioannem Costerium*. Occurrit in *Cat. Bibl. Bernensis et Thottianae*.

1561-

antiquiorem ignoro, et nisi incuriosius ab eo scriptum sit, ad eam attendere bibliographiae amatores iubeo.

1561 - 63.

Lugduni apud Sebastianum Honoratum (ad calcem Tomi II.) excudebat *Iacobus Faure*. 8. *Tomis X.* D. Aur. Augustini, Hipp. Episcopi, Omnium Operum *Tomus Primus*: Quo Retractionum libri duo, variaque illius opuscula, quae versa pagella indicabit, continentur. Omnia vetustorum codicum collatione ab innumeris mendis repurgata, ac summa fide pristino suo nitore restituta, nunc demum in lucem redeunt. Accessit et Index rerum selectiorum copiosissimus. M.D.LXI.

D. Aur. Augustini — *Epistolae*, maiori studio, fide ac religione, quam hactenus unquam excusae, atque a vitiis, quibus multiplici olim impressione contaminatae fuerant, vindicatae. *Tomus Secundus*. Cum duplici Indice, uno nominum eorum, ad quos hae Augustini Epistolae missae fuere: Altero rerum omnium in unaquaque Epistola contentarum locupletissimo. M.D.LXI.

D. Aur. Augustini — *de Trinitate*, una cum reliquis illius libris, quibus τὰ Διδασκικά — continentur. *Tomus Tertius*. Cum Indice rerum et sententiarum locupletissimo. M.D.LXII.

D. Aur. Augustini — *Quaestiones in vetus novumque Testamentum* una cum reliquis illius Voluminibus, quae τὰ Διδασκικά appellantur. *Tomi Quarti Pars Prima*. Cum indice etc. M.D.LXI. *Pars Secunda* similiter.

D. Aur. Augustini — *de Civitate Dei* l. XXII. etc. quorum XII. hoc omnium illius Operum Septimo Tomo continentur (sic vitiose pro *Tomi Quinti Parte Prima*, ut mox etiam — *Tomus Octavus*, quo reliqui X. continentur, pro *Tomi Quinti Parte Secunda*). M.D.LXIII.

D. Aur. Augustini τῶν Πολεμικῶν Pars Prima.
 — *Tomus Sextus*. M.D.LXII. — Pars secunda
 et tertia. *Tomi Septimi Pars Prior et Posterior*.
 M.D.LXII.

D. Aur. Augustini — *Enarrationes in Psalmos
 mysticos*. *Tomi Octavi Pars Prima et Secunda*.
 M.D.LXIII.

D. Aur. Augustini — *Enarrationes in Ioannis
 Euangelium et Apocalypsin*, vna cum variis illius
 voluminibus etc. *Tomus Nonus*. M.D.LXII.

D. Aur. Augustini — *Sermones*. Quorum seriem
 et numerum sic habeto: De verbis Domini. De ver-
 bis Apostoli. Homiliae L. Homiliae de tempore.
 Homiliae de Sanctis ad fratres in eremo. Decem et
 septem Sermones nonnullique alii. *Tomus Decimus*.
 M.D.LXIII.

Editio rarissime obuia, sed perquam commode
 instituta, vt vel ex copiosis rerum memorabilium in-
 dicibus, singulis Tomis, quin singulis etiam Tomo-
 rum Partibus subiunctis, constare potest. Typi sunt
 romani, satis venusti, sed minutiores paulo; in mar-
 ginibus loca biblica, rarius lemmata, nec saepe etiam
 lectiones aberrantes caractere italico notantur.

1569.

*Basileae per Ambrosium et Aurelium Frobenios,
 fratres. fol. XI Tomis*. Primus Tomus: Eximii Pa-
 tris, inter summa Latinae Ecclesiae ornamenta ac
 lumina principis, D. Aurelii Augustini, Hipponen-
 sis Episcopi, cuius praestantissima in omni genere
 monimenta, quae quidem inueniri possunt, vniuer-
 sa, denuo ad optimorum et fidelissimorum exempla-
 rium examen reuocata, noua eruditissimorum viro-
 rum recognitione, multo sunt quam vnquam ante-
 hac emendatiora, ab innumeris vindicata erroribus,

ac demum nouis quibusdam Censuris plurimisque minime aspernandis Accessionibus locupletata. Cum Indice tripartito, ad calcem adiecto, omnibus, qui extant, vberiore, et Theologiae studiosis commodiore. Totum nouae huius Editionis institutum et ratio ex Carmine sequenti liquidius patebunt.

Reliqui Tomi vt in ed. a. 1543. inscribuntur, nisi quod in Tomo III, qui τὰ διδασκικά continet, additum sit, *ad veterum Codicum Collationem* post Martinum Lipsium, *nunc multis in locis summo studio emendatus*. X Tomus vero sic habet: Tomus X. Operum D. Aur. Augustini — continens Sermones ad Populum et Clericos, vetustissimorum exemplarium collatione nunc denuo plurimis in locis emendatus: cui Sermones de Diuersis et Fragmenta quaedam antehac nunquam excusa, opera et studio doctissimorum virorum, *Martini Lipsii, Ioannis Vlimmerii*, et aliorum e tenebris eruta ad calcem adiecimus: quorum Catalogum sequens pagina indicabit.

Index iuxta superiorem editionem descriptus est.

Huius editionis accuratam notitiam dedit olim *Sigism. Iac. Baumgartenius* *). Quicquid in ipsam collatum est industriae, ad Tomum IX et X. vnice redit, quorum illum noua codicum collatione donauerunt, decimum vero totum immutasse atque refinxisse se profitentur. En verba, quae ex praefatione raro instituto versibus conscripta huc spectant.

„Multa Tomi noni, priscis vt consona libris
Essent, contulimus: collata haec quisque probabit.

Parte sed in decima, mendis quae tota scatebat
Innumeris semper, vel iniquo iudice constat,
Quantum mutarit nostra hanc industria Partem.

H 4

Hac

*) *In Nachrichten von merkwürd. Büchern St. LIII. (T. IX.) Halle 1756. p. 400 seqq.*

Hac in purganda multum quoque praestitit olim
Lipsius, huncque pari vir sedulitate sequutus
Costerius: magna est horum, non gloria parua.

Nos tamen optantes meliorem imponere li-
 mam,

Maius onus sumus aggressi, maioraque coepta:
 Nosque suo hic multum studio *Vlimmerius* acri
 Iuuit: qui vigili cura vigilique labore
 Ante alios vnus longe est praestantior omnes.
 Ille imperfectum nil linquens, mutila multa
 Integra restituit, priscaque in sede locauit.
 Adde, quod e libris aliquot Tractata vetustis,
 Sermoneisque sacros toti nunc protulit orbi,
 A nullo excusos prius, atque a nemine visos:
 Hos in calce huius Partis tibi, candide Lector,
 Linquimus, ut videas, sit quanta accessio facta.
 His prius excusos iunctos quoque, Lector, habebis
 Non paucos: verum magna quia parte fuerunt
 Corrupti, et vitiis scatuerunt pluribus illi:
 Ut si supplendi quauis ex parte fuissent,
 Pagina mutasset pariter numerumque locumque
 Pristina, et vtilitas parua hinc, labor improbus
 esset,

Indicis hic fuerat ratio, pie Lector, habenda:
 Mutatis numeris cum mutaretur et ille.
 Ne tamen inde aliqua frustratus spe videaris,
 Omnia in adiunctis fuerant quae digna notatu,
 Haec inserta tenet vetus, at multo auctior, Index.

Optato a multis, at multis ante negato
 Indice *Possidii*, Diui qui Auctoris alumnus
 Discipulusque fuit, nos *Vlimmerius* idem
 Participes facit, et praestanti munere donat.

Atque is conueniens nostrae ut foret Editioni,
 Haud operam exigua suscepimus atque laborem,
 Ne quicquam in nobis Lector desideret aequus.

Diuer-

Diuerfis si quae sententia pendula dictis
Nobis visa fuit, hanc signis quisque notatam
Cernet, et ex illa sibi sensus eliget aptos.

Quin etiam aliis sunt aucta volumina multis,
Quae non laude sua, Lector studiose, carebunt."

Nempe *Ioannes Vlimmerius Louaniensis*, Prior
Canonicor. Regular. ad S. Martinum in patria plu-
rium Patrum Scriptis editis clarus*), anno 1564. Lo-
vanii ediderat *Augustini Sermones de Diuerfis* XLIII.
et *fragmenta Sermonum* XXVII. ex Thesauro Eugip-
pii abbatis et Commentariis Bedae seu Flori, Lugdu-
nensis Ecclesiae Diaconi decerpta, vna cum *Possidii*
indiculo Scriptorum Augustini recens a se in Biblio-
theca Abbatiae Villariensis reperto et per ipsum mar-
ginalibus Scholiis illustrato. Inscripterat edita illa
Iacobo Pamelio, Sacrarum Literarum tunc Licentiato
ac Brugis Canonico, epistola, data Louanii e suo Mar-
tiniano coenobio 9 Kalend. Aprilis: Anno M.D.LXIV.
Iam vt *sermones* isti recens ab illo editi ad Calcem
Tomi X. subiuncti sunt, ita *Possidii* libellus vna cum
epistola Vlimmerii primum Tomum aperit. Quae
epistola induxit Baumgartenium, vt anno 1564. in-
ceptam esse hanc editionem opinaretur, quod igno-
raret, haud dubie peculiari illam editioni antea in-
feruuisse. Praeterea vero totius decimi tomi recogni-
tionem Vlimmerius sustinuit, vt ex hac epistola
patet.

Ceterum Impressio facta est, vt in superiore, bi-
nis columnis, sed charta literisque aliquanto elegan-
tioribus. Titulus primus figuris ligneis formis im-
pressis exornatus est.

*) cf. *Foppens* Bibl. Belg. T. II. p. 747.

1570.

Basilcae per Ambrosium et Aurelium Frobenios, fratres. fol. XI Tomis. D. Aurelii Augustini, Hipponensis Episcopi, Opera.

Mirum forte alicui videri possit, idque mihi ipsi accidisse fateor, quod cum plenam atque absolutam editionem Operum Augustini proximo anno iidem Frobenii fratres dedissent, eandem denno iam sub incudem reuocauerint. Atque paucis et fortasse nemini cognitam esse integram certo intellexi, ut iustam dubitandi causam habere duxerim, si a quouis alio magis, quam ab ipso editore testimonium accepissem. Is vero fuit HIEREMIAS MYLIVS Picropedianus, corrector, ut arguo, aut administrator typographiae fratrum Frobeniorum, qui praefatus est ad libros *de Ciuitate Dei* epistola ad Nobilem ac Generosum Iuuenem D. Stanislaum Starzechouium, Polonum, Ioannis Starzechouii Palatini, Podoliensis, filium (d. Basilcae a. M.D.LXX. decimo sexto Februarii), in qua de se et opera sua haec profitetur: „*Ambrosius et Aurelius Frobenii cum ob defectum exemplarium quarto Augustinum prelo subiicere constituissem, me, ut operam in eo denuo conferendo, repurgando ac illustrando praestarem, obsecrarunt, tandemque communis utilitatis respectu et sacrorum doctorum precibus victum ad hunc laborem sane difficillimum, ac molestia plenum pertraxerunt, motum praesertim tot magnorum virorum exemplo, ac rerum Theologicarum ac huius Auctoris praestantia. Hanc prouinciam inter alia negotia typographica, quibus obruebar, tandem iam tertio exacto anno, post tot lucubrationes, sudores, intricatissimas reuolutiones, distinctiones et abruptas variasque cogitationes indefesso labore etiam cum valetudinis iactura exhaustas, ita*
me

me gessisse spero, ut oleum et operam non perdidisse videri possim, et apud Theologiae studiosos et aequos censores gratiam me non contemnendam iniisse putem. Sed omisis his, ad ipsam rem, quae in nouae Editionis Praefatione praecipua esse debet, accedam, et quid praestiterim, recensebo. Primo (praeter ornamenta typographica, et Indicem, multis modis auctum, aliasque utiles Accessiones) Augustini Opera, collatis emendatissimis exemplaribus, ita distinxi, ut posthac in intelligendo Lector multo quam antea expeditior sit futurus: secundo ex eadem collatione haecenus omissa inserui, deprauada correxi, luxata restitui: tertio testimonia Sacrae Scripturae et aliorum auctorum, quae in his Libris citantur, in margine annotavi: magnum sane adiumentum his, qui memoria non adeo valent: quarto marginales summas, ut facilius quaerentibus materiae occurrant, non leui cum totius Operis lumine adiunxi: posteriora tamen duo maxime in Quinto et Decimo Tomo, in quibus fere sesquiannum consumpsi, sunt adiecta: in Decimo praesertim non contemnendum Tractatum atque Sermonum numerum ex Vlimmerii, viri venerandae Antiquitatis studiosissimi, editione addidi: quinto haec omnia non solum ita disposui, ut multi alii solent, sed etiam ut in actum diligentissime producerentur, ad prela frequenter astans operam dedi. Hic autem, pergit, fortasse mihi occurrent Zoili invidi et calumniatores (quibus, cum ipsi quidem nihil, aut non meliora faciant, aliorum honesti conatus semper displicent) me irrisuri qui post tantos viros in tanto Opere actum quasi agam, et arrogantiae me insultaturi. His breuiter ita responsum volo, Erasmo, Germaniae phoenici, et Ludovico Viui, viro eruditissimo, me quidem non comparandum, sed tamen cum per exemplaria illi potius, quam proprium iudicium,

cium, repurgationem suam perfecerint, *et non omnia simul fieri possint, me die diem docente, pluribus illos imitantibus et exemplarium copiam augentibus, nec leuiora nedum notabilia errata tollere potuisse. Accedit, quod operarum negligentia, cum ipsi prelis non affuerint, multa etiam recte constituta corrumpantur, aut omittantur: quod et praesenti mihi vel satis intento saepissime contigit. Sed quid multis, ipsa Editionum collatio, quid praestitum sit, abunde diligenti Lectori testabitur. Quod vero hic Tomus reliquis sit vendibilior et in Eruditorum hominum manibus frequentior, hic potissimum de meis in hoc eximio patre laboribus praefari libuit.*“ Tantum ex verbosa Mylii epistola excerpere visum fuit, ut ipsi lectores oculis suis haurirent, quod ex intuitu quidem tituli eius voluminis, cui illa adhaesit, minime arguent, integram Operum Augustini editionem denuo hoc anno peractam dici. Nam ut antea diximus, volumen apud nos est, libros de Ciuitate Dei complectens, cuius titulum ab illo ed. a. 1569. plane diuersum infra, ubi ad illorum librorum singulares editiones accesserimus, dabimus. Quod ad ipsam vero epistolam attinet, quam vane et temerarie multa iactitata sunt, nemo non videt; atamen quorsum haec omnia disputata sint, non facile intelliges. Et enim ut vnum tantum proferam, per tres annos editor hunc lapidem voluisse videri vult, ut correctior et melior Augustinus prodiret: intereaque ab iisdem, qui ei istam iniunxerant prouinciam, totum Augustinum absque vlla illius viri impensa opera excudi potuisse putabimus? An vero tot ac tam cupidos editiones illas et postremam maxime emtores inuenisse credibile est, ut pluribus eodem tempore viris doctis expurgationem Operum committere non dubitarent Frobenii, semper imprimere parati, ut pla-

gula

gula prelo matura esset. Expediit quidem res videtur, si tibi persuadeas, bibliopolas emtoribus fucum facere voluisse, ut pro noua editione venderent, cui nil nisi titulus nouus et praefationis aliquid additum fuerat; tamen ne sic quidem artificium epistolae illius satis intelligo.

1570.

Venetis apud Vincentium Valgrisum, item Iuntas et Dominic. Nicolinum. 4. XI Tomis. D. Aurelii Augustini, Hipponensis Episcopi, Operum Tomus primus. Cui accesserunt libri, Epistolae, sermones et fragmenta aliquot, haecenus nunquam impressa. In quo, praeter locorum multorum restitutionem, secundum collationem vetustiorum exemplarium, curauimus remoueri ea omnia, quae fidelium mentes haeretica prauitate possent inficere, aut a catholica et orthodoxa via deuiare. Additus est Index ceteris omnibus et locupletior et copiosior. Nunc recens impressus, recognitus et emendatus. Venetiis. M.D.LXX. (1570.)

Tomus secundus, complectens illius Epistolas ad amicos transmissas: cum nonnullis responsis eorum ad ipsum: In quo etc. quod postea in singulorum titulis reperitur. Nomenclaturam eorum, ad quos Augustinus literas dedit, ad calcem huius Tomi facile reperiēs. Nunc etc.

Tomus III-X. inscribuntur ut Basileensis a. 1543. additis ubique verbis, quae modo produximus. Attamen in quinti tomi titulo commentarii Io. Lud. Viuis mentio est omissa.

Index omnium, quae insigniter a D. Aurelio Augustino dicta sunt, longe quam antea auctior ac locupletior redditus. Insuper multa, quae erant manca, mutila et solum inchoata, tam in indice autoritatum

tatum sacrae scripturae, id est, veteris ac novi instrumenti, quam in locis aliquot sacrarum scripturarum pugnantibus conciliatis in Augustino, reformatam, aucta et repurgata sunt. Venetiis M.D. LXX.

Recenset hanc editionem, sed titulo contracto, *Audiffredus* in *Catal. Bibl. Casanat.* T. I. p. 341, docens, primum Tomum apud Valgrisium, reliquos ad Octauum vsque cum indice ibidem eodemque anno apud Iuntas, nonum et decimum apud Nicolinum prodiisse. His tam disertis testimonio contradicit *Dauides Clement.* in *Bibl. Hist. Crit.* ubi accuratam eius mentionem fecisse supra iam significavimus*). Ab eo sane titulum pleniorē mutuati sumus, quem ipse primum ex Catalogo Bibl. Magerianae **) excerpserat, mox vero, cum ipsam editionem nactus esset, ex propria inspectione approbavit. Reprehendit autem Clementius Fabricium, quod Valgrisium excudisse eam dixerit. En igitur par virorum et doctorum et curiositate ac sedulitate in suo genere nemini cedentium, in re leui et quae errorem inter testes oculares vix ferre possit, sibi repugnans. Optimum quidem aliquis duxerit, missos eos facere, et fidem tertii alicuius, cui videre eandem contigerit, expectare. Non abnuo, nec tamen mihi tempero, quo minus suspiciones meas addam. Audiffredum virum supra, quam dici potest, in iis omnibus, quae ad descriptionem libri alicuius ab eo inspecti pertinent, sedulum, in his tam distinctis verbis ab eo conceptis errasse, aegre mihi persuadeo. Iam in titulis certe nullum extat typographi indicium. Igitur in calce tomi cuiusque nomina subscripserint, necesse

*) *Bibl. Curieuse Historique et Critique* T. II. p. 265 sqq.

**) Editio *Berol.* 1715. 8. p. 783.

cesse est. Atqui titulos aliunde iam in suam Bibliothecam transcripserat Clementius, cum huius editionis exemplar ipsi in manus incideret. Tunc vero quid illum egisse putas ad Fabricii fidem explorandam? Euoluit scilicet singula volumina et circumspexit typographos. Minime vero vnice tunc curabat, vt de integritate editionis, quam in dubium alii vocauerant, et defenderant alii, certior fieret. Incidit tamen in oculos, dum in hoc negotio occupatus erat, Dominici Nicolini epistola dedicatoria, fortasse etiam tomi noni et decimi subscriptio et cum praeterea duos a Fabricio in illius commemoratione errores admissos animaduertisset, de tertio, puto, non amplius dubitandum sibi existimauit. Forte his, a me disputatis, facilius credetur, si ipsa, quibus Fabricium taxat, verba adduxero, quam ob rem hic subiiciunda curauimus *).

Iam his remotis progredimur ad id, quod meliorem aut potius famosam hanc editionem reddidit. Nimirum curam illius gessit, seu quod credere malim, vel aliis bibliopolis in societatem adsumtis parare eam instituit, vel ab aliis inceptam redemit Dominicus Nicolinus bibliopola, et typographus Venetus,

*) Mr. Fabricius s'est trompé, quand il a dit dans sa Bibliotheca latina, T. III. p. 514. „Augustini opera decem tomis, in quarto comprehensa, Valgrifus excudit, A. C. 1571.“ Il y a là trois fautes. 1mo: Cette Edition a onze Volumes, et non dix. 2do: elle est de l'année 1570. et non 1571. 3tio: Elle ne vient pas de *Valgrifus*, mais de *Dominicus Nicolinus*, qui l'a enrichie d'une Dedicace, adressée „*Ioanni Antonio Fachineto a Nuce*, Neocastris Episcopo, et apud Sereniss. Venetorum rempublicam Oratori Pontificio.“ Elle est datée de Venise, le 15 d'Octobre 1570.

tus, cuius aperta in ipsa fronte operis confessio, *quod ea omnia remoueri curauerat, quae fidelium mentes haeretica prauitate possent inficere, aut a Catholica et Orthodoxa fide deuiare*, haud benigna inter Heterodoxos est experta iudicia. Perstrinxerunt eam hoc nomine *Caueus* in *Prolegom. ad Hist. litt. Script. Eccles. Sect. VII.* et *Io. Clericus* in *Praefatione Artis Criticae Sect. III. §. 9. **; atque ante eos vehementissime in hoc ausum inuectus est *Franc. Turretinus* in *Disputationibus de necessaria secessione nostra ab Ecclesia Romana et impossibili cum ea Syncretismo ***). Neuter tamen eam vidit, sed sua ipsius confessione satis malignitatis conuictam esse statuerunt. Sed hoc iniquius aut saltem praecipitatus iudicasse visi sunt, *Caueus* quidem et *Clericus*, *Rich. Simonio*, qui mutationes istas non in ipso textu, sed in censuris tantum et scholiis factas esse contendit ***). Quocum plane conueniunt, quae ex inedita Dissertatione *P. de Vitry* in *Memoriis Trevoltinis* excitantur †). Sed reposuit *Clericus*, non esse, cur sui se iudicii poeniteat. *Simonium* textum huiusce editionis cum alia vix contendisse, *Italorum* autem *Correctorum*, qui tam vaga oratione operam suam declarassent, religioni non multum esse tribuen-

*) Edit. nouiss. *Lugduni Bat.* 1778. T. I. p. 16.

**) *Disp. V. §. 26. p. 130.* Prodierunt primum *Genevae apud Sam. de Tournes.* 1687. 4.

***) *Seulement dans les Sommaires et les scholies. v. in Bibliotheque Critique de Sainjore. T. I. p. 261. (Paris et Amst. 1708. 8.) et lettres choisies de Mr. Simon. (Amst. 1730. 12. T. IV. p. 12..*

†) *Memoires de Trevoux.* 1729. Sept. p. 1618.

buendum*). Ac ita quidem diu lis sub iudice pendit, donec Clementius tandem arbitrium illius fusciperet. Nam cum rara in his literis felicitate ipsi contigisset, editiones Venetas anni 1552 et 1570. inter se conferre, vidit primum, quod plane usque dum ignoratum fuit, priorem huic quodammodo pro fundamento fuisse, nec tamen per omnia esse descriptam, sed vt quaestui convenientissimum visum esset, et consilio, quod professus est bibliopola, aptum, aliis demtis, et mutatis aliis. Sic accessiones, quae in titulo iactantur, iam iisdem verbis in superiore promitti, atque indicem, titulo tantum immutato et deleto imprimis auctoris nomine, plane ab eadem desumptum esse, ostendit. Contra vero in multis etiam recedere ab illa animaduertit, omissis et illatis tam singulis vocibus, quam libellis integris, quorum exempla sat multa ab eo sunt coacta, quibusque omnibus effici colligit, defensionem huius editionis a Simonio perperam esse susceptam. Nec sane nos videmus, quo meruerit Nicolinus, vt patrocinium eius Simonius fusciperet, cum nusquam ab ipso aliquam cautionem ad mutationes suas defendendas allatam esse nouimus, quin potius omnia sibi permisisse, nec textui vlllo modo pepercisse, in epistola sua, cuius initium ex Clementio hic apponimus, aperte fassus est: „Cum Diui Augustini Opera, *inquit*, non sine magno Catholicae fidei detrimento circumferri viderem, Haereticorum versutia multis in locis deprauata, operae pretium me facturum existimaui, si ea, integritati suae restituta, hoc tempore imprimerem. Id quod, vt facilius assequerer, curauim imprimis, vt a sacrae Theologiae Pro-

*) v. *Bibliothèque choisie* T. XVIII. p. 169.

Professoribus recognoscerentur, utque cum vetustioribus codicibus collata, ad genuinam eorum lectionem redigerentur. Curaui praeterea, ut inter imprimendum accederet cura ac labor Excellentissimi viri *Borgarutii a Borgarutiis*, typorum accuratissimi ac diligentissimi castigatoris. Qui quantum in huiusmodi operum castigatione praestiterit, ex collatione cum his, ceterorum exemplarium, facile patebit.

1571.

Lugduni apud Morellium, et Parisiis apud Nivellium. Basileensis editionis factas esse iterationes a Fabricio proditur; quam vere, protinus non affirmare ausim. Sed memini me *Lugdunensem* huius anni editionem *ostionis* factam apud *Seb. Honoratum* deprehendere in Hendrichii Pand. Brandeb. ubi Enarrationes in Psalmos II. Voluminibus 8. laudat, quae sine dubio ad integram operum editionem pertinent.

1577.

Antuerpiae ex officina Christophori Plantini. fol. XI Tomis. Opera Diui Aurelii Augustini, Hippo-
nensis Episcopi et Doctoris praecipui, Tomis decem comprehensa, per Theologos Louanienses ex manuscriptis codicibus multo labore emendata, et ab innumeris erroribus vindicata: Illustrata praeterea eruditis censuris et locupletata multis homiliis et aliquot epistolis eiusdem Beati Augustini, antea non editis. Cum indice tripartito.

Cum singulis tomis peculiare additae sint, ab Erasmanis fere desumptae inscriptiones, hic tamen generalis titulus praefigitur volumini, quod ultimum recte diceret, nisi ut hoc ipso patet, reliquis omnibus praeponi deberet, indices cum Possidii Vita et indi-

indiculo scriptorum Augustini, nec non praefationem, quae de ratione totius instituti exponit, complexum.

Susceperat nimirum hanc nouae et emendationis Augustini operum editionis prouinciam primum *Thomas Gozaeus* Bellemontanus Hanno, Theologiae in Louaniensi studio professor, Apostolicus et Regius librorum per Belgium censor. Susceperat autem sic, ut summa quidem ac arbitrium totius operae penes se esset *), laborem vero cum pluribus viris doctis et studiorum similitudine coniunctis et affectu in S. Augustinum quasi inuicem aemulantibus communicaret et pensa quasi singulis distribueret, conquisitis et diuisis inter suos plus quam ducentis MSS. exemplaribus. Postquam vero apoplexia correptus vitam cum morte improuisa a. M.D.LXXI. die VIII. Martii commutauerat, successor eius in munere censorio Ioannes Molanus etiam hoc onus a Plantino sibi iniungi passus est et remotis aliquot suffectisque aliis in eorum locum lectoribus **) suis veluti auspiciis profligari ac perfici tandem opus vidit.

Nec vero singulis modo Tomis dati sunt administratores, sed in singulis plures pro ratione codicum elaborauerunt. Praefuerunt autem operibus, teste Molano, in primo tomo corrigendo *Martinus Baccius*, Tiletanus, postea Alostensis Pastor; in *episto-*

I 2

lis

*) *Difficultates tantum, ac ea, quae dubitationem haberent, ad se referri cum voluisse*, scribit Molanus.

*) Sic vocat Molanus eos, qui conferendis cum MSS. exemplaribus et corrigendis Augustini libris atque repurgandis Erasmi maxime censuris et Viuis commentariis ex Gozzaei dispositione vacarent. *Examinatis lectorum operis, in multis quidem, inquit, acre iudicium cum summa diligentia coniunctum probauit*:

lis *Iacobus Baius*, Melunensis, collegii Sabaudiae Louanii praefes. Accessit autem additamentum earum ab *Ioanne Grauiio* ex Societate Iesu Bruxellis transmissum. In *tertio Tomo* desudauit *Henricus Cuykius*, Culenburgenfis, Ethices tunc professor, post Episcopus Ruraemundensis; *Quartum* emendauit *Embertus Eueraerds*, Arendoncanus, pastor ecclesiae D. Iacobi. Libros de *Ciuitate Dei*, qui *Totum quintum* faciunt, *Petrus Coretus*, Athenfis, pastor et professor Crispiniensis correxit. In *sexto* tomo *Christophorus Broide*, ad Arienfis ecclesiae Decanatum euocatus, elaborauit. *Septimus tomus*, quem mendis scatuiffe dicunt, ab *Henrico Grauiio*, Louanienfi, Theologiae Doctore et professore Regio, et alias celebri, recognitus est. *Psalms* praefuit *Claudius Porta*, Bapalmenfis, Theologiae Baccalaureus, post Binduae pastor et canonicus. In *tomi noni* correctione *Guilielmus Eftius*, Gorconius, operam suam studiumque nauauit. Atque hi omnes, praeter Henricum Grauium et Claudium Portam, Theologiae Licentiatum dignitatem affecuti erant. *Decimus* denique tomus *Regularibus Martinianis* datus erat, quippe in quem iam pridem apud eos *Martinus Lipsius*, Bruxellensis, eiusque discipuli *Ioannes Costerius* et *Ioannes Vlimmerius*, Louanienfis, magni laboris impensam egerant. *Ioannes*

vero

bauit: in aliis autem, etsi non tantum diligentiae deprehenderem, tamen id studii, quod habebant, excitandum potius, quam improbandum putauit. Pauci fuere, quorum in locum, quod minus idonei viderentur, alios eruditione iudicioque praestantes viros suffeci, qui ex nostro praescripto, tum superiora, tum ea, quae restarent, accurate corrigerent, et difficultates ac dubia loca tantum ad nos referrent.

vero *Vlimmerius* in hanc quoque editionem contulit varios Augustini Sermones a se repertos et multos antea non editos ex Cambroniae codicibus studiose transcripsit. De se autem Molanus affirmat, sibi reservatum fuisse, ut singulis Augustini libris, ut in Manuscriptis fieri observatum erat, retractationem ipsius, aut si ea deesset, breuem censuram multorum Theologorum sententia confirmatam praemitteret. Quae manifeste deprehensa constaret Augustini non esse, ea, praemissis censuris, in Appendice Tomi sui repomenda censuit. *In his censuris autem*, inquit, *Erasmus aliquoties, saepius autem Indiculus Possidii, citationes Bedae, censura manuscripta doctissimi Theologi Ioannis Hesselii in nouem tomos et reuerendi patris Martini Lipsii in tomum decimum magno nobis adiumento fuerunt. Nihil autem adhibui, quin a duobus collegii nostri professoribus, Henrico Grauiio et Laurentio Westerhouio, quos in hac parte socios et adiutores habui certe strenuos, approbatum sit. Ac hoc quidem priuati hominis quasi de sua ipsius opera est iudicium atque professio. Sed fortasse iuuabit etiam Censuram, quam auctoritate muneris publici emisit, quaeque versa statim tituli pagina impressa legitur, cognoscere. Ecce vero!*

„Opera beatissimi Augustini, per Theologos Louanienses castigata, tribus potissimum de causis, omnibus prioribus editionibus sunt praeferenda. *Primum*, quia ex vetustissimis manuscriptis exemplaribus innumeri foedique errores per singulos tomos sint emendati, apposita etiam ad cuiusque tomi calcem sua castigatione.

Secundo, quia quaecunque in his tomis erant indoctae, aut censurae, aut annotationes (ut nihil amplius dicatur) eae in hac editione absunt.

Tertio, quia singulis libris retractatio ipsius sancti Augustini est praemissa, aut ubi ea deest, brevis censura, multorum Theologorum iudicio confirmata. Quae autem certo Augustini non esse sunt deprehensa, ea in sui tomi Appendicem sunt reposita, praefixis censuris, quae per Theologos aliquot Louanienſes sunt discussae et approbatae *).

Ad quae pauca iamiam nobis sunt obseruanda, Ac praemonere quidem lubet, partitionem per singulos Tomos ex Erasminiana esse seruata, sed mutatum passim librorum ordinem, maxime per eos, qui in Appendices reiecti sunt. Non immerito autem hoc sibi tribuerunt, quod textus a multis grauibusque mendis in mss. exemplarium, quorum immanſa ipsis suppetebat copia, sit emendatus. Probant illud *Castigationes* seu *recognitiones* ad finem cuiusque tomi praeter Decimum adiectae, in quibus diligenter, sed paucis verbis lectio superior cum lectione Codicum collatorum seu recens recepta comparatur, indiculo Codicum adhibitorum ubique praemisso. Harum vero emendationum vel locorum emendandorum largissima succreuit seges in Tomum septimum, qui controuersias cum Donatistis atque Pelagianis continet. Multa quoque adeo intricata aut in vtramque partem explicabilia, ut parum sibi laborem successfulorum sentiret, qui huius Tomi vindex constitutus erat, Henricus Grauius, nisi ab instituta in reliquis breuitate recederet. Vincebat enim *non tam infinita erratorum turba, quae hunc Tomum turpissime*

*) Signata est Louanii Anno M.D.LXXI. Kalendis Septembris, Ioannes Molanus Louanienſis, Apostolicus et Regius librorum visitator, meo nomine, et imprimis mandato et autoritate venerandae facultatis nostrae Theologicae, sic subscripsi.

*sine defoedabant, quam, quod necesse frequenter esset, mutatae lectionis rationem reddere, mendosam convincere, vitiatae causam et occasiones aperire: interdum autem varios expendere, ac collatione aliorum inter se locorum diiudicare, nonnunquam et contra fidem MS. vulgatam asserere; aliquando vero divinationem quoque proponere, quomodo hiulca impleri, luxata curari, depravata restitui posse viderentur. Postremo, inquit, annotanda etiam loca suspecta, et quibus medelam sine MS. praesidio adferre non possemus; ut nimirum occasio studiosis praeretur, veteres aliarum regionum bibliothecas excutiendi, nunc ubi forte, vel antiquiora, vel fideliora exemplaria lateant, unde corrigi, vel emendari ea possent. Quin ubi semel ab instituto recessisset, ausus est aliquanto etiam longius procedere. Ac primum, inquit, historiam, quae plurima his et ignota frequenter occurrat, breviter aperuimus; dehinc obscura illustravimus; ad hanc suspecta et periculosa explicavimus; tum ab aliis arrosa defendimus; praeterea non recte a quibusdam intellecta, quo sensu accipienda forent, ostendimus; denique si quid contra hodiernas haereses faceret, aut alioqui observatione dignum occurreret, paucis annotavimus. Sed nec id visum fuit praeter-eundum, ut, quoniam Germanicum exemplar corrigendum nobis datum erat, multi autem Gallicana vterentur editione, quae alios frequenter ac alios a Frobeniana errores haberet, eos quoque indicaremus. Id quod in locis aliquot non indiligenter fecimus, sed temporum angustiis exclusi perficere non potuimus. Singulare itaque volumen, et quod peculiari titulo ab ipso tomō septimo discretum est, hae Graevii disquisitiones efficiunt, inscriptae, *Annotationes in Tomum VII. B. Augustini, Hipp. Episc.*, quibus castigationum ratio varietasque lectionum indicatur, res*

memoratu dignae observantur, obscuriora difficilioraque loca explicantur et illustrantur. Antuerpiae M.D.LXXVII. Iam quod alterum attinet, quod in virtutibus huius editionis publica censura reponit, nihil attinet dicere quid in Erasmi censuris et in Vivis commentario, hisce Theologis displicuerit. Plus valet tertium, spuria a genuinis prorsus secreta et in appendicem reiecta, quod sane laboris momentum multo eruditius, quam Erasmus, persecuti sunt, qui plerumque, quae sibi suspecta essent, in censuris tantum notare contentus fuit, paucula seiunxit, quaedam plane eiecit. In sermonibus tamen, ubi difficile fuisset, de singulis in particulari censere, Martini Lipsii exemplum se secutos esse professi sunt, ut iis, qui certo Augustini esse viderentur, nomen eius adscriberent, et ex Beda, aut aliunde, prout occurreret, probationem adiicerent, qui vero certo Augustini non esse deprehensi essent, eos in appendicem reiicerent, reliquos aut non satis discussos, aut ex iudicio quorundam eruditorum dubiae auctoritatis inter Augustinianos relinquerent, non addito tamen eius nomine. Atque haec haecenus de Louanensium studiis. Quod typographi partes attinet, impressa sunt opera quidem caractere rotundo, satis nitido, binis columnis, censurae eodem, sed minori, argumenta autem sicut et in marginibus notata, italico. Omnes autem Tomi praeter eum, qui indices complectitur, et universi operis titulum praefert, itemque annotationes in Tomum VII., annum M.D.LXXVI. in fronte gerunt; nec tamen omnes hoc anno absolutos esse, ex subscriptione patet, quae in aliis annum septuagesimum sextum, in aliis septuagesimum septimum ostendit. Denique adiecimus, Plantinum uuncupasse editionem *Christophoro et Ludouico Madrucciis* Cardinalibus.

1584.

Venetis per Ioannem Baptistam Sessam sub signo Felicis. 4. XI Tomis. D. Aur. Augustini, Hipp. Episcopi, opera omnia impressa, recognita et emendata. Cat. Bibl. Reg. Paris.

Iteratio est Venetae prioris. Saltem Turretinus verba, quibus tantopere offensum esse nouimus, quaeque supra sunt excitata, ex hac laudat, idque Colonienses confirmant, qui *Ancillonium* corrigunt, in *Miscell. Crit. T. I. p. 243.* perperam numerum a. 1548. efferentem. *Oudinus* tamen T. I. p. 952. Plantiniana descriptionem esse tradit, meque ipsum ancipitem reddidit Turretinus eo, quod apud *Iun-tas* expressam vult, quod de priori ex parte quidem verum, de hac mihi non liquet. Facile autem fieri potuit, ut editionem, quam intenderet, a Typographo recte significaret, anni numerum tamen cum alterius Venetae anno confunderet. Sed in superiore sententia confirmat nos Clementius, qui laudatis auctoribus alia testimonia addidit in *Bibl. Hist. Crit. T. II. p. 268.*

1586.

Parisiis cum insigni Magnae Navis. fol. XI Tomis. D. Aur. Augustini opera etc. ut in Antuerpiensi. Additis nonnullis aliis homiliis Lutetiae nunc primum editis, quas pagina secunda Tomi 10. indicabit: cum indice tripartito.

Homiliae, quas de nouo adiecerunt, sunt XIII. ex MS. Codice Bibliothecae Carthusianae maioris desumptae. 1. *In natali Martyrum*; 2. *de Susanna*; 3. *in illud Euangelii Ioannis*, usque nunc nihil petiistis in nomine meo; 4. *In natali S. Casti et Aemilii Martyrum*; 5. *Tractatus in vigiliis Pente-*

*costis; 6. De L.ctione Exodi, de Rubo, in quo flamma erat, et rubus non comburebatur; 7. De verbo et voce: et de Ieiunare et Esurire; 8. In illud Ioannis: Ego non ascendo ad diem festum istum; 9. De arbore, cui maledixit Dominus, et aruit, quia fructum in ea non inuenit; 10. De Apostolico, Nihil in hunc mundum intulimus, verum nec auferre aliquid possumus; 11. In illud Pauli, Qui gloriatur, in Domino gloriatur; 12. in Peruigilio, in illud Exodi, quando in Aegypto agnus immolatus est; 13. in Psalmum XLI. ad Neophytos. Augustini nomen MS. praeferre notant, nec quemquam fore, sibi persuadent, quin illius esse agnoscat. Praeter Homilias vero addita sunt insuper haec incertorum auctorum ex eodem fonte haud dubie petita: *Com-monitorium ad uniuersam Ecclesiam* *); *Forma epistolae de quodam episcopo Manichaeorum sectae, Col-latio Trinitatis B. Augustini a se ipso ad semetipsum, Miscellanae sententiae a quopiam collectae, Tractatus de XII. lapidibus, de quibus in Apocalypsi.* — Ceterum quoad typorum et chartae nitorem haec editio Plantinianam antecellit.*

1596.

Geneuae excudebat Iacobus Stoor. 8. XI Tomis. D. Aur. Augustini opera per Theologos Louanien-ses emendata. Laudant *Colonienses et Ceillerius.*

Mihi nonnisi Vtum huius editionis Tomum vi-dere contigit, libros de Ciuitate Dei complecten-tem, hoc titulo:

D.

*) Huic adscriptum: *Videtur mihi potius Caelestini, aut Leonis, aut alterius papae, qui sua vi deos ex-terminent.*

D. Aurelii Augustini, Hipp. Ep. de Civitate Dei libri XXII. Veterum exemplarium collatione nunc demum castigatissimi facti, eruditissimisque LVDOVICI VIVIS Commentariis illustrati. Quorum XII. priores hac omnium illius Operum TOMI QVINTI PARTE PRIMA continentur. Cum Indice hac postrema editione castigatissimo ditissimoque facto.

alterum vero volumen inscribitur:

D. A. A. Operum TOMI QVINTI PARS SECVNDA, qua reliqui X. libri d. C. D. continentur. etc.

Nimirum non raro huius et Lugdunensium simili forma editionum tomi separatim obueniunt et procliuius quidem erat, vt distraherentur, per modicam voluminum molem et vsum commodiorem et proinde crebriorem.

SAEC. XVII.

1603.

Parisis. fol. XI Tomis. D. Aur. Augustini opera eiusdem recensitionis. Oudinus et ex eo Colonenses.

1609.

Parisis . . . fol. XI Tomis. D. Aur. Augustini opera iuxta Theolog. Louaniensium recensitionem expressa. Citat eam Vignierius in Praef. ad Supplem. et hinc alii.

1613-14.

Parisis sub signo magnae navis. fol. X (XI) Tomis. D. Aur. Augustini opera ex secunda editione Theologor. Louaniensium emendata et locupletata, vna cum Leonardi Coquaei commentariis in Libros

Libros de Ciuitate Dei. *Cat. Bibl. Reg. Paris.* cui adde *Oudinum*.

Vignerus in Praefatione ad Suppl. hanc iuxta quam praecedentem non poenitendis additionibus locupletatam esse tradidit; sed quibus, nescio. Nec satis intelligo, quae fuerit *secunda* Theologorum Louanienfium editio, quam sequutos se in titulo profitentur curatores.

1616.

Coloniae Agrippinae [sumtibus *Antonii Hierat.*] fol. XI Tomis. D. Aur. Augustini Opera ex Theologorum Louanienfium editione, iam longe auctiora.

Vignerus pronuntiat, hanc editionem praecedentibus editionibus auctiorem esse, sed charta, ad oleum et piper releganda, impressam. Quapropter nullus equidem dubito, quin a bibliopola, dubitanter a nobis significato, profecta sit.

1626.

Paris. fol. XI Tomis. D. Aur. Augustini Opera iuxta Theologorum Louanienfium editionem. *Vigner.*

1635.

Paris. fol. XI Tomis. Eadem. *Vigner.*

1644.

Paris apud *Anton. Vitray*. 8. II. Voll. Augustini opera contra Pelagianos. *Cat. Bibl. Reg. Paris. T. I. p. 377. n. 679.*

1647 - 48.

Louanii apud *Bernardin. Masium*. 4. III Voll. B. Augustini, Hipp. Episcopi et veterum eiusdem disci-

discipulorum opuscula insigniora aduersus Pelagianos et eorum reliquias; iuxta editionem Plantinianam. *Cat. Bibl. Reg. Paris.*

1651.

Paris. *fol. XI Tomis.* S. Aur. Augustini Opera ex Lov. Theol. recensione. Testatur Cl. Rösler hanc descriptionem sibi in Bibliothecae suae Tomo V. usum praestitisse. Nisi fortasse una editio sit haec et insequentis anni mox laudanda, adeo ut priores Tomi, in quibus Retractationes et Epistolae, a. 1651. reliqui a. 1652. excusi sint.

1652.

Romae per Ignat. de Lazaris. 4. S. Augustini, Hipp. Episc. aliqua opera insigniora aduersus Pelagianos et eorum reliquias. *Cat. Bibl. Reg.*



Paris. *fol. XI Tomis.* S. Aur. Augustini Opera ex Louaniensium Theologorum recensione. Has omnes autem editiones auctiores quidem, sed inemendatiores esse, Vignerus prodidit.

1654.

Bruxellis. 12. S. Augustini opuscula quaedam selecta. Insunt: *de Gratia et libero Arbitrio, de Correctione et Gratia, de Praedestinatione Sanctorum et de Dono Perseuerantiae* cum tribus Augustini epistolis I. ad *Paulinum*, Episc. Nolanum; II. ad *Sixtum*, Ecclesiae Rom. presbyterum (postea pontificem); III. ad *Vitalem* Carthaginensem (inter Augustinianas olim CV. CVI. CVII. nunc CXCIV. CLXXXVI. CCXVII.) praemissis duabus *Hilarii* et *Prosperi* ad Augustinum Epistolis. Cf. *M. Bibl. Eccl.*

Eccl. Col. p. 745 et 746. Num vero titulus iuxta ipsa verba ibi declaratus sit, ignoro.

1654 - 55.

Parisis suntibus Simeonis Piget, in via Iacobae ad Insigne Prudentiae, fol. 11 Tomis. Sancti Aurelii Augustini, Hipponensis Episcopi, Operum omnium ante Annum M.DC.XIV. tam Basileae, quam Lutetiae, Antuerpiae, Lugduni et Venetiis editorum supplementum; vna cum sex libris secundae responsionis eiusdem B. Augustini contra Iulianum haereticum, Pelagianum Variisque Sermonibus et tractatibus hactenus ineditis. *Hieronymus Vignierius*, Congregationis Oratorii D. Iesu Presbyter, ex optimae fidei et bonae Antiquitatis codicibus MSS. eruit. T.I. Editio Secunda 1655. *In fine:* 1654. *ex typographia Francisci le Cointe* T.II. 1655.

Animaduerterat Vignierius non solum in nouissimis, quae tum erant Augustini operum editionibus, plurima deesse opuscula proximis ante annis recens ac seorsim euulgata, sed quod moleste potissimum iis accidebat, qui aliquam editionem comparaturi erant, recentiores omnes vtut auctiores singulae, nec integrae tamen, longe antiquioribus, quoad textus puritatem et emendationem, erant inferiores. In animum igitur induxit, supplementum operum sancti huius Doctoris parare, non tam, vt recentioribus id commendationis afferret, vt hac sua opera adsumpta integrae omnino dici possent, sed potius vt iis, qui antiquas et castigatiores mallent retinere, gratificaretur. Complectitur itaque I. Tomus: 1) *Sermones nouos XL.* a Sirmondo a. 1631. Parisiis editos et in sequiores inde editiones receptos cum appendice Sermonum V. et notis eiusdem. 2) *Sermones de Diuersis CXXVII.* duabus partibus distincti

ae primum a Louanienſibus a. 1576. editi. 3) *Homiliae undecim*, ex codice Manuſcripto Bibliothecae Carthuſianae maioris deſumtae. 4) *Sermones VI.* a Ioanne Baptiſta Maro Romae editi. Sed neſcio, quo caſu factum ſit, vt hi cum praecedentibus in vnum cogerentur, ita quidem, vt non undecim, vt titulus pollicetur, ſed XII. Sermones ex Codice Bibl. Carthuſianae Maioris exhibiti ſint, iidem, qui primum a. 1586. a Pariſienſibus excuſi erant, ſed vno auctiores, qui hic deſideratur, cuiuſque in locum alius, *breuem Symboli explicationem* ſiſtens, ſucceſſit, quem, vt ſequentes tres *In Calendas Ianuarias, de Calendis Ianuariis et ante altare ad infantes de ſacramento* etiam in nouiſſima tunc temporis Pariſiana editione deeſſe notat. 5) *Tractatus de ſeptem vitiis et ſeptem donis Spiritus Sancti*, editos olim a Guil. Camerario, Theologo Scoto, a nouiſſima editione (a. 1652.) pariter exulans. 6) De geſtis Pelagii liber. 7) *Epistolae*, quae in antiquioribus editionibus, Baſileenſi, Pariſienſibus et Lugdunenſibus omiſſae erant. 8) *Speculum S. Auguſtini in Scripturam ſacram*, haecenus ineditum; de quo infra nobis ſermo erit. Sed longe inſignior Supplementorum horum pars, libri vſque dum inediti expanduntur in *Tomo ſecundo*. Quare ipſe ait, *quod Galliae ob hanc ſupplementi editionem applaudat vniuerſus orbis Chriſtianus potiore ex altera parte, quam ex prima naſci rationem*. Primo nempe loco in lucem prodeunt ex tenebris, quibus ſepulti haecenus extinctique paene iacuerunt, *Sex libri Auguſtini contra Iulianum*, a Fulgentio Beda, Seruato Lupo aliſque ſequioribus ſcriptoribus paſſim commemorati, ſed exigua tantum parte ſua Claudii Menardi beneficio cogniti, adeo vt ex octo libris amplius duobus ſuperſeſſe nemo iam ſperare auderet, cum ecce hic Vigne-

rio fortuna obtigit, vt sex integros libros bibliothecae Claraeuallensis codice deprehenderet. Qua de felicitate ipse quidem sic exultat, vt non iniuria fortasse dici possit, affectum aliquid detraxisse iudicio, animumque a tranquilla pensitatione praecipitasse, dum non sex modo, sed ipsos, quotquot ab Augustino scripti esse dicuntur, octo libros reperisse videri voluit. Sed de his infra in singulorum opusculorum editionibus n. 98. Sequuntur tanquam altera quaedam secundi huius Tomi pars 1) S. Augustini Epistola vnica ad Macrobiū. 2) *Sermones inediti* XL. et 3) Tractatus duo, alter de *Oratione* ex Codice Diuionensi, alter inscriptus, de *Oratione et Eleemosyna* ex Codice regio, denique 4) *Sententiae aduersus Pelagianum haeticum*. — Adiecti sunt in vtroque Tomo indices necessarii. Inscriptis autem Vignerius Tomum *secundum Claudio Largentier*, Abbati Claraeuallensi; primum *Gondo* Cardinali de *Retz*.

1673.

Lugduni. 12. S. Augustini opuscula quaedam selecta; eiusdem collectionis, quae a. 1654. *Bruxellis* prodiit.



Bruxellis. 12. Eadem ex quinta repetitione. *Colonienses*. l. l.

1679 - 1700.

Parisiis apud *Franciscum Muguet*. fol. XI *Tomis*. S. Aur. Augustini, Hippoensis Episcopi, Opera post Louaniensium Theologorum recensionem castigata denuo ad manuscriptos codices Gallicanos, Vaticanos, Anglicanos, Belgicos etc. nec non ad edi-

editiones antiquiores et castigatiores. Opera et studio Monachorum Ordinis Sancti Benedicti e Congregatione Sancti Mauri. Tomus I. II. 1679. III. 1680. IV. 1683. V. 1684. VI et VII. 1685. VIII. et IX. 1688. X. 1690. XI. 1700. Tomus I et II. recusi ibidem 1689.

Tria sibi in noua hac editione paranda cordi fuisse, fatentur Patres Maurini (in praef. gen. Tomo XI. praemissa): videlicet vt *accurata* esset, *commoda* et *rite illustrata*. His quartum adiunxerunt, quod per se non tam commendationem meretur in editore, quod iustum est, quam reprehensionem pati debet, sicubi praeter expectationem desit, hic tamen ob causas omnibus notas et grauius multo et longe difficillimum, scilicet, vt nullis partium studiis esset addicta.

Ac primum quidem, vt quam maxime *accurata* esset, tribus ipsis constare visum est conditionibus: nempe vt contextui genuina integritas ad veteres et sinceriores codices restitueretur; vt certa ac germana opera secernerentur a dubiis et spuriiis; et vt editio ipsa a typographicis mendis repurgata prodiret. Vt vero perquam *commoda* redderetur, quatuor a se curata esse monent; nimirum *operum ordinem*, in quo instituendo et temporum, quo deinceps singula elaborata sunt, et argumentorum ratio habita est, adeo, vt quae vnus generis essent, veluti exegetica, moralia etc. iunctim quidem exhiberentur, sed eadem iuxta annorum seriem disposita; *sectiones*, quibus capitula in plures et minores particulas magno legentium vsu diuisa sunt; *summaria*, vel libris omnibus et plerisque capitulis praemissa, quae argumentum demonstrarent, vel marginalia et partim ex ipsis contextus verbis expressa, partim a Louaniensibus desumpta; *indices* denique non solum in singulos to-

mos, sed generales etiam et vniuersales, vtrosque vero vberrimos. Ad *illustrationem* spectant partim praefationes singulis Tomis praemissae, in quibus potius res historicae, quam dogmaticae explicantur; partim admonitiones, ad explicandum singulorum opusculorum argumentum additae; denique in margine inferiori notulae, quibus vel variantes lectiones indicantur, vel obscura loca, maxime comparatione aliorum locorum explanantur. Quod attinet ad quartum, alte sibi animo infixum fuisse affirmant, et a Praepositis suis inculcatum, vt partium studia in explicanda Augustini doctrina sedulo cauerent, idque causae fuisse, vt a prolixioribus commentariis et obseruationibus abstinuerint, vt ne cuiquam vel minimum offendiculi praeberent, vlline Theologorum sententiae praeiudicarent. Nihilominus constat, quantae in ipsos coortae sint turbae, quanta adhibita stratagemata atque insidiae, vt vel interciperetur successus, vel perfectum in inuidiam adduceretur. Ipsi Benedictini dum in vndecimo Tomo generalem operis praefationem conscribunt et curam suam ac prouidentiam palam facere student, fatentur, difficile fuisse cauere, ne quid in tam vasto opere incauti ipsis subreperet, vel, ne quid secus, quam ipsi intendissent, in sequiorem partem non acciperent homines male erga ipsorum studia affecti. Sed non cum scrupulosis forte, aequis ceteroquin aduersariis sibi rem esse, sed a calumniatoribus et hostibus nullum insidiarum genus, quamuis turpe, spernentibus ius petitos sese conqueruntur. Et quoniam regis iussu vtrique parti silentium esset impositum, haud quidquam aliud praedicto loco in tutamen suum attulerunt, quam vt a grauissimis, quae ipsis impactae fuerant, criminationibus in virorum piorum ac beneuolorum, quorum forte animis scrupuli

puli quidam exinde infedissent, gratiam sese purgarent. Sed harum litium artiumque frivolarum historiam non attingimus. Nec enim ad nostrum vel minimum facit, et suppetunt, quibus vel negotii, vel animi causa curare illa contigerit, ampli satis complurium virorum doctorum de iisdem commentarii *). Pergimus potius ad opuscula, quae singulis tomis comprehensa sint, accurate recensenda, eaque, quae insigniter hic a doctissimis Patribus praestita sunt, declaranda, ubi simul Louanienfium ordinem et discrimen notabimus. Sunt autem *Contenta* in vnoquoque volumine haec:

Tomo Primo:

Opuscula, quae adhuc Catechumenus, aut nondum Presbyter edidit cum Retractionibus et Confessionibus; hoc ordine:

Retractionum lib. II.

Confessionum lib. XIII.

Contra Academicos lib. III.

De Vita Beata lib. I.

K 2

De

*) Praeter Dupinium *Bibl. nouv. des ant. eccl. T. XVIII.* sub articulo: *nouvelle edition des oeuvres de S. Augustin*, et Baelium in *Dict. Crit. e recentioribus Autores Bibl. Coloniensis Ecclesiasticae* p. 464. Ceillier *T. XII.* p. 680 seq. et auctores de *l'Histoire litteraire de la Congreg. de St. Maur.* (à Bruxelles 1770. 4.) v. Blampin. pag. 287 seqq. Quid? quod peculiari adeo volumine scripta extat huius editionis historia auctore Antonio Vincentio Thuillier, eiusdem congregationis quondam sodali, h. t. *Histoire de la nouvelle edition de S. Augustin, donnée par les PP. Benedictins de la Congregation de S. Maur. En France* (Paris) 1736. 4. mihi non visa, sed cuius ipsius varia fata in eadem *Historia Congregationis* p. 528 sq. enarrantur.

De Ordine lib. II.

Soliloquiorum lib. II.

De	{	Immortalitate animae lib. I.
		Quantitate animae lib. I.
		Musica lib. VI.
		Magistro lib. I.
		libero' Arbitrio lib. III.
		Generi contra Manichaeos lib. II.
		Moribus Ecclesiae catholicae et moribus Manichaeorum lib. II.
		Vera Religione lib. I.
L	{	Regula ad Seruos Dei.

In appendice:

De Grammatica liber.

Principia Dialecticae.

Categoriae decem.

Principia Rhetoricae.

Regulae clericis traditae fragmentum.

Regula secunda.

De vita Eremitica ad sororem.

Complectitur hic tomus ea omnia, quae ab Erasmo et Louanienfibus in eo fuerunt comprehensa. Illud tantum interest discriminis, quod Benedictini in appendicem reiecerunt nonnulla, quae ab illis pro genuinis Augustini scriptis habita erant, scilicet libellos de *Grammatica*, *Categorias*, *Principia Dialecticae* et *Principia Rhetoricae*, et quod alia quaedam cum aliis locum mutare iusserunt, *ut seriem ordinemque temporis, quo unumquodque opus ab Auctore prodiit, quoad eius fieri posset, seruari.*

Tomo Secundo:

Epistolae ducentae septuaginta secundum temporum ordinem dispositae, et quatuor in classes digestae.

In

In appendice:

Augustini nomine ad Bonifacium et contra, Epistolae breviores sexdecim.

Ad Demetriadem Pelagii epistola.

Augustini nomine ad Cyrillum et contra, de Laudibus Hieronymi.

Altercatio Augustini cum Pascentio.

Longe nobilissima pars operae eruditissimorum Monachorum in hoc Tomo concluditur, vere talis, in qua Constantii sagacitatem et solidam doctrinam agnoscas. Licet enim totidem plane genuinas epistolas Louanienſes recenseant, nec plura, nec pauciora ab iis in Appendicem huius tomi reiecta sint, non ausi tamen sunt longius progredi et quam omnes Augustini lectores ardentissimis votis exoptabant, molestam scilicet et multarum virium curam suis sibi humeris imponere, qua intactam adhuc seriem et nexum tot diuersi generis et aetatis epistolarum discriminaſſent, ac prorsus tandem expediſſent. Ferebant omnes hoc desiderium eo impatientius, quod, cum reliqua opuscula paene omnia per ipsius Augustini in Retractionibus institutum iuxta temporum et occasionum, quibus enata essent, ordinem, cognoscere ipsumque in sacris studiis et gestis suis animo velut comitari liceret, solae epistolae, ex quibus plenissima fere casuum et gestorum temporis istius memoria depromenda erat, hoc beneficio carerent.

Sed Benedictini quoque hunc laborem declinaſſent non magis difficultatum metu, quas licet innumeras vel eis solis spernere licebat, quam quod vererentur, ne nouo inducto ordine lectionem Augustini apud eos, qui veteri semel assueuiſſent, retardarent. Sed vicit tandem Augustini amor et aliorum maximeque sodalium suorum in aliis scriptoribus ecclesiasti-

cis exemplum, iamque ex ipsis, quo negotium hoc aggressi sunt animo, audiamus.

„In superioribus editionibus, *inquiunt*, adeo perturbatus erat Augustinianarum Epistolarum ordo, ut, *quod temporis historiam spectat*, non facile quisquam seriem rerum omnium assequi potuisset absque longa et saepe repetita lectione ac meditatione. Nam eiusdem temporis et argumenti Epistolae per totum Collectionis corpus hinc inde dispersae erant, tum priores posterioribus postpositae et in finem reiectae ac demum (quae intoleranda confusio erat) Augustini rescripta quam longissime ab interrogatis et consultis nonnunquam aberant; immo rescripta consultis longe praeferebantur: adeo ut Euodii v. g. consulentis Epistolae post multas interiacentes Epistolas Augustini responsum consequerentur. Quapropter optandum erat, ut Augustini Epistolae in rectum ordinem pro temporum ratione digererentur. Quod procul dubio curaturus fuisset Augustinus ipse, si eorum recensionem, quam susceperat, ei absolvere licuisset. Quippe in Retractationum suarum proëmio optare se testatur, ut opera sua eo, quo scripta sunt ordine, perlegantur, eique rei daturum se operam, quo demum intelligant lectores, *quomodo scribendo profecerit*. At quo minus id tentaremus, intercedebant diuersae res, nempe usus superiorum temporum, receptus ordo ab annis circiter centum septuaginta, citationes usitatae, quas violare, aut demum pervertere, nefas esse videbatur, ne mutatio haec plurimum negotii studiosis faceretur. Ad haec non leves difficultates in constituendo Epistolarum ordine, qui omnibus probetur, cum de nonnullarum aetate disputent eruditi. Atque haec potissimum nos ratio morabatur, quippe qui praecipue in animum induximus, hoc in labore nostro neutrorum sententiae

temere

temere aduersari aut fauere. Haec ergo momenta a mutando Epistolarum ordine nos deterrebant, nec facile id a nobis contra superiores editiones suscipiendum videbatur. Ex aduerso tamen aliud suadebant, non tantum varia eruditorum exempla in Epistolis S. Cypriani, S. Leonis etc. sed etiam virorum non minus sententia, quam dignitate, praestantium auctoritas, qui posteritati hac noua editione consultum volebant. His omnino exemplis et auctoritatibus adducti, tandem consensimus, vt Augustini Epistolas ad annorum seriem (quoad fieri posset) accuratam reuocaremus. Et ne leui fundamento hanc seriem designasse videamur, non modo nostris, sed etiam alienis eam studiis et consiliis inuestigare fatemur. Ordine Epistolarum chronologico constituto, eas in quatuor classes distinximus, quarum prima illas exhibet, quas Augustinus nondum Episcopus scripsit. Qua in re Augustinum ipsum secuti auctorem sumus, qui in Retractationum priore libro ea duntaxat recensuit opuscula, quae antequam fieret episcopus in lucem protulerat. In secunda classe repraesentantur epistolae, quas ab inito episcopatu ad Collationem cum Donatistis Carthagine habitam et Pelagianae haereseos in Africam inuentionem edidit. In his enim duobus siue relegendis, seu expurgandis, erroribus versantur vt plurimum hae litterae, quae eorum initia, progressus atque damnationem accurate describunt. Tertia epistolarum classis eas complectitur, quas ab eo tempore S. Doctor ad vitae finem exarauit; quibus scilicet certa epocha potest assignari. In quartam demum classem reliquas Augustini litteras redeimus, quas quidem scripsit Episcopus, nulla tamen alia praefixa temporum aut circumstantiarum nota, quae certum tempus prae se ferat. Ex hac quadruplici classis distinctione

id commodi eueniet, quod antea obseruabamus, vt studiosus lector ea, quae ad haereses Donatistarum et Pelagianorum pertinent, vno fere conspectu ac tenore percipiat."

Monent praeterea, nonnullos tractatus, qui antea in Epistolarum ordinem relati essent, loco motos a se non esse, tametsi id non levis momenti rationes suassissent. Sed *Altercationem cum Pascentio*, quae CLXXVIII. numerabatur inter Augustini Epistolas, vt iam pridem Louanienses fecerant, in Appendicem relegarunt.

Reuocasse se deinde testantur Epistolas quasdam, non solum quas Augustinus nomine suo misit ad alios, sed ex illis etiam, quae ad ipsum a multis fuerunt directae. Veluti *Timastii* et *Iacobi*, item *Honorii* et *Theodosii, Imperatorum, Quod vult Dei, Prosperi*, ad *Pelagium*, ad *Simplicianum* de opere ipsi dicato, ad *Aurelium*, ad *Valerium*, ad *Claudium*, ad *Quodvultdeum* super libris eorum nomine nuncupatis, quae antea in epistolarum recensu desiderabantur. Eas omnes ergo suo loco inferendas curarunt: vti et catholicorum Episcoporum rescripta ad *Marcellinum* Tribunum occasione Collationis Carthaginensis, nec non Epistolam ad *Proculum* et *Cylinnum*, Gallicanos antislites, Leporii causa transmissam: quae scripta, inquiunt, non minus pro veris ac genuinis Augustini foetibus habenda sunt, quam epistolae illae Carthaginensis ac Mileuitanae synodi nomine ad *Innocentium* directae, quos vti a S. Doctore dictatas cum aliis eius Epistolis omnes recipiunt. In aliquibus tamen vsui iam pridem recepto obsecutos se esse fatentur. Reuocandum enim fuisse iuxta institutum suum etiam tractatum *de Bono Viduitatis*, quippe qui vera sit Augustini epistola, eoque nomine nulla eius in Retractationum libro mentio habea-

habeatur. Sed libri titulum, ex longinquo ipsi inhaerentem, detrahare nolebant. Eiusdem conditionis fuit Epistola, quam Augustinus *fidelibus ad suae fationis curam pertinentibus* scripsit contra Petilianum, quaeque iam inde ab Augustini tempore, sicuti in libro II. Retractionum cap. XXV. testatur, prioris aduersus eiusdem haeretici litteras libri locum obtinuit. Nec Secundini Manichaei ad *Augustinum Epistolam* huc retrahere sustinuerunt, sed in sexto operum tomo reliquerunt, scilicet ob id solum legendum, ut ea plenius intelligantur, quae illic aduersus Secundini errores disputat Augustinus.

Denique nec solum editas Epistolas reddidisse videri volunt, sed nouas aliquot primi in lucem protulerunt; cuiusmodi sunt *Augustini* adhuc Presbyteri ad *Alypium*, episcopum *Tagastensem*, epistola n. XXIX, duae *Augustini*, item *Augustini* et *Alypii* ad *Paulinum Nolensem* epistolae, quibus numerus earum Epistolarum in Possidii indice adnotatus completur, num. XLII et XLV, *Augustini* Epistola ad *Mercatorem*, ex tertia parte olim exhibita in libro ad Dulcitium, nunc autem primum ex integro data, num. CXCI. Attamen miratio subit, qui factum sit, ut licet quatuor epistolae de nouo, *septemdecim* *) autem ex aliis superiorum editionum tomis huc relatae fuerint, par tamen numerus in Louanienfi et Benedictina compareat; nec eiectas esse ali-

K 5

quot

*) Sunt illae 1) ad *Simplicianum*, n. XXXVII. 2) *Silvani etc. Catholicorum Episcoporum collatio ad Marcellinum*, n. CXXVIII. 3) *Eorundem ad Marcellinum*, n. CXXIX. 4) ad *Pelagium*, n. CXLVI. 5) *Timasii et Iacobi*, n. CLXVIII. 6) ad *Aurelium*, n. CLXXIV. 7) ad *Valerium Comitem*, n. CC. 8) *Honorii et Theodosii*, n. CCI. 9) ad *Claudium*,

quot ab illis, praeter *Altercationem cum Pascentio*, ullo indicio proditum sit. Iam quod rationes attinet, quibus in constituenda epistolarum aetate atque loco ducti fuerint, de singulis figillatim exposuerunt, et in commentarium iuxta classes diuisum retulerunt inscriptum: *Epistolarum Ordo Chronologicus argumentis demonstratus*. Nec indices, quoscunque usus requirere videbatur, desiderari passi sunt, in quibus maxime insignis is est, in quo epistolae secundum praecipua eorum argumenta digestae sunt, et epistolae *Theologicae, Polemicae, Exegeticae, Ecclesiasticae, Morales, Philosophicae, Historicae et Variae* denique recitantur.

Tomo Tertio:

Opuscula exegetica, per Tomum III. IV et IX. in Louaniensi distracta, secundum Scripturarum ordinem disposita et in duas partes, Veteris et Noui Testamenti, sunt diuisa, praemissis in fronte libris de Doctrina Christiana, *veluti clauem atque artem quandam rectae interpretandi rationis, quam adhibuerit Augustinus et post eum catholici commentatores.*

In prima Parte:

De Doctrina Christiana lib. IV.	} Louan. T. III.
De Genesi ad literam imperfectus liber.	
De Genesi ad literam lib. XII.	
Locutionum lib. VII.	

Quaestio-

dium, n. CCVII. 10) *Aur. Aug. etc. ad Proculum et Cylinnium*, n. CCXIX. 11) *Quoduultdei*, n. CCXXI. 12) *ad Quoduultdeum*, n. CCXXII. 13) *Quoduultdei*, n. CCXXIII. 14) *ad Quoduultdeum*, n. CCXXIV. 15) *Prosperi*, n. CCXXV. 16) *Hilarii Galli*, n. CCXXVI. 17) *Anonymi*, n. CCLXX.

Quaestionum in Heptateuchum lib. VII.	}	<i>Louan.</i> T. IV.
Annotationum in Iob. lib. I.		
Speculum.		

In secunda Parte:

De consensu Euangelistarum lib. IV.	}	<i>Louan.</i> T. IV.
De Sermone Domini in monte lib. II.		
Quaestionum Euangelicarum lib. II.		
Quaestionum secundum Mathaeum lib. I.		
In Iohannis Euangelium Tractatus CXXIV.	}	<i>Louan.</i> T. IX.
In epist. Iohannis ad Parthos Tractatus X.		
Expositio quarundam propositionum ex Epistola ad Rom. lib. I.	}	<i>Louan.</i> T. IV.
Epistolae ad Romanos inchoata expositio lib. I.		
Expositio Epistolae ad Galatas.		

In Appendice:

<i>De Mirabilibus sacrae scripturae lib. III.</i>	}	<i>Louan. App.</i> T. III.
<i>De Benedictionibus Iacob Patriarchae.</i>		
<i>Quaestiones veteris et Novi Testamenti.</i>		
<i>Quaestiones veteris et Novi Testamenti post vulgatae.</i>		
<i>In B. Iohannis Apocalypsin Expositio.</i>		<i>Louan. App.</i> T. IX.

Praecipunt in Praefatione de eximiis Augustini dotibus in exponendis Scripturis, multa quidem, nec inepta tamen ipsius laude. Vitia eius non defendere,

dere, sed excusare student. De versione, qua in exponendo Veteri Testamento usus fuerit, monent, eum ipsum Graecum contextum τῶν LXX. ab eo receptum esse, quem recensuit Nobilius; huiusque pleraque variantes ex Augustino lectiones ex editionum vitiis ortas esse, quae veterum codicum subsidio in sua editione sustulerunt. In libris autem Locutionum et Quaestionum in Heptateuchum, quos iam senex composuit, itemque in Speculo, quod sub finem vitae suae exarauit, versionem eum consuluisse docent, ex Hebraeis fontibus proxime derivatam, vulgari nostrae conuenientem, et forsan Hieronymianam; indeque factum esse colligunt, ut eadem in manus populi ab Augustino per librum huncce, ex variis Scripturae centonibus collectum, tradita, vulgaris euaserit ac receptissima. Quod ad suam operam, cauent imprimis, ne quis negligentiae aut temeritati suae tribuat, si in nonnullis Scripturae testimoniis varietatem apud Augustinum deprehenderit, atque vnam eandemque sententiam non constanter in integrum ubique, sed certis quibusdam in locis restitutam, sed potius religioni et sinceræ fidei, qua codicum semper optimorum vestigia secuti fuerint.

Tomo Quarto:

Enarrationes in Psalmos continentur, quas octauus Louanienfium Tomus complectitur.

In praefatione exponunt de diuersa enarrationum harum methodo ac indole, pro variis, a quibus progignebantur, occasionibus; item de regulis, quas in interpretando seruauerit Augustinus, quae quidem, ut ex libro de Doctrina Christiana discimus, ad duplicem de litera, et de sensu spiritali curam redeunt. Ad utrumque igitur argumentum plurima utilia obseruant, in quibus, ut facile intelligitur, ea sunt potiora,

tiora, quae de studio Augustini, ut textum purum et integrum consequeretur, componendo partim Latina, partim Graeca exemplaria, atque colligendis examinandisque variantibus lectionibus, disserunt. Omnino autem, quae in commendationem huius operis ab iis afferantur, dicta esse volunt, ut generatim Augustini methodum defendant; non vero, *ut extorqueant ab omnibus, ut vel leuissimas eiusdem allusiones eadem, qua ipsi, veneratione prosequantur.* Satis esse, scribunt, si non indignas materia, quae tractatur, aequi rerum aestimatores iudicarent. Quoplurimum conducere existimant, si reputarent, Augustinum temporis ingenio seruire ac plebis captui sese accommodare, ad exemplum ab ipso numine in sacris literis propositum, debuisse. Insuper de commentariorum horumce merito non esse pronuntiandum comparate ad Hebraeum textum hodiernum, neque etiam ad Hieronymianum; siquidem Augustinus LXX. interpretes, qui forte Hebraeum exemplar aequae vel etiam magis emendatum habuissent, sequendos sibi proposuerit. Ac hoc loco sequitur iam ad finem usque praefationis pertingens digressio *de variis Psalterii versionibus* ex LXX. Interpretatione deductis, quae Augustini ac Hieronymi aetate usurpatae fuerint. Inter hanc autem disputationem subnata est illis cogitatio, permultis sane et eorum etiam, qui minus Augustinum curant, grata futura, ut dispicerent, *quem locum inter alia Psalteria Augustinianum sibi vindicaret; an variae illae lectiones, in quibus a Vulgata nostra dissidet, aliorum suffragio innitantur; et utrum tandem cum Graeco LXX. Interpretum, quod nostra hac memoria exstat, plus minusue consentiat.* Quod ut bene ipsis cederet, exemplaria diuersa, tum prelo, tum calamo edita contulerunt, varietatesque, quas depre-

hende-

henderent maxime insignes, iuxta cum Augustinianis in quadam veluti tabula proxime post praefationem repraesentarunt, addito MSS. et editorum exemplarium indiculo.

Tomo Quinto:

Duabus ille partibus complectitur Sermones ad populum in quatuor classes diuisos, nempe *Parte prima*: 1) Sermones de scripturis veteris et noui Testamenti. 2) Sermones de Tempore. *Parte secunda*: 3) Sermones de Sanctis. 4) Sermones de Diuersis. Quibus 5) succedunt Sermones dubii; in Appendice vero Sermones supposititii, quaternis similiter classibus comprehensi.

Scilicet ex *decimo* Tomo, vbi apud Louanienfes legebantur Augustiniani Sermones, in *quintum* transfulerunt, vt, cum plerique in Scripturam Sacram habiti essent, propius a Tractatibus tertii et quarti tomi, quibus eadem illa exponitur, quosque maximam partem concionum formam prae se ferre dicunt, abessent. Nouo praeterea ac diuerso a superiore, quem in generali recensu scriptorum Augustini n. 116. dedimus, ordine eos adstrinxerunt, quo et secundum genuinam suam seriem disponderentur, et ab adulterinis et supposititiis omnibus seiungerentur. Erat sane in his tanto plus arbitrii, quod neque ab ipso Augustino, neque in Possidii catalogo vel minima de iis ordinandis extaret praeceptio, nec denique vllius distinctae collectionis tractatum Augustini viuente eo, aut post ex certis codicibus, factae memoria ad nos perlata sit. Tres enim antiquiores, quae supersunt collectiones, *de Verbis Domini*, *de Verbis Apostoli*, et *Homiliarum quinquaginta*, licet in codicibus octingentorum annorum et amplius reperiantur, nequaquam tamen, vt aliqui persuadere sunt

sunt conati, ipsius Augustini aetatem attingunt, ut Benedictini Patres tum ex silentio Possidii, tum vero etiam, quod supposititiis non carent, demonstrarunt*). Ac primam quidem classem *de verbis Domini*, observant Benedictini, non eodem ordine Sermones ubique in vetustis exemplaribus ostendere. Plurima quidem cum editionibus consentire, sed non omnia. Coniectasse hoc ipsum ex locis a Beda seu Floro excerptis Theologos Louanienses, se vero certum planeprehendisse in codice Bibliothecae Colbertinae annorum fere octingentorum n. 2821. unde non paucos depromsisse se fatentur sermones antea non editos. Germanam quoque huius classis inscriptionem, cum Flori, tum MSS. bene multorum testimonio comprobata, monent, non *de verbis Domini*, sed *de verbis Euangelii* sonasse: quod Augustini commentationes in omne genus locorum e quatuor Euangeliiis petitorum complecteretur.

Secundam classem *de verbis Apostoli*, eorundem est observatio, nusquam nisi cum illis coniunctam reperiri, quamvis dentur exemplaria, in quibus Sermones *de verbis Domini*, sine illis *de verbis Apostoli* occurrant. Unde colligunt, duas hasce classes nihil aliud esse, quam vnam Sermonum in Scripturam novi Testamenti collectionem.

Ter-

*) Ex lectionariis eas fuisse digestas, aliosque deinceps Sermones ex aliis Lectionariis descriptos, Augustinianis adiectos in editionibus, quae subinde apparuerunt, docent *Ballerinii in Praef. ad Sermones S. Leonis. T.I. opp. P.I. §. LXIV.* Addunt ibidem, non deesse alios, qui adhuc ex iisdem fontibus derivari queant eiusdem S. Doctoris Sermones, et sese ipsos viginti amplius genuinos eius Sermones in *Anecdotis Miscellaneis* aliquando edituros esse.

Tertiam porro classem, aiunt, semper quidem ab aliis separatam inueniri, at non raro numerosior, quam in excusis. Modo enim duos, modo quatuor, aut etiam plures supra quinquaginta Sermones in MSS. nonnullis exhiberi; tametsi prope modum in omnibus Sermones integri ex iis, qui numerum quinquagenarium in vulgatis libris faciunt, desiderentur. Omnino autem de his iudicant, Collectionem Caesarii temporibus non posse dici antiquiorem propterea, quod eidem tot homiliae ab ipso scriptae inserantur et plerisque aliorum recapitulationes ab eiusdem stilo non abhorrentes asutae fuerint. Truncatos porro esse ut plurimum in ea Augustini sermones, ac breuibus quibusdam exordiis atque epilogis omni auditorum generi accommodatis interpolatos. Haec fere de tribus antiquioribus Sermonum Augustini collectionibus Benedictini censent. Iam insequentes, exceptis Sermonibus *ad fratres in eremo*, quos sequens Tomus habet, tempore inuentae iam typographiae exortae multo minus accuratiores sunt, quippe e codicibus longe pluribus et magis inuicem diuersis erutae; quique dehinc passim in editionibus variis additi fuerunt sermones, eos nulli certo generi adscriptos esse constat. Harum ergo classium cum maxime arbitraria fuisset descriptio, eademque tantum confusionis ac turbarum secum ferret *), penitus eam abolitam et cum

*) „Animaduertet aliquis, *inquiunt Maurini Patres*, Sermones, qui commodius in quatuor classes reuocantur, in duodecim, quarum aliae debita aliis argumenta continebant, fuisse distractos. Agnoscat libros, quos vocant *de verbis Domini* et *de verbis Apostoli*, tantummodo partem complecti sermonum eorum, qui ad hosce titulos pertinebant; intelliget Sermones de Festis, cum eos in classes de

cum accuratiore et concinniore permutatam esse nemo non, qui lubenter hocce S. Doctoris pabulo fruatur, debita cum laude editorum agnoscet.

Alterum, quod in Sermonum editione praestare sunt connisi, est spuriorum a genuinis separatio. In quo negotio haec potissimum ad iudicium regundum valuisse sibi momenta fatentur: 1) Stilus, seu color, aut propria quodammodo orationis facies in Augustini aequae ac in aliorum insignium scriptorum meditationibus facile conspicua, ea cautione, ut eundem pro aetatis ratione, et rerum, quas iuuenis et maturiore deinde aetate tractavit, diversitate, itemque commentandi methodo, dum alios accurate et cum meditatione elucubratos, alios ex tempore fusos esse constet, variare aliquantum debuisse cogitentur. „Ad huiusmodi ergo, *inquiunt*, censuram recte ob-
„eundam, praeterquam quod stilus operis dubii ad
„singula indubitata opera exigendus est, nequaquam
„vis illa, siue spiritus, quo stilus quasi animatur,
„posthaberi debet. Vbiq̃ue enim agnoscitur Augu-
„stinus proprio quodam eloquentiae grauis ac seriae
„genere, quod sibi lectorum animos subiicit, non
„lepore comitae atque affectatae elocutionis, sed effi-
„cacia quadam iudicii, prudentiae, pietatis, hone-
„statis, modestiae, comitatis, aliorumque virtutum,
„quae passim in eius oratione adeo fulgent atque
„emi-

de *Tempore* et de *Sanctis* coactos oportuisset, in alias septem aut octo dissipatos, et ex Sermonibus amplius triginta, qui de festis Paschalibus, ut hoc exemplo utamur, inscribuntur, nonnisi decem in serie de *Tempore* inueniri, alios vero, si quis omnes euoluere in animo haberet, inter L. homilias, a Parisiensibus additas, in utraque classis de *Diuersis*, ac in posterioribus classibus peruestigandos. “

„emicant, vt ipsius stilum nemo imitatione assequatur. Hic est praecipue Lydius lapis, quo Sermones vere Augustiniani probantur; et ad quem Appendixem si quis adhibeat, in eam prope vniuersam cognoscet cadere illud posse, quod de Hypognostico pronuntiatum est: *Et sensus ab illius sensu inferior habetur, et modestia atque humilitas morum et sermonum eius non ibi seruatur.*“ 2) Versio, qua singuli in testimoniis Scripturae Veteris Testamenti vtantur. Cum enim Augustinus sequi solet translationem antiquam, nouam autem, id est Hieronymianam ex Hebraeo concinnatam, iam inde a saeculo quinto Saluianum Massiliensem, Eucherium Lugdunensem, Leonem Romanum aliosque amplexos esse constet, facile intelligitur, quam late huius iudicii vsus atque applicatio pateat. Hoc loco notamus, Benedictinos addidisse noua quaedam partim ad supplenda, partim etiam defendenda a quorundam obiectionibus ea, quae in praefatione Tomi quarti de Translatione Vulgata Psalterii disseruerunt. 3) Doctrina, vt scilicet in vnaquaque examinarent, vtrum cum Augustiniana siue in fidei ac morum dogmatis, siue in Scripturae expositione ac vsu congrueret, non praetermissis iis, in quibus aut sententiam, aut loquendi rationem eum mutasse compertum erat. 4) Observatio temporum, locorum, personarum, negotiorum, factorum, errorum, aliorumque similium, de quibus in Sermonibus disputatur, vnde plurima ad statuendam critice argumenta sibi deprompta esse affirmant. 5) Indiculus Possidii, non quod Sermones omnes, quorum inscriptiones ibi leguntur, Augustino putauerint adscribendos, quasi non potuisset a multis concionatoribus eadem materia tractari; sed vt ei non ita facile Sermones illic minime designatos adscriberent. Huic indiculo priscum

priscum Carthaginensis Ecclesiae Kalendarium, in III Tomo Analectorum Mabillonii recens tunc vulgatum, adiungentes, censoria nota confixerunt conciones quasdam ad solemnitates, veluti *Litaniarum* seu *Rogationum*, *Conuersionis S. Pauli*, *Cathedrae S. Petri*, *Annunciationis Dominicae*, *Assumptionis B. Mariae* etc. quarum in neutro mentio reperiebatur.

6) Bedae ac Flori collectiones in Paulum. Hic quidem tenendum est, Bedae collectionem eos appellare ineditam aliquam, quae sine controuersia illius sit et nomine eius in MSS. exemplaribus inscribatur; eam vero, quae inter vulgata eius opera ipsi adiudicari solet, Floro, diacono Lugdunensi, tribuunt eandemque sententiam suam pluribus adstruxerunt in III Analector Mabillonianor. tomo. 7) MSS. Codices, quorum immensam copiam recensere non sustinuerunt. Horum autem subsidio partim locos quosdam, quibus permoti nonnulli Criticorum Augustinum de possessione Sermonum aliquot vere Augustinianorum exegerant, in excusis compte legi deprehendisse se asseuerant, partim aliorum quorundam, qui ipsius esse ferebantur, auctores detexisse. Ad haec aliorum Patrum opera diligenter sibi lecta et comparata fuisse profitentur, vt scilicet ex stilo et argumentis, quae tractant, dignoscerent, quinam Sermones ipsis tribuendi essent, et lacinias inuestigarent, ex quibus adulterini Tractatus confarcinati essent. Esse autem inter eos, qui ex Origine, Cypriano, Ambrosio, Maximo, Fausto, Gregorio Magno, Alcuino, Iuone Carnutensi atque aliis desumpti fuerint, hac opera experti sunt. Magnam autem partem eorum, qui Augustinum auctorem mentiri deprehenderunt, Caesarium Arelatensem agnoscere demonstrant, de quibus adeo pluribus nobis in Tomo tertio nostrae Bibliothecae dicetur.

Postremo monent eorum, 'qui a se reiecti fuerint, longe plurimos ex illis esse, quos non satis discussos, aut dubiae auctoritatis vocauerint Louanienfes Theologi. Consultas sibi etiam esse aliorum in Augustinianos Sermones censuras, inter quas duas praecipuas, vnam *Simonis Verlini*, editam a. 1618. alteram *Bernardi Vindingii*, a. 1622. et cum his quoque viris, vtut sagacissimis interdum hallucinari licuerit, idem sibi, si nonnunquam iudicio fallerentur, concessum iri sperant. Seuerissimos denique se in Sermonibus nondum editis, qui Augustino in manuscriptis codicibus adscriberentur, praebuisse se affirmant, ex quorum numero longe maximo octodecim tantum cum fragmentis aliquot adiiciendos curarunt, vtpote in quibus illius character, ingenium ac doctrina lucidissime emicaret.

Tomo Sexto:

Opera moralia cum aliquot quaestionum libris comprehenduntur, hoc ordine:

De diuersis quaestionibus	} <i>Louan.</i> T. IV.	
LXXXIII. lib. I.		
De diuersis quaestionibus ad		
Simplicianum lib. I.		
De octo Dulcitii quaestio-	} - - - IV. App.	
bus lib. I.		
De fide rerum, quae non	} - - - III.	
videntur, lib. I.		
De fide et Symbolo lib. I.	- - - IV.	
De fide et operibus lib. I.	- - - III.	
Enchiridion de fide, spe ac	} - - - IV.	
caritate lib. I.		
De agone Christiano lib. I.		
De catechizandis rudibus		
lib. I.		

De continentia lib. I.	Louan. T. IV.
De bono coniugali lib. I.	} - - - VI.
De sancta Virginitate lib. I.	
De bono Viduitatis lib. I.	- - - IV.
De coniugiis adulterinis lib. II.	- - - VI.
De Mendacio lib. I.	} - - - IV.
Contra Mendacium lib. I.	
De opere Monachorum lib. I.	} - - - III.
De diuinatione Daemonum lib. I.	
De cura pro mortuis gerenda lib. I.	- - - IV.
De patientia lib. I.	} - - - IX.
De symbolo ad Catechumenos tractatus IV.	
De disciplina Christiana tr. I.	
De cantico nouo tr. I.	
De quarta feria tr. I.	
De cataclysmo tr. I.	
De tempore barbarico tr. I.	
De vtilitate ieiunii tr. I.	
De vrbis excidio tr. I.	

In Appendice:

<i>Liber XXI Sententiarum.</i>	} Louan. T. IV. App.
<i>Dialogus LXV quaestionum.</i>	
<i>Liber de fide ad Petrum.</i>	} - - - III. -
<i>De Spiritu et anima.</i>	
<i>De amicitia.</i>	} - - - IV. -
<i>De Substantia dilectionis.</i>	
<i>De diligendo Deo.</i>	} - - - IX. -
<i>Soliloquia.</i>	
<i>Meditationes.</i>	
<i>De contritione cordis.</i>	

<i>Manuale.</i>	}	Louan. T. IX. App.
<i>Spēculum.</i>		
<i>Speculum aliud-quod dicitur peccatoris.</i>		
<i>De triplici habitaculo.</i>		
<i>De scala paradisi.</i>		
<i>De cognitione verae vitae.</i>	}	- - - IV. -
<i>De vita Christiana.</i>		
<i>De salutaribus documentis.</i>	}	- - - IX. -
<i>De duodecim abusuum gra- tibus.</i>		
<i>De septem vitiis et septem donis Spiritus Sancti.</i>	}	Ex supplemento Vi- gnerii.
<i>De conflictu vitiorum et vir- tutum.</i>		
<i>De Sobrietate et castitate.</i>	}	Louan. T. IX. App.
<i>De vera et falsa poenitentia.</i>		
<i>De Antichristo.</i>	}	- - - IV. -
<i>Psalterium, quod Augusti- nus matri suae composuisse fertur.</i>		
<i>Expositio cantici Magnificat.</i>	}	- - - IX. -
<i>Tractatus de Assumptione B. Mariae.</i>		
<i>De visitatione infirmorum lib. II.</i>	}	- - - X. -
<i>De rectitudine catholicae con- versationis.</i>		
<i>De Symbolo.</i>	}	Ed. Par. X. App. A Iac. Sirmondo editi.
<i>De esu Agni.</i>		
<i>Sermones ad Neophytos.</i>	}	Louan. T. IX. App.
<i>De creatione primi hominis.</i>		
<i>De vanitate saeculi.</i>		
<i>De contemptu mundi.</i>	}	

<i>De bono disciplinae.</i>	}	<i>Louan. T. IX. App.</i>
<i>De obedientia et humilitate.</i>		
		<i>Ex App. T. X.</i>
<i>Sermones alii ad populum.</i>	}	<i>Edit. Par. aut ex Vignerio aut Sirmondo.</i>
<i>Sermones ad fratres in Ere-</i>		
<i>mo.</i>	}	<i>Louan. T. X. App.</i>

Haec quoque opuscula, vt ex appositis numerorum notis patet, in diuersos a Louaniensibus Tomos distracta erant, et partim inter exegeticos, partim inter polemicos libros, nonnulla vero post tractatus in Iohannem legebantur. Fundamentum ordinis noui est generis atque argumenti similitudo, qua effectum iri sperabant, vt continenter ac ordinate perfecta et melius intelligerentur, et altius infingerentur studioforum animis. Quod criticae partes attinet, recenterunt subinde ab aliorum iudiciis et nonnulla genuinis asseruerunt a Louaniensibus reiecta, et eliminarent contra, quae pro sinceris venditari antea solebant. Appendicis praecipuam curam habuerunt, imprimis eruendis et declarandis veris librorum Augustino subditorum auctoribus.

Tomo Septimo:

De ciuitate Dei contra Paganos lib. XXII.

In Appendice

Exhibentur scriptiones aliquot de Stephani martyris detectione, translatione et miraculis, scilicet

<i>Auiti ad Palchonium Epi-</i>	}	<i>Louan. T. X. App.</i>
<i>stola de reliquiis S. Ste-</i>		
<i>phani, et de Luciani epi-</i>		
<i>stola a se e Graeco in La-</i>		
<i>tinum versa.</i>	}	

Luciani Epistola ad vniuersam Ecclesiam de reuelatione corporis Stephani martyris.

Anastasio ad Landuleum epistola de subsequente scriptura.

Scriptura de alia detectione ac translatione S. Stephani in urbem Bizantium, quam Anastasius Latinitate donauit.

Louan. T. X. App.

Seueri Epistola ad omnem Ecclesiam de virtutibus in Minoricensi insula factis per reliquias sancti Stephani.

De miraculis sancti Stephani lib. II. ad Euodium.

Insignem plane manuscriptorum exemplarium copiam, quam hoc opus propter multifariam historiam et reconditiorem doctrinam postulare, a se collatam fuisse testantur Benedictini. Repetierunt quoque *Capitulorum cum argumentis suis distinctionem*, tanquam ipsius Augustini opera aut iussu concinnatam operique absoluto adiectam, quod codicum ante annos nongentos exaratorum testimonio comprobari dicunt. Ex virorum doctorum commentariis, quae in hos libros extant vberioribus, non improbando, ut nobis quidem videtur, consilio, perpauca admodum excerpta sunt, et criticis notulis interspersa.

Tomo Octauo:

Opera polemica aduersus Iudaeos, Manichaeos, Priscillianistas et Arianos, cum praefixo in capite libro de

de haeresibus et adiunctis in calce libris de Trinitate, exhibentur.

De haeresibus ad Quolduult-
deum lib. I.

Tractatus aduersus Iudaeos.

De vtilitate credendi ad Ho-
noratum lib. I.

De duabus animabus contra
Manichaeos lib. I.

Acta seu Disputatio contra
Fortunatum Manichaeum
lib. I.

Contra Adimantum Mani-
chaei discipulum L. I.

Contra epistolam Manichaei,
quam vocant Fundamenti
lib. I.

Contra Faustum Manichae-
um lib. XXXIII.

Louan. T. VI.

De Actis cum Felice Mani-
chaeo lib. II.

De natura boni contra Ma-
nichaeos lib. I.

Contra Secundinum Mani-
chaeum lib. I.

Contra aduersarium Legis et
Prophetarum L. II.

Ad Orosium contra Priscillia-
nistas et Origenistas lib. I.

Sermo Arianorum.

Contra Sermonem Ariano-
rum lib. I.

Collatio cum Maximino,
Arianorum episcopo.

Contra eundem Maximinum Arianum lib. II.	} Louan. T. VI.
De Trinitate lib. XV.	

- - - III.

In Appendice:

<i>Tractatus contra quinque hae- reses.</i>	} Louan. T. VI.
<i>Sermo contra Iudaeos, Paga- nos et Arianos.</i>	
<i>Dialogus de altercatione Eccle- siae et Synagogae.</i>	- - - VI. App.
<i>De fide contra Manichaeos liber Euodio tributus.</i>	- - - VI.
<i>Commonitorium (vulgo Augu- stini) de recipiendis Mani- chaeis, qui conuertuntur.</i>	- - - X. App. Edit. Par.
<i>Contra Felicianum Arianum de fide Trinitatis liber Vi- gilio Tapsitano episcopo re- stitutus.</i>	- - - VI.
<i>Quaestiones de Trinitate et de Genesi, ex Alcuino descriptae.</i>	- - - III. App.
<i>De Incarnatione Verbi ad Ia- nuarium libri duo ex Ori- gine collecti.</i>	- - - IV. -
<i>Lib. de Trinitate et unitate Dei.</i>	- - - IV. -
<i>De essentia diuinitatis.</i>	- - - IV.
<i>Dialogus de unitate sanctae Tri- nitatis.</i>	- - - X. App. Ed. Par.
<i>Liber de ecclesiasticis dogmati- bus.</i>	- - - III. App.

Tomo Nonno;

Opera Polemica contra Dona- tistas.	} Louan. T. VII.

Psalms

Psalinus contra Partem Donati.

Contra Parmenianum lib. III.

De baptismo contra Donatistas
lib. VII.

Contra literas Petiliani lib. III.

Epistola ad Catholicos contra
Donatistas, vulgo de vnitatem
Ecclesiae lib. I.

Contra Cresconium grammati-
cum Donatistam libri IV.

De vnico baptismo contra Pe-
tilianum.

Louan. T. VII.

Breuius Collationis cum Do-
natistis.

Post Collationem ad Donatistas
lib. I.

Sermo ad Caesareensem Eccle-
siae plebem Emerito prae-
sente dictus.

De gestis cum Emerito.

Contra Gaudentium Donati-
stam episcopum. L. II.

Sermo de Rusticiano subdiaco-
no, a Donatistis rebaptizato
et in diaconum ordinato.

*Ex supplemento Vi-
gnerii.*

In Appendice:

*Contra Fulgentium Donati-
stam, incerti auctoris liber.*

*Excerpta et scripta vetera ad
Donatistarum historiam per-
tinentia.*

Louan. T. VII. App.

Tomo Decimo:

Opera Polemica contra Pelagianos.

De

- De peccatorum meritis et remissione et de baptismo parvulorum ad Marcellinum lib. III.
- De spiritu et litera ad eundem lib. I.
- De natura et gratia contra Pelagium, ad Timasium et Iacobum lib. I.
- De perfectione iustitiae hominis epistola, seu liber ad Eutropium et Paulum.
- De gestis Pelagii ad Aurelium lib. I.
- De gratia Christi et de peccato originali contra Pelagium, ad Albinam, Pinianum et Melaniam lib. II.
- De nuptiis et concupiscentia ad Valerium lib. II.
- De anima et eius origine contra Vincentii Victorem lib. IV.
- Contra duas epistolas Pelagianorum, lib. ad Bonifacium l. VI.
- Contra Iulianum haëresis Pelagianae defensorem lib. IV.
- De gratia et libero arbitrio ad Valentinum et cum illo monachos Adrumetinos lib. I.
- De correptione et gratia ad eosdem lib. I.
- De praedestinatione sanctorum ad Prosperum et Hilarium l. I.

Louan. T. VII.

De dono perseuerantiae ad eos-
dem lib. I.

Louan. T. VII.

Contra secundam Iuliani re-
sponzionem imperfectum
opus, sex libros complectens. Ex Vignerii Supplem.

In Appendice.

Prima Parte.

*Hypomnesticon contra Pelagia-
nos et Caelestinos, vulgo li-
bri Hypognosticon.*

*Liber suspecti auctoris de prae-
destinatione et gratia.*

*Libellus incerti auctoris de prae-
destinatione Dei.*

Louan. T. VII. App.

Secunda Parte.

*Varia scripta et monumenta ad
Pelagianam historiam parti-
nentia.*

Tertia Parte.

*Prosperi Aquitani pro Augu-
stino contra iniquos doctri-
nae ipsius de gratia et praede-
stinatione reprehensores apo-
logetica opuscula scilicet.*

*Epistola ad Rufinum de gratia
et libero arbitrio.*

Liber contra Collatorem.

*Responsiones ad capitula calum-
niantium Gallorum.*

*Responsiones ad capitula obie-
ctionum Vincentianarum.*

Louan. T. VII. App.

Respon-

*Responsiones ad excerpta,
quae de Genuensi ciuitate
sunt missa.*

Louan. T. V. App.

*Eiusdem liber sententiarum
ex Augustino,*

- - - III. -

*Augustini Vita, auctore
Possidio.*

- - - I.

*Indiculus librorum, tracta-
tum et epistolarum Augu-
stini, cura Possidii editus.*

Cum trium posteriorum voluminum series fere tota cum Louanienfium ordine consentiat, minor in his labor exantlandus fuit. Quapropter in ipsas rerum tractatarum origines et causas acrius incubuerunt, ac Donatistarum et Pelagianarum litium historiam in introitu cuiusvis tomi accurate enucleari studuerunt. Cui industriae debetur etiam, quod in Appendice vltimi Tomi quaedam aliena incerta sint, quo plenior scilicet rerum istarum memoria ex iunctis monumentis hauriri posset.

Tomo Vndecimo

insunt, primo loco, praefationes generales duae, vna in opus vniuersum, quae de consilio, occasione, auxiliis, laborum distributione, successu, offendiculis, patronis eius exponit, altera breuior in Appendices singulis Tomis adiunctas, et ipsa denique huius vndecimi voluminis contenta. Ad hanc posteriorem proxime spectat indiculus scriptorum, quibus tanquam veris auctoribus varia opuscula Augustino perperam tributa denuo asseruerunt. Haec excipit *Vita S. Augustini* ex Tillemontii schedis, quas adhuc tum ineditas auctor ipsis communicauerat, fere traducta. Hanc pone sequuntur indices librorum, nempe vnus, qui seriem librorum tomi cuiusque

que nouae editionis; secundus, qui Louanienſis ordinem oſtendit; tertius alphabeticus ſingulorum opusculorum. Proximi ſunt indices rerum: primus vniuerſalis in omnia decem Tomorum contenta copioſiſſimus et mole ſua ampliſſimus; alter generalis ſcripturarum ſacrarum; tertius denique omnium ſpuriorum opusculorum, quae per decem voluminum Appendices diſperſa ſunt.

Supereſt, vt de iis adhuc verba faciamus, quae ex MSS. exemplaribus iam primum excuſis incrementa atque ornamenta duxerit Maurina editio. Non leuem ſane Louanienſes Theologi congeſſerant copiam codicum manu exaratorum et tamen omnes fere vnum ſuppeditauerat Belgium, ſi Anglicanos nonnullos, ſed qui ſerius ad manum peruenerant, excipias. Longe igitur vberior variantium lectionum meſſis ex Gallicanis, monaſteriorum imprimis, Bibliothecis expectari poterat, quarum colligendarum induſtria magis etiam accendebatur beneficio tam inſigni, quam inſperato. Nimirum centum ipſi iam expleti erant anni, cum ſub auſpiciis *Sixti*, dein *Clementis VIII.* nouam Auguſtini operum editionem Vaticanis codicibus ſuperſtruendam aggreſſi erant *Petrus Morinus*, Vaticanae typographiae praefectus, *Adrianus Abbas*, *Obrius*, Doct̃or Pariſienſis, aliique doct̃i viri, conſiſi et numero exemplarium manuſcriptorum et bonitati, quippe quae plurima adeo continere affirmarent, quae in Louanienſi editione quantumuis accurata deſiderarentur. Colati itaque ſunt Louanienſes libri cum Vaticanis codicibus perquam accuratiſſime et ad marginem appoſitae variantes lectiones ad adornandam editionem, cui Cardinalis Veronae ſacri collegii princeps praefectus fuit. Verum cum res effectū caruiſſet, omnes illae variationes iuſſu *Clementis X.* per Cardinalem Bonam

nam cum Benedictinis sunt communicatae, ut iis in noua editione sua vterentur. Tum vero undiquaque tum ex suis, tum alienis per Galliam Bibliothecis conquirere coeperunt subsidia, et non solum in sancti Germani Parisiensi, sed et in aliis aliarum prouinciarum Congregationis suae monasteriis sodales ad conferendos codices adstrinxerunt. Ac horum quidem omnium immensa plane fuit copia, ex quibus textus quam plurimis in locis vere emendatus est, in aliis tamen locis potiores tantum lectiones variantes subnotatae sunt. Emendationum autem, iuxta quam varietatum commemoratio partim, ut in Louanienfi, fit indiculo post ipsos genuinos libros exhibito, in quo etiam exemplaria, quae in singulis comparata sunt, nominatim demonstrantur; partim vero sub ipso statim textu: cuius distractionis causas nec ab editoribus proditas inuenimus, nec ipsi assequi potuimus. Qui vero in appendices reiecti sunt libri, etsi non omnino expertes fuerunt huiusce curae, simili tamen adnotatione non gaudent.

Denique nefas videbitur, si eorum, qui praecipuas tanti laboris partes sustinuerunt, nomina sileamus. Initio igitur cura huius editionis commissa fuit a Praepositis Congregationis istius P. *Francisco Delsau*, qui *Prospæctum* eius publicasse traditur a. 1671. Cum autem edito a. 1673. libro, cuius tit. *l'Abbé Commendataire*, exilii poenam iste meruisset, concredita est relicta ab eo prouincia P. *Thomae Blampino*, quem in diuersis partibus diuersi sodales iuuarunt. Ac *Petro* quidem *Constantio* debentur censura et indices omnium Tractatuum suppositiorum ac praeterea Sermonum recensio. Vitam Augustini composuerunt, seu ex Tillemontii commentariis, paucis mutatis, traduxerant *Hugo Vaillantius* et *Iacobus du Frische* (Ambrosii editor). Tabulam

generalem atque indices' confecit *Claudius Guesnié*. *Nicolaus* denique *Goyssot* impressioni praefuit ac corrigendarum de prelo plagarum curam molestissimam in se recepit et praeclare administruit. Nihil autem a celeberrimo *Ioanne Mabillonio* huic editioni accessit, quam epistola dedicatoria ad Ludouicum XIV, vnde recte quidem, sed nimia fere contentione, *Oudin* reprehendit *Caueum*, qui in *Historia* sua *Litteraria* hanc editionem duce et ἐργодиώκτην *Mabillonio* esse perfectam scripserat *). De ornatu ac splendore operis, digno et hoc nomine quod regi offerretur, dicere superfedemus, hoc vnum adicientes, *Augustini* effigiem aeri impressam simul cum Tomo XI. exhiberi **). Grauem autem haec *Benedictinorum* Patrum opera reprehensionem passa est ab *Richardo Simonio* in *Bibl. Crit.* T. III. p. 101-116.

*) *Oudin*. *Comment.* T. I. p. 954 sqq. *M. Bibl. Eccl. Colon.* p. 761. *Hist. litt. de la Congregation de S. Maure.* p. 292.

**) Extant de hac editione multae tam iustae descriptiones, quam relationes breuiores, quarum nonnullas haud grauate commemorabimus. Ac primo loco nominanda sunt *Diaria Erudita*, quae, simulac singuli Tomi prodierant, eos indicarunt. Quo pertinent *Diarium Erud. Gall. (Journal des Sçav.) Parisiense* (40) ad Tomum I. April. 1679. p. 96. ad Tom. II. *ibid.* p. 114. ad Tom. III. *ibid.* Aug. 1680. p. 272. ad Tom. IV. *ibid.* Noubr. 1683. p. 325. ad Tom. V. *ibid.* Febr. 1684. p. 46. ad Tomum VI. *ibid.* 1685. Dec. p. 545. ad Tom. VII. *ibid.* Ian. 1686. p. 18. ad Tom. VIII. *ib.* Septemb. 1688. p. 415. ad Tom. IX. *ib.* eod. m. et a. p. 422. *Acta Erud. Lipsf.* T. II. 1683. in Ian. pag. 1-5. T. VII. 1688. m. Noubr. pag. 1618-23. Frequentior etiam in commentariis literariis occurrit eius memoria, veluti apud *Caueum* in *Hist. lit.* T. I. ed. Tom. II. M prior.

116. iterumque in *Censura Bibl. Eccl. Dupinii* T. I. p. 147. Et primum quidem vniuerse succenset iis, qui nouis semper omnium operum scriptorum ecclesiasticorum iterationibus medendum esse existiment superiorum vitiis aut defectibus, quod multo aptius et commodius, minori item sumtu fieri posset, si libri singulares minimae molis, sed a iudicio auctorum suorum tanto ditiores ederentur, in quibus vel integra recensio vel supplementa et variarum lectionum delectus prostant, cuiusmodi exempla producit, *Arcudii Collationes Isidorianas* et *Combesfisi Basilium integro recensitum*, et in ipso Augustino simile laudauimus supra *supplementum Vignerii*. Quam viri docti aequae ac sagacis sententiam nobis etiam haud displicere fatemur, tametsi veram omnino et iustam non censeamus. Etenim in re literaria, quem-

prior. Lond. p. 242. ed. Oxon. a. 1740. pag. 292-298; Io. Fabricium in *Hist. Bibliothecae propriae* T. I. (1717.) p. 203-29. † Oudin. in *Comment. de SS. Eccl.* T. I. pag. 954-85; † in *Bibl. Magna Eccles. Colon.* T. I. (a. 1734.) p. 761-65. in *Bibl. Crit. Sacra et Prof. Michael. a S. Iosepho.* T. I. (a. 1741.) pag. 419-23. in *Bibl. Casan. Cat.* T. I. (1761.) pag. 338-40. in *Bibl. Augustiniana Io. Fel. Ossingeri* (a. 1768.) p. 1-8. Quorum potiores et accuratiores appposito signo crucis distinximus. Possem etiam hic commemorare *Dupinium* T. III. p. 160 seqq. et *Ceillierium* in *hist. gen. des aut. eccl.* T. XI. p. 41. T. XII. pag. 255. (a. 1744.). Sed hi non tam editionis curam habuerunt, quam indicem Augustini scriptorum iuxta eandem contexuerunt, argumento vniuseuiusque et occasione ubique fusius declarato. Iam qui vnum forte aut alterum ex hisce libris, aut omnes iuxta ad manum habent, comparent, si lubet, nostra cum iisdem et cognoscent, spero, nobisne libuerit aliorum industria frui, an ipsi excusserimus singula.

quemadmodum in vita communi dandum est aliquid tempori et delicatiorum aut nummatorum hominum oblectamentis. Rarefcunt porro ipso temporis lapfu et vfu antiquiorum editionum exemplaria, et fi in plures regiones perferenda funt, quamuis faepe repetita, haud facile obueniunt. Quod in Louanienfi editione manifeflum, cuius Antwerpiefis defcriptionis exempla per Germaniam funt rariffima, ex Gallicanis nonnifi pauca et vnus fere impreflionis, primae fcilicet a. 1586. oftendi folent. Vt nihil dicam de *Vignerii Supplemto*, quod per multas puto Bibliothecas fruftra quaefiueris, fine quo tamen omnia Louanienfis huius recenfionis apographa manca efle conftat. Illud autem omnino praeter veritatem contendit Simonius, nouam Auguftini editionem poft Louanienfem locum non habuiffe et iniquius ftatuit, Louanienfem Benedictinae multis ex caufis efle praeferendam, idemque dicemus, fi iudicium hocce fuum ad reliquas Benedictinorum Patrum Latinorum vel Graecorum editiones extendere velit, e quibus vix vllus eft, Hilarium ipfe excipit, quin recentem tunc ab ingeniis eruditorum et preli munditiae cultum defideraffet. Vt vero ad ea tandem accedamus, quae in ipfa hac Patrum Maurinorum opera vel perperam, vel imperite facta efle queritur, reprehendit primum, omiffas efle notas Louanienfium Theologorum ecclefiae catholicae caufae tam vtilis (nam id fibi vult *fi importantes à la Religion*). Nec vero eam excufationem admitendam cenfet, qua ab omnibus omnino Theologicis notis fe abftinuiffe affirmant. Quippe quod partim ab iis factum efle negat, partim damnat, quod criticis obferuationibus aequae in Theologia ac in Grammatica, quam folam exercuerint, locus fuerit. At maius his omnibus opprobrium eft, et quod non

parum huius editionis pretium eleuaret, si fatis ille probasset, defuisse monachis eis omnes, quas critices munus sibi postulet, facultates, doctrinam, iudicium et acumen. Praebet exempla aliquot, in quibus non neges, non admodum scite eos esse versatos, sed pleraque omnia versionem locorum Veteris aut Noui Testamenti concernunt, in quibus si timidius aut etiam non docte satis aliquid elocuti sint, quis tanto stomacho ferat. Praeterea pauca sunt, et licet de multis ea speciminis quasi loco exhibere se significat, et in altera quidem harum censurarum ad librum iustae magnitudinis conficiendum materiam de praetermissis et perperam dictis sibi suppetere scripserit; tamen quoniam hunc talem librum non scripsit, nec exemplorum numerum usquam auxit, illud viri huius iudicium non temere quisquam suscipiat. Illam vero critices partem, quae ad genuitatem et integritatem librorum tendit, de qua semper huius congregationis monachi praecclare meruisse existimati sunt, quaeque in Augustino sane non postremi laboris fuit, quam tamen Simonius ne verbo quidem attigit, quis aequus iudex, ubi ad sententiam de toto opere ferendam confederit, praetermittere ausit.

1700 - 1703.

Antuerpiae sumtibus Societatis. fol. XII Tomis. Sancti Augustini, Episcopi Hipponensis, operum T. I - XI. Post Louanienfium Theologorum recensionem castigatus denuo etc. *ut in praecedenti.* Editio noua a multis mendis purgata. *Prodierunt* T. I - V. a. 1700. T. VI. 1701. T. VII - X. 1700. T. XI. 1702; tandem 1703. *Antuerpiae apud Petrum Mortier:* Appendix Augustiniana, in qua sunt S. Prosperi Carmen de Ingratis, cum Notis Louanienfis

sis Theologi; *Ioannis Garnerii*, Societatis Iesu Presbyteri, Dissertationes pertinentes ad Historiam Pelagianam; *Pelagii Britanni* Commentarii in Epistolas S. Pauli; ac denique *Des. Erasmi*, *Io. Lud. Vivis*, *Iacobi Sirmondi*, *Henrici Norisii*, *Ioannis Phereponi* et aliorum Praefationes, Censurae, Notae et Animadversiones in omnia S. Augustini opera. *T. XII*, qui huic editioni peculiaris, vndecim prioribus ex sola Editione Parisiensi sine mutatione expressis.

Constat hanc editionem non Antuerpiae, sed Amstelodami per Petrum Mortier, bibliopolam Amstelodamensem, qui non solum nomen suum in Appendicis seu Tomi XII. titulo professus est, sed ad calcem XII. quoque adscripsit, esse perfectam, qua fraude id consecuturos sese sperabant curatores, ut in terris Pontificis formulam colentibus vendibilior esset, si ex vrbe pontificiae doctrinae addicta exire videretur, quam si nomen vrbis heterodoxae praeferret. Nec minus peruulgatum est, editorem fuisse celebrem illum, sed apud catholicos male imprimis audientem *Ioan. Clericum*, qui sub *Ioannis Phereponi* larua latere voluit.

Sunt autem duo genera scriptorum in hanc Appendicem a Clerico coniecta, libri scilicet tum veterum aliquot auctorum, tum recentiorum scriptorum dissertationes Augustiniana scripta illustrantes, quibus et praefationes et censurae superiorum editorum accenseri merentur, et ipsius notae recens in singulos Tomos operum conscriptae. Ad prius spectant *Prosperi Carmen* et *Pelagii Commentarii*, de quibus iustior, ubi ad ipsos hosce auctores peruenerimus, nobis dicendi locus erit; *Garnerii dissertationes*, quae inter Prosperi et Pelagii opuscula locum obtinent, quaeque similiter ad *Marium Mercatorem* a nobis

bis commemorabuntur. Ad eas autem pertinent *Henrici Norisii Cardinalis Episcopi Epistolae, quibus Garnerii errores in Geographia Sacra Africae, dum Episcopis Synodum Africanæ et Numidicæ sedis assignauerat, perstringuntur et emendantur*, animadversionibus in Tomum II. subiectæ. Ad Pelagium obseruat editor, additurum se fuisse seorsim omnes eius reliquias, nisi quæ præter Epistolam ad Deme- triadem exstarent in ipsis Garnerianis dissertationibus iam collectæ fuissent, illa vero in Tomo II. Antuer- pianæ huius editionis inter Augustinianas epistolas locum obtinuisset. Quod Præfationes attinet, pri- ma est *Erasmi dedicatio ad Alfonso Fonsecam*, Archiepiscopum Toletanum, dein præfatio *Ioannis Vlimmerii*, sermonibus a se a. 1564. editis præmisa et in sequenti Basileensi repetita, tum ipsa hæc Basileensis a. 1569. præfatio versibus concepta ac denique Erasmi in libros Retractionum et Confes- sionum Censura. Postremam hanc, cur seorsim a reliquis censuris Erasmiæ, quas suis animaduer- sionibus interposuit, hic exscribendam dederit, nul- lam video causam. Nec magis intelligo, cur vnâ Vlimmerii præfationem ad *Pamelium*, quæ pro- prie tantum Possidii indiculum vnâ cum Sermonibus euulgatum attinet, huc reposuerit, alteram ad *Martinum Rithouium*, primum Yprensem Episcopum, vnâ cum Sirmondi præfatione Sermonibus XL. Pa- risiis a. 1631. publicatis adiecta, ante animaduersio- nes in T. V. recudendam tradiderit. Certe in his festinationem quandam cognoscere mihi videor, cuiusmodi non raro Clericum, si typis aliquid pa- randum esset, vrgebat *). Sed vt ipsius tandem

Ani-

*) Eam ipse fatetur in admonitione animaduersioni- bus in T. X. præmissa. Sed maior etiam contur- batio

Animaduersiones attingamus, de iisdem vniuerse pronuntiauit: „se non aggressum esse Commentarium aut notas perpetuas in S. Augustinum scribere, sed tantum sparsim quaedam in varia eius opera adnotare, quorum, si quae aliis debuerit, auctorum nomina se diligenter vbique apposuisse, vt vnicuique laus sua constaret; alia intacta, aut quae, an alii attigissent, nesciuerit, suo nomine protulisse. Esse autem tum Grammatici aut Critici generis, tum multa Philosophica ac Theologica permixta a se exhibita, quod non tantum interpreter Augustini agere, sed ratiocinationes eius expendere statuisset. Non volumus, *inquit*, dumtaxat obscura quaedam explicare, aut alia illustrare; sed et vere ac recte dicta subinde meritis laudibus afficere; eaque, in quibus hallucinatus esse videbatur, notare; ne alios incautos, vel viri auctoritate territos, fallerent. Noueramus non legi hosce libros, vt ex iis eruditio Critica colligatur, sed potius ratiocinationum ac dogmatum causa; ideoque haec potissimum expendi a nobis oportere credidimus, vt essent *Animaduersiones* nostrae veluti *Manuductio* quaedam in eorum usum, qui multum tempus hisce legendis impendere nequeunt; iudiciumque magis, quam memoriam, Veterum lectione excolere atque acuere se debere merito existimant. Verum audire mihi videor homines nonnullos clamitantes, quae a me dicta sunt va-

M 4

riis

batio per eandem illata est. Quippe praefationes Louaniensium, quas hoc loco insertas esse in Praefatione huius appendicis dicit, exciderunt, dum per incuriam Vlimmerii epistolam ad Pamelium, quae infra inter animaduersiones ad Tomum X. pag. 621 seqq. iterum, sed hic iusto loco exscripta est, imprimendam designasset.

„riis in locis, ea apta esse ad corrumpendum potius,
 „quam excolendum iudicium. Quibus respondeo,
 „me, si in illorum sententia fuisset, ea omisurum
 „fuisse; sed cum aliter senserim, non potuisse com-
 „mittere, ut ea, quae mihi optima dictu videban-
 „tur, praetermitterem. Ita se et ipsi gerunt; neque
 „enim ea scribere solent, quae putant mihi aut aliis
 „probatum iri, sed quae ipsi vera esse censent. Ne-
 „cesse est profecto vnumquemque id facere, quod
 „optimum factu ei videtur. Sed erit postea omnium
 „Iudex supremus, qui aliquando tandem, quinam
 „rectius senserint, certo docebit. Quin et nostra
 „aetas, ne posteros dicam, iudicium hac de re ferre
 „poterit; nec, si rationibus meis adsentire nequeat,
 „auctoritate mea, quae nulla plane est, transuersa
 „saltim agi poterit. Erat, cur timerem, ne aucto-
 „ritate *S. Augustini* obruerer, quamuis rationibus
 „essem superior; at nihil simile a me possunt vereri,
 „qui nisi firmissimis argumentis verum esse euicero
 „quod defendo, sine dubio damnabor.“

Generatim diximus, censuras et admonitiones
 Erasmi insertas esse animaduersionibus, sed accessit
 etiam ad Tomum II. eius praefatio epistolis praemis-
 sa, quas ideo tantopere ab eo laudatas esse scribit
 Clericus, ne in consuetudinem peccaret. Varia
 porro his animaduersionibus insunt ad versionem
 LXX. Interpretum, vexationem Donatistarum, alio-
 rum Haereticorum et damnationem Pelagianam spe-
 ctantia, quae Lectorem praeiudiciorum vacuum ex-
 pendere iubet. Animaduersiones ad T. III. qui li-
 bros de interpretatione Scripturae S. complectitur,
 frequentes Augustini propter Graecae et Hebraicae
 linguae imperitiam in interpretando lapsus ostendunt,
 quo Castigationum genere et Hieronymo grauem se
 praeuisse Clericum nouimus. De quarto Tomo,
 qui

qui Sermones Augustini in Psalmos habet, ipsius Clerici verba proferre non pigeat, verissimum, sed nouum tunc et inauditum iudicium complexa. „Sermones Augustini in Psalmos, *inquit*, valde laudat Erasmus; et ad eorum exemplum etiam ipse varios Psalmos interpretatus est Tomo V. Operum. Verum iam exoleuit, et quidem merito, ea ratio interpretandi Scripturam, vbicumque Linguae praesertim Hebraicae studia floruerunt a ducentis propemodum annis. Igitur *praefatiuncula Erasmi ad examen hic a nobis reuocatur*, ostendimusque eadem opera, quis possit esse vsus horum S. Augustini Sermonum; quamuis ad intelligendos accurate Psalmos nihil aut parum conferre queant. Qui eos legere possunt Hebraice, nec Criticae sacrae sunt prorsus imperiti, ex sola lectione horum aliquot Sermonum intelligent, nihil esse verius. Quod et alii animaduertent, si veritatis studio ducti expendant *examen interpretationis Augustinianae trium primorum Psalmorum*; nam plures excutere non vacabat, nec vero opus erat.“ Animaduersionibus in *quintum* Tomum Sirmondi notas, quarum nonnullas tantum Benedictini ediderant, integras interspersit, sed nomine addito a suis secreuit. Ad *Tomum VI.* animaduersiones pleraeque quaestionibus et obiectionibus constant. Continet enim hic tomus Theologica, quibus varia apposuit Clericus, quae ex principiis in illis libris positae vix solui posse videbantur. Imprimis in iis, quae ad Enchiridion ad Laurentium notauit, demonstrare studuit, Augustini de libero arbitrio sententiam interdum non facile intelligi, quia vocibus *libertatis* et *liberi arbitrii* aliud intelligat, quam quod iis solet significari. Animaduersiones in libros de Ciuitate Dei, qui *Tomum VII.* constituunt, reliquis copiosiores sunt, sed

eaedem diuerſi generis. Praemittitur Io. Lud. Viuis Praefatio. Additurus erat etiam Coquaei notas, ſed prolixitas earum et belli tunc per totam Europam ingruentis, librarii commercii rationes iuxta conturbantis calamitas, deterruit bibliopolas. Quae animaduersionum ad *Tomum VIII et IX.* indoles ſit, ab ipſo iterum Clerico diſce. „*Tomus VIII.* totus „eſt contra Haereticos, et praefertim contra Manichaeos et Arianos. Eos quidem nulla ratione deſenſos cupimus, nec ab eorum deliriis quemquam „longius abeſſe, quam nos putamus; ſed optaſſemus ſaepe alia via, aliifue armis oppugnatos, vt „intelligere licebit praefertim ex iis, quae habemus „ad Librum *de Vtilitate Credendi* atque ad Libros „*de Trinitate*. * Alioqui cum bene eos aggreſſum „eſſe *S. Auguſtinum* exiſtimauimus, laudes in eum „pleno modio, vt alibi, effudimus, et ambabus vlnis rationes eius amplexi ſumus, ſicut ad Lib. XXXIII. „contra *Fauſtum* Manichaeum. *Tomus nonus*, in „quo cum Donatiſtis pugnat *S. Auguſtinus*, nos „non valde exercitos habuit, quia eadem ferme ibi „repetit, cum Donatiſtae eaſdem obiectiones, eosdemue paralogiſmos aduerſariis ad faſtidium vſque „oggererent. Mirum tamen eſt *S. Auguſtino* tacidum aut ſomnum non obrepiſſe, idem toties dicenti. In libros contra Epistolam Parmeniani nos „quoque iterum egimus de perſequeutione Haereticorum, de qua ſat multis in Animaduersionibus ad „Tom. II. dixeramus; deque Synodorum auctoritate „in Libros de Baptiſmo, vbi tamen ſummatim dumtaxat rem attigimus.“ In Tomum decimum minus ſtudium collatum eſt. Nam exhibentur non niſi haec: *Praefatio ed. libri de Geſtis Pſelagii* Anno 1611. *Auguſtae Vindellicorum* euulgatae; *Henr. Noriſii*, *Hiſtoriae eccleſiaſticae* in Academia Piſana Pro-

Professoris, post Cardinalis, *Aduentoria* ad Franciscum Macedonem in Patauina Acad. Ethices interpretem, in qua de *Inscriptione libri S. Augustini de Gratia Christi, Albine, Piniane et Melania differitur. Animaduersiones paucae in librum de Correctione et Gratia; Claudii Menardi Praefatio in ed. librorum II. operis imperfecti contra Iulianum; Animaduersiones in eundem librum, Vlimmerii praefatio ad editum a se primum Possidii indiculum, altera vice hic excusa; Animaduersionis in vitam Augustini.* Plura quo minus addiderit tria obstitisse monet, videlicet typographorum festinationem, ipsorum librorum Augustini contra Pelagianos indolem, in quibus innumerae repetitiones, ut, quae tribus verbis absolui potuissent, millenis dicta sint, multaque praeterea aliena infarta; taedium denique omnium harum rixarum, quod tantopere se cepisse affirmat, ut eas vix, aut ne vix quidem ferre posset. *Cui vero etiam nauseam non moueant, exclamat, tot et tam longae, ut voce sequioris aevi utar, rhetoricationes, aut ad declinandum aduersarii istum, aut ad eum insectandum, aut denique ad inuidiam vel mouendam, vel fugiendam? Mihi certe tantum crearunt inter legendum fastidium, ut plane recreatione gratiorum et utiliorum studiorum indigeam.* Sic Clericus cocta incoctaque iuxta lance satura lectoribus apponens. Fatendum enim, eum, quae sic affectus scriberet, non semper satis meditatam fuisse, linguamque impotentiorum non raro praecurrisse mentem. Id quod graues ei, nec omnino iniustas reprehensiones conciliauit. Nam peculiarem contra has eius animaduersiones Censuram emisit Anglus quidam *Robertus Jenkins*, Cantabrigiae 1707. *) et *Ludov. Ant.*

*) Integer libri titulus est: *Defensio S. Augustini aduersus Ioannis Phereponi in eius Opera animaduersiones.*

Ant. Muratorius in libro III. operis *de ingeniorum moderatione in religionis negotio*, sub *Lamindi Pritanii* persona a. 1714. editi, Augustini patrocinium contra eundem suscepit. Inania autem sunt et infusa plane, quae in *Io. Clericum* in huius editionis et praecipue appendicis commemoratione coniecit conuitia *Casimirus Oudinus* T. I. *Commentar.* p. 986. seqq. Coronat opus *index* admodum scite confectus et Bibliopolae monitum, quo seorsim quoque hunc XII. Tomum, cum in minori, tum etiam maiori charta, ut posset cum Parisiensi editione coniungi, venditum se promisit. Recensent Appendicem Augustinianam *Acta Eruditorum* Lips. 1703. m. Iul. pagg. 289-92.

1729 - 32.

Venetis excudebat Io. Bapt. Albrizzi Hieron. fil. fol. Sancti Augustini, Hipp. Episcopi, Operum Tomus I - V. post Louanienfium Theologorum recensionem castigatus denuo ad manuscriptos codices Gallicanos, Vaticanos etc. etc. Opera et studio Monachorum Ordinis Sancti Benedicti e Congreg. S. Mauri.

Nuda descriptio editionis Parisiensis. Sic enim ab initio professus erat typographus. Cf. *Nov. della Rep. delle Lettere* Martii 1729. pag. 94. Ibidemque m. Iunio pag. 199. innuitur *Tomum Imum* prodiisse. *Tertius* pleno titulo indicatur ibidem a. 1730. m. Iun.

siones. Cantabrigiae, typis Academicis, impensis *Richardi Thurlbourne*, Bibliop. Cantabr. Prostant venales apud *Rob. Knaplock*, ad Angelum in Coemeterio D. Pauli, *Londin.* MDCCVII. 8. Augustinum interdum bene tuetur, non aequè secundo successu reliquas Clerici sententias impugnans.

Iun. pag. 193. *Quintus* ibidem 1731. m. August. pag. 237. Reliqui Tomi an prodierint, nec ne, ignorare me fateor.

1754.

Romae apud Fratres Palearinos. 8. Tomi II. S. Aur. Augustini, Hipponensis Episcopi, de Gratia Dei et libero Arbitrio Hominis et Praedestinatione Sanctorum opera selecta. Editionem emendatissimam, et variis lectionibus vndique collectis, praecipue vero ex Codd. MSS. Vaticanis adornatam curavit P. F. F. (*Petrus Franciscus Foggini.*)

Duo haec volumina, quae seorsim veneunt, uti titulus exterior (*S. Augustini opera selecta*) prodit, feriem etiam faciunt cum tribus aliis *Prosperi, Aquitani* et *Fulgentii*, potissima eiusdem argumenti exhibitibus, quae iunctim sub vna formula *SS. Patrum opera selecta de Gratia Dei et Praedest. SS.* comprehenduntur. Editio est nitidissima et vsui forma descriptioneque aptissima. Ex Augustinianis super hoc argumento libris nonnisi ii huc repositi sunt, quos iam episcopus post exortam Pelagianam haeresin exaravit, ex quo tempore scilicet ipse fatetur, se diligentius haec esse rimatum *). Itaque primus tomus habet *Librum de Gratia Christi contra Pelagium et Caelestium, Epistolam ad Sixtum, Epistolas duas ad Valentinum Abbatem et cum illo Monachos Adrumetinos, Epistolam Valentini Abbatis ad S. Augustinum, Librum de Correptione et Gratia ad Abbatem Valentinum et cum illo Monachos Adrumetinos, Epistolam ad Vitalem*; Tomus secundus autem *Prosperi epistolam ad S. Augustinum, Hilarii epistolam ad eundem, Librum S. Augustini ad Prospe-*

*) *De Praedestin. SS. cap. 3 et 4,*

Prosperum et Hilarium de Praedestinatione Sanctorum, eiusdem ad eosdem de Dono perseverantiae, denique Enchiridion siue librum de Fide, Spe et Charitate ad Laurentium. Nuncupata sunt duo haec volumina *Benedicto XIV.* sedem Apostolicam tunc obtinenti. Additus est in secundo index locuples utrique communis.



VERSIONES. Plura Augustini opuscula certo respectu collecta et in aliam linguam iunctim conversa, praeterquam in *Germanicam*, nec ipsum me deprehendere memini, nec ab alio nouimus commemorata. Quapropter tanto iucundior nobis accidit Germanicae huius versionis mentio. Constat illa duobus voluminibus sic inscriptis:

Augustini des heyligen Bischofs IIII. Bücher von Christlicher leer. I. Buch vom Geist vnd Buchstaben. I. Buch vom glauben vnd wercken. Durch Doctor CASPAR HEDION vertolmetscht. Alles vorhin in Teütscher sprach nie gelesen, nützlich aber yedem Christen der zum heil begert gelert zu werden. Straßburg. Im Iar MDXXXII.

Augustini des heyligen Bischofs Bücher. I. Von warrem gottsdienst. 2. Enchiridion, das ist Handbüchlein, von Glauben, Hoffnung vnd Liebe. 3. Von warer Vnschuld. 4. Von natur vnd gnad. 5. Von Fürscheidung der heiligen. 6. Wie ein gutt ding sey vmb beharrligkeit. Alles durch D. CASPAR HEDION, warheyt vnd frid in vnsern tagen zu fürdern, neülich verteütscht. Straßburg. Anno. M.D.XXXIII.

In priori volumine praeter ea, quae titulus pollicetur, additur n. IX. *Ambrosii vom mittleiden gegen armen,*

armen, vnnnd wann die Kirchenschaetz anzugreifen.
Praemittuntur autem libris conuersis n. I. *Vorred*
D. C. Hed. an den Erwürdigen und wolgebornen
Herrn, Herren Wilhelmen Graven zu Eysenberg
etc. n. II. *Erklaerung etlicher schwerer wörter auff*
die verteüschten Bücher A. Augustini. n. III. *Ent-*
werffung kurtz und ohne alle gevar des lebens Au-
gustini. n. IIII. *Zeügniss sanct Hieronymi von*
Augustino. V. *Erleüterung aus den büchern Re-*
tractationum, vff die bücher von christlicher leer,
Geist und Buchstaben, Glauben und Wercken. Al-
teri insertae sunt post librum de natura et gratia,
Brieff Prosperi an Augustinum et Brieff Hilarii
an Augustinum. Praecedunt autem, n. I. *an den*
Hochgebornen Fürsten und Herren Herrn Georgen
Graven zu Württemberg etc. *Vorred D. Caspar He-*
dions, darynnen eins freyen Christlichen Concilii ge-
dacht, und was Christlicher und Teütscher Nation
hierauff zu beradtschlagen etc. n. 2. *An den Leser*
kurtzer bericht von schweren sentenzen und worten
in Augustino.



CODICES. In recensendis libris MSS. qui ad
Patrum latinorum, quotquot ad consilium nostrum
pertinent, scripta ab editoribus excussi sunt, non
vnam hactenus vbique ingressi sumus viam. Ple-
rumque ipsos quidem editores in hoc secuti sumus,
vt, si diligenter ab iisdem tractati essent, nobis non
minus incumbere existimaremus accuratam enumera-
tionem. Plurimum enim prodest haec industria
non solum ad ipsius textus singulorum historiam,
quod proximum; sed etiam ad cognoscendam im-
mensam illam scriptorum copiam, quae quoniam
abdita latet in scriniis et cancellis circumsepta, fu-
gere

gere propemodum solet bibliographorum imperium. Quam ob rem deinceps etiam, vbicumque datum fuerit, non lassi erimus in hac parte operis nostri, historiae literariae amplificandae causa. Aliter se res habuit, quando strictim tantum vel vniuerse, vel ad singulos libros vnius auctoris libri, qui consulti fuerint, indicarentur. Tum generatim fere nominum elencho contentos esse oportuit, quem ex dispersis etiam ad singulos libros notitiis non sine molestia concinnauius, modo ne eosdem sexcenties repetere per scriptorum enumerationem cogeremur. Exempla sunt Hilarius, Ambrosius et Hieronymus. Idem quoque in Augustino nunc euenit, sed labore longe maiori nobis constitit, quamquam non deerant, quae alteram rationem, quae minus certe molestiae habebat, amplecti suaderent causae. Nam cum MSS. librorum Augustini in omnibus fere bibliothecis ingens sit copia, tum iidem mirum inter se differant pro numero et scriptorum contentorum; vel ipsi editori difficillimum omnes seligere et ad classes quasdam reuocare, et re ipsa nec Louanienses, nec Benedictini tale quidquam sustinuerunt (Erasmo autem, vt aliquoties monitum, solemne fuit, parui aestimare librorum MSS. declarationem): sed ad calcem tomi cuiusuis cum insigniore lectionis varietate longam nominum pompam codicum, ad quos singuli recogniti fuerint, adduxerunt. Tantum vero abest, vt descriptionis aliquid sit additum, vt potius illa ipsa nomina non singulos codices, vel aetatis aliqua nota aut bibliothecarum numeris aliisue signis distinctos, sed classes plurium vnius loci librorum denotent, et si quis indagare vellet, quae Augustini scripta ad vnumquemque pertineant, frustra multum laboris esset consumpturus. Fortassis itaque non inepte ea ipsa nomina per singula S. Do-

ctoris

cloris scripta enumeratio a nobis exhibita fuisset, qua id saltem consecuturos nos sperandum erat, ut qui in Bibliothecarum MSS. abundantium catalogos inciderent, dum omnes fere paginas Augustinianis scriptis repletas viderent, aut si ipsas bibliothecas accessissent, et eundem omnes paene forulos ecclesiasticis scriptoribus destinatos obsedisse cognoscerent, parcius has gazas admirarentur, moniti, iam satis optimorum librorum cum hoc vel illo scripto comparatum esse. Sed facile etiam videbamus, tot nominum introductionem vanam ac inanem fore, nisi disertior explicatio accessisset, quae domicilia singulorum, unde illae appellationes petitae essent, demonstraret. Tandem haec expeditior via visa est, licet ingratae operae multum in ea subeundum esset, ut omnibus illorum nominum indicem alphabeticum concinnaremus, et ad unumquodque velut ad classem quandam et ordinem, quantum fieri poterat, noteremus, quot, aut qui, aut quales in singulis adhibiti essent, quo factum est, ut, si non singuli codices, quod vix unquam in Augustino sperandum, nec optandum valde videtur, certe bibliothecae, in quibus repositi fuerint, noscantur. Pertinet autem haec opera sola ad Benedictinam editionem: de Lovaniensi enim sufficere putauimus, si generatim nomina bibliothecarum, ad quas pertinebant, et numerus, quemadmodum ab ipsis proditum est, recitarentur. Ceterum Benedictini Belgicos aut Louanienfes codices ad singulos etiam libros denuo a se excussos diligenter laudarunt. Sequitur iam index.

*Codices BELGICI a Louaniensibus
Theologis excussi.*

ALNENSES i. e. *Codices Bibliothecae Alnensis Abbatiae Cisterciensis in ditione Leodiensi.* Aderant viginti. Huius Bibliothecae Codices et inter eos etiam Augustinianos recenset strictim *Antonius Sanderus in Bibliotheca Belgica Manuscripta. Parte II. pagg. 234. (241 - 43.)*

S. AMANDI i. e. *Coenobii Elnonensis*, vulgo *S. Amandi in Pabula*, codices *triginta duo* transmissi erant a *Max. Morillonio*, prouinciae Medelinensis Vicario generali. In *Bibl Belg. MS. P. I. p. 22* seqq. Augustinianos huius monasterii codices inuenies.

CAMBRONENSES i. e. *Biblioth. Coenobii Camberonensis Ord. Cisterciensis in Hannonia haud procul ab urbe Montensi.* Praesto fuerunt *triginta*. Cf. *Bibl. Belg. MS. T. I. p. 346.* seqq.

FLOREFFIACENSES. *Coenobii nescio cuius Floreffiae. Octo.*

GEMBLACENSES i. e. *Abbatiae Gemblacensis triginta.* Omnes ex Membrana.

LOVANIENSES. Horum alios acceperant e Collegio Theologorum, alios e Collegio Societatis Iesu, alios a Carthusianis, Martinianis Praemonstratensibus in *Parcensi monasterio* et *Bethlehemitis*. Numerum singulorum tamen non indicarunt. Ex his in *Bibl. Belgica MS.* recensentur codices Collegii Societatis Iesu. *Parte I. pag. 326. Abbatiae Parcensis P. II. p. 166.* et *Bibl. Canon. Regul. S. Augustini in Valle S. Martini P. II. p. 210.* seqq.

TORNACENSES i. e. *Monasterii S. Martini Tornaci*, vnde *triginta et vnus* allati erant. De his vide *Bibl. Belg. MS. T. I. p. 93.* seqq.

*Codices, qui BENEDICTINORVM vfi-
bus concessi fuerunt.*

*I. Gallicani *).*

ALBINENSES apud *Andegauos*, i. e. *Abbatiae Andegauensis S. Albini* codices. Vnum fere citant in plurimis *primi Tomi* libris, inter quos *Retractiones* et *Confessiones*; item *Tomo sexto* et *decimo*, nec non ad libros *de Ciuitate Dei* *tomo septimo*, et libros *de Trinitate* *tomo octauo*. Ad librum *de Symbolo ad Catechumenos* *tomo sexto*, monent, in Albinensi 800 annorum codice primum ex quatuor, quibus constat sermonibus, reperiri.

ANTISSIONDORENSES, i. e. *Abbatiae Praemonstratensis S. Mariani Antissiodori* codices. Vnum ex quatuor, quibus instructi fuerunt codicibus MSS. *librorum contra secundam Iuliani responsionem* suppeditauit.

Monasterii S. ARNULFI Metensis codex. Vnum fuisse conicio, siquidem Arnulfensem ubique nunquam plurali numero laudant. Frequens potissimum in tribus prioribus Tomis eius fit mentio. Lectiones scilicet habebant, non ipsum MSS. vt ad *Retract.* libros monent.

Abbatiae S. AVDOENI Rotomagensis codices. Ex his *Opus de ciuitate*, *Sermones* et plurima alia Augustini scripta emendata sunt. Praecipue in *Tomo primo* frequenter *Andoënenses* appellantur, in

N 2

sequen-

*) Sunt tamen inter eos et Belgici quidam, quos ipsi consuluerunt et Corbeiensis, sed hos seiuungere dubitauimus, partim, quod ipsi eos Gallicanorum nomine comprehenderent, partim quod Corbeiensis monasterii codices adeo omni tempore Maurinorum Patrum studiis paruerunt, vt veluti domestici apud eos facti esse videantur.

sequentibus parcius. Nescimus, an omnes vnius aetatis fuerint, sed in opere *Enarrationum* in Psalmos, 700 annos iis tribuunt.

PP. AVGVSTINIANORVM maioris *Conuentus Parisiensis* codices. Quatuor ad *Confessionum libros* suppetebant; vnius saepius fit mentio.

BECCENSIS *Abbatiae* codices plures annorum 700 laudantur ad *Opus Psalmorum*, vnus ad libros *Retract. de Civ. Dei*, *Epistolas*, *librum de haeresibus*, *de trinitate* et ad *Donatistas* (tomo 8 et 9.) et saepius in tomo decimo; duo ad libros *de consensu Evangelistarum* et *de Sermone in Monte*, plures in *Sermonibus*.

BECHERONENSE exemplar citant in *Tractatibus* in *Euangelium Iohannis* tomo tertio et in libro *de Haeresibus* tomo octauo.

BELLOVACENSIS ecclesiae exemplar antiquissimum ad *tractatus in Iohannis epistolam*, cui ad calcem adscriptum fuerit: anno regis Clotharii duodecimo; aliud item ad *posteriores L. Psalmos* tomo tertio et quarto praesto fuit.

Ab hoc differt Codex BELLOVACENSIS *Abbatiae S. Quintini* adhibitus iisdem *tractatibus* in *Epistolam Iohannis*.

BENIGNIANI, i. e. *bibliothecae S. Benigni Diuionensis* codices. In *Retractionum* et *Confessionum* libris vnum 700 annis antiquiorem notant. Nescio an idem sit, qui in *Epistolis* quoque et *Tractatibus in Iohannem*, libro *de diuersis Quaestionibus*, *contra Mendacium*, *de Cura pro mortuis gerenda*, *de trinitate* etc. praesto fuit. Codicem, quo in libro *de symbolo* vsi sunt, 800 annorum aetatem praeferre tradunt. Tres aut plures habuerunt ad *Sermones* castigandos.

BERNARDINORVM collegii *Parisiensis* codex MS. vnus et alter. Profuit in libris *de opere Monachorum* tomo sexto, item *expositionum Epistolae ad Romanos et Galatas* tomo tertio, nec non libris VII. *de baptismo* et libris IV. *contra Cresconium* tomo nono. Alterum appellant ad libros *contra Maximinum et collationem cum eodem*. Diuersum ab hoc puto librum PP. *Fulienfum* coenobii S. Bernardi *Parisiis*, quod exemplar *Fulienfe* appellare solent.

BERNARDINORVM *de misericordia Dei* liber MS. vnus laudatur in libro *de Opere Monachorum*.

S. BERTINI in *Belgio* codex perantiquus, vnde eruta est *Epistola Augustini ad Mercatorem*, quae in *Benedictina* primum prodiit num. CXCIII.

BIGOTIANVS seu Codex MS. ex Bibliotheca EMERICI BIGOT *Rotomagensis*. Ex eo sunt recognita, *Epistolae*, aliquot libri tomi sexti, *de Civitate Dei* tomo septimo, libri *de natura Boni*, *de trinitate* XV. tomo octauo, et libri sex *contra Iulianum* tomo decimo.

CARCASSONENSIS *Ecclesiae* liber MS. laudatur ad *Sermones* tomo quinto et ad *Tractatus* CXXIV. in *Iohannis Euangelium* tomo tertio.

CARNOTENSIS, i. e. *Abbatiae S. Petri in valle Carnotensi* codex. Vnius mentio fit ad librum *contra Mendacium* tomo sexto, libros *contra Faustum* tomo octauo et librum *contra Secundinum*, qui in *Belgicis* codicibus frustra quaesitus ex eo vnico ab innumeris mendis repurgatus esse dicitur, item librum *de natura et gratia*, et *de perfectione hominis* tomo decimo.

Ab iis diuersus est liber ECCLESIAE CARNOTENSIS, qui laudatur in *Sermonibus*.

CASALENSIS seu CASALINVS, i. e. Codex MS. *Coenobii Casalis Benedicti*. Ex eo (nam singulari numero semper laudarunt) *Epistolae*, item plures tomi *primi* et aliquot tomi *octavi*, *noni* et *decimi* libri castigati sunt.

CISTERCIENSIS *Abbatiae*, haud dubie *Parisi-nae*, codices. Ex Cisterciensi, si modo unus fuit, singuli paene tomi *primi*, *tertii*, *sexti* et *octavi* libri, tum secundo tomo *Epistolae* emendantur. Cisterciensis porro crebro appellatur in *Sermonibus*. Duos Cistercienses laudant in *libris de Consensu Evangelistarum* tomo *tertio*, de *Ciuitate Dei*, tomo *septimo*, libro de *diuersis quaestionibus* tomo *sexto*, et de *gratia* et *libero arbitrio* tomo *decimo*.

PP. CISTERCIENSIVM *S. Crucis in Ierusalem in urbe* codex vetus. Ex eo edita est primum *Epistola XXIX. ad Alypium*. Plures in *Sermonibus* laudant, ex iisque Sermonum aliquot occasionem didicisse se dicunt, itemque quo loco eos Augustinus dixerit.

CLARAEVALLENSIS *Abbatiae* exemplar librorum sex contra secundam *Iuliani responsionem*. Hoc ipsum est, ex quo primus eos depromserat *Vigneri*, ex eoque denuo discrepantes a *Vigneriana* editione lectiones in vsum *Benedictinorum* excerptae sunt.

COLBERTINAE *Bibliothecae* codices complures suppetias tulerunt. Erat enim haec Bibliotheca libris vetustis instructissima, qui omnes deinde in *Regiam* migrarunt. In tomo *primo* nulli adfuerunt, sed *Epistolae* iuxta eosdem excussae sunt. Laudantur etiam modo *unus*, modo *duo* in tomo *tertio* et *sexto*; item tomo *quarto* in *Enarrationibus* in *Psal.*

Psalmos Colbertini Codices optimaе notae *); *tres* ad opus de *Ciuitate Dei*. Passim etiam in tomo octauo eorum fit mentio, et quidem ad librum de *haeresibus*, quatuor memorantur; in *decimo* vero ad singulos fere libros citantur. Inter plures, ex quibus *Sermones* tomo quinto castigati sunt, vnum praecipue commemorant, qui 821 notatus fuerit, *Sermones* de verbis Euangelii veteri ordine, secundum quem in Bedae seu Flori collectione plerumque laudantur, digestos complexum, iisque insertos quosdam, quorum vel nihil prorsus in ante editis, vel fragmenta solum exstabant. In libro de *mendacio* tomo *sexto* Colbertinus 800 annorum et ibidem in libro de *opere Monachorum* alius 900 fere annorum appellatur. Ex Colbertina iidem bibliotheca nacti sunt codicem *Operis imperfecti contra secundam Iuliani responsionem* mutilum tertia parte, illum ipsum nempe, ex quo *Claudius Menardus* a. 1617. primum priores duos libros publicauerat.

In Colbertinam Bibliothecam iam tum, nescio an omnes, transierant *Thuanei AISS*, vnde *Thuanei codices* interdum censendi sunt ex Colbertina,

N 4

e.g.

*) Inter hos etiam erat vnus, qui *Epitomen Commentariorum Augustini in Psalmos* continebat, cui codici propylaeum, camerae forma ad Dauidis complectendam imaginem appictum, conspiciebatur et inscriptum his ad fornicem verbis: *Landulfus ouans hunc libellum fieri iussit, pro quo funde preces carmina qui legis etc.* Ad imaginis vero pedes: *Orate pro Annone, hoc supplico.* Versus subiecti constant XIV Distichis, incipiunt, *Cantica Dauidico Christum modulantiā plectro, Explana- nata tenet floridus iste liber;* finiunt, *Atque duos inter Cherubinos voce tremenda Intonat, et rapidi fulguris igne micat.*

e. g. in libro de *agone Christiano* et *bono coniugali* tomo *sexto*.

COMPENDIENSES vide CORNELIENSES.

CORBEIENSES. Antiquissimi et numerosissimi. Vix enim ullus liber est, quin ad eosdem castigatus fuerit. Nam ab initio statim, ad *Retractionum* libros, *librum de ordine* et *Regulam ad Servos Dei* praesto fuit codex 900 ferme annos praefrens; ad *Confessiones Corbeiensis* ante annos 700 scriptus laudatur et sic ad omnes paene tomi primi libros, Corbeiensium optinae notae fit mentio.

Qui ad *Epistolas* tomo *secundo* adhibiti sunt, plerique ante annos 800 aut 900 scripti dicuntur.

Tomi *tertii* libri, excepto vno, omnes ad Corbeiensis excussi sunt, quorum vnus ad *Quaestionum Euang. libros*, 900, item alter ad libros *de Consensu Evangelistarum*, 900 aut 1000 annos habere et optima manu descriptus dicitur.

Ad libros *Enarrationum in Psalmos* tomo *quarto* adhibiti sunt per totum opus, duo, in eisdem tractatus interdum *plures*, plerique ante annos 800 scripti.

Pariter in *Sermonibus* tomo *quinto* Corbeiensis optinae notae et vetustissimi notantur, et in singulis paene tomi *sexti* libris codices 800 et 900 annorum et ad libros *de diuersis Quaestionibus ad Simplicianum* vnus peregregius ante annos mille descriptus. In libris *de Ciuitate Dei* tomo *septimo* praesto fuerunt duo. Nec parcius in *tribus posterioribus* tomis Corbeiensis Abbatiae librorum antiquissimorum et elegantissimorum fit mentio, et in vltimo quidem ad libros *de Gratia et libero Arbitrio*, nec non de *Corruptione* et *Gratia* vnum vetustissimum ante mille annos scriptum censuerunt.

Aderat quoque ex eadem bibliotheca *Excerptorum Eugypii codex* et liber MS. ante annos circiter 500 scriptus, qui *Flori seu Bedae vulgati collectionem in Epistolas Apostoli* complectebatur.

CORNELIENSES, i. e. libri MS. abbatae S. *Cornelii Compendiensis*. Vnus peruetustus memoratur ad librum de *Immortalitate animae* tomo primo. Plures ad *Sermones* tomo quarto.

Abbatiae de CULTVRA apud Cenomanos codices. Laudatur ad *Epistolas*, item ad *Traſtatus* in *Euang. Iohannis* tomo tertio; nec non tomo quarto in *Enarrationibus* ad *Psalms* perantiquus, qui priores L. *Psalms* complectebatur. Citatur quoque ad librum de *anima et eius origine* tomo decimo.

DOMINICANORVM maioris Conuentus *Parisiensis via Iacobaea* libri MSS. adhibiti sunt ad libros *Confessionum* et de *libero arbitrio* tomo primo, ad libros de *Trinitate* tomo octauo, librum de *unico baptismo* tomo nono, libros tres de *peccatorum meritis et remissione* tomo decimo.

EBRVLPHENSES, i. e. S. *Ebrulphi Vticensis* codices. Laudatur ad librum de *immortalitate animae* et de *quantitate animae* tomo primo, ad librum de *agone christiano* et de *cura pro mortuis gerenda* aliosque libros tomo sexto.

Codex MS. D. Antonii FAURE, Doctoris Theol. Paris. prae-buit librum de *fide, spe et charitate*; et libros de *ciuitate Dei*.

FERRARIENSIS Abbatiae codex viginti sex *Psalms* ex Opere *Enarrationum*, nempe LXIII-XCVIII. complectebatur.

FISCANNENSIS liber MS. Notatur ad librum de *Magistro* tomo primo, ad librum de *Consensu Evangelistarum* tomo tertio, ad librum de *catechi-*

landis rudibus tomo sexto, contra *aduersarium legis et prophetarum* tomo octauo.

FLORIACENSES. *Bibliothecae Floriacensis* MSS. frequentissime laudantur non solum ad integros tomos, veluti *secundum*, *Epistolas*; *quartum*, *Enarrationes in Psalmos*; *quintum*, *Sermones* complectentem: quorum illis, qui ad tommum *quartum* memorantur, anni tribuuntur 700; sed etiam ad singulos libros per diuersa volumina, veluti ad *Retractiones* et librum de *quantitate animae*, *primo*; ad omnes paene tomi *tertii*; ad librum de *octo Dulcitii quaestionibus*, de *agone christiano*, et hic quidem *duo*; de *catechizandis rudibus*, de *Opere Monachorum* et de *patientia* tomo sexto; ad libros de *Haeresibus*, contra *Fauftum*, de *Trinitate* tomo octauo; ad libros VII. de *Baptismo*, contra *Petilian* *literas*, de *unitate Ecclesiae* et de *uno Baptismo* tomo nono; denique ad *libros sex* contra *Iulianum* tomo decimo.

FOSSATENSIS *S. Mauri Abbatiae* nescio unus an plures; sed verosimilius posterius. Adhibiti sunt ad *Confessionum* libros tomo primo, *Epistolas*, tomo secundo; ad libros de *consensu Euangelistarum* tomo tertio. Perantiquus laudatur ad *Psalmos Graduales* in *Enarrationum* opere tomo quarto. *Sermones* etiam ex iisdem castigati sunt; item tomo sexto liber de *diuersis quaestionibus* XXXVIII. et de *cura pro mortuis gerenda*; tomo octauo *Collatio cum Maximo* et libri contra ipsum *duo*. Ad *tractatus in Euangelium Iohannis* laudatur *Fossatense* exemplar iussu *Ingilberti* abbatis circiter annos 840 scriptum.

PP. FRANCISCANORVM *Parisiensium* codex. Hi unum librum MS. praebuerunt emendando libro de *Moribus Manichaeorum* tomo primo.

PP. FULIENSIVM coenobii S. Bernardi Parisiis codices MSS. duo adhibiti sunt ad castigandum *Opus Enarrationum in Psalmos*. Alter Psalmos sexdecim a XXXV-L, alter octodecim a CI-CXVIII complexus erat. *Sermones* quoque ad eiusdem Bibliothecae codices excussi sunt; item liber de *Continencia*, de *symbolo ad Catechumenos sermones quatuor*, et *Sermones de Cantico nouo*, de *quarta FERIA*, de *Cataclysmo* et de *Tempore Barbarico* tomo sexto.

FUXENSIS Collegii apud Tolosates exemplar ad *Epistolas* praesto fuit. Laudatur etiam ad librum de *agone christiano* tomo sexto.

Ecclesiae S. GATIANI Turonensis codex optimae notae laudatur ad *Enarrationes in Psalmos*, complexus *centum priores*; item ad libros de *Trinitate* tomo octauo.

Libri MSS. Abbatiae GEMMETICENSIS creberrime laudantur. Ex iis castigantur *Epistolae*, *Sermones*, *Enarrationes in Psalmos*, et ex uno eorum opus de *Ciuitate Dei*. Porro in primo Tomo libri de *libero arbitrio*, de *Genesi contra Manichaeos*, de *Moribus Ecclesiae Catholicae*, de *Moribus Manichaeorum* et de *vera Religione*; in tertio, libri de *consensu Euangelistarum*, de *Sermone Domini in monte* et *Tractatus in Euangelium Iohannis*; in sexto de *symbolo ad Catechumenos sermones quatuor* et qui ibidem proxime sequuntur *Sermones de Disciplina Christiana*, de *Tempore Barbarico*, *Cantico nouo* etc.

GENOFEVAEVS, i. e. liber MS. bibliothecae Abbatiae S. Genofeuae Parisiis laudatur in libro de *beata vita* tomo primo; in libris de *Consensu Euangelistarum* tomo tertio; in libro de *diuersis quaestionibus octoginta tribus* et de *Quaestionibus ad*
Sim.

Simplicianum tomo *sexto*; in libro de *Natura et Gratia* tomo *decimo*.

GEORGIANVS, i. e. Codex *Domini* de S. GEORGES, Canonici Comitii *Lugdunensis*, post Episcopi *Claraemontani*, et, cum ad finem opus Maurinorum properaret, Archiepiscopi *Turonensis* a Rege designati. Adhibitus est ad libros de *Consensu Evangelistarum* tomo *tertio*; ad *librum de diversis Quaestionibus octoginta tribus* tomo *sexto*; ad libros de *Baptismo* contra *Cresconium* et de *unico Baptismo* tomo *nona*; ad libros de *Peccatorum meritis et remissione* et de *Spiritu et Litera* tomo *decimo*.

S. GERMANI a *Pratis* in *suburbio Parisiensi* codices permulti vetusti et elegantes collati sunt ad integros tomos *Epistolarum*, *Sermonum*, *Enarrationum in Psalmos*; duo ad opus de *Ciuitate Dei*, ad tractatus in *Euangelium*, itemque in *Epistolas Iohannis* tomo *tertio*; unus alterue in plerisque tomi *primi*, *tertii*, *sexti*, *octau*i libris opem tulit, ex quibus is, qui ad *librum de Mendacio* collatus est annorum 800. et ad *librum de Bono Viduitatis* mille, aut amplius, aestimatur. Exemplar *Germanense* valde insigne, quod recens tunc eidem bibliothecae donauerat dux *Noaliensis*, vsum praestitit libro de *agone Christiano* tomo *sexto*.

Collegii GERVASIANI apud *Parisos* codex amplus et elegans laudatur in *Epistolis*.

IOLYENSE exemplar pertinebat ad Dominum *Joly*. Ex eo emendatae dicuntur *Epistolae*. Citatur etiam in *Expositionibus in Epistolas ad Romanos et Galatas* tomo *tertio*. *Iolyensis* codex annorum 800 laudatur ad *Retractiones*.

LAUDVNENSIS *Ecclesiae* codices citantur ad *Epistolas* et *Sermones*. Priori loco antiquissimi audiunt.

audiunt. Frequenter inprimis adfuerunt castigandis quam plurimis Tomi *sexti* libris, ad quos identidem *Ecclesiae Laudunensis* libri memorantur. Non diuerfos puto ab his, quoad domicilium, qui tomo *sexto* ad librum de *Bono viduitatis*, *Laudinensis Ecclesiae maioris* dicuntur *). Ac posteriori titulo inprimis frequenter citatur liber MS. tomo *octauo*, semel *nono*.

LAUDVNENSIS ABBATIAE S. VINCENTII codex libris de *Ciuitate Dei* tomo *septimo* et de *Trinitate* tomo *octauo* vsui fuit.

LYRENSIS Abbatiae codices collati sunt ad tommum *quartum*, Expositiones in Psalmos, et *quintum* Sermones comprehendentem. Vnus adfuit libris de *Ciuitate Dei*, item ad *Confessionum* libros tomo *primo*; libros de *Sermone in Monte* tomo *tertio*; de *agone Christiano* tomo *sexto*; de *Trinitate* tomo *octauo*; libros *sex* contra *Iulianum* tomo *decimo*.

Exemplar Nicolai MANESSIER, Doctoris Theologi Parisiensis et socii Sorbonici, iuxta quod liber de *Gratia et libero arbitrio*, nec non de *Correptione et Gratia* ad *Prosperum* et *Hilarium* libri duo, i. e. libri de *Praedestinatione Sanctorum* et *Deno Perseuerantiae*, tomo *decimo* emendati sunt.

Liber Domini MARAN, Archidiaconi Ecclesiae Tolosatenfis. Adhibitus est emendandis *Epistolis*; item libro de *utilitate credendi*, contra *Sermonem Arianorum*, et libris *Collationis cum Maximino* et contra eum tomo *octauo*.

MARTINENSIS liber citatur ad libros de *Genesi contra Manichaeos* tomo *primo*. Fortasse idem est, qui frequentius nomine *Sagiensis* venit.

MEDAR-

*) Sed codex ad libros *Retractionum* commemoratus ex *Archiuu Laudina* ad Anglicanos pertinet.

MEDARDENSIS liber laudatur ad *Regulam ad Seruos Dei* tomo primo.

METENSIS vide *Arnulphenfis*.

MICHAELINI, i. e. *Monasterii et Abbatiae S. Michaelis de monte in periculo maris* codices frequentissime per omnia *decem* volumina citantur, quod plures fuisse liquidum est testimonium, licet vbique fere vnus tantum appellari solet, semel *duo* ad libros de *Nuptiis et Concupiscentia* memorantur. Castigata sunt ex eis *Epistolae*, *Sermones*, *Enarrationes in Psalmos*, libri de *Ciuitate Dei*, tum plerique, et tantum non omnes tomi *primi*, *sexti*, *octau*i, *noni* et *decimi*; pauci tamen *tertii*.

NAVARRICI Collegii seu *Gymnasii*, *Parisis*, codices. Huius exemplar amplissimum laudant ad *Epistolas*. In *Sermonum* quoque et librorum de *Ciuitate Dei* recognitione vno eiusdem Bibliothecae vsi sunt. Porro *Nauarricus* laudatur ad *Soliloquiorum* libros, ad librum de *Moribus Ecclesiae Catholicae*, de *Moribus Manichaeorum*, et de *Vera Religione* tomo primo; *Nauarrici* duo ad librum de *beata Vita*, librum de *Magistro*, *ibidem*; ad vnum eorum recogniti sunt libri de *Consensu Evangelistarum* tomo *tertio*; ad duos itidem liber de *diuersis quaestionibus octoginta tribus*; ad vnum rursus liber de *fide et symbolo*, liber de *agone christiano* et de *Diuinatione Daemonum* tomo *sexto*.

NOALIENSE Exemplar vide sub GERMANENSIBVS.

NOVIOMENSIS ecclesiae MSS. annorum ad minus 600. ad *Enarrationes in Psalmos* emendas adhibiti sunt.

Illustris familiae PHIMARCONENSIS *codex corticeus*, quem olim *Narbonensis* Ecclesiae fuisse Benedictini suspicantur, in sermonibus vsam praestitit.

stetit. [Ex] eodem *Epistolae duae XLII et XLV. perbreues ad Paulinum antehac ineditae erutae sunt.*

Carthusia PORTARVM Bugiensis prouinciae in Gallicis praebuerat exemplar MS. librorum contra secundam Iuliani responsionem.

PRATELLENSES, i. e. *Abbatiae S. Petri de Pratellis Codices MSS. ante annos 600 exarati laudantur in Opere Enarrationum in Psalmos; ad eodem recensiti sunt Sermones, et singuli libri ex mediis tomis, e. g. Retractiones, de libero arbitrio et de Genesi contra Manichaeos, tomo primo; de consensu Euangelistarum, de Sermone in Monte et Tractatus in Euang. Iohannis tomo tertio; liber de catechizandis rudibus, de sancta Virginitate, de coniugiis adulterinis, de Mendacio, de Patientia, et ad duos liber de cura pro mortuis gerenda, tomo sexto. Nec parcius laudantur tomo octauo, ubi libri contra Faustum, contra Aduersarium legis ac prophetarum, contra Sermonem Arianorum et de Trinitate; et nono ad libros contra Epistolam Parmeniani, de Baptismo, contra literas Petiliani; denique decimo ad libros de peccatorum meritis et remissione, de natura et Gratia, de Nuptiis et Concupiscentia, de anima et eius Origine, ad libros quatuor ad Bonifacium contra duas Epistolas Pelagianorum, ad libros porro sex contra Iulianum de gratia et libero arbitrio, de Correctione et Gratia, ad libros denique de Praedestinatione Sanctorum et Dono Perseuerantiae.*

PVXENSIS codex laudatur ad librum de *Continencia*, additusque, iam in *Colbertinis* eum reperiri.

REMENSES. Hoc nomine quidem duo generis manuscripti intelliguntur, *Ecclesiae Cathedralis Remensis* scilicet et *Abbatiae S. Remigii Remis*; plerumque tamen nuda illa appellatio libros Ecclesiae catho-

cathedralis significat, quorum *vnus* profuit libro *de Magistro* tomo *primo*; *Epistolis*, libris *de fide et operibus*, *de bono coniugali*, *de sancta Virginitate*, *de cura pro mortuis gerenda*, tomo *sexto*; libris *de ciuitate Dei*, tomo *septimo*; libris *contra sermonem Arianorum et de Trinitate*, tomo *octauo*; denique libris *de Natura et Gratia*, *de Perfectione iustitiae hominis*, *de Gratia et libero Arbitrio*, *de Correctione et Gratia* tomo *decimo*.

REMIGIENSES, i. e. *Abbatiae S. Remigii Remensis* libri. *Vnus* adhibitus fuit libro *de quantitate animae*, tomo *primo*; libris *de consensu Evangelistarum*, *tractatibus in Euang. Iohannis*, tomo *tertio*.

Pariter tomo *quarto* plurium in eisdem *Psalms* copia fuit, quorum alii ante annos 500, alii ante 800 descripti erant. Plures item consuluerunt in *Sermonibus*. Tomo *sexto* vero profuerunt in libris *de fide et symbolo*, *de Agone Christiano*, *de Opere Monachorum*, et *de Diuinatione Daemonum*. Remigianus *vnus* laudatur quoque ad libros *de Ciuitate Dei* et tomo *octauo* ad libros *contra Maximinum et Collationem cum ipso*, duo vero ibidem in libris *de Trinitate*.

Denique ex vno emendati sunt tomo *nono*, libri *de Baptismo*; *decimo*, libri *de Peccatorum meritis et remissione*, *de Spiritu et litera*, et *de anima et eius origine*.

Libri REGII. Regia Bibliotheca Parisiensis iam tum satis magnam librorum MSS. Augustini complexa erat copiam, nunc vero, migratis in eandem *Colbertinis* et *Thuaneis* singulas fere *Catalogi* eorum paginas Augustinus occupat. Tanto magis iuuat scire, qui in vsum conuersi sint, quo rectius de vniuersis iudicari queat. Igitur ad *Regios* codices

ces singuli fere, duobus tribusve exceptis, tomi primi libri castigati sunt. Iidem ad *Epistolas* praesto fuerunt, non item in *tertio* et *nono* tomo.

Sed in *Enarrationibus in Psalmos* adiuti sunt *Codice Regio*, quem sic descriperunt: „Est liber „mirae magnitudinis et in duos nunc tomos diuisus, „qui in prima pagella vacua praefert: *Hoc immensum opus donauit mihi vir egregius, Dominus Io-* „*hannes Bocaccio, poëta nostri temporis, quod de* „*Florentia Mediolanum ad me peruenit 1355. April.* „10. Quod Francisci Petrarchae manu inscriptum „intelliges ex data ab ipso ad Bocaccium epistola, „quae Variarum in Veneta est XXIV, in Basileensi „XXII, incipiens, *Beasti me munere magnifico* etc. „Vbi Augustini in Psalmos opus immensum totum „uno volumine comprehensum, Bocaccii beneficio sibi „transmissum testatur, scribens *Mediolani V. Idus* „*Maii.*“ Hanc Petrarchae Epistolam Benedictini hoc ipso tomo post indices praefationibus subiunctos recudendam curarunt.

Porro ad *Sermones*, tomo quinto, praeter alia exemplaria ex Bibliotheca Regia, adfuit vnum volumen singulare, a *Iacobo Sirmondo* occasione Sermonum a se editorum laudatum, complectens duas priores partes *collectorii Sermonum Augustinianorum Roberto de Bardis*, Cancellario Parisiensi, auctore adornati *).

Nec

*) De hoc *Collectorio* ipsi Benedictini in Praef. ad Tomum quintum haec referunt. „*Robertus de Bardis*, Parisiensis Cancellarius, aliam pulcriorem ac magis ingeniosam (quam vulgata, quam ante recensuerant) instituerat Sermonum distributionem in *Collectorio*, vt vocat, *Sermonum Augustini*, numquam vulgato, quod trecentis annis abhinc retro elapsis excogitauit, iisdem Sermonibus in quinque

Nec pauci, immo singuli paene libri tomi *sexti* ex iisdem castigati sunt, ex quibus vnus ad librum *contra Mendacium* censetur annorum 900.

Ad libros de Ciuitate Dei recensendos duo suppetebant. Duo itidem ad librum *de Haeresibus ad Quodvultdeum*, tomo *septimo*.

Vnus denique adhibitus est tomo *decimo* libris *de Gratia et libero Arbitrio*, nec non *de Correptione et Gratia*, item *de Praedestinatione Sanctorum et Dono Perseuerantiae*.

Liber REGIOMONTENSIS. Ad hunc paucis exceptis omnes tomi *primi* libri excussi sunt. Laudatur praeterea in *sexto* ad librum *de mendacio*.

Liber MS. Abbatiae SAGIENSIS S. Martini. Iuxta eum recensiti sunt libri *de Sermone in monte* tomo *tertio*; liber *contra Mendacium et de Opere Monachorum* tomo *sexto*; libri *contra Faustum et contra*

partes discretis. In prima parte collecti sunt Sermones de quibusdam gestis et sanctis veteris Testamenti. In secunda parte de solemnitatibus et sanctis noui Testamenti. In tertia de verbis et scripturis veteris Testamenti. In quarta de verbis et scripturis noui Testamenti. In quinta de ornamentis et impedimentis Ecclesiae siue fidelium, ac de retributionibus vltimis bonorum et malorum. Seruatur in Bibliotheca Regia manuscriptus vnus, quo primae duae istius collectionis partes continentur; et in Colbertina duo, in quibus index Sermonum illarum quinque partium repraesentatur. Ceterum, iudicant, licet Sirmondus in praef. suorum XL Sermonum affirmet, in recensendis approbandisque Augustini operibus. . . . minime contemnendum esse Roberti suffragium: tamen adulterinos Sermones prope innumeros admisit, vt qui in prima Collectorii parte solos legitimos relinqueret, illam paene ad nihilum reduceret etc."

contra *Sermonem Arianorum*, tomo octauo; libri de anima et eius origine, tomo decimo.

SERGIENSIS, i. e. *S. Sergii Andegauensis* liber laudatur tomo primo ad libros de quantitate animae et de libero arbitrio; ad *Expositionem inchoatam Epistolae ad Galatas*; ad librum de agone christiano.

Codex SIGIRAMNENSIS, i. e. *Abbatiae S. Cygiranni seu CYGIRANNENSIS*. Notatur in libris de Bono Viduitatis et contra *Mendacium* tomo sexto; ad libros de *Ciuitate Dei*, tomo septimo; ad librum ad *Orosium contra Priscillianistas*, tomo octauo; ad libros contra *litteras Petiliani*, contra *Cresconium* et de *unico Baptismo*, tomo nono; idemque ad libros de *Peccatorum meritis et remissione*, ad librum de *natura et gratia*, de *perfectiōe iustitiae hominis*, item ad librum de *Gratia Christi et de peccato originali*, de *nuptiis et concupiscentia* et de *anima et eius Origine* tomo decimo.

Codex SILVAEMAIORENSIS. Eius fit mentio ad libros de *Consensu Euangelistarum* tomo tertio.

SILVANECTENSIS *Ecclesiae* exemplar suppetitauit *Epistolas* et libros de *Ciuitate Dei*.

SORBONICI. Modo unus, modo duo, immo tres identidem adhibiti sunt ad singulos fere, quos Tomus primus complectitur libros. Ad eosdem excussae sunt *Epistolae*, secundo tomo; libri *quaestionum Euangeliorum* tomo tertio; *Sermones*, quinto; et in sexto vix tres aut quatuor numerabis, qui ex iisdem non fuerint castigati. Tomo octauo laudatur Codex Sorbonicus ad librum contra *Adimantum*, contra *Epistolam Manichaei*, de *natura Boni*, contra *aduersarium legis et prophetarum*, ad *Orosium contra Priscillianistas*, contra *Sermonem Arianorum*, contra *Maximum*. Libri vero de

Trinitate ad quinque Sorbonicos recensiti sunt. Tandem in tomo *decimo* vix *quatuor* sunt ex omnibus, qui non ex *uno* saltem *Sorbonico* emendati fuerint.

SVSESSIONENSIS *Abbatiae B. Mariae* liber vnus libris *de Ciuitate Dei* recognoscendis profuit.

TELLERIANAE *bibliothecae* codices. Duo fere laudantur in recensione *Epistolarum* frequentissime.

Libri THEODORICENSES, i. e. *Abbatiae S. Theodorici prope Remos*. Vnum Theodoricensem, qui olim Hincmari Remensis fuerit, laudant ad *Retractiones*. Nescio an idem sit, cuius etiam ad libros *contra Academicos, de Ordine, de Genesi contra Manichaeum, et de Moribus Ecclesiae Catholicae* tomo *primo* fit mentio. Passim dicitur *optimae notae* et ad libros *de Ordine, nongentorum* fere annorum, quae temporis nota in aetatem Hincmari conuenit. Ad eosdem emendatae sunt *Epistolae*. Vetus-
tissimus et optimae notae MS. citatur ad *Tractatum in Epistolam Iohannis* tomo *tertio*; in *Enarrationibus in Psalmos* tamen vsi sunt libris huius bibliothecae aetatis aliquanto recentioris. *Theodoricenses* ad *Sermones* quoque praesto fuerunt; in tomo *octauo* vero nonnisi libri *de Trinitate* opem hinc experti sunt.

Libri Bibliothecae THVANEAE. Ex Thuaneo annorum 700 vel 800 recogniti sunt *Confessionum* libri. Idem fortasse est, quocum collati sunt in eodem tomo libri *de beata vita, soliloquiorum, de libero arbitrio, de vera Religione et Regula ad seruos Dei*. Libri *de Ordine* duobus gauisi sunt. Tomo *tertio* citatur Thuaneus ad *Expositionem quarundam propositionum ex Epistola ad Romanos*, nec non in *Expositione inchoata Epistolae ad Galatas*.

VALIENSIS liber memoratur ad *Confessiones*.

VEDASTINI, i. e. libri *Abbatiae S. Vedasti Atrebatensis*. Laudatur Vedastinus codex tomo primo ad libros *Retractionum, Confessionum, de beata Vita, de Ordine, Soliloquiorum, de Immortalitate animae et de Genesi contra Manichaeos*; item ad *Epistolas* tomo secundo.

VICTORINI, seu *Codices Abbatiae S. Victoris Parisiensis*. Tres suppetebant ad castigandos libros *Retractionum et Confessionum, de Ordine, de Magistro, de quantitate animae, de Moribus Manichaeorum*; duo in libris *contra Academicos, de immortalitate animae, de Genesi contra Manichaeos et moribus ecclesiae catholicae*; unus in reliquis primi tomi paucis exceptis. Profuerunt porro emendandis *Epistolis et Sermonibus*, tomo secundo et quinto; nec non libris *quaestionum Euangeliorum, quaestionum XVII. in Mathaeum, tomo tertio*; item libris *de diuersis quaestionibus ad Simplicianum, de octo Dulcitii quaestionibus, de fide et symbolo, de agone christiano, de catechizandis rudibus, de Bono viduitatis, de Mendacio, contra Mendacium, de Opere Monachorum, de cura pro mortuis gerenda et de patientia*. Similiter libri tomi octauo, *de Haeresibus, aduersus Iudaeos, de utilitate credendi, de duabus animabus, contra Fortunatum, contra Adimantum, contra Epistolam Manichaei, contra Faustum, acta cum Felice, liber de Natura Boni, liber ad Orosum contra Priscillianistas ad vnum vel duos Victorinos excussi sunt*; nec non liber *de vnico Baptismo, tomo nono*; liber *de gratia Christi et liber de peccato originali, libri de nuptiis et concupiscentia et libri sex contra Iulianum tomo decimo*.

VINDOCINENSIS *Abbatiae* libri. Libri *Soliloquiorum, de immortalitate animae, de quantitate animae* tomi primi ex vno castigati sunt; item *Epi-*

stolae tomo secundo, *Enarrationes in Psalmos*, quarto, et *Sermones* tomo quinto. Vnus quoque adhibitus est ad libros *de Ciuitate Dei*, tomo septimo. In tomo tertio collati sunt cum vno libri *de consensu Euangelistarum*, *de Sermone in monte*, *tractatus in Epistolam Iohannis*, cum duobus, *tractatus in Euangelium Iohannis*: tomo sexto libri *de agone Christiano et de patientia*; tomo octauo libri *contra Faustum et de Trinitate*.

VATICENSIS. Vid. *Ebrulphensis*.

II. Itali.

I. VATICANI, quorum scilicet variantes Lectiones, collectae olim per selectos viros, qui post Louaniensem editionem denuo castigandis S. Augustini operibus auctoritate Clementis VIII. incumbabant, cum Benedictinis communicatae fuerant.

Generatim ad plures eorum recognitae sunt *Epistolae*; quinque adhibiti sunt in libris *de Ciuitate Dei*; unus in *Enarrationibus in Psalmos ad priores quadraginta nouem Psalmos*. Deinde, vno excepto, omnes Tomi primi libros cum Vaticano aliquo codice, *Regula ad Seruos Dei* etiam cum duobus, collati sunt. Similiter in tertio tomo vix tres reperiantur; qui ad hosce codices non fuerint emendati; libri *de Sermone in Monte ad duos*; libri *de Consensu Euangelistarum* ad quatuor. In sexto itidem modo duo, plerumque tres, vel etiam quatuor, immo quinque praesto fuerunt. Similiter in tomo octauo duo tantummodo libri sunt, quibus non auxilii aliquid ex iis accesserit, cum aliis duo, aliis quatuor, quinque, sex, vt libris *contra Faustum*; quin libris *de Trinitate*; vnde cum adeo exemplaria adhibita esse notatum reliquerunt. Parcius profuerunt Tomo nono: quippe duo tantum iuuarunt libros contra

Epi-

Epistolam Parmeniani et libros VII. de Baptismo, unus collatus est cum libro de unico Baptismo. Sed in decimo, si duo demferis, singuli ad libros Vaticanos non raro quatuor aut quinque sunt recogniti.

2. CHRISTIANAEANI, quos vocant *Codices*, i. e. MSS. *Christinae Reginae Suecorum*, fortasse Vaticanis accensendi sunt. Nam si tum nondum ad Vaticanam Bibliothecam pertinebant, certe postmodum illati sunt. Sed hoc praeterea interest inter eos et reliquos discriminis, quod Vaticani, quos appellant Maurini Patres centum et quod excurrit annos collati essent, hi nunc demum et, ut mihi quidem videtur, ab ipsis PP. oculis usurpati sunt. Laudant autem unum tomo primo ad librum *de moribus Manichaeorum*, quem fortasse una cum parte *Enarrationum in Psalmos* complectebatur. Nam ad hoc opus praesto fuerunt duo, unus, qui septemdecim ex prioribus Psalmis, nempe XXXIV - L: alter, qui posteriores triginta duos exhibebat, a CXIX - CL.

3. ROMANVS codex libri Augustini *de gestis Pelagii*, cuius variantes lectiones ad oram libri sui adnotauerat Marcus Velserus.

4. FLORENTINI, i. e. tres MSS. in Bibliotheca Ducali Florentiae existentes, quorum in eodem *de Pelagii gestis* libro variantibus vsi sunt.

III. Anglicani.

Absoluta iam tota editione transmissae sunt ex Anglia lectiones variantes octo fere codicum per E. Bernardum, Astronomiae in Oxoniensi Academia professorem, ex quibus in secunda demum tomi primi, ad quem vnice spectant, editione correctiones aliquot translatae sunt. Erant autem tres ex bibliotheca Bodleiana, ex Collegio Mertonensi duo, vnus

ex Archiva *Laudina*, duo *Cantuarienses* *). Priores sex adhibiti sunt ad *Retractionum* libros; quatuor ad *Confessiones*, scilicet unus *Bodlei.* et *Laud.* et *Mert.* duo; quinque ad libros *soliloquiorum*, nempe unus *Bodl.* duo *Mert.* et *totidem Cant.*

Haec de codicibus ex iis indicibus, quos singulorum librorum lectionibus discrepantibus ad calcem genuinorum scriptorum cuiusque tomi Benedictini PP. adiecerunt. Alios paucos, quos interdum in ipsis notulis textui subiunctis aut in farragine variantium laudant, inde excerpere non vacat. Operae vero sit impressos etiam codices antiquiores fere, quos in singulis libris castigandis adhibuerint, consignare, si quidem hi ipsi MSS. instar censendi sunt, quos illorum temporum incuria, modo semel imprimendo operi vacassent, parui ducebat et nulla memoria dignos.

Igitur in *Primo* tomo ad libros *Retractionum* subsidio fuerunt editio Amerbachiana (a. 1505.) et prima Erasmi; ad *Confessiones* praeter easdem Badiana, quo nomine illa opuscula appellant; quae Iodocus Badius a. 1520. per Iohannem Paruum excudi curavit, et Arnaldina (versio), quae a. 1649. ad XII. MSS. codices recognita prodiit. Ad superiores tres porro recogniti sunt libri *contra Academicos*, *de beata Vita*, *de Ordine*, *de immortalitate animae*, *de magistro*; ad solas Bad. et Erasmi. libri *soliloquiorum*, *de Quantitate animae*, *de libero arbitrio*: ad Bad. Erasmi. et Arnald. recentiore, libri *de moribus ecclesiae catholicae*, *de moribus Manichaeorum*, *de vera religione*; ad Amerb. et Erasmi. libri *de Musica*, *de Genesi contra Manichaeos* et *Regula ad Seruos Dei*.

In

*) Sic enim interpretor compendium illud vocis *Cant.*

In Tomo *secundo* Epistolarum editiones laudantur sequentes: Amerbachiana a. 1493. f. Badiana. Parisiis. 1515. et Erasminiana Bas. ap. Frob. 1528.

In *tertio* Tomo notarunt ad libros *de consensu Evangelistarum* editionem eiusdem Iodoci Badii, quam ex recensione Augustini *Ratisponensis* excudi curavit Lugduni 1497. et Erasminam a. 1528; ad libros *de Sermone Domini in Monte* praeter Erasminam et Amerbachianam (a. 1506.) editionem Iacobi Mareschalli, Lugdun. 1520; ad libros *Quaestionum Evangeliorum* et *Quaest. XVII. in Mathaeum* eandem Badianam, nec non Erasim. et Amerbach., ad *Tractatus in Ioh. Evangelium*, Bad. et Erasim., ad *Tractatus in Epist. Ioh.* Amerb. Bad. et Erasim., ad *Expositionem quarundam Propositionum* in Ep. ad Romanos et Galatas, nec non *Expositionem inchoatam Epistolae ad Rom.* (quae in Gallicanis MSS. non reperta, emendata est vnus Vaticanus ope) Amerbach. et Erasim.

In tomo *quarto* ad *Enarrationes in Psalmos* praefecto fuerunt liber Bas. per Io. Amerbach 1489 excusus et Erasminiana 1529.

Sermonibus in *quinto* tomo castigandis adhibitae sunt editiones, Amerbachiana a. 1494 et 1495. Erasminiana a. 1571. Sirmondiana 1631. et Supplementi Vigneriani ed. altera. 1655.

In tomo *sexto* ad librum *de diuersis quaestionibus octoginta tribus* consultae sunt Lugdunensis, quae Augustini Ratisponensis cura apud Ioannem Trechsel a. 1497 excusa est, et Erasminiana a. 1528; ad libros *de diuersis quaestionibus* et *de catechizandis rudibus*, et *de fide et operibus* Amerbach. et Erasim., ad librum *de VIII Dulcitii quaestionibus* et *de fide* et *symbolo*, eadem et Lugdunensis ante laudata; ad *Enchiridion de fide, spe et charitate* praeter Amerb.

et Erasmi. editiones Lauberti Danaei et Ant. Arnaldi; tandem ad librum *de Agone christiano* praeter Amerb. et Erasmiānam, ed. Ioh. Parui a. 1513.

Libri *de Ciuitate Dei* tomo *septimo* recogniti sunt ad ed. Venetam Vindelini 1470. Amerb. a. 1490. et Erasmi. 1529.

Denique Amerbachiana et Erasmiāna editiones etiam per totum Tomum *octauum*, *nonum* et *decimum* adhibitae fuerunt.

Ex quo indiculo librorum impressorum etiam hoc patet, Romanas et Venetas aliasque insigniores singulorum operum Augustini editiones, quibus si uti voluissent, carere non poterant, praeter vnā *de Ciuit. Dei* a Benedictinis Patribus esse neglectas.

II. *Annales editionum singulorum Augustini librorum.*

A. *Genuinorum.*

(1) *Contra Academicos.*

Seorsim hi libri nunquam prodierunt. Attamen in compluribus antiquis opusculorum Augustini collectionibus primum fere locum occupant, de quibus infra fiet mentio. Gallice conuersi sunt iuxta Benedictinorum editionem a *Villefortio*.

1703.

Paris chez Elie Joffet. 12. Les livres de St. Augustin contre les philosophes Academiciens, avec le traité de la grace et de la liberté, traduits en François sur l'édition des PP. Benedictins (par Mr. Villeford ou Villefort) *Cat. Bibl. Reg.* cf. *Journal des Sçavans.* 1703. p. 221.

(3) *De*

(2) *De Ordine libri II.*

Latine nunquam seorsim excusi sunt, sed gallice eos conuertit *Villefortius* vna cum libris *de libero arbitrio* et *de Doctrina christiana*, de quibus suis locis.

(4) *Soliloquiorum libri II.*

Horum vnam tantummodo eamque vetustissimam editionem latinam reperire potuimus. Nam pleraque huius nominis edita ad spuria pertinent et infra a nobis commemorabuntur. Hanc vero accipe.

Sine anno

loco et typogr. f. S. Augustini Soliloquiorum libri duo.

Volumen est foliorum XXIII. lineis latis XXXV. per paginam impressum. Exorditur verbis: *Aurelii Augustini episcopi ipponensis incipit soliloquiū liber primus feliciter.* Similiaque habes in fronte libri secundi folio XI. In fine primi: *Aurelii etc. explic.* Ast in fine secundi, qui contingit in prima pagina folii XXIII. nulla prorsus formula extat. Literae sunt gothicae, breues et pingues, quae, licet multae verborum abbreviaturae ac literarum notae sint inspersae, oculis tamen nequaquam ingratae ac-
cidunt. Ad *Guntherum Zainer*, typographum Augustanum, qui ab anno inde 1468. decem fere per annos ibidem libris imprimendis operam nauauit, referri solet. Certe inter plura cum Augustini, tum aliorum opuscula hisce libris plane conformia, nec raro vno volumine cum iisdem comprehensa, quae quidem manifesto se vnus eiusdemque familiae esse profitentur, vna occurrit *Thomae a Kempis de imitatione Christi* editio cum subscriptione: *per Guntheum (sic) zainer ex reutlingen pgenitū literis impressi ahenis*, vnde de ceteris coniecturam haud impro-
babilem

babilem viri in his literis exercitatissimi capiunt. Vide, quos laudauimus occasione similium quorundam Hieronymi opusculorum *Tomo I. p. 488.* Nuper etiam Cl. *Braunius* in *Not. H. Lit.* (1788.) p. 38. hanc editionem retractauit.

(7) *De Moribus Ecclesiae Catholicae.*

Huius duae extant versiones gallicae iisdem auctoribus, qui librum *de vera Religione* transtulerunt, quem videtis.

(9) *De quantitate animae.*

Sine anno

loto et typogr. f. S. Augustini liber de quantitate animae.

De charactere omnique huius voluminis descriptione plura differemus ad *libros Soliloquiorum* ex eadem officina emissos. In praesenti notabimus tantummodo, constare illud foliis XXIX. ac plerumque cum vno vel pluribus eiusdem generis impressis compactum inueniri, in quibus inaequalis pariter foliorum numerusprehenditur. Ex quo sequitur, manifeste fuisse ea omnia continuo ac vna serie excusa. Sic apud *Braunium* in *Notit. Hist. Lit.* p. 38. adhaeret illi *speculum peccatoris*, in nostro exemplari compacta sunt *soliloquiorum libri duo, speculum peccatoris, de quantitate animae* et *soliloquium de arra animae*. Exorditur in summa pagina titulo: *Aurelii Augustini hipponensis episcopi liber de aīe quantitate incipit feliciter.* Desinit in extrema folii ultimi: *Explicit liber aurelij augustini de anime quantitate.*



Augustiniani huius libri artificium omnemque indolem late explicauit et commentarium quasi in eun-

eundem contexuit sub extremum saeculi praeteriti homo doctus Siculus in opere sequenti: *Animae humanae natura ab Augustino detecta in libris de animae quantitate, decimo de Trinitate et de animae immortalitate, exponente* Michaelangelo Fardella, Drepanensi, S. Th. D. et in Patavino Lyceo Astronomiae et Meteorum Professore, Eminentissimo Henrico de Noris, S. R. E. Cardinali consecrata. Venetiis, sumptibus Hieronymi Albricci 1698. f. cuius argumentum expositum est in *Actis Erudit. Suppl. III. p. 302 - 307.* contractius habetur in *M. Bibl. Eccles. Colonienfi p. 729. sq.* Ipse auctor denuo ideam operis sui delineavit epistola inserta diario italico, *Giornale di Minerva T. III. P. I. p. 29. Venetiis apud Albriccium 1700. f.* hoc titulo: *Lettera al Illustrissimo ed Eruditissimo Sig. Antonio Magliabecchi, Bibliothecario del Serenissimo Gran Duca di Toscana, in cui si contiene l'argomento, e l'Idea della sua opera già ultimamente stampata col titolo, animae humanae natura ab Augustino detecta etc.* testante Antonio Mongitore in *Bibl. Sicula T. II. p. 71 **).

(10) *De libero arbitrio lib. III.*

1524.

Basileae. 8. D. Augustini de libero arbitrio l. III. Ad fidem Cat. Bibl. Traiect. P. II. p. 59. laudant Colonenses.

1568.

*) Auctorem *Bibl. Siculae* non satis curiose inspexit auctor huius articuli in *Bibl. Eccl. Colonienfi*, dum duplicem huius epistolae editionem, alteram seorsim a. 1700. *Ven. f.* alteram in laudato diario fingit, cum potius hoc ipso anno et loco eaque forma tertium volumen diarii illius editum sit.

1568.

Coloniae. 12. Idem libri in Enchiridii formam redacti. Eiusdem de Praedestinatione et Gratia liber vnus. Laudant *Possennius App.* p. 154. *Hendreich Pand. Brandb.* p. 341. cf. lib. *de Gratia*.

Gallice reddidit *Villefortius* cum libris *de Doctrina christiana*.

(13) *De vera Religione*.

Singularem huius libri editionem *Venetiis* a. 1484. 4. proculam laudant Colonienfes; sed perperam. Nam quam illi viderint, ea nihil amplius fuit, quam particula et quidem extrema, *Opusculorum* ibidem editorum; vnde ex subscriptione ad calcem proposita licebat hariolari.

Duas illius *versiones gallicas* iam supra obiter commemorauimus. Prodiere autem

1647.

Paris chez Anton Vitré. 8. Le livre de S. Augustin de la veritable religion, traduit en François, avec le Latin ensuite, reueu exactement; par *Antoine Arnould*, Docteur de Sorbonne. Repetita est *Bruxellis* 1675. Theologorum Louanensium errores a se obseruatos antiquiorum editionum et aliquot MSS. Codicum ope emendasse in praefatione professus est. Vid. *Magna Bibl. Colon.* v. *Ant. Arnaldus*. Iterata vice prodiit a. 1652 et 1657. Nescio vero, qui liber prior sit in volumine, quique posterior. Vtroque enim modo profertur a Bibliographis.

1690.

Paris chez Veuve Jean Bapt. Coignard. 8. Les deux livres de St. Augustin, de la veritable religion et des mœurs de l'Eglise Catholique, traduits en
Fran-

François sur l'edition Latine des PP. Benedictins, avec des notes et des nouveaux sommaires des chapitres; par *Philippe Goibaud du Bois*.

(14) *De utilitate credendi.*

1602.

Moguntiae S. Augustini liber de utilitate credendi ad Honoratum. Argumentis, Notis atque Analyfi illustratus a *Iusto Caluino*. Extat in eiusdem sub eментito nomine *Iusti Baronii Praescriptionum adv. Haeret. Tractat.* a p. 423. In *Cat. Bibl. Bodl.* eundem librum laudatum inuenio a. 1605.

1680.

Louanii per Hieron. Nempaeum. 12. D. Augustini liber vnus ad Honoratum, de utilitate credendi; eiusdem libellus de catechizandis rudibus. *Cat. Bibl. Reg. Paris.*

(19) *De sermone Christi in monte.*

1683.

Paris chez André Pralard. 12. Les commentaires de S. Augustin sur le Sermon de N. S. sur la montagne, qui contiennent toutes les regles de la morale chretienne, traduits en François par *Pierre Lombert*.

Capita singula argumentis sunt instructa. cf. *Journal des Sçavans* 1683. n. XXIII. p. 273. (4.)

1767.

Mantoua. 8. I due libri di S. Agostino, per ispiegare il *Ragionamento del Redentore a Discepoli sul Monte ec.*, trad. in Ital., con note del *P. Agostino Nicolo Bianchi*. *Cat. Bibl. Firm.*

Plura

Plura de his libris disputare *Rich. Simonium* in *Hist. Crit. Commentat. N. T.* cap. 17. monent Colonienſes; non item *Baelii* ſunt in librum obſeruata, quae iidem laudant ex Dictionario eius v. *Septimius Acindynos*; ſed ibi ſimpliciter exponitur hiftoriola, quam Conſtantii temporibus Antiochiaſe ſub Acindyno praefecto accidiffe Auguſtinus narrat cap. L. l. 1.

(23. 24. 25) *Auguſtinus in Epiftolas Pauli.*

1499.

Parifis per Vdalr. Hering et Berth. Rembolt. f. Diui Auguſtini in ſacras Pauli epiftolas noua et hactenus abſcondita interpretatio: per venerabilem *Bedam* ex innumeris illius codicibus mira induſtria ſummoque labore collecta, vbi quid primum ammirari debeas, non facile iudicabis: diuinumue interpretis ingenium: aut ſingularem Bedae in excerptando pariter et expingendo ſollertiam. Vtunque ſit: Abiſſalem ibi comperies eruditionem. Porro interpretationi praefatae ſeptem aureas Chryſoſtomi omelias ſapientes addere curauerunt impreſſores: quibus clariſſimas Pauli laudes, dotes et praeconia paruo labore, ſed non mediocri fructu facile deprehendet Lector ſtudioſus.

Haec titulus; cui inſuper inſigne Remboltianum et epigramma in operis commendationem impreſſa. *In fine* Commentariorum in Ep. ad Hebraeos, poſt epilogum, operis ſummam iterum verbis completentem: *Impreſſum eſt autem praefens opus ad omnipotentis dei gloriam et fidelium ſalutarem eruditionem opera et impenſa Vdalrici Hering et Magiſtri Bertholdi Rembolt ſociorum: Parrhiſis in ſole aureo vici Sorbonici. Anno incarnationis dominicae M.CCCC.XCIX. Die vero XXVIII. Nouembris.*

Prae-

Praecedunt cum indice alphabetico rerum ac verborum admodum copioso, qui auersa statim tituli pagina incipit, praefationes *Gaufridi Boussardi theologorum minimi, ad Petrum Securabilem (Sacrarum literarum interpretem archidiaconum Rothomagensis)* adque omnes viros studiosos et litt. amantes in sequens *Beda et Augustini opus, et sancti Hieronymi in omnes Epistolas Pauli.*

Vetustam hanc *Flori Lugdunensis Excerptorum* editionem commemorare visum est, non solum quia paucis innotuisse eam cognouimus, sed maxime etiam propterea, quod MSS. eius collectionis codices haud raro cum fructu a PP. Maurinis consulti sunt.



Ad Epistolam ad Romanos spectat opus a Coloniensibus laudatum: *Augustinus, Pauli ad Romanos interpretes Apostolico - Romano - Catholicus, seu Via Veritatis et Vitae, in unitate Fidei saluificae, per genuinam interpretationem S. Augustini super Epistolam ad Romanos, perque varias deductiones Theologico - Polemicas, contra Aethios, Paganos, Iudaeos, Mahometanos, Haereticos et Infideles quoscunque, nouissime ac perspicue demonstrata per BARTHOLOMAEUM FIBVS Soc. Iesu, S. Theol. Doctoris Coloniae Agripp. 1696. fol.*

(27) *De Continentia.*

Versionem huius libri Gallicam v. infra n. 43.

(29) *De diuersis Quaestionibus VII. libri II.*

Editi sunt in Collectione Quaestionum Augustini, Lugduni 1497. f. quam v. inter *Opuscula eiusdem.*

(32) *De Doctrina christiana.*

S A E C. XV.

Sine anno

et loco. fol. S. Augustini Ep. de Doctrina christiana libri IV.

Profert *Ge. Pray* in *Indice libr. rar. Bibl. Budensis* typum vetustissimum dicens, quod ex defectu numeri paginarum, item custodis et aliorum signorum recte coniectauerat. Addit ibi, sententias singulas vno puncto esse discretas, literam i vbique caudatam apparere etc. praeterea literas initiales exemplaris illius picturatas esse. Adeo autem obtusus est voluminis huius character, vt vir laudatus literas magis ad ligneas, quam ex aere fusas accedere prodiderit. Insuper, quod longe etiam memoratu dignissimum est, insignem huius voluminis a reliquis, quae vulgo praestant, illius libri editionibus discrepantiam notauit eiusdemque specimina aliquot ab initio et fine librorum desumpta proposuit, quae nec nos omittenda duximus. Itaque initium libri I. sic se habet: „Hoc opus nostrum, quod inscribitur de „doctrina christiana, in duo quedam fueram prima „distribucione partitus. Nam post prohemium quo „ respondi eis qui hoc fuerant reprehensuri, due sunt „res inquam quibus nititur omnis tractatio scriptura- „rum. modus inueniendi que intelligenda sunt. et „modus proferendi que intellecta sunt. De inue- „niendo prius de proferendo postea differemus. quia „ergo de inueniendo multa iam diximus. et tria de „hac vna parte volumina absoluimus. adiuuante do- „mino de proferendo pauca dicemus, vt si fieri po- „tuerit vno libro cuncta clamamus: (*claudamus*) to- „tumque hoc opus quatuor voluminibus termine- „tur.“ *Finis libri IV. autem:* „Longius euasit liber „hic

hic quam volebam. quamque putaueram — — —
Ego tamen domino nostro ihesu christo gratias
ago. quod in his quatuor libris. non qualis ego es-
sem cui multa desunt. sed qualis esse debeat qui in
doctrina sana. non solum sibi sed et aliis eciam la-
borare studet. quantulacunque potui facultate dis-
serui. Explicit quartus de doctrina Christiana bea-
ti Augustini episcopi.

Sine anno

t loco. 8. maj. B. Augustini — liber de doctrina
christiana diuisus in quatuor partes. Incipit statim
prologo libri primi; in fine: *Finit opus egregium
aurelii augustini ipponensis epi de doctrina xstiana
in quatuor libros distinctum valens oimode pro intel-
lectu scripturarū et serie proferēdi easdem qualis
sic) doctorem decet catholicū . . .*

Deo gratias.

Impressum est volumen caractere gothico lucu-
ento in charta pura et densa. In superiori margine
libri, in inferiori vero plagulae numerus notatur,
sed custodes et foliorum numeri desunt.

Sine anno

t loco. (Argentorati apud Ioh. Mentelinum.) f. Au-
gustini liber *de arte praedicandi* (qui quartus est eius-
dem de doctrina christiana).

Editor anonymus cum valde vtilem praedicanti-
us hunc librum fore existimaret et propter totius
operis magnitudinem vix paucis innotescere eum vi-
deret, bene mereri de aliorum studiis hoc voluit,
quod a reliquo corpore segregatum typis multipli-
candum daret. Nec leuem etiam, si fides ipsi ha-
benda est, operam in corrigendo et emendando ex

pluribus exemplaribus posuit, - qua de re ipsa eius verba non indigna iudicamus, quae memoriae ser- ventur, quae sic sonant: *Feci ergo. deo teste magnam per eius correctionem diligenciam. ita. quod omnia exemplaria. que in studio heidelbergensi nec non in spira et in wormacia. atque tandem etiam in Argentina in vllis librariis reperire potui. diligenter proinde respexi. Et. cum inter hec. experimento discerem. quod idem liber augustini. raro inuenitur etiam in magnis et preciosis librariis. Et adhuc rarius. de vllis ex eisdem librariis ad rescribendam potuit haberi. Atque eicam quod peius est. rarissime correctus siue emendatus inibi queat reperiri. Idcirco per- motus fui. ad hoc studiose laborare, vt secundum exem- plar meum. tanto nunc studio et labore quantum sal- tem potui correctum. dictus libellus taliter in breui tempore multiplicari posset. vt ad plurimorum vsum et ad omnem profectum ecclesiasticum. facile et cito perueniret. Quapropter. cum nullo alio modo siue medio. id expediri fieri posse iudicarem. discretio vi- ro Iohanni mentelino incole argentinensi impresso- rie artis magistro. modis omnibus persuasi. quatenus ipse assumere designaretur. onus et laborem multipli- candi hunc libellum. per viam impressionis. exempla- ri meo ante oculos habito etc. Inscripta est haec praefatio: Canon pro recomendatione huius famosi operis siue libelli sequentis. de arte predicandi S. aug. Volumen impressum est foliis XXI. caractere gothi- co minuto, obtuso et oculis ingrato lineis latis, qua- rum XXXIX paginam faciunt. Absunt vero omne: cuiuscunque generis chartarum et paginarum notae Prima atque vltima pagina nudae sunt relictae atque seorsim adiicitur duabus plagulis rerum notabilium index bene instructus. Dirigitur nimirum iuxta li- teras, quibus omnis textus, continuus ceteroquin, in
pluri*

plurimas sectiones iuxta alphabeti ordinem (A - LL.) est descriptus, ita quidem, ut mediis lineis ab initio particulae cuiusvis eae sint insertae. Quocirca ipse editor in praefatione, *Intermixtae sunt*, inquit, *operi literae maiusculae tam simplices quam duplicatae. deseruiunt pro eiusdem libelli tabula alphabetica. in fine eius posita. quae tabula ad easdem literas remittit per singula puncta. Et quisque cui placuerit. poterit eas faciliter manu sua per pennam. etiam in marginibus nigro vel rubrico colore signare. correspondetur ad istas intra literam positas. quod non parum utile erit. quia citius in margine positaee occurrent uerenti. Et sic. per remisiones tabulae ad ipsas easdem literas. unumquodque ex hoc libello contentorum. ad vota cum placuerit. cito potuerit reperiri.* Ceterum experta est haec editio diligentiam bibliographorum doctissimorum Cl. Morelli in *Bibl. Picell. T. I. p. 87. sqq.* et Placidi Braun in *Notitia Hist. Litt. libr. ab artis typogr. inuentione ad a. 1479. impress. in Bibl. Monast. ad S. Vdalr. et Afram Aug. Vind. p. 3.*



(Moguntiae per Io. Fust.) f. Idem liber ex praecedenti editione fideliter expressus, adeo ut in praemonitione impressoris tantum nomen mutatum sit atque hic legatur: *discreto viro Iohanni Fust in-ole maguntinensi impressoritis artis mgro. modis omni-us persuasi rel.* Ceterum constat hoc volumen foliis XXII. quorum duo priora occupat praefatio, de-ine textus protenditur ad medium folium XVII., tandem tabula materiarum sequitur, postremo deni-ue foliis duobus, altero auersa, altero aduersa pa-ina impressis tractatuli duo *De tribus precipuis ope-ibus predicatoris et De tribus generibus dicendi,*

quibus uti debet predicator claudunt. Plura vide apud Deburium in *Cat. Bibl. Duc. de la Val. T. I. p. 174.* Obiter eundem commemorat *Cat. Bibl. Bunav. cf. Memoires de Trevoux 1765. Juin p. 1454.* et Cl. *Steigenberger* l. l. p. 47. Quod aetatem huius et superioris editionis attinet, Deburio iam animaduersum est, *Fustinam* vel ipso anno 1466. vel ante eum expressam esse debuisse, quoniam compertum est, *Io. Fustum* post hunc annum artem suam exercere desiisse. Vtra vero antiquior sit, haec, an Argentoratensis, de eo dubitat *Morellus*, minus ambigit *Gerh. Steigenberger*, Argentinensi primum locum assignare inductus, primum, argumento duorum opusculorum, quibus Moguntina Argentinensi est locupletior, quae quidem de nouo potius illi accessisse, quam in hac fuisse omissa censet; deinde etiam, quod praefatio Moguntinae quatuor lineis, quae noua est eius observatio, sit prolixior. Quibus addimus tertium, quod literae, quibus textus in sectiones distinguitur, in Moguntina non iam mediis lineis insperfae, sed in margine interiori collocatae conspiciantur, quo artificii aliquem progressum agnoscere mihi videor. Iam vero optauerim, ut vir doctus aliquis, cui *Fustinae* editionis sit copia, praefationem excutiat, animumque intendat ad hoc, nun iisdem verbis ibi legantur, quae in Argentinensi diliteris illis calamo in margine priuato studio pingendis erant monita. Quod si nihilominus factum cognoscet, negligentia in istius temporis editionibus non adeo rara accidisse oportet.



Ibidem per eundem. fol. Idem liber eiusdem editionis, priori valde, nec tamen per omnia similis.

Tessatu

Testatur se vidisse apud amicum quendam *Morrellus* l. l. p. 9. atque in Bibliotheca Canon. Regular. Rottenbuchii deprehendit *Cl. Gerhoh. Steigenger* in tr. *üb. die zwei allerachteste gedr. deutsche Bibeln.* (Münch. 1787. 4.) p. 48.

S A E C. XVI.

1527.

Coloniae apud Heronem Alopecium (impensis Godfr. Hittorpii) mense Iulio. 8. D. Aur. Aug. de Doctrina Christiana libri quatuor, omnibus sacram scripturam vel recte intelligere, vel fructuose populo proponere volentibus, perquam et vtilis et necessarii.

1534.

Venetiis per Ioa. patauinum et Venturinum de ruffinellis. 8. D. Aur. Aug. de Doctrina Christiana libri IV. rel. ut in praecedenti.

Sine anno.

Coloniae. 8. S. Augustinus de Doctrina christiana. Cat. Bibl. S. Aug. ad Nidum Neapoli.

S A E C. XVII.

1601.

Antuerpiae. 8. Laudant Colonienfes.

1604.

Wittebergae typis Cratonianis. 8. S. Aur. Augustini de doctrina christiana l. IV. c. praef. Sal. Gesneri. cf. M. Bibl. Eccles. Colon. Cat. Bibl. Thott.

1629.

Helmaestadii in academia Iulia, typographeo autem Calixtino excudit Henningus Mullerus. 8.

Sancti Patris et Doctoris Aurelii Augustini, Ep. Hipp. de Doctrina Christiana libri IV. de Fide et Symbolo liber Vnus: Vincentii Lerinensis commonitorium. *Georgius Calixtus* recensuit et edidit.

Laudatissimus ille Theologus cum forte occasione, quam recusare aegre poterat, sibi oblata typos graecos et latinos vna cum prelo et reliquis ad artis typographicae exercitium necessariis armis emisset, iustam domi officinam instruxerat, ex qua et propriae delectationis et a serioribus studiis relaxationis causa et in studiosorum, quibus angusta domi res esset, gratiam, annuente principe Brunouicensi, complures ab hoc inde anno vtilis libellos inque iis prima haec Augustini et Vincentii volumina foras dedit. Ipse instituti huius rationem in epistola his praemissa ad Petrum Tuckermaunum (Theol. Doct. Aulæ et Ditionis Brunsvicensis Protoecclesiasticen et Abb. Riddageshusanum) vberius explicauit. Quod librorum vero horum edendorum concernit consilium, de eo ita in subiecto ad lectorem prooemio praecepit, vt simul vniuersam eorum indolem et descriptionem patefaceret et laudaret. Nec vero cauere sibi potuit, quin apud multos tunc temporis religiosae opinionis homines ob Vincentii de ecclesiae traditione dogmatis commendationem male traduceretur. Cum reliquas aliquot in calce libri superfuturas cerneret plagellas *Paciani Ep. ad Sympronianum fratrem epistolam tertiam* iis inscribere placuit.

1643.

In Venezia. 4. S. Augustinus de Rhetorica ecclesiastica (qui est liber IV. de Doctrina christiana). *Ext. in Autori del ben parlare Vol. XII. part. ult. p. 57.*

1655.

1655.

*Helmstadii ex typogr. Calixtino opera Hennin-
gi Mulleri. 4. — Aur. Aug. de Doctrina christ. li-
bri IV; rel. Ge. Calixtus recensuit et edidit. Editio
prima prodii anno c1610CXXIX. nunc succedit alte-
ra anno c1610CLV. Accessit in hac altera editione
titulo Admoniti ad lectorem disputatio Calixti de
Symbolis et Confessionibus veterum Christianorum,
cui temporum iniuria insigne aliquod momentum
conciliabat.*

SAEC. XVIII.

1769.

*Lipsiae sumtu Io. Frid. Langenhemii. 8. Aur.
Augustini, Hipp. ep. de Doctrina Christiana libri IV.
e recensione Benedictinorum e Congregatione S.
Mauri. Varietate lectionum animaduersionibusque
breuibus illustrauit atque cum praefatione S. R. Ioh.
Frider. Burscheri, Th. D. et P. P. O. etc. edidit
Ioh. Christ. Beniam. Teegius, Schol. Sangerhus. Col-
leg. III.*

Ad elegantiam huius descriptionis accedit insignis
a munditie chartae ac typorum commendatio, quae
optare facit, vt plura optimorum Patrum graecae
ac latinae ecclesiae scriptorum exemplaria pari cura
instructa et aequae luculenter excusa venalia redderen-
tur. Theologus Lipsiensis interpretem suscepti ab
editore negotii agens, ipsum a praefandi necessitate
liberauit. Secutus vero est *Teegius* textum Benedi-
ctinorum ex Antuerpiana Clerici iteratione descri-
ptum et varietate *Amerbachianae* et *Erasmianae* anni
1569. nec non vtriusque Helmstadiensis maectatum.
Commode etiam harum et Benedictinae simul recen-

sionis partitiones diuersis numeris sunt expressae, additusque est index non contemnendus.



VERSIONES. Duæ Gallicae Colletetii altera, altera a *Villefortio*, vnaque Germanica Hedionis, de qua supra in *Collectionibus* egimus.

1636.

Paris chez Jean Camusat. 12. La doctrine chrestienne de S. Augustin, divisée en IV. livres, avec le manuel adressé à Laurentius, le tout traduit en François par *Guillaume Colletet*.

1701.

Paris chez Jean Bapt. Coignard. 8. II. Voll. Les livres de la Doctrine Chretienne de S. Augustin et les Livres de l'Ordre et du Libre - Arbitre du même. Traduits en François sur la nouvelle Edition Latine des PP. Benedictins de la Congregation de S. Maur.

Auctor est Dn. de *Villefort*, qui plures Augustini libros insigni cum laude in linguam gallicam transtulit. De praesenti enim translatione auctores *Diarii Eruditorum Paris.* (4.) 1702. p. 195. sic testantur: „Les matieres que S. Augustin traite dans ces trois ouvrages, et particulièrement dans le Livre de l'Ordre, étant abstraites, ils étoient très - difficiles à traduire d'une maniere intelligible et agreable. C'est cependant ce que *Mr. de Villefort* a fait, ayant trouvé le moyen, en rendant exactement le sens de son Auteur et s'attachant à la pureté des termes, d'égaliser la beauté et la liberté de l'Original.“ Praeterea tenendum est, vtrumque huius versionis totum etiam separatim haberi, adeo, vt de Doctrina christiana

stiana libri IV. itemque reliqua peculiari volumine, consent. cf. *Cat. Bibl. Reg. Paris. T. I. p. 379. sq. n. 724 et 727* Nescio vero, quid sit, cur ibidem versio haec nomen *Philippi Goibaud du Bois* ferat. Fuerat is Academiae Parisiensis socius anno 1694. vita functus haud inceleber. Nec me fugit nomen eius ementitam esse versionem aliam, nempe libri spurii *Soliloquiorum*, ut suspenso hoc signo merx esset vendibilior. Sed huius auctor nec latuit, nec latere voluit, immo maximopere famae traducendis pluribus Augustini libris studuit. Quocirca equidem de errore confectoris Regii Catalogi iam vix dubito.



Compendium Doctrinae Christianae ex Augustini libris excerptum edidit *Theod. Bibliander* Episcopo-cellensis, *Theol. Prof. Tigurinus*. Basil. 1550. 8. *Lipen.* et ex eo *Colonienses*. Iuxta eosdem quantum huius operis librum, qui de eloquentia sacra potissimum tractat, diligenter excussit, eiusque sententiam non alia esse Eloquentiae Christianae praecepta, quam Civilis, pluribus adstruxit *Balth. Gibert*, Rhetorices quondam in Collegio Mazariniano Professor, in *Jugemens des Sçavans sur les Auteurs qui ont traité de la Rhetorique*. T. II. p. 115-135. Paris. 1716. quem librum indicarunt *Acta Erudit. Lips.* 1721. p. 257.

(35) *Augustini Confessionum libri XIII.*

SAEC. XV.

1475.

Mediolani. 4. S. Aurelii Augustini Confessionum libri XIII. Folii ultimi pagina aduersa impressi versiculi cum subscriptione:

Quam

*Quam laetum augustina ferat confessio fetum
Praesens fratre refert pagina presso suo.
Theutonicis delatus enim bonus aere Iohannes
Hoc mediolani fertile pressit opus.*

ANNO INCARNATIONIS DOMINI
M° CCCC° LXXV°:

XII°. KALENDAS AVGVSTI:

Character rotundus est, elegans, lineae per paginam latae XXVI. Desunt numeri, signaturae, custodes. Saxius tribuit *Ioanni Wurster de Campidonia*. Cf. *Cat. Bibl. Creuennae nouiss.* Duo exempla illius servabat *Bibl. Pinelliana*.

1482.

S. l. 8. mj. Confessionum libri XIII. Eadem voluminis descriptio est idemque character, quem in libris *de doctrina christiana* simili forma sine l. et a. excusis notauimus, solo libri numero in superiori margine deficiente. Incipit a locorum quorundam obscurorum in his Augustini libris annotatione, quae alteram folii primi paginam replet, prima vacua relicta. *In fine: Explicit confessionū beati augustini liber XIII. Anno dñi MCCCCLXXXII. in p̄festo laurētij.*



Editio Veneta. a. 1484. 4. quam *Colonienses* laudant, non est vnus huius libri, sed opusculorum plurium, quam suo loco latius descripsimus.

Sine anno

et loco. fol. min. B. Augustini epile. libri confessionum.

Volumen est foliorum impressorum CLII. quibus in aliis exemplaribus, vt in eo, quod *Cl. Braun*
manu

manu versauit, praecedit vnum non impressum, in nostro deperditum. Incipit a particula *Ex libro retradlationum sancti augustini episcopi*. Formula finalis desideratur, miniatori adscribenda relicta, id quod in nostro exemplari tam in fine totius, quam singulorum librorum, factum est. Nec initia librorum magnis spatiis a fine praecedentium, sed vna tantum linea: *Sancti Augustini liber — Incipit* discreta comparent. Character est gothicus medius obtusior *), paginae lineas latas XXXII. complectuntur amplis marginibus circumdatas. Distinctionis signa punctum, colon et interrogationis nota. Absunt omnino custodes, signaturae, numeri et tituli paginarum. Meminere huius rarissimi libri *Deburius* in *Cat. Bibl. Duc. de la Val*. T.I. p. 168. Cl. *Morellus* in *Bibl. Pin.* T.I. p. 90. sq. ac nuper iterum descripsit *Plac. Braun* in *Notitia Hist. Lit.* (1788.) p. II. Ac hic quidem ad insignem eius vetustatem confirmandam obseruat, in *exemplari Tegernseensi* a calligrapho adscriptum esse annum 1470.

Aliam horum librorum editionem, quaternis, nulla apposita loci, anni et *Typographi*, aut editoris nota, quam tamen Romanam putat, Saeculi XV. certe, notauit *Audiffredus* in *Cat. Bibl. Casanat.* Adde *Cat. Bibl. Pinell.*

S A E C. XVI.

1531.

Coloniae. 8. Augustini Confessionum libri tredecim. *Cat. Bibl. Bernens.* T.I. p. 15.

1563.

*) Eodem, inquit *Braunius*, quo impressa fuerit Epistolarum S. huius Doctoris absque anni locique professione editio, vt adeo ex eadem officina ytraque prodierit.

1563.

Louanii. 12. S. Augustini Confessionum libri XIII. *Cat. Bibl. S. Angeli ad Nidum Neapoli.*

1567.

Antuerpiae. 8. Iidem libri. *Posseuinus in App. T. I. p. 154. ex eoque Hendreich in Pand. Brandenburgicis, Lipenius et M. Bibl. Eccles. Col.*

1568.

Ibidem. 16. Iidem libri. *Posseuinus et ex eo Colonienses.*

1569.

Coloniae. 12. Iidem libri. *Hendreich.* Sed nescio, an idem sit liber, quem e *Posseuino* laudant *Colonienses, Confessionum S. Augustini Libri XIII. in Epitomen redacti a Io. SCHWAYGERO f. SCHWEIGERO, Collegii ad B. Virginem Francofurti Scholastico, Coloniae apud Cholinum.*

1573.

Louanii. 8. S. Augustini Confessionum libri XIII. *Hendreich.*

1578.

Basileae. 8. S. Hilarii et Augustini Confessiones. *Coloniens.*

1581.

Wirceburgi. 12. S. Augustini Confessionum libri XIII. *Hendreich*

1588.

Turoni apud Claudium Michaellem (....) Iidem libri. *Posseuini App. T. I. p. 154.*

SAEC. XVII.

1604.

Coloniae Agrippinae in officina Birkmannica. 12.
D. Aur. Augustini libri XIII. confessionum: eiusdem
confessio theologica et expositio succincta missae Ro-
manae: omnia ex MS. cod. emendata, opera et studio
Theologorum Louaniensium. *Cat. Bibl. Reg. Paris.*

1606.

Lugduni. 12. S. Augustini libri XIII. Confes-
sionum iuxta Louaniensium correctionem. *Hendreich.*

1607.

Duaci. 8. S. Augustini Confessionum libri XIII.
editi per H. Sommalium. *Cat. Bibl. Bodl.*

1608.

Lugduni. 12. Idem libri ex recensione Loua-
niens. *Hendreich.*

1610.

Ibidem. 12. Idem libri. *Hendreich.*

1619.

Coloniae Agrippinae. 12. D. Augustini Con-
fessionum libri XIII. per H. Sommalium. *Cat. Bibl.*
Mus. Britt.

1628.

Duaci. 16. Idem libri ex eiusdem recensione.
Lipen. et Colon.

1629.

Coloniae Agrippinae ap. Corn. ab Egmond. 24.
vulgo 12.) D. Aur. Augustini libri XIII. confes-
sionum ad III. MSS. exemplaria emendati opera et stu-
dio *Henrici Sommalii.* S. I.

1630.

1630.

Ibidem. 24. *Iidem libri. Hendreich.*

Dilingae. 8. S. Augustini Confessionum libri X. priores cum notis et summariis *Henr. Wagnereck* Soc. I. Colonienſes ex *Alegambii Bibl. SS. S. I.*

1631.

Coloniae Agripp. 8. S. Augustini Confessionum l. XIII. per *Henr. Sommalium.*

1632.

Ibidem. 16. S. Augustini Confessionum libri X. priores per *Henr. Wagnereck.* Occurrit eiusdem a. et l. editio apud *Hendreichium.* Nos addidimus titulum libri, cum certum sit, nonnisi X. libros a *Wagnereckio* esse in lucem editos.

1637.

Coloniae Agr. sumt. Corn. ab Egmond. et soc. 12. D. A. Augustini — libri XIII. Confessionum. Editio *Sommalii.*

1638.

Ibidem. 12. *Iidem libri. Hendreich.*

1640.

Ibidem. 8. *Iidem libri. Hendreich.*

1645.

Lugduni ap. Sim. Rigaud. 16. (vulgo 12.) Eadem *Sommaliana* recensio.

1646.

Coloniae apud Iodoc. Kalcouium et socios. 12. D. A. Aug. Conf. libri X. cum notis R. P. *Henrici Wagnereck*

Wagnereck Soc. Iesu. Praeter Notas cuicunque capiti
Usus suus subiectus est. Ad hanc editionem quo-
 dammodo pertinet et cum exemplari quidem, quod
 manu terimus, compactus est liber hoc titulo muni-
 tus: *Rei Poenitentis Simplex et Humilis Confessio. cum*
Sermone de S. Augustino. Ib. apud eund.

1647.

Ibidem. Idem libri X. per eundem. *Hendreich.*

1649.

Coloniae Agr. sumt. Egmond. 16. [24.] D. A.
Aug. Confess. l. XIII. opera Sommalii.

1650.

Antuerpiae ex off. Plant. Balthasaris Moreti. 8.
D. Aur. Aug. libri XIII. Confessionum. Hendrei-
chius editionem Antuerpiensem tanquam repetitio-
 nem editionis Wagnereckianae profert. Sed perpe-
 ram, nisi forte plane diuersam viderit. Argumento
 sint ea, quae ex diligentiori eius inspectione refe-
 runtur Colonienfes. „Typographus monet se, cum
 „audiret prae ceteris laudari exemplar a R. P. *Som-*
 „*malio* recensitum, varias eius editiones conquisiuiffe,
 „earumque facta comparatione, multos errores ty-
 „pographicos emendasse, ac postea exemplar con-
 „tulisse cum editione Operum S. Augustini a *Chri-*
 „*stophero Plantino* excusa, idque in multis discre-
 „pare animaduertisse, attamen in quibusdam P. *Som-*
 „*malii* recensionem, in aliis *Plantinianam* editio-
 „nem praeferendam censuisse. Quod ne temere fe-
 „cisse culpare, adhibui Codicem MS. antiquissimum,
 „qui ante plura saecula conscriptus cum aliis multis
 „MSS. codicibus in hoc *Plantiniano Typographeio*
 „asseruatur. Hunc codicem fidelissimum expertus,
 „ex eius auctoritate emendauit exemplar a *Sommalio*

Tom. II.

Q

recen-

„recensitum, idque gaudet, quod viri docti, quibus
„correctiones suas ostenderit, non improbauerint.“

1652.

Duaci. 12. Idem libri ex ed. *Sommalii. Cat. Bibl. Thuaneae.*

1661.

Coloniae. 12. Idem libri. *Hendreich.*

1665.

Lugduni. 24. Idem libri. *Cat. Bibl. Nic. Rossii.*

1675.

Lugd. Bat. ap. Elzevir. 12. S. Augustini Confessionum libri. Profert *Debure* in *Bibliogr. instr.* T.I. p. 249. adde *Cat. Duris de la Valiere.*

1679.

Bruxellis. 8. Idem libri per eundem *Sommali* recensiti.

1685.

Augustae Vindelicorum. S. Augustini Confessionum liber octauus ex *Sommalii* recensione *Ext. in* Pio Literati hominis secessu *Theoph. Spizeli* a pag. 42.

1687.

Parisiis ap. Io. Bapt. Coignard. 12. S. Augustini libri XIII. Confessionum emendatissimi et notis illustrati, cum nouis in singula capita argumentis.

1699.

Antuerpiae vel Coloniae Agr. apud Corn. a Egmond. 24. Idem libri. Ita plane proferunt *Colonienses.*

SAEC. XVIII.

1740.

Antuerpiae apud Gotthard. Ioa. Püttnerum. 8.
D. A. Aug. Confess. l. XIII. studio Sommalii. Binis
columnis paginae impressae sunt.

1743.

Antuerpiae. . . . f. S. Augustini Acta priora
sive prima vitae pars S. Doctoris ab infantia usque ad
33. aet. annos excerpta ex IX. prioribus libris Confes-
sionum. *Ext. in Actis SS. Augustini tomo VI. p.*
387. sqq.

1757.

Florentiae ex typographio Petri Caietani Vi-
viani, ad insigne Iani. S. Aur. Augustini, Hipp.
Ep. Confessionum libri tredecim vario Commenta-
riorum genere illustrati, ab aemulorum obtrectato-
rum vel datis, vel dandis, seu conviciis, seu Cen-
suris, seu etiam Cauillationibus vindicati et expediti
opera et studio FR. ARCHANGELI A PRAESEN-
TATIONE *Sacerd. Professi Carmelitae Excalceati*
Theol. et S. S. Lectoris.

1776.

Parisiis, typis Philippi-Dionysii Pierres, via
San. Iacobeâ. 16. Divi Aurelii Augustini, Hippo-
nensis Episcopi, Confessionum libri tredecim. Ad
calcem additae sunt Variæ Lectiones.

Editio nitidissima, accuratissima atque emenda-
tissima, in qua nihil omissum, quod ad partes typo-
graphicas et emendationem pertinet. Quippe non
solum ad impressa melioris notae exacta fuit, sed
collata est etiam cum codicibus manuscriptis Biblio-
thecarum, Regiae ac San. Genesevanae, quorum
omnium *Variantes* copiosissimae diligentia insupe-

rabili viri cuiusdam docti *L. St. Rondet*, cuius eximias in hoc genere virtutes in praefamine debita laude prosequitur Typographus, excerptae ad Calcem extant. Interspersae etiam sunt notulae quaedam; addita *librorum et capitum summaria* summa cura confecta, ut et ab initio *Augustiniani Annales*, *sive Compendiosa D. Augustini Vita cum suis annorum notis*. Idem Typographus pollicitus erat, se, si lectores huic eius suscepto et specimini fauerent, ad alia Patrum Latinorum scripta minora simili nitore ac castigatione foras danda perrecturum: quod eius promissum successum habuerit, nec ne, ignoro. Codicum vero, qui hoc loco usum praestiterunt, elenchum infra dabimus.



VERSIONES. Extant *Italicæ*, *Hispanicae*, *Lusitanicae*, *Gallicae*, *Anglicae*, *Germanicae*. Nec vero mirabitur quispiam viri tam eximie, ne dicam tanta adoratione culti vitam ab ipso tam insigni arte ingenioque superante perscriptam a multis cum voluptate esse lectitatam. Immo summis etiam per proxima abhinc tempora viris adeo placuit sancti doctoris institutum, ut imitari non indignum ducerent, id quod Petrarcha, Huetius, et nuperrime, qui nomen etiam traduxit, Russavius, quisque pro ingenio suo modo pressius, modo ex longinquo Augustinum secuti, effecerunt. Singulas ergo ordine indicato enumerabimus.

Italicæ.

1564.

In *Venetia presso Bolognino Zaltieri*. 4. Le divote confessioni del Diuino Padre S. Agostino tradote (*sic*) per l'eccellente Medico M. *Vincenzo Buon-di*. cf. Cat. Bibl. Creuennae nouiss.

1595.

1595.

Roma nella Tipografia Medicea, appresso Giacomo Luna. 4. Confessione di S. Agostino tradotti di Latino in Italiano per il S. Giulio Mazzini nobile Bresciano. Ed con alcune annotazioni dal medesimo illustrati così, nelle margini, come nel fine de' Capitoli ecc. *Cat. Bibl. Casanat. et Creuennae nouiss.*

1620.

Milano per Gio. Batt. Bidelli. 4. I tredici libri ecc. eiusdem versionis. Cf. *Bibl. degli Aut. volg. saepius a nobis laudata.*

1760.

In Venezia. appresso Marzellino Piotto. 4. Delle Confessioni di Sant' Aur. Agostino Vesc. di Bona, libri tredici da copiosi Commentari illustrati e dalle censure degli avversari difesi: e volgarizzati del P. *Giangiuseppe da S. Anna*, Carmelitano scalzo della prouincia di Venezia.

Immensa notarum ex omni Commentatorum populo colluues. Imprimis Coloniensem interpretationem Henr. Wagnereck studiose excerptit.

Philippus Alegambius ex S. I. in *Bibl. SS. Soc. Iesu* nouissime Romae 1676. a *Nathanaele Soluello* edita p. 830. in recensu librorum tacitis auctorum nominibus a commilitonibus S. I. editis notat etiam *Confessiones Augustini Italice redditae* auctore *Iacobo Fuligato*, idque transcripserunt *Hendreichius* in *Pandectas Brandeb. et Colonieneses* in *M. Bibliothecam Ecclesiasticam*; sed neuter illam vidit, neque ego quidem eiusmodi versionem, quae intra annos 1624-1653. prodire debuisset, uspiam memoratam inueni.

Hispanicam versionem Confessionum, Meditationum, Soliloquiorum et Manualis D. Augustini curavit *Petrus Ribadeneira* Toletanus ex S. I. Matriti 1598. II. Tomis, quae repetita est in *Operibus eiusdem* Matriti 1604. f. editis P. III. p. 633. sqq. Hendreich in Pand. Brandeb. Hispanicam commemorat *Bruxellis* 1674. 24. Sed illius auctoritatem parui pendendam esse crebro usu edoctus sum.

Lusitanice conuertit *Sebast. Toscano* siue *Tuscanus* Eremita Augustinianus Portuensis, cuius versionis duas editiones *Antuerpiae* 1555. et *Coloniae* 1556. prodidit *Nic. Anton* in *Bibl. Hisp.* T. II. p. 186. Hendreich l. l. perperam tanquam Hispanicam citat.

Gallicae.

Primam laudant Colonienfes *Parisiensem* 1609. 8. cum Annotat. *Hernequinii*. Hanc subsecuta est versio *Renati Ceriserii* (*René de Ceriziers*) ex S. I. quam *Lugduni* 1649. 12. et 1650. 24. prodiisse iidem referunt. Nos recentiore deinde ostendemus. Successerunt *Arnaldus Andilliacensis* eodem a. 1649. et nouissimus *Daboifus*, qui absque Codicum MSS. subsidio sola ingenii sagacitate et eruditione accurataque sententiarum Augustini cognitione fretus, plurima feliciter correxisse dicitur. Vtriusque opera frequentissime typis est descripta, ex quibus ea, quae nobis disquirentibus se obtulerunt, iam enumerabimus.

1649.

Paris chez Veuve Jean Camusat. 12. Les confessions de S. Augustin, traduites en françois par *Robert Arnould d'Andilly*. Eadem repetitae apud eodem bibliopolas a. 1651.

1659.

1659.

Paris chez Pierre le Petit. 8. Les confessions de S. Augustin, traduites en François par *Robert Arnould d'Andilly*, septieme edition avec le Latin à coté, reveu et corrigé sur XII. anciens MSS., et des notes à la fin, où l'on rend raison des principales corrections par Antoine Arnould, Docteur de Sorbonne. Eandem ab eodem typographo a. 1656. 12. excusam laudat *Cat. Bibl. Casanat. Hendreichius* quoque repetitiones annorum 1653. 1660 et 1665. notat.

1675.

A Paris chez Pierre le Petit. 8. Les Confessions de S. Augustin traduites en François par Mons. *Arnould d'Andilly*. nouv. ed. *Hendreichius in Pand. Brandeb.* commemorat versionem factam *par les Messieurs de Port Royal* et impressam hoc anno Bruxellis 12. Editiones item a. 1671. Parisiis 12. nec non Bruxellis 1691. 8. factas se vidisse testantur Colonienfes p. 734. n. 68.

1688.

Paris chez Jean Bapt. Coignard. 4. Les Confessions de S. Augustin, traduction nouvelle sur l'edition Latine des PP. Benedictins, avec des notes et des nouveaux sommaires des chapitres par *Philippe Goibaud du Bois*. Prima lucem vidit a. 1686. Eadem vero apud eosdem bibliopolas repetita a. 1700 et 1716.

1690.

Bruxelles chez François Foppens. 8. La Conversion de S. Augustin décrite par lui-même (liber VIII et IX. Confessionum).

1703.

Paris chez Chart. Robustel. 12. Les confessions de S. Augustin abregées, où l'on n'a mis que ce qui est le plus touchant et le plus à la portée de tout le monde, traduction nouvelle par Simon Michel Treuvé.

1709.

Paris chez Nic. le Gras. 12. Les confessions de S. Augustin, traduites en François par le P. René de Ceriziers.

1719.

Paris chez Phil. Nic. Lottin. 12. Les Confessions de S. Augustin abregées etc. v. ad a. 1703. Sed nomen interpretis abest. Journal des Sçav. Mai 1719. Bibl. Colon.

1722.

Paris chez Jean Bapt. Coignard. 12. Repetitio superioris quartae editionis versionis Duboifianae.

1740.

Paris. 8. Iidem libri per Arn. d' Andilly.

1743.

Paris chez P. G. le Mercier. 8. Les Confessions de S. Augustin traduites en françois sur l'edition latine des PP. Benedictins de la Congregation de Saint Maur, avec des Notes et des nouveaux Sommaires des Chapitres par M. Du Bois, de l'Acad. Franc. nouv. Ed.

Anglica.

1650.

*London. 12. Saint Augustines confessions translated and, with some marginal notes illustrated:
by*

by WILLIAM WATS: ou, Confessions de S. Augustin, traduites en Anglois, avec des notes par Guil. Wats. *Cat. Bibl. Reg.* Eandem versionem iam a. 1631. Londini octonis editam prodidit *Cat. Bibl. Bodl.*

Germanica.

1673.

Cölln b. Willh. Friesen. 12. Des heyligen vnd Hoherleuchten Vatters Augustini Bischoffs zu Hippon vnd furtrefflichen Kirchenlehrers Dreyzehn Bucher der Bekandtnüssen. — Titulum iusto verbosiores, quantum licuit, contraximus.



CODICES, qui in nouissima eaque elegantissima Parisiensi horum librorum descriptione sunt adhibiti.

Codices Regii:

- I. num. 1807. *Colbertinus*. Libros XIII. integros complectitur, sed vltimus ceteros praecedat. Tribuitur Saec. XIII.
- II. num. 1911. Libri XIII. integri. Tribuitur Saec. IX.
- III. num. 1912. Libri XIII. integri. Tribuitur Saec. IX.
- IV. num. 1913. *Colbertinus*, complectens libros XIII. sed deficientibus foliis a Libro VII. cap. VI. n. 4. ad Librum VIII. cap. V. n. 3. Tribuitur Saec. IX.
- V. num. 1913. A. *Colbertinus*. Libri XIII. integri. Tribuitur Saec. IX.
- VI. num. 1914. *Colbertinus*. Libri XIII. integri. Tribuitur Saec. XI. Hunc integrum legisse se testatur Rondetius.
- VII. num. 1915. *Colbertinus*. Libri XIII: sed deficient folia priora vsque ad Libri I. cap. XVI. n. 3. Tribuitur Saec. XII.

- VIII. num. 1916. *Colbertinus*. Libri XIII. integri. Tribuitur Saec. XIII.
- IX. num. 1917. Libri XIII. sed deficientibus foliis aliquot libri IX. a cap. IV. n. 2. ad cap. IX. n. 1. Tribuitur Saec. XIII.
- X. num. 1918. *Tellerianus*. Libri XIII. integri. Tribuitur Saec. XIII.
- XI. num. 1919. *Colbertinus*. Sub titulo *Confessionum* aliud opus est, maiorem habens affinitatem cum libro *Meditationum*; sed ab utroque pariter diuersum. Sed cum inserta quaedam *Confessionum* fragmenta in eo reperirentur, ex iisdem singularia quaedam haurire licuit. Tribuitur Saec. XIV.
- XII. num. 1948. Libri tredecim in fine mutili, in cap. XXXVI. libri ultimi. Tribuitur Saec. XIV.
- XIII. num. 2375. Libri XIII. integri. Tribuitur Saec. XIV.
- XIV. num. 2694. Libri XIII. sed ab initio et in fine truncati. Tribuitur Saec. XIII.
- XV. num. 5296. *Colbertinus*. Fragmentum Libri I. ab initio vsque ad cap. XI. n. 1. Videtur tribuendum Saec. IX.

Codex Genofeuanus:

- XVI. num. 34. Libri tredecim, sed lacunis quibusdam libro X. XI. XII. XV. et ultimo, adfecti. Tribuendus Saec. XIV. Etiam hunc totum legisse affirmat *Rondet*.



S. Augustini Confessionum Flosculi resectis rerum difficultum spinis et in sex areolas distributi. Lugduni 1618. 24. et Coloniae 1620. 12. *Coloniens.* et *Hendreich*.

(38) *De Natura Boni liber.*

Gallice versus iuxta Benedictinorum editionem insertus est in libro, cui titulus: *La Distinction et la nature du bien et du mal* etc. Paris. 1704. 12. Vide *Colonienses*, qui de eodem libro lectores ad sequentem Bibliothecae suae, sed qui nunquam prodiit, tomum remittunt.

(41) *Quaestionum Evangelicarum XCVIII. l. II.*

Insunt in *Opere Quaestionum D. Augustini* edito Lugduni a. 1497. de quo supra. A *Coloniensibus* affertur hoc loco *Augustinus in Nouum Testamentum*, Paris 1619. nec non Gallica eiusdem versio in *Explication de St. Augustin, et des autres Peres Latins sur le Nouveau Testament*. Paris 1675. 8. nec non alia, modo recte mentem eorum ceperim, versio gallica edita Lugduni apud Plaignard 1694. 8. IV. Voll.

(43) *De catechizandis rudibus.*

1678.

Paris chez André Pralard. 12. Les livres de S. Augustin de la maniere d'enseigner les principes de la religion chretienne à ceux qui n'en sont pas encore instruits; de la vertu de continence et de temperance; de la patience et contre le mensonge: traduits en François.

(44) *De Trinitate libri XV.*

1489.

Mediolani per Leon. Pachel. f. S. Augustini libri XV. de SS. Trinitate; in fine: *mediolani impressus per magistrum Leonardum Pachel. Anno a natiuitate domini nostri iesu christi millesimo quadringentesimo octuagesimo nono septimo Kalendas Iunii.*

Excusi

Excusi sunt hi libri vna cum Hilario de Trinitate vnoque plerumque volumine inclusi occurrunt Cf. T. I. p. 279. Aucta nempe ultimi eius voluminis, quod Hilarium complectitur, pagina registrum chartarum vtriusque operis praebet. Impressa vero sunt caractere gothico minuscule duabus columnis in charta nitida ac firma. Initiales literae paruae. Paginarum foliorumue notae desunt. Describit Braunius l. l. T. II. p. 187.

1489.

Basil. per Io. Amerbach. f. Augustinus de Trinitate. *In fine libri XV.* Aurelii-Augustini de Trinitate liber explicitus est. Anno domini M.CCCC. LXXXIX. Sequitur proxime *tabula* in libros praecedentes, in cuius calce decem disticha, quorum initium: *Aequora si penetrat Cyclops* etc. Postremum ita sonat:

*Numine sancte tuo pater o tueare Ioannem
De amerbach: presens qui tibi pressit opus.*

Character gothico binis columnis impressum est ut pleraque Amerbachii. Plerumque vna cum libris de Ciuitate Dei per eundem h. a. impressis compactum cernitur.

1490.

Basil. per Io. Amerbach. f. Augustinus de Trinitate. Concordant omnia cum praecedente accuratissime. Character luculentior et aequalior. Commemorant eandem *Denis Garell. Bibl.* p. 135. et *Gemeiner Regensb. Stadtbibl.* p. 197. *Gesner Lübeck. Stadtbibl.* p. 51. Vberius descripsit *Masch Beytrr. z. Gesch. merkw. Bb. St. II.* p. 73. sq.

1494.

1494.

S. loco. f. Augustinus de Trinitate. Editionem Amerbachianam refert, sed versus in fine tabulae desunt. Nisi me fallit iudicium Friburgi, hi libri excusi sunt per eosdem typographos, qui hoc anno quoque opus *de Ciuitate Dei* dederunt.

Sine anno

et loco. f. (Augustinus de Trinitate.) *Incipit* statim a Sententia beati Augustini de libro Retractationum. *In fine:* Aurelii Augustini episcopi liber de Trinitate finit feliciter.

Volumen caractere gothico magno admodum eleganti ac nitido, lineis late, aequaliter tamen distantibus impressum est. Charta candida ac densa, folia maximi moduli sunt, columnae binae, margines lati. Absunt omnes signaturae ac numeri.

Sine anno

loco et typographo. fol. max. B. Augustini de Trinitate liber (libri XV.) *In fine:* Aurelii Augustini episcopi liber de trinitate finit feliciter.

Vetustissimi huius iuxta quam rarissimi libri descriptionibus, quas primus omnium *Denisus* in *Bibl. Garell.* p. 37. et post eum *Seemillerus* in *Incunabb. typ. Ingolst. Fasc. I.* p. 34. harum deliciarum amatoribus obtulerunt, adeo satisfactum cognoscendi eorum studio vidimus, ut quid a nobis addi ultra posset, quantumvis curiosa comparatione vix inueniremus. Constat autem volumen hoc foliis CV. maximi moduli, impressum paginis sectis, lineis XLVII. quas margines amplissimi et lata interstitia condecorant. Chartae densae sunt, sed paulo crudiores, nec candidae satis. Character gothicus grandis et aliquanto pinguior. Desunt numeri, signaturae, custo-

custodes, item literae initiales librorum et capitum, quas quidem nostrum exemplar minio habet appictas. Capita tamen vnius aut duarum linearum spatiis inter se distant, eorumque argumenta ante libri cuiusque initium summam indicantur. Incipit totum a *Sententia beati augustini de libro retractionum* (sic), quam *Epistola augustini aurelii yponensis episcopi ad aurelium episcopum cartaginensem ecclesie*, mox, capitulis praemissis, ipsius libri primi initium sequitur. Exemplo, quod celeb. Denisius describit, coaeui cuiusdam manus adposuerat annum 1471. illud vero, quod Seemillerus manibus versauit anno 1478. Doctor Georgius Fingel, Prof. Theol. Ingolst. octo florenis comparauerat. Ceterum plures lectiones ab editione Benedictina et Antuerpiensi discrepantes hanc editionem exhibere Denisius significauit et exemplis quibusdam additis comprobauit, nec non prooemiorum ratione et distributione capitum differre vtramque obseruauit, quod, quoniam omnes haecenus bibliographos fugerit, non negligendum est. cf. *Braun Not. H. Lit.* p. 82.

Sine anno.

Venetis per Paganinum de Paganinis. 4. S. Augustini de Trinitate libri XV. adiectis eiusdem argumenti libris Hilarii. cf. *T.I.* p. 280.

SAEC. XVI.

1515.

Basil. per Io. Ad. de Langendorff. f. D. Aug. Hipp. Ep. de summa Trinitate que deus (sic): Ad Aurelium, Carthaginensem Episcopum: Libri quindecim: opus prorsus diuinum: et cui laus omnis inferior, ubi peruersa haereticorum dogmata: disputationibus doctissimis confutatis profunda mysteria in-
attin-

attingibilis diuinitatis mira ingenii claritate aperuit. Cui *Theologice veritates* illuminati doctoris *Francisci Maronis* aptissime connectuntur. Iuxta insigne typographi: Anno M.D.XV. Infra: *Directorium*. Vide ed. librorum *de Ciuitate Dei* per eundem typographum, vbi quae dicta sunt, de hac etiam dicta putes. In subscriptione notatus annus M.D.XIII. Calendae Iuniae. In auersa tituli pagina brevis Io. Amerbachii ad lectorem praefatio extat, sed quae solas librorum Augustini laudes tractat.

1520.

Lugdun. aere et impen. Io. Koburger; arte tamen ac cura Iac. Saccon. f. S. Augustini de Trinitate libri XV. quibus Theologicae veritates illuminati doctoris Francisci Maronis connectuntur. Vna cum libris Augustini de Ciuitate Dei plerumque circumferri solent. Cat. Bibl. Casanat. T.I. pag. 342.

VERSIONES.

Graece conuertisse dicitur hos libros Maximus Planudes, cuius *capita nonnulla*, quae probant Sp. S. etiam ex Filio procedere, extant inter *Opuscula Aurea Theologica quorundam* (sequiorum) *Graecorum* de Process. Sp. S. collecta a P. Arcudio, edita *Romae typis S. C. de propag. fide. 4. a pag. 187.* Eadem iam a. 1630. ibidem edita esse, quin etiam multo prius 1578. Basileae 8. gr. lat. per Io. Leunclauium fuisse publicata ex *Whartoni ad Caueum* Supplementis, monent Colonienfes. Sed Leunclauii opus dubito an huc trahi possit, quod aliunde memoria teneo ibidem capita aliquot de Trinitate ex libro *de verae vitae cognitione* extare, quae ab Arcudio pariter in opus laudatum p. 672. relata sunt.

De

De Gallica versione, cuius *Crucius Cenomanensis* meminit, recte statuunt Colonienfes, libros de Trinitate cum libris de Ciuitate Dei, ad quos versio ista spectat, ab eo esse confusos.

(45) *De consensu quatuor Euangelistarum l. IV.*

Sine anno

loco et typogr. f. De consensu quatuor euangelistarum. Volumen caractere gothico admodum luculento et aequali, in charta candida et densa, binis columnis amplo spatio secretis impressum, quod in duplo seruat Bibliotheca Regia Academiae nostrae, haud dubie Italiam patriam agnoscit. Incipit ab ipsius Augustini super hoc opere in libris Retractationum testimonio, quod statim libri primi initium subsequitur. Secundo autem, tertio et quarto libro praemittuntur capitula, id est summaria cuiusvis capituli. In fine: *Explicit feliciter liber quartus Aurelii Augustini yponiensis Episcopi De consensu sanctorum quattuor Euangelistarum. Deo gratias.* Plagulas quaternas numerat a - l. Aliae notae desunt. Literis initialibus spatium plane vacuum est relictum.

1473.

Lauringae absque typogr. indicio. f. Liber beati yponensis episcopi Augustini de consensu Euangelistarum in quatuor libros incipit feliciter: Sic in ipsa libri fronte legitur. In fine: *Liber. Beati. Augustini. Yponensis Episcopi de Consensu euangelistarum. explicit feliciter. In ciuitate. Lauringen. Impressus. Anno a partu Virginis salutifero. Millesimo. quadringentesimo septuagesimo tercio. Pridie. Idus. Aprilis.* Constat haec editio foliis CV. literis rotundis ac nitidis impressum, absque custodibus, numeris, signaturis, literis initialibus ac titulis. Descripsit

psit Cl. Braun in *Not. H. Lit.* (1788.) p. 154. Rarissimam esse complures testati sunt Bibliographi, quos etiam Braunius laudat.

1538.

Paris 12. D. Aur. Augustinus de consensu Evangelistarum. *Mus. Britt.*

1539.

Coloniae ex off. Heron. Alopecii. 8. D. Aur. Aug. de consensu Evangelistarum libri quatuor. *Catal. Bunav.*



Gollicam huius operis *versionem* Lugd. 1526. 8. memorat Jac. le Long in *Bibl. Sacr.* p. 619. *Colon.*

(52) *De S. Virginitate.*

1562.

Romae op. Paul. Manutium. . . . S. Augustini liber de S. Virginitate. *Ext.* inter Opuscula SS. DD. Ambrosii, Hieronymi et Augustini de Virginitate.

1638.

Paris chez Jean Camusat. 8. De la sainte virginité, discours traduit de S. Augustin, avec des remarques pour la clarté de la doctrine par Claude Seguenot (cuius sub nomine latuisse ferunt Ioannem du Verges de Hauranne, Abbatem San-Cyranum). Pertinet ad hunc librum: *Censura S. Facultatis Theologicae Parisiensis, lata in librum, qui inscribitur: De la sainte virginité etc.* *Paris apud Adrian Tappinort* 1638. 4. Cf. *Bibl. Iansen.* p. 198. a. 1722.

Huc etiam referas:

1680.

Paris chez Helie Joffet. 12. Traitez de morale de S. Augustin, pour tous les etats, qui composent le corps de l'Eglise, sçavoir I. de la Ste virginité, pour les vierges; II. du bien de la viduité; III. de la maniere dont on doit prier Dieu pour les veuves; IV. du bien de mariage; V. du mariage et de la concupisence: traduits en François par Mr. Jean Hamon.

(55) *De vnitae Ecclesiae.*

1602.

Moguntiae S. Augustini liber seu Epistola de vnitae Ecclesiae contra Petiliani Donat. Epistolam, Argumentis, Notis atque Analyfi illustrata, studio Iusti Caluini. Extat in Eiusdem Praescriptionum aduersus Haerett. Tractt. a pag. 249. In Cat. Bibl. Bodl. idem liber praefixo a. 1605. laudatur, vt semel iam a nobis monitum.

1657.

Helmaestadii ex typogr. Calixt. 8. SS. Cypriani et Augustini de vnitae Ecclesiae tractatus. Accedit GEORGII CALIXTI, S. Theol. Doct. et in Acad. Iulia Prof. primarii, in eorundem librorum lectionem Introductionis fragmentum, edente Frid. Vlrico CALIXTO, Georgii filio.

1690.

Vltraiecti apud viduam Guil. Clerck. 4. Aurelii Augustini, Episcopi Hipponensis, Liber de Vnitae Ecclesiae contra Donatistas. Ext. cum Commentariis vberrimis et vtilissimis in Melchioris LEYDECKERI Historia illustrata Ecclesiae Africanae, cuius

cuius totum paene totum secundum constituit inscriptum: *Tomus Secundus ad Librum Augustini de Unitate Ecclesiae contra Donatistas, de Principiis Ecclesiae Africanæ, illiusque fide in Articulis de Capite Christo et Ecclesia, de Unitate et Schismate, plurimisque Religionis Christianae capitibus agit.*



Gallice vertit notulasque ad difficiliorum locorum intelligentiam adpersit *Jac. Tigeou*, Andegauensis, Theol. Doctor et Canonicus Ecclesiae Cathedralis Metensis, quae illius versio prodiit *Rhemis* 1567. 8. sub tit. *Epistre ou le Livre de St. Augustin de l' Unité de l' Eglise, contre Petilien, Evesque Donatiste, avec certaines observations pour entendre les lieux plus difficiles; imprimé à Reims par Jean de Foigny. Cf. Duverdier ed. de Juvigny. T. IV. p. 314.*

(67) *De Spiritu et Litera liber.*

SAEC. XV.

Sine anno

Idem et typogr. 4. S. Augustini liber de Spiritu et Litera. Adiectus est Tractatus anonymi de periculis, quae contingunt circa Sacramentum Eucharistiae, cui adnexa est resolutio quaestionis: utrum suffragia facta pro multis aequaliter profint singulis?

Exhibet Cl. *Seemiller fasc. I. p. 191.* Totum volumen foliis XXXIII. conficitur, exscriptum caractere gothico, quem alius comparatione ibidem propius declaravit. Lineae XXVIII paginam faciunt. Numeri, signaturae, custodes, initiales literae et tituli desunt, nisi quod ab initio legitur: *Incipit prologus beati Augustini Episcopi in libro (sic) de Spi-*

ritu et litera; et in fine libri, qui in primam paginam folii XXXV. incidit:

*Explicit liber Beati Augustini
episcopi de spiritu et litera.*

S A E C. XVI.

1524.

Norimbergae. . . . D. Aur. Augustini de Spiritu et litera liber vnus. Laudant *Colonienses*.

1527.

Coloniae apud Heronem Alopecium. 8. D. Aur. Augustini de Spiritu et litera liber vnus. Eandem editionem sub anno 1528. profert *Offinger* in *Bibl. Augustin.*

1538.

Parisis apud Ioan. Roigny. 16. Idem liber. *Offinger*.



Parisis apud Anton. Augarellum sub inter signo. D. Iacobi, via ad S. Iacobum. . . . S. Aur. Augustini de Spiritu et litera liber vnus vna cum epistola ad Sixtum Presbyterum aduersus Pelagianorum argumenta.

1542.

Parisis. . . . 8. Idem liber. Vidisse se testatur auctor *Coloniensis*.

1545.

Wittenbergae impressit Iosephus Klug. 8. Augustini, Hipponensis (*sic*) Episcopi, liber de Spiritu et litera. Cum praefatione et praemonitione lectoris. Nescio an fallitur *Hendreichius* in *Pand. Brandeb.* p. 341. editionem Vitebergensem a. 1548. laudans

1568.

Antuerpiae. 16. S. Aur. Aug. de Spiritu et littera ad Marcellinum liber vnus. Eiusdem de natura et gratia. Item de fide et operibus. *Colonienses* ex *Lipenio* et *Becmanni Cat. Bibl. Francof.* p. 35. quibus adde *Hendreichium l. l.*

SAEC. XVIII.

1767.

Lipsiae apud Io. Frid. Witzleben. 8. Aur. Augustini, Hipp. Ep. de Spiritu et Littera ad Marcellinum liber vnus e recensione Benedictinorum e Congreg. S. Mauri Varietate Lectionum animaduersionibusque breuibus illustratus ab *Io. Christ. Beniam. Teegio.* S. S. Theol. Cult.

In praefatione pauca de occasione libelli huius itemque de editionibus ac recensione eius monentur, vbi etiam ad aliorum librorum singulatim editorum mentionem decurrit. Inscriptis Erdm. Rudolpho Fischero, Theologo Coburgensi.

1770.

Lipsiae apud Ioh. Frid. Langenhemium. 8. Aur. Aug. — de Sp. et literis ad M. liber vnus. — iterum edidit rel. *Io. Christ. Beniam. Teegius.* Scholae Sangerh. Col. III.

Correctiorem sese profitetur altera editio, aucta insuper indice rerum memorabilium.

VERSIONES.

Circumfertur *Italica* h. t.

1543.

Venezia per Comin da Trino. 8. Opera utilissima del B. Agostino V. I. de spiritu et littera chiamata,

mata, al B. Marcellino, novamente di latino in volgare tradotta.

Gallice etiam aliquoties conuersa est, vt sequentia testari possunt.

1547.

Lyon par Jean Pitier. 16. Le livre de l'Esprit et de la Lettre de S. Augustin, traduit par Jacques le Conte. cf. Duverdier ed. noua. T. IV. p. 274.

1551.

Paris de l'imprimerie de Mich. Vofcan. 4. Opusculum de St. Augustin Evêque de Hyppone en Afrique de l'Esprit et de la lettre traduit par Valentin du Caunoy. Maitt. P. II. T. III. p. 598. Duverdier ed. noua T. IV. p. 439.

1700.

Paris chez Jean Bapt. Coignard. 12. Le livre de S. Augustin de l'esprit et de la lettre, traduit en François sur l'edition des PP. Benedictins, par Philippe Goibaud du Bois.

(68) *De fide et operibus liber I.*

1473.

Coloniae. . . . 4. B. Augustini liber de fide et operibus. Cat. Bibl. Bodlei.

1523.

Argentorati ex officina litteraria Ingeniosi viri Io. Grieninger. 4. Diui Augustini libellus aureus de fide et operibus: Extat cum *Isidoro de sectis et nominibus haereticorum*, item Hieronymi libro de perp. Virg. Mariae et Epistola eius contra Vigilantium iunctim editis ab Hier. Gebwiler, cathedralis aedis Arg. Litterarii Ludimagistro. fol. V - XXVI.

Augu-

* *

Augustae Vindelic. 8. D. Aur. Aug. liber de fide et operibus. *M. Bibl. Eccl. Col.* p. 737.

1528.

(Coloniae.) Excudebat Eucharis Cericornius.
8. D. Aur. Augustini de fide et operibus liber vnus. Occurrit subinde compactus cum libro eiusdem *de natura et gratia* ex eadem officina.

1534.

Paris apud Ioannem Roigny. 16. D. Aug. liber de fide et operibus. *Maitt. T. II. P. II.* p. 799. ed. 2.

1539.

Lipsiae. 8. B. Aur. Aug. liber de fide et operibus cum praefatione *Georgii Wicelii.* cf. *Berthmanni Cat. Bibl. Francof.* p. 35. vnde iam laudarunt *Hendreichius* et *Colonienses.*

1552.

Coloniae apud Petrum Horst. 8. Idem liber cum *Enchiridio* eiusdem vide suo loco.

1568.

Antuerpiae. 8. Idem liber laudantibus *Coloniensibus* l. l.

1652.

Francof. ad M. et Rintelii. 8. S. Aur. Augustini — liber de fide et operibus. Edente *Ioan. Hennichio.* Cum dissertatione eiusdem argumenti eodem auctore. *Hendreich. in Pand. Brandeb.* p. 342.

* *

1545.

Venezia per Comin da Trino. 8. Il libro del B. Agostino V. I. della Fede e dell' opere, di latino in volgare novamente tradotto.

(72) *De natura et gratia.*

1524.

Norimbergae. 8. D. Aur. Augustini de natura et gratia liber vnus. Notatur a *Coloniensibus*.

1528.

Eucharis Cernicornius excudebat. In fine: *Apud S. Coloniam impensa M. Godefridi Hyttorpii, ciuis Agrippinensis celeberrimi.* 8. D. Aur. Aug. de Natura et Gratia liber vnus. Praefatus est paucis verbis *Io. Petreius*.

1568.

Antuerpiae ap. Gymnicum. 8. D. Aur. Aug. liber de Natura et Gratia. *M. Bibl. Eccl. Col.* p. 737. quae si vera prodidit, accenseri debet haec editio rarissimis, paucis nimirum libris iis, quos Antuerpiae Ioannis Gymnici celebris quondam typographi Colonienfis impensis impressi sunt. Sic enim statuere malim, quam cum Maettario Gymnicum ipsum Antuerpia Coloniam migrantem facere, cum ex Annalibus etiam constet, eum iam anno 1535. Coloniae prelum exercuisse, adeoque non post annum 1540. demum, cuius anni editionem Antuerpiensem Maettarius commemorat, domicilium ibi figere potuit.



Conuersus est hic liber in linguam *Italicam* h. t.

1545.

Venezia per Comin da Trino. 8. Il libro del B. Agostino Vescovo Ipponense, di natura e grazia, contra Pelagiani; di latino in volgare novamente tradotto.

(74) *De Ciuitate Dei Libri XXII.*

SAEC. XV.

1467.

*E Monasterio Sublacensi. f. max. S. Aur. Augu-
stini de Ciuitate Dei libri XXII. In calce:*

AVRELII AVGVSTINI. doctoris egregii
atque Episcopi ypponenſis de ciuitate dei liber
vicesimusssecundus explicit contra paganos. Sub
anno a natiuitate domini M.CCCC.LXVII.
Pontificat9 PAULI Papae secundi anno eius
tertio. Tertio regnante Romanorum Impera-
tore FRIDERICO. Indictione XV. die vero
duodecima mensis Iunii

DEO GRATIAS

GOD

AL.

Impresserunt Conradus Sw. et Arnoldus Pannartz
inuante haud dubie viro aliquo solerti, cuius nomen
in literis GOD AL. insidere tam facile sibi omnes
persuadent, quam operam in explicandis eorum my-
steriis perdunt *). Paginae in duas columnas linea-
rum 44. impressae sunt, quas ampli margines am-
biunt. Praecedunt XII. Rubricarum folia. cf. *Au-
diff.* p. 6. Recensent etiam *Debye Bibliogr. instr.*
T.I. p. 243. Extabat in *Bibl. Ducis de la Valiere.*

1468.

*Romae in domo petri de Max. f. max. S. Augu-
stini de Civ. Dei libri XXII. In Calce: Hoc Conra-
R 5 dus*

*) *Lairius Gratias Omnipotenti Deo a Laudembachio*
interpretatur. Sed huic omnino obſtare videntur
verba *Deo gratias*, vt recte etiam Audiffredus
monuit. Probabilior *Petri Scriuerii* ſententia, *Go-
deſchalci* ſ. *Godofredi Alemanni* nomen ſubſtituen-
tis, videri poſſit.

duſopus etc. *In Domo Petri de Maximo*. M.CCCC. LXVIII. Huius editionis character, mea quidem ſententia, nitidior eſt, quam in Lactantio eiſdem anni. Sed textus inquinatio eſt et mendis ſcatet foediſſimis. Præcedunt XIV. folia rubricarum. Cf. *Debure Bibl. inſtr.*, *Cat. Bibl. Smithianæ* (Venet. 1755. 4.) p. 27. et *Bibl. Pinell. T.I.* p. 86.

1470.

Romæ apud eoſdem. f. max. S. Auguſtini de Civ. D. libri XXII. *In calce*: Aſpiciſ illuſtriſ etc. Audiffredus diligenti trium editionum Romanarum inter ſe comparatione citra omnem dubitationem poſuit, diuerſas inuicem eſſe atque ſingulatim iteratas. Atque hæc tertia etiam præcedente emendatio eſt et pleraque vitia eiſ abſterſit. Extabat in *Bibl. Pinell.*



Venetiis per Io. de Spira et Vindelinum fratrem.
f. Auguſtini libri XXII. de ciuitate Dei. In fine:

*Qui docuit Venetos exſcribi poſſe Iohannes,
Menſe fere trino centena volumina Plini,
Et totidem Magni Ciceronis Spira libelloſ
Ceperat Aureli, ſubita ſed morte peremptuſ,
Non potuit ceptum Venetiſ finire volumen,
Vindelinuſ adeſt eiſdem Frater et arte
Non minor Hadricaque morabitur Vrbe.*

M.CCCC. LXX.

Præcedit rubricarum tabula XIV. foliis. *Debure Bibliogr. inſtr. Biblioth. Smithiana. Cat. Bibl. Bunanav.* Laudant eandem *Cat. Bibl. Reg.* et *Bibl. Pinell.*

1473.

Moguntiae per Petr. Schoeffer de Gernsheim. f. II. Voll. B. Aur. Aug. libri XXII. de Ciuitate Dei
cum

cum *Thomae Valois* et *Nic. Triueth* commentariis. In fine rubris characteribus: *Igitur Aurelii Augustini* etc (cf. edit. Hieronymianam ib. a. 1470. per eund. typogr. excusam) *consummatum per Petrum Schoiffer de Gernzheim, anno Domini M. CCCC. LXXij die V. mensis septembris presidibus ecclesie kato-lice Sixto tercio Pontifice summo, sedi Ant. Moguntine Adolfo secundo presule magnifico tenente autem ac gubernante Christianisimi Monarchia Imperatore serenissimo Frederico tercio Cesare semper Augusto.*

Incipit a tabula capitum libri primi, quae una cum excerpto ex libris Retractionum uno folio comprehenditur. Tum sequitur ipsum Augustini opus totum intra hoc primum volumen absolutum, inque fine legitur: *Finito libro sit laus et gloria Christo.* Deinde initio impressum: *Textus sancti Augustini de Ciuitate Dei, Maguntiae impressus, expliciit feliciter, anno LXXij.* Alterum volumen complectitur commentaria supra laudata cum indice alphabetico. Ad utramque voluminis calcem finita subscriptione, more consueto, insignia typographi initio impressa cernuntur. *Debure Bibliogr. instr. Seemiller fasc. I. p. 49. Braun Not. H. Lit. (1788.) p. 159.*

Auctores vero horum Commentariorum, quae prima vice hic excusa sunt, Angli uterque fuerunt et de Praedicatorum ordine ambo. *Nicolaus Treueth* seu *Triuet*, vel etiam *Traueth*, origine Nortwieensis erat, natus circa annum 1258. vitaeque functus a. 1328. Commentatus est in omnes libros XXII. *Thomas Walleis* vero seu *Vallensis*, aliis *Gualois* vel corrupte *Valois*, haud dubie quod ex principatu Wallia oriundus esset, Theologiae Doctor Oxoniensis, diem suum obiit a. 1340. scripsitque Expositionem in decem primos libros e XXII. de Ciuitate Dei, quae

quae finitur in libro X. cap. 29. Vtriusque operam magni olim factam esse testantur innumera MSS. quae adhuc in bibliothecis Parisiensibus potissimum supersunt exempla, de quibus vid. *Echard* in SS. Ord. Praed. Tom. II. pag. 561 et 597. Creditum est aliquando, Treuethum et Thomam coniuncto studio istas lucubrationes composuisse, falso tamen. Nam ista coniunctio, quemadmodum etiam in hac prima editione obtinet, notariis debetur et omnibus codicibus MSS. est solemnis. Nicolai autem Treuethi expositio in X. priores libros nunquam prodiit atque hoc casu fortasse in perpetuum luci subtracta est. Cf. praeter laudatum Echardum locupletissimum in his auctorem, *Fabric. Bibl. Med. et Inf. Lat.*

1474.

Romae ap. Vdalr. Gallum. f. max. S. Augustini de Ciuitate Dei libri XXII. In calce: Presens Aurelii Augustini Hipponen Ep̃i de Ciuitate Dei preclarum opus: Alma in vrbe Roma totius mundi regina et dignissima imperatrice: que sicut ceteris vrbibus dignitate praeest: ita ingeniosis viris est referta: non attramento plumali calamo neque stilo ereo: sed artificiosa quadam adinventione seu caracterizandi sic effigiatum ad dei laudem industrieque est consummatum. per Vdalricum Gallum Almannum et Synonem Nicolai de Luca. Anno Domini M.CCCC.LXXIIII. die vero IIII. mensis Februarii, Pontificatu vero Sixti diuina (sic) prouidentia Pape quarti anno eius tertio.

Antecedunt rubricarum folia XIII. cum foliis duobus puris. Character non omnino tam luculentus est et magnus ac Romanarum editionum, sed longe contra aequalior.

1475.

1475.

Venetis ap. Nic. Ienson. f. S. Augustini de Ciuitate Dei libri XXII. In fine: Aurelii Augustini opus de ciuitate dei feliciter explicit: confectum venetiis ab egregio et diligēti magistro Nicolao ienson: Petro Mozenicho principe: Anno a natiuitate domini millesimo quadringentesimo septuagesimo quinto: sexto nonas octobres.

Impressum est columnis binis; incipit a *tabula capitum* IV. folia complectente. *Cat. Bibl. Ducis de la Valiere*, it. *Bibl. Smithianae*. Seruabat eandem olim *Bibl. Pinellii*, itemque vna cum sex praecedentibus *Bibl. Creuennae*. vid. *Cat. nouiss.*



Venetis per Gabrielem Petri de Taruisio. f. S. Augustini de Ciuitate Dei libri XXII. In fine: Aurelii Augustini de Ciuitate Dei Liber XXII. et ultimus feliciter finit. Impressumque est opus hoc a diligenti Magistro Gabriele Petri de Taruisio. M.CCCC. LXXV. existente Petro Mozenico Duce Venetiarum. Venetiis. Cat. Bibl. Bud. T. I. p. 89. vbi merito rarissimis libris accensetur. Ex Catalogo vero Bibl. Ducis de la Valiere discimus, binis columnis volumen esse impressum, praecedere materiarum tabulam XIV. foliis, signaturas esse a 1 - D secundi alphabeti. Memoratur etiam in Catalogo Bibl. Bodleianae ed. recent. p. 88. apud Denis. in Bibl. Garell. T. I. p. 135. Addatur Cl. Reuss in Bibl. Tubing. (1780.) p. 69.

1477.

Neapoli per Matthiam Morauum. f. min. S. Augustini de Ciuitate Dei libri XXII. In fine: Aurelii Augustini de Ciuitate Dei liber XXII. et ultimus feliciter

liciter explicat. Impressumque est opus hoc Neapoli a diligenti magistro Matthia Morano. Anno Christi. M.CCCC.LXXVII. Cat. Bibl. Ducis de la Valere.

1479.

Basileae per Mich. Wenzler. fol. Idem cum commentariis Thomae Valois et Nicolai Triueth. In fine caractere rubro impressum.

Igitur aurelij augustini ciuitatis orthodoxe fidei p̄fulgidi de ciuitate dei opus praeclarissimum. binis sacre pagine p̄fessoribus eximiis id commentantibus. rubricis tabulaeque discretum p̄celsa in urbe Basilicā. partium alemanie. quam non solum aeris clementia et fertilitas agri verum etiā imp̄mentium subtilitas reddit famantissimā. ad laudem trinitatis indiuidue ciuitatis dei p̄fidis. ingenio et industria Mihahelis Wenzler Anno salutis nostrae post. M. et CCCC.LXXIX. Viiij kl. aprilis operose est consummatum.

Subter his insigne typographi minio pariter refulget. Incipit a *Sententia Augustini ex libris retractionum*, quam statim tabula capitum libri primi sequitur, cuiusmodi vnique libro est praefixa. Post textum legitur subscriptio rubro item caractere exarata additoque infra typothetae insigni: *Textus sancti Augustini de ciuitate dei Basilea impressus. Explicat feliciter. Anno LXXIX.* Adhibiti sunt characteres gothici luculentae formae, in textu maiores, in Commentariis, qui pone sequuntur, longe minores. Columnae binae, prorsus absunt numeri, signaturae, custodes, literae initiales titulique. *De bure in Cat. Bibl. Ducis de la Valere. Seemiller Incunab. Ingolst. Fasc. II. p. 36. sq.*

[1482.]

[*Romae. . . . fol.*] Augustinus de Ciuitate Dei. Huiusce editionis memoria sola perstat apud *Labbeum Noua Bibl. MSS. p. 347. num. DCLXXXIX.* vnde *Maettarius* in forulos suos retulit *T. I. P. II. p. 435.* *Laerius* laudabat insuper eiusdem libri paginam 354. n. MXXIX. Sed perperam vt dudum solita acerbitate monuit *Audiffr. p. 252.*

1484.

[*Louanii. . . . f.* S. Augustini de Ciuitate Dei cum Comment. Th. Valois.] *Maitt. T. I. P. II. p. 455.* addito *Heidani* testimonio ex *Cat. p. 6. n. 121.* absque vberiore declaratione. Incertum ergo eundemne typographum, qui a. 1488. prelo eum commisit, an alium auctorem agnoscat.

1486.

Venetiis per Bonet. Locatellum. 4. B. Augustini libri XXII. de ciuitate Dei. In fine: *Opus de ciuitate Dei feliciter explicit: confectum Venetiis per Bonetum Locatellum, impendio et sumptibus Octavianii Scoti Modoetiensis. 1486. quinto Idibus Februarii. Cat. libr. rarior. Bibl. Budens. et Bibl. Pinell.*

1488.

Tholosae per Henricum Mayer Alamanum. (die XII. Octobris.) f. min. Thomae Valois et Nicolai Triueth Commentaria in libros S. Augustini de Ciuitate Dei, vna cum complemento fratris Nicolai Cerseth. Cf. *Cat. Bibl. Creuennae nouiss.*



Louanii per Ioannem Westfalensem. f. Augustini de Ciuitate Dei l. XXII. cum Comment. Th. Valois

Valois et Nic. Triueth. In fine: *Impressum in alma Vniuersitate Louanensi, quae Brabantiam haud paruum prae ceteris ornatam reddit, ingenio et industria Ioannis Westfalensis. Anno M.CCCC.LXXXVIII. XIIII. Calendas Octobris.*

Maittaire T.I. P.II. p. 493. Apud alios tamen bibliographos mentionem eius non inuenimus, nititurque adeo solius Maettarii fide, ex qua eandem editionem laudant Colonienfes, Ossingerus aliique.

1489.

Venetis typis Vincent. Octauiani Scoti. f. Augustinus de Ciuitate Dei cum commentariis Thomae Valois, siue Walleis et Nicolai Triueth. Cat. Bibl. Casanat. vnde suppleri poterit Maettarius T.I. P.II. p. 510.



Basil. ap. Io. Amerbachium. f. Augustinus de ciuitate dei cum commento. In fine:

Hoc opus exactum diuina arte Ioannis

Amerbacensis: lector ubique legas

Inuenis in textu glosis seu margine mirum:

Quo merito gaudet vrbs Basilea decus.

Anno salutiferi virginalis partus octogesimo nono supra millesimum quaterque centesimum Idibus Februarii.

Commentarii sunt Thomae Valois et Nicolai Triueth, sacrae paginae professorum ord. praedicat. Ac illius quidem notae in cap. 29. libri X. deficiunt; reliqua per Nicolaum Triueth sunt conscripta. A Nicolao quoque profecta est tabula seu index. Character est gothicus, columnae duae, sed Commento vtrinque apposito quatuor plerumque paginam faciunt. In interiore tituli pagina Augustini effigies ligno

ligno impressa cum alia figura emblematica, inscriptione et versibus conspicitur. Descripsit eandem *Braunius Not. H. Litt. T. II. p. 182.*

1490.

Basileae ap. Io. Amerbach. f. Editio anni praecedentis accurate iterum expressa, finita idibus Februariis. *Denis Garell. Bibl. p. 134. Gemeiner Regensburg. Bibl. p. 197.* Extabat etiam in *Bibl. Ducis de la Valiere. Gesner Lübeck. Bibl. p. 51.* Curiose descripsit *Masch Beytrr. 2. Gesch. merkw. Bb. St. II. p. 73. sq.*

1494.

Friburgi. f. Amerbachianae iteratio. In fine: *Finitum est hoc opus in friburga. Anno incarnationis Dñi MCCCCXCIIII.* Ext. etiam in *Cat. Bibl. Bodl. et Creuennae nouiss.*

Sine anno

Loco et typogr. f. S. Augustini de ciuitate Dei. l. XXII. cum Commentariis Thomae Valois et Nic. Triueth.

Huius editionis rarissimae iuxta quam antiquissimae notitiam suppeditant Cl. *Morellus in Bibl. Pin. T. I. p. 86. Seemiller fasc. I. p. 120.* iterumque non minori diligentia descripsit *Plac. Braun in Notitia Hist. Lit. p. 9.* Constat, vt editio a. 1473. duabus quodammodo partibus, quarum prior textum, maioribus literis, posterior commentarium minori characterere columnis duabus impressum sistit. Ac textus quidem pagina XLVII. commentariorum vero LVII. lineas complectitur. Literas Germanicas appellat *Morellus; Seemillerus* plane similes esse vult iis, quibus recusis est Augustini liber quartus de doctrina christiana per Io. Mentelin Argentinensem,

cui idcirco acceptam referre nullus dubitat. Qui cum iam a. 1478. diem obierit, ante hunc certe expressa esse deberet. Sed longe vetustiore putat, nec ab anno 1470. valde remotam, adeo, vt princeps forte cum commentariis laudatis statuenda foret, quam sententiam iam Morellus amplexus fuerat. Caret omnibus, quas sequior aetas per artis progressum sensim introduxit, foliorum paginarumque notis numerisque, item literis initialibus, nec non titulis tam in fronte operis, quam singulorum librorum aut capitum initiis, quae solo spatio vacuo, nec eo admodum amplo inter se distinguuntur, praeterquam quod ad calcem libri XVIII. subscriptio, et de hinc a libro decimo nono inscriptiones librorum et capitulorum inueniantur. Nihilominus occurrunt frequenter marginalia decurtatis textus lineis apposita, quod in Basileensibus quoque eorum librorum editionibus deprehendere me memini. Denique in fine textus legitur: *Finito libro sit laus et gloria Christo*; post commentaria vero tabula materiarum decem foliis non omnino integris comprehensa desinit subiecto: *Explicit Tabula.*

SAEC. XVI.

1515.

Basileae per Ad. Petri de Langendorf. f. Diui Aurelii Augustini, Hipponensis Episc. ad Marcellinum de Ciuitate Dei contra paganos libri duo et viginti: opus dignissimum: humanarum diuinarumque literarum disciplinis clarissime refertum. Cum Commentariis Thomae Valois et Nicolai Triueth: nec non additionibus Iacobi Passauantii atque theologicis veritatibus Francisci Maronis. Porro impressum est titulo insigne Adami Petri addito Anno

M.D.XV.

M.D.XV. *Infra: Directorium in singulos totius operis libros indice certo congestum.* In pagina auersa eadem, quae in Amerbachiana habentur. Praefigitur deinde praefatio *Fratri Conradi Leontorii Malbonnensis* (sic) caractere romano impressa, qua rationem et institutum operis Augustiniani docet. In fine eiusdem *Conradi Leontorii Malbronnensis* (sic) subiicitur epilogus, in quo ingentem textus emendationem, multorum MSS. collatione perfectam pollicetur, nec non subscriptio, quae Iohannem Koburger, Nurimbergensem Bibliopolam, impensas imprimendi voluminis fecisse significat. Haec quoque rotundo caractere, reliquum volumen literis gothicis quatuor plerumque, interdum etiam quinque columnis et crebris sectionibus impressum oculos et hoc ipso et vario caracterum genere in eadem pagina obuio offendit. *Casp. Barthius Aduers.* 59. 10. p. 2795. hanc editionem multis MSS. meliorem vocat.

1520.

Lugduni impensis Io. Koburger, arte Iac. Saccon. f. Augustinus de Ciuitate Dei *una cum libris de Trinitate*, quos vide. Plane expressa est praecedens Basileensis.

1522.

Basileae apud Io. Froben. f. D. Aur. Augustini opus absolutissimum de Ciuitate Dei, ad vetera exemplaria collatum et commentariis illustratum studio et labore *Io. Lud. Viuis. Cat. Bibl. Reg. Mus. Britt. et Budens.* Prima haec est editio cum Viuis commentariis. Post dedicationem ad *Henricum VIII.* Angliae Regem, dat. Louanii Nonis Iuliis M.D.XXII. praefatio occasionem operis Augustiniani docens et singularis praeterea *de veteribus interpretibus huius*

libelli deque Gothis qui Romam ceperint dissertatio est adiecta.

1554.

Paris. f. S. Aur. Aug. de Ciuitate Dei, edente Lud. Viue. Cat. Bibl. Bern. T. I. p. 16.

1555.

Parisiis apud Carolum Guillard. f. Idem libri cum eodem Commentario. Laudant Colonienses p. 739. Si praecedens editio recte se habet, non dubito, quin ex eodem bibliopolio profecta sit ac haec.



Bas. ap. Hier. Froben. et Nic. Episcop. f. D. Aurelii Augustini, Hipp. Ep. de Ciuitate Dei libri XXII. ad priscae venerandaeque vetustatis exemplaria denuo collati eruditissimisque insuper Commentariis per vndequaue doctiss. Virum Io. Lud. Viuem illustrati et recogniti. Accessit index foecundissimus.

In auersa tituli pagina Henrici, Angliae Regis, epistola legitur, qua Lud. Viui pro oblatis sibi Augustini libris gratias agit, data *Grentici die XXIIII. Ian. 1523.*

1570.

Basileae per Ambrosium et Aurelium Frobenios fratres. f. D. Aurelii Augustini, Hipp. Ep. de Ciuitate Dei libri XXII. ad priscae venerandaeque vetustatis exemplaria iam iterum post virum vndequaue doctissimum Ioannem Ludouicum Viuem summo studio collati ac eiusdem commentariis eruditissimis illustrati. Accessit Index multo, quam antea fuerat, foecundior.

Videantur quae de hac editione in *Annalibus Collectionum* notauimus. In toto volumine nihil est

est praeter praefationem, quod ad integram operum editionem respicit et impedire potuit, quo minus separatim hic tomus venderetur.

1596.

(Geneuae) excudebat Iacobus Stoer. 8. *II. Tomis.* D. Aur. Aug. Hipp. Ep. de Ciuitate Dei l. XXII. Tomum quintum Operum omnium h. l. et a. excusorum efficiunt. Vid. supra in *Annalibus Opp.*

S A E C. XVII.

1600.

Antuerpiae apud Plantin. fol. Iidem libri. *M. Bibl. Colon.*

1610.

Geneuae. 8. Iidem libri. *Iisdem sponso-ribus.*

1613.

Parisis sub insigni urbis. f. S. Augustini l. XXII. de ciuitate Dei, recogniti per Theologos Louanien-
ses; cum comment. *Leon. Coquaei* et *Io. Lud. Viuis.*
Cat. Bibl. Thott.

1624.

Francof. typis Wechel. ap. Dan. et Dav. Aubrios et Clem. Schleich. f. Casp. Barthii Commentariorum in D. Aur. Augustini Ciuitatem Dei Liber primus seu Aduersariorum Comment. Lib. LX. Extat cum *Ad- uersariis* a pag. 2816. sqq. Praecedat haec eius ad-
monitio: *Eccum tibi, amice lector, commentario- rum nostrorum in Ciuitatem Diuinam Augustini, multis expetitur. Sequentur ipsa Commentaria, si Deus vita dederit; Opus immensum, et, licet omi- nari, aeternum. Reliquimus autem, ut scripsimus;*

non sublatis iis, quae ex *Aduersariis* in hunc *Commentarium* transtulimus; idque consilio, ut quale ipsum *Opus* sit, eo facilius perspiciatur. Quae ipsius Barthii verba eo lubentius huc transcripsimus, quod nuper demum *Lipenii*, sublestae non raro fidei testis, auctoritati tantum dedisse Colonienfes vidimus, ut refragantibus licet *Christ. Daumii*, Barthio quondam familiarissimi, aliorumque, quos ipsi in medium producant, melioris notae scriptorum testimoniis grauissimis, non prorsus tamen de integri huius Barthiani commentarii editione, qualem Halae Sax. a. 1620. fol. lucem vidisse Lipenius prodiderat, desperarent. Imposuerat illis etiam hoc, quod ipse Barthius in suis ad Statium Animaduersionibus saepius huius commentarii in Augustinum meminisset. Sed quae ibidem ex iis proferunt verba, tantum scriptum iam fuisse eum probant, non item, ut ipsi volunt, editum. Ceterum ingens tunc temporis apud doctos homines huius commentarii fuit desiderium, imprimis quoniam ipse auctor de eo tam magnifice locutus erat, et oppido pauci erant, qui non eximie reconditam istius viri doctrinam admirarentur. Hodie non maiorem in eo iacturam orbem eruditum fecisse credimus, quam in eo, quem Salmasius super Arnobium meditabatur.

1636.

Parisiis sub insigni magnae Navis. f. S. Aurelii Augustini, Hipp. Ep. De Ciuitate libri XXII. Ex vetustissimis manuscriptis exemplaribus per Theologos Louanienses ab innumeris mendis repurgatus. Quorum diligentiam attestatur sub finem Tomi, castigationum ratio et lectionum varietas maiori ex parte annotata. Cum Commentariis nouis et perpetuis R. P. F. Leonardi Coquaei, Aurelii Eremitae,

tae, Augustiniani, Doct. Theol. Paris. et *Io. Lud. Viuis.*

Inscripsit *Leon. Coquaeus* Christianae a Lotharingia Magnae Etruriae Duci Matri a sacris Confessionibus. Notae eius aequae copiosam theologicam eruditionem ostendunt, quam *Lnd. Viuis* commentarius omnigena antiquitatis doctrina illustris est. Ipse quoque *de inscriptione, occasione, partitione, dignitate et utilitate* horum librorum, quod haud perfunctorie *Viues* egerat, denuo commentatus est.

1651.

Parisiis. f. *Iidem* cum *Coquaei* commentariis. Ita *Colonienses.*

1661.

Hamburgi sumt. Zach. Hertelii. 4. II. Tomis. *S. Aur. Aug. Hipp. Ep. de Ciuitate Dei* libri XXII. in duos tomos diuisi, ex vetustissimis MSS. exemplaribus emendati, iuxta nouissimam editionem *Coloniensem.* Accedunt *Commentarii* eruditi et integri quidem, *Io. Lud. Viuis, Hispal. ac Leonh. Coquaei Aurelianensis.* Cum indice gemino, altero locorum *Sc. S.* altero rerum ac verborum locupletissimo.

SAEC. XVIII.

1748.

Neapoli. 4. *S. Augustini* libri XXII. de ciuitate Dei cum notis *Monachorum S. Mauri. Cat. Bibl. S. Aug. ad Nidum Neap.*



VERSIONVM quoque huius Augustiniani operis non exiguus est numerus. Nam et vario idio-

mate redditum est, et saepius eodem, sed nullo frequentius, quam gallico. Ex pluribus autem qui huc studium suum contulerunt Francogallis, nemo laude sua apud populares caruit, studiosaeque excepta sunt et prelo multiplicata *Radulphi de Praellis, Gentiani Herueti, de Ceriziers, Ludouici Giry et Petri Lomberti* conanima. Sed singula breui indiculo complectamur.

1) Italicae.

S. l. et a. f. Il libro di S. Augustino, de la Città di Dio, il quale è diviso in XXII. libri, tradotti in lingua volgare. *Cat. Bibl. Reg. T. I. p. 381. n. 786.* apposito lemmate *vetus editio.* In *Bibl. Smithiana* p. 28. legitur: *la Città di Dio: tradetta (forse) da Iacopo Passauanti.* *Deburius* in *Cat. Bibl. Ducis de la Valiere* circa annum 1480. excusam existimat scripsitque characterem esse romanum minorem, binas columnas, signaturas a - H secundi alphabeti, tabulamque materiarum ab initio XI. foliis praefixam. Erat eadem penes *Creuennam* olim, teste *Cat. Bibl.* eius nouissimo. Cf. *Biblioteca degli Autori volgarizz.* in *Raccolta d' Opusc. scient. e filol.* T. XXXII. pag. 342.

De auctore huius versionis inter ipsos Italos haud conuenit, dum alii, in quibus *Fontaninus*, (in opere suo *de Eloquentia Italica*) *Nicolao Piccolomineo* eam asseruerunt, quos tamen refellit Apostolus Zenus in Annotationibus ad Fontanini librum; alii, veluti *Iacobus Corbinellus*, *Iacobum Passauantium* auctorem statuerunt; vtrisque aduersatus est Petrus Bassaglia in editione Veneta a. 1742. a Florentino quodam anonymo eam profectam et Venetiis circa a. 1480. elaboratam esse dicens.

1734.

Roma per Antonio de Rossi. fol. La Città di Dio, opera del gran Padre S. Agostino Vescovo d'Ippona tradotta nell' idioma Italiano dal *P. D. Cesare Benvenuti* da Crema Abate Generale dei Canonici Regolari della Congregazione Lateranense.

Plurima commendant hanc operam, versionis elegantia, index copiosus, splendor artificii, ipsumque denique P. M. Benedicti XIV. cui dedicata est, nomen, teste *Bibl. degli Aut. volgarizz. in Raccolta d' Opusc. scient. e filol. T. XXXII. p. 343.*

1742.

Venezia, appresso Piet. Bassaglia e Franc. Hertzhauser. 4. Della Città di Dio di S. Aurelio Agostino: Tomo primo, che comprende gli XI. primi libri.

Haec est recens editio antiquae illius versionis, de cuius auctore editorem Petrum Bassagliam prolixius in epistola dedicatoria huic tomo praemissa disputasse diximus. Alterum tum (a. 1745.) nondum absolutum fuisse diserte monet auctor *d. Bibl. degli Aut. volg. l. l.* Sed postmodum additus esse debet. Nam Audiffredus in *Cat. Bibl. Casanat. duos* citat. Textus Latinus versioni adiungitur, insuperque Vita Augustini a Possidio scripta latine accessit.

2) *Gallicae.*

1486.

Abbeville chez Jean du Pré et Pierre Gerard. f. II. Vol. Dix premiers livres de Monseigneur S. Augustin de la Cité de Dieu translats par RAOUL DE PREULLES. *In fine Tomi I:* Imprimé en la Ville d'Abbeville par Jean du Pré et Pierre Gerard

marchans libraires, achevé le XXVIII. de Novembre, l'an mil quatre cens quatre vingt et six. — *Tomo II.* Les sept derniers livres. *In fine:* Imprimez par les mêmes à Abbeville. VII. d'Avril, mil quatre cens quatre vingt et six, après Pasques.

Commemorant hanc editionem *Maettarius, De-bure Bibliogr. instr. T.I. p. 248. Deburius sen. in Cat. Bibl. Ducis de la Valiere T.I. p. 167.* Notatur etiam in *Cat. Bibl. Reg. Paris.* Primus liber est ex paucis, qui Abbatisvillae sunt impressi. Superat tamen editionis vetustatem ipsius versionis aetas. Auctor enim, cuius nomen diuerse, modo *de Preulles*, modo *de Praelles*, *Praesles*, *Presles*, quin etiam *de Praieres*, latine vero *de Praellis*, *de Praieriis*, *Preslaeus*, efferri solet; Caroli V. Franciae regis temporibus floruit, penesque eum magistri libellorum supplicum officio functus est, natus ex illicito concubitu *Radulphi de Praellis*, Philippi Pulcri quondam consilarii a. 1315. cum iniqua custodia pater eius detentus esset. Sed filii legitimi iura Radulphus noster iam senex regis sui beneficio a. 1376. est consecutus. Diem obiit mense Nouembri 1382. Variis ille scriptis tam vernaculo, quam latino, sermone compositis aetate iam deuergente inclaruerat, cum singulari regis mandato stipendioque ad conficiendam Augustini huius libri versionem adigeretur, quam inchoatam anno 1371. die I. Nouembris seu festo omnium Sanctorum, anno 1375. die I. Septembris absoluisse fertur *). Praesto erant XXX. Codices, quos

*) Ab eodem auctore profecta est Bibliorum versio gallica, quam specimine proposito accurate descripsit P. le Long in *Bibl. Sacra* p. 318. quaeque eidem regi in literas propenso debetur. cf. *Lancelot in Mem. de l'Ac. des Inscri. T.XIII. p. 656.*

quos ita tamen secutus est, ut parcius verborum quam sensus explicationi studeret, et regis iussui obtemperans sententiae veritatem claritatemque per ambages orationis sectari mallet, quam eandem verbis insilendo periclitari. Ut vero commodius sua legerentur, singulos libros in capita plura dispescuit, quacum descriptione nescio an hodierna latini textus diuisio concordet. Nec contentus, Augustinum gallicani sermonis eloquio ciuibus suis admouisse, eiusdem etiam, ubi doctius locutus esse videretur, interpretem egit, subiuncta singulis capitibus *expositione*, in qua de mythicis, historicis, philosophicis aliisque reconditoris scientiae capitibus, prout quidem eruditionis tunc temporis conditio ferebat, disseruit, ut tamen ostenderet, se hominum doctorum aevi sui longe esse excellentissimum. Nempe auctores, unde sua depromsit, si a paucis discefferis, saeculo VII. non antiquiores sunt, siquidem frequenter imprimis laudat *Isidorum Hispalensem, Orosium, Paulum Diaconum, Hugonem, Papiam, Fulgentium, Catholicon, Nicolaum Triueth, Vincentium Bellouacensem, Alanum de Complanctu Naturae, Ioannem Sarisberiensensem, Gulielmum Paris, Petrum Comestorem, Helinandum* aliosque, aliquoties *Paulum Diaconum* de mirabilibus Mundi, *Coranum Mohamedis* et *Ioannem Magdunensem (Jean de Meun)* tanquam auctorem fabellae gallicae *de Rosa* appellat. Plura etiam ex historia tum sui temporis, tum antiquiori Franciae admiscuit, nec non traditiones passim vulgigue superstitiones varias adsperfit, ex quibus speciminis loco nonnulla proposuit *Lancelotus, Academiae Inscriptionum et liter. elegantior. Paris.* quondam Socius, cuius binae de Radulpho Preslaeo eiusque scriptis commentationes insertae sunt *Memoriis* eiusd. Academiae T. XIII. a p. 607 - 665. Illius enim

enim viri laudabili diligentia effectum est, ut quaecunque auctorem versionis huius concernunt iuxta documentorum optimorum fidem explorata nunc habeantur, simulque tenebrae istae, quibus *Crucius Cenomanensis* (*la Croix du Maine*) in *Bibl. Gall.* p. 427. haec obsepsit, quibusque dispellendis non admodum profecerunt coniecturis suis auctores *M. Bibliothecae Colonienfis* (p. 740. n. 157.) clarissima luce sint collustratae. Prae ceteris autem illius scriptis hunc librum paucissimis visum, inspectum vero, quantum equidem scio, memini, diligenter examinavit, praecipuasque eius dotes cum iudicio exposuit. Enumerat praeterea p. 654. insigniores aliquot codices MSS. qui ad vnum omnes in Bibliotheca Regia Parisiis asseruantur et numeris suis sunt notati. Ceterum non minus rara hac principe huius versionis editione est altera diu postea facta.

1531.

Paris (chez Galiot du Pré) par Nicolas Savetier. f. II. Tomes. La Cité de Dieu de Monseigneur Saint Augustin, translâtée de Latin en françois par RAOUL DE PRAESLES; cuius splendidum exemplar olim inter ornamenta *Bibliothecae Ducis de la Valiere* numerabatur. Cf. *Cat. T. I. p. 168. n. 458.* Laudat eandem *Cat. Bibl. Musæi Britt.* Tenendum est autem, Lancelottum etiam aequae ac Colonienfes huius editionis mentionem facere, sed ita, ut apud *Galiotum du Pré* prodiisse affirmant, cum tamen Deburius l. l. Nicolao Savetierio tribuit. Quocirca nos coniecturam secuti utrumque in titulo posuimus, alterum redemptoris, alterum impressoris partes gessisse suspicati.

1570.

Paris chez Nic. Chefneau. f. La Cité de Dieu du St. Augustin traduite en françois par GENTIAN HERVET. *Cat. Bibl. Mus. Britt. cf. M. Bibl. Col.*

1585.

Paris chez Mich. Sonnius. f. S. Augustin de la cité de Dieu, illustré des commentaires de Jean Louis Vivés, traduit en François par GENTIAN HERVET, avec les annotations et observations de *François de Belleforest*. troisieme edition augmentée. *Cat. Bibl. Reg.* Eadem repetitam *Parisiis* 1610. *fol.* tradunt Colonienfes.

1655.

Paris chez Pierre le Petit. f. S. Augustin, de la cité de Dieu, traduit en François par DE CERIZIERS, *Aumonier du Roy.* *Cat. Bibl. Reg. et Casanat.*

1665 et 67.

Paris chez Pierre le Petit. 8. II. Voll. S. Augustin de la cité de Dieu, traduit en François par LOUIS GIRY, tomes I et II. contenant les dix premiers livres. *Cat. Bibl. Reg.*

1675.

Paris chez André Pralard. 8. II. Voll. La Cité de Dieu de S. Augustin, traduite en François et revue sur plusieurs anciens MSS. avec des remarques et des notes, contenant des corrections du texte par PIERRE LOMBERT. *Cat. Bibl. Reg. et Ducis de la Valiere.* Eadem repetita est eodem anno *Bruxelles* et 1693, *Paris. II. Voll.* (*Cat. Bibl. Thott.*)

1701.

1701.

A Paris chez Nicolas Pepie. 8. en II. Tomes.
 La Cité de Dieu de S. Augustin, traduit en François
 et revüe sur l'édition des PP. Benedictins, avec des
 remarques etc.

1736.

*A Amsterdam chez Pierre Mortier. 8. IV. To-
 mes.* La Cité de Dieu de St. Augustin, traduit en
 François et revue sur plusieurs Manuscrits: avec des
 Remarques et des Notes qui contiennent quantité
 de corrections importantes du Texte Latin; et la Vie
 de M. Lombert.

Notae imprimis de versione tractant eiusque licen-
 tiam ex eo, quod elegantiae sensui traductor debeat
 et quod linguarum inuicem abhorrens ingenium po-
 stulet, excusant. Hinc nec ubique eadem iterum in-
 culcare, sed ad priores tantum XI. libros talia mone-
 re satis visum est. Emendationes, quas in titulo
 profitetur, ex X. circiter aut XI. MSS. Gallicanis
 nonnullisque Vaticanorum, quas Benedictini PP. ipsi
 concesserant, lectionibus haustas esse monet. Eadem
 versio totidem voluminibus in 12. eodem anno ibi-
 dem apud Iac. Rollin excusa, quae similiter ac prae-
 cedens vitam traductoris in titulo gerit, memoratur
 in *Cat. Bibl. Reg. T. I. p. 379.* Eandem duodenis
 IV. Voll. Parisiis 1737. excusam laudat *Cat. Bibl.
 Firmianae.*

3) *Hispanicae.*

1614.

Matriti. f. S. Augustinus de Ciuitate Dei l. XXII.
 Hispanice per ANT. DE ROYS et ROZAS. Laudant
Colonenses.

1676.

1676.

Amberes (Antuerpiae) *f.* Idem eiusdem versionis. *Cat. Bibl. Thott.* iterumque ibidem repetiti dicuntur a. 1696. *f.* in *Bibl. Eccl. Colon.*

Belgicam versionem impressam *Lugduni Bat.* 1621. ex *Cat. Bibl. Traiect.* T. II. p. 3. proferunt Colonienfes.

Germanicam Ioannis Godfridi de Odernheim, qui circa a. 1495. Oppenheimensis ecclesiae pastor fuisse perhibetur, ex *Eisengrenii* fide commemorat *Possévinus App. Sacr. T. I. p. 889.* Aliam auctore *Hans Nicolao Sigmaro a Schlüsselberg,* excusam *Ratisbonae* 1666. 4. laudat *Gemeiner Regensb. Stadtbibl.* p. 197. attamen non nisi librum primum eam complecti significat.

(75) *De Bono Viduitatis liber.*

1517.

Paris chez Jean Petit. 4. De l'Etat de Veuva-ge; de la Maniere de prier Dieu; la Vie de Sainte Monique; Opusculs de St. Augustin, traduites par ADRIAN GEMELLI (Jumel), Prêtre Docteur en Theologie et grand Archidiacre de Laon en Picardie. *Du Verdier* ed. recent. T. I. p. 7. Tractatus de orando Deo inter Epistolas censetur CXXX.

(79) *De Gestis Pelagii liber.*

1611.

Augustae Vindelicorum. 8. D. Augustini liber de gestis Pelagii, nunc primum editus studio MARCI VELSERI.

Faesulis (vrbe agri Florentini, quam hodie *Fiesoli* dicunt) inuentus erat in Bibliotheca Abbatiae S. Bartholomaei Canoniorum Regularium Lateranensium.

sium. Hinc eius antigraphum Cardinalis *Scipio Cobellutius*, tunc ab Epistolis et Secretis Summi Pontificis, Roma ad *Marcum Velsorum* Duumvirum Augustanum transmiserat; qui quidem aliquamdiu editiones, quae Romae Florentiaeque accuratissime parari ferebantur, cupide expectauit; sed quoniam longum id futurum negotium res loquebatur, gratiam apud viros pios et eruditos, antiquae doctrinae amantes, Romanis Florentinisque editoribus ipsis non inuitis, se initurum esse ratus, si nuda interim Augustini verba vtenda fruenda proponeret, exemplum Romae transmissum cum fide exprimendum curauit, lectionibus variantibus, quae ad marginem eiusdem comparauerant, pariter in ora adscriptis, subiectis vero in ima pagina aliis, quas maximam partem *Marco Veljero*, Canonico tunc Frisingensi, deberi editor significat, easque coniectura fere subitaria inter legendum notatas, paucas etiam paulo audaciores ab auctore improbatae scribit. Nullas vero quantauius probabilitatis specie blandientes in contextum a se receptas esse asseuerat. Praefationem hanc repeti fecit *Ioannes Clericus* in Append. Augustiniana (T. XII. ed. Antuerp.) p. 607. Expectatae vero illae Romanorum Florentinorumque editiones lucem non viderunt, sed Parisiis paulo post cum libro *contra secundam Iuliani responsionem* cura *Menardi* iterum prodiiit, quem vide n. 98. Nec dubito, quin inter *Opuscula Augustini discipulorumque eius* editus sit, quae supra a nobis sunt in medium producta.

(80) *De correctione Donatistarum liber.*

Edidit seorsim hunc librum NIC. BERGIUS Reualensis *Holmiae* 1696. in 8. sub tit. *D. Augustini liber de moderate coercendis haereticis ad Bonifacium Comitem.*

(82. 83) *Augustinus in Euangelium Iohannis*

et

Epistolam eius I. ad Parthos.

Sine anno

loco et typogr. fol. Augustinus super Iohannem.
 Haec verba tituli loco literis maioribus folio primo
 ceterum vacuo sunt impressa. In limine textus:
Diui Aurelii Augustini, Hipponensis episcopi: in
euangelium secundum Iohannem Tractatus primus
foeliciter incipit. Ab eo quod scriptum est: In prin-
cipio erat Verbum: et verbum erat apud deum: et
deus erat verbum. usque ad id quod ait: Et tenebre
eam non comprehenderunt. In fine: Diui Aurelii
Augustini hipponensis episcopi expositio in euangelium
secundum Iohannem foeliciter explicit. Praecedunt
Annotatio seu Inuentarium principalium sententia-
rum, nec non Tituli seu Rubricae tractatum X. fo-
liis. Impressio facta est literis gothicis minoribus,
duobus columnis. Chartae literis signatae sunt, de-
siderantur tamen foliorum numeri et custodes. In
summa pagina non solum Tractatus, sed et capita
indicantur. In ipso contextu autem verba euangelii
aut alia loca biblica commentariorumque initia, illa
medio, haec maiori caractere distinguuntur. Ad-
ditae sunt marginalia, in quibus vel loca parallela, vel
lectiones variae locorum biblicorum ab Augustino
laudatorum producantur. His consideratis nemo non
insignem huius editionis similitudinem cum impressis
Amerbachianis, quorum exemplaria passim a nobis in-
ter Augustiniana proferuntur, agnoscat. Lubens tamen
concesserim in Cl. Braunii sententiam, qui Tomo II.
Not. H. Litt. p. 33. Norimbergae per Antonium Ko-
bergerum excusam esse statuit, modo non in sola
yporum similitudine, sed totius operis descriptione
Tom. II. T nitatur

nitatur illius iudicium. Vnum accedit, Kobergerum plura, Amerbachium contra vel nulla, vel pauca admodum absque nomine suo emisisse.

VERSIONES.

1670.

Romae typis S. C. de propag. F. 4. Capita nonnulla ex diuersis tractatibus in Euangelium Ioh. de Sp. S., Lat. et Gr. interpr. MAX. PLANUDE; inter opuscula aurea collecta a P. Arcudio a pag. 631. In Bibl. Eccl. M. Colonienſi laudatum inuenio LIBRUM *de Spiritu S.* ex diuersis Augustini Tractat. *super Ioannem* collectum, qui prodiisse dicitur Basileae 1578. Gr. lat. Ex his intelligere mihi videor, non alium indicari librum, quam *Leunclauii Legationem Manuelis Comneni ad Armenios*, cui aliquot capita de Trinitate ex Augustino gr. conuersa sunt inferta. At si hunc voluit quem testem laudat *Lipenius in Bibl. Theol. T. II. p. 783.* fallitur ille quidem; nam ista prorsus ibidem non leguntur. Nescio vero, an huc forte pertineat *liber Augustini de Spiritu Sancto. Geneuae 1540. 8.* quem profert *Cat. Bibl. Bernens. T. I. p. 15.*

1670.

Paris chez Jean Bapt. Coignard. 12. Homelies de S. Augustin sur la premiere epistre de S. Jean: traduction nouvelle.

1700.

Paris chez Jean Bapt. Coignard. 8. IV. Voll. Les traitez de S. Augustin sur l'evangile du S. Jean et son epistre aux Parthes, traduits en François sur l'edition des PP. Benedictins, avec des sommaires à la marge, par *Philippe Goisbaud DU BOIS.*

(84) *De Gratia Christi et peccato originali contra Pelagium et Caelestium.*

1687.

Moguntiae typis Petri Hermans. 8. Liber Diui Aur. Augustini, Hipp. Episc. contra Pelagium et Caelestium de Gratia Christi, Commentario breui et continuo illustratus a R. P. Carolo Iosepho TRICASSINO, Ord. Fratr. Min. Capucin. S. Francisci. Cf. Act. Erud. Lips. Suppl. T. I. p. 134.

Ad hunc Augustini librum spectat editoris liber, *Gratia efficax refutata ex libris S. Augustini*, per eundem typographum hoc ipso anno excusus, quem recensent *Acta Erud.* vol. eod. p. 128-133. idque intendisse auctorem declarant, Pelagianos ab Augustino propterea haereseos fuisse insinulatos, quod nullam omnino Gratiam Dei admitterent in voluntate necessariam, non vero ob id, quod gratiam eam indifferentem, seu talem, cui voluntas humana seu obtemperare seu resistere posset, statuerent. Idem fere *Tricassinus* iam ante in libro *de natura peccati originalis, secundum mentem S. Augustini* etc. edito *Parisiis* 1677. in 4. docuerat. Ceterum Auctor *Colonienfis* non *Moguntiae*, sed *Trecis*, vnde oriundus erat *Tricassinus*, eum impressum existimat.

1738.

Paris chez Franc. Babuty. 12. Les deux livres de St. Augustin de la grace de J. C. et du peché originel, traduits en François sur l'edition des PP. Benedictins de la Congregation de S. Maur.

(93) *De Coniugiis Adulterinis libri II.*

1698.

Ienae per Ioa. Bielkium. 4. D. Aur. Augustini libri duo de adulterinis coniugiis ad Pollentium, cum

notis Iurisperiti celeberrimi, quibus dogma Ecclesiae de matrimonii dissolutione illustratur.

Auctor notarum fertur IOANNES SCHILTERVS Antecessor quondam Argentoratensis, ingenio aequae ac doctrina inter Iurisperitos eminens; edidit vero et praefatus est *Georgius Schubartus*, humaniorum literarum tunc temporis apud Ienenenses Professor. Occasionem libro causamque simul cur latere Schilterus voluit, dedisse ferunt *Vlricum Obrechtum*, virum eleganti doctrina et multis editis scriptis tunc apud Argentoratenses insignem. Qui cum Argentorato vrbe in potestatem Ludouici XIV. redacta Iesuitarum captionibus in castra Pontificia esset pellectus, idque deinde praemii tulisset, vt senatui Argentoratensi praesidis nomine a rege praeficeretur, morem in iudiciis receptum, matrimonia adulterii causa dissoluendi, patrum istius societatis placitis haud dubie obtemperans, aboleri fecit eiusque rei gratia etiam hunc Augustini librum germanice vertisse traditur. Cf. *Morerius in Dictionario (ed. Amst. in Suppl.)* Tametsi vero posterius adserere non ausim, arbitror tamen, Augustini sententiam a causae huius patronis fuisse iactitatum, idque ipsum Schilterum impulsisse non vt eludendam sibi sumeret, quod a tali viro expectari non poterat, sed vt denuo sub iudicium eandem reuocaret et ab omni parte perpensam proponeret. Facile tamen temporum ratio suadere poterat, vt nomen inuidiae subtraheret. Liceat nunc breuem disputationis eius conspectum, quemadmodum a *Frid. Bened. Carpzouio* per examen huius libri in *Actis Erud. Lipsf.* 1698. p. 340. delineatus est, subiungere. „Primum, inquit, animaduertit Schilterus, controuersiam esse duplicem: alteram *de iure diuortiorum*, quae Augustinus nisi ex causa adulterii negabat esse permissa; altera *de iure iterum nubendi*, quod

quod Augustinus viuentē altera parte concedit nemi-
ni, ne quidem ex causa adulterii: nisi quod cap. VI.
innuit, Christianos tantum coniuges hoc praecepto
teneri; vnde colligas, ab adultero non Christiano
discedenti nuptias secundas minus fuisse interdictas.
Pollentium vero in priori quaestione labi docet nota-
rum Auctor, abreptum Hebraeorum Romanorum-
que moribus ac legibus, quibus diuortiorum licentia
inualuerat. In hac ergo parte triumphare Augustini
facundiam et disputandi subtilitatem, licet argumen-
tis eius non id semper conficiatur, quod illis colli-
gere velit. Sic locum illum Paulinum 1 Cor. VII.
10. 11. nec ab Augustino, nec a Pollentio recte capi
et explicari obseruat. Augustinum ex praeiudicata
opinionē mulierem, quae discedat a viro, accipere
de ea, quae ob adulterium diuortat aut repudietur,
atque adeo, vt Scholae loquuntur, petere principium.
Pollentium contra, quae Apostolus in eam conditio-
nem conferat, si fiant, purē accipere, ac si licite fie-
ri possunt, atque adeo, quae *de facto* dicuntur, per-
peram *de iure* intelligere. In altera vero parte con-
trouersiae, qua de iure iterum nubendi, si factum
est diuortium, quaeritur, Augustinum sine causa ab
apertis Christi verbis Matth. V. 32. discedere, eisque
vim inferre notat; cum ea, quae particulis exceptiuis
regulae eximuntur, non in vim exceptionis, sed
exempli valere velit, inuito sensu communi, rectis-
que interpretandi regulis, ad Grammaticae, Logi-
cae, subiectaeque materiae principia reuocatis. Neque
relíquas eius rationes ita esse comparatas, vt nos co-
gant, ad contortam interpretationem verborum perspi-
cuorum confugere, euoluto cuiusque argumenti pa-
ralogismo demonstrat. Haec fere sunt, quae priori
libro disputantur et notantur. Altero libro eadem
controuersia discutitur, a Pollentio denuo et luculen-
tius

tius exposita, nouisque rationibus munita, quibus Augustinus occurrit, suamque sententiam tuetur et expolit. Doctissimus vero Schilterus et hic Augustinum κατὰ πόδα sequitur, et quid sit in controuersia, cuius ponderis sint rationes aut responsiones allatae, quae inter se consentanea sint aut dissentanea, magno iudicio examinat: sub finem ex Lib. 2. Retractat. cap. 57. obseruans, in hac sententia ipsum sibi non satis fidere, nec satisfacere Augustinum. "Hactenus Carpzouius. Restat, vt obseruemus, rarissime iam occurrere Schilterianam hanc opellam, quippe qua nostra etiam Bibliotheca caret cuiusque mentionem in Catalogis praecipuarum Bibliothecarum, praeterquam in Catalogo Bibl. Regiae Parisiensis, frustra quaesiuimus.

(98) *Contra secundam Iuliani responsionem,*
operis imperfecti libri VI.

1617.

Lutetiae Paris. apud Sebast. Chappelet. 8. S. Aur. Augustini, Hipp. Ep. contra secundam Iuliani responsionem, operis imperfecti, libri duo priores. Nunc primum ex Manuscriptis codicibus editi. Additus est et eiusdem Augustini *de Gestis Pelagii* liber ante paucos annos editus. Nunc primum in lucem editus cura Cl. MENARDI, Iuliomagi Andium Praetoris.

Paucas sed selectae doctrinae notas editor haud inceleber adsperfit. Nuncupauit autem Archiepiscopo Lugdunensi Dionysio de Marquemont ep. d. pridie Non. Aug. 1616. Extat eadem editio hoc ipso anno ab iisdem typographis in folio excusa. Cf. *Cat. Bibl. Reg. Paris.*

1642.

Louanii apud Cornel. Coenestenum. 4. S. Aur. Augustini contra secundam Iuliani responsionem, operis imperfecti, libri duo priores, restituti a F. MICH. PALVDANO, Gandauen. O. Eremit. S. Augustini. *Praemittuntur iidem libri, quales a. 1617. Parisiis editi fuere. Cat. Bibl. Casanat.*



Louanii apud Iacobum Gezers. 4. S. Aur. Augustini libri duo priores, operis imperfecti, contra Iuliani secundam responsionem: ex recensione MICHAELIS PALVDANI. *Cat. Bibl. Reg. Paris.* In hac iteratione prioris editionis errata innumera sola coniectura correctâ esse ex Riueto monent Colonienses.

1654.

Parisiis sumpt. Simeonis Piget. f. S. Augustini Episcopi Catholici contra Iulianum haereticum Pelagianum operis *perfecti* libri sex; in *Suppl. Hieron. Vignerii.* T. II. p. 1 - 322.

Octo libris opus secundae responsionis Iuliani constabat. Eam vero Augustinus sic refutare aggressus est, ut singulis libris librum apponeret. Sed morte praeuentus nonnisi sex libros absoluerè potuit atque imperfecta adeo haec eius responsio mansit, ut Possidius etiam testatur. Ex his diu nonnisi *duo* habebantur editi per *Claud. Menardum* Paris. 1617. Enimvero a. 1654. *Hieronymus Vignier* ex Soc. I. *supplementis* ad editiones Augustinianas anteriores hoc anno editis clarus, non solum quatuor de nouo ex Codice MS. Abbatiae Claraeuallensis eruit, sed sibi etiam persuasit et aliis persuadere conatus est, integrum hisce VI. libris Augustini opus a se exhiberi.

Argumentis utebatur, *primo*, quod nullus a se inspectus sit Possidii codex, in quo vox ista, *imperfectum*, extet; *secundo*, quod in MS. Claraeuallensi sexto demum libro vocula *explicit*, non item reliquis sit addita; unde colligit, finem totius operis eo indicari; *tertio* denique, id quod longe foret gravissimum, si probasset, sextum librum ceteris esse longiorem atque tam Iuliani inuectiones, quam Augustini responsa ceteris prolixiora; quocirca concludit, probabile videri, sexto hoc libro tres Iuliani simul esse collectos idque ex ipsius verbis finalibus adstruere nititur, in quibus omnia ad generalem ex illatis conclusionem apprime conspirent. Enimuero Benedictini Tomo X. P. II. omnia haec vana esse pronuntiant atque exemplis contrariis luculenter demonstrarunt. Praemisit editor disputationem de Iuliano eiusque in B. Augustinum scriptis et testimonia veterum, qui horum sex librorum meminerunt et locos ex iis in suos commentarios retulerunt.

1736.

Paris chez Franc. Barbuty. 12. II. Voll. Les VI. livres de S. Augustin contre Julien, défenseur de l'herésie Pelagienne, traduits en François sur l'édition des PP. Benedictins.

(99) *Enchiridion ad Laurentium.*

SAEC. XV.

Sine anno

et loco. fol. min. S. Augustini Enchiridion. Constat foliis XXXIII. Exordium capit ab ipso statim prologo verbis: *Incipit liber enchiridion sancti augustini de fide, spe et caritate.* In fine textus folii XXXI. pagina auersa: *Deo gracias.* dein post capitulorum titu-

titulos folio XXXII. incipientes, folio XXXIII. pagina prima: AMEN. Describit hanc editionem antiquissimam sane Cl. *Seemiller* fasc. I. p. 156. sq. inter eos libros, de quorum typographis ne coniectura quidem experiri ausus est. Quod aetatem attinet, ante annum 1477. excusam esse non dubitat literasque, quibus expressa est, non fusas, sed sculptas propter inaequabilitatem sibi videri edixit, genus tamen earum declarare oblitus est. Vnicum ab eo interpunctionis signum, punctum nempe, atque id ipsum rarissime observatum. Deerant signa quaevis paginarum foliorumue, nec non literae initiales, capita tamen numero romano distinguebantur. Lineas per paginam numerabat XXXIII.

SAEC. XVI.

1527.

Augustae Vindelic. seu Coloniae. 8. S. Aur. Augustini Enchiridion de doctrina Christiana ad Laurentium vrbis Romae primicerium, nec non libellus de essentia Diuinitatis eiusdem. Laudat *Hendreich* in *Pand. Brandeb.* p. 341. sed adeo negligenter locum, vbi impressa sit, editio indicat, vt in medio relinquam, *Augustam* an *Coloniam* voluerit.

1552.

Coloniae ap. Petr. Horst. 8. S. Aur. Augustini Enchiridion de fide, spe et charitate, accedit eiusdem liber de fide et operibus. *Cat. Bibl. Thott.*

1575.

(Geneuae) apud Eustath. Vignon. 8. D. Aur. Augustini Enchiridion ad Laurentium, siue summa et praecipua totius Christianae religionis capita. | Liber utilissimus iis omnibus, qui breuissimam Augu-

flinianae doctrinae epitomen ex ipso Augustino, et quidem iam sene, habere desiderant, multis mendis et glossematis, quibus antea scatebat, ex veteri manuscripto repurgatus et commentariis illustratus. Per LAMB. DANAËVM. Accessit operi triplex index.

Diuinas plane Augustini Scriptorum virtutes *Lamb. Danaus* in epistola dedicatoria ad Edzardum Frisiae orientalis principem praedicat, indeque progressus ad querelas de iniquo eorum paulo post auctoris sui excessum fato, dum partim temporum iniuria perditā, partim hominum improborum malevolentia corrupta et interpolata fuerint, ansam capit operam suam utcunque commendandi, quippe qua non solum verborum vulnera sanasse, sed Augustinum ipsum sui testem et interpretem produxisse gloriatur. De manuscripto, quo ad emendandum textum usus sit, nihil amplius ab eo proditum est. Praemittuntur vero praeter dictam epistolam, *de methodo librorum Augustini et de eorum euoluendorum ratione disputatio*, nec non *Prolegomena* ad librum iam iam editum, in quibus *de titulo, utilitate, aetate operis ac de Laurentio, ad quem dirigitur*, praecepit. In Commentariis dogmata cum Augustiniana, tum Calvinistarum latissime explicantur, et quod ista aetas in deliciis habere coeperat, contra dissentientes strenue defenduntur.

1579.

(Geneuae) apud Eust. Vignon. 8. Idem liber, secunda editio aucta et ab ipso auctore recognita.

1583.

Geneuae. fol. Eadem libri huius recensio recusa in opusculis theologicis *Lamb. Danaei* pag. 729-896.

1597.

1597.

Ibidem. 8. Eadem recensio. Laudante *Hendreichio* in *Pand. Brandeb.*

SAEC. XVII.

1604.

Witebergae. sumpt. Pauli Helwichii typis Cratonianis. 8. D. Aur. Aug. Enchiridion ad Laurentium Urbis Romae Primicerium, nec non libellus de Essentia Diuinitatis, qui inter opera Augustini extat tomo quarto: In gratiam studioforum Theologiae seorsim edita, cum praemissa ad illustres et generosos Barones, Dom. Richardum et Dom. Iohannem a Tschernemel; *de vera patrum lectione et lectionis utilitate*, praefatione et dedicatione SALOMONIS GESNERI, *Theol. Witeb.*

1641.

Lugd. Bat. 12. Idem liber. Notat *Hendreich* in *Pand. Brandeb.* l. 1.

1656.

Helmaest. 4. Idem liber. *Hendreich* in *Pand. Brandeb.* Sed in his omnibus adeo desultorius est viri huius labor, ut quamuis prouidus metuum tamen, ne male eum intellexerim. Vereor, ne, quod hanc editionem attinet, in errore versetur, diuersa Augustini scripta, Enchiridion Doctrinae Christianae cum libris IV. de Doctrina Christiana, a. 1655. hac forma Helmaestadii editis, confundens.

1665.

Parisi. apud Steph. Loyson. . . Augustini Enchiridion ad Laurentium V. Romae primicerium. Ext. in opere *Spirituali* a pag. 129.

SAEC.

SAEC. XVIII.

1705.

Lipsiae. sumpt. Joh. Heinichii, Viduae, literis Io. Heinr. Richteri. 8. D. Aur. Aug. Enchiridion ad Laurentium Urbis Romae Primicerium, in vsum studiosae iuuentutis, cum praefatione *de studia theologico* D. Adami Rechenbergi recusum.



VERSIONES. | *Demetrium Cydonium in Graecam* linguam Enchiridion Augustini transtulisse tradunt, inquit *Posselinus App. S. T. I. p. 153.* Sed vnde hanc notitiam hauserit tacet. Edita certe haec versio non est, et si exitit vnquam, in *Bibl. Vaticana* latere etiamnum debet *). Ex *Gallicis* duabus alteram COLLETETII iam supra, cum librorum *de doctrina christiana* editiones recenseremus, commemorauimus. Superest altera ANTONII ARNALDI, quae prodit

1648.

Paris chez Anton Vitré. 8. Le livre de S. Augustin de la Foy, de l'Esperance et de la Charité, traduit en François par ANTOINE ARNAULD, Docteur de Sorbonne, avec le Latin ensuite, reveu sur VI. anciens MSS. Addit Hendreichius huius versionis repetitiones annorum 1652 et 1656.

1681.

Kiöbenhav. 8. Idem liber *Danice*, overs. af Henr. Olafsen. Cf. *Cat. Bibl. Thott.*

Per-

*) Hendreichius in *Pand. Brandeb.* p. 342. manuscriptam Demetrii versionem laudat adducto teste *Hotttingero* in *Bibliothecario* p. 372. Vbi tamen altum de ea silentium.

Pertinet ad hunc Augustini librum peculiariter opusculum absque auctoris nomine hoc titulo editum: *Theologia Moralis S. Augustini, in qua praeceptum de amore Dei plene pertractatur etc.* per E. B. S. M. R. D. de quo v. *M. Bibl. Eccl. Col.* p. 744.

(100) *De cura pro mortuis gerenda liber.*

1543.

Parisis ex officina Ioannis Palieri. 8. D. Augustini de cura pro mortuis gerenda, ad Paulinum liber vnus; item D. Chrysostomi Homilia, Latine, quod pro defunctis lugendum non est, sed orandum. *Maitt. T. III. P. I. p. 345.*

Laudant *Germanicam* huius libri versionem auctore Vito Mileto, *Moguntiae* 1604 et 1634. 12. Lipenius in *Bibl. Theol.* T. II. p. 329. T. I. p. 498. et ex eo Colonienfes, apud quos praeterea egregias quasdam super Augustini de mortuis et sanctorum cultu sententia obseruationes ex doctorum Theologorum scriptis collectas h. l. inuenies.

(102) *Regula ad seruos Dei, seu verius Regula Sanctimonialibus scripta, alias Epistola CCXI vel CLX.*

Bernardus Vindingus et *Prosper Stellartius*, ambo ex familia Augustiniana, primi viderunt, *regulam ad seruos Dei* ex epistola laudata fuisse depromptam virisque aptatam. Quo, quibus id factum sit auctoribus, ignoratur. Sed mature admodum factum esse apparet. Obseruant enim Benedictini, eam perantiquae Tarnatensis regulae potissimam partem facere et laudari in Concordia regularum a Benedicto Aniano abbate et in Codice etiam Corbeiensis, mille

mille annorum, viris accomodatam, et cum ea, quae inscribitur *regula secunda*, in vnum corpus compactam exhiberi. Tenendum est autem, hac transmutatione priorem epistolae partem a verbis initialibus: *Sicut parata est seueritas* etc., vsque ad illa, *Sed potius lacrymas Petri pastoris*, penitus esse abiectam: cuius loco pauca haec praemitti solent adscititia: *Ante omnia Fratres carissimi, diligatur Deus, deinde proximus, quia ista praecepta sunt principaliter nobis data.* Atque hac forma saepius separatim ab Operum collectionibus, ita, vt vel sola adiectis nimirum *Hugonis de S. Victore* aut *Lairveltzii* commentariis volumen efficiat, vel cum aliis Ordinis Augustiniani Constitutionibus excusa est. Sed cum latissime hic Ordo pateat, totque diuersae eo nomine comprehendantur Congregationes, quarum omnium Constitutiones, quae plus minusue hanc regulam respiciunt, saepius quidem sunt impressae, sed natura sua paucorum manibus teruntur et fere delitescunt: intelligitur, quam lubricum sit, accuratum aut plenum *editionum* huius *regulae* indicem contexere. Equidem oppido paucas ipse vidi, nec quos, cessantibus illis, sequi potuissem nobilium Bibliothecarum Scriptores satis fidos hac in re expertus sum. Collegi tamen, quantum potui, atque hoc saltem assecutus mihi videor, vt, quod desit, aut minus recte se habeat, si tanti putatur ab aliis suppleri aut corrigi facilius possit *).

SAEC.

*) Quae cruce notantur, eas solummodo in *Catalogo Bibl. Bodleianae* laudatas reperi, qui vt inter praestantissimos Bibliothecarum publicarum indices merito numeratur, ita haud raro bibliothecariorum vsibus magis, quam communi vtilitati est accommodatus librorumque, quibus aliqui tractatus inferti

SAEC. XV.

1481.

Romae. fol. Regula S. Augustini cum Commentario Ambrosii Coriolani. Orlandi pag. 284 et 316.

1490.

Argentinae per Martinum Schott. fol. Canones Aurelii Augustini iuxta triplicem quam edidit regulam omni statui modum viuendi praestantes. (Haec litteris maiusculis, sequentia minoribus tituli iustar in prima pagina;)

Prelati. regendi copiam nanciscuntur

Hic Subditi. suis curatis obsequendi debitum prestare docentur.

Mores accipiunt xpi fideles vniuersi.

Ad calcem: Opus canonum Aurelii Augustini. cum noua ac preclara interpretatione Ambrosii Choriolani viri prestantissimi. generalis magistri totius ordinis heremitarum diui Augustini. per spectabiles viros Tilmannum limperger. ordinis heremitarum sancti Augustini fratrem. Iacobum fedderer. Iohannem scherrer. artium liberalium professores et sacre theologie bachelarios formatos exquisitissime castigatum atque reuissum est. Impressumque Argentine

ferti sunt, non verbis indicat, sed vbi in forulis reperiantur, signis declarat. Ceterum nescio etiam, an omnes Ordinis Augustiniani Constitutionum editiones regulam hanc a limine praeferant. Alias numerus earum ex Lipenio (*Bibl. Theol. T. I. pag. 118. sqq.*) Hendreichio (*Pand. Brandeb. pag. 343.*) et Catalogo Bibliothecae Casanatensis (*v. Constitutiones*) facile augeri posset.

gentine arte et impensis solertissimi viri
Martini Schott. Anno salutis. M.CCCCXC.

His omnibus denique subiecta sunt monimenta ad le-
ctorem sex distichis constantia subsignataque literis:
F. D. L. Ab initio occurrit *Tilmanni Limperger*
praefatio ad *Nicholaum Frieß*, theologum Augusti-
nianum, episcopum tripolitanum. Deinde a folio
inde primo usque ad octauum praemittuntur *Vita*
Augustini per Coriolanum, et commendatio regulae
eiusdem. Tandem folio IX. incipiunt *Commentarii*
super regula Diui Augustini — editi ab *Ambrosio*
Coriolano — per modum *Dialogi*; continuantur
vero usque ad folii CXVIII. finem. Dehinc separa-
tim folio CXX. usque ad finem fol. CXXXIII. excusi
sunt *Commentarii Ambrosii Choriolani in primam re-*
gulam sancti Augustini cum tribus eius in laudes et
doctrinas quasdam huius doctoris orationibus. Prae-
fatio, quae huic parti fol. CXIX. pag. altera prae-
mittitur *Oliuerii Seruii Tholentinatis* ad *Guillelmum*
de Estouteuilla Episcopum Ostiensem et Cardinalem,
in qua se primum haec foras mittere scribit, ad
aliam, quae hanc praecefferit, Editionem spectare
videtur. Ceterum sedulo cautum est a typographis,
ne vacuas paginas admitterent; quocirca passim, ve-
luti fol. VIII. pagina altera, nec non eadem pagina
tituli, item prima fol. CXIX. Augustini effigiem ligno
impressam videbis. Conferri etiam de hoc opere
poterit *Braun Not. H. Lit.* T. II. pag. 195.

1500.

Venetiis impensis Giuntae, arte Iohannis de Spi-
ra. 4. S. Augustini Regula vna cum Vita eius; inter
Regulas quatuor primum approbatas, de quibus ad
Benedictum dicetur, simulque hanc editionem latius
descriptam dabimus.

SAEC.

SAEC. XVI.

1516.

Lugduni. 8. (†) S. Augustini Regula.

[1517.]

Sine loco et typographo. 8. B. Augustini episcopi regula. *Extat* in *Constitutionibus* fratrum Heremitarum sancti Augustini ad Apostolicorum privilegiorum formam pro reformatione Alemanniae.

Praemittitur ad omnes ordinis fratrum Heremitarum S. Augustini per Alemanniam Conuentus adhortatio Iohannis de Staupitz, Prioris Generalis ad negotium dictae reformationis tunc Vicarii, signata a. 1517.

1526.

Parisiis. . . . Hugonis a S. Victore in Regulam D. Augustini expositio, edita in prima integra Operum eiusdem collectione h. a. facta. Num ipsa quoque regula vna expressa sit, ignoro. Hugonis vero Commentarius postea pariter recusatus est in editione *Veneta* (apud Io. Bapt. Somaschum) 1588. et Colonienfi 1617. nec non nouissima, quam singulatim indicabimus.

1550.

Venetiis. 4. S. Augustini Regula ad Seruos Dei, seu verius Regula Sanctimonialibus praescripta: cui praemittitur Regulae Clericis traditae fragmentum cum Regula secunda (supposititia). *Ext.* inter quatuor primum approbatas Regulas collectore Io. Francisco Brixiano, Congreg. S. Iustinae O. S. Benedicti; — circa finem.

1561.

Venetiis per Bernardinum Fastianum sumptibus Canoniorum Regularium Lateranensium. Mense Tom. II. V Aprili.

Aprili. 4. S. Augustini Regula, cum expositione Hugonis de S. Victore Latine et Italice. Cat. Bibl. Pinell. cf. Fabric. in Bibl. M. et Inf. Lat. ed. Mansi T. III. pag. 301.

1575.

Coloniae Agripp. 8. S. Augustini Regula et Constitutiones fratrum Ord. Praedicatorum. Cat. Bibl. Bodl. cui addatur Hendreich in Pand. Brandeb.

1581.

Dilingae. 4. S. Augustini Regula cum Commentario Hugonis a S. Victore. Lipen. Bibl. Th. T. I. p. 119.

1582.

Venetiis (†) S. Augustini Regula.

1585.

Mantuae. 4. Regula S. Augustini et Constitutione Eremitarum Congregationis Observantiae Longobardicae. Laudat Greg. Rivius Puritanus (i. e. G. Burch. Lauterbachius) in Historia Monastica Occidentis T. I. pag. 45.

S A E C. XVII.

1601.

Venetiis. . . . S. Augustini Regula, cum Comment. Hugonis. Teste Lipenio.

1605.

Comi apud Hieron. Froirae. 8. Eadem cum Expositione Hugonis a S. Victore. Possenin.

1614.

Coloniae Agrippinae. 8. Eadem cum Commentario seu Optica Regularium Servatii de Latrielz.

1617.

1736.

Gandavi. 8. S. Augustini Regula et Constitutiones fratrum Ord. Praedicatorum. *Hendreich.*

1618.

Coloniae Agrippinae. 8. Eadem cum *Comment. Lairueltzii*, laudante *Lipenio* T. II. pag. 647.

1620.

Barcinonae. 8. S. Augustini Regula et Constitutiones Fratrum Praedicatorum. *Cat. Bibl. S. Aug. ad Nidum Neapoli.*

1625.

Parisiis apud Seb. Chappelet via Iacobaea sub signo Rosarii. 8. Regula S. Augustini Episcopi et Constitutiones FF. et sororum Ord. Praedicatorum. Cum declarationibus ex Actis Capitulorum Generalium etc. etc.



Ingolstadii. (†) S. Augustini Regula.



Romae. S. Augustini Regula cum expositione Hugonis a S. Victore. *Fabric. Bibl. M. et I. L. I. I.*

1648.

Rotomagi. fol. Hugonis a S. Victore Expositio in Regulam Augustini in *Operibus* eiusdem T. II. p. 5.

1660.

Monachii. 12. Augustini Regula: Accesserunt Constitutiones Canonicorum Regularium eiusdem S. Augustini Congregationis Gallicanae Anno 1638. *Lipen.* T. I. p. 118.

1661.

Romae. 4. S. Aur. Augustini, Hipp. Ep. Epistola CIX. Regulam Sanctimonialibus praescriptam continens. *Ext. in Codice Regularum L. HOLSTENII, parte IIIa* (in qua SS. PP. regulae ad Virgines) a pag. la.

1663.

Parisis apud Ludov. Billaine. 4. Eadem Epistola; *Ibidem.* in eadem Collectione Regularum hinc recula.

SAEC. XVIII.

1759.

Augustae Vindelicorum. fol. S. Aur. Augustini Hipponensis Epistola CIX. Regulam Sanctimonialibus scriptam continens; in *P. III. Cod. Regularum Holstenii* ed. denuo a *P. Mariano Brokie. T. I. pag. 347. fqq.*



VERSIONES. Harum indicem ad annorum seriem componere visum est, quam iuxta *Anglicae* primas tenet, sequuntur proxime *Hispanicae* et *Italiae*, ultimumque locum *Gallicae* tenent.

1525.

London. 4. The Expoficyon of Saynt Auguftynes Rule after the great Clerke and holy Saynt Saynt Hugh, called de Sancto Victore, by the Wretche of Syon *Rycharde Whytforde: Imprynted in London in Fletestrate by me Wynkyn de Word M.CCCCC.XXV. the XXVIII. of November. Maittaire.*

1600.

Cordoba. . . . La Regla de San Agostino declarada — por *Iuan de Montoya* (Matritensi Dominicano).

1613.

Firenze per Bartolommeo Sermartelli. 4. Regola di S. Agostino. Aliam antiquiorem translationem adiuncto textu latino ad a. 1561. notauimus.

1635.

Viterbo. 8. S. Agostino Costituzioni delle Monache di penitenza. *Cat. Bibl. S. Angeli ad Nidum Neap.*

1654.

Venezia per il Giolito. 4. La Regola di S. Agostino Vescovo, e Dottore di S. Chiesa Cattolica, posta nel libro dell' Epistole nell' Epistola CIX., tradotta di latino in lingua volgare fedelmente da *Bernardino Scardeone*, Canonico di Padova, insieme coll' esposizione di Ugone di S. Vittore.

1687.

Brescia per il Rizzardi. 4. Regola data dal P. S. Agostino alle Monache; e qui per maggior loro istruzione, e profitto spirituale dal P. Maestro Fra Paolo Richiedei de' Predicatori volgarizzata, ed esposta.

1691.

Paris chez Guillaume Desprez. 12. La Regle de saint Augustin expliquée par le venerable Docteur Hugues de saint Victor.

Auctor fuit *Io. de la Grange*, Canon. Reg. et Subprior eiusdem Abbatiae de S. Victor, cui nomen Hugo ille debet. Regulam ipsam iuxta Benedicti-

norum recensitionem interpretatus est. In praefatione vberius differit super pauca illa verba, quae in mutata regula Augustiniana assuta esse supra monuimus, quaeque a Hugone nondum lecta fuisse docet. Cf. *Journal des Sçav.* pour l'année 1691. (Amst. 1692. 8.) pag. 353 et 56.



Prosperi Stellartii (Prioris Coenobii Tornacensis † 1626.) Nucleus historicus Regulae S. Augustini. *Tornaci apud Guil. a Tongris.* 1618. 8.

Discorsi claustrali sopra la Regola del gran Padre S. Agostino, recitati a' suoi Religiosi dal Padre *Prospero da San Giuseppe* (Vicario Gen. Augustinianorum Discalceatorum). *Bibl. M. Eccl. Col.*

(103) *De Gratia et libero Arbitrio.*

1563.

Fiorenza a istanza di Giorgio Maresotti per Bartolomeo Sermartelli. 12. Libro della grazia e del libero arbitrio di S. Agostino Vescovo d'Ipbona a Valentino e Monaci che eran con lui; tradotto da *Lodovico Domenichi.* *Bibl. degli Aut. volg.*

(105) *Retractionum libri II.*

Nonnisi vnicam horum librorum editionem scorsim factam hucusque comperi *Lugduni apud Freltios* 1536. 8. quam ex Gesnerianis Pandectis laudat *Maettarius* T. II. P. II. pag. 836.

Germanice eos vertit et annotationibus necessariis instruxit *Christ. Frid. Roesler* in *Tomo V. der Bibliothek der Kirchenväter* (Leipz. 1785.) pagg. 237 - 416.

(106) *De*

(106) *De Haeresibus.*

1576.

Genevæ apud Eustathium Vignon. 8. D. Aur. Augustini, Hipp. Ep. liber de haeresibus, ad Quodvultdeum. LAMBERTI DANAEI opera emendatus et commentariis illustratus, a quo eodem additæ sunt haereses ab orbe condito ad constitutum Papismum et Mohametismum, etiam eae, quae hic erant ab Augustino praetermissae. Accessit operi quadruplex index, ut non modo Chronologiae haereleon ratio, sed etiam, quae ex illis utilitas percipi possit, intelligeretur, et a quibus in vnoquoque Decalogi praecepto, Symboli apostolici articulo, item disputatione de Sacramentis sit erratum. In calce operis addita est arbor haereleon, ex qua quomodo aliae ex aliis natae sint et propagatae, et ut saepe una quaedam hydra plura capita produxerit, perspicue docetur. Per eundem *L. Danaeum*. Additus est praeterea tractatus de ecclesia, ubi, quibus sensim gradibus illa tandem in Papisticam tyrannidem inciderit, ostenditur.

Digna est ævo isto et imprimis huius eximii haereleon genealogistae ingenio epistola ad Senatum Geneuensem ab eo scripta, qua sortem sibi gratulatur diuinitus concessam, quod in ea ciuitate viuere contigerit, quam nulli gloria in extirpandis igne ferroque haeresium auctoribus secundam censerioporteat, atque laetabundus supplicia a haereticis Genevæ sumpta recenset.

1578.

Ibidem apud eundem. 8. Eadem plane editio. *Cat. Bibl. Thott.*

1583.

Genevae. fol. Idem liber in *Opusculis Theologicis Lamb. Danaei. pagg. 897-1048.*

1595.

Genevae. 8. Idem liber cum iisdem commentariis. *Cat. Bibl. Bodl.*

1621.

Helmaestadii typis haeredum Iacobi Leui. 4. D. Aur. Augustini liber de haeresibus ad Quoduultdeum. Item S. Philastrii eius coetanei Catalogus haeresium paene omnium, quae a condito mundo ad illud usque Saeculum notae fuerunt. Accessit utriusque scripti supplementum et index genuinus: vnus chronologicus, alter alphabeticus.

1631.

Oxoniae. 8. S. Augustini liber de Haeresibus. *Cat. Bibl. Bodl.*

1673.

Helmaestadii ap. Io. et Frid. Lüderwald. 4. Idem liber cum commentariis et supplementis Lamb. Danaei, cura Gebhardi Theodori MEIERI. Vid. *Cat. Bunav.*

1687.

Cantabrigiae. 12. (8.) Idem liber cum Vincentii Lirinensis Commentario pagg. 169-269. *Cat. Bunav.* Addit *Cat. Bibl. Bodleianae: cum notis Baluzii.*

1721.

Oxonii e theatro Sheldoniano. 8. D. Aur. Augustini, Hipp. Ep. Liber de haeresibus ad Quoduultdeum, vna cum Gennadii Massiliensis appendice. Edidit notisque illustravit *Eduardus WELCH-*

MANN.

MANN, *Eccl. Anglic. Presb. Coll. Merton quondam socius.*

Notae sunt aptae, sed doctis nequaquam scriptae.



Commentarii Historico - Dogmatici in librum S. Augustini de Haeresibus ad Quoduultdeum. Digesti atque illustrati labore et studio P. LAVRENTII COZZA a S. LAVRENTIO, *Ord. Min. Reg. Obsequantiae Lectoris Iubilati, eiusd. Ord. Scriptoris, in Romana Prouincia Ministri Prouincialis, Dioecesis Viterbiensis Examinatoris Synodalis, Sacrae Congregationis Indicis Consultoris.* Oblati Eminentiss. et Reuerendiss. S. R. E. Cardinalibus, *eiusdem S. Congregationis indicis.*

Opus omnigena eruditione refertum, Vtile Theologis, Philosophis, Scriptoribus, Historicis, Concionatoribus, Confessariis, curam animorum habentibus, humanarum diuinarumque Litterarum atque rerum Ecclesiasticarum studiosis. *Pars prima continens haereses XII. a Simone Mago usque ad Marcionem.* Adiecta ad calcem cuiuscunque haeresis Collatione eiusdem cum recentiorum Euangelicorum haeresibus. *Romae 1707. typis Ge. Plachi, sumptibus Val. Fregianti.* (5 Alph. 7 Plagg. et Praef. plagg. 6.)

Augustini verba velut *rari nantes in gurgite vasto* apparent. Potiorem voluminis partem collatio in titulo praedicata occupat. Ceterum ignoro, vtrum pius viri ardor morte sit exstinctus, an vero bibliopola iuuenilem iubilati scriptoris impetum represserit. Cf. *Mem. de Trevoux Juin 1707. pagg. 1110.* et *Acta Erud. Lipsf. 1708. Nov. p. 489.*

(110. 111) *De Praedestinatione Sanctorum Libri II. quorum alter inscribi solet de Dono Perseuerantiae.*

Cf. *de Gratia et libero Arbitrio* n. 103. item *Opuscula selecta.*

1711.

Parisiis apud Guil. Desprez. fol. S. Augustini *de Praedestinatione et de Dono perseuerantiae libri.* Ext. in *Opp. S. Prosperi* a p. 23.



VERSIONES. *Italicæ.*

1537.

Brescia per Lodovico Britannico. 4. Della Predestinazione de' SS. e del bene della Perseveranza; absque nomine traductoris.

1544.

Venezia al segno del Pozzo. 16. Del bene della Perseveranza, tradotto da *Lodovico Domenichi.*

1547.

Venezia per Comin da Trino. 8. Libro del bene della Perseveranza composto dal B. Agostino Ves-covo Ipponense, di latino in volgare novamente tradotto. Est versio superi-or, quicquid titulus vendit; id quod etiam de sequenti valet.



Ibidem. 8. Il libro del B. Agostino V. I. della Predestinazione de' Santi, di latino in volgare novamente tradotto. Laudantur istae versionum editiones in *Bibl. degli Aut. volg.* Inserta in *Racc. d' Opusc. sc. e filol.* T. XXXII. p. 349. Ei vero potissimum Fontaninus auctor fuit.

Galli-

✱ ✱

Gallicam utriusque libri, editam *Lugduni* 1616. commemorant Colonienſes. Notior eſt, quae, longo abhinc ſpatio, prodiit auctore *Dubois*, ut proditum eſt in Bibl. Eccl. Colonienſi (p. 746.) Sed aliam indigitat Catalogus Bibl. Reg. Pariſienſis hoc titulo:

1676.

Paris chez Guil. Desprez. 12. Les deux livres de S. Auguſtin, de la predeſtination des ſaints et du don de la perſeverance avec les lettres 105. 106 et 107. de ce ſaint Docteur; le tout traduit en François par JEAN SEGUI. *Ephemerides Pariſ. (Journ. des ſçav. 4.)* h. a. num. XIV. pag. 92. de auctore omnino tacent.

1715.

Paris chez Jacq. Eſſienne. 12. Les deux livres de S. Auguſtin, de la predeſtination des Saints et du don de la perſeverance, avec les lettres 105. 106 et 107. du même ſaint; le tout traduit en François.

✱ ✱

S. Auguſtini ſententia de Praedeſtinatione et Perſeuerantia excerpta, cum Scholiis GEORGII CASANDRI *Belgae*. Pariſiis 1616. Eadem *anglice* per I. Scory. 8. *Lipen. Bibl. Th. T.I.* p. 525.

(113) *Speculum ex utroque Testamento.*

Diverſi ſub hoc nomine editi extant libri, qui utique ab editoribus ſuis Auguſtino vindicantur, vnus, qui in omnibus haecenus operum Auguſtini editionibus vulgatus proſtat, et in nouiſſima Benedictinorum Antuerpiae reſuſa recenſetur, Tomo III. a pag. 507. 612. iuxta ſeriem librorum V. et N. T. compoſitus, alter, qui ab *Hieronymo Vignier* in ſupplem. T. I.

a pag.

a pag. 515 - 545. ex Autographo Bibliorum MSS. *Theodulphi Aurilianensis* Episcopi, qui circa a. 820. obiit, est prolatus, in quo ad capitula certa moralia Bibliorum sententiae referuntur, absque praefatione. Hunc plane spurium censent Benedictini, quod et minus cum *Possidii* verbis et cum praefatione Augustini exemplari a se edito praefixa conveniat, Praefationem autem istam nemo non Augustinianum calumniam sapere profiteatur. Nec vero assensum eis quemquam in hoc negasse comperio, nisi quod textus biblicos concernit, qui non ex antiqua, qua procul dubio Augustinus utebatur, sed ex Hieronymiana seu vulgata versione sunt descripti. Augustini manum a sciolo aliquo temeratam esse, non improbabilius viri aliqui doctissimi, refragantibus tamen Benedictinis, contendunt *).

1679.

*Romae apud Iosephum Vanuccium. 8. D. Aur. Augustini speculum, ut in eo, quam obediens Deo, inobediensque sit, facilius quisque agnoscat, hac minori forma primum editum. Accessit eiusdem Doctoris Psalterium, quod matri suae composuit. Edidit et praefatus est tacito tamen nomine Iosephus Maria TOMMASI s. THOMASIVS, Alicatensis in Sicilia Clericus Regularis, idem qui postea (Romae 1709 - 12. III. Voll. 8.) titulo Theologicorum antiquiorum Patrum selecta Graecorum et Latinorum opuscula euulgavit **).*

(114) *Enar-*

*) Cf. *Caveus, Dupinius et Rich. Simon in Crit. Bibl. Eccl. T. I. p. 143.*

**) *Purpura a. 1712. a Clemente XI. donatus obiit 1713.*

(114) *Enarrationes in Psalmos Davidis CL.*

1489.

*Basileae per Ioa. de Amerbach fol. Aurelii Augustini prima, secunda ac tertia Quinquagena. In fine tertiae: Post exactam diligentemque emendationem (auctore deo) perfectum est insigne atque praeclarum hoc opus explanationis Psalmorum: diui ac magni doctoris Augustini. opus re vera maiori commendatione se dignum exhibens legentibus: quam quibusvis verbis explicari possit: ut et in praefatione et prologo ipsius euidenter colligi potest. Quanto vero studio et accuratione castigatum: emendatum et ordinatum sit: hi iudicent, qui aliud alii similis sibi: siue manu scriptis: siue aere impressis literis contulerint. Consummatum Basileae per magistrum Ioannem de Amerbach. Anno dñi M.CCCCLXXXIX. Impressum est caractere gothico in duabus columnis. Adsunt signaturae, literae initiales paruae et paginarum tituli, non item custodes et foliorum numeri. In prima folii primi pagina caractere gothico magno impressum: *Aur. Augustini Prima Quinquagena.* Praecedit index rerum alphabeticus XIV. foliis. Exempli huius ed. extant in Bibl. Bodleiana et Acad. Ingolstadiensis Cf. *Sermiller fasc. III. p. 164.* adde *Braunium l. l. T. II. p. 181.**

1493.

Venetis per Bernardin. Benalium. fol. Augustinus in Psalmos. Orlandi p. 284.



Basileae per Io. Amerbachium. f. Augustini opus in Psalmos. Maitt. T. I. P. II. p. 563.

1494.

1494.

Ibidem. fol. Augustinus in Psalmos. *Eodem teste l. l.*

1495.

Ibidem per eundem. fol. Idem opus.

1497.

Basileae per Io. de Amerbach. f. Idem opus. *Consummatum anno dñi M.CCCC.XCVII.* Sed loco exitis, quem in priori editione notauimus, indicis seorsim hic adiecta est *principalium sententiarum annotatio*, quae sola in volumen modicae magnitudinis excreuit. Eius exemplar memoratur quoque inter rariora Bibl. Reg. Budensis.

1519.

Lugduni. fol. B. Augustinus in Psalmos. Laudatur a *Hendreichio* in *Pand. Brandeb.* p. 342. asseruatur in Bibl. monasterii Ord. Eremit. S. Augustini Monachii teste *Ossingero* in *Bibl. Augustin.* pag. 11.

1529.

Basileae. f. Idem liber, commemorante *Hendreichio*. Sed haud dubie pertinet ad editionem primam Operum omnium ex recensione Erasmi. Apud eundem solum laudatas inuenio sequentes editiones: 1543 et 1555. *Parisis*; 1555. *Lugduni*; 1556. *Basileae*; 1561. 1562. 1563. *Lugduni*: haud grauiori fide.

1569.

Basileae per Frobenium. fol. Augustinus in Psalmos. Sic quidem extat in *Georgii allg. Europ. Büchcherlex.* Suppl. I. p. 21. Sed perperam omnino, si de singulari descriptione intelligendum sit: non item
fi

si inter Opera quaeras. *Geneuensem* eiusdem anni editionem notat *Hendreich*. Vereor autem, ne in anni indicio errauerit. Extat enim ed. Operum Augustini Geneuae 1596. non 1569. facta, ad quam haec fortassis referenda est.

1570.

Venetis. fol. Idem Opus. *Hendreich*. Qui ed. Venet. Operum omn. h. a. nouerit, intelliget, quantum in eo veri sit.

1571.

Lugduni apud Seb. Honoratum. 8. II. Voll. Augustini Enarrationes in Psalmos. Laudant *Hendreich* et *Coloniensts*. Tu vide, quae supra in *Annaibus edd. Operum omnium* ad h. a. notauimus. Similiter autem se habet cum ed. *Parisiensi*, quam ibidem notat.

1576. 1577 et 1579.

Antuerpiae. . . . Augustini Enarrationes in Psalmos. Sponsore *Hendreichio*. Nescio vero pluresne tomos diuersis annis editos, an diuersas editiones totius operis indicare voluerit. Illud autem scio, non seorsim, sed cum Operibus a Louanien-sibus editis hanc exstare. Vnus idem profert editiones, *Venetam* 1584; et *Parisensem* 1586. de quibus idem valet. Sed *Lugdunensis* ed. 1586. quae sit, non contendam.

1653.

Rothomagi typis Dav. et Petri Geoffroy. 8. Tomis III. Augustini Enarrationes in Psalmos cum praefatione recentioris cuiusdam (inserta etiam ed. *Benedictinorum*.)

1662.

1662.

Antuerpiae. fol. Idem opus cum indice concionatorio. *Hendreich. in Pand. Brandeb. l. l. Colonienses.*

1680.

Antuerpiae. . . . Idem opus curante *Iacobo Willemant, Eremita Augustiniano.*

VERSIONES.

1521.

Hagenau bei Thom. Anffhelm. 4. S. Augustini Auslegung über den 126. Psalm, durch Georg *Spalatinum* verteutscht.

Eundem Psalmum *italice* conuersum extare monet *Hendreich*, qui in notandis variis horum commentariorum versionibus satis est confusus.

1683.

Paris chez Pierre le Petit. 8. VII. Voll. Sermons de S. Augustin sur les Pseaumes, traduits en François par *Antoine Arnauld*. Tom. I- VII. *Cat. Bnau. et Bibl. Reg. Paris.*



Recueil des consolations et instructions salutaires de l'ame fidele, extrait du livre de St. Augustin par les Psalmes par *Jacques de Billy*. *Paris chez Claude.*

Instructions Chretiennes par les Pseaumes. *Bruxel. 1662. 8.*

Regles de S. Augustin pour l'intelligence des Pseaumes: *Paris et Bruxel. 1685. 12.*

(115) *Epistolae.*

Variae Augustini epistolae passim editae sunt cum aliorum Patrum, veluti *Hieronymi, Paulini, Prosperi*

Prosperi Aquitani etc. operibus, quibus indicandis hoc loco supersedere lubet, dum nonnisi collectiones omnium plurimumve, vel sicubi seorsim singulae editae sint, enumerare instituerimus, quarum elenchus est sequens.

SAEC. XV.

1493.

Basileae per Ioh. Amerbach. fol. Liber Epistolarum beati Augustini episc. Hipponensis ecclesie. In fine: *D. Aur. Augustini H. Ep. liber epist. vigilantissimo studio emendarum et impressarum: Argumentorum quoque novorum praenotatione succincte et dilucide expositarum: atque opera Magistri Iohannis de Amerbach civis Basiliens. perfectarum: Anno dñi etc: XCIII. Foeliciter explicit.*

Character romanus est praeterquam in titulo, qui more Amerbachii gothicis literis exaratus est. Epistolas continet CCVI. Praecedit VII. foliis brevis annotatio singularum epistolarum, initia, materiam atque ordinem exponens. Post subscriptionem index sententiarum et materiarum copiosissimus succedit. Eandem in Bibl. Ratisbonensi notavit *Gemeiner* p. 213. nec non in Lubecensi *Gesner* p. 56. In *Catalogo Bibl. Bernensis T. I. p. 15.* laudatur Epistolarum editio Amerbachiana de anno 1483.

1494.

Basileae ap. Ioh. de Amerbach. fol. Idem liber. Extat in Bibliotheca Lubecensi. Cf. *Gesner* p. 58.



Venetis per Bernardinum Benalium. 4. Idem liber. *Cat. Bibl. Pinell. T. I. p. 92.*

Sine anno

loco et typographo. fol. magno. S. Augustini Episc.
liber Epistolarum.

Editio princeps Epistolarum Augustini a Cl. *Braunio* primum detecta et descripta in *Notitia Hist. Litt.* (1788.) pag. 11. Volumen est foliorum CCLXIII. impressum caractere maiusculo duabus columnis in charta munda et firma. Columna quaevis lineas L. continet; desunt signa quaevis paginarum foliorumve, nec non litterae initiales. Interpunctiones habet, punctum, colon et interrogandi signum. Ab initio: *Liber Epistolarum Sancti Augustini. Incipit feliciter*; terminatur vero absque vlla subscriptione pagina vltima, in columna prima, epistola ad Afellicum. Epistolae, quae partim ipsius Augustini sunt, partim aliorum ad ipsum, numerantur CXC VII, in quibus etiam illae *Africanorum Episcoporum ad Innocentium I.* huiusque ad illos leguntur.

SAEC. XVI et XVII.

1541.

Bononiae () S. Augustini Epistola decima ad Xystum presbyterum de Gratia Dei. *Hendreich* in *Pand. Brandeb.* p. 342.

1604.

Moguntiae apud Balthas. Lippium. 4. S. Augustini Epistola de S. Martyribus et de Inimicis diligendis cum notis *Gerardi Vossii*.

Lipen. in *Bibl. Th.* T. II. pag. 254. quasi seorsim editam laudat. Enimuero inserta est *operibus Gregorii Thaumaturgi* (Neocaesariensis Episc.) ab eodem Vossio vna cum aliis Patrum opusculis editis p. 228. Erat vero Vossius ille Praepositus Ecclesiae Tungrensis,

sis, qui plura id generis scripta tunc emisit, deinceps obiit a. 1609. Vid. *Foppens Bibl. Belg. T. I.* pagg. 362. 63.

1638.

Flexiae. (La Fleche) 4. S. Aur. Augustini Epistolarum selectarum libri III. Recensuit primum, argumentis vberioribus explicauit, atque obseruationibus illustrauit *Rolandus Phigerius*, Soc. Iesu, Armoricus.

Liber primus Didacticas, secundus Ethicas et Paeneticas, tertius missas et familiares complectitur. *Colonenses.* Extitit etiam in *Bibl. Thottiana.*

1662.

Louanii. 12. D. Augustini Epistolae selectae, cum appendice supposititiarum. *Hendreich.*

1678.

Frankof. sumpt. Ioh. Crameri. 4. S. Aur. Augustini et aliorum quorundam ad ipsum vel eius causa scriptae Epistolae CCLXXVIII. Cum appendice supposititiarum, variis lectionibus aliisque marginalibus et indicibus vtilissimis seorsim accuratissime editae cura LVCAE FRIDERICI REINHARTI, *Norimbergensis S. Theol. in Vniuersit. Altdorfina Prof. Publ.*

Cypriani Epistolas ab eodem viro docto aliquot annis post editas in tomo primo commemorauimus. Non segniorem operam Augustino praestitit, in eo praecipue laudandus, quod plures eius epistolas, quae usque temporis nondum cum reliquis colligi, sed per reliquos tomos operum eius sparsim pro rerum similitudine exhiberi consueuerunt, coniunctim prius proposuit. Commode factum est, quod aliorum ad Augustinum scriptae epistolae italico chara-

ctere exscriberentur, dum ipsius Augustini epistolis rotundus adhibitus est. In margine tum variae lectiones, tum Allegationes Scripturae S. itemque Codicis Theodosiani, Iuris Canonici, Lombardi et Thomae Aquinatis loca, quae vel ex Augustino illustrari possent, vel verba eius exhiberent, sunt notata.

SAEC. XVIII.

1721.

Parisis. fol. S. Augustini — Epistolae duae; prima ad Bonifacium Papam; secunda ad Coelestinum. Ext. inter *Epistolas Rom. Pontiff.* per *Constant. T. I. pagg.* 1023 et 1051.

1732.

Viennae Austriae. typis Io. Petri van Ghelen. f. maj. S. Augustini, Ep. Hipp. ad Optatum Episc. Mileuitanum de Natura et Origine Animae Epistola secunda. Accessit eiusdem S. Augustini Epistola de poenis paruulorum, qui sine baptismo decedunt, scripta ad Petrum et Abraham. Prodeunt nunc primum ex Bibliotheca Liberae et Exemptae Ordinis S. Benedicti Inferioris Austriae Abbatiae Gottwicensis. Eadem *sequenti anno, ibidem* apud Ioannem Adamum Schmidium, Bibliop. Norimbergens. typis descriptae sunt.

In praefatione ad lectorem Abbas Godefridus de occasione vtriusque epistolae erudite commentatus est. *Codex*, in quo repertae sunt, vnicus vt iure suo existimasse videtur eruditissimus Abbas, exaratus est in membranis, in folio, et ad saeculum minimum duodecimum ab illo refertur, reperiendus in illius Abbatiae bibliotheca *Lit. 6. N. 10.* Nuncupavit *κειμηλια* haecce fortuito detecta Cardinali Passioneo,

neo, magno tunc temporis in Italia literarum statore et Bibliothecae Vaticanae aliquando Summo Praefecto.

1734.

Parisis apud viduam Raymundi Mazieres. fol. S. Aur. Augustini epistolae duae, recens in Germania repertae, notis criticis, historicis chronologicisque illustratae, opera et studio D. Iacobi Martin, Presb. Congreg. S. Marci. *Cat. Bibl. Reg.*



Paris chez veuve Mazieres. 8. Lettres nouvelles de S. Augustin, traduites en François, avec le Latin à coté et avec des notes critiques, historiques et chronologiques, et un traité de l'origine de l'ame tiré de ses écrits, nouvellement trouvées dans un MS. de l'Abbaye de Gottwic, près la ville de Vienne en Autriche.

VERSIONES.

1573.

Paris chez Mathur. Prevost. 8. La 48. Epistre de St. Augustin, adressée à Vincent Evêque, de l'heresie Rogatiane, fort convenable pour remettre à l'unité de l'Eglise catholique les separez et heretiques, comme pour y maintenir et conserver ceux qui y sont demeurez et retourniez, par Clement Vailant (Bellouacensem in suprema curia Causarum patronum).

Epistola in ed. Bened. numeratur XCIII. Pertinet ad eandem quodammodo *Disquisitio Theologica de sententia, an haeretici et schismatici vi ad fidem sint cogendi?* ubi simul ingens discrimen ostenditur inter causam Donatistarum et Protestantium. Auctore D. Elia Veelio, Vlmae 1689. 4. scripta occa-

sione persecutionis Reformationum in Gallia, cuius fautores Augustinum etiam in partes trahere conati erant.

1574.

A Reims par Jean de Foigny. 8. La forme et maniere de bien prier Dieu: qui est oeuvre principale du bon Chrétien; écrite premierement en Latin par saint Augustin, en son Epitre 101, à Probe, veuve, et traduite en François par *Nicolas CHESNEAU*, (Retelsensem Decanum et Canonicum S. Symphoriani Rhemenfis). *Duverdier par Juvigny T.V.p. 109.*

1653 - 59.

Paris chez Pierre le Petit. 12. *V. Voll.* Epistres choisies de S. Augustin, traduites en François par *Louis Giry*. Tomus I et II. 1653. III. 1656. IV. 1658. V. 1659. exscriptus est. *Hendreich in Pand. Brandeb.* aliam interprete *de la Cande a. 1653.* producit.

1684.

Paris chez Jean Bapt. Coignard. f. II. Voll. Les lettres de S. Augustin, traduites en François sur l'édition nouvelle des Benedictins de la Congr. de saint Maur, où elles sont rangées selon l'ordre des tems. Revûes et corrigées par les anciens Manuscrits et augmentées de quelques Lettres, avec des notes sur les points d'histoire, de chronologie et autres qui peuvent avoir besoin d'eclaircissement, par *Philippe Goibaud DU BOIS.* *Cat. Bibl. Reg. Paris.* Eandem VI. voluminibus, octonis, habet *Cat. Bibl. Duc. de la Val.* Vide etiam *Journ. des sçav. Paris.* (4.) a. 1685. n. II. et *Novelle d. Rep. delle Lettere. m. Novembre 1684.* Ex Codd. MSS. loca aliquot editionis Benedictinorum correxit. *Notas Tillemon-*

iii esse aiunt. Cf. quae Colonienſes adduxerunt teſtimonia.

1690.

A Lyon. Lettre XXXIX. (ed. Louan.) de S. Auguſtin à un jeune homme (Licentius) qui avoit été ſon diſciple et qui ſ'étoit engagé dans le ſiècle. *Ext. in la Solitude Chretienne T. I. p. 471.*

1700.

A Cologne. Lettre de S. Auguſtin au Comte Boniface (ſecunda ex tribus ad eundem ſcriptis) de la traduction de Mr. du Bois. *Ext. dans le Soldat Chretien inſtruit etc. par le P. Henri Godeſroy.*

1707.

A Lille chez Jean Bapt. Brouellio. 12. VI. Voll. Les lettres de S. Auguſtin, traduites en François ſur l'édition nouvelle des PP. Benediſtins de la Congregation de S. Maur, où elles ſont rangées ſelon l'ordre des tems, revûes et corrigées ſur les anciens manſcrits, et augmentées de quelques lettres qui n'avoient pas encore paru, avec des notes, par M. du Bois. Troiſieme edition. *Cat. Bunav. et Bibl. Reg. Pariſ.* Haec ipſa fortaiſſe eſt repetitio, quam h. a. Colonienſes Amſtelodami factam prodiderunt.

Anglicam verſionem Epistolae XLVIII. ſub titulo: Iudicium S. Auguſtini de Legibus poenalibus aduerſus conuenticula et de vnitae Religionis propoſitum in Ep. 48. *Londini* 1670. 4. memorant Colonienſes addito teſtimonio *Lipenii in Bibl. Philoſ. v. Conuenticula.*

Denique *Epistolae de poenis paruulorum, qui ſine Baptiſmo decedunt*, verſio eſſe videtur, quae in *Cat. Bibl. Firmianae* memoratur hoc titulo: *Sermone di S. Agoſtino, in cui ſi tratta della pena de' fanciulli morti*

morti senza Battesimo, trad. con annotazioni da G. G. Pavia. 1778. 8.



Insigniorum Augustini Epistolarum argumenta modo breuia, modo prolixiora Cl. *Roeslerus* inseruit Tomo V. der Bibliothek d. Kirchengvaeter pag. 417. vsque ad fin.

(116) *Sermones et Homiliae.*

S A E C. XV.

1475.

Augustae per Antonium Sorg. fol. min. S. Augustini liber, qui vocatur quinquaginta siue Homiliae L. In fine: Anno dm. M.CCCC.LXXV. circiter Kal. Februarii impressus est liber iste ad honorem dei, per Antonium Sorg. In Augusta. Incipit a registro homiliarum, quod primum folium implet. Character gothicus est, sed elegans. Nec foliis, nec paginis numeri notaeue sunt adscripti teste Cl. Zappf in Annal. Typ. August. p. 32. Seemillero fasc. I. p. 70. Adde Braunium Not. H. Lit. (1788.) p. 179.

1477.

Mutinae per Balthassarem de Struciis. 4. S. Augustini Sermones ad Fratres in Heremo. Nusquam nisi in Cat. Bibl. Pinell. T. I. p. 92. laudatam inuenimus.

1482.

Spirae factore Petro drach iuniore (in vigilia natiuitatis marie virginis) fol. B. Augustini sermones varii; in Omeliario Karoli Magni huius ed.

1484.

1484.

Mediolani per Teutonicos. 4. S. Augustini Sermones ad Fratres in Heremo. Cat. Bibl. Pinell. T. I. p. 92.



Paduae per Mathaeum Cerdonis. 4. B. Augustini sermones tres de Clericorum vita et moribus. —

Editor est *Eusebius Corradus* Mediolanensis, Canonicus regularis Congreg. Lateranensis, a cuius *epistola ad Sixtum quartum, Pontificem maximum: pro auferendo de ecclesia errore scribentium: Augustinum ecclesiae doctorem fuisse heremitam* volumen exorditur. Praeter dictos tres sermones, quorum primus incipit: *Charitati vestrae* etc; secundus: *Propter quod volui et rogaui* etc; tertius: *Ante omnia fratres* etc. inest etiam *Vita Augustini a Possideo* (sic) conscripta et, nisi mendax fuerit, contentorum tabula post epistolam dedicatorem statim subiecta, etiam *Epistola Augustini, si liceat clericis populum et gregem sibi commendatum persecutionis tempore relinquere*. Eam vero in exemplari, quod manibus teneo, non inuenio, nec mancum illud videtur, sed illius loco extat editoris ad Sixtum IV. et ad Patriarcham Aquileiensem, Cardinalem et sancti Marci protectorem, ceterosque Cardinales *Annotatio breuissima in errorem scribentium sanctum Augustinum fuisse heremitam*. Atque haec ipsa omnia in epistola dedicatoria libro huic inesse Corradus dicit, nec ibi quidem Epistolae illius mentionem facit, cum contra in laudata tabula haec *annotatio* non sit indicata. Ad calcem tamen legitur: *Finis adest trium Sermonum beati Augustini de Clericorum vita moribusque una cum vita S. Augustini, nec non cuiusdam epistole ipsius: „An clericis“* etc., *que omnia impressa fuere Padue per magistrum*

gistrum Matheum Cerdonis. Anno domini 1484. Colophonem addit Oda in laudem Augustini, incipiens: „De profundis tenebrarum. Absolvitur haec editio foliis XXXVI. lineis per paginam impressis. Character est gothicus luculentus. Praeter Chartarum numeros notae cuiuscunque generis foliorum paginarumue desunt. Sunt tamen literae initiales formulis ligneis expressae. Meminit eius quoque Braunius, Not. H. Lit. T. II. p. 111.

1486.

Brixiae per Iacobum Britannicum Brixianum. 8. S. Augustini Episcopi Sermones ad fratres Heremitas. In fine: Impressum Brixiae per Iacobum Britannicum Brixianum. Anno domini. M. CCCC. LXXXVI. die V. Ianuarii.

Editionis huius nulli bibliographorum antea cognitae notitiam solus praebet *Braun Not. H. Lit. T. II. p. 130.* significans volumen esse XXI plagularum fasciculis contentum, caractere romano ac pereleganti impressum, deficientibus quibuscunque foliorum paginarumue notis, parvisque literis loco initialium miniatoris gratia appositis. Continet omnia eademque serie ac sequens, ne sermonum tabula quidem excepta.

1487.

Venetis per Paganinum de Paganinis. 8. S. Augustini Sermones ad Eremitas. Ab initio: Incipiunt sermones sancti Augustini ad Heremitas: nonnulli ad sacerdotes suos: ad aliquos alios. Et primo de institutioe regularis vite ssmo p. (sic). In fine: Impressum Venetis per Paganinum de paganinis Brixianum. Anno Domini: M. CCCC. lxxxvij. die xxvj Maij.

Praeter

Praeter sermones LIX. accedunt: 1) *de sancta Monica sermo LX.* 2) *Calisti narratio de conuersione S. Augustini;* 3) *Sigiberthi de eodem narratio ex epistola ad Macedonium;* 4) *Excerpta quaedam ex Chronico Bedae;* 5) *Relationes aliae incertorum auctorum;* 6) *Oratio de Passione Domini, a nonnullis S. Augustino adscripta, quam per quadraginta continuos dies recitantibus Bonifacius VIII. plenariam concessit indulgentiam.* Textum praecedit tabula sermonum duo folia non integra complectens. Impressio facta est duabus columnis caractere gothico. Initiales literas paruas typographus interdum addidit et omisit alibi. Chartae signatae sunt a - r. Custodes, numeri, paginarumque tituli desunt. *Siemiller fasc. III. p. 92.*

[1492]

Venetiis apud Vincent. de Benaliis. 8. S. Augustini Sermones ad Heremitas et ad alios. Ext. cum D. Bernardi ad Sororem modo bene viuendi. Venet. 1493. Sic Audiffr. in Cat. Bibl. Casf.

1493.

Basileae faetore Nicolao Kessler (pridie Cal. Octobris) fol. B. Augustini Sermones varii; in Homeliario Doctorum, qui hoc a. et l. cura Iohannis Vlrici Surgant AA. et Decretorum D. etc. prodiit, vt praemissa epistola eius ad Nic. Kessler testatur.

1494.

I. (*Basileae per Io. de Amerbach.*) fol. Sermones diui Aurelii Augustini ad fratres suos in heremo commorantes, et quosdam alios.

Quamquam neque locus, neque annus, neque typographus disertis verbis in hoc volumine sit editus: nequaquam tamen dubitanter illos indicauimus,
cum

cum alia Augustini scripta, in vnum volumen cum praesenti opere compacta, quae ista omnia veluti a nobis posita praeserunt, similitudine characteris, descriptionis et dispositionis, iudicium nostrum tueantur. Literae videlicet sunt gothicae, paginae columnis binis impressae. Ab initio *) carmen elegiacum *Sebastiani Brant ad Diuum Aurelium Augustinum*, romano characterē exscriptum, praemittitur satis prolixum, cui breuior *de ortu, ingenio, eruditione, errore, conuersione ac sacra baptismali regeneratione eius narratio* subiicitur. Haec excipit *Hymnus Ambrosianus, sermo eiusdem B. Ambrosii super conuersione Augustini*, item *tres huius regulae monachales et forma, secundum quam communem sobrietatem*

*) Ita plerumque conspicitur. Tenendum vero, integris exemplaribus praefixum esse titulum sequentem literis gothicis exaratum: *Plura ac diuersa diui Aurelii Augustini Sermonum Opera videlicet*: (huc usque characteres grandiores, reliqua minoribus absoluuntur)

Ad fratres in heremo commorantes: Sermones LXXVI.

De verbis domini: Sermones LXIV.

De verbis Apostoli: Sermones XXXV.

In epistolam Canonicam beati Iohannis primam; Sermones X.

Homelie: id est Sermones populares L.

De tempore: Sermones CCLVI.

De sanctis: Sermones LI.

Vnde simul proditur, plura hanc sermonum collectionem ab initio fuisse complexam, quam nunc exemplaria pleraque retinuerunt, nec vero pro integris habenda esse, quae, ut nostra, in Homiliis deficiunt. Ceterum auersa folii pagina effigiem episcopi pro concione dicentis ligno impressam sistit, subscriptis versiculis: *saluae gemma confessorum: Augustine lux doctorum.*

tatem eis dederit, qui suo fratrumque suorum consortiis coniungi optabant. Tandem praeuia contentorum tabula, ipsi sermones LXXVI. cum appendice variarum de Augustino narrationum, ex diversis auctoribus, quorum nomina ex parte etiam prodita sunt, veluti Calixti, Sigeberti, Antonini, exhibentur. In fine: *Expliciunt collecta quaedam ex diuersis et ad gloriam b. Aug. sermonibus ad fr. in h. subiuncta: feliciter.* Postremo index variarum et sententiarum amplissimus X foliis volumen claudit.

II. *Ibid. per eundem. f.* Diuus Aurelius Augustinus de verbis Domini (Sermones LXIV.) In fine: *Explicitus est liber sermonum rel. — Bas. per magistrum Io. de Amerbach. Anno salutiferi partus virginalis nonagesimo quarto supra millesimum centesimum.*

Consonant omnia cum praecedentis operis adoratione etiam quoad variarum et sententiarum tabulam et sermonum indicem.

III. *Ibid. per eundem. f.* Diui Aur. Aug. Sermones de verbis Apostoli (XXXV). In fine: *Explicitus est liber Sermonum — D. A. Aug. Basileae. A. D. M.CCCC.XCIV.*

Nihil a superioribus discrepat.

IV. *Ibid per eundem. f.* Expositio diui Aur. Aug. in Epistolam beati Iohannis.

V. *Ibid. per eundem. fol.* Opus quinquaginta homeliorum diui Aur. Aug. In fine: *Basileae. M.CCCC.XCIII.*

1495.

Bas. ap. Io. de Amerbach. fol. Sermones sancti Augustini de tempore (256.) subscriptionis formula eadem atque in Sermonibus de verbis Domini anni praecedentis. Sermonum contentorum tabula diligentissime est composita. Sed index materialium et sententiarum minus copiosus videtur pro huius voluminis mole, si cum indicibus superiorum collectionum comparaueris. Ceterum interior tituli pagina effigiem emblematicam ligno impressam et disticha latina in hanc editionem parata offert.

Sine anno.

Per Conradum de homborch. fol. B. Augustini Sermones varii in dies dominicales et festos; in *Omelario Caroli M.* huius ed.

Sine anno

et loco. 4. Sermones sancti Augustini ad Heremitas. Haec in titulo literis grandibus expressa. Sermones sunt CLIX. cum additamentis quibusdam, caractere gothico, binis columnis impressi, sine ullo loci et anni indicio. Quapropter nescio, quibus argumentis inductus fuerit, qui nostro exemplari appinxit, circa a. 1490. lucem aspexisse. In *Bibliotheca Ratisbonensi* teste *Gemeiner* l. l. p. 276. extat horum sermonum editio absque loci et anni indicio quaternis impressa, quae foliis 108. constans sermones exhibet LIX. Editionis Venetae a. 1490. obiter mentionem facit *Gemeiner* l. l. p. 277; adde *Braunium* in *Not. H. Lit.* T. II. p. 53.

Sine anno

et loco. 4. Sermones duo (haec literis gothicis grandiusculis, sequentia caractere romano maiori expressa

scripta sunt) *Aurelii Augustini Episcopi de Vita et Moribus Clericorum.* Sunt duo priores ex tribus, qui in editione Paduana a. 1484. eduntur. Additur vero ex retractationum libro animaduersio eius in librum de vera religione. Impressum est caractere gothico minori admodum nitido, duabus columnis. Voluminis argumentum literis romanis scriptum per singularum paginarum margines supremos decurrit.

S A E C. XVI.

1513.

Parisiis. Editionem hanc *Sermonum ad Eremitas fratres* obiter laudat *Gemeiner* l. l. p. 277. (*Clementio et Ossingero* sponforibus, ut iam coniicio).

1516.

Lugduni per Iohannem Clem. Alemannum. (D. septimo Idus Augusti.) *fol.* B. Augustini Sermones varii; in *Homiliario doctorum* edito, si recte ex praefixa epistola concludimus, curante *Iohanne Thiery* Lingonensi V. I. Professore.



Parisiis per Berthold. Rembolt. fol. max. Praeclarissima et inestimabilis doctrinae atque utilitatis Divi Aur. Augustini Sermonum opera: nuper summa cura et diligentia Magistri Bertholdi Rembolt Impressa: apud Impressorem ipsum sub Sole aureo in via Iacobaea Parisii: et in officinis Ioannis Coberger ac Iodoci Badii venalia comperies que hoc ordine in hoc continentur volumine. Videlicet

Ad fratres in Eremita commorantes. *Sermones LXXVI.*

De verbis domini. *Sermones LXIII.*

De verbis Apostoli. *Serm. XXXV.*

In

In epistolam Canonicam beati Iohannis primam.
Tractatus X.

Homelię: id est *Sermones populares L.*

In euangelium secundum Iohannem. *Tractatus CXXIII.*

De tempore. *Sermones CCLXVI.*

De Sanctis. *Sermones LI.*

Cum tabulis et repertoriis amplissimis. *In fine: Explicit Parisiis in Edibus Magistri Bertholdi Rembolt. Anno domini — Die vero XIX Decembris.*

Litterae sunt gothicae, paginae columnis sectis sunt impressae, nec alius ornatus deest.

1521.

Hagenoae per Henr. Grau. f. B. Augustini preclarissima sermonum opera; summa nuper diligentia reuisa atque recognita, tum plerisque locis emendata. In fine: Impressum est preclarum hoc opus in officina industrii Henrici Grau: ciuis imperialis oppidi Hagenow: sumptibus et expensis probi viri Ioannis Rynman de Oringaw archibibliopole, mense Octobri anno a nato Christo 1521.

1525.

Lugduni per Ioannem Crespin (die X Ianuarii) fol. B. Augustini Sermones varii in Dies dominicales et festos; inter Homelias preclarorum doctorum in euangelia dominicalia, quas iussu Caroli M. collegisse fertur Alcuinus, editas h. l. et a. cum praefatione Fr. Lamberti Campestris, Theol. ad Simphorianum Camperium Patritium Lugdunensem.

1564.

Louanii apud Hieron. Wellaeum. 4. D. Aur. Augustini Sermones, et Possidii, Calamensis Episcopi, indi-

indiculus operum D. Augustini: ex editione et cum scholiis marginalibus *Ioannis Vlimmerii*. *Cat. Bibl. Reg.* Confer, quae supra ad editionem operum Basileensem a. 1569. tradita sunt.

1576.

Coloniae Agripp. f. S. Augustini Homiliae variae. *Ext. in Collectione Fr. Alcuini.*

1588.

Lugduni. f. S. Augustini Homiliae quaedam in *Bibliotheca Homil. CVM DII.*

SAEC. XVII.

1631.

Parisiis apud Sebast. Cramoisy. 8. S. Aur. Augustini Sermones noui XL. cum quinque aliis ex antiquis exemplaribus collecti, cum notis, studio et opera IACOBI SIRMONTI. *Cat. Bibl. Reg. et Casanat.*

1644.

Romae per Franc. Monetum. 4. Sermones aliquot S. Aur. Augustino adscripti, ex bibliothecis Vaticana et Barberina excerpti, nunc primum in lucem editi et quibusdam notis illustrati studio et opera Ioannis Baptistae MARI. *Cat. Bibl. Reg.*

1647.

Romae apud Ludouic. Grignanum. 4. S. Aur. Augustini Sermo in natali S. Ioannis Baptistae, nunc primum in lucem editus, cum obseruationib. *Ioannis Baptistae MARI. Cat. Bibl. Reg.*

1648.

Matriti typis Regiis. f. S. Augustini Sermones aliquot de B. Virgine. *Ext. in Bibliotheca Virginali*
Tom. II. Y

ginali P. de Alua T. III. a pag. 448. *Audiffredi in Cat. Bibl. Casanat.*

1685.

Parisis chez P. de Laulne. 8. S. Augustini Sermonum ad Eremitas fragmenta tria, quibus praemittitur Syllabus Sermonum ad FF. in Eremita, Sermonum ad Presbyteros Hipponenses et Sermonum ad Populum ex Autographo Iordanis de Saxonia. *Ext. in Supplem. PP. Jac. HOMMEY.* a pag. 644.

VERSIONES.

1493.

Firenze per Maestro Antonio Miscomini, (Adi XXVIII. di Giugno) 4. min. Sermoni Volgari del Venerando dottore Santo et Aurelio Augustino, Padre della regola eremitana, molto devoti, e spirituali ad acquistare la gloria spirituale del Paradiso. *Cat. Creuennae nouiss.* T. I. p. 107.

1546.

Venezia per Gabriel Giolito de' Ferrari. 4. Varj sermoni di S. Agostino, e d'altri Cattolici ed antichi Padri utili alla salute dell'anime messi insieme e fatti volgari da Monsign. Galeazzo Vescovo di Sessa, con due tavole, la prima de' Sermoni, ed Omilie; e la seconda delle cose più notabili. *Bibl. degli Aut. volg. in Raccolta d' Opusc. scient. e filol.* T. XXXII. p. 345.

1553.

In Vinegia presso G. Giolito de' Ferrari Fratelli. . . . Alcuini Sermoni di S. Agostino delle Parole Signore e dell' Apostolo, fatti volgari da Monsr. Galeazzo FLORIMONTE Vescovo d' Aquino. *Ext. in Varj Sermoni di S. Agostino ed altri Dottori volgari-*

garizzati dal medesimo. Cf. *Cat. Bibl. Casanat.* In *Cat. Bibl. Smith* a. est 1588. forma 4.

1567.

Venezia per il Giolito. 4. Varj Sermoni ecc.

1568.

Venezia per il Sansovino. 4. Varj Sermoni di S. Agostino e d'altri Cattolici ed antichi Dottori, ne quali trattandosi diverse materie sopra diversi luoghi della Sacra Scrittura del vecchio e del nuovo Testamento si contiene Cristiano desideroso di vivere puramente fra le persone, e della salute dell' anima sua, messi insieme e fatti volgari da Monsignor Galeazzo Vescovo di Sessa con due tavole, l' una de' Sermoni, e l' altra delle cose notabili.

1572.

Fiorenza per i Giunti. 4. Libro III. de' varj Sermoni di S. Agostino ecc. raccolti insieme e fatti volgari da Raffaello Castruccio Monaco della Badia di Firenze a imitazione di Monsign. Galeazzo Vescovo di Sessa. Prodiit etiam liber quartus, sed in quo nihil Augustini contentum fuit. Secundam vero partem impressam inuenio a. 1654. h. tit.

1654.

Venezia per Girolamo Scotto. 4. Seconda parte de' Sermoni di S. Agostino ecc. tradotti in volgare da Mfgn. Galeazzo Florimonzio Vesc. di Sessa con alcuni Omilie del medesimo. Haec omnia nobis suppeditauit *Bibl. degli Aut. volg.* l. l.

1694 et 1700.

Paris chez veuve Jean Bapt. Coignard. etc. 8. *IV. Voll.* Les sermons de S. Augustin sur le Nou-

veau Testament, traduits en François sur l'édition Latine des PP. Benedictins, par *Philippe Goibaud du Bois*.

1731.

In *Firenze* presso *Dom. M. Manni*. 4. Volgarizzamento de' XL Sermoni falsamente attribuiti a S. Agostino, fatto da un Religioso dell' Ordine detto di S. Agostino, nell' anno 1300, e come si crede, da Fr. Agostino da Scarperia. *Cat. Bibl. S. Ang. ad Nidum Neapoli*, *Audiffredi* in *Cat. Bibl. Casanat.* it. *Cat. Bibl. Smith*.

(119) *De decem chordis liber.*

Huius versionem hispanicam, auctore *Gundisalvo Garzia de Sancta Maria*, *Caesaraugustano*, editam a. 1494. 8. *Los Tratados de las diez cuerdas de la vanidad del mundo* commemorant ex *Nic. Anton. Bibl. Hisp.* p. 425. *Colonienfes*.

II. *Annales editionum singulorum Augustini librorum.*

B. *Spuriorum.*

(6) *De Musica libri VI.*

Nescio equidem, an huc spectat, qui in Catalogo *Bibl. Bodleianae* memoratur *S. Augustini libellus de Musica. Basileae* 1521. 4.

(18) *De Grammatica liber.*

1605.

Hannoviae. 4. *Augustinus de Grammatica. Ext.* inter *Auctt. Antiqq. de Grammatica Lat. collect.* ab *Helia Putschio*, a pag. 1975.

(19) *Prin-*

(19) *Principia Dialectices et Rhetorices libri II.*

1479.

Florentiae apud S. Iacobum de Ripoli. 4. Augustini Logica. Cat. Bibl. Casanat.

1599.

Parisiis. 4. Augustini principia Rhetorices. Ext. inter Antiquos Rhetores a pag. 290.

1643.

In Venezia nella Salicata. 4. S. Agostino della Retorica. Ext. fra gli Autori del ben parlare Tomo 30. pag. 21.

(34) *Liber de Fide ad Petrum Diaconum.*

Prodiit seorsim sine loco et anno. fol. Sed vide Fulgentium Tomo III. cf. supra in Opusculis ad a. 1473. n. 1.

(35) *De Spiritu et Anima.*

1472.

S. l. et typogr. 4. S. Augustini liber de anima et spiritu, de ebrietate, ad virgines de castitate et sobrietate, de quatuor virtutibus caritatis, de contritione cordis. In fine: Finitus est liber beati Augustini, Ep. Yponensis cum ceteris tractatulis eiusdem. Anno millesimo quadringentesimo septuagesimo secundo quinto Idus Nou.

Extat in Bibl. Lubecensi Gesner. I. l. p. 26. Is vero jex literarum similitudine et chartarii signo (capite taurino) iure aliquo suo concludere sibi videtur, Moguntiis apud Petrum Schoifferum, qui eadem forma absque loci et anni indicio libros de vita Christiana et verae vitae cognitione excudit, fuisse impressum. Ibi tamen insignia Schoifferi non, ut in hoc volumine, desunt.

(36) *De Amicitia.*

1510.

Lipsiae. 4. D. Aur. Augustini, Hipp. Episc. de amicitia liber, in quo Ciceronis errata castigantur, cunctis, qui pacem, concordiam et veram atque perfectam diligunt amicitiam, utilis et summe necessarius. — Subiiciuntur huic titulo statim disticha sequentia:

Augustinus in hoc aphorum (sic) gloria gentis

Quæ sit vera libro narrat amicitia

Magnus Aristoteles callens arcana capaci

Nature ingenio: nescius huius erat

Nescius eras huius Plato tu diuine magister

Hanc veterum ignorans ethnica turba virum.

In fine: *Impressum Lyptzk p Baccalaureum Wolffgangum Monaceū. Anno 1510.* — Character est gothicus. Praefatus est ad studiosos et eruditos bonor. artium in acad. Liptzēn. Amatores Magnus Hundt parthenopolitanus, theologorum, vt quidem se appellat, infimus, ep. data in collegio principis die Calixti.

(39) *Soliloquia.*

1473.

S. l. fol. Augustini soliloquium de arrha animae. Ab initio: *Incipit soliloquium beatissimi Augustini episcopi yponensi (sic) de arrha animae.* In fine: *Raptus est finis huius tractatus Augustini de arrha anime feria tertia post festum sancti Dyonisy Anno dni LXXIII XC (sic)* Eiusdem est editionis ac *Soliloquia genuina s. l. et a. et Hieronymiana de essentia div. etc.* Conf. dicta ad librum Augustini de quantitate animae. Extremae raritatis esse exinde discas, quod nemini hactenus bibliographorum cogni-

cognitus fuerit. Summum vero in eo ad aetatem illorum opusculorum definiendam situm esse momentum nemo facile negabit, si ne minimum quidem ab illis differre dixerō. Quodsi igitur vere ea Guntheri Zaineri a quibusdam sunt credita, ut equidem nullus dubito, sequitur, Hambergeri sententiam, Zainerum post annum 1472. caractere gothico uti desisse, postquam primum mense Nouembri eius anni romanos typos Isidoro imprimendo adhibuisset *), ipsum fefellisse, quod plerisque accidere solet, qui nimis exactis formulis limites ac tempora euentuum aut institutorum quorundam circumscribere amant. Ac quaenam causa tam repentini fastidii gothici characteris in eo viro cum verisimilitudine fingi possit?

VERSIONES.

1489.

Sine loco et typogr. Adì XX di giogno (sic) 4. min. Li Soliloquii del Divo Padre Santo Agostino. Character rotundus est. Florentiam natales eius esse suspicatur editor *Cat. Creuennae nouiss. T. I. p. III.*

1491.

Firense. Adì X. di Novembre. 4. Soliloquii di Santo Augustino volgari. *Cat. Bibl. Creuennae nouiss. l. l.*

1492.

Mediolani. . . . 8. Huius anni, loci ac formae versionem italicam horum librorum commemorat *Denisus Garell. Bibl. p. 235.*

Y 4

1663.

*) *Zuverliss. Nachrr. T. IV. p. 806.* vbi de Zaineriana ed. Thomae Kempisii praecipit.

1663.

Paris chez Charl. Savreux. 12. Les soliloques, le manuel et les meditations de S. Augustin, traduits en François par D. L. C. C. F.

1671.

A Lyon. 8. St. Augustin les Soliloques, le Manuel. Cat. Bibl. Bern.

1684.

Paris chez Pierre le Petit. 12. Les soliloques, les meditations, le manuel de S. Augustin, traduits en François par le P. Nicolas Regnier.

1691.

Paris chez Guil. Desprez. 12. Eadem, traduction nouvelle, revuë sur le Latin: edition augmentée de l'esprit du même Saint, tiré de ses confessions.



Paris chez Jean Bapt. Coignard. 12. Les soliloques, les meditations et le manuel de S. Augustin, traduits en François sur l'edition Latine des Peres Benedictins, avec des notes, par Philippe Goubaud du Bois.

1696.

Paris chez Jean Couterot. 8. Les soliloques de S. Augustin, mis en vers François, avec le Latin et une meditation, sur le jugement dernier, en vers.

1704.

Paris chez Nic. le Gras. 12. Les soliloques et les meditations de S. Augustin traduits en François par le P. René de Ceriziers.

Plura de variis horum librorum *gallicis versionibus* attulit auctor huius articuli in *M. Bibl. Eccl. Colon.* p. 729. num. 4. de quibus, quoniam aliunde haud quicquam recognoui, sollicitari me non sinam.

(40) *Meditationes.*

Sine anno

loco et typogr. f. Liber S. Augustini de Meditatione. A prima statim pagina legitur: *Incipit liber plocutionis beatissimi patris nostri Augustini et eius stemplatione.* In fine: *Explicit liber de meditatione beatissimi patris nostri Augustini. deo gratias.* Laudat hoc Opusculum Cl. *Seemiller* fasc. I. p. 112. inter eos libros, quos absque loci et anni commemoratione a Christophoro Valdarfero, Ratisbonensi, qui intra annos 1471 - 1476. Venetiis et Mediolani impressit, excusos esse sibi persuasit, et quorum plures ibidem eisdemque omnes inuicem caractere et descriptione reliqua valde similes proposuit. De nostro vero prodidit, literis oblongis paulo maioribus exscriptum folia tredecim integra et paucas in decimo quarto lineas complecti, sine numeris ac notis paginarum foliorumue, absque itidem literis initialibus.

Sine anno

et loco. 4. B. Augustini meditationes. *Cat. Bibl. Reg. T. I.* p. 376. ubi additur: *Vetus editio circa annum 1500.*

Sine anno.

Parisis per Antonium Cayllaut. 4. Meditationes Beati Augustini. *Cat. Bibl. Duc. de la Val.* T. I. p. 175.

SAEC. XVI et XVII.

1516.

Venetiis. . . . 8. S. Augustini Meditationes. Soliloquiorum animae ad Deum liber vnus. Manuale. *Ext.* in Opusculo multarum bonarum rerum referato. *ab initio.* Sic *Audiffrr.* in *Cat. Bibl. Casanat.*

1608.

Duaci per Balth. Bellerum. 24. D. Aur. Augustini Meditationes, Soliloquia et Manuale etc. Plenum titulum vide in sequenti.

1613.

Duaci per Baltazar. Bellerum. 24. D. Aur. Aug. — Meditationes, Soliloquia et Manuale. Meditationes *B. Anselmi* cum tractatu de humani generis redemptione. Meditationes *D. Bernardi.* *Idiotae* viri docti contemplationes de amore diuino. Omnia ad MSS. exemplaria emendata et in meliorem ordinem distributa: opera et studio R. P. *Henrici Sommalii.* Soc. Iesu Theol.

1614.

Coloniae apud Conrad Butgenium. Idem liber eiufd. ed.

1631.

Lugduni. 24. S. Augustini Meditationes. *Cat. Bibl. S. Angeli ad Nidum Neap.*



Coloniae Agrippinae sumpt. Corn. ab Egmond. 12. Idem liber ex ed. *Henr. Sommalii.*

1637.

Ibidem per eundem. 12. Eadem editio.

1649.

1649.

Ibidem. 12. Idem liber per eundem.

1650.

Parisis apud Claudium Cramoisy. 12. D. Aur. Augustini meditationes, soliloquia et manuale: omnia ad MSS. exemplaria emendata, opera et studio *Henrici Sommalii*.

1672.

Romae per Barthol. Lupardum. 4. Eadem.

Sine anno.

Dilingae apud Sebald. Mayer. 8. D. Aur. Aug.—Meditationes, Soliloquia, Manuale. Aliam horum librorum editionem *Dilinganam* a. 1571. commemorant obiter Colonienfes p. 729. ad n. 4.

SAEC. XVIII.

1701.

Antuerpiae. 8. Diui Aur. Aug. — Meditt. Soliloquia et Manuale, ad MSS. exemplaria emendata et in meliorem ordinem distributa, op. et studio *R. P. Henr. Sommalii*.

VERSIONES.

Sine anno

et loco. 12. S. Augustini Soliloquia in Graecum vulgare translata. *Cat. Bibl. Reg. T. I. p. 377.*

1671.

Paris chez la veuve Charles Savreux. 12. Eadem *Gallice.* Par le Sieur D. L. C. C. E.

1679.

A Paris chez Guill. Desprez. 8. Les Soliloques, le Manuel et les Meditations de S. Augustin. Traduction

duction nouvelle, revüe très-exactement sur le Latin. Nouv. Ed. à la quelle sont ajoutés quelques fragmens de piété tirez des Confessions de ce même Saint, qui feront voir quel estoit son Esprit. — *Postrema sub titulo, L'esprit d'Augustin tiré de ses confessions addita sunt.*

1714.

Bruxelles, 8. Idem liber gallice c. notis. Cat. Bibl. Thott.

1604.

Madrid. Eadem hispanice reddita a P. RIBADENEIRA. Ext. in eiusdem opp. P. III. pag. 633. sqq.

1600.

Francf. a. d. Oder. 8. Idem liber germanice per Henr. Raetell.

1717.

Gent. 8. Idem liber, Belgice per Andr. van Loo. Cat. Bibl. Thott.



Ex Meditationibus excerptum esse *S. Augustini Rhythmum de gloria et gaudiis Paradisi* versibus poeticis compositum, qui extat inter *Ge. Fabricii Poet. Christ. Basil. 1564. 4. p. 815.* monet *Audiffredus in Cat. Bibl. Casanat.*

(42) *Manuale.*

1471.

Tarvisi per Gerardum Lisam de Flandria. 4. min. S. Augustini liber de salute, siue de Aspiratione animae ad Deum. Ad calcem literis vncialibus excusum visitur

In laudem scriptoris epigramma.

*Gloria debetur Girardo maxima lisae.
Quem genuit campis Flandria picta suis.
Hic Tarvisina nam primus coepit in vrbe.
Artifici raros aere notare libros.
Quoque magis fauent excelsi numina regis.
Aurelii sacrum nunc MANVALE dedit.*

TARVISII
M. CCCC. LXXI.

Constat hocce opusculum, a quo typographiam Tarvisinam initium duxisse suspicatur Morellus *), foliis XX, impressum caractere rotundo eleganti, lineis XXII. per paginas. Complectitur sola XXIV. priora capita iuxta sequiorum editionum distributionem. *Audiffredi in Cat. Bibl. Casanat.* Adde *Crevennae Cat. nouissimum.*

(44) *Speculum peccatoris.*

Sine anno

loco et typogr. 4. B. Augustini speculum peccatorum. *Vetus editio circa annum 1500.* Sic *Cat. Bibl. Reg.*

Sine anno

loco et typogr. fol. S. Augustini speculum peccatoris. Vide quae ad libellum *de quantitate animae* eiusdem editionis sunt notata.

(47) *De verae Vitae cognitione.*

Sine anno.

Moguntiae apud Petr. Schoiffer, vt ex insigni illius ad calcem minio impresso apparet. 4. Incipit

2

*) In *Cat. Bibl. Pinell.*

a capitulorum tabula tres paene paginas occupante, cuius versiculi nouem praefixi sunt hoc exordio

Augustine pater. aquilino more Iohannis

Ingenii velis petis alta recondita celis etc.

In fine: *Augustini de v. v. c. libellus explicit.* Character plane idem est cum praecedentis libri formis. Anno circiter 1470. procusam suspicatur *Deburius* in *Cat. Bibl. Ducis de la Val.* T. I. p. 176. Extat etiam in *Bibl. Lubecensi.* V. *Gesner* p. 14. 3 quo *Schelhornius* in *diatriba ad Quirin.* (Lindav. 1761. 4.) p. 37. et *Schweindelius* in *Not. hist. crit. libr. vet. rar.* l. 37. laudantur.

1578.

Basileae. S. Augustini de Trinitate fragmentum ex libro, qui inscribitur de cognitione verae vitae (*cuius Auctor Honorius Augustodunensis*) *Gr. Lat. I. Leunclauio interprete.* Ext. cum Legatione Imp. Caes. Man. Comneni ad Armenos etc.

1670.

Romae. Idem cum leui aliquo discrimine. Ext. inter *Opuscula Aurea Theol.* quorundam Graecc. collecta a *P. Arcudio* a pag. 672. Sic *Audiffredus* in *Cat. Bibl. Casanat.*

(48) *De Vita Christiana.*

Sine anno

et loco (Moguntiae apud Petr. Schoiffer.) 4. Incipit prologus beati Augustini de vita xpiana. In fine: *Explicit liber b. Aug. de v. Chr. Hec faciendo quisque vitam obtinebit eternam* Extremo loco signum Schoifferianum minio, vt solet, impressum conspicitur. Character ex gothico ad rotundum deflehit, sed

sed perquam exilis et rudis est. Signaturae et numeri foliorum plane absunt. Cf. *Cat. Bibl. Duc de la Val*. T. I. p. 174. Laudatur quoque in *Catal. Bibl. Bunav.* itemque in *Bibl. Lubecensi* extat.

Sine anno.

Parisiis ap. Ioh. Lambert. 8. Liber beati Augustini de Vita christiana. Haec in suprema paginae parte, reliqua signum officinae pro more typothetarum Parisiensium exeunte saeculo XV. et sub initium XVI. occupat. In fine: *Explicit etc. Impressus parisiis per Iohānem lambert in vico sancti iacobi commorantem p Dyonisio Roce.* Literae sunt gothicae minutae.

1467.

Per Olricum Zel de Hanaw. 4. Beati Augustini liber de vita christiana. Eiusdem liber de singularitate clericorum. In fine posterioris: *Explicit Liber beati augustini epi. de singularitate clericorum. Per me Olricum Zel de hanaw clericū diocef. Moguntinen.* Anno millesimo quatercentesimo sexagesimo septimo.

Prior tractatus XIX. folia, alter XXXIII. complectitur, quorum singulae paginae lineis XXVII. constant. *Debure* in *Cat. Ducis de la Val*. T. I. p. 173. Supra sub *opusculis* plures inuenies Augustini tractatus huic editioni valde similes, ab eodem haud dubie typographo, circa annum 1470, ut putant, impressos.

(50) *De XII. abusio[n]um gradibus.*

Sine anno

et loco. f. Aurelii Augustini Iponensium presulis dignissimi liber de XII. abusio[n]ibus seculi, incipit feliciter. In fine: *Laus deo.* Separatim vero folio ultimo

ultimo impressa sunt *Augustini de origine animae electissima auctoritas* et *Augustinus de diuinatione daemonum*. In fine iterum: *Laus deo*. Hinc est, quod in duobus huius editionis exemplis apud *Seemillerum fasc. I. p. 109*, alterum non nisi opusculum primo loco commemoratum exhibeat, alterum praeter reliqua duo vno folio comprehensa praebet etiam *B. Anselmi libros duo de eo, cur Deus homo?* viginti nouem foliis impressos. — Plagulae sunt quatuor. Characteres gothici rudiores et inaequales lineis latis impressi, in quibus imprimis frequens syllabarum *de. be. po. bo. vo. co. ho.* in vnam figuram contractio. Nec desunt crebra syllabarum compendia.

1514.

Lipsiae. 4. D. Aur. Aug. Hipp. ep. de duodecim abusionum gradibus in mundo: liber utilis atque delectabilis. In fine, post tituli repetitionem: Lypßck per Baccalaureum Martinum herbipolensem diligenter impressus: anno a natiuitate Christi Millesimo quingentesimo quarto decimo. Subiiciuntur insignia typochetae in ipso fine.

1521.

Augspurg durch Sigism. Grimm und Marx Wirsung. 4. Augustinus von den zwoelfß Stapffeln der Myßbrauchung von dem neuen Gesang, wie man das Reich der hymel erlangen mag, verteutschet durch Georg Spalatinum.

(55) *De Antichristo.*

1522.

Parisiis. . . . S. Augustini fragmentum ex tractatu de Antichristo (qui inter Alcuini et Rabani opera reperitur) Extat in Mirabili libro, qui Prophetias etc. demonstrat. Audiffred. in Cat. Casanat. Bibl.

(75) *De*

(75) *De essentia Diuinitatis.*

1510.

Lipsiae per Wolffgangum Monacens. 4. D. Aur. Aug. Hipp. Episc. liber de essentia diuinitatis, quo Anthropomorphitarum et Vadianorum errores ex falsis quorundam Philosophorum opinionibus exortos praecipue reprobat: luce clarius explicans corporalia et humana membra. non carnaliter sed spiritualiter in sacris literis. diuinitati attribui. Annexis quibusdam annotationibus. a Doctore *Magno Hundt* Parthenopolit. in Academia Liptzen. ex tempore collectis: Studiosis et philosophiae et sacrarum literarum amatoribus admodum proficuis. — Praemissa est editoris ep. ad Paulum Schillerum, Philos. et SS. Lit. Profess. data. in Colleg. Princip. 1508. decima septima Octobris. Verba Augustini et Annotationes alternis se inuicem excipiunt. In Bibl. Colon. laudatur editio Hundii Lipsiae 1509. ex Becmanni Cat. Bibl. Francof. p. 35.

Sequentes nescio quo referam.

*In Matthaeum Comm.**Sine anno*

et loco. S. Augustini commentarii in Matthaeum. Per omnia editioni librorum de doctrina Christiana absque loci et anni indicio expressae similes esse tradit *Ge. Pray* in *Cat. Bibl. Baid. T. I. p. 89.* Vterque liber etiam vno volumine in ista Bibliotheca comprehendebatur et Praius descripturus erat accuratius, ni mutilum huius exemplum fuisset. Nescio an sit particula *Quaestionum Euangelicarum*, quae inter genuina n. 41. recensentur.

*De Vanitatibus Saeculi.**Sine anno*

loco et typogr. 4. S. Augustini, Episcopi Hippo-
nensis 1) de Vanitatibus saeculi, 2) de Vita Christiana.

Huius editionis memoriam, vt tot aliarum, quae rarissime alias obtingunt, seruauit Cl. Seemiller fasc. II. p. 150. Separari duo haec opuscula non possunt, atque vna constant foliis XXIII. lineis XXV. per paginam, caractere gothico paulo maiori, oblongo et luculento, eodem, quo Conradus Finer Esslingensis vsus est *), impressis. Absunt custodes, signaturae, numeri et inscriptiones paginarum. Atamen duae initiales literae horum opusculorum formis ligneis impressae sunt. Initium: *Incipit liber Augustini de vanitatibus saeculi.* Sub finem folii quinti pagina auersa duabus lineis: *Explicit liber sancti Augustini de vanitatibus saeculi feliciter.* Tum in fronte folii sexti: *Prologus libri beati Augustini de Vita Xpiana incipit feliciter;* atque in extrema tandem pagina tribus lineis: *Explicit liber sancti Augustini de vita Christiana feliciter.* Ceterum nescire me fateor, quo primum tractatum referam, suspicor tamen, eundem esse cum sermone, qui vulgo *de Vanitate* saeculi inscribitur, inter dubia relatus num. 9. b.

*Expositio Symboli et Orationis Dominicae.**Sine anno*

loco et typographo. fol. S. Augustini 1) *Expositio Symboli.* 2) *Eiusdem expositio Orationis Dominicae*
Com.

*) Cuius gratia lectores ablegat ad Gerhohi Steigenger *literarisch-krit. Abh. üb. die zwei alleraelteste gedr. deutsche Bibeln* etc. qui Tab. III. n. 3 et 4 eundem aere incidendum curauit.

Commemorat duo haec opuscula, cum aliquot Thomae Aquinatis et Henrici de Hassia, idem paene argumentum concernentibus et iisdem typis expressis, compacta, Cl. *Seemiller fasc. I. p. 152. sq.* Impressa sunt caractere gothico nonnihil maiori et oblongo. Interpunctionum signa sunt punctum, comma supra et infra lineam prominens, cui interdum punctum in formam signi exclamandi subiici vir laudatus animaduertit. Lineae triginta per paginam integram numerantur; numeri, signaturae, custodes, nec non initiales literae desunt.

Sine anno

loco et typogr. 4. min. S. Augustini 1) Sermo super oratione Dominica, 2) Expositio Symboli, 3) Sermo de ebrietate cauenda.

Tria haec opuscula, quorum penes eundem Virum doctum *fasc. I. p. 163.* memoria est prodita, vno volumine VIII. foliorum, ita, vt separari nequeant, comprehenduntur. Characteres, eodem teste, sunt gothici, minuti, sed admodum pingues, non absimiles iis, quos imprimis Vdalricus Zel frequenter adhibuit, minores tamen. Distinctionis signum laqueus hac forma [-]. Numeris, signaturis, custodibus et literis initialibus caret. Pagina iusta lineas XXVII. complectitur.

De virtute Psalmorum.

Sine anno

loco et typogr. 4. In fronte: *Incipit Augustinus De virtute psalmorum.* In fine: *Explicit Augustinus de virtute psalmorum.* Cl. *Seemiller fasc. II. p. 163.* Impressum est volumen, hoc teste, gothico caractere singularis formae et iustae magnitudinis in
Z 2 charta

charta alba ac nitida, absque custodibus, numeris etc. nisi quod priora quinque folia typographus signavit.

Sine anno.

Parisis per Dionys. Roce. 8. Augustinus de virtute psalmorum. Typographus ex signo titulo impresso nescitur. Vid. ex eadem officina librum *de vita Christiana*. In *Cat. Bibl. Bodl.* huius libri editio quaternis *sine l. et a. indicio* facta memoratur.

Hactenus *Annales editionum singulorum Augustini librorum.*

§. 4. Deflo-
ratores et
Commenta-
tores prae-
cipui Ope-
rum S. Au-
gustini.

Casimirus Oudin in *Commentario de Scripto-ribus Ecclesiasticis Tomo I. pag. 990.* absoluta iam notitia de vita, scriptis et editionibus S. Augustini, singulare caput *de Defloratoribus vel Commentatoribus D. Augustini, tam antiquis, quam recentibus praecipuis* perscripsit et reliquis tanquam *septimum et ultimum* adiecit. Quem secuti *Auctores M. Bibliothecae Ecclesiasticae Colonienfis*, totum paene servata etiam epigraphe in commentarios suos, voce *AVGUSTINVS* num. VI. pag. 767. retulerunt, ita tamen, ut relictis iis, de quibus alio loco commodius verba fecissent, auxerint etiam non poenitendis additionibus. Optimum institutum a nobis non sine lectorum detrimento deseri posse videbatur. Sed intelleximus etiam, quae ab illis novissime congesta erant, paucis tantum in locis emendationem aliquam desiderare et pauciora inesse, quae nostrae tractationi apta non essent. Nec sperandum fuit, ut ipsi ampliora quodammodo darem, quin immo, quae in proprias schedulas digesseramus ad hocce argumentum spectantia, ad vnum omnia ab illis occupata esse cognovimus. Quapropter nullatenus dubitavimus, quicquid in tota hac Oudini et Colonienfium disser-

tatione

tatione nobis probaretur, ipsis eorum verbis huc transferre, dummodo non alieno merito quidquam subtraxisse videremur.

Primus fuit *S. Prosper Aquitanus*, qui circa annum 450. librum *Sententiarum ex S. Augustino delibatarum* confecit, studio *Io. a Fuchte* aliquoties seorsim editum, de quo nos suo loco. Colonienſes, titulo libri non ſatis integro inducti, memoriam eius tanquam ipſius editoris opellae poſt *Lumnii Theſaurum* inferuerant. Proximus aetate fuit, cui primum locum in hac ſerie dederat Oudinſus,

Eugyppius Abbas et Presbyter Africanus Saec. VI. qui *ſententias, quaestiones* etc. ex *S. Augustini* ſcriptis deſlorauit et in vnum corpus, cui *Theſauri* nomen fecit, collegit. – Hic cum ad noſtrum etiam cenſum pertineat, plura de eo in ſequenti Tomo dicta inuenies.

Inter MSS. Codices Bibl. Venetae Cardinalis Beſſarionis, extat *Petri Abbatis Tripolitani* nomine *Expoſitio in Epistoſas D. Pauli ex diui Auguſtini Sermonibus*, in membrana, de qua loquitur Baroniſus ad annum 562. poſt Caſſiodorum *Diuiinarum Inſtitutionum* cap. 8. Sed an legitimum opus Petri Tripolitani Abbatis ſit, caute diſcutiendum eſt: licet hoc ſcribat Iacobus Philippus Thomafinus in Catalogo Bibliothecarum Venetarum Publicarum et Privatarum, quem anno 1650. Vtini in 4. imprimendum curauit. Oud.

Venerabilis *Beda*, natione Anglus, profeſſione Monachus et Presbyter; qui anno DCCX. et ſequentibus floruit. Extant inter Opera V. Bedae *Commentaria in omnes Epistoſas S. Pauli, ex Auguſtini operibus vt plurimum excerpta*, de quo Opere Baroniſus in Annalibus ad a. 562. litem Bedae mouet, ac Petro Abbati Tripolitano, de quo Caſſiodorus *Diui-*

narum institutionum cap. 8. adscribendum censet. Verum Ioannes Mabillonius litem intentatam praeclare diluit, qui T. I. *Analectorum*, Dissertatione singulari p. 12. nec Bedae, nec Petro, sed *Floro* Magistro, Lugdunensis Ecclesiae Diacono, deberi demonstrat. Verum interim *Commentarium Bedae* (nam S. Pauli Epistolas ab eo explicitas esse, ipse in *Indiculo Operum suorum* fidem facit) eiusque *Collectaneum in Apostolum ex Operibus Augustini excerptum*, grandi satis volumine nondum impressum, penes se habuisse testatur Lupus, Ferrariensis Abbas, Epistola 76 ad Hincmarum p. 118. Extat autem in duobus MSS. exemplaribus apud Ioannem Mabillonium, ex bibliotheca S. Germani Pratenfis, ut idem testatur. Vide quae habet Stephanus Baluzius in *Notis ad Lupum Ferrariensem* p. 405. *Oud.*

Magister *Florus*, Lugdunensis Ecclesiae Diaconus, circa a. 850. inclutus, scripsit *Commentarium in omnes S. Pauli Epistolas ex S. Augustini Scriptis contextum*, qui habetur Tomo 6. Operum Bedae, ei falso adscriptus. Nam *Flori* istius esse ex pluribus MSS. Codicibus docuit Ioannes Mabillon, Disquisitione hac de re composita *Analectorum* T. I. p. 12. sqq. qua etiam ostendit, genuinum Bedae *Commentarium* ab euulgato esse opus diuersum, idque nondum typis editum penes se habere, aliquando in lucem proferendum. Alibi tamen obseruat in 3 MSS. codicibus Abbatiae S. Galli in Heluetia, qui annorum 800 et 700 sunt, hanc ipsam Bedae expositionem sub nomine *Flori Presbyteri* contineri, de qua vide quae adnotauit erudite T. 4. *Analectorum* p. 630. Abbreuiauit prolixum *Flori Commentarium in Epistolas Pauli* circa a. 1180. *Robertus de Torinno*, in Normannia, Abbas S. Michaelis de Monte, dioecesis Abrincensis, quem arbitratus est spectasse ad
Petrum

Petrum Tripolitanum, quamque sententiam ad annum Christi DLXII. Baronius amplexus est, cuius *Abbreuiatio* MS. extat inter MSS. Codices bibliothecae S. Michaelis de Monte. Extat autem *Epistola et Prologus in Abbreuiationes Epistolarum Apostoli secundum Augustinum*, in Appendice ad Guiberti Opera a Luca Dacherio edita Parisiis fol. 1651. p. 715. quam ex MS. Codice produxit. Haec *Oudinus*, copiosius alibi de iisdem in recensu operum *Bedae et Flori* Lugdunensis differens. Nos supra singularem eamque vetustissimam horum *Commentariorum* editionem produximus.

Bonizo, Sutrii ac Placentiae Episcopus, circa a. 1073. composuit *Augustinianam Epitomen* seu *Excerptum Sententiarum Mirifici doctoris Augustini* libris 8. distinctum, quod S. Ioanni Gualberto, Fundatori et primo Abbati Vallis Umbrosae dedicauit, extatque MS. in bibliotheca Caesarea Vindobonensi, inter MSS. codices ex arce Ambrosiana illuc allatos, Codice LXXXV. vt testatur Petrus Lambecius illius inspector et custos T. 2. *Commentariorum* huius bibliothecae cap. 8. p. 790. sqq. *Oud.*

Guillelmus Abbas S. Theodorici prope Remos, in Gallia, Ordinis S. Benedicti, tum ex Abbate factus Monachus ordinis Cisterciensis apud Signiacum in eadem diocesi, Saeculo XII. cuius inter Collectanea habetur Opusculum *Sententiarum de Fide ex S. Augustini* Operibus collectum, quod a se ex autographo MS. Bibl. Signiacensis Ord. Cisterciensis transcriptum testatur *Oudinus* traditumque *Thomae Blampino* Bened. Congreg. S. Mauri, qui hanc Collectionem sub Autoris proprii nomine in Append. ultimi voluminis Operum S. *Augustini* edendam promiserat, quod tamen non praestitit. *Colonienses ex Oudino.*

Rob. Kilwardby Ord. Praedic. natione Anglus, Cantuariensis Archiepiscopus, et Cardinalis Episcopus Portuensis Saec. XIII. libros *S. Augustini* fere omnes, aliorumque plurium Ecclesiae Doctorum per parua capitula distinxit, sententiam singulorum sub breuib. annotando. Cuius laboris varia in Bibl. Regia Paris. supersunt monumenta MS. quae recenset *Echardus* in Script. Ord. Praed. ad a. 1279. p. 379. vbi et alia memorat ex Catal. Anglic. *Colonienfes*.

Bartholomaeus Vrbinas Episcopus, circa medium Saec. XIV. Eremita Augustinianus, *S. Augustini* et *Ambrosii* Operum lector assiduus, Sententias vtriusque insigniores excerptit, quas in Alphabeti ordinem digestas, *Milleloquium* appellari voluit. Atque ab *Augustino* quidem *Triumpho* eiusdem Ordinis, (vulgo *de Ancona* dicto) eius Praeceptore, *Milleloquium Augustini sententiarum* inceptum, a discipulo abfolutum, Lugduni a. 1555. impressum est. *Milleloquium Ambrosii* ibid. a. 1556. fol. *Colon. ex Oud.*

Antonius de Nomis Florentinus, (aliis Maciallensis) Eremita Augustinianus, qui a. 1438. decessit, e libris *S. Augustini* capita omnem fere literarum Diuinarum tractationem continentia digessit et inscripsit, *Flores Doctoris S. Patris Augustini*, quae extare dicuntur in Bibl. S. Spiritus Florentiae. *Colon.*

Ioh. Frid. Lumnii *) *Thesaurus Christiani hominis* ex scriptis *S. Augustini* collectus, *Antuerp.* 1588. *Colon.*

Dulciloquiorum S. Augustini Libros tres, ex veteri MS. exemplari Bibl. *Romerdorpianae* primum editos *Herbonae* 1592. 12. a viris fide dignis se accepisse

*) Male *Lunicii* apud *Lipen.* Bibl. Theol. II. 916. *Colon.*

cepisse testatur Labbeus *), sed nondum vidisse scribit. *Colonienses*. In *Cat. Bibl. Reg. Paris.* dictus liber extat editus *Herbonae Nassouiorum* 1614. 12. h. t. *Aur. Augustini libri tres Dulciloquiorum e bibliothecae Romerstorpianae vetere manuscripto exemplari nunc primum editi studio Guil. Rolichii.*

Io. Gastius, Brisacensis, *Commentarios* in vniuersa Biblia ex Augustini operibus collectos edidit *Basileae apud Heruagium* 1542. II. *Tomis*. fol. Laudat *Cat. Bibl. Bodlei.* Eiusdem Operis Tomum I. *Vetus Testamentum complexum*, editionis *Venetae* ex officina *Erasmiana* 1543. profert *Cat. Bibl. Thott.*

Hieron. Torres seu *Torrensis*, Soc. Iesu Hispanus, *Confessionem Augustinianam* in Libros IV. distributam, et certis capitibus locorum Theologicorum comprehensam, ex omnibus *S. Augustini Operibus* magno studio collectam, edidit *Dilingae* 1568. et rursus auctiorem ac emendatiorem, 1569. fol. **) Eam *Augustanae Confessioni* opposuit; quo in Opere (ait *Alegambius* *Bibl. Script. S. I.* p. 188.) duo egregie praestat; alterum, quod *Catholica dogmata mirifice probat, et confirmat, refutatque Haereticorum errores ex Augustino: alterum, quod locos ipsius Augustini, vel male intellectos, vel malitiose detor-*

Z 5

tos,

*) *Dissert. de Script. Eccles.* in Addend. et corrigendis p. 714. apud *Oudinum* col. 952. *Colon.*

**) Ita *Alegambius* MDLXIX. *Lipenius* vero *Bibl. Theol. I.* 117. habet 1596. vti et *Oudinus* in *Comment.* col. 993. ad multam usque senectutem, ait, prouectus correxit, ablatis iis, quae tanquam *S. Augustini* attulerat ex lib. *de Fide ad Petrum*, quem *S. Fulgentii* esse compertum est: et ex libro *de Ecclesiasticis Dogmatibus*, qui est *Gennadii Massiliensis*. *Colon.*

tos, atque ab Haereticis deprauatos, ad amussim revocat, atque sincere interpretatur. Oud. et Colon.

Ioannes Piscatorius Lithopolitanus, qui Epitomen omnium Operum Augustini diligentia nequaquam sordida composuit, cuius editionem factam *Augustae Vindelicorum* apud *Heinricum Strejner* 1537. fol. praesentem intueri licet. Eius vero hic est titulus: *Omnium Operum Divi Aurelii Augustini Episcopi, undecunque doctissimi, Epitome: Et quid vir ille, de Ecclesiae Sacramentis, nec non sacrae Scripturae locis communioribus insignioribusque senserit, scripserit, simulatque docuerit per IOANNEM PISCATORIVM Lithopolitanum hoc libro fidelissime et compendiarie quadam via diligentissime comportatum.* — Accedit in titulo brevis admonitio ad lectorem, in qua praesentissima atque ipsissima Augustini verba exhibuisse se affirmat, et *Steph. Vigili* Pacimontani Decastichon in laudem libri. Eiusdemque Vigili praefatio ante ipsius auctoris praefationem est inserta. Diuiditur autem opus in tres tomos, quorum primus Augustini sententias iuxta doctrinae Christianae capita ordinatas proponit, alter varia et miscellanea offert, tertius integros Augustini libros, quos supra in *Annalibus editionum Operum* indicavimus, praebet.

In hanc *Piscatorii* operam manus temerarias inmisit et conuicia gratiarum loco rependit *Ioannes Pesselius*. Prodiit enim

Ioannis Pesselii, Ord. Praedic. Tilani in Geldria, *Omnium Operum S. Augustini Epitome, primum quidem copiose ac sinistre collecta a Iohanne Piscatorio haeretico, et a Ioh. Pesselio recognita, aucta duplo, et Catholico sensu reddita; cui accessit eiusdem opera*

opera ex eodem Augustino collectus de septem Sacramentis Tomus quartus Colon. Agrip. 1539. 1542. 1549. fol. *).

Iac. Tribesci Brixiani, Canonici Regularis Lateranensis, *Responsiones ad mille Quaesita in omni fere facultate ex omnibus S. Augustini libris excerptae*, Venet. 1583. 4. Alibi deprehendimus signatas: *Venetis ap. Bernh. Iuntam* 1586. 4.

Io. Bapt. Masculi, Soc. Iesu Neapolitani, *Ponderationes Concionales in Opera S. Augustini* Neap. 1652. fol. **) Forte idem opus, quod apud *Toppium* ***) inscribitur: *Eruditarum lectionum S. Augustini libri Acroamatici ad Conciones, decem Tomis contractis in unum*. Neap. 1656. fol. Colon.

David. Lenfant Parisiensis Ord. Praed. *Concordantiae Augustinianae, siue collectio omnium sententiarum, quae sparsim reperiuntur in omnibus S. Augustini Operibus ad instar Concordantiarum Sacrae Scripturae* Tom. I. Paris. 1656. fol. II. 1665.

Eiusdem *Biblia Augustiniana, siue collectio et explicatio omnium locorum Sacrae Scripturae, quae sparsim reperiuntur in omnibus S. Augustini Operibus, ordine Biblico*. Paris. 1661. 1670. Tomis II.

Albertus, Dux Luinensis (de Luines) Parisiis demortuus d. 10. Oct. a. 1690. aet. 69. edidit *Sententias et Instructiones ex S. Augustino excerptas*. Parisiis 1677. Haec *Colonienses* p. 214.

Haecenus omnino de Augustino dictum esto.

3. FAV-

*) Ex *Echard. in Script. Ord. Praed.* ad a. 1549. p. 135. Colon. Sed ed. a. 1535. quae apud eosdem notatur, falsa est; nam *Piscatorii Epitome* primum a. 1537. lucem aspexit.

**) Ex *Lipen. Bibl. Theol. I.* 118.

***.) *Bibl. Napol.* p. 137.

3.

FAVSTVS.

Manichaeus et Manichaeorum Episcopus, *gente Afer, ciuitate Miluitanus, eloquio suavis, ingenio callidus* *), ac per hoc etiam doctrinae fama inter suos celebratus, sed, vt Augustinus testatum reliquit, omnis eruditionis atque artium liberalium cognitionis expertus et imperitus. Nouit enim hominem et crebros cum eo sermones miscuit, cum adhuc Manichaeos Carthagine adsectaretur, sed tum primum quoque, perspecta scilicet, cum in colloquiis, tum etiam ex instituta cum eo pertractione auctorum aliquot veterum, quos cognoscere desiderauerat, imperitia eius, ab hac secta alienari coepit, desperans de ceteris eorum doctoribus, cum illum, cuius tanta esset existimatio, ad quaestiones, de quibus inquietabatur, obmutescere vidisset **). Idem vero postea, cum Augustinus iam Episcopus Hippone factus esset, a. circiter 401. librum contra fidem Catholicorum emisit, quem ille, simulac in manus eius peruenisset, refutandum suscepit, eum ipsum, cuius causa locum ei in commentariis hisce tribuere necessum habuimus. Seruatur enim adhuc integer in *libris triginta tribus* Augustini *contra Faustum Manichaeum*, ita, vt praemissis sub eius nomine verbis eius, suam illis responsionem sub nomine suo subtexuerit. Extat autem opus istud in *Tomo VIII. Operum S. Doctoris ed. Bened.*, iuxta Antuerpiense exemplar *pagg. 131-332.*

4. SECVN-

*) Augustin. *contra Faustum* ab initio statim.

**) *Confess.* lib. V. cap. III. VI. VII.

4.

SECUNDINVS.

Manichaeus, cuius extat *Epistola ad Augustinum* huius sectae desertorem, honorifice obiurgans, quod literis eum oppugnaret, et reditum suadens. Quae patria eius, quaeue conditio fuerit, incertum. Caueus Afrum fuisse conicit, haud dubie non aliam ob speciem, quam summam Manichaeorum per Africam frequentiam. Equidem, si ex ipsius verbis hariolari licet, Romanum vel Italum putauerim *). Inter Manichaeos nonnisi *Auditoris* locum obtinebat, Augustino ne facie quidem notus, tamen si veluti amicus ad eum scriberet **). Ingenio exili fuit et parum defaecato, vnde summa superstitionis suae adoratio, quam non rationum pondere et artificio, sed inficetis eloquii Augustini laudibus et omnibus obtestationum modis ei obtrudere studet. Respondit Augustinus nulla interposita mora a. 405. *Libro* seu *Epistola contra Secundinum Manichaeum* inscripto, cui ipsa *Secundini Epistola* ab exordio est praefixa et habetur in *Octavo Operum eius Tomo* iuxta ed. Bened. et in *Antuerpiensi* quidem descriptione pagg. 369-72.

5. SVL.

*) Nimirum quoniam ipse *Romanum hominem* se appellet, quemadmodum Augustinum *Punicum*, inhaerente simul huic nomini perfidiae exprobratione. Sed fieri etiam potuit, ut hoc respectu solum se Romanum diceret, tanquam fidelem et a desertione et proditione abhorrentem.

**) Testatur Augustinus in *II. Retract. cap. X.* Quare nescio, vnde Caueus hauserit, Augustino, dum adhuc Manichaeis addictus esset, fuisse familiarissimum. Vid. Cav. ad a. 390. *T. I. p. 286. ed. nov.*

5.

SVLPICIUS SEVERVS.

§ 1. Vita.

Seuerus cognomento *Sulpicius* patria Gallus fuit, Paulini Nolani conterraneus ex prouincia Aquitania. De anno natali eius non satis constat. Sunt tamen, qui Paulini verbis, quibus se illi comparans *aetate prouectiorem*, illum *florentiorem* dicit *), tantum tribuant, vt decem fere annis iuniorem statuunt, et ortum eius a. 363. assignent. Nobili genere et illustri familia progenitum fuisse educatumque pro loci istius splendore et facultatibus parentum haud modicis, ex eodem auctore ipsi quondam familiarissimo discimus. Causas proinde aliquamdiu in foro attitavit ingenique et eloquentiae laude fuit florentissimus; nec sane scripta eius reliqua indignum eum saeculi sui plausibus et acclamatione produnt. Vxorē duxit ex familia consulari vnicam forte parentum, qui Treuiris domicilium habebant, praediuitum filiam, quam mature defunctam grauiter luisse videtur. Nam haud dubie moeror ex hoc casu in animo ipsius peperit et aluit illud negotiorum fastidium et quasi fugam, quam monachus per illud tempus patroni speciosis titulis, quales sunt *saeculo renunciare, iniquitatis tumultum effugere, Deo seruire, terrenae possessionis sarcinam deponere*, aliaque, inuoluebant, anus et mulierculae imaginosae admirabantur et sustentabant, saniores vero homines et vitae cum priuatae, tum publicae rationibus salubriter moderandis intenti, recte pestem societatis et reipublicae censebant. Saeculo igitur se abdicauit noster et solitariam ac seueram viuendi rationem iniiit, assumtis etiam sociis aut fratribus, quorum ipse anti-

*) Epist. V. ed. Lebrun. scripta a. 395.

antistitem ageret *), eodem tempore, quo Paulinus ille simile vitae institutum amplexus erat, anno circiter 392; quapropter is sexcentis locis animi eius hac in re magnitudinem praedicat, et cum alter alterum aemulari videri vellet, per literas inuicem scriptas sibi ipsi longe anteponit Seuerum. Non sic tamen patri eius probatum fuit hoc consilium, immo ex eiusdem Paulini verbis haud dubie colligitur, eum tantopere filio succensuisse, ut, cum flectere non potuisset, eum exheredaret. Enimuero hanc paternae benevolentiae iacturam facile tulit, qui iuxta Paulini elogium *coelestem Patrem anteuertat terreno parenti*: bona vero, per exheredationem amissa, abunde compensauit socrus eius Bassulae liberalitas, quam quidem coniiciunt omnes suas opes per adoptionem in eum transtulisse; nec desiderasse videtur, nisi in eo, quod aliquanto minus ad pauperum aut ecclesiarum usus erogare posset; quod eum liberaliter fecisse, ita tamen, ut non omnibus se exueret, magnificis laudibus Paulinus prosequitur. Paulo post, percrebescentibus per vniuersam Galliam S. Martini Turonensis virtutibus et miraculis, ad eum se contulit, non solum, ut ipsum propius intueretur et agnosceret, sed haud dubie etiam, ut consilia ab eo et praesidia ad nouum vitae institutum recte prosequendum peteret. Nec semel vero eum adiit, sed singulis annis pluries, adeo, ut a Paulino *frequentator S. Martini* dici meruerit. Tantum vero apud eum Sanctitas huius viri amorem et admirationem accendit, ut extemplo vitam eius scribere aggrediretur. Nec tamen ante, quam defuncto S. Martino, narrationem suam prodire passus est, eloquio suauem et iucundam, sed anili superstitione adeo repletam, ut omnem

*) Hieronym. de Prato in vita Sulpicii. §. 8.

omnem ingenii pristini vim diuturna rerum mirabilium atque coelestium cogitatio abstulisse atque consumsisse videatur. Addidit his continuo epistolas et Dialogos de eodem Martino et monumentum neutiquam fordidum ac vile Historiarum Sacrarum; quae iunctim ad annum fere 405. pertingere ex catalogo scriptorum eius, mox iuxta Hieronymi de Prato supputationem subiiciendo, patebit. Quid postea egerit, vbinam et quamdiu vixerit, incertum est. Vulgo quidem anno 420 aut 422 obiisse creditur, ac Baronius a. 432. eum adhuc superstitem fecit, nullo tamen, ut laudatus Hieronymus de Prato animadvertit, argumento, praeterquam eo, quod Gennadio excidit, ut scriberet, *eum in senectute sua a Pelagianis deceptum, postquam loquacitatis culpam agnovisset, silentium usque ad mortem tenuisse, ut peccatum, quod loquendo contraxisset, tacendo penitus emendaret*; id quod non tam explorata veritate, quam ex sola fama illum scripsisse, dudum Guibertus Martinus Abbas Gemblacensis, scriptor saeculi decimi tertii, et cum eo editor Veronensis existimavit. Digna tamen, quae hic commemoretur, eiusdem Docti Veronensis de his euentibus est coniectura. Nimirum statuit ille, Severum aliquot annis post 406, aut, ut paucis interiectis profert, anno 410, aut aliquanto post, diem suum obiisse, idque Massiliae. Primum suadere, ait, S. Paulini perpetuum post illud tempus de Severo silentium, tum seriem temporis, iuxta quod a Gennadio inter scriptores ecclesiasticos proferatur. Alterum defendit ex antiquissimo et fere Gennadio suppari Capituli Veronensis Codice, qui semel atque iterum Severum *Monachum Massiliensem* appellet, quam appellationem ex antiquioribus codicibus iisque aut Turonis, aut Massiliae, aut certe in aliquo Galliae monasterio, ubi re-

cens eius memoria adhuc perduraret, conscriptis in eundem manasse suspicatur. Adstruere haec tentauit ex temporum illorum in Gallia conditione et statu funestissimo, quibus omnem Galliam, maxime autem Aquitaniam, ceteris eius prouinciis multo vberiore ac ditiores, igne, caedibus ac rapinis per irruentes Barbaros vastatam scriptores coetanei ab ipso excitati pingunt. Hinc verosimile existimat, *Seuerum solum vertere fuisse compulsum, non quidem, ut aut prope Turonos, aut in Beorretanae urbis agrum secederet, quibus in locis minime a barbarorum vitutus fuisset, sed ut se reciperet in maritimam aliquam urbem, ubi quiete subsistere et in alias, si oportuisset, terras commode migrare posset.* Massiliam autem huic consilio aptissimam videri debuisset, quia Constantinus tyrannus Arelate subsistens hanc potissimum Galliae partem a Barbarorum ferro et rapinis immunem seruauerit. Porro Massiliae monachi habitum induisse eiusdem Codicis Capitularis auctoritate infert et acute subiicit, id fortasse in eo monasterio, quod ibidem per illud tempus Cassianus excitauerit, factum esse; quin, ab eodem etiam Pelagianae doctrinae, quam ille scriptis tantum inspererat et postea acriter defendit, antequam ab Innocentio et Zosimo damnaretur *), aliquo amore imbui potuisse.

Scripta

*) Multum ponderis Vir doctus tribuit verbo *deceptus* in loco Gennadii, ex quo confici vult, id ante factum esse, quam Pelagiani in graue illud primorum ecclesiae odium incurrerent et tandem imperatoris edictis premerentur. Non enim *deceptum* iure dici potuisse, qui probe eam doctrinam ab Hieronymo, Augustino et multis catholicis episcopis impugnata, ab Innocentio et Zosimo damnata et ab Honorio imperatore proscripta (sic saltem haec collocari oportebat, quae aliter tamen

§.2. Scripta.

Scripta Seueri, quae nunc visuntur in codicibus tam MSS. quam impressis, iuxta rationes a nouissimo Veronensi editore institutas, sunt:

1. *Vita S. Martini Turonensis*, non ut antea ab omnibus fere creditum est, viuentis adhuc sancto episcopo, sed post mortem eius demum et quidem anno circiter CCCC vergente edita; quod acute demonstrare nilus est laudatus vir in *Dissertatione I. in Sulpic. Seuer. T.I. Op. pagg. 149-163.* Ad eandem vero *secunda* etiam et *tertia* dissertatio, quarum altera proponit argumenta, quae ostendant, *S. Martinum anno CCCC. die III iduum nouembris ad superos migrasse*, altera argumenta quaecunque ante definitis obici solent aut possunt, diluuntur: pagg. 164-231. Praecedit hunc libellum *Epistola ad Desiderium fratrem*, in qua se precibus illius adductum edere illum significat; optat autem, si fieri possit, ne aliis euulget. Quod si tamen contra, ac sibi spopondisset, cum aliis communicaretur, bonam veniam a lectoribus postulari aut suppresso saltem nomine illud fieri iubet; *quod ut fieri valeat*, inquit, *titulum fronti erade, ut muta sit pagina, aut, quod sufficit, loquatur materiam, non loquatur auctorem.*

2. Martini vitam proxime praeiuerunt partim, partim secutae sunt *Tres Epistolae* de eodem argumento, nimirum I. *ad Eusebium presbyterum contra*

Romanae Curiae placent) nosse debuisset. *Loquacitatis* autem *culpam*, quam Gennadius ei exprobrat, interpretatur *illam in exagitandis monachorum, clericorum et episcoporum suae aetatis et provinciae* (quae tamen in his nulli terrarum deterior erat) *vitiis liberiolem licentiam, quam subinde etiam in scriptis superstitionibus prodiderit.* Certe haec inuentem Pelagium non sequi difficile erat.

tra aemulos virtutum beati Martini. II. ad Aurelium Diaconum de obitu et apparitione eiusdem. III. ad Bassulam socrum suam, de transitu illius ex hac vita ad immortalem; de quibus disputatur ibidem Dissertat. I. §§. V. seqq. Notari etiam debet insignis discrepantia, quam inter vulgarem lectionem et Codicem capitularem Veronensem in fine tertiae Epistolae idem animaduertit, vndeque colligere se scribit, hanc postremam partem ab aliquo fuisse interpolatam, et vt facile cuicunque sit iudicium, vtrumque e regione sibi respondentem proposuit.

3. Tertium opus est *Historiae sacrae breuiarium* eodem anno CCCC aut non multo post susceptum, a mundi initio vsque ad Stiliconem consulem, qui hoc anno consul primum prodiit. „Huic operi, inquit *Hieronymus de Prato*, intentus erat biennio post, quum a Paulino petiit, vt quasdam chronologiae difficultates in ea occurrentes sibi explanaret: quod colligimus ex epistola XXVIII. Paulini anno CCCCII scripta, qua illi respondet, se de ea re Rufinum consuluisse, et, si quid is opis attulerit, fatetur certiore. Sed et anno CCCCIII. accepta a Paulino inuentionis S. Crucis historia, quam eius epistola XXXI. ad eundem scripta fuisse narrat, eam libello suo adiecit, iisdem fere verbis expressam.

4. *Dialogi tres*, seu rectius *duo*, vt Gennadius prodidit; nam qui nunc pro secundo habetur, eum partem tantummodo primi constituere iudicat *Hieronymus de Prato*. Accenset eos anno CCCCIV. ac copiosissime de iisdem differit in Dissert. V. et VI. pagg. 259 - 317.

5. *Epistolae VI.* Nempe I. *ad Claudiam Sororem* de vltimo iudicio. II. *ad eandem* de Virginitate, perlonga. III. *ad Paulinum Episcopum*. IV. absque inscriptione, ad Decuriones cuiusdam ciuitatis.

tis. V. *ad Saluium*. VI. incertum ad quem directa fuerit. Est breuissima et paucarum tantum linearum.

Interciderunt Epistolae plures. Gennadius quidem *duarum* ad Paulinum meminit et alias ad alios scripsisse eum docet: *sed*, inquit, *quia in aliquibus familiaris necessitas inserta est, non digeruntur*. Eadem vero de causa etiam in aliquibus libris MSS. epistolam ad Bassulam obtruncatam exhiberi obseruat Hieronym. de Prato, qui insuper addit, tot eum ad Paulinum epistolas scribere debuisse, quot illius nunc ad eum supersint.

Falso Seuerio tributa est inter epistolas a Dacherio vulgatas *quinta ad Paulinum inscripta*, quae potius ex Veronensis editoris iudicio est *Plebis Circensis ad S. Augustinum*, cuique respondet Augustinus epistola CXLIV. in ed. PP. Maurinorum. Cf. laudat. praefat. §. XXXII. Gallandius in Bibl. sua lectorum gratia simul apponendam curauit Augustini responsionem.

§. 3. Editiones.

Si praecipua editoris alicuius virtus ex ea potissimum facultate et solertia merito spectari debet, quae quotquot ipsi suppetebant ad textum emendandum ac verae suae lectioni restituendum subsidia, excussit et tractauerit, *duo* tantum sunt, ex quo typis describi Seueri opuscula coepta sunt, viri, qui nomen hoc iure sibi arrogare queant. Quibus si addideris, per quos primum repertae et ex manuscriptorum tenebris productae auctaeue singulae, quibus nunc constant, partes fuerint, sex aut septem ad summum viros attendere te iubebimus, quibus omnis fatorum Seueri scriptorum series ab artis typographicae incubulis deducta est. Sunt illi scilicet *Boninus Mombricitus* Mediolanensis, *Wolfgangus Lazius*, *Matthias Flacius* Illyricus, VICTORINVS GISELINVS, *Lucas Dacherius*, *Stephanus Baluzius* et novissi-

vissimus HIERONYMVS DE PRATO *Veronensis*. Nam prima Severi opuscula, quae typorum artificio exscripta sunt, fuerunt *Vita Sancti Martini cum Epistolis et Dialogis* ad eandem spectantibus, quae ex MS., nescio quo, ante annum 1480 grandi operi *Vitarum Sanctorum Mediolani* excuso inseruit Boninus Mombritius, ex quo exemplari deinde in *Poetarum Christianorum Aldi Manutii Collectione* descripta sunt. Sed utraque exemplaria adeo se oculis doctorum hominum sequenti saeculo subduxerant, ut, cum post non exiguum temporis interuallum a. 1551: *Wolfgangus Lazius* Viennensis in Codice quodam Bibliothecae Imperialis ea deprehendisset, et ipse impressa iam nesciret, et ab omnibus deinde editoribus, praeter nouissimum, primus, in *Collectione* aliquot scriptorum de Vita Christi, edidisse ea putaretur aut saltem diceretur *). Mirum vero tunc accidit, ut, cum ex vna parte iam paene sepulta reuiuiscere iterum Severus coepisset, item altera eiusdem et potior absque dubio, breui post luci vindicaretur. Anno enim 1556. *Mathias Flacius* edidit ex manuscripto libro Hildesienfi ex Oporina officina

A a 3

ficina

*) Animaduertit Hieronymus de Prato, Franciscum Iuretum in Nötis ad Paulinum Petrocoriensem et alios alibi obseruasse Aldinam editionem. *Neque tamen, qui postea Sulpicium ediderunt, inquit, Aldi librum adire et conferre operae pretium duxerunt; sane Hornius et Vorstius vno tantum in loco, quantum memini, scilicet sub initium Dialogi secundi eius editionis meminere, sed utrique Iuretum exscribentes; adeo, ut appareat, eam ab ipsis minime inspectam fuisse: quam sane si vel obiter inspexissent, multo vulgatis emendatiorem offendissent. Hoc enim de ipsa iudicium grauissimi viri tulerunt. Idem vero primus post trecentos paene annos Mombritianae memoriam recoluit.*

ficina *Historiarum libros*, antea nomine tantum notos, quos a. 1560. Parisiis recudi fecit *Iacobus Faber*, Doctor Sorbonicus, et notis primum illustravit *Petrus Galefinius Romae* 1564. Nec defuerunt, qui in vnum corpus iuncta haec colligerent. Nam licet de editione Basileensi a. 1563. non expedita res sit, nouimus certe in *Grynæi Orthodoxographa* a. 1569. tam historiarum libros, quam de Martino commentarios receptos. Anno vero 1574. prodiit *Antwerpiae* VICTORINI GISELINI editio vtrosque complexa et, quod priores attinet, plurimorum MSS. codicum auxilio emaculatos. Tametsi autem *Historia Sacra* ab vno Flacii exemplari petenda fuit, diligentia tamen, qua illud expressit simulque menda eius sustulit, itemque erudita eius cum aliorum scriptorum testimoniis collatio et chronologia subiuncta laudem huic editori nec vulgarem, nec immeritam conciliarunt. Iam Giselinum secuti sunt omnes, qui vel solis historiarum libris explicandis illustrandisque operam contulerunt, vel integra opera prelo subiecerunt. Inter quos, priori loco commemoratis omnibus palmam praeripuit *Sigonius*, cuius commentarii textui Seueri adiuncti, primum editi *Bononiae* 1587., aliquoties deinde in Germania repetiti, locum nouissime in magnifica operum eius editione obtinuerunt. Huic nescio an iungendus sit *Drusius*, editione Arnhemii a. 1607. luci data, de cuius notis non magis equidem, quam Veronensis editor quicquam confirmare possum. *Hornii* editio *Lugduni Batauorum* 1647. ibidemque 1654. et *Amstelodami* tertium a. 1655. repetita, etsi non magnopere ad laudem valeat, habet tamen quaedam, quae doctis non displiceant. Quod Deg. Whear de *Schotano* censuit, eum mire Sulpicium illustrasse et errores ipsius emendasse, difficilior fortasse, qui fugituo

gitino tantum oculo duo grandia volumina commentarii istius *Franequerae* a. 1661 et 1664. excusa inspexerit, sibi persuaderi sinat. Inter haec anno 1667. noua incrementa numerus scriptorum Sulpicii Seueri cepit, editis ex MSS. recens a *Luca d' Acheri* quinque Epistolis, quas, si non certo omnino Seueri esse euincantur, non improbabili tamen nomen eius praeferunt. Haec omnia opera commode recudi fecit et admodum vtilibus in Scholarum vsum notulis instruxit *Ioannes Vorstius*, adhibito etiam MS. codice non proletario Bibl. Elector. Colonienfis, quae tum erat ad Spream, *Berolini* 1668. Quod institutum vario quidem, sed nullus infelici successu secuti sunt *Ioannes Gezelius*, Suecus, in ed. *Aboënsi* 1669, *Ioan. Casp. Hofmeisterus*, in ed. *Tigurina* 1708. et qui Vorstium paene, certe notas eius de integro repraesentauit, adpersis etiam *Io. Clerici* quibusdam, plene et nitidissime Schoettgenius. *Plene* autem addidimus, quod simul inserta est epistola, quam omnium postremam ex MS. libro *Stephanus Baluzius* in *Miscellaneis* 4. 1678. vulgauit.

Ab hoc tempore ad a. vsque 1734. Seuerus contemtor habitus est, vt tanto illustrior nouo **VERONENSIS** editionis cultu prodiret, quae criticis copiis et vsu, illustratione et explicatione nescio quid praeclarum ostendit, commendabilior tamen futura, si dissertationes, quae eidem frequentes accesserunt, perfectae omniaque Seueri in ea haberentur. Quod postremum demum *Andreas Gallandius* recusa **Veronensi** recensione in *Bibl. PP. Venet.* 1772. praestitit. Sequuntur Annales.

S A E C. XV.

Sine anno

loco et typographo. fol. Vita S. Martini a Seuero conscripta, in secundo Volumine *Vitarum Sanctorum* a Bonino Mombrizio alphabetice digestarum.

Mediolanum patria est rarissimi huius operis, ut dudum ostendit *Ios. Ant. Saxius* in Hist. lit. Mediol. p. 610. Idem vir doctissimus ex praefixa dedicatoria tantum non ipsum annum, quo prodierit, eruit. Nam cum in ea versibus elegiacis *Cichum Simonetam*, Ducum Mediolani Secretarium, editor depraedicet, colligit, eo temporis spatio, quod tutelam Io. Galeatii a Cicho susceptam et annum 1480. quo indignissimo supplicio sublatus est, intercesserit, hanc editionem esse peractam. Quod habitum eius atque speciem attinet, charta est moduli maximi, alba et pellucida, impressa caractere rotundo, aequali et nitido, binis columnis iusto spatio distantibus et amplis marginibus cinctis, lineis XXX. caret cuiuscunque generis signaturis, literisque initialibus. Sententiis distinguendis non nuda puncta inseruiunt, sed minutulae cruces, una, quae puncti, duae, quae commatis vicem sustinent. Haec pauca ex ipsa inspectione exemplaris, quod inter ornamenta sua numerat Bibliotheca Regia Acad. addere libuit. Ceterum commemorat eam versibus etiam ad Cichum appositis *Bibl. Smithiana* p. 316. et quem Hambergerus addit, *Cat. libr. Dom. de Boze* p. 292.

S A E C. XVI.

1502.

Venetis apud Aldum. 4. Eadem; accedit *Poetis Christianis* ab Aldo collectis. De hac Io. Alb. Fabricius in *Bibl. Latina* scribit: *Vitam S. Martini Turo-*

Turonensis — primus edidit cum *Sedulio* et aliis *Aldus Venetiis* 1502., recusatus deinde *Parisiis* 1511. quas binas editiones *Rittershusius* epist. MS. ad *Pusellium* tam emendatas esse affirmat, ut veteris manu exarati codicis instar esse possint. Cui in hoc adsentitur nouissimus operum *Sulpicii Seueri* editor, post allata *Fabricii* verba inquires: *Neque tamen Aldinam, ut putauit Fabricius, primam fuisse Seueri impressionem deprehendimus: nam saeculo superiori iam vulgati fuerant hi de Martino libelli a Bonino Mombrizio in Vitis Sanctorum: quod tamen nemo ad hanc diem obseruauerat. Vtrumque itaque librum nacti, utrumque diligenter cum vulgatis contulimus magnoque cum fructu laboris nostri. nam plerumque aut uterque aut alteruter Capitularis Brixianique codicis scripturam referebat confirmabatque.*

1511.

Parisiis. . . . Eadem in recusa *Aldina* poetarum *Christianorum* collectione. Vide praecedentia *Fabricii* verba.

1551.

*Basileae ex off. Ioa. Oporini. f. B. Martini Sabariensis, Episcopi Turonensis, vitae a Sulpicio Severo latine conscriptae libri tres, per Wolfgangum Lazium editi in collectione diuersorum auctorum apocryphorum de vita Christi et Apostolorum *).*

Aa 5

Com-

*) Vulgo ab *Abdia Babylone* laudare solent, cuius historia certaminis apostolici secundum in ea locum occupat. Sed rectius omnino ab *Ittigio de Bibliothecis PP.* p. 752. inter id generis libros recensetur, quibus varia de Apostolorum et Sanctorum vitis monumenta comprehendi solent.

Comprehenduntur titulo *trium librorum vitae b. Martini* primo illud ipsum opusculum, praecedente epistola ad Eusebium, secundo epistolae ad Aurelium et Bassulam, tertio tres dialogi. Negat autem Gifelinus, hanc partitionem ex libro MS. depromptam esse posse, quod eidem nouem sui codices manu exarati constanter aduersentur et in eam, quam ipse attulit quaeque etiam nunc retinetur, vnanimiter conspirent, ipse denique auctor ipsaque veritas illam auersentur, vnde Gennadium, Gregorium Turonensem et Abbatem Spanhemensem auctores eius distinctionis habuisse colligit, sed non satis prudenter eos secutum esse censet. Scilicet primus haec in lucem emittere sibi videbatur Lazius, vsus, vt idem Gifelinus scribit, vnico tantum exemplari, perantiquo illo quidem, sed innumeris flagitiosisque mendis seu librarii culpa, seu manu recentioris cuiusdam, ex suo saeculiue sui ingenio antiquum librum temere castigantis, oppleto.

1556.

Basileae ex officina Oporini. 8. Sulpicii Seueri historia sacra, cum adpendice de re liturgica, editore M. F.

Nomen, quod sub hisce literis, incertum qua de causa, latet, est *Matthiae Flacii*, qui ex vetusto libro, e quadam bibliotheca Hildesiensi eruto, accurata fide hos libros exprimendos curauit, vt ex mendis nonnullis citra vllam castigationem repraesentatis Gifelinus colligit. Inscriptum Nicolao Radziuilio, magnati Polono, magno tunc Lutheranorum patrono.

1560.

Parisis apud Guilielm. Guillard. 16. Sulpicii Seueri historia sacra. Dorotheus de Prophetis Discipulis

pulis Domini, curante *Iacobo Fabro*, Doctore Sorbonico.

Iacobus iste *Faber*, quem bene monet nouissimus Seueri editor, non confundendum esse cum celebri illo *Iacobo Fabro* Stapulensi, cuius de meritis in Patres latinos iam saepius apud nos mentio incidit, exscribenda editione Basileensi, si Giselino credimus, partam *Matthiae Flacio* gloriam suffurari non erubuit. Ita enim carpit eum de repetitionibus *Flacianae* editionis verba faciens: *Eum libellum excuderunt deinde et alienis praefationibus ornarunt Colonienses et Romani.* — Quin immo, si diis placet, inuentus est, qui non solum bono huic *M. F.* nuncupatoriam epistolam paene ad verbum surriperet suaeque bene longae declamationi velut emendicatum panum assueret, verum etiam *Christiano* lectori persuadere non sit veritus, se sacram hanc historiam (verbis eiusdem utar) in publicum omnium Catholicorum commodum euulgare ex mediis antiquorum saeculorum abditissimis scriniis erutam.“ Quid vero? si commodum Catholicorum maxime sibi cordi fuisse dicit, de quo *Flacium*, utpote heterodoxum, non cogitasse existimat, rectene nomen illius celasse inter suos censebitur?

1563.

Basileae. 16. *Sulpicii Seueri* opera omnia. Primam hanc omnium scriptorum *Sulpicii* iunctim impressorum editionem ab aliis proferri notat *Hieronymus a Prato* *).

1564.

*) In Praef. Tom. II. opp. eiusd. p. XXI. in notula apposita.

1564.

Romae apud Paulum Manutium Aldi fil. fol.
Sulpicii Seueri Sacrae historiae libri duo, cum *Sal-*
viano et pluribus PP. latinorum scriptis editis a *Petro*
Galesinio, cum adnotationibus eius a pag. 213-260.

Notationes in Seuerum leguntur a pag. 321-378.
fatis doctae et ad iuuandam Seueri lectionem per-
quam idoneae.

1565.

Basileae apud Oporinum (. . . .) Sulpicii Seueri
— historia — cum Dorotheo. *Draudii Bibl. Class.*

1569.

Basileae apud Henric. Petri. f. Sulpitii Seueri
ab exordio mundi vsque ad Valentiniani et Maximi
Impp. tempora libri 2. Eiusdem de diuo Martino
libri 3. in *Io. Iac. Grynaei Orthodoxogr.* Tomo II.

1573.

Coloniae Agrippinae apud Io. Gymnicum. 12.
Sulpicii Seueri Aquitani Historiae Sacrae a Mundi
exordio ad sua vsque tempora deductae, Libri duo.
Item Dorothei, Episcopi Tyri, qui sub Constantino
Magno vixit, de vita Prophetarum et Apostolorum
Synopsis. Quibus accessit rerum et verborum index
copiosus.

Est repetitio Parisiensis. Ex praemissa Iacobi
Fabri praefatione nunc ipsi intelleximus, vera esse,
quae supra ad corrigendum de eo Gisellini iudicium
adscripsimus, eum non tam editoris officia spectasse,
quam commoda, quae ex multiplicatione exempla-
rium huius libri sacra studia inter catholicos captura
essent. Nec enim alienae laudi inhiare se prodidit,
qui ex abditis scriniis erutos euulgare libros professus
est. Quippe non suam in hoc operam iactat et for-
tasse

tasse iure suo parum lectores id referre existimabat, modo libri, certe in paucorum manus prima publicatione perlati, facilior copia pararetur.

1574.

Antuerpiae ex off. Christoph. Plantini. 8. B. Sulpicii Seueri, Archiepiscopi quondam Bituricensis, quae extant opera; a VICTORE GISELINO Medico ex editionum et vetustorum exemplarium collatione emendata, eiusdemque notis illustrata. Vita Sulpicii Seueri, et temporum ratio accurate digesta eodem V. Giselino auctore. Scholia in Sacram Historiam ex Petri Galefinii Notationibus excerpta.

Victor Giselinus, Brugensis, Medicus, qui Prudentii recensione, decem annis ante in lucem edita, ingenium atque harum literarum peritiam doctis hominibus valde approbauerat, in Seuero quoque restituendo rationem haud minus sobriam ac certam secutus est, consulendo non solum vetusta quotquot nancisci poterat exemplaria, sed superiorum etiam editionum operam perlustrando et nouo iudicio suspendendo. Igitur in *Sacra Historia* cum cognouisset princeps atque vnicum esse exemplar Herdesianum a *Matthia Flacio* vulgatum, hoc omnibus modis sequendum sibi proposuit, ita tamen, vt, quam Galefinius in eo recognoscendo, itemque Ioannes Filleau in eo transferendo operam posuissent, cum isto conferret, atque sic, quid vterque praestitisset, rectius aestimare posset. Quod vitam *S. Martini* attinet, cum plurimis aliis in eo errore versabatur, vt Lazii editionem principem existimaret. Qui tamen error Seuero profuit magis, quam abfuit. Etenim cum intelligeret, Lazium ex inquinatissimo fonte hausisse, maiorem bonorum exemplarium copiam circumspicere coepit, adeoque non destitutum se occasione

catione et amicorum voluntatibus sentiit, ut quatuor
 integros codices MSS. et duorum varias lectiones in
 usum vertere posset. Quam docte vero, quamque
 prudenter hisce copiis usus fuerit, ex ipsius verbis le-
 ctiores cognoscere malim, ubi hoc unum addidero,
 non minus illum praesitisse, quam promississe. „De
 notis, inquit, earumque ratione sic paucis habe.
 Quandoquidem ex ingenio et coniectura hic ne sylla-
 bam quidem citra librorum m. s. auctoritatem suo loco
 mouerimus: nos earum mutationum, quae leuiculae
 sunt, verborumque sententiam non immutant, nul-
 lam hic mentionem fecimus: tum quod in infinitum
 excreuissent: varietatibus enim lectionum ea fere
 scripta sunt obnoxia, quae quamplurimorum mani-
 bus olim trita fuerunt: at quid istis potuit esse tri-
 tius, quae tot saeculis in monasteriis ac templis b.
 Martino sacris toto orbe singulis annis semel atque
 iterum publice recitari solent? tum etiam, quod eius-
 modi accuratio ingratia fere est et odiosa. At quae
 maioris sunt momenti, ita, ut ab iis auctoris pendeat
 sententia, quaeque omnium librorum m. s. consensu
 constituuntur; ea quidem proposuimus, sed propo-
 suimus tantum, adiecta Lazii, id est vulgata hacte-
 nus lectione, si vero libri m. s. inter se euariarent,
 adeo, ut dilectus ac iudicium citra difficultatem fieri
 nequiret: in eo praecipue noster hic labor versatus est,
 ut, quod nos pro vero habituri sumus, id quam bre-
 vissime adstrueremus, diuersa interim lectione aut le-
 ctoris iudicio relicta, aut certis argumentis reiecta.
 Iam quae ad Historiam pertinent (hoc de Historia
 Sacra etiam dictum existimes), quo his notis varieta-
 tis nonnihil accederet, ea, ut occurrerent, adnotaui-
 mus, quaecunque ex auctoribus huic nostro synchro-
 nis, fide et notione digna per otium excerpere licuit.“
 Praefationis loco editor praefixit carmen ad Benedi-
 ctum

Etum Ariam Montanum. Post notas subiecta est *Temporum Ratio Sacrae Historiae Sulpicii Seueri et reliquis opusculis accommodata*, quae saepius deinde in aliis editionibus recusa est, et eiusdem epistola ad Raphelengium (d. Brugis pridie Kalendas Augusti 1574.) in qua laudat *Ant. Contium* l. C. quod in Nicephori chronologia triperita ab ipso emendatius edita, dum de controuersia illa, quae LXX. interpretibus est cum Hebraeis codicibus de decem primorum patrum aetate, Nicephorianam Chronologiam LXX. Interpretum supputationi accommodauerit eoque ipso simul Seuero lucem praetulerit.

1575.

Parisis apud Mich. Sonnum. fol. Sulpicii Seueri Historiae S. libri duo etc. (cum notis Gisellini); in *Tomo II. Bibl. PP. Bigneanae*. Haec est haud dubie repetitio editionis Antuerpiensis, quam ab aliis laudari scribit *Hieronym. de Prato* (in Praef. T. II. p. XXII. not. I.) nam aliam seorsim factam haud noui.



Coloniae. 16. Sulpicii Seueri historia. — *Draudii Bibl. Class.*

[1575.]

Basileae apud Henric. petri. fol. Sulpitii Seueri ab exordio Mundi usque ad Valentiniani et Maximi Imperatt. tempora libri II. Item eius de D. Martino libri III. *Draudii Bibl. Class.*

1581.

Bononiae. 8. B. Sulpicii Seueri Aquitani, Bituricensis episcopi, Sacrae Historiae libri duo. in eodem *CAROLI SIGONII Mutinensis Commentarius*.

Sigonii

Sigonii notae vnice fere ad historiam spectant, in qua quidem ille, vt in omni antiquitatis doctrina, sua aetate erat versatissimus, et meruit etiam, vt studio suo ne nunc quidem ab historiae antiquae studiosis seponatur. Licet autem haec ipsius in Seuerum opera viris aequae ac iuuenibus esset acceptissima, non omnino tamen ab inuidiae admorsibus tuta fuit. Fuerunt enim inter Catholicos et quod ab omni fere dubio iam vindicauit nuperus Seueri editor, e Societate Iesu aliqui, quibus liberalior eius eruditio, ingenium veterum Romanorum maxime et Graecorum lectione et meditatione subactum, et scribendi imprimis genus, quo recentis aetatis notiones, religionis mysteria et hierarchiae formulas ad priscae sermonis speciem inflectere amabat, metum incuteret, *ne praeue de catholica religione sentiret, in Pontificem Romanum iniurius esset, patrocinium haereticorum subinde susciperet, aliaque id genus praeter Christiani historici munus astute moliretur**).

„Ex epistola nuncupatoria Sigonii (haec recitat novissimus Seueri editor) ad *Illustriſſ. et Reuerendiſſ. in Christo Patrem D. Gabrielem Palaetum, S. R. E. Cardinalem et Bononiae episcopum, data Bononiae Idibus*

*) Sunt verba *Phil. Argelati*, clari operum Sigonii editoris, in praefamine ad *Censuras* contra Sigonium prolatas, quas Tomo VI. eoque ultimo maxime illius defendendi causa adiecit. Quocum omnino iam comparari debent, quae eodem animo *Hieronymus de Prato* in commemoratione editionis Sigonii scripsit, qui collatis censuris illis cum *Posseuini* in *Bibl. Sel.* (Romae 1593.) verbis lib. IV. cap. 13. satis manifesto reperisse se existimat vestigia, quae vnum eundemque auctorem, vel ex parte saltem auctorem istarum censurarum demonstrent.

Idibus Februariis MDLXXXI. colligitur, insignem illum praefulem prohibuisse, ne in Scholis Bononiensibus lasciua poetarum antiquorum carmina, utpote turpium voluptatum incitamenta, praelegerentur, sed eorum loco alia sanctiora atque honestiora substituerentur et maxime, quae ad Christianae religionis sacraeque historiae rudimenta ediscenda conferrent; Sigonium autem, ut eius studio obsequeretur, Sulpicii Seueri libellos commentariis illustrare aggressum esse, ut in iis pueri, quasi in tabula delineata, conspicerent, quae ab Adam usque ad Christum gesta erant. Equidem nec Palaeoti consilium per se omnibus placere, nec Seueri Epitome satis castigata videri debuit, quae teneris et rudibus puerorum animis informandis inferuaret: verum his propemodum dissimulatis, in Sigonii potissimum Commentarium insurrexerunt, nescio qui, acerrimas in illum censuras conscribentes, quibus eius auctori postremis vitae suae annis graues molestias exhibuisse eos oportuit. Habentur ad singula fere obiecta Sigonii responsiones, una cum censuris l. l. impressas, quibus tamen censoribus neque satisfacere, neque obstruere os potuit.

1589.

Parisis. fol. Sulpicii Seueri, Bituric. Archiep. Sacrae historiae libri II; item de Martini vita liber; epistolae et dialogi tres; in *Bibl. PP. Bign.* ed. II. *Tomo VII.*

1592.

Francofurti. . . . 8. Sulpitii Seueri historiae S. libri II. cum notis *Car. Sigonii.*

1593.

Francos. apud haered. Wechel. fol. Sulpitii Seueri hist. Sacrae libri II. et in eos Commentarius *Car. Sigonii,*
Tom. II. Bb

Sigonii, cum anacephalaeosi chronologica historia-
rum Sulpicianarum. Item reliqua Sulpicii. *Draud.*
Bibl. Classf.

1600.

Coloniae apud *Ant. Hierat.* 8. Sulpitii Seueri
sacrae Historiae libri II. et reliqua. Laudat *Cat. Bibl.*
Bodlei. Omnino alia non esse potest, nisi Gisellini
recensio.



Coloniae. 16. B. Sulpitii Seueri opera — ex
ed. *Vist. Gisellini.*

1602.

Hanoviae sumptib. G. Antonii et Pauli Egenol-
phi. 8. B. Sulp. Seueri, Bituric. Episcopi, Sacrae
Historiae libri II. In eisdem Caroli Sigonii Com-
mentarius. Eiusdem de Temporibus Hebraeorum
Catalogus. *Nunc a mendis, quibus Bononiensis edi-*
tio passim scatebat, vindicati. Cum Indice Rerum
et verborum copioso.

1604.

Ingolstadii ex off. Ederiana. 4. Sulpitii, Ep. Bi-
turicensis, Epistolae duae; in *Canisi antiq. lectt.*
T. V. p. 540-45.

1607.

Arnhemiae apud I. Iansson. In fine: *Excude-*
bat Franeckeræ Frison. Aegid. Radaeus. 8. B. Sul-
picii Seueri historia sacra. Edente et emendante
Io. DRYSDIO, cum commentario libro siue notis
eiusdem.

De *Drusio*, qui alioquin, nempe literarum ebrai-
carum laude sua aetate florentissimus fuit, hoc est iu-
dicium Hieronymi de Prato. „*Mihi editionem hanc*
videre

videre nos contigit, licet maxime in votis habuerim: quare iis contentius esse debui, quae sparsim in editione Hornii ex Drusio excerpta habentur: ex quibus tamen non obscure colligitur non vulgaris hominis, licet haeretici, in illustrando Seuero industria cum mira breuitate et modestia coniuncta: Legi alicubi, Drusium in Praefatione Lectorem monuisse, Seuerum non semel exorbitasse a veritate: id quod nos quoque plurimis in locis ultro professi sumus.“ Ceterum huius editionis exemplaria admodum rara esse ipse cognoui, qui frustra plures variarum bibliothecarum indices euolui, nec nisi in Bodleiana deprehendi, vbi alterum etiam exemplar cum notis MSS. notatur. Hambergerus in *Goezii Memorabil. Bibl. Dresd. T. II. p. 281.* deprehendisse se significat; unde apparet quidem, in duplici versari errore nouissimum editorem, primo, quod omnia Seueri scripta a Drusio edita, sed in Historiam Sacram tantum notas prolatas scribit, altero, quod duobus in locis, Franequerae et Arnhemii vulgata vult. Quid veri sit, ex titulo proposito intelliges. Est penes nos exemplum Historiae Sacrae ex recensione Drusii, cui non nisi interior titulus hic praefigitur: *Sulpicii Seueri Historia Sacra, edente et emendente Ioh. Drusio Aldenardense*; impressa in auersa pagina breui Sigonii ad lectionem Seueri adhortatione. Ad marginem textus, qui typis non admodum commendabilibus exscriptus est, appositae vero sunt passim lectiones variae, lemmata et loca biblica; ad calcem denique subnectitur indiculus nominum Ebraicorum, quae corrupta in Seuero occurrant, cum monito Drusii: Haec quaenam sit, nescio. Franequerana certe non est, nulla enim in fine typothetae est significatio.

1617.

Lugduni sumptib. Laur. Durand. fol. Sulpitii Seueri Dialogi de B. Martino excerpti in *Rosweydo* de Vita et *Verbis Seniorum*; libro IV. p. 409. (536.) Dialogus primus integer fere inest. Adhibuit etiam Hieronymus de Prato.

1618.

Coloniae Agripp. sumpt. Ant. Hierat. f. Seueri Sulpitii S. Paulini aequalis libri II. historiae sacrae; de vita S. Martini liber; epistolae; dialogi tres; de virtutibus monachorum Orientalium et S. Martini; in *Bibl. PP. T.V. parte I.*

1643.

Lugd. Bat. ex off. Elzeviriana. 12. Sulpicii Seueri opera omnia, quae extant.

Indiculus in auersa pagina extat. Subiecta est Gifelini *Temporum* ratio Sacrae Historiae Sulpicii Seueri et reliquis opusculis accommodata. Praemissa Elzeviriorum epistola ad Abrah. Heydanum data est Lugd. Bat. c1610CXXIV. Decembris XV.

1644.

Parisis. fol. Sulpicii Seueri Sacrae historiae libri II. reliqua; in *Bibl. PP. Tomo VII.*

1647.

Lugduni Batauorum. 8. Sulpicii Seueri Presbyteri Opera omnia cum lectissimis commentariis accurante *Georgio HORNIO.*

Vt de vniuersis huiusmodi instituti editionibus literatorum hominum iudicium haudquaquam anceps est, ita *Hornius* etiam, non contemnendae alias vir memoriae ob inchoatam studii politici rationem,
non

non meruit hac opera sua, quo a similibus Thyssii et Pitisci aliorumque inceptis distingueretur, quorum sordidas fabricas prae aliis Petrus Burmannus iusto quidem dolore percitus retexit *). Nihilo secus autem in annalium serie cognouisse iuuabit, quid ipse veluti in tabula appensa prae se ferat et quos imprimis compilauerit. Posterius enim etsi vnicum fere harum editionum meritum esse solet, non prorsus tamen est spernendum. Iam igitur ipsum audi. *Illud*, inquit, *prima cura fuit, textum ipsum quam maxime emendatum exhibere. Alterum erat, non tam Notas breues, quam pleniorum Commentarium bono tuo adiungere. In textu Victorem fere Giselinum sequimur, qui post Laxium collatis quam plurimis MSS. (hoc de sola Historia S. accipiendum esse ex superioribus intelligitur, ut etiam Hieron. de Prato monuit) totum opus adeo emendauit, ut nihil omiserit, quod medicabile erat. Coniecturas aliquot suas textui inferere non ausus, in Notis locum habere voluit. Quod et nos exemplum secuti, desperata aliquot loca relinquere maluimus, quam incerta, etiamsi vera, substituere. Nemini quidquam subtractum. Singulos loquentes vides, et nomina sua profitentes.* — Quos inter merito suo primum locum occupant magna illa orbis lumina, Salmasius, Vossius, Goliush, Boxhornius et alii, quorum nomina passim videbis et in Sulpicium merita. Non raro nostra quoque intexere non tam ambiuimus, quam coacti sumus. Ita operae urgebant: nec semper spatium dabatur, oracula magnatum consulendi. Si quid porro videatur addi potuisse, cogitandum est, intra coepti operis terminos subsistendum fuisse. Haec etiam causa, cur breuiores in opusculis fuerimus, quae, ut recte

*) In Praef. ad Ouidium.

*ab aliis dictum, pro instituto illorum temporum non tam eruditionis, quam ardoris et pietatis Christianae, veteris illius et excitatae, siue potius credulae et portentosae, monumenta sunt. Et tamen Commentaria in Historiam, ut vides, in aliquam pro ratione opusculi molem excreuerunt. His ipsis relatis Hieronymus a Prato subdit. „Equidem si typorum et chartae nitorem species, si copiam adnotationum et Scriptorum, ex quibus pleraque excerptae sunt, nominis celebritatem; omnibus fere numeris absoluta haec editio, aut saltem (at quantum hoc saltem ab illa laude distat!) priores omnes longo post se intervallo reliquisse censenda erit: verum si editoris doctrinam, si in Notis ex aliorum scriptis excerptendis κερήκιον, si in Ecclesiam Romanam obsequium requiras, si denique sanam et catholicam doctrinam; necesse erit fateri, multo plus mali in ea esse, quam boni, eamque ob causam merito illam in Catalogo librorum prohibitorum proscriptam esse censet. Affert porro in peculiari sectione Bocharti de Hornii imperitia, ieiunitate et in Seuero etiam hallucinationibus iudicium ex epistola ipsius ad Vossium *) ipseque eum ob ea, quibus in doctrinam et ritus Catholicorum iniquus ipsi videri debebat, castigat acerrime **).*

1654.

Parisiis trium Bibliopol. impensis. f. Sulpicii Seueri sacrae historiae libri II. Eiusdem de B. Martini vita liber. Epistolae et Dialogi III; in Bibl. PP. T. VII.

Lugduni

*) De a. 1659. in eî. *Opusculis* T. I. col. 1058. sq.

**) Praef. ad Tom. II. p. XXX. §. 24. sq.

✱ ✱

Lugduni Bat. 8. Sulpicii Seueri — omnia — accurante *Ge. Hornio*. Ed. altera.

Fertur etiam editio a. 1655. sed quae diuersa ab hac esse non potest, cum *tertiam* postmodum proferemus.

1656.

Lugd. Bat. ex off. Elzeuir. 12. Sulpitii Seueri opera omnia quae extant, cum eadem, quam supra memorauimus, bibliopolarum epistola, sed noua subscriptione: *Amstelodami* c1515CLVI. Octobris XV. Eiusdem haud dubie editionis repetitiones sunt annorum 1657. 1659. 1669. quas commemorat Hieronymus de Prato, nisi eas omnes Parisiis editas et Mercerianas voluerit, quod sequentis cum Merceriana comparatio comprobare videri potest.

1661.

Parisiis. 4. Sulpitii Seueri Epistolae V. ad Paulinum et Saluium: in *Dacherii Spicileg.* T. V. p. 532. sqq.

In Cod. MS., quem Bigotio se debere significat editor, inscriptae sunt *Seueri* epistolae. Quod quidem fatetur non plane deuincere, Sulpicio Severo esse tribuendas. „*Attamen styli decor, inquit, et sententiarum grauitas si attendantur, conferanturque cum aliis Sulpicii iam editis epistolis, certo ipsum, ut reor, auctorem persuadent.*“

1661 - 1664.

Franequerae ex officina Iohannis Wellens, Illustr. Frisiae Ordinum et eorundem Academiae typogr. ord. Tomis II. fol. Bibliotheca Historiae Sacrae Veteris Testamenti seu Exercitationes historicae in Sacram Scripturam et Iosephum, per modum

Commentarii in Historiam Sacram Sulpicii Seueri. Distributae duobus Tomis: Quorum Prior ab Adam ad Mosen complectitur quinque tractatus: I. De Principio rerum, seu introitus, II. De prima mundi aetate, III. De secunda mundi aetate, IV. ab Abraham usque ad ingressum Israelitarum in Aegyptum, V. de Peregrinatione Israelitarum in Aegypto, ubi et historia Iobi. Alter tomus procedit a Mose ad Christum aduentantem, id est, euersam ab Herode Hossannaeorum dominationem. Auctore CHRISTIANO SCHOTANO, Sacrarum literarum doctore.

Textus Seueri in varias sectiones diuisus difficulter admodum in hac mole agnoscitur. Ei proximo loco subiectae sunt notae Io. Drusii. De Schotani autem commentariis omnino filere expedit.

1665.

Amstelodami apud Elzevirios. Lugd. Bat. et Roterod. apud Hackios. 8. Sulpicii Seueri Presbyteri opera omnia cum lectissimis Commentariis, auctante *Ge. Hornio*. Editio tertia. Auctior et emendatior.



Parisiis apud Mich. Robin. 12. Sulpicii Seueri, Bituricensis Episcopi, Opera omnia, germanae et antiquae restituta lectioni, mendis typorum purgatissima, historicis et christianis notationunculis illustrata et capitibus distributa. *Cat. Bibl. Bunav.* vid. ad a. 1675.

1668.

Berolini. 12. Sulpitii Seueri opera omnia cum notis *Io. Vorstii*.

Editor in epistola nuncupatoria ad Ottonem, Lib. Baron. a Schwerin, significat, se minime de Seuero cogi-

cogitantem a Bibliopola rogatum fuisse, vt, si quid paratum haberet in schedulis, nouae editioni a se parandae adderet. „Ego vero, inquit, *quamuis Sulpicium Seuerum Notis illustratum a pluribus non ignorarem, adduci tamen me passus sum, vt aliquid Notarum in Auctorem istum scriberem. huius rei causa praecipua haec fuit, quod opera Sulpicii non quidem omnia, sed tamen pleraque manu exarata in Codice Membranaceo celeberrimae Bibliothecae Electoralis, quae hic Coloniae ad Spream est, (nouissimus editor per incuriam scripsit Electoralis Magdeburgensis) offenderam diuersasque lectiones minime sane contemnendas, ac his, quae in Codicibus vulgatis reperiuntur, meliores, in iis obseruaram. Altera deinde causa fuit, quod nonnulla ad Stylum Sulpicii, immo et ad historiam antiquitatemque pertinentia, ab his, qui in eum Auctorem Notas scripserunt, praetermissa videbam, de quibus moneri lectores itidem non praeter rem foret.*“ Potior sane pars notarum illius ad sermonis rationes atque leges spectat, quarum callentissimum se variis editis libellis prodidit. Nonnunquam etiam, addit Hieronymus de Prato, *Theologum agit, et quidem ex haereseos Lutherianae, cui addictus erat, placitis!*

1669.

Aboae. 8. Sulpitii Seueri opera omnia curante Ioanne Gezelio.

1675.

Parisis apud viduam Claud. Thiboust. et Petr. Esclassan. 8. B. Sulpicii Seueri opera omnia, germanae et antiquae restituta lectioni, mendis typorum purgatissima, historicis et christianis notatiunculis illustrata, et demum ex continuo textu nunc,

ad instituendos legentium spiritus, multis veluti capitibus distincta. Opera et diligentia M. Hieronymi Mercier, in utroque iure licentiat. Cat. Bibl. Bunanav. et Hieron. de Prato praef. T. II. p. XXVI.

Plurima, quae hic editor pollicetur, iam editio ante viginti fere annos facta in titulo promiserat *), adeo, ut vix quicquam illius meritum superfit, quam capitum distinctio, et ne hoc quidem integrum, sicuti Veronensis editor ostendit. Sed cum plura sint, quae in eo reprehendit, non vane promissa solum, sed commissa per summam impudentiam, age ipsius stricturas apponamus. „Quod itaque primum germanae et antiquae restituta lectioni dicit Severi opera, fucum lectori facit: neque enim ullum Codicem MS. in subsidium adhibuit, sed quidquid in eo praestitit, ex superioribus editionibus, Giselini puta et Sigonii, clam mutuatus est: hoc ipsi peculiare est, quod aliorum coniecturas in textum praesidenter invexit. Quod addit mendis typorum purgatissima, id vero nihil est: neque enim a mendis typographicis minus immunes sunt pleraeque editiones antiquiores. nisi rursus velit loca aliquot vitiosa indicare, quae quidem vel in Basileensi prima editione expressa erant, ex fide, ut creditur, MS. codicis, sed in adnotationibus Giselini et Sigonii ex coniectura restituuntur. Sequitur, historicis et Christianis notatiunculis illustrata: sed Vita S. Martini et Dialogi carent his notatiunculis, si unum aut alterum forte locum excipias: quae autem ad Historiam Sacram fuerunt ab eo adnotata,

*) Nihilominus hanc primam esse editionem Mercieri opera compositam Priuilegium regium, datum a. 1665. et quae illud praecedunt verba: *Achevé d'imprimer pour la premiere fois le premier Octobre 1666.* suadent.

tata, ex Commentario pleraque omnia excerpta sunt. Quod postremo habet de continui contextus in multa veluti capita distinctione, quam a se primum induitam testatur, est huiusmodi. *Historiam Sacram tantum in multas partes seu sectiones distributam exhibet, praefixo singulis lemmate, seu breui argumento. Verum id ipsum multo antea praestiterat Siginus, quem hic fere sequitur et saepius ad verbum transcribit in lemmatibus.* Posterius exemplo commonstrat et subdit in §. 21. quomodo per hancce Mercerianam editionem, ut ipsi quidem videtur, lapsus sit Coutantius in vita Hilarii.

1677.

Lugduni apud Anissonios. fol. Sulpicii Seueri historiae libri II. *rel.* praemissa vita eius per Gerard. Vossium; in *Bibl. Max. PP.* Tomo VI. pagg. 324-373.

1678.

Parisis exc. Franc. Muguet. fol. Sulpicii Seueri epistolae duae ad Claudiam, Sororem suam, quarum prior de ultimo iudicio, posterior de Virginitate agit: in *Baluzii Miscellan. libro I.*

Nactus erat Baluzius hasce epistolas ab *Isaaco Claudio*, qui eas, cum in Anglia esset, acceperat a *Ioanne Batteleio*, Socio Collegii S. Trinitatis Cantabrigiensis, in cuius Codice MS. vetustissimo ista delituerant.

SAEC. XVIII.

1703.

Lipsiae apud Thomam Fritsch. 8. Sulpicii Seueri quae exstant Opera omnia cum notis *Iohannis Vorstii.*

1708.

1708.

Tiguri typis Gessnerianis. 8. Sulpicii Seueri Historia Sacra cum notis selectis Variorum, *Drusii* cum primis et *Ioh. Vorstii*, insertis subinde obseruationibus etiam nouis, quibus tum phrasis et Historia Sulpicianae illustratur, tum errores Auctoris, sicubi a veritate Historiae Sacrae discedit, diligenter notantur; Adiecto Indice Gemino, Rerum vno, altero Latinitatis. Editi in vsum studiosae Iuuentutis accurante *Io. Casp. Hofmeistero*.

1709.

Lipsiae apud Thomam Fritsch. 8. Sulpicii Seueri quae extant Opera omnia, in duos tomos distributa; quorum prior continet antehac edita cum notis Ioannis Vorstii, alter epistolas antea cum reliquis operibus nondum editas ex recensione et cum notis *Ioannis Clerici*.

Curator fuit *Schoettgenius*. Cf. ipsum ad Fabricii Bibl. M. et Inf. Lat.

1711.

Lipsiae. 8. Sulpicii Seueri Historia Sacra cum notis Minellianis auctore M. *Io. Friderico Weinich* (postea Pastore dioecesis Tensladinae in Thuringia). *Schoettgen. ad Fabricii Bibl. Med. et Inf. Lat.*

1734.

Mediolani in aedib. Palatinis. fol. B. Sulpicii Seueri Aquitani, Bituricensis Episcopi, Sacrae Historiae libri duo. In eisdem *Caroli Sigonii* Mutinensis Commentarius. Accedunt in hac noua editione Variorum illustrium Virorum, nec non Iohannis Vorstii Animaduersiones et Notae suo quaeque loco ad lectorum commodum et vtilitatem diligentissime

tissime distributae: in *Sigonii Operum ed. Philippi Argelati* Tomo IV. P. II.

1741 et 1754.

Veronae typis Seminarii apud Augustin. Caratonium. 4. mai. II. Tomis. Sulpicii Seueri Opera ad MSS. Codices emendata, notisque, observationibus et dissertationibus illustrata, studio et labore *Hieronymi de Prato*, Veronensis, Congreg. Oratorii eiusdem Ciuitatis Presbyteri.

Cum tam longinquo inter se spatio disiuncti prodierint huius editionis Tomi, iidemque ratione, quam editor secutus est, aliquantum differant, id in vniuersum quidem affirmare licebit, allaborasse eum, ut cum veterum editionum ope et MSS. codicum subsidio emendatior, tum partim recentiorum editorum copiis, partim suo ingenio atque eruditione illustrior redderetur; veruntamen iudicium rectum non nisi de singulis statui potest. De primo igitur, qui *Vitam S. Martini* cum Dialogis ad eundem spectantibus exhibet, haec pollicetur: *) „I. *Vulgata*, inquit, *Seueri exemplaria diligenter contulimus cum Wolfgangi Lazii aliisque antiquioribus editionibus, nec non cum aliquot manuscriptis libris, antiquissimo potissimum Capitulari. Huc spectant* Notae textui substructae, in quas, quaecunque emendationi et explanationi eiusdem textus inserviebant, corrasa undecumque coniecimus. II. *Annum S. Martini emortualem, multorum iamdiu disputationibus agitatam, omnemque adeo eius vitae chronotaxin, quam potuimus certioribus iudiciis et argumentis, a vulgata tamen plerumque sententia recedentes, quatuor prioribus Dissertationibus inuestigauimus ac stabiliuimus,*

Seueri

*) Praef. §. III. p. VII.

*Seueri inhaerentes auctoritati; quem etiam a Chilias-
tarum errore immunem defendimus* Dissertatione
quinta. Sexta et vltima *Origenianae sub Anastasio I. Romano Pontifice damnationis historiam admo-
dum implexam dilucidat.* III. *Quae sciri digniora,
nec ita passim obuia occurrebant in Seuero illustranda,
item, quae alii perperam in eius scripta adnotauerant,
in sequentibus Observationibus expendimus.* Vitam
etiam *Sulpicii Seueri initio operis praemittendam du-
ximus ad critices leges exactam, post antiquorum de
eodem Testimonia multo, quam in praeeritis edi-
tionibus, uberiora et illustriora.* Postremo duplex
adiecta est ad libri calcem Appendix, quarum prior
exhibet epigrammata quaedam in *Basilica potissimum
S. Martini iam inde a S. Perpetuo, qui quintus ab
eo Turonensis episcopus fuit, inscripta; altera vero
emendationes aliquot et variantes lectiones in S. Pau-
li primi Eremitae Vitam ex laudato Capitulari Co-
dice depromtas et ad antiquas editiones collatas re-
praesentat.* His iungimus, quas in textu refi-
gendo sibi scripsit regulas. Nimirum cum praeter
complures Codices MSS., editiones etiam vetustae,
quas Gifelinus plane ignorauerat, praesto essent, ho-
rum omnium lectione non paucis in locis, nec a le-
vibus mendis hos libellos emaculasse se testatus est,
sic quidem, ut in Notis semper vulgatam antea le-
ctionem proponeret tumque rationes emendationis
cuiusque, ubi opus visum, librosque, quibus eae in-
niterentur, proferret. Praeterea multas scripturae
discrepantias, etiam ubi mutato opus non esse cen-
suisset, adnotavit; vel quod concinnae et elegantes
et Seuero dignae viderentur, vel quod sententiam
nihil immutarent: *iuvat enim, addit, de huiusmodi
lectorem commonescere, ut saltem dubitare discat, utra
lectio ab auctoris stilo profluxerit: praeterquam*
quod

quod si aliis in posterum alios manuscriptos libros cum nostra hac editione conferre placuerit, hinc habebunt quaecunque meliora nostri codices praeferebant; et facile accidet, ut, quod nos in textum non ausi sumus admittere, ipsi suorum ope librorum continere non dubitent. Interdum, ubi librorum ope destitueretur, fateretur, ad coniecturas sibi confugiendum fuisse, sed ut parcissimum se et maxime difficilem hoc in negotio fuisse scribit, ita nunquam non rationes consilii sui in Notis attulit, quibus repugnantissimum quemque in partes suas haud aegre adductum iri sperat. Postremo non minimum etiam studium, inquit, in interpunctione collocauimus, quae non raro in prioribus editionibus perturbata, sensus quoque, ut fit, obscuros et intricatos reddebat. Iam, quoniam quid effectum sit in noua hac Vitae Martini editione, et quomodo, et quo ordine singula se excipiant, ipsius fere editoris verbis ostendimus, restat, ut de Praefatione etiam, unde ea deprompta sunt, mentionem faciamus. Constat illa *XVII. paragraphis* seu sectionibus, quarum *septem* priores editionem nouissimam concernunt atque adeo de utilitate auctores veteres emendandi et illustrandi in vniuersum, de superiorum editorum in hosce libros meritis nouaeque consilio, tum singulatim de Codicibus MSS. et antiquis impressis editionibus, legibusque denique, quas in emendando textu Notisque concinnandis secutus sit, praecipiunt; sequentes ab *octaua* inde ad ipsum librum seu libros spectant, quos ab accusationibus, a Clerico imprimis in eos coniectis *), quasi fabulas et falsa miracula narrarent, vindicare studet. Ad Clericum vero postquam sermo eius progressus est, tantum intra praecordia concepit

*) In Bibl. Choisie T. XX. 1710.

cepit dolorem, vt, quamuis non pauca moderatio-
 nis et aequitatis documenta, doctrina atque eruditione
 sua digna, dedit, non potuerit tamen hunc animi indi-
 gnatione feruidiore incensi et ebullientis impetum
 cohibere, sed, vbi ex pluribus aduersariis vnum, qui
 instar omnium sit, quoniam vnus omnes et eruditio-
 nis fama et audaciae incredibilis infamia superet, in
 medium se prolaturum significauit, „*Hic est*, ex-
 clamat, *Ioannes Clericus, monstrum hominis; nam*
cui potissimum sectae addictum, Calvinianaene dicam,
an Arianae, an Socinianae, an omnino nulli, cum
plerisque ignoramus. Hic, inquam, ille est, quem
non Seuero tantum, sed omnibus, qui scriptis tradi-
derunt miracula Dei virtute a Sanctis patrata, ipsis-
que adeo sanctissimis viris, per quos ea patrata fue-
runt, maledicentem, nobis sumimus refutandum, non
longa oratione, non varia eruditionis copia instructi,
sed suis ipsum verbis et argumentis, et quasi alterum
Goliath suo ipsum gladio obtruncandum. Hinc §. IX.
 et sequentibus ad singulas Clerici, vt vocat, cauilla-
 tiones refutandas accedit, quarum lemmata idcirco
 apposuisse sufficiet. §. IX. *Proponuntur aliquot ca-*
villationes Clerici et singillatim refutantur. §. X. *Cer-*
tae regulae proponuntur, ex quibus colligas, num
aliquis mentitus fuerit, eaeque Seuero accommodantur.
 §. XI. *Reliqua Clerici σοφισματα supra proposita*
diluuntur. §. XII. *Quo sensu verum sit, quo falsum,*
miracula omnia in confirmationem dogmatum catholi-
cae fidei fieri et facta esse. §. XIII. *Martinus a iactan-*
tia maxime abhorruit, nec repugnant, quae de ipso
narrantur miracula, quicquid contra Clericus blate-
ret. §. XIV. *Regulis a se praestructis Clericus abu-*
titur ad conuellenda quae potissimum IV. et V. sae-
culo facta narrantur miracula. §. XV. *Clericus de-*
fensionem S. Martini et Sulpicii Seueri in se maligno
 animo

animo suscipit, quos ipse immeritos accusauerat. §. XVII. *Aliae duae Clerici exploduntur falsae accusationis.* Et haec quidem de Primo Tomo.

Quod Alterum attinet, *Historiam Sacram Adnotationibus, Dissertationibus ac fusioribus aliquot Observationibus illustratam* exhibentem, excusat quidem editor in ipso introitu praefationis, moras, quibus tam diu praeter culpam suam protractus fuerit, et admonet simul de locis quibusdam, quae temporis adnotatione, qua inter se dissentiant, ambiguitatem aliquam parare possint, eo quod lente et post magna intervalla facta sit singularum plagularum impressio. Enimvero si facile viro valetudinis debilitate, occupationibus et vitae instituto pendentibus et ipsius operis difficultate constricto tarditatis ab omnibus conceditur venia; non item fortasse condonabis ei immensos, quibus sese implicauit, disputationum labyrinthos, quibus accidit sane, ut, quum extricare sese multorum licet annorum effluxu non posset, affectum hac ex parte laborem relinquere coactus sit. Sed ordine singula videamus. Postquam igitur §. 3-11. praefationis laudatae *de occasione, titulo et tempore* conscripti a Senero operis multa docte et acute exposuit, ad editiones eius se conuertit §. 12. quas quidem omnes, factas et promissas, addito vbique iudicio copioso, et in summa quidem re nunquam non iusto, per singulas fere sectiones recenset, antequam ad suam §. 28. transit. Hic primo loco declarat, quid textus denuo lucri fecerit, quod quidem exiguum fuisse vltro fatetur. Quippe nonnisi vnum inuestigare potuit exemplar MS. Vaticanae Bibliothecae eiusque collationem diligentissimam nactus non tam immutari, quam confirmari sensit lectionem a Flacio primum propositam, ita, ut paucas tantum emendationes vere bonas textui inseruerit, quem

iuxta editionem Lipsiensem a. 1709. prelo commiserat. A coniecturis autem inuehendis plane sibi temperauit et si quae non probabiles tantum, sed paene certae viderentur, in Adnotationibus tamen proferre satius duxit. Iam vero quae ad explicandam illustrandamque rerum a Seuero prolatarum seriem attulit, tribus iterum notarum generibus constant, quarum alias, quae textui statim subsunt, *Notas* simpliciter vel *Adnotationes*, alias prolixiores, *Observationes*, tertium denique genus *Dissertationes* appellauit; ac hae quidem posteriores adeo longae sunt ac diffusae, vt absolvere ipse desperauerit. In singulis autem quid consecutus sit, aut consequi voluerit, spectate. *Ad Notas quod attinet*, inquit §. 29. *eas partim Seueri textui illustrando aut emendando, partim sententiae eiusdem confirmandae, aut, ubi oportuit, corrigendae potissimum inseruire volumus. Itaque primum, quod recte ab aliis in utraque parte praestitum iam fuerat, diligenter excerpimus: ne tamen illi debita laude fraudarentur, sua quaeque auctoribus perpetuo asseruimus. quicquid contra minus recte ab iisdem dictum iudicauimus, refutare non omisimus, quoties ita ratio exigebat: quae enim ad Seuerum non spectabant, ea, qualiacunque essent, aliorum iudicio expendenda relinquimus. Equidem vitio nobis verti possit, quod aliquando latius exspatiati sumus, et extra oleas, vt aiunt, nos ferri fuerimus: sed si minus illa illustrando proprie Seuero inseruiant, inseruiant tamen fortassis alicui non vulgari, nec inutili quaestioni enodandae. quod si ex animi nostri sententia contigerit, studiosis sacrarum antiquitatum non iniucundas fore eiusmodi digressiones confidimus, idque eo magis, quod, quae praeter spem accidunt, in lucro deputari soleant. Nec vero negat, multa in his futura, quae eruditis lectoribus non*

non probentur. Imprimis vero longam excusationem vel potius defensionem affert pro duabus Inscriptionibus Christianis, quas velut antiquissimas proposuit, sed quas apud aliquos incertae aut nullius auctoritatis fore praevidet. Sunt illae quidem, altera *Marii*, altera *Alexandri*, qui sub Antonino (quem M. Aurelium Antoninum fuisse coniicit) *martyrium passi* referuntur. Enimuero in hac causa quod summam rei concerneret, non tam breuiter exposuit et sententiam suam iustis argumentis corroborauit, sed latius in vniuersi huius generis lapidum examen exspatiatus est, vt sinceritatem sacrorum monumentorum, quae in Romanis praecipue Christianorum cryptis effoderentur, assereret simulque antiquitatem monogrammatidis Christi longe supra Constantini aetatem vindicaret. Proxime post textum, cui adnotationes binis columnis subiectae sunt, sequuntur tres *dissertationes*, quarum *prima* Chronotaxin totius Seueri Historiae, ea Gifelini multo accuratorem exhibet et illustrat. *Secunda* et *tertia* ad Eusebii Chronicon pertinent, quod Seuerus in distinctione temporum fere sequitur. Statuit nempe hoc diligentius sibi excutiendum et cum animaduertisset, non convenire inter viros doctos Scaligerum et Vallarsium, quid in Chronicis scribendis Eusebius praestiterit, quidque rursus Hieronymus, in iisdem latine interpretandis, hanc ipsam controuersiam in *Secunda* dissertatione ex instituto discutiendam sibi proposuit. *Verum dum in eo*, inquit, *occupati effemus, adeo multa in dies emergebant, ad idem argumentum spectantia, vt primam tantum partem Dissertationis hic attexere coacti simus, integram vero, quoniam in libri molem excreuerat, seorsum edere: quod paulo*

Cc 2

post,

*) §§. 29-36. incl. a pag. XXXV. XLIX.

post, seu anno MDCCCL. factum est in libello inscripto: De Chronicis libris duobus ab Eusebio Caesariensi scriptis et editis. Neque tamen adhuc argumentum illud penitus exhausimus: nam multa in aduersariis nostris premimus et in promptu habemus, quibus, si unquam, ut speramus, liber ille ad incudem reuocabitur, et secundis curis iterum prodibit, suppleri et augeri poterit. In tertia denique, Eusebium Christi passionem anno XIX. Tiberii affixisse, contra receptam apud omnes eruditos XVIII. statuentium sententiam euincere conatus est *). Ultimo loco *Observationes* sunt, in quibus ipsis tamen aliquas esse iudicat, quae iustae Dissertationis molem exaequant, veluti quae de *Decalogi diuisione*, item de *Capite vituli ab Aarone conflati*, aut de loco *Exodi XXXII. 28.* agit. Praeterea *Dissertationes* quasdam bene longas, ut ipse ait, inseruit, cuiusmodi sunt de *uxoris Lot culpa et poena* et de *Traiectione Maris Rubri* Clerico oppositae et tertia de *versiculo 13. cap. I. Euang. Ioannis*. Ac hac prolixitate quidem effectum est, ut has *Observationes* ad Christum natum tantummodo perduxerit, reliquam partem *Historiae*, in qua multa et nimis ardua superessent, alio tempore commentaturus. Superest, ut indicemus, totum hocce opus Seueri, quod haud vulgari artis beneficio gaudet, Cardinali Angelo Mariae Quirino ad grates ipsi suo et sociorum nomine pro meritis de Congregatione Patrum Oratorii Veronensis, quorum documenta dedicationi subiuncta sunt, habendas, esse dedicatum, simulque additam effigiem illius aere incisam.

1772.

*) De his in Praef. §. 37.

1772.

Venetius ex typogr. Io. Bapt. Albritii, Hieron. fil. fol. Sulpicii Seuëri Opera Omnia ex noua editione ceteris multo accuratius adornata, et Veronae ann. 1741 - 1754. in vulgus emissa: studio et labore V. C. Hieronymi de Prato, Congregationis Oratorii Presbyteri. Accesserunt *Epistolae VII.* superiore saeculo euulgatae, quae in eadem Veronenſi editione desiderantur. Ext. in *Bibl. PP. et SS. Eccl. Andreae Gallandii. Tomo VIII. pagg. 355 - 432.*

Est haec vnica post Lipsiensem editionem, quae cuncta, quae hodiernum extare putantur Seuëri opuscula, complectitur. Exscripta sunt solita elegantia atque adcuratione. Praemisit vero Gallandius *Testimonia Veterum de Sulpicio Seuëro*, quae copiosissime collecta editioni suae inseruerat Veronenſis presbyter; sicuti ex eiusdem potissimum dissertationibus desumpta est breuis de vita et scriptis Seuëri notatio, quae *caput XVI. Prolegomenorum* huius Tomi implet.



VERSIONES. Meminit iam Giselinus versionis *Gallicae* Historiae Sacrae auctore *Joanne Filleau I. C.* nec malam in eo transferendo operam posuisse scribit, quapropter eandem conferre non aspernatus est. Prodiit autem teste editore nouissimo, *Parisis apud Guilielmum Guillard. 1564. 16.* Eadem, Seuëri tamen prologo, quem Filaeus omiserat, et nonnullis Adnotationibus aucta, iterum excusa est *Rotomagi 1626. per Bauldrium Dominicanum*, licet titulus nouam esse versionem mentiatur. Postea a *Ludouico Girio*, insigni tot scriptorum ecclesiasticorum interprete conuersa fertur et edita *Parisis 1649. 12.*

Belgite etiam Roterodami 1702. 4. prodiit per Petrum Rabum cum notis et continuatione eiusdem Rabi seu verius Ioannis Sleidani ad Caroli V. tempora.



CODICES. I. *Vitae S. Martini et eorum, quae ad eum spectant, Dialogorum et Epistolarum.*

1. Codices, qui antiquissimis editionibus, *Monbritanæ* et *Aldinae*, pro fundamento fuerunt, ignorantur. Bene igitur nouissimus editor iis tanquam MSS. exemplaribus usus est, qui quidem obseruat, plerumque aut vtramque aut alterutram Capitularis Brixianique Codicis scripturam referre et confirmare.

2. *Codex Lazii* vetustus quidem, sed pessimae notae, vt ex Gifelino discimus, cuius iudicium integrum ad ed. Lazianam dedimus.

3. *Codices Gifelini.* *Louanienses quatuor*; vnus *Coenobii Parcensis* peruetus et mire castigatus, alter *Monasterii Bethlemitici*, tertius et quartus e *Monasterio Sancti Martini*, non vetustissimi quidem, inquit, sed accurate descripti, et si coniectura non fallit, ab ipso *Io. Costerio* ad meliora exempla collati. *Leodienses duo*; vnus *S. Laurentii*, alter *Caroli Langii*, hospitis eius *Leodiensis*. Prius exemplar, Louanien-sibus MSS. longe antiquius, sed lituris erat maculatissimum, quorum tamen vestigia se, ab aliis libris tanquam manu ductum, non sine fructu saepe persecutum esse Gifelinus testatur. *Septimum* longe optimae notae et ante annos prout ipsi visum sexcentos exaratum nactus erat e *Bibliotheca S. Trudonis* beneficio amici Theodori Hallii, Consulis Loewensis. Praeter haec *Varietates Scripturae*, quas olim e duobus MSS. *Noviomagi* et *Craneburgi* excerpserat Theodorus Pulmannus.

4. *Codices nuperi editoris Veronensis.* 1. *Codex Bibliothecae Ecclesiae Canonicorum Veronensium*, quem *Capitularem* dicere solet, omnium antiquissimus, quippe quem *Agapeto V. C. Consule*, id est, anno Christi DXVII. *Theodorus*, seu ut Maffeiuss mauult, *Vrsicinus*, Ecclesiae Veronensis Lector exarasse fertur, quamquam ipse scribit *), fore, ut, quicumque a scriptura ipsummet codicis saeculum designari putent, ad sequiorem aetatem eum reiiciant. De qua Characteris eius forma, vulgo *Gallica*, sed perperam, ut ipse docuit, dicta fusc praecipit in altero operum infra laudatorum Parte I. col. 336. sqq. integram autem eius pagellam aeri graphice incisam Hieronymus de Prato proposuit. Ac hic quidem, ut plenam eius ideam daret, haec fere addidit, *Membranaceum esse ex quaternionibus compactum*, quorum singuli pro more constanti antiquissimorum codicum in vltima plagella inque inferiori eius margine numeros appositos habeant, *formam*, quod ipsum quoque summae antiquitatis sit iudicium, *proxime ad quadratam* accedere. Merito autem miratione dignum putat, quod in tanta antiquitate nec initio, nec fine careat, quanquam in medio aliquot pagellae desint. Plerasque porro eius paginas integras omnino atque incorruptas esse, non paucas etiam, quae temporis iniuriam aërisque intemperiem passae, posteriori deinde manu antiquae scripturae vestigia plerumque ad vnguem secuta maximam partem restitutae fuerint. Quod orthographiam spectat, non paucis, nec leuibus subinde mendis scriptum

C c 4

esse

*) *Maffeiuss* in Prolegom. ad Cassiodori Complexiones pag. XVI. addatur eiusd. *Verona illustrata* P. III. col. 244. sqq.

esse obseruat, nec constantem ac perpetuam retinere scribendi rationem, quod copiosis exemplis ostendit.

2. *Codex Brixianus*, i. e. *Bibliothecae Patrum Congregationis Oratorii Brixiani*, nulla quidem certa aetatis nota insignitus, quem tamen Veronensis ille Presbyter saeculo decimo secundo, aut non multo post scriptum esse arbitratur et tum, quod meliores prae ceteris lectiones exhibet, tum, quia non capitibus distinctus, nec in sectiones aliquot, vt posteriores alii, diuisus, sed vno contextu perpetuoque ductu scriptus sit, ex antiquissimo aliquo optinae notae ductum putat.

3. *Codex Patavinus*, qui a Patribus Theatinis eius ciuitatis possidetur.

4. *Codex Biuilaquius*, quem paulo post in Mussellianam Bibliothecam Veronae migrasse obseruat.

5. *Codex Venetus*, de quo haec peculiaria Hier. de Prato refert. Ab initio eadem manu, qua cetera, scriptum legitur: *Iste liber est D. Benedicti de Mutina, quem propriis manibus scripsit in monasterio scti Marci Angelorum Florentiae.* Post dialogos multa habet de S. Martino deque Seuero; tum sequitur, *Quo tempore authenticatus fuit liber iste. Anno incarnati verbi millesimo LII. dum profisceretur Romam Holdaricus, sctae Remensis Ecclesiae Praepositus et Canonicus, detulit autenticum horum infra scriptorum quatuor librorum secum, deditque Sancto Martino Ecclesiae Lucanae, auro, argento et sculpto ebore decentissime coopertum: in quo videlicet ebore haec versus habebantur:*

Mucro secat chlamydem: Martinus vestit al-
gentem.

Indutus chlamyde se Christus monstrat eadem.

Poscit

*Poscit Odalricus pro munere codicis huius,
Martini precibus Sanctis conscribier vnus *).*

Post verius sequitur *Explicit liber quartus Dialog. Seueri.* Dehinc libri quatuor S. Gregorii Turonensis *de virtutibus B. Martini Episcopi* aliaque multa.

Ceterum hosce tres posteriores codices eiusdem prope aetatis, saeculi XIV. eiusdemque pretii esse monet. Conueniunt nimirum in eo, vt totum opus in quatuor libros distribuunt, quorum primus Vitam continet, reliqui tres ex Dialogis constant, in tres partes, prout in libris impressis habentur, dispertitis. Libros etiam singulos in aliquot capita distinguunt, quorum indicem suumque vnicuique titulum adiectum initio habent.

6. *Codex Saibantianus.*

7. *Codex alter Brixianus.* Sed cum ille cum Biuilaquio ad verbum paene, hic vero, qui tamen libellum *de Vita Martini* tantum habebat, cum superiori Brixiano conueniret, collationem eorum, vt pote ingratissimam omisit.

2. *Historiae Sacrae.*

Diuerfa plane diuersorum eiusdem auctoris scriptorum fors in eo fuit, quod cum librorum de vita Martini MSS. exemplaribus bibliothecae abundant, huius contra tanta sit penuria, vt vix ac ne vix quidem duo hactenus reperta sint. Mirum sane, nam etsi numerum librorum MSS. vitae Martini non adeo miramur, si quidem ad tanti Sancti tanta miracula tanto praecone celebrata recudenda et multiplicanda omnes omnium aetatum monachorum officinas fer-

*) Hieron. de Prato versu 1. *egentem* coniicit et v. 2. reuocat *chlamidem eandem.*

vere necesse erat, non erat tamen, cur hi illius libri eis sorderent. Sed quicquid causae fuerit praeter primum ac nouissimum, nullus editorum codicem MS. vidit. Hi vero sunt:

1. *Codex Herdesianus* s. *Hildefianus*, quo usus est *Matthias Flacius*. Quoniam mihi vero eius editionem non videre contigit, a Giselini vnus fide pendimus. Ac ille se non dubitare inquit, quin optima fide eum exprefferit, quod menda nonnulla, quae haud dubie in ipso fuerint apographo, citra vllam castigationem ab eo repraesentata fuerint.

2. *Codex Vaticanus* nuperi editoris, membranaceus, num. 825. signatus, caractere minori ac rotundo, (vulgo, *stampatello*) exaratus, decimo fere tertio saeculo scriptus creditur. A Montefalcone non commemoratur, sed a Baronio inspectum et laudatum esse censet, quum ad a. Chr. CCCLVI. n. 110. vt quendam Seueri textum emendaret, ad *antiquius exemplar* prouocauerit. Ipsum quidem exemplar non inspexit Hieronymus de Prato, sed collatione cum editis instituta omnes eius discordantes lectiones, atque adeo apices cum eo communicavit auunculus ipsius, Comes Abbas Turrius I. C. tunc in Archigymnasio Romano professor. Fuerunt autem paucae atque leuis pleraeque momenti, ex quibus adeo intelligeret, eum cum editis plerumque, etiam vbi loca quaedam luxata et hiantia occurrerent, concordare. Quid? quod aliquando suspicatus sit, Hildefianum MS. quem Flacius descripserat, ex Saxonia Romam commigrasse, vel saltem vtrumque ex eodem archetypo descriptum esse.

6.

CHROMATIVS, EPISCOPVS AQVI-
LEIENSIS.

Aquileiam patriam ipsius fuisse, haud quidem §. I. Vita.
disertis veterum, qui eius meminerunt, testimoniis
accepimus; sed ex indiciis nec obscuris, nec suspe-
ctis elicitur. Ipse enim Aquileiae semper vixit, ibi-
que ei *matrem, sorores et fratres* fuisse, prodit illius
necessarius et rerum Aquileiensium peritissimus Hié-
ronymus *). De natali eius anno sicuti de prima
ipsius

*) In Epistola VII. alias XLIII. Varias tamen fuere
de patria ipsius opiniones, quas lubenter praeteri-
mus, vnam aduertentes, qui *Romam* ipsi tribuit,
non alia de causa, quam quod *Romanus* apud non-
nullos ex prima inde Sichardi editione audit Chro-
matius. Neminem tamen in hac opinione fuisse
nouimus praeter Sixtum Senensem, eamque plane
diluisse videtur Baronius, cognomento originem ex
Romae secundae, seu *Romanae*, vel *Romantianae*
ciuitatis elogio, quod Aquileiae adhaesit, arcessens.
Ecce vero diuersam longe eius originem, quam
non excogitauit, sed deprehendit *Iustus Fontani-
nus*, optimus rerum Chromatii scriptor in *Historia
lit. Aquileiae* lib. III. cap. IV. p. 136. Nimirum
Sichardus in epistola nuncupatoria editioni suae
praemissa testatus erat, Chromatium perhonorifice
laudari, et magnam eius operis partem percenteri
ab *Albino* in libello contra *haeresim Felicis*. Mox.
folio 59. p. 2. ad locum de Diuinitate Filii Dei, non
per adoptionem gratiae etc. in margine libri adno-
tarat, citari hunc locum ab *Albino* contra *Felicem*
ex *Chromatii* libello de octo beatitudinibus. Quae
cum frustra inter opera *Albini*, cognomento *Al-
cuini*, typis expressa ille quaesiuisset, reperit tan-
dem in codice nunquam edito, inter Palatinos Bi-
bliothecae Vaticanae, qui inscribatur: *Albinus* con-
tra *haeresim Felicis* et ante septingentos annos exa-
ratus

ipſius aetate non conſtat. Remotiſſima enim memoria de eo eſt apud Ruſinum, qui a Chromatio, Valeriani Aquileienſis epiſcopi tunc preſbytero, baptizatum ſe dicit; cui rei geſtae annum 371. aſſignare ſolent *). Preſbytero item competit, quod in Concilio Aquileienſi a. 381. cauſam Filii Dei contra Paladium Arianum peroraſſe traditur **). Anno 388. Valeriano in ſede epiſcopi Aquileienſis ſucceſſit, ab Ambroſio Mediolanenſi, qui tum forte Aquileiae morabatur, ordinatus. Ad hanc dignitatem magnam aſſerebat et vitae et doctrinae commendationem. Quippe miti erat ingenio, et ad quaeuis officia praeſtanda prompto, vigilans pro fide atque eccleſiae vnitae et ſimul

ratus videbatur, ſignatus num. 290. Sic autem incipiebat iſte locus fol. 12. *Chromatius quoque Sanctae Romanae antiſtes Eccleſiae in libello* etc. quae verba auctores huius nominis Sichardo fuiſſe patet. Atqui ex contextu et uſu loquendi Alcuini oſtendit Fontaninus, eum non patriam aut ſedem, ſed Occidentalis, aut *Latinae* Eccleſiae epiſcopum indicare voluiſſe, ſimul etiam huius vocis ſignificationi uſum ſuperiorum auctorum conſonare monſtrat.

*) *Inueſtigua I. ſub init.* Verum aſſequi nequeo, quid animo agitaſſet Fontaninus l. l. p. 123. dicens: „Chromatium a. 371. adhuc Diaconum, Ruſinum tunc recens per gratiam baptiſmi regeneratum doctrina Catholica inſtruxiſſe.“ Cui ſane aſſerto Ruſini verba aduerſantur et ipſe auctor contradicit in *commentario de Ruſino* lib. IV. cap. I. p. 156. Rectius ab Euſebio Diacono priuatas inſtitutiones accepiſſe, et Symbolum et fidei rudimenta edoctum eſſe *Rubaeus* in *Monum. Eccl. Aquil.* cap. VII. §. II. p. 60. tradit.

**) Acta Conc. apud Ambroſium T. III. p. 798. §. 45. et p. 800. §. 51.

simul pacis caritatisque et aequitatis studiosissimus, doctus denique et tamen alienae doctrinae cupidissimus admirator. Quibus virtutibus deberi iudicamus, quod ecclesiae Aquileiensis famam, qualem a praedecessoribus suis acceperat, illibatam successori tradiderit, carus suis, florens amicis, inter quos summi nominis viri, Ambrosius, Hieronymus, Rufinus, et auctoritate inter amicos et apud Hieronymum quoque ad extremum vitae et gratia apud ipsos Augustos potens. Quorum omnium documenta haud procul arcessenda sunt. Itaque cum maxime Scripturae Sacrae lectione oblectaretur, cuius studii luculenta sunt in ipsis eius tractatibus reliqua vestigia, excitavit identidem Ambrosium et Hieronymum, ut Commentarios novamque versionem adornarent. Ambrosium quidem a. 389. rogavit, ut aliquid e sacris codicibus epistolari familiaritate disputatum cum eo communicaret, eique gratificatus est Mediolanensis Episcopus, delecto ex historia Balaami in libro Numerorum argumento, quam interpretatus per epistolam L. ad eum transmisit, alia quoque se additurum esse pollicitus, quae temporum iniuria abstulisse videtur. Pari studio ei obsecutus est Hieronymus. Nam cum Chromatius vna cum Heliodoro Altini Episcopo auctor ipsi fuisset, ut librum Chaldaicum Tobiae latinitati donaret, desiderio utriusque satisfacit, ac versionem adiuncta epistola, quae inter superscriptes signatur numero CX. a. 390. transmisit. Paulo post iidem episcopi ab eo flagitarunt Commentarios in Prophetas Oseam, Amos, Zachariam et Malachiam suppeditatis ut vocant *solatiis sumptuum* ad librarios sustentandos. Sed cum ob corporis debilitatem ad eos parandos non valuisset, eorum loco misit eisdem et nominibus eorum nuncupavit versionem Proverbiorum, Ecclesiastis et Cantici Cantorum.

corum. Nunquam sane Hieronymus hisce precibus amicorum discere ab eo cupientium fatigatus est, immo et animum ipsis ad noua semper poscenda quodammodo addere voluisse videri potest, dum raro admodum oblitus est in literis significare, quam breui ipsi temporis spatio meditationes suae constiterint. Ac vix quidem ista donauerat, cum anno proximo (392.) duos commentariorum libros in Habacuc Chromatio inscripsit, qui *historicum ac literalem huius Prophetae sensum* explicari sibi ab eo aliquando optauerat. Postremo ab ipso Chromatio impulsus Hieronymus, vt Hebraea volumina latino sermone transferret, versionem τὸν Paralipomenon eidem dedicauit. Nec tamen hac tanta Hieronymi officiositate Rufinum a se alienari passus est Chromatius. Quin eadem, qua ante discessum in Orientem fouerat beneuolentia, Aquileiam a. 398. redeuntem est complexus, et licet omne nomen christianum Hieronymus obtestatus esset, vt vna cum Origene Rufini haereses damnarent, ipse Romanus pontifex, quamquam Rufini causam ab Origenis secernens communionem secum ei interdixisset, Chromatius damnatis quidem Origenis erroribus, Rufinum secum retinuit et excelsae mentis exemplum colendo vsque amico praeiuit. Ferunt etiam, Eusebii historiam Graecam eo consilio latine reddendam a Chromatio fuisse Rufino iniunctam, vt calamo animoque alio conuersis a contentione sensum abstraheretur. Quam quidem versionem ille duobus libris a se ipso conscriptis auctam a. 400. ei obtulit; postmodum etiam eidem Origenis Homilias XVI. in librum Iosuae, a se pariter hortatu eius latinitate donatas, nuncupauit. Certe vehementer doluit hanc discordiae offensionem in hominibus tam diuturna familiaritate sibi coniunctis, in vicemque amicitiae vinculo cunctis paene Ecclesiis notis-

notissimo copulatis, nec omisit, quidquid in se esset virium alloquii et auctoritatis, ut mitiores utrique animos inspiraret. Quo tandem denique profecit, ut Rufinum a respondendo ad tertium, quem Hieronymus interim vulgauerat, apologiae librum cohiberet, et Hieronymo nunc facilius persuaderet, ut in ultimo conuicio acquiesceret. Porro per idem tempus Chromatius cum aliis Occidentis episcopis Ioannis Chrysostomi, a sede Constantinopolitana depulsi et in exilium detrusi, causam suscepit et insigni cum auctoritate tutatus est. Nam cum hac de causa ab Innocentio, Romano episcopo, synodus Romae habita esset et congregati patres supplicibus ad Imperatorem oblati libellis orassent, ut Fratri suo et Imperii consorti Arcadio rescribere vellet, ut synodum Thessalonicae fieri iuberet, qua facilius Orientis et Occidentis episcopi certum de Ioanne iudicium ferre possent; Chromatii epistolam una cum literis Romani pontificis delegit Honorius, quas ad Arcadium mitteret. Chromatius vero ad ipsum quoque Chrysostomum per legatos Ecclesiae Romanae literas dedit, quarum meminit Palladius *), et recepit ab eodem responsorias a. 406. laudis ac gratiarum plenissimas.

His talibusque non magnificis, sed quas optimus quisque probare debet, vitae gestis cursus huius Aquileiensis antistitis fuit distinctus. Finiisse eum existimant a. 406. postquam ecclesiam suam annis XVIII. rexisset **).

Super-

*) In Vita Chrysost. cap. II.

**) Sic Fontaninus l. I. l. III. cap. III. §. IX. 132. Aliter annum CCOCVIII. statuerat *de Rubeis* in *Monum. Eccl. Aquil. cap. XIII. §§. I. III. p. 111.*

§. 2. Scripta.

Superfunt Homiliae XVIII. in Euangelium Matthaei, in Hieronymi Catalogo haud obuiaae quidem, nihilominus vero genuinae, vt pluribus argumentis assertum iuit post Tillemontium Fontaninus*). *Tractatus* appellare placuit eidem Fontanino, quam appellationem sequitur editor nouissimus **). Inter *deperdita* feruntur Epistolae ad Ambrosium, Hieronymum, Io. Chrysostomum, Honorium et Arcadium Augustos. *Spuriae* sunt Epistolae II. ad Hieronymum.

§. 3. Editiones.

Primus hasce Chromatii reliquias in lucem produxit Io. SICHARDVS a. 1528. triplici opusculo constantes; innox correctiones ex duobus MSS. exemplaribus et auctiores aliquanto MARTINVS LYP-SIVS a. 1546. Ratio vero infra patebit ex titulis et descriptione harum editionum. Dehinc in varias Scriptorum Ecclesiasticorum collectiones et omnes paene Bibliothecas patrum migrarunt. In *Cumdi* et *Combesfii* Bibliothecis noua ratione diuisae et se-iunctae habentur. Verum tandem eorum systema deprehendit *Tillemontius* ***), secutus repetitam *δοξολογίαν*, in fine cuiusque hisce verbis conceptam, *per Christum Dominum nostrum, qui est benedictus in*

115. Sed post sententiam mutauit, ac similiter a. CCCCVI. mortem eius assignauit. Medium inter vtrumque tenet *Tillemontius Mem. Eccl. T. XI. p. 538.* annum amplexus CCCCVII.

*) Tillemont. Mem. eccl. XI. p. 539. Fontan. Hist. lit. Aquil. l. I. c. IV. p. 138. sqq.

**) Alii *declamationem, opusculum*, vocant V. Fontanin.

***) Mem. Eccl. T. XI. p. 553. not. II. sur S. Chromace.

in saecula, cuius ductu *ostodecim* homiliae agnoscuntur, ab imperitis aut ignavis librariis seu exscriptoribus iunctim compactae. Iuxta hanc autem descriptionem repraesentavit eas nuper in eximio opere *Bibliothecae Patrum Veterum* ANDREAS GALLANDIVS, *Presbyter Congregationis Oratorii Venetiis*. In Chromatii homilias nonnulla observavit etiam *Caspar Barthius* in *Aduersariis* lib. XXXII. cap. IV. XXXV. cap. XIII. LIV. cap. IV. Adde *Sixtum Senensem* in *Bibl. Sancta*. Accipe iam editionum indiculum!

SAEC. XVI.

1528.

Basileae per Adamum Petrum. 8. Chromatii, Episcopi Romani, dissertatio in V. et VI. caput Matthaei atque declamatio in eodem genere. accesserunt Symmachi, Episcopi Romani, apologeticus aduersus Anastasium Imperat. epistola Ecclesiae Orientalis ad Symmachum, cum eiusdem Symmachi responsione, Latine: omnia nunc primum edita studio IOANNIS SICHARDI.

Vnicum habuit exemplar Matthiae a Sacraecastro, Treuirorum Officialis, sed admodum deprauatum, vt per Lypsium edocemur in Praefatione sequenti editioni praemissa.

1546.

Louanii ex officina Iacobi Batii. 8. Chromatii Episcopi quotquot extant lucubrationculae. Per MARTINVM LYSIVM recognitae, ex duobus venerandae antiquitatis exemplaribus. Harum Catalogum versa videbis pagina.

Contenta sunt, Chromatii *de octo beatitudinibus* concio. *Eiusdem tractatus aliquot in V. et sextum ca-*

put Matthaei, Fragmentum tractatus alterius de baptisni Sacramento, editum a Ioanne Sichardo, quod in antiquis Codicibus nusquam sibi repertum testatur Lypsius. *Epistolae* duae, pro Romanae ecclesiae dignitate facientes, aliorum auctorum, nempe *Symmachi Episcopi Romani Apologeticus aduersus Anastasium Imperatorem* et *Epistola Ecclesiae Orientalis ad Symmachum Episcopum Romanum*, quam Graeco scriptam, ab aliquo non satis perito interprete versam arbitratur Lypsius, quod item de sequenti sentit *Symmachi* responsione ad *Presbyteros, Diaconos, Archimandritas et cunctum ordinem plebeium per Illyricum et Dardaniam et Daciam constitutos*. Ipse Lypsius praemisit epistolam ad *Phoyllanum*, B. Petri Leodien. Decanum, (datam ex monasterio Crusalensico mense Martio 1546.) in qua de hac sua editione sic exponit.

„Cum excutiendorum veterum librorum gratia Benedictinorum Diui Trudonis bibliothecam, antiquitate magis quam voluminum copia celebrem, inuiserem, fortunantibus superis ineidi in codicem vetustum, Romano charactere eleganter descriptum: qui inter cetera Chromatii Episcopi conciones quasdam habebat. Accepto gustu adeo placuit, ut obnixè rogarim bibliothecae praefectum, pateretur eum diebus aliquot apud me hospitari. Praetexuit illico nunc hoc nunc illud, ut me retunderet: sed potissimum inculcans, quanto studio is liber ab omnibus eo aduentantibus desideraretur, flagitaretur, legeretur: recensens etiam Episcopos aliquot, inter quos fuerat et insignis ille non tantum politionis literaturae vindex, sed etiam sublimis illius doctrinae caelitus nobis datae strenuus adsertor, D. Antonius Atrebatensis antistes: hasque ob causas fieri non posse, ut vel ad breue tempus careret bibliotheca.

Quae

Quae cum ad refellendum honestis rationibus meam postulationem valere putaret vir non stupidus: adeo tamen lusit operam, ut tum multo instantius, adamatæ rei cupidine succensus, vrgerem, obtestarer, obsecrarem, omnemque ut dici solet mouerem lapidem, quo vel paucos dies hac in re dignaretur gratificari Lypsio. Vici tandem, quamuis aegre: acceptumque librum non satis habui legere, sed etiam meapte manu a capite ad calcem usque non sine voluptate descripsi. Post hæc profectus Louanium, circuiui bibliopolia: sciscitans, num forte usquam proflaret Chromatius. Sed bibliopolis ita respondentibus, quasi ne nomen quidem nossent Chromatii: adi tandem aedes Bartholomæi Grauii, quem mihi et ingenii candor, et probatæ fidei meritum, his annis non fucata glutinarat necessitudine. Huic quum de Chromatio multum quaesito narrassem, paulisper velut cogitabundus subsistens ait. Disseritne de octo beatitudinibus? Maxime inquam. Tum ille. Opinor, inquit, reliquum mihi esse vnicum exemplar. Hic exhilaratus, exhibe quaeso, inquam. Abiit, ac post paulum temporis optatum nobis obtulit Chromatium. Dato igitur precio, librum quamvis contaminatum et lacerum accipio: reuersusque domum, conferre non distuli excusum cum descripto: et comperio opus passim deprauatum, imo et locis aliquot mutilum. Neque tamen (ut dicam ingenue) quicquam horum vel Adamo Basileensi typographo, e cuius officina primum exiit Chromatius, vel Ioanni Sichardo, castigatori non minus perito quam sedulo, iusse imputari possit, sed euentui: propterea quod vni duntaxat exemplari fidere coacti sunt, cuius illis copiam fecerat vir doctæ pietatis amantissimus, Matthias a Sacraecastro, Treuironum Officialis. Praestiterunt sane hi studiosis quod licuit,

ansam posteris praebentes haud incommodam, quos emaculatiores nacturos exemplaria pie sperabant. Verumne et nobis merito exprobetur vnius exemplaris inopia, ac proinde nec nos iam dare potuisse compertiora, quam tum dederunt illi: non quieui-
mus, donec et alterum paris antiquitatis codicem impetraremus a Laurentianis iuxta Leodium: qui etiam mox, pro suo in nos studio, hac in re nobis commodare non recusarunt. Ita duobus freti vetustis voluminibus, quanta potuimus diligentia nostro functi sumus officio: ne minutias quidem ipsas relinquentes indiscussas. Vitiata correximus, perperam distincta (quae tamen pauca occurrerunt) castigauimus, mutila restitui-
mus: sed vnum quod magnopere cordi nobis erat, nimirum calci operis adiacere quae certo constat deesse, frustra sumus adnisi, quod in ambobus, quae nobis obuenerunt, codicibus eadem prorsus sit imperfectionis iactura. Chromatii ergo conciones, annis abhinc plus minus tredecim primum e tenebris erutae et utcumque in lucem prolatae, nunc rursus veluti renatae prodeunt, nostra qualiquali opella politae et quoad fieri licuit integritati redditae.“

Adscriptae sunt passim in marginibus notulae, loca biblica et lectiones Variantes. Audit quoque in Censura D. Ruardi Tapperi Theol. et Cancellarii academiae Louanien-
sis in versa pagina tituli impressa *multis in locis a mendis castigatus et expurgatus hic Chromatius*. Hanc editionem ignorauit Fontani-
nus. Nam etsi quidem non nescius fuerit, a. 1546. primam a Lyp-
sio profectam esse editionem, non tamen seorsim prodiisse nouit, sed *Micropresby-
tici* huius anni editionem sibi confinxit, qualem nulli vnquam docto homini visam esse pro certo habemus.

1550.

Basileae apud Henricpetri fol. Chromatii Episcopi de octo Beatitudinibus Concio elegans. Eiusdem in V. caput Matthaei et partem sexti tractatus aliquot eruditione pariter ac pietate insignes. In *Micropresbyterico quorundam Veterum Theologorum* pagg. 412—437.

1555.

Basileae apud eundem fol. Eadem; inter *Orthodoxographa Iohannis Heroldi* pagg. 430—457.

1569.

Ibidem per eundem. fol. Eadem; in *Monumentis Orthodoxogr. Patrum Iacobi Grynaei T. II.* pagg. 1192—1221.

1575.

Parisiis apud Mich. Sonnum. fol. Chromatii Conciones de octo beatitudinibus; in *Bibl. PP. Bigneana T. VII. pag. 274. sqq.*

1588.

Lugduni apud Iuntas f. B. Chromatii Conciones tres de octo beatitudinibus et in V. et VI. caput Matthaei et istud Matthaei III. *Ego a te debeo baptizari*; in *Laurentii Cundii Bibliotheca Homiliarum T. II. p. 1170.*

1589.

Parisiis. fol. Chromatii Aquilejensis Episcopi de Octo beatitudinibus conciones et eiusdem tractatus in illud Matthaei III. *ego a te debeo baptizari*; in *Bibl. PP. ed. secunda T. II. a col. 759.*

SAEC. XVII.

1618.

Coloniae Agripp. sumpt. Ant. Hierat. fol. Chromatii Aquilej. episcopi de octo beatitudinibus homilia; Eiusdem homilia in cap. V. Matthaei et partem VI; et fragmentum in III. et IV. cap. Matthaei; in *M. Bibl. PP. T. IV. col.* 834.

1624.

Parisiis. fol. Chromatii Aquil. Ep. de octo beatitudinibus conciones et tractatus in illud Matthaei III. etc. in *Bibl. PP. T. II. p.* 151.

1644. et 1654.

Parisiis. fol. Chromatii Aquilej. Episc. de octo beatitudinibus conciones etc. Vtraque editio in *Bibl. PP. h. annorum T. II.*

1662.

Parisiis apud Antonium Bertier. fol. Chromatii Episcopi Aquilej. homiliae VI. de octo beatitudinibus etc. in *Combesfii Bibl. Concionatoria T. II. pagg.* 22. 94. *T. V. pagg.* 202. 424. *T. VIII. pagg.* 344. 346.

1677.

Lugduni apud Anissonios. fol. Chromatii Ep. Aquil. Concio de octo beatitudinibus. et in V. et VIII. Cap. Matthaei; in *Bibl. PP. Max. T. V. pagg.* 976—990.

SAEC. XVIII.

1749.

Venetiis ex typogr. Caroli Pectora. fol. Sancti Chromatii Episcopi Sermones in aliquot capita Evangelii

gelii Matthaei; in *Combesfii Bibl. Concionat. Vet. Patrum* ed. noua.

Insunt, quod nobis reperire licuit, quatuor: 1) Sermo in Euang. Matthaei VI. *cum ieiunatis* T. II. p. 370. 2) Sermo in Euang. Matthaei V. et VI. *audistis, quod dictum est, diliges proximum.* Ibid. pag. 442. 3) Sermo in Euang. Matthaei IX. *nisi abundauerit iustitia uestra* T. VII. pag. 58. 4) Sermo in Euangelium Matthaei VI. *nemo potest duobus dominis seruire.* Ibid. pag. 280.

1772.

Venetis ex typogr. Io. Bapt. Albritii. fol. S. Chromatii Aquileiensis Episcopi Tractatus XVIII. antehac editis multo emendatiores; in ANDREAE GALLANDII Bibl. vet. Patrum. Tom. VIII. pagg. 333—352. Praemissa est de Chromatio disputatio docta in Prolegg. cap. XV. pag. XXVIII. sq.



CODICES. Praeter *Trevirensen*, quem *Si-*
chardus a Matthia a Sacraecastro acceperat et duobus
Martini Lypsii, altero *Bibliothecae Benedictinorum*
Dni Trudonis Louanii, altero *Monasterii S. Lau-*
rentii iuxta Leodium, nullum hactenus MS. exemplar
horum tractatum repertum est.

7.

PELAGIVS

ab aequalibus suis *Britannus* appellatur. Quae 26. 1. Vita.
recentioribus super hac eius origine disputata sunt,
nemini ignota esse arbitramur. Est autem quaestio
haec in hoc viro tanto infructuosior, quo magis
ipsum constat non iuuenilibus studiis ac institutione
aut doctoris alicuius adfectione iis opinionibus im-

butum esse, quas postea in ipso Augustinus et ecclesia damnarunt: sed iam senescens et emensa plurima vitae parte eas spargere coepit, mox autem publice profiteri coactus est doctrinas, quas usque dum in vita tantum et conscientia propria regenda utiles quam maxime expertus esse videtur. Nam si longissime eius repetatur memoria, ante annum 411. Romae constitutum deprehendimus, in consortio hominum probissimorum et totius urbis existimatione, carum quam plurimis extra Romam vel Italiam etiam episcopis inque iis Paulino Nolano, et fama integritatis sanctitatisque in Africam usque celebrem. Conspirabat quippe tale vitae exemplum cum instituto monachi, quod secutum eum esse, tametsi certo alicui monasterio se non adstrinxisset, omnes testantur; nec antiquius quidquam habuisse videtur, quam ut eos, quibuscum versatus est, ad bonam vitam propria quadam ipsi contentione atque ardore exhortaretur. Ferunt etiam iuvenes duo, Timasium ac Iacobum, adhortatione illius commotos esse, ut repudiatis saeculi rebus totos se suaeque deo vouerent. Solebat autem, *quoties ei de morum institutione et sanctae vitae dicendum esset, prius humanae naturae vim qualitatemue monstrare et quid efficere posset ostendere atque iam inde audientis animum ad species virtutum incitare: ne nihil prodesset, ad ea vocari, quae forte sibi impossibilia esse aliquis praesumpsisset.* Nunquam enim, inquit in superstitie etiam nunc eiusmodi exhortatione, *virtutem valeamus ingredi, nisi spe ducamur comite; siquidem appetendi omnis conatus perit, consequendi desperatione.* Optima autem incitamenta sunt, cum docetur aliquis, posse, quod cupiat. Nam et in bello ea exhortatio maxima est, eaque plurimum auctoritatis habet, quae pugnatorem de viribus suis monet. Cum ergo sic tractaret animos Pelagius, sic

in omnes partes humanam naturam vertendo infita ei ad virtutem asseclandam praesidia explicaret, vt ad auctorem suum ea referens tanquam diuinitus concessis beneficiis vti doceret et instigaret: non poterat non interdum laudatori virium humanarum similis videri, sed qui profecto diuinam gratiam non magis excluderet, quam pro illa christianorum hominum istius aevi in vita moderanda desidia, seu vt rectius dicam in tanta morum omnium ruina ac euersione, quam secure clerus spectabat aut ipse sequebatur *), opus esset. Tradebat autem talia, vt officio isti, quod cum vitae ipsius professione quodammodo erat coniunctum, pro modulo suo et conscientia satis faceret, non vero docendi occasiones sectabatur, vt opiniones quasdam disseminaret. Miscebat cum aliis siue familiaribus siue popello sermones de virtute et vita ad pietatem instituenda, quia muneris sui esse ducebat.

Dd 5

quando

*) Testes sunt Hieronymus in iis, quae de clero Romano scribit, testes tot probra in clericis accusata totque poenae in turpissima delicta sancitae, testes denique omnes fere scriptorum ecclesiasticorum huius aetatis paginae, in quibus adeo nihil in probitatem hominum fiducia, adeo omnia, quae virtutum quandam speciem praeferunt, superstitiose sunt facta, vt ecclesiam tantis sumptibus altam religioni per Christum traditae defuisse merito queri videas. Sed hoc quoque magnae peruersitatis est indicium, quod ex rerum Pelagianarum historia haud obscure perspicio, causa item, cur optimo consilio Pelagius tam parum profecerit, quod quae proprie moribus regundis tradita essent praecepta, non in vsum atque exercitium verterentur, sed vt de schola aliquae quaestiones ac formulae ingenia exercebant et contentiose magis quam religiose colebantur.

quando suo, quem siue ipse expertus erat vel aliis futurum maxime salubrem. Neutiquam vero methodi huius gratia et quia sibi in doctrinis quibusdam placeret, easque et aliis commendare cuperet et instillare, personam doctoris induebat. Neque coram solum et alloquio suo, sed scriptis etiam idem genus philosophandi nouum fortasse inter latinae ecclesiae ministros, sed non minus graue et frugiferum est amplexus. Sic enim Augustinus narrat, se certiores factum a sanctis quibusdam viris a. 416. apud se esse libros *exhortatorios* vel *consolatorios* ad quandam viduam, cuius nomen ibi desiderabatur, conscriptos, quos illi ante quatuor ferme annos tanquam Pelagii libros habere coepisse affirmabant, nec vnquam, vtrum eius essent, ab aliquo se audisse dubitari. Ex quibus omnibus non pauca de ingenio moribusque viri iudicialiter, ac vulgo a catholicis scriptoribus fieri solet, id est rectius, informari possunt. Primo itaque id fateatur vnusquisque, qui actorum inter Pelagium atque Augustiniani placiti propugnatores seriem diligenter perlustrauerit, cuique liberum a praesumptione pectus, non aliud quidquam Pelagio curae fuisse, quam vt homines ad vitae perfectionem incitaret, non vt ignauos secum sapientes faceret. Hinc nulla vnquam peculiaris huiusmodi quaestio ab eo mota est, sed sicubi vel coram vel per literas de mediis ad virtutem conducentibus differendum esset, dicebat quae sentiret, non quasi iuuenis ablandiens opinionibus suis, sed qua solent senes grauitate laudare quae per omnem vitam ipsis sunt probata. Ac hoc nomine quidem magnum inter ipsum et Coelestium existit discrimen, quem minorem aetate et feruidiori adhuc ingenio magis ea pungebant, quae tanta veritatis specie a Pelagio accepisset vitam christianam informandi praecepta, quique

quique alacrius et incautius forte, nec tamen ipse reprehendendo consilio aliis ea adhibebat *). Porro ut nulla plane in re ab ecclesiae dogmatibus dissentiebat, sed in iis tantum, quae ad mores informandos spectarent, propria sibi quaedam vindicabat ad artificium doctoris potius, quam ad fidei formulam pertinentia; nihil egit unquam, quo paci ac tranquillitati ecclesiae insidias struxisse videri possit. Neque enim velut scholae auctor sectatores sibi allexit, nec verbis unquam de iisdem rebus cum aliquo contendit. Quod si Coelestium ab eo didicisse traditum est, id non eo valet, ac si hunc sibi formandum sumsisset, sed cum idem ambo vitae propositum persequerentur, facilius inuicem admouebantur et arctior mutuo assensu inter eos coaluit necessitudo. Sequebatur adeo Pelagium Coelestius non tanquam magistrum et auctorem discipulus, sed amicus amicum, intelligentis prudentem. Nec vero diutius cum Coelestio versatum esse constat, quam utriusque rationes paterentur, nec ubi semel inuicem discessissent, unquam postea in eundem locum conuenerunt omneque inter eos, quippe nullo nisi mutui affectus vinculo coniunctos, commercium defecisse videtur. Ipse autem quam primum cognouisset, Catholicos quosdam per opiniones suas commoueri, omnia fecit, quae in potestate sua essent, ut partim iis ipsis, partim aliis gravitate et muneribus in ecclesia insignibus viris nondum praecuriosis istorum irretitis persuaderet, doctrinam suam non ecclesiae formulis aduersari nec prauitatis aliquid alere, non tamen cer-

tanti

*) Hinc fluxit illud Augustini iudicium a veritate et errore medio spatio distans, *Coelestium apertio- rem, Pelagium occultio- rem esse, illum pertinacio- rem hunc mendacio- rem, vel certe illum liberalio- rem hunc astu- tior- em.*

tanti similis, sed in secessu Palaestinae latens. His ergo praemonitis reliqua pars vitae eius paucis absolvi gestaue eius absque erroris metu a nobis enarrari poterunt.

Quamdiu Romae vixerit Pelagius incertum quidem, sed credibile est, iam ante exitum saeculi quarti eum ibi domicilium posuisse. Saltem primos saeculi quinti annos ibidem exegit, siquidem epistolam, quam ante annos fere XII. ad Paulinum Nolanum scripsisse se testatur in literis ad Innocentium I. a. 417. datis, vix alibi quam Romae exarasse verosimile est. Eidem temporis spatio commentarii quoque eius in Epistolas Pauli sunt assignandi. Cum anno 409. vel proximo 410. plurimi omnis generis ordinisque homines Romam Alarici tertium aduentantis metu relinquerent et Siciliam potissimum confugerent, Pelagius quoque ad fugientium vestigia iter cum Coelestio direxisse videtur. Commodius enim sic explicari mihi videntur Pelagianae doctrinae in Sicilia motus, quorum causa mox Augustinus consultus est, quam ex illorum sententia, qui ex Africa Palaestinam petentem huc appulisse fingunt, aut neutri horum ea deberi, sed fortuito eadem vel similia in locis diuersis alios sensisse existimant. Africam deinde Pelagium et Coelestium accessisse veritate non caret. Ac primo quidem Hipponem se contulit, fortasse Augustini visendi gratia, qui tamen aberat. Hinc profectus est Carthaginem, vbi Augustinus multum occupatus in causa Donatistarum versabatur, qui semel atque iterum hic eum vidisse se testatur, tametsi breui tantummodo spatio ibi substitit et relicto Coelestio Palaestinam nauigauit. Vix huc delatus erat cum statim in complurium sanctae famae atque inclytæ doctrinae virorum, veluti Hieronymi, Ioannis

ais Hierosolymitani Episcopi aliorumque familiaritatem sese insinuaret, nusquam autem proditum legimus, eum de suis ex doctrina morum opinionibus quemquam sollicitasse, sicut nec Carthagine sermonem de iisdem intulerat, non metu profecto aut dissimulantia, sed quia nisi de vita ad religionis normam componenda alios moneret, ad haec non facile recurrere solebat *). Id autem ei accidit, cum rogatus a Iuliana, nobilissima matrona Romana, matre Demetriadis, quam virginem Deo consecrauerat, epistolam ad eam ad sensum dignitatis vitae recens institutae itemque perfectionis, quam adspirare deberet, excitandum perscripsit. Idem eiusdem hortatu Augustinus quoque et Hieronymus fecerunt, non sine clandestina Pelagii vellicatione vterque. Dedit etiam ex Palaestina ad Augustinum literas urbanitatis tantum et officii, quo illum Carthagine aut Hippone ambiisse videri vellet testes, nec aliter rescripsit Augustinus, quamquam mirum in modum postea se torfit, ut nihil dixisse in epistola videretur, quod non ad exprobandam Pelagii haeresim faceret. Sed pacem, qua ipse perfrui maxime et alios auctos esse cupiebat Pelagius, turbavit homo ex vltima Hispania a. 415. Palaestinam allatus, nulla re valde insignis, nisi insana paene Augustini palpatione, Orosius. Is, nescio an Augustini huius consilio, errores in Coelestio ab Africana ecclesia damnatos nuntianit, et Pelagium simul tanquam iisdem infectum, nisi forte auctorem, etiam apud Hierosolymitanum clerum

*) Hinc est quod Hieronymus in eodem reprehendit, quod *pro tempore, personis et locis vel loqueretur vel taceret*. Apte hoc in persona doctoris, qui instituere non meras quasdam opiniones propagare vellet.

clerum detulit, tantaque egit animorum commotione, ut tandem ipsum Episcopum Ecclesiae illius Iohannem, qui forte melius ingenium et mores viri perspiciebat, in confessu presbyterorum suorum medio hoc anno Pelagii causam examinare cogeret, ipso accusatoris partes sustinente. Sed quae hic disputata gestaue sint non ingerere placet. Euentus tamen declarauit, Orosium causae huic, quae tota in verborum controuersia erat posita, imparem et Pelagio ingenii subtilitate atque ipsa dicendi exercitatione longe inferiorem esse, quippe qui quae ab Augustino cupide fortasse exceperat, operose et rauco sermone recantabat. Quare Ioanne commotiore in ipsum reddito, culpam in interpretem deuoluit, et Graecum lingua hominem de haeretico latino, haeresi item in latina ecclesia quasi domestica ac seipso tandem accusatore latino, minus idoneum iudicem caussatur subducere se conatus est. Quamobrem cum ipse Ioannes Innocentii Romani mentionem intulisset, quem, utpote primum inter Latinos episcopum, haud inepte rem disceptaturum existimaret, nemini id displicuit. Sed maiores erant animorum motus, quam qui sedari adeo facile potuissent, imprimis cum Hieronymus et Orosius calcar addidissent. Ne saluum igitur Pelagium dimitterent, pactum est cum clericis quibusdam, Erote et Lazaro, episcopis Gallicanis a sedibus suis pulsus, qui maculam famae suae adpersam simulato pro Hieronymi atque Augustini formulis affectu abstergere eoque simul prolapsae fortunae suae sustentacula parare cupiebant. Hi itaque Eulogio Caesariensi Antistiti et Palaestinae primati libellum contra Pelagium obtulerunt et Synodum indici ad cognoscendam eius causam postulabant. Edicitur Diospolim seu Liddam quae antea vocabatur. Conueniunt quatuordecim Episcopi.

Acci-

Accitus est Pelagius. Sed ecce! accusatores causam suam deseruerunt, vnius aegritudinem praetendentes. Absuit etiam Orosius. Rogatus igitur Ioannes Episcopus Hierosolymitanus, vt quae coram se inter Orosium et Pelagium gesta essent narraret; exposuit ea, non sane honorifica Orosii commemoratione et Gallicanis episcopis infensior. Recitatus est deinde libellus eorum et de singulis quaestionibus interrogatus Pelagius cum libere et grauiter respondisset, cunctis qui confederant episcopis fidem suam sic approbavit, vt Hieronymo nihil reliqui faceret, quam vt omnem ex frustrata spe commotam bilem in Synodum Diospolitanam effunderet. Augustinus vero hoc effugium arripuit, vt Patrum istorum quidem studium et in fide constantiam laudaret, sed Pelagii versutias et verborum artificia accusaret, spargens, eum episcopis illis imposuisse, nihilominus tamen se ipsum damnauisse, aut contraria in corde seruasse. Fortasse accidit tunc per impotentem Hieronymi animum, cui in Pelagium et Synodi Diospolitanae decreta frena laxauerit, vt amici quidam huius, quibus nimis circa praecordia aestuaret sanguis, tumulti aliquid excitarent, quem in monasterio suo sensisse illum ferunt. Ipse quidem Pelagius post haec ad amicos suos sic scripsit. „*Quatuordecim Episcoporum sententia definitio nostra comprobata est; qua diximus, posse hominem sine peccato esse et Dei mandata facile custodire si velit. Quae sententia contradictionis os confusione perfudit et OMNEM IN MALVM CONSPIRANTEM SOCIETATEM ab inuicem separauit.* Sed haec tota pars vitae Pelagianae, quae vexationibus haud dubie innumeris agitata fuit, obscura est, siquidem plerumque laus victorem sequi prosperum ac felix scelus virtus vocari solet. Mox vero, sibi et amicis id deberi ratus, Hieronymum,

ronymum, qui in peculiari dialogorum opere ipsum infamauerat, conscriptis quatuor de libero arbitrio libellis confutare coepit, id quod etiam Theodorus Episcopus Mopsuestenus quinque libris fecit, quorum etiamnum fragmenta a Mercatore excerpta prostant *). Interea Orosius cum nuntio rerum apud Diospolin gestarum et acceptis Lazari et Erotis literis in Africam rediit. Celebratae mox Carthaginensis et Mileuitana Synodi, in quibus non quidem contra Pelagium atque Coelestium aliquid statutum est, sed generaliter tantum ii errores, quorum Pelagium atque Coelestium insimulauerant et qui cum iis conexi videbantur, damnati sunt. Cautè haec ita tractauit Augustinus, ne scilicet aliter statuendo Patres Diospolitani laederentur. Sed quod ipse non audebat per alios egit. Pontificis Romani ambitionem nouerat, quam non semel Africani suis machinationibus sperato cum successu adhibuerunt. Sollicitavit ergo Innocentium literis, quibus gesta Synodalia adiuncta erant, ut contra eos decerneret apertius. Nec frustra. Celeriter rescripsit, se acceptis e Palaeestina gestis Diospolitianis, cognouisse, Pelagium *obiecta partim vitando partim interpretando, partim ad tempus negando tota se obscuritate confudisse*: quae ipsius verba totum et mente et stilo Augustinum spirant; tandemque contra utrumque, Pelagium et Coelestium, anathema pronuntiauit (VI. Kal. Febr. Honorio Aug. et Constantio V. C. Cons. i. e. a. 417.) Quod imprudens Innocentii factum quam vehementer Pelagius doluit, *literae* eius significant, quas statim, postquam ipsi innotuisset, *ad Innocentium*, una cum

*) Edita ex Vat. Cod. qui Commonitorium Mercatoris complectebatur, ab Henr. Norisio in Hist. Pelag. l. i. cap. IX. ed. Louan. 1700. p. 39. sq.

cum *fidei suae confessione* dedit. Sed citius ille mortem obierat. Quare ad Zosimum successorem eius delatae, bonae causae victoriam pepererunt. Constat, quo triumpho haec acta sint et qua animi laetantis exultatione purgatos a calumniis et criminationibus Pelagium Coelestiumque Africanis patribus nuntiauerit, qua denique sensuum et dictorum grauitate turpia Erotis et Lazari inolimina contuderit, ipsosque Africanos erubescere fecerit, quod tantum aut suis affectibus indulsissent aut perditorum hominum suffurationibus praebuissent aures. Nec obstat, quod aduersam tamen paulo post sententiam in Pelagium tulerit idem episcopus. Certe mente alienatior non est redditus, quicquid ipsi metus extorserit. Ab hoc tempore vero deficit Pelagii ipsius in his litibus memoria. Ferunt quidem, denuo eundem in alia Palaestinae Synodo, praeside Theodoto Antiocheno episcopo, iisdem accusatoribus Erote et Lazaro, ad examen pertractum, tandem haereseos conuictum atque Palaestina pulsum esse. Sed haec vnius Mercatoris fide nituntur, tametsi is Theodoti ipsius et Praylii Episcopi Hierosolymitani, Ioannis successoris, literas ad Pontificem Romanum de his gestis missas in manibus habere testatus est. Omnino autem tot tantisque tempestatibus iactatus et aetate insuper satis prouecta vix diu his superuixisse potest, licet penitus ignoremus, quando et quonam in loco rebus humanis subtractus fuerit.

I. Quae etiam nunc *superfunt* integra;

1) *Expositionum in epistolas Pauli libri XIV.* §. 2. Scripta. scripti dum Romae adhuc verlaretur Pelagius. Diu et iam inde a saeculo sexto Hieronymi nomen tulerunt. Sed Pelagiani, immo ipsius Pelagii esse dudum
Tom. II. *E e* *dum*

dum cognitum est. v. Voss. Hist. Pelag. l. I. cap. IV. Enimuero vt nunc habemus, ab auctore suo profecti non sunt, sed passim et praecipue in Epistola ad Romanos per Cassiodorum ab iis, quae contra fidem catholicam dicta viderentur, repurgati. Cf. Garner, ad Mercat. App. ad Diss. VI. P. I. p. 367.

2) *Epistola ad Demetriadem* scripta circiter a. 412. Hieronymi nomen quoque tulit. Sed Pelagii esse conuincitur ex fragmentis, quae inde laudat Augustinus lib. de gratia Christi cap. XXII. XXVII. XXXVII. XXXVIII. XL. et in epistola ad Iulianam Demetriadis matrem. Plura vide apud Voss.

3) *Libellus fidei ad Innocentium Papam* scr. a. 417. Nec hic quidem effugere potuit, quin Hieronymi crederetur, et inscribi olim consuevit *Hieronymi explanatio Symboli ad Damasum*.

II. Deperdita, quorum fragmenta extant:

1) *Liber Εὐλογίων*, quod vertit Vossius, *honestorum sermonum de actuali conuersatione. Eulogiarum pro actuali conuersatione ex diuinis scripturis librum* vocat Gennadius et *pro actuali vita librum* Honorius Massiliensis. Orosius *Testimoniorum* titulatione signatum fuisse tradit. In eo ad Cypriani exemplum varia sententiarum capitula e Scripturis comprehensa fuisse, ex Hieronymo et Gennadio discimus. Vnde sagaciter recens scriptor *Guil. Wallius* in Historia Paedobaptismi *Eclogarum* librum legendum coniecit. Testimonia et fragmenta eius praebent *Hieronymus* in Dialog. aduersus Pelagianos lib. I. vbi titulum XIV. XXI. XXXI. LXXII. LXXIII. LXXXI. LXXXIII. C. CXXIII. CXXXI. CLXIV. CLXV. citat, et *Augustinus contra duas*

duas Pelagianor. epist. l. IV. cap. VIII. et de gestis Pelagii cap. I—VI. quae iunctim exhibentur etiam apud Garnerium ad Mercat. l. l.

2) *Liber de Natura*, cui opposuit Augustinus librum *de natura et gratia*, in quo plura ex iis inferuit. Garnerius in Sicilia compositum putat, incertus tamen utrum ipsi Pelagio an Coelestio aut Aniano tribuat. Per Iacobum et Timasium, iuvenes Pelagium adsectantes, in manus Augustini peruenerat, et ab Africanis episcopis quibusdam ad Innocentium missus fuit. Fragmenta sunt apud Garnerium dicto loco et sq.

3) *Liber vnus* vel etiam alter *ad viduam consolatorius atque exhortatorius*, cuius memoria et fragmenta supersunt apud Hieronym. dial. 3. Augustin. de gest. Palaest. c. 6. et Mercator. in Commonit. cap. 4. vnde ea collegit Garnerius ad Mercat. diss. I. pag. 373.

4) *Epistola ad Augustinum* post Synodum Palaestinam scripta. *Augustin. de gestis Pelag. c. 26.* Garner. p. 377.

5) *Secunda epistola ad eundem* seu, ut vocat ille, *chartula purgationis* missa per Carum Diaconum post Synodum Diospolitanam. *Augustin. de gest. Pelag. c. 30.* Garner. p. 379.

6) *Epistola ad amicum quendam presbyterum*; post Synodum Diospolitanam. *Augustin. de gest. Pelag. c. 30.* Garner. p. 379.

7) *Epistola ad Innocentium* l. a. 417. vna cum Symbolo fidei missa. *Augustin. de gratia Christi c. 30. sqq.* Garner. 380.

8) *Liber de libero arbitrio*, quem oppugnat Augustini liber *de gratia Christi* et plura simul ex eo seruauit cap. IV. VII. X. XVIII. XXVIII. XXIX. XXXIX. Quae fragmenta ex libro primo, potissimum autem tertio, iusto ordine proposuit Garner. p. 380. sqq.

III. Plane deperdita sunt;

1) *Libri III. de Trinitate*, quos ante Commentarios in Epistolas Pauli composuisse videtur.

2) *Epistolae* tres, vna ad *Paulinum*, altera ad *Constantium*, quarum Augustinus meminit in lib. de gratia Christi cap. XXXIV. XXXV. et XXXVI. Tertia ad ipsum *Augustinum* scripta fuit statim post aduentum Pelagii in Palaestinam, ne insalutato hospite abiisse videretur, vt recte Garnerius occasionem eius denotat. Priores duas annis 405. et 406. assignari oportet.

IV. Nouissime demum eidem *adscribere* ausus est b. Semlerus *Epistolam ad Celantiam matronam de ratione pie viuendi*, similitudine orationis et rerum tractationis inductus.

I. *Expositionum in Epistolas Pauli libri XIV.*

§. 3. Editiones.

Non memini prius editos a quopiam hosce Commentarios, quam ab Erasmo in prima editione Operum Hieronymi a. 1516. vnde postea semper Hieronymianis operibus adhaeserunt, nec alibi, praeterquam in Io. Clerici Appendice Augustiniana, recusi sunt. Quomodo autem de iisdem insigniores Hieronymi editores meruerint ex hoc indice patebit.

1516.

Basileae apud Froben. fol. Commentaria in Epistolas Pauli; ext. in Tomo IX. *Opp. Hieronymi a fol. 131—190.* „Commentarios in omnes diui „Pauli epistolas, *inquit* Erasmus in Praefatione huic „Tomo praemissa, Hieronymo vendicabat Codex „quidam obsoletae vetustatis, Gothicis characteri- „bus exaratus, sic sane perplexis et iam prae vetu- „state evanidis, vt coacti fuerimus in elementario- „rum ordinem rursus descendere, et quod in ludis „puelli faciunt, litterariis apiculis noscitantis ope- „ram dare: sed et ii sicut proximi superiores, in- „digni sunt iudicandi qui Hieronymo tribuantur. „Quando enim sic ineptit Hieronymus, vt hic in- „terpres quisquis is demum fuit: quin sic balbutit, „vt hic frequentissime soloecissat. Tametsi is, qui „glossam (vt vocant) ordinariam consarcinavit, Hie- „ronymi titulo nonnulla citat, quae nominatim in „iis commentariis comperiuntur. At hoc neuti- „quam satis probauerit Hieronymi Stridonensis esse, „quod scilicet sunt illius nomine citata. Neque „enim hoc agebat glossarius iste, siue Rabanus fuit, „siue alius quispiam, vt cuius essent inquireret, sed „pro tempore quod ad rem suam faciebat, id excer- „pebat. Dicit hic aliquis, quid igitur hic opus erat „adulterina legitimis cum excuderentur admiscere? „Huic respondebimus, quod etiam in aliis praefatio- „nibus ante diximus, nos videlicet non doctis mo- „do, sed et indoctis voluisse morem gerere. Si „commentarios in Marcum omissemus, aut in Pau- „lum non appressissemus, quas statim imperiti tra- „goedias excitassent. Et habent qui sunt apud He- „siodum de primo secundoue hominum genere, „quod aut illi per seipsos, aut ii praemoniti cum iu-
E e 3 „dicio

„dicio legant: et non deest stupidis illis tertii gene-
„ris, apud eundem poetam quod amplectantur, ne
„scilicet non sit paroemiae locus, similes habent la-
„bra lactucas. Quamquam in iis ipsis in Marcum
„et Paulum commentariis quaedam inuenire licet,
„quae doctis etiam placere possint, nimirum ex Hie-
„ronymi penu deprompta a studioso videlicet ali-
„quo, qui cum percurrisset Hieronymianas lucubra-
„tiones, in his multa sublegerit, ut deinde suis ad-
„mischeret, quo verius huius fuci merito Hierony-
„mus videri posset. Quod studium olim fuit mona-
„chis, iis maxime, qui de familia sunt diui Benedi-
„cti, nam apud hos, ut religionis, sic etiam litera-
„rum multos annos (ut ita dicam) tyrannis fuit, cum
„mundus a simplicitate Christi desciscens, bellis
„operam daret, et in barbaricam quandam feritatem,
„contempto sapientiae studio, sensim prolaberetur,
„et erat tempus quo nihil placeret quod Hieronymi
„non esset: haud secus quam hodie multis nihil pro-
„batur, nisi quod Scotum aut Thomam sapiat.
„Tum nebulonibus quibusdam! ansa fuit praestita,
„simplicioribus imponendi, venditabantque passim
„pro Hieronymo naenias suas, et celeberrimi san-
„ctissimique viri titulum nugis quamlibet nugacibus
„praefigebant. Ceterum ut detur etiam inter mul-
„tas paleas aliquod granulum reperire, cum tantum
„sumpsit Hieronymi scriptorum, istos commenta-
„rios nigro calculo notamus, et indignos censemus
„in quibus legendis studiosi bonas horas male collo-
„cent. Docti, quique sunt naris emunctae (certo
„scimus) nobiscum facient, imperitorum et crasso-
„rum iudicium nihil moramur.“ Haec Erasmi
sententia iniqua profecto et a veterum etiam, quam-
quam auctori neutiquam fauentium iudiciis abhor-
rens, doctorum ab illius inde aetate hominum, qui dili-

diligentius ista commentaria inspexerunt, calculum non tulit. Neminem fugit, quanti ea faciat Simonius *), quocum paucos iam fore existimamus, quin ea Hieronymianis, nedum Augustinianis interpretationibus longe praeferenda censeant. Interim propter hanc ipsam summorum virorum in iudiciis repugnantiam optandum duxerim, ne doctum aliquem virum in hac sacrarum literarum parte habitantem pigeat denuo eadem excutere et imprimis inuestigare, annon fortasse assumenta aliquot vilioris panni insint, quibus ineptus aliquis glossator vel compilerator ad totius operis contemptum Erasmus prouocauerit. Ceterum in *ed. Basil. 1537.* inuenies *eodem Tomo pagg. 265—396.*

1572.

Romae apud Paulum Manutium. fol. Commentarii in Epistolas Diui Pauli; in editione *opp. Hieronymi Victoriana T. VIII.* quae cum ipsa ad manum non sit, ad paginas *Antverpiensis et Parisinae* laudare necesse est. In *Antverpiensi* (a. 1579.) extat *T. VIII. pagg. 170—288.* in *Paris. 1643. eod. Tomo p. 161—277.* En vero *Mariani Victorii* de iis fermunculum. (ex Praef. huius tomi): „Commentarii in tredecim Pauli Apostoli Epistolas, „Hieronymi, ipsi etiam minime sunt: nam nec „eius phrasin habent, nec eruditionem: quamuis in „fronte operis Epistolam ad Heliodorum inscriptam „contineant: Quin potius hominis esse Pelagiana „labe commaculati compertissimum est (ne ea tantum quae orthodoxa non sunt, ab haereticis potius
Ee 4 „sunt

*) *Hist. crit. des principaux Commentateurs du Nouveau Testament* Rotterd. 1693. chap. XVI. pag. 236—246.

„sunt adiecta). Notauit hoc ante nos Ambrosius Ca-
 „tharinus Politus Compfiae Archiepiscopus, Catho-
 „licae religionis assertor: notauit et Sixtus Senensis
 „quarto et sexto Bibliothecae sanctae volumine:
 „vterque errores Pelagianae haereseos, qui eo in
 „opere inueniuntur, redarguentes. Si quis autem
 „scire hoc concupiscat *), liquido ex expositione
 „quinti ad Romanos capitis inueniet: vbi Adami pec-
 „catum in humanum genus, non propagatione et
 „traduce, sed exemplo tantum et imitatione dif-
 „fundi asserit: ac si illud non contrahant, nisi qui
 „aetate adulta, et ad peccatum iam apta, Adam sce-
 „leribus imitentur. Quod ipsum in interpretatione
 „septimi capitis liquidius apparet. Enarrans enim
 „illud, *Sine lege peccatum erat mortuum*, ita scri-
 „bit: Item si cum lex non esset, peccatum mortuum
 „est: insaniunt qui de Adam per traducem asserunt
 „ad nos venire peccatum. Quae opinio quam im-
 „pia et haeretica sit, nemo Catholicorum igno-
 „rat. Ego quid de operis auctore statuam, certi
 „habeo nihil: nisi quod Hieronymi illud non esse
 „compertissimum est. Edi tamen curauimus eo
 „modo, quo antea typis mandatum circumferebatur,
 „ne quid priori editione deesset, nulla quidem syl-
 „laba a nobis auctum, diminutum, aut immutatum:
 „Lectorum arbitrio, quid de illo existimare velint,
 „penitus derelinquentes.“

1673.

Parisis. fol. Huius loci et anni nulla quidem
 extat Commentariorum horum impressio, sed quod
 longe

*) Nec tamen in sententiam Ambrosii praeceptoris
 sui, qui Pelagii ipsius esse hosce commentarios
 statuerat, concedere se significat Sixtus. cf. l. IV.
 p. 309. ed. Colon. 1626. 4.

longe pluris valet in editionum eorum annalibus
IOANNIS GARNERII ex Soc. Iesu, *dissertatio
de Scriptis Pelagii*, quae efficit *caput II. Adpendi-
cis ad Dissertationem VI. de scriptis ab hostibus Fi-
dei pro haeresi Pelagiana viuentis Augustino*, et ha-
betur cum *Operibus M. Mercatoris P. I. p. 367. sq.*
In ea vero non solum argumentis inuincibilibus de-
monstrauit, esse hanc interpretationem eam ipsam,
quae Augustino, Hieronymo et Mercatori lecta et a
Cassiodoro interpolata fuerit, sed etiam, vt pateret,
quantum mutationis fecisset Cassiodorus, παραλ-
ληλως ea, quae in vulgatis codicibus habentur, Cas-
siodoro emendatore, et quae Pelagius scripserat, re-
latore Mario et Augustino, opposuit.

1684.

Frankofurti et Lipsiae. fol. Commentarii in
Epistolas Diui Pauli; in *Tomo IX. Opp. Hieronymi*
pagg. 213—321.

1699.

Parisis. fol. Commentarii in Epistolas Diui
Pauli; in *Tomo V. Opp. Hieronymi* ed. *Martianaei*
pagg. 925—1106.

1700.

Antverpiae apud Petr. Mortier. fol. Pelagii
Britanni Commentarii in Epistolas S. Pauli Aposto-
li; in *Adpendice Augustiniana s. Tomo XII. ed.*
Antverpiensis Operum Augustini pagg. 317—458.
Quantum Garnerius iudicia de hoc opere promoue-
rit, iam ex titulo sese prodit. Sed et ipsum Clericum
audiuisse iuuabit. „Commentarios in Epistolas
„Pauli, inquit, Pelagii esse dudum viris doctis sub-
„oluerat, remque manifestam fecit Garnerius. Idem
„etiam liquebit ex notulis variis locis a nobis subie-

„*his*, in quibus Pelagiana dogmata tam liquido no-
 „tamus, vt res dubia nemini esse possit, nisi harum
 „rerum plane imperito. Plura etiam occurrunt in-
 „dicia Pelagianismi iis, qui hosce Commentarios
 „diligentius legent. Nisi constaret, per aliquot aeta-
 „tes non satis intellectam fuisse S. Augustini eiusque
 „Aduersariorum doctrinam, ita, vt multi se Augu-
 „stinianos esse crederent, qui Pelagii sententiam se-
 „quebantur; mirum esset eos, qui saepius interpo-
 „larent hosce Commentarios, loca illa, quibus Pe-
 „lagii doctrina manifesta habetur, non expunxisse.
 „Sed multi adeo rudes fuerunt, vt S. Augustinum
 „quidem Pelagianum facerent, et Pelagium vicissim
 „Augustinianum, eaque imperitia factum est, vt
 „Pelagianismus manifestus correctorum manus hic
 „effugerit. Edidimus hoc opus ex Frobenianis
 „Erasmi editionibus, duntaxat manifesta, quae re-
 „manferant, susculimus. Optabamus nobis esse co-
 „piam MS. cuiuspiam Codicis, in quo essent hi
 „Commentarii; praesertim quia textus, qui in iis
 „illustratur, non est antiqua illa versio Latina, quae
 „tempore Pelagii obtinebat, sed ab Hieronymo
 „emendata. Non poterat, sine antiquo codice, hoc
 „flagitium exscriptorum recentiorum corrigi. Ce-
 „teroqui quamuis hosce Commentarios laudare no-
 „limus, praesertim si cum Recentiorum laboribus
 „conferantur; attamen non contemnendos esse, pro
 „sua breuitate, si contendantur cum aliis eiusmodi
 „veterum Scriptis, existimamus, quare etiam inte-
 „gros eos, et quales e manu auctoris prodierunt,
 „ad nos vsque non peruenisse dolemus.“

1742.

Veronae. fol. Commentarii in Epistolas San-
 cti Pauli; in *Tomo XI. operum Hieronymi Domin.*
Vallar-

Vallarſii. pagg. 835—1069. et edit. Venetae 1772.
 4. T. XI. P. III. *pagg. 134—435.* Eſſi Pelagii nomen non praefixum eſt, non negant tamen editores Pelagii eſſe. Quin non ſemper verum auctorem ignoratum fuiſſe raro et luculento teſtimonio *Ioannis Diaconi ſeu Presbyteri Manſionarii*, Veronenſis ſcriptoris Saeculi XIII, demonſtrant, qui in *Historia* nondum edita in haec verba eorum meminit: *Vidi ego ipſe Ioannes Commentarium Pelagii praedicſi, ſuper Epistoſas Pauli, in quo licet multa bene et eleganter exponat, tamen ſubtiliter inſundit venenum haereſis ſuae.* Idem obſervant praefationem illam ficto nomine Hieronymi ad Heliodorum directam a melioribus notae MSS. codicibus abeſſe.

II. *Epistoſa ad Demetriadem virginem.*

In MSS. Codicibus nunquam niſi inter Hieronymi epistoſas et tractatus minores reperitur. Inde eſt, quod eiufdem vetuſtatis editiones, immo totidem prope numeret ac illius opera opusculaue. Nimirum in antiquioribus i. e. epistoſarum collectionibus locum inter ipſa Hieronymiana occupat, licet mature ſatis cognitum fuerit, non Hieronymum, ſed Pelagianum quendam aut ipſum Pelagium eius auctorem eſſe; inde ab Eraſmiana autem ſeparatim cum aliis Hieronymo ſuppoſitis exſcribi conſuevit. Nuper tamen ſeorſim edita eſt et ſingulari conſilio illuſtrata. Sed vt omnibus ordo ſuus conſtet, temporum ſeriei et hic potiores deſcriptiones adſtringere placet.

[1467.]

[Romae apud Vdalar. Gallum.] *ſol.* Epistoſa ad Demetriadem ſub nomine Hieronymi inſcripta de virginitate et vita perfecta; inter *Epistoſas Hieronymi*

onymi editas sine loco et anno Parte III. Tractatu V. qui inscribitur de statu continentiae virginalis et primo de virginibus deo dicatis. Ep. LXIX.

Praecedit ipsius Hieronymi ad eandem virginem epistola, quae prima dicitur, proximeque sequitur epistola ad *Iulianam Demetriadis matrem*. Praefixa autem sunt duo argumenta, vnum satis prolixum, quod totius tractationis vim et materiam apte et enucleate tradit, alterum breuius de auctore, quod totum huc transcribere vacat. „*Nota quod a plerisque haec epistola dicitur non esse Hieronymi: sed alicuius Pelagianis se eo quod nimis bonum nature et liberum praedicet arbitrium. Beda presbiter eam dicit esse Iuliani eius haereseis sectatoris in libro de gratia Dei contra eundem Iulianum. Nos pleraque huius epistole ab Augustino nouimus esse reprehensa tanquam gratie Dei aduersantia. Vnde suspicatur illam a pelagiano perscriptam, sicut ipse scribit in epistola ad Iulianum (sic) Demetriadis matrem; quam ob hoc ipsi libello subdidimus. Continet tum multa salutaria monita: et communiter sub nomine Hieronymi in exemplaribus habetur inserta ideoque et nos illam inscripsimus.*“ Ceterum non haec ipsa editio nobis praesto est, sed quae ex illa certo certius expressa est *Basileensis* a. 1489. ubi *P. et Tr. l. l.* extat *fol. CXLIII*. Similiter in editione *Norimbergensi* a. 1495. praefixo hoc breuiori argumento extat *Parte III. T. V. ep. CLXXXVIII. fol. CCLXVI.* item in *Basileensi* a. 1497. *Parte III. Tr. V.* qui pariter de continentia virginali etc. inscribitur, *ep. XVIII.* praemisso utroque argumento; nec non eodem plane loco et numero in ed. *Lugdunensi* a. 1513. *fol. 98. b. sqq.* (qui foliorum numerus in ea non impressus cernitur.)

De reliquis Romanis editionibus quid affirmem non habeo, cum nec ipsae, nec alia, quam probabiliter ex iis expressam dicerem, suppetant. In *editione* altera *absque anni et loci indicio* procusa, quam Tomo I. Bibl. p. 487. descripsimus, haec epistola non occurrit, sed sola ipsius Hieronymi ad Demetriadem num. XCVI. prostat; quod nescio vtrum codicibus an curatorum delectui sit tribuendum.

1470.

Moguntiae per Petr. Schoiffer. fol. max. Hieronimus ad demetriadem quomodo deceat virginem conuersari; in *Epistolis et Tractatibus Hieronymi*, epistola CXCVI. seu XXVI. in *Distinctione XII.*

1516.

Basileae apud Frobenium. fol. Ad Demetriadem virginem de Virginitate epistola; in *Opp. Hieronymi Erasmi* *nae ed. Tomo II. fol. 4. b — 12. b.* Erasmi Censura haec est: „*Erudita prorsus et aeloquens* (sic) *epistola, sed quam, ut nihil aliud accedat, vel stilus palam arguat non esse Hieronymi.* Praeterea consentaneum non est, Hieronymum ad eandem virginem iisdem de rebus bis scripsisse. Diuus Augustinus nonnihil suspicari videtur ab haeretico Pelagiano conscriptam, quod insint in ea nonnulla, quae Pelagianorum dogmata respiciant, praesertim, cum is Pelagius in epistola quadam testetur sese ad Demetriadem scripsisse: Beda putat esse Iuliani haeretici. Ceterum error subscriptionis hinc natus est, quod Hieronymus quoque scripserit ad hanc virginem argumento non dissimili.“

1579.

Antverpiae apud Christ. Plantin. fol. Epistola ad Demetriadem virginem; in *Operibus Hieronymi*

nymi ed. *Marii Victorini* h. a. et l. iteratae *Tomo IX.* pagg. 1—12. it. in *Parisiensi* 1643. *ibidem* pagg. 1—10.

1684.

Francofurti et Lipsiae fol. Eadem; in *Opp. Hieronymi Tomo IV.* pagg. 12—21.

1706.

Parisiis. fol. Eadem; inter *Opera Hieronymi* ed. *Martianaei Tomo V.* pagg. 11—30. Praefixa est *Erasmi Censura*. Ipsi notant, in quibusdam MSS. codicibus *Coelestio*, in aliis *Iuliano* eam tribui.

1742.

Veronae. fol. *Pelagii ad Demetriadem epistola*; in *Operum Hieronymi* ed. *Vallarfi Tomo XI. P. II.* pagg. 1—26.

Observat editor, *Beda* suspicionem, qui *Iuliano* eam tribuit, fundari codicibus nonnullis MSS. e quibus vnum vetustior *Bibliothecae S. Victoris* eidem eam asserentem laudat. In repetitione *Veneta* 1771. 4. inuenitur eodem *Tomo* eademque parte pagg. 2—35.

1775.

Halae Magdeburgicae impensis Car. Herm. Hemmerde. 8. *Pelagii Sancti et Eruditi Monachi Epistola ad Demetriadem cum aliis aliorum epistolis.* *Dan. Whitby, S. T. P.* *Tractatus de imputatione diuina Peccati Adami, posteris eius vniuersis in reatum.* Recensuit et notas addidit *D. Io. Salomo Semler.*

In hoc volumine praeter ea, quae titulus laudat comprehenduntur *Augustini et Alypii epistola ad Iulianam Demetriadis matrem, Hieronymi Epistola ad*

ad *Demetriadem de seruanda Virginitate, Excerpta ex Leonis M. Sacramentario de Consecratione Virginum, Epistola ad Celantiam matronam de ratione pie viuendi*, quam, vt supra iam notauimus, Pelagio primus vindicare editor statuit; denique *Excerpta ex Augustini libro de Gratia Christi contra Pelagium et Coelestium*, quae ad Pelagii Epistolam ad *Demetriadem* pertinent. Horum autem opusculorum confociatione et per notas non parca manu adspersas illustratione id egit editor omni qua valebat animi contentione, vt inuidiam, qua Augustinus Pelagium inuoluerat, in ipsum auctorem redundare faceret. Et sane cum non minimum ex disciplinae suae studio fructum hunc percepisse se existimaret Semlerus, quod summam christianae doctrinae non tam in systemate aliquo et formulis doctorum custodiendis, quam animo in verum numinis cultum iuxta luculenta Christi praecepta componendo contineri didicisset, id quod nulla non occasione in scriptis suis repetit et inculcat; non poterat non cum vniuerse Africanis patribus, tum Augustino praecipue esse infensior, quorum sedulitate, machinis et scriptis id effectum esse nouerat potissimum, vt a vero disciplinae christianae sensu ad inanes vel friuolas etiam quaestionculas animos abducerentur. Quam generis humani pestem, perniciosissimam vtique, quod intra viscera semel recepta aegre remedia admittit, cum suo etiam tempore non penitus abolitam et extinctam sentiret, imo et se ipsum virulentis hominum ista labe infectorum moribus peti cerneret; non mirum est, si ad origines illius descendens et inde a Pelagii iniusta tractatione memoria repetens, quot malorum, improbitatis et flagitiorum causa illud vnus maxime hominis nec valde docti, nec valde boni arumen fuisset, et ipse vehementius commoueretur,

et

et concitatiores hoc mentis affectu orationem etiam colorari pateretur. „Non infitior, *inquit*, prae „me potius fero esse me in ea sententia, *Pelagium*, „et socios, quos istius nominis invidia afficere so- „lent, contra ius et fas, auctoritate et potestate ex- „terna *oppressos* fuisse; alienos quidem ab Augustini „et Africanorum theologia prouinciali, minime ve- „ro alienos a christianismi vera causa et salubri re- „gula. Decreta potius *Africana*, sine iure herme- „neutico, vnice ecclesiis latinis episcoporum vitio „obtrusa fuisse; ipsamque sententiam, quam eius „temporis catholici Episcopi nouo instituto et consi- „lio sanxerunt, *falsam esse*, quatenus gratiam *par- „ticularem* aliquam reppererunt, omnesque homines, „extra ecclesiam seu societatem christianorum exter- „nam viuentes, aeternae damnationi addixerunt, cu- „ius tristis sententiae causam a *peccato originali*, ad „omnes omnino homines *traducto*, obsecuti *latinis* „phrasibus deriuarunt. Intellego quantum sit, quod „proferi audeo; sed ad illam professoris theologiae „prouinciam maxime pertinet, non reuereri homi- „num auctoritatem et temporum seculorumque lon- „gum omen metuere. Institui itaque, post plu- „rium annorum continuata studia, *acta* quasi *caus- „sae Pelagianae* colligere et eruditorum hominum „oculis subiicere; quia satis constat, paucissimos „esse, etiam ex theologorum illo ordine, qui ipsa „illa scripta oculis manibusque suis vsurparint; con- „fisi, vt fit, (scaeuo omine) superiorum diligentiae, „integritati et auctoritati.“ Et paucis interiectis „Vi- „derint iam alii, postquam *Pelagii* illam eximiam „Epistolam ad virginem nobilem *Demetriadem* le- „gerint, et *Augustini* parum liberalem censuram, „suspicionemque malignam perspexerint: ecquid „ipsi statuendum esse putent de rei vera causa?

„Nisi

„Nisi me omnia fallunt, multi iam luculenter intel-
 „ligent, *Pelagio* iniuriam factam esse ab *Augustino*;
 „nec praecipue placebit *gratiae diuinæ* interpres no-
 „vus, qui sit, ipse a probitate humana non obscure
 „alienus. Fatentur *Pelagii* aduersarii, quod *Pelagius*
 „cum suis sanctitati et eximiae christianae pietati de-
 „derit illustrem et luculentam operam; abstinerunt
 „enim ab omnibus illis peccatis et vitiis, non solum
 „foedis et immanibus, sed etiam ab illis, quae dixit
 „*Augustinus* minora; informarunt augustam plane
 „christianismi, quo virtutes humanae superantur,
 „imaginem; optimis scripturae sacrae partibus, ad-
 „monitionibus, promissionibus, diligentissime, fe-
 „re per omnes diei horas, legendis, repetendis,
 „psallendis incubuerunt; precibus et votis Deum
 „continuis et perpetuis amplexi sunt; mentem ani-
 „mumque impleuerunt quasi sensu et numine Dei
 „et Christi; hi tamen tam feruidi christiani ab *Au-*
 „*gustino* accusantur, quod sint *hostes* et *inimici Gra-*
 „*tiae* Christi! Vinci enim, a tam imperitis homini-
 „bus, in *Synodis* et colloquiis nec *Pelagius* potuit,
 „nec *Coelestius*; itaque nec facultatem Synodi publi-
 „cae impetrare potuit *Iulianus*, ipso *Augustino* re-
 „nuente, et statim *Honorii* leges flagitante aduersus
 „*hostes gratiae*. — Quantum iniuriae, indignita-
 „tisque, pertulerunt illi veri christianismi testes et
 „confessores! Ecquos enim hic putamus esse Christi
 „bonos et probos discipulos? *Augustini* illam par-
 „tem, astutis Synedrii artibus abusam, et Dei hono-
 „rem simillimis modis et institutis defendentem, ac
 „Caiphas ille pontifex sanctulus? An vero *Pelagium*
 „et alios istos christianos, qui saeuam impietatem
 „pati non poterant, qua christianae religionis honor
 „polluebatur. Nisi praecipue nobis placeat *Augu-*
 „*stini* sedulitas et scurrilitas latina, qui discrimen
Tom. II. Ff „repe-

„reperit inter phrasin duci a Spiritu Sancto, et agi;
 „inter gratiam *discendi* seu doctrinae, quam Pelagi-
 „gus commendabat, *uniuersalem*, et omnium; et
 „gratiam *diligendi*, quam Augustinus decreuit no-
 „uam, *particularem*, ab ecclesiae ministerio, a cleri-
 „corum diuisis muneribus, sic vnice pendentem, vt,
 „qui careat opportunitate *baptismi* et *sacrae coenae* a
 „clericis tantum dispensandorum, eum necesse sit
 „aeternum perire. Ego vero satis mirari non pos-
 „sum, inter tam multos viros satis eruditos non
 „fuisse, qui istam Augustini nouitatem, temeritatem,
 „imperitiam hermeneuticam, futilitatem allegandi et
 „interpretandi, non perspicerent vniuersam, nota-
 „rent atro calculo, describerent atque abiicerent lu-
 „culenter! Videtur sensim aliquid odii vel in homi-
 „nes graece loquentes, quantumuis christianos, lo-
 „cum habuisse; querebatur certe iam *Basilus* de
 „elatiore Latinorum fronte. Nec cesserunt latini
 „graecis codicibus; deriuabant ideas suas *ex latina*
 „*ista interpretatione*, homines scilicet a graecae lin-
 „guae et ecclesiasticae consuetudinis peritia tam alieni,
 „quam fuit tandem *Africa* et *Italia*, seiuncta a tot
 „prouinciis, quae solent Orienti soli praecipue attri-
 „bui.“ Haec excerpere visum est, non quod dubi-
 „tamus, quin in recenti hominum nostrorum memo-
 „ria versentur, quod quidem abunde testatur nouissi-
 „ma harum rerum in commentariis ecclesiasticae hi-
 „storiae facies, sed vt luculentissimo exemplo declara-
 „remus, qui spiritus hos artus regat, et quo ipse cum
 „in Pelagii, tum Augustini et reliquorum scriptis il-
 „lustrandis maxime inclinetur. Fecimus autem tanto
 „libentius, quo rarior, immo vero nulla paene huius
 „libri in diariis eruditis extet mentio. Regula autem,
 „quam in notis scribendis secutus est, et ad singulorum
 „locorum sensum percipiendum et ad omnem argu-
 „menti

menti vim et tractationem perspiciendam est aptissima. Nam et variantes lectiones, quae paucae sunt, notauit, et verborum sermonisque proprietatem explicauit, argumentationum vim et nexum examinavit, imprimis autem, quae cum vtriusque formula coniuncta essent, quam vere aut false, quam dextre et aperte aut ambigue et subdole dicta sint, ostendit. Textus cum pluribus aliis editionibus collatus est, capitumque diuisio paulo aliter ac Benedictina instituta. Promiserat etiam operam se daturum *indici dogmatico*, inde a *Tertulliano*, *Cypriano* aliisque latinis ante Pelagium; quo facilius pateret, Augustinum suapte ingenio et nouo Episcoporum consilio discessisse in illam partem. De ceteris „Nondum „vero, *inquit*, nos poenitet sententiae, *Epistolae*, „quae inscribi solet ad *Celantiam*, auctorem esse „eundem *Pelagium*; licet neminem nouae sententiae „testem aut adiutorem laudare possimus. Ista tandem pars *Augustini*, ex libro de *gestis Pelagii*, „stomachum haud dubie excitabit lectorum; vt fa- „veant nostro proposito, colligendorum omnium „actorum, tam ex *Augustino*, quam ex *Mario Mer- „catore* et aliis auctoribus; vix enim paucissimi, vel „academicis studiis ornandis destinati, oculis suis „ipsi vsurparunt istos libros; qui tamen magno numero et calore summo id agunt, vt ecclesiae eadem „consuetudo dogmatica sic ad posteros transmittatur, „vt videbatur superiori tempore optime habere. Ex „*latinis Missalibus* pauca addidi, quae videbantur rei „illustrandae satis bene conuenire. Pars altera huius voluminis complectitur *Dan. Whitby* istum „librum de *peccato originali* et eius *imputatione*; „satis rarum, sane nostris in terris, atque non solum „auctoris celeberrimi nomine, sed etiam rei ipsius, „quam liberali ratione excussit, isto momento, quod

„inde a multis seculis apud latinos scriptores locum
 „habuit. Itaque nec indignum, qui inter nos plu-
 „ribus innotescat, vt diligentius examen huius tam
 „celebris argumenti promoueat.“ Inscriptus est
 egregius liber claris *Noesselti* et *b. Gruneri* nomi-
 nibus.

III. *Libellus fidei ad Innocentium.*

Duplex extat huius *libelli* lectio, vna, quae *inter Hieronymiana* opera reperitur, integra ac vera, sed lemmate: *Explicatio fidei ad Damasum* inscripta; altera vero *Augustinianis Sermonibus de tempore im-* missa, quam praefatiuncula, quasi Augustini, antecedit, interpolata, et ad sermonis popularis habitum deflexa. Prior etiam in *Caroli M. libris de imaginibus* sub *Hieronymi* nomine et in *Baronii annalibus* ad a. 417. deprehenditur, ex Vaticano codice, qui varias *Zosimi* papae epistolas continebat, descripta et suo auctori vindicata. Ac ex eo quidem, quod in *Caroli* isto volumine adducitur, colligi posse videtur, iam ante ista tempora hanc opinionem fuisse peruulgatam, cui accedit etiam Auctoritas Codicis MS. cuiusdam *Carolo Magno* iam rege, necdum *Imperatore*, scripti, quem a *Iacobo Sirmondo* inspiciendum acceperat *Launoius*, qui tamen non ad illam aetatem eum pertinere, sed a recentiore manu scriptum existimabat. In *Coisliniano* etiam veteri ms. libro sic inscribi notat *Vallarsius*: *Symbolum fidei a beato Hieronymo compositum et Sancto Papae Damaso ab eodem missum.* Enimvero contrariam sententiam tuetur *Launoius* in peculiari super hoc symbolo dissertatione, mox disertius laudanda, argumentis non sane leuibus, silentio nempe *Concilii Francofordiensis* a DCCXCVII. in causa *Elipandi Tolerantiani*

tani episcopi et pro Catholicae fidei traditione contra haereticos asserenda acti, et ipsius Caroli M. nec non Alcuini in libris VII. aduersus Felicem Vrgellitanum Episcopum et libris IV. contra Elipandum: porro Agobardi Lugdunensis eiusdem Felicis aduersarii, et Hincmari Agobardi aequalis silentio. Quod codices autem attinet et quidem illum Sirmondi, recentiore manu eum arguere iam ante diximus. Addit vero, librarium etiam et codicis compositorem scripturae suae vestigia in Caroli regno impressa relinquere potuisse, etiamsi Caroli regni aequalis non fuerit; aut potuisse post Carolum in Codicem suum monumenta plura simul conferre, quorum vnum ad Caroli Regis tempus attineret; vnde tamen non sequi concludit, cetera monumenta eodem tempore iam tum primum esse conscripta. Immo hanc professionem fidei post Carolum libris de imaginibus inferri potuisse ab eo, qui libros describeret, et munimentum et praesidium hoc illis deesse aegre ferret. Ita stabilita sua sententia concedit tamen, non diu post Caroli M. aetatem illud contigisse. Nam *Remigii*, qui medio saeculo nono vixit, *Lugdunensis episcopi*, testimonium profert, qui in libro *de tribus epistolis* cap. XXXIX. vel ex codice, vel ipse primus Hieronymi hanc fidem appellat. Ab hoc proximi sunt in eadem sententia saeculo duodecimo *Gratianus* et *Magister Sententiarum* post *Thomas*, *Bonauentura*, et Scholastici reliqui. Quod *Augustinum* attinet, nec hunc errorem Caroli M. aetate fuisse exortum eadem ratione demonstrat, sed primum esse ostendit Guilielinum Parisiensem auctorem saeculi decimi tertii, qui in libri de peccatis et vitiis capite X. testimonium sub Augustini nomine ex illa fidei professione arcessat, siue vt pro Hieronymo Augustinum per aliquam incogitantiam accep-

perit, cum tunc omnes illam fidei professionem ex fide Magistri et Gratiani Hieronymo darent, siue ex codice aliquo sermonum eius, in quem illata iam erat haec *fidei professio* cum sermonis exordio. Guilielmum postea, *inquit Launoius*, exceperunt alii, qui aliis rebus cum vacarent, in mandatos typis Augustini sermones non inquisuerunt, sed misso potius in compendium studio, indicibus contenti id arripuerunt, quod causae et tractatibus opitularetur. Ac hic liceat etiam eiusdem Launoii breuem disputationem, qua via ac ratione factum sit, ut ista *fidei professio* utrique, Hieronymo et Augustino, subiecta fuerit, inferere. Fatetur quidem, scitu difficillimum esse et vniuscuiusque coniecturis permitti debere. „Hae „autem, *inquit*, in Hieronymo quam in Augustino „expeditiores videntur. Modi suppetunt numero „tres. Primum, si reperta est ἀδίσπορος, tunc Li- „brarius eruditionis nonnullius, cum in ea Iouinia- „ni errores, quas Hieronymus confutauerat, dam- „nari, tum scriptionem idoneam esse, eamque „Hieronymi placitis consentire perspiceret, hoc „opus illi tribuere non dubitauit. Deinde, si pro- „fessio cum Pelagii titulo et inscriptione inuenta est, „tunc Librarius pietatis nonnullius doluit, eam, quae „sibi videbatur optima, Pelagii nomen prae se ferre: „odiosum nomen sustulit et gloriosum aliud memo- „ratis de causis substituit. Tum denique, si Con- „fessio ἀνεπίγραφος illata est codici, in quo caetera opera Hieronymi forent, tunc ex illa codicis „illius compactione Hieronymi nomen accepit apud „incautam posteritatem. Quod et aliis Patribus non „raro accidit. Ad Augustinum quod pertinet, res „paulo difficilior atque imperitius transacta est: „difficilior quidem, quia oportuit professioni fidei „concionale exordium praefigi, ut qui fidei libellus „reipsa

„re ipsa sermo non erat, sermo videretur: imperi-
 „tius vero, quia beatus Augustinus libellum fidei
 „generatim et per auersionem reiecit. Et sane
 „quae in eo de libero arbitrio ad vtrumlibet flexibili
 „et cominutabili dicuntur, posterioribus beati Au-
 „gustini dogmatibus non omnino concordant.“
 Haec Launoius. Superest iam, ut quos ab inuenta
 typographia editores hic libellus nactus fuerit, breui-
 ter sed more nostro recenscamus.

S A E C. X V.

[1467.]

[*Romae apud Vdalr. Gallum.*] fol. Expositio
 fidei beati Hieronymi presbyteri ad Damasum pa-
 pam. In qua haereses plurimas de trinitate et incar-
 natione ubi impie sentientes damnat: petens suam
 fidem a Damaso comprobari. inter *Epistolas* s. *Opu-*
scula Hieronymi absque loci et anni indicio, sed proba-
 biliter ab eo quem laudauimus typographo eodem-
 que l. et a. impressa, *Parte I. Tract. I. Epistola II.*
 Ad manum nobis est iteratio *Basileensis* a. 1489. ubi
 ext. fol. VIII. Editionem hanc sequitur *Norimber-*
gensis a. 1495. Sed in *Basileensi* a. 1497. et *Lugdu-*
nenfi 1513. deest haec Expositio. Romanae
 Schweynhemii et Pannartii editiones non suppetunt.

1470.

Moguntiae apud Petr. Schoiffer. fol. Ieroni-
 mus damaso exponens fidem suam vel approban-
 dam vel corrigendam. inter *Hieronymi epistolas* h.
 ed. *Distinct. II. Epistola IV.*

Sine anno

et loco. fol. Explanacio fidei sancti iheronimi
 ad damasum; inter *Epistolas* et *Tractatus Hiero-*
 nymi

onymi, editionis innominatae, sed quae aetati praecedenti suppar videtur. *Epistola XV.*

1494.

Basileae apud Io. Amerbach. fol. Augustini sermo de Sancta Trinitate; inter *Sermones de Tempore* h. a. et loco primum cum variis aliis collectionibus vulgatos, *sermo CXCI.* In eadem collectione inserta integrae operum editioni *Erasmianae* 1542. *Tomo X. pagg.* 1018—1020. in ed. *Louan.* exc. *Paris* 1586. *T. X. p.* 347. 48. in ed. *Benedictina* reiecta est in *Appendicem Tomi V. num.* CCXXXVI. *de fide catholicorum.* IV. iuxta *Antwerp.* descriptionem *p.* 274—276.

SAEC. XVI.

1516.

Basileae apud Froben. fol. Symboli explanatio ad Damasum; in ed. *Operum Hieronymi Erasmiana*, *Tomo II. fol.* 56. *b.* Erasmus nullum ex omnibus omnino, quae inter Hieronymi epistolas reperiuntur, symbolis istius esse censet, sed de hoc nihil amplius statuit.

1549.

(*Parisis*) 12. Confessio fidei catholicae (quam a sanctis patribus accepimus et pio corde credimus) beati Hieronymi verbis expressa; in *Opere Caroli Magni* de imaginibus *Libro III. cap. I.* Prima huius operis editio facta est h. a., loco vero occultato, a *Io. Tilio Meldensi Episcopo*, simulato itidem nomine *Eliphili*; in qua haec confessio extat *pagg.* 291—97. Curata est deinde non vna descriptio a *Melch. Goldasto* et *Phil. Pareo*. Nouissima est *Christoph. Aug.*

Aug. Heumanni. Hannouerae 1731. 8. vbi hic libellus extat pagg. 259 — 64. Sed quod mirere, ne verbum quidem ad eundem monuit editor.

15 ..

Romae. fol. Explanatio symboli ad Damasum; in Operibus Hieronymi ed. Marii Victorii Tomo IX. ep. 17. in exemplis Parisiensibus a. 1643. pag. 60.

1592.

Romae. fol. Libellus fidei Pelagii ad Innocentium cum epistola transmissus, in Caes. Baronii Annalib. ad. a. 417. Zosimi Papae I; in edit. Mansiana (Lucae 1741.) Tomo VII. num. XXXI — XXXVI. pagg. 100 — 101.

SAEC. XVII.

1663.

Parisii : 8. Io. Launoii Constantiensis, Parisiensis Theologi, dissertatio de vero auctore Professionis fidei, quae, Pelagio, Hieronymo et Augustino tribui solet. In ed. Operum eius Colonienfi 1731. ext. Tomo II. Parte II. pagg. 305 — 324.

Quamquam ea sententia, quae Pelagio hunc fidei libellum vindicat, non noua erat et huic demum propria, nemo tamen argumenta pro eadem omnia sic collegerat et explicauerat, quam ab hoc doctissimo et in hoc praesertim literarum genere exercitissimo viro, quem Augustini de gratia haeresi nequaquam fauisse constat, factum est. Dispertitur autem Launoiius omnem disputationem in capita XII. quorum primum vtrumque Symboli textum Augustinianum et Hieronymianum, si verbis hisce venia detur, παραλλήλως compositum exhibet. II. et III.

nec Hieronymi nec Augustini esse probat. Capite IV. disquiritur, *an relata fidei professio ante Caroli M. Imperatoris tempus beato Hieronymo tributa fuerit*, quae tandem quaestio cap. V. et VI. sic exsoluitur, vt statuatur, non ante, sed post Caroli M. tempus demum Hieronymo et Augustino, illi citius, huic tardius, tribui coeptam esse. Capite VII. Pelagii vnus esse ostenditur. Capite IX. quaerit auctor, an Hieronymus libellum illum viderit, quod negat, seu saltem incertum esse contendit, certum tamen esse ponit, Hieronymum professioni huic fidei consentanea sensisse. Perstringit porro Augustinum, quod circa gratiae efficaciam huc et illuc agitetur, et de modo tenendi et sistendi eum praecipit. In capite X. docet Doctores, qui huic fidei professioni tanquam Hieronymi aut Augustini multum dederint in scriptis et controuersis suis a Remigio inde vsque ad Parisienses theologos, Lutheri censores, si quod res est, id accurate nouissent, scilicet, quod Zosimus eandem approbauerit, et multo magis si epistolam eius ad Africanos simul legissent, non minus eidem, sed magis potius fuisse daturus. Capitis XI. argumentum est, Augustinum libellum hunc Pelagii aut Coelestii a Zosimo approbatum nec simpliciter nec sine distinctione admisisse. Caput XII. denique in vltimam fidei clausulam quaedam contra recentiores Iuris et Theologiae antistites, qui ex Augustini interpretatione et lectione apud Gratianum causa XXIV. quaest. I. cap. XIV. *non errandi priuilegium* Romano pontifici asserant, obseruat. Haec summa dissertationis huius et singulorum eius capitum est, praeter vnus VIII. quod nullam aliam ob causam antea praeteriimus, quam quod si totum huc transcribamus, haud paucis vtile illud et iucundum fore arbitraremur. Sic autem se habet inscriptione praemissa:

Vide-

Videtur Launoio nonnihil insertum huic professione seu libello fidei, postquam illum Pelagius obtulit Apostolicae Sedi.

„Vtrum libellus integer et sine vlla additione ad nos peruenerit, non immerito dubitari potest. „Huic autem mihi videntur inserta, quae sequuntur: *Illorum quoque similiter execramur blasphemiam, qui nouo sensu asserere conantur, a tempore susceptae carnis omnia, quae erant deitatis, in hominem demigrasse: et rursum quae erant humanitatis, in Deum esse transfusa, ut quod nulla unquam haeresis dicere ausa est, videatur hac confusione utraque exinanita substantia, deitatis scilicet et humanitatis et a proprio statu in illud esse mutata.* Quae ad prauam Eutychis opinionem cum pertineant, Pelagio cognita esse non potuerunt, „Ille enim professionis fidei libellum edidit sub finem Pontificatus Innocentii primi, vel sub initium Pontificatus Zosimi, quem ad annum Christi „CCCCXVIII. e viuis excessisse tradunt Annales Ecclesiae. Ad annum vero Christi CCCCXLVIII. „emergere coepit infelix Eutyches, qui, dum a Nestorio positas in Christo duas personas vehementius improbat, naturarum confusionem inducit. „Futurum Eutychis dogma praesagire non potuit Pelagius, cum libellum fidei obtulit Apostolicae Sedi: „immo exortam suo tempore Iouiani haeresim non adaeque repraesentat. Neque enim, ut est in libello, Iouianus simpliciter dixit, hominem non „posse peccare, sed ut est apud Augustinum, asseruit, hominem accepto regenerationis lauacro non „posse peccare. Illud perinde obseruo, quasi libellus ille librariorum incuria nihil hac in parte „detrimenti passus sit. Verum hac de re nihil affirmo. „Huic

„Huic quoque libello fidei, quod ad notandum
 „Elipandi haeresim attinet, insertum existimo, ne
 „quid libello illi deesse videretur. Quinam vero
 „inseruerint, an Francofordiensis Concilii Patres
 „aliqui, vel alii progressu temporis, incertum
 „mihi est. Quod autem libellus fidei ante Franco-
 „fordiense Concilium non haberet verbum hoc,
 „*aut adoptivum: (Credimus et in Dominum no-*
 „*strum Iesum Christum, per quem creata sunt*
 „*omnia, verum Deum unigenitum, et verum Dei*
 „*Filium, non factum, aut adoptivum)* rationes me
 „tres persuadent. Primum, quia Francofordiensis
 „Synodus libellum illum Elipando non obiicit, cum
 „multa obiiciat, quae auctoritatis non sunt tantae.
 „Deinde, quia nihil obiici potuit efficacius; rem
 „enim decedit. Tum quia Concilii Patres non
 „possunt accusari diligentiae minoris. Nam ex il-
 „lorum actis constat, eos diligentiam omnem adhi-
 „buisse. Illaudatum praetermiserunt nihil, quo vel
 „confutaretur haeresis vel Ecclesiasticum dogma ex-
 „poneretur.“

1673.

Parisis apud Seb. Marc—Cramoisy. fol.
 Confessio seu libellus fidei a Pelagio ex Oriente Ro-
 manam missus ad Sedem Apostolicam; in *Io. Garnerii*
dissertationibus ad Mar. Mercatoris Opera. Dissert.
V. quae est de libellis fidei editis a Pelagianis, pagg.
 307—309.

Garnerius usus est in hoc libello repraesentando
 apographo Codicis antiqui *P. Sirmondi*, eiusdem
 haud dubie, quem ab eodem commodatum acceperat
 Launoius. Ipse autem, ut Garnerius affirmat, sua ma-
 nu descriptum editurus erat, nisi eum praevertisset
 Baronius. Correctiorem tamen aliquanto Baroniana
 lectio-

lectione hanc suam recensionem esse pollicetur editor. Tres autem illius partes fecit, quarum primam *Theologicam*, alteram, *Oeconomicam*, tertiam *Ethicam* dixit, praetereaue numeris sectionum XXVI. distinxit. Contendit eundem deinde pagg. 309—311. cum Coelestii symbolo, quod integrum item sibi visus est edere. Notas etiam addidit, in quibus verum sensum vniuscuiusque tam apertum quam tectum aperire studuit. Plerumque enim Hieronymum ab eo carpi persuasum habet et malignitatem ex eo non semel ei exprobrat. Nec praetermisit quae a Launoio recens tunc super eodem argumento disputata erant, quibus plerisque quidem calculum et ipse addit, ut tamen duo illa neget et impugnet, quae singularibus is capitibus demonstrare natus erat, primum, *ante Caroli M. tempora nondum fuisse hunc libellum a credula antiquitate Hieronymo suppositum*, alterum *addita ipsi esse postmodum nonnulla, quae ad Eutychis et Elipandi errores spectarent*. Sed argumenta fateor non omnia sunt eiusmodi, quibus Launoius (adhuc tum superstes) facile cessurus fuisset, si placuisset cum Garnerio contendere, et severius examen (de re leui) expectant ab eo, qui aliquando omnibus Pelagii reliquiis manum admoturus sit.

S A E C. XVIII.

1705.

London printed by I. Downing for R. Sympfon etc. 8. Pelagius's Creed sent with a Letter (fragmenta litterarum) to Pope Innocent but finding him dead, translated and illustrated by W. Wall (Vicar in Shoreham in Kent); in eius History of Infant-Baptism. P. I. cap. XIX. §. XXIX. et XXX. p. 249—

263. Notior praeclarus hic liber redditus est in Germania, ex quo *Ioan. Ludou. Schlofferus* eum idiomate latino donauit et excudi fecit duobus itidem voluminibus 4. *Bremae* 1748. in quorum primo *pagg.* 372—391. ipse textus huius symboli, adiuncta versione anglica, notis autem Wallii latine textui statim subiectis, et apposis in imo margine Schlofferi animaduersionibus, exhibetur. Haec editio huius libelli iam optima censi solet.

1706.

Parisis apud Ludou. Roulland. fol. Explanatio symboli ad Damasum; in *Tomo V. Operum Hieronymi ed. Martianaep.* 122. sq. Non operae pretium duxit Martianaus lectorem admonere de auctore huius symboli, immo Erasmi Censuram, quam huic et reliquis symbolis, quae in Hieronymo occurrunt, praemiserat, repetere satis habuit.

1742.

Veronae. fol. Explanatio Symboli ad Damasum; in ed. *Operum Vallarsiana Tomo XI. P. II. pagg.* 146—150. in ed. *Veneta* (1771) *ibid. pagg.* 202—205. Praemissa est admonitio iusta et huic loco apta, ex qua supra quaedam allegauimus.

Tantum de Pelagio, quibus effectum speramus id, ut si quis tandem omnia eius *λείψαντα* collecta et de nouo expolita daturus sit, quam curam olim *Io. Clericus* et nuper *Semlerus* voluerunt, is habeat, quo laborem suum subleuari sentiat.

8.

COELESTIVS.

6. I. Vita. Coelestius, qua patria oriundus fuerit, incertum est. Campanum quidam faciunt ex versu aliquo Prosperi,

Prosperi, quod tamen non omni dubio caret. Nobilem natu fertunt et naturae vitio eunuchum vtero matris editum, eundem in foro aliquamdiu versatum, iuxta Meractoris illud, quo *auditorialem scholasticum* fuisse tradit. Postea monasterio se addixit, unde ad parentes suos epistolas in modum libellorum tres, omni Deum desideranti necessarias, scripsisse dicitur Gennadio. Ex quo vero cum Pelagio versari coepit eamque de moribus et vita regenda praeciendi rationem, quam ille sequebatur, ingressus est, difficile dixeris, utrum in se invidiam ex eo deriuaret, an ipsa potius prima malorum, quibus ille tantum non oppressus est, causa extiterit. Etenim liberioris erat spiritus et qui fortasse non satis caute, quae solis vitae moderandae praeceptis reseruanda essent, ipsis fidei formulis aequabat, plusque de veritate eorum subtiliter differendo, quam de usu esset sollicitus. Hic simulatque Carthaginem accessisset, quo cum Pelagio Roma profectus erat, in suspicionem falsarum opinionum incidit et ut erat clerus Africanæ Ecclesiae litigiosissimus, controuersis identidem implicatus est. Nec mora, deferitur apud Aurelium et coram Concilio, quod Carthagine tunc congregatum erat, sistere se iussus, ex libello, quo Paulinus quidam Mediolanensis ecclesiae Diaconus reum ipsum fecerat, interrogatur. Septem erant capitula doctrinae, qua in eo offendi querebantur, ex quibus nunc etiam sex in Concilii gestis, quae Mercator excerpfit, sunt reliqua. Quae cum damnare ille generaliter recusasset, alia, quod dixisset negando, alia aliter ac a Paulino scripta erant constituendo interpretandoue, alia fassus dubia sibi videri, et cum post varia colloquia in eadem sententia perstitisset, nec obtinere potuisset, ut ex oblato fidei suae libello iudicaretur, damnatus et ecclesiae communione privatus

vatus est. A qua sententia ad Romani pontificis examen credidit appellandum. Sed mox neglecta eadem appellatione, quam certum est Innocentium non rescivisse, Ephesum contendit, in eaque vrbe ad presbyteri gradum, quem Carthagine etiam ambuisse dicunt, ascendit. Hic quinquennium ferme vixit, nempe per omne illud tempus, quo Pelagius cum Africanis emissariis et Hieronymi insidiis coluctandum fuit. Fortasse autem dum hic constitutus esset a Lazaro et Erote, Palaestinam contendentibus, in transgressu salutatus est. Ab his enim Africanum locum, quem Ephesi teneret, et varia simul criminosa, quae ex eo se audisse scripserint, literis post Diospolitana Synodum per Orosium Carthaginem transmissis, accepisse videntur *). Inde a. circiter 417., non liquet qua de causa, Constantinopolim se contulit, vbi acrem nactus aduersarium praesulem illius urbis Atticum, qui Ioannis Chrysostomi sedem inuaserat, ex ipsa adeo vrbe propulsus est, missis ab eodem super eius nomine literis et in Asiam et Thessalonicam et Carthaginem, quas penes se fuisse testatur Marius Mercator in Commonitorio. Constantinopoli autem eiectus Romam proficiscitur, adit Zosimum, Innocentii in sede episcopali successorem, et quantis insidiis petatur, quotque calumniis prematur apud eum conqueritur, rogans simul, vt ea, quae aliter quam oportuisset sedi apostolicae de se essent inculcata, nouo examine, ad quod olim iam Carthagine prouocauerit, purgarentur. Libellum etiam obtulit, quo fidei suae formula erat condita. Accepit Zosimus et diem cognitionis dixit. Qua cum con-

uentum

*) Sic ex iis colligimus, quae Coelestius coram Zosimo de Erote et Lazaro professus erat, verbis mox ex epistola Romani episcopi adducendis.

ventum esset in Diui Clementis Basilica et intromisso Coelestio liber eius recitatus esset de singulis, quae scripserat, vtrum corde an labiis loqueretur, eum explorauit. Lectae porro Erotis et Lazari literae, eadem haud dubie, quas ex Palaestina illi Orosio Carthaginem transferendas dederant, quaeque ab Africanis vna cum actis Synodi a. 415. transmissae erant. Sed cum dehinc interrogaretur, asseruit, nullum sibi de talibus contentionibus vnquam cum illis fuisse sermonem; nec ante sibi quam de se scriberent, visu fuisse compertos. Lazarum sane in transitu cognitum, Erotem vero etiam satisfactione interposita, quod secus de ignoto absente sensisset, cum gratia recessisse. Recognitus etiam Paulini libellus et acta Concilii Carthaginienfis a. 412. quo primum ex illo damnatus fuerat Coelestius. Et ad illum quidem examinatus et omnia ac singula quae tum in eo obiecta essent tum fama spargerentur damnare iussus, facere illud visus est Zosimo, sed non ita apertis verbis, vt non Paulino de sincera eius mente dubitare licuisset. Absolutus est tamen pleno iudicio, exclusi a communione ecclesiae Eros et Lazarus, non ob has solum in Coelestium sparsas absque fundamine criminationes, sed ob omnem vitae eorum turpitudinem. Ipsum autem Coelestium et quicumque eo tempore ex diuersis regionibus aderant sacerdotes admonuit Zosimus, vt hisce tendiculis quaestionum et ineptis certaminibus abstinerent, docens, *eos non aedificare sed destruere et ex illa curiositatis contagione profluere, dum unusquisque ingenio suo et intemperanti eloquentia seu scriptura abutatur, unde magnorum etiam virorum nonnunquam cum ipsis auctoribus scripta periclitentur post permultam temporum seriem interpretantis arbitrio.* Atque his omnibus et multis talibus a Zosimo ad Africanos

transcriptis iisque reprehensis, quod cum Coelestium praesentem habuissent, liquido tamen nihil iudicatum sit, et ob seruorem fidei deinde minus faciles perditorum hominum, quorum nec in vita commendatio, nec in literis tantum pondus fuerit, ut auctoritatem testimonii mererentur, insufurrationibus se praebuerint. Quam suam sententiam his verbis significat: *Vnde in praesenti causa nihil praecox immaturumque censuimus, sed innotescere sanctitati vestrae super absoluta Coelestii fide nostrum examen: cui etiam prior libellus ab eo intra Africam datus testimonio apud vos esse debuisset, ne in exploratis famaue iactatis tam facile crederetur. Quare intra secundum mensem aut veniant, qui praesentem redarguant aliter sentire quam libellis et professione contexuit, aut nihil post haec tam aperta et manifesta, quae protulit, dubii sanctitas vestra resedisse cognoscat.* Denique per eundem legatum, cui haec gesta cum Coelestio Carthaginem perferenda dederat, arcessi etiam ad iudicium suum iussit Paulum Diaconum eo nomine, ut probaret, se iuris aliqua specie nec calumniose horum omnium, quae damnare se coram eo professus erat, Coelestium insimulasse; quippe quod ad suum iam iudicium ex Coelestii prouocatione pertinere existimabat. Sed neque Africani episcopi, qui primam in Coelestium poenam sanxerant et postea Innocentio auctores fuerant, ut vtrumque Coelestium et Pelagium damnaret, receptis his et secundis Zosimi, quas paulo post super Pelagio ad eos dedit, similis argumenti literis conuicti sunt, nec Paulinus iussui paruit. Hic enim non capere sese simulauit Zosimum, quippe qui ad iudicium poscat quem ipse approbatus ab eo in libello scriptis absoluerit. Illi autem e concilio, quod medio Ianuarii a. 418. inchoatum et ante medium Februarii

bruarii absolutum est, rescripserunt, se in sententia a praedeceffore eius lata persistere, nec nouum post Innocentium in hac re passuros iudicem. Tantum aberat, vt obtestationem de prorogando, quem litigantibus constituisset, termino interposuissent, quam belle sibi fingit Mansius *). Metuentes tamen ne laetiora breui ex Episcopi Romani absolutione incrementa Coelestii Pelagique fortuna caperet, auxilium ab imperii potentia postularunt. Non obscure enim ex Augustini in Valerium Comitem studio intelligitur, quod paulo post Pelagiani quoque con-

Gg 2

questi

*) Duo nimirum huius prioris Synodi Africanæ Epistolæ capita fuisse ex responsoria Zosimi collegit Mansius in Conc. T. IV. p. 375. vnum, quo grauiter exposulauerint aduersus Zosimum, quod posthabito et Africanæ Ecclesiæ et Romanæ per Innocentium iudicio, quo finita fuisset Coelestii causa, ad nouum eam examen reuocasset. Ad quod recte spectare existimat priuilegiorum apostolicæ sedis commendationem, quæ totam fere Zosimi implet epistolam: secundum, obtestationem, qua interposita *suum sibi ius seruari postulassent, et vt nihil de sententia in utrumque illum prolata immutaretur, saltem donec vnum e suis Romam misissent cum idoneis causæ instrumentis, quibus hæreticorum artes aperirentur, docereturque quam legitime et canonice damnati essent.* Atque hæc quidem egisse eos vult, quod intellexissent ex epistola Zosimi eum ad Pelagium Coelestiumque absolueudos festinare, nisi accusatores Romam accurrerent et suæ accusationis Capita probarent. Sed in his nulla veri species. Nam qui iudicem omnino recusabant, non poterant de die sollicitari. Quod autem ad Zosimi verba attinet, quibus significat *se lectis eorum literis in eo reliquisse statu, vt illa quæ ab ipsis ad se missa esset obtestatio remaneret:* hæc ipsa callide ab eo ita concepta esse noscuntur, ne scilicet ab iis se reiectum esse ultro fateretur.

questi sunt, nec ipse Augustinus dissimulauit, actum esse illius flagitatione et Valerii instantia, vt Honorius lege a. 418. die 30. Aprilis promulgata Coelestium et Pelagium Roma, si modo ibi agerent, et toto imperio pelli, eorumque sectatores apud magistratus deferri et simili poena mulctari iuberet. Quo facto Zosimus quoque ad imperatoris voluntatem se composuit et cum denuo Coelestium ad examen postulasset, nec ille tamen (vrbe extrusus) comparuisset, sententiam contra eum pronuntiauit et celebri illa *Tractoria* ab omnibus per Orientem et Occidentem episcopis hanc damnationem subscribi fecit. Quorsum autem se conuerterit Coelestius post imperialem hanc sententiam et pontificis decretum non liquet. Sed epistolam ex secessu suo ad amicos suos et sequaces Romae commorantes tunc dedisse putant *), qua reliquos clericos praeuaricationis accusauerit, quod terrore iussionis imperialis a sententia, quam prioribus gestis veluti catholicam secuti fuissent, recessissent. Ex quo videtur effici, eum Italia non excessisse et postmodum Romam etiam rediisse, siquidem Constantius Imperator a. 421. ad Volusianum P. V. decretum misit, quo *Coelestium magis atque magis ex vrbe pelli* mandauit et negligentiae in exequendo officio capitalem poenam minatus est. Nihilominus postea etiam, licet non deessent iteratae Imperatorum in Pelagiani et Coelestiani dogmatis errorem minae, Coelestius Romae versatus fuisse videtur, si verum est, quod Prosper narrat, eum a *Coelestino papa quasi non discusso negotio audientiam postulasse, illum vero totius Italiae finibus*

*) *Garner. ad Mercat. P. I. p. 142.* ex quo reliqua etiam de Coelestii rebus testimonia nos petiisse semel hic monemus.

snibus extrudi iussisse seu, vt dicendum fuisset, Praefecti Urbis officium contra eum implorasse. Quod anno 426. Garnerius assignat, eodemque anno tentatum ab eo vult Sisinnium, Attici in sede Constantinopolitana successorem, irrito conatu quidem, sed qui non deterruerit, quo minus de Nestorio Sisinnii a. 428. successore et gratia apud imperatorem valente spem laetiozem caperet. Quantum in hoc lucri fecerit (si modo fecit aliquid ab homine, qui sibi ipsi semper metuebat, et dum pro Pelagianis episcopis et Coelestio ad Romanum episcopum scriberet, in Ecclesia Constantinopolitana contra Coelestii errorem de peccato originali sermones habebat, qui a Mario Mercatore in latinum conuersi etiam nunc supersunt); certe non diu eo frui contigit. Breui enim et hic alter Orosius i. e. Patrum Africanorum aut Augustini solius emissarius adfuit *Marius Mercator*, qui oblato ecclesiae Constantinopolitanae nec non laicis permultis spectatis viris et ipsi Theodosio imperatori *Commonitorio*, inclinantem hunc in partes Pelagianorum non modo cohibuit, sed in contrarium adeo impulit et perfecit, vt tam Coelestius, quam alii doctrinae ipsius assertores, de vrbe Constantinopolitana pellerentur, de qua re Nestorii consolatoria ad Coelestium extat epistola. Semel et iterum posthaec in temporis illius gestis, nempe in actis Concilii Romani a. 430. eius fit mentio, sed quam diu his superfuerit, quoue in loco decesserit, penitus ignoratur. Quapropter in vtrunque Pelagium et Coelestium conuenire illud Moysis: *Descenderunt viui in infernum aperti humo, et perierunt de medio multitudinis*, pro singulari quo regebatur diuini spiritus gratia existimat Garnerius!

§. 2. Scripta.

Scripserat Coelestius iuuenis adhuc de monasterio, ubi tunc erat constitutus, ad parentes *Epistolas III. in modum libellorum*, quarum pietatem quidem et affectum laudat Gennadius, argumentum tamen non denotat apertius: tametsi fuerunt, qui ista Gennadii verba *de monasterio* argumenti, non loci vnde scripserit declarationem continere existimarent, inter quos Garnerius etiam, sed nulla veri specie. Proximum tempore huic faciunt *Librum contra traducem peccati*, scriptum antequam Pelagius ipse commentarios in epistolas Pauli conficeret iuxta auctorem Praedestinati; cui tamen repugnat, quod Coelestius a Pelagio sua accepisse creditur. Hunc secutus videtur *Liber*, cuius nomen quidem non constat, sed capitula I. III. V. VI. VII. X. XII. et XIII. memorantur in libro Augustini de gestis Palaestinis cap. 13. 14. et 18. Porro eidem tribuit, licet dubitanter, Augustinus *Definitiones* siue *Ratiocinationes*, quibus ex Sicilia sibi missis respondet in libro de *Perf. iustitiae*. *Duos* praeter haec *libellos fidei*, alterum, Carthagine cum accusaretur a Paulino, alterum Romae, Zosimo oblatos nouimus. Denique supra quoque iam mentionem inieciimus *Epistolae ad suos Romae existentes*, scriptae posteaquam ex vrbe esset extrusus. Ad Nestorium quoque post depulsionem ex vrbe Constantinopolitana literas dedisse videtur, ad quas responsoariae illius pertinent. Sunt qui ipsi quoque tribuunt *duas epistolas* inter Hieronymianas vulgari solitas, alteram *de filio frugi et luxurioso*, alteram *de scientia diuiniae legis*. Sed quanquam Pelagiani hominis illas esse fatetur Garnerius ob dogmata; stilum tamen et orationis modum a Coelestii dictione abhorrere censet.

Iam ex hisce omnibus, quorum memoria certa est, Coelestii scriptis nihil ad nos *integrum* plane per-

peruenisse vulgo existimant. Si Garnerio autem fidem habemus, duo omnino integra restant: *Librum* nempe *ratiocinationum* totum in Augustini responsione contineri censet; *Libellum fidei* ipse sibi primus detexisse atque restituisse videri voluit, de quo itaque in sequenti paragrapho nobis aliqua dicenda restant.

1673.

Parisiis. fol. Libellus Fidei Zozimo Papae ob-
latus a Coelestio Pelagii discipulo; in *Garnerii Dis-* s. 3. Edi-
fertatione V. ad Marii Mercatoris Opera, quae in- tiones.
scribitur *de Libellis fidei editis a Pelagianis. Parte*
I. Opp. pagg. 312—319.

Creditum est in hunc usque diem, inquit *Garnerius*, ab ipsis etiam eruditis, Coelestianae confessionis nihil praeter finem ab Augustino relatum restare (*lib. de pecc. orig. c. 5. 6. et 23.*) Totam haberi puto apud eundem Augustinum, sed fugisse sensum ideirco, quod cum duas in partes diuisa sit, dissitisque locis sparsa, maior vix potuerit ab oculis, quodam mentis praeiudicio quasi fascinati, dignosci. Nam cum pars illa nihil differat a Sermone 190. (immo CXCI.) inter Augustinianos de tempore, si modo initium reseceatur, quod apposuit quisquis ausus est ex Confessione haeretici effingere catholici tractatum, credita est pertinere ad Pelagium, cum reipsa sit Coelestii, quia multum similitudinis cum Pelagii libello praeferebat. Id vero, quod dico, aperte constabit, si pars minor ad maiorem accesserit: existet enim accessu continuus quidam atque integer libellus, et ille quidem, cuiusmodi indicatur a Zozimo atque Augustino. Sunt autem testes illi duo nec leues, nec dubii, siquidem libellum non oculis tantum viderunt obiter, sed mente ad singulas paene

syllabas attenta excusserunt. Colligit deinde ex iisdem ea, quae tam de singulis dogmatibus quam toto habitu atque dictione, maxime quoad differentiam inter utrumque Pelagii et Coelestii libellum animaduersa essent: ex quibus sex insigniores fere Coelestiani libelli notas extorquet, nempe *esse eum in omnibus fere similem Pelagii fidei; in paucis differre; quaestiones continere alienas de Trinitate, aliisque, ad resurrectionem usque carnis; negare aperte peccatum originale; admittere tamen infantes baptizari in remissionem peccatorum; suaeque omnia sedi apostolicae subiicere*: easque ei ipsi libello, quem pro Coelestiano venditat, conuenire, confessionibus ambabus *παράλληλως* propositis ostendere conatus est. Non multorum tamen plausus tulit Garnerius, plerisque existimantibus, eum ingeniose magis quam fide explorata momenta ista, quibus ab inuicem distinguantur illi fidei libelli, posuisse, nec minus interpretando et ad sententiam suam accommodando utroque ingenio indulgisse; quin et inseruisse quaedam non optima fide. Ego vero temere non spernendum huius docti aequae ac seduli viri acumen duxerim, quippe cui, etiamsi non ab omni partis studio libero, plus tamen debet vniuersa Pelagianorum historia, quam reliquis summorum virorum libris omnibus.

Fragmenta reliqua librorum Coelestii, quae vel sparsim in Augustini operibus extant, vel, ut de *rationationum* libro Garnerius affirmat, in vno illius opere ita collecta supersunt, ut totus prope, si quis ei hanc operam accommodare velit, repraesentari possit, nondum docti alicuius diligentiam experta sunt.

9.

ANNIANVS DIACONVS CELEDENSIS.

Qui in *Norisi Historia Pelagiana* Libri primi §. I. Vita. caput XIX. perlegerit, facile sibi persuadeat, copiosam Anniani huius in veterum monumentis superesse memoriam. Nihilominus quaecunque certo sciantur, quaeue recentiores Pelagianarum rerum scriptores, quorum nemo non infenso in illos animo fertur, plerique autem vberè diuinandi vena pollent, coniectura elicere laborarunt, nituntur vnico loco Hieronymi in Epistola ad Alypium et Augustinum, qui sic se habet: *Quaeritis, vtrum rescripserim contra libros Anniani pseudodiaconi Celedensis, qui copiosissime pascitur, vt alienae blasphemiae verba friuola subministret: sciatis me ipsos libros in schedulis missos a sancto fratre Eusebio presbytero suscepisse, non ante multum temporis, et exinde, vel ingruentibus morbis, vel dormitione sanctae et venerabilis filiae vestrae Eustochii, ita doluisse, vt propemodum contemnendos putarem. In eodem enim ludo haesitat, et exceptis verbis tinnulis, atque emendicatis, nihil aliud loquitur. Tamen multum egimus, vt dum epistolae meae respondere conatur, apertius se proderet, et blasphemias suas omnibus patefaceret. Quicquid enim in illa miserabili Synodo Diospolitana dixisse se *) denegat, in hoc opere profitetur, nec grande est ineptissimis naeniis respondere. Si autem Dominus vitam tribuerit, et notariorum habuerimus copiam, paucis lucubrationibus respondebimus, non vt conuincamus haeresim emortuam, sed vt imperitiam atque blasphemiam eius nostris sermonibus confutemus. Meliusque hoc faceret sancti-*

Gg 5

tas

*) Vocem *Pelagius* hic excidisse putat Garnerius.

tas vestra, ne compellamur contra haereticum nostra laudare. Iam qui Hieronymi ingenium penitus nouit, non vulgari cautione opus esse intelliget, si huic fundamento aliquid superstruere velit. Pelagianum quendam, qui aduersus ipsum calamum strinxerat, Latinum hominem, et Diaconum munere significat. Atque haec fere sunt, quae Anniano illi, auctori interpretationis quarundam homiliarum Ioannis Chrysostomi, ex amussi conueniunt *), vt in hoc quidem vix errauerit, qui vnam eandemque personam interpretis atque Diaconi Celedensis putet. Sed vt locum ipsum et ecclesiam, vnde nomen illud profectum sit, ignoramus, sic reliqua omnia, quae vel Garnerius vel Norisius ad eundem transtulerunt, non explorata sed ingeniose ficta sunt.

§. 2. Scripta.

Vertit Annianus de graeco complures *Ioannis Chrysostomi homilias*, ex quibus nunc aperte supersunt 1) *Homiliae VII. in Matthaeum.* 2) *Homiliae VII. de laudibus Pauli.* 3) *Homilia ad Neophytos.* Monet autem Garnerius, inter Homilias Chrysostomi, quarum antiquus interpretes ignotus dici solet, plures esse, si non fere omnes, quae sine temeritatis vitio possint tribui Anniano, duabus praesertim de causis; altera, quod simili latinitate cum iis, quae indubitatum interpretem habent Annianum, videantur donatae; altera, quod eius paene sint argumenti, quod licet in bonum sensum a catholicis tractum sit, a Pelagianis tamen detorqueri consueuerit in suae haeresis patrociniū. Quod recte illum censuisse postea *Montesalco* probauit. Ipsius porro sunt

Episto.

*) Diaconum fuisse ex eo concludit Garnerius, quod Orontium et Euangelum non *Fratres* vel *Compresbyteros* sed *Patres* vocauerit.

Epistolae duae, altera Homiliis VII. de laudibus Pauli praefixa ad Euangelum Presbyterum Pelagianum; altera, qua Orontio Episcopo, eidemque ob Pelagii haeresim Italia eiectione et in Synodo Ephesina damnato, Homiliarum in Matthaeum tractationem inscripsit.

Intercidit *Liber aduersus Hieronymi Epistolam ad Ctesiphontem*, cuius fit apud Hieronymum mentio in Epistola XCVIII. iuxta ed. Rom.

Tribuit eidem *Epistolam ad Demetriadem virginem* Garnerius nulla probabili ratione, sed vagis coniecturis, ex allato loco Hieronymi ductus. Eandem tamen alibi inter Pelagii scripta recensuit.

Improbis hic labor foret, omnes Chrysostomi editiones cum latinis tum graecolatinas, in quibus ^{s. 3. Editiones.} haec Anniani versio extet, inquirere et recensere. Satis erit vnā atque alteram, quae nobis ipsis praestito fuit, indicasse. Sed *Montefalconis* nouissimi editoris iudicium nobis curae fit.

I. *Homiliae VII. de laudibus Pauli cum epistola ad Euangelum* extant in *Operib. Ven. Bedae. Bas. 1563. Tomo VI. a col. 1134. et ed. Colon. Agripp. 1612. Tomo VI. col. 823; in Saulii ed. Operum Io. Chrysostomi. Etonae 1612. Tomo VIII. pagg. 33—57. ed. Morell. (cuius sex priores Tomi prodierunt Parisiis ab a. 1609—1624.) Tomo V. pagg. 572—617. item in editione Sermonum LXXI. Io. Chrysostomi de diuersis noui Testamenti locis per Frontonem Ducaem Lut. Paris. 1616. fol. Sermo XXXIX—XLV. pagg. 571—624. denique in nouissima Montefalconis Tomo II. (Paris. 1718.) pagg. 475—512. Montefalco porro de Anniani versione iudicat, eam nec inelegantem esse, nec accurratione carere:*

carere: immo fateor, inquit, me in paucos priscæ illius vetustatis incidisse, qui diligentius verterent. In nonnullis tamen locis sensum non est affecutus Anianus; quod ubi accidit, in margine, vera substituta interpretatione, monere non neglexi. Neque uspiam deprehendi illum, ut Pelagianæ faueret hæresi, sensum alio detorsisse. Praemissa est Epistola ad Euangelum. Eandem etiam Colomesium ad Calem Epistolæ Clementis Romani pag. 364. recudicurasse ex Fabricio (Bibl. med. et infimæ Latinitatis) didici: nam ipsa iam editio ad manum non est. Ibi autem iuxta quam in Bedæ editione Colonienfi a. 1612. et Montefalconiana integriorem hanc epistolam legi, quam alibi, ab eodem observatum est.

Inter *Codices Bibl. Regiæ Paris.* est liber MS. membranaceus sæculi fere XIV. qui olim ad Colbertinam supellectilem pertinuit, Tomo III. num. 2155. item alius 2664. sæculi XV. in quibus istæ Homiliæ Chrysostomi ab Anniano conuersæ extant, qui an a Montefalcone consulti fuerint, si modo tantum sunt, nescio.

II. *Sermo ad Neophytos*, cuius græca desiderantur primum, ni fallor, editus est in editione *Morelliana* Tomo II.

In *Sauiliana* deest, nec in *Montefalconiana*, quam diligenter eius causa euoluimus, reperire potui.

III. *Sermones in Matthæum XXVI.* priores ex versione Anniani una cum epistola ad Orontium extant in ed. *Morelliana* (cuius sex posteriores Tomi suntibus Morellii Heidelbergæ ab a. 1591—1603. excusi sunt) Tomo VII. ab initio; item in *Latina*, quæ iuxta *Lugdunensem Amstelodami* suntibus *Marci Huguetan* 1637. prodiit. Tomo II. ab init. At in
Monte-

*Montefalconiana Tomo VII. (Parisi. 1727.) nonnisi octo priores excusi sunt in inferiori paginae ora, pagg. 1—129. Epistola ad Orontium sola ad calcem Prolegomenorum descripta est. Causa vero, cur non plus quam octo recudi curauerit, ea fuit, quod ipse nouam et continuam versionem adornare constituerat, quae tam ab Anniani, quam Georgii Trapezuntii maculis et aberrationibus esset repurgata. Nam de harum homiliarum interpretatione non tam honorifice ac de superiori sentit, ut patet ex iisdem Prolegomenis §. 1. ubi tam de ambitu, quam indole illius sic disputat: „Quaeritur, utrum Anianus „Homilias omnes Chrysostomi in Matthaeum latine conuerterit, an octo tantum illas, quae in editis „comparent; vel plures quidem, sed non vniuersas. „Fateor quidem me olim dubitauisse, an Homilias „illas omnes, an partem illarum tantum, Anianus „transtulerit. Verum re accuratius perpensa, illum „omnes omnino Chrysostomi Homilias in Matthaeum Latine conuertisse, ni fallor,prehendi. „Sane ille ipse in epistola ad Orontium mox edenda, se totum Homiliarum in Matthaeum librum „Latine reddidisse non obscure innuit. Nam postquam initio dixerat: *Iubes enim, Beatissime, „ut Commentarium sancti Ioannis Constantinopolitani episcopi, quem in Matthaeo Euangelista nonaginta et uno libro explicuit, in Latinam linguam „quo possim sermone transfundam. Quod utinam „tam a nobis commode fieri possit, quam a te et oportune et utiliter imperatur*; sic, inquam, orsus, postquam se totas nonaginta et vnam Homilias „transferre iussu esse declarauit; se totum compluisse in fine epistolae significat his verbis: *Hunc „igitur si satis minorem se in Latino apparere feci, „non tam mihi Domine venerabilis, quam tibi impu-*
tare*

„tare debes, qui me ad eum transferendum tanto et
 „auctoritatis imperio, et blandimento caritatis hor-
 „tatus es, ut illi aliquid, immo vero plurimum de
 „honore dumtaxat styli auferre mallet, quam crimen
 „in te diutius recusando committere. Sane pro qua-
 „licunque hac mea opera amplissimum orationum tua-
 „rum munus reposito etc. Quid aliud dixit initio,
 „quam se iussum esse nonaginta et unam Homilias
 „Chrysostomi Latine conuertere? Certe si partem
 „tantum Homiliarum transtulisset, annon id dictu-
 „rus erat in fine? an se librum illum transtulisse di-
 „xisset? Nec desunt alia argumenta, quibus probatur
 „totum Chrysostomi in Matthaeum Commentarium
 „iam a multis saeculis in Bibliothecis Latinis fuisse,
 „ac sine dubio ex interpretatione Aniani. In Cata-
 „logo Bibliothecae Pomposianae, qui circa medium
 „vndecimi saeculi concinnatus fuit, quemque in
 „Diario Italico totum retuli, aderat hic Commenta-
 „rius Latine, qui sic in Catalogo exprimitur p. 84.
 „*Super Matthaeum Ioannis Chrysostomi.* Diuus au-
 „tem Thomas Aquinas, qui tam magnifica hunc
 „commentarium laude celebravit, qualem initio hu-
 „ius Praefationis retulimus,] ubi hunc commenta-
 „rium legere potuerat, nisi in Aniani versione, quae
 „tunc una ferebatur? Ad haec autem in notis Bi-
 „bliothecarum mss. quas ex Italia detuli, in catalo-
 „go manuscriptorum Codicum Bibliothecae S. Marci
 „Florentiae sequens nota legitur: *In armario, ad*
 „*dextram num. 76. S. Ioan. Chrysostomi in Mat-*
 „*thaeum cum praefatione Aniani ad Orontium epi-*
 „*scopum in charta Homiliae 25. pars prima.* Qua
 „nota indicatur, etiam partem secundam fuisse, et
 „fortassis tertiam et quartam. In *Itinere* autem Ita-
 „lico suo Mabillonius noster p. 164. de *Bibliotheca*
 „*sanae Crucis* loquens, quae est *Minorum Con-*
 „*ventu-*

„*ventualium*, hoc habet: *Alius codex sancti Ioannis*
 „*Chrysostomi in Matthaeum homilias XXVI. Ania-*
 „*no interprete, subsequentes a Georgio Trapezuntio*
 „*in Latinum versas, complectitur* *). Non dubito
 „igitur, quin Anianus totum Homiliarum in Mat-
 „thaeum librum Latine transtulerit. Et fortassis si
 „omnium Bibliothecarum manuscripti codices excu-
 „terentur, posset hodieque tota Aniani versio erui.
 „Sed ad quid tantum suscipere laborem, quando
 „totum Homiliarum librum fartum et tectum, vt ab
 „auctore profectus est, habemus? Ecqua noua illa
 „foret accessio, nisi vt hunc Tomum operum iam
 „satis amplum vltra modum augeret, idque nullo
 „operae pretio. Quod si dixeris aliquam hinc no-
 „bis afferri notitiam circa modum, quo veteres illi
 „Graeca latine conuertebant: ecce iam illam potes
 „ex iis, quae in publicum proferuntur, expiscari. Ha-
 „bes *septem Chrysostomi Homilias de Laudibus*
 „*Pauli*

*) Idem multis annis ante obseruatum erat a *Richar-*
do Simonto in Epistola scripta a 1683. (*Lettres*
Choisies de Mr. Simon ed. par *Mr. Bruzen la Mar-*
tinierre T. I. Lettre X. p. 109. sqq.) Ait enim: On
 n'attribue ordinairement à ce traducteur, que la
 version des *huit premieres* Homilies de S. Chryso-
 stome sur S. Matthieu, parce qu' on lit dans les
 Editions communes, *Homilia 9. Georgio Trape-*
zuntio Interprete, comme si en effet George de
 Trebizonde avoit traduit les autres. Mais le ma-
 nuscrit de la Bibliotheque du Roi en contient vingt-
 cinq. Crevit postea codicum horum numerus in
 Bibl. Regia maxime accessione ex Colbertina fa-
 cta. Iam enim inter Codices latinos (*Cat. Tom.*
III.) recensentur *quatuor*, qui totidem homilias
 ex Anniani versione continent, nimirum 1774. 1775.
 1776. 1779. Est tamen vnus quoque num. 1780.
 qui non plures quam octo comprehendit et in alio
 n. 2652. numerus contentarum non indicatur.

„*Pauli Apostoli* cum Aniani interpretatione, et Ho-
 „miliis octo priores eiusdem in *Euangelium Mat-*
 „*thaei*. Anianus vero, etsi pro illa aetate non impe-
 „ritus Graecorum interpres censeretur, septem
 „enim Homilias de Laudibus Pauli sat feliciter trans-
 „tulit, ut diximus T. 2. p. 475. in Homiliarum in
 „Matthaeum latina interpretatione non pari felicitate
 „processit: nam incassum saepe verba multiplicat,
 „et circuitione usus ea pluribus enunciat, quae pot-
 „erant brevius et commodius exhiberi; ut quisque
 „videre possit. *)“

10.

*) His prope contraria est *Simonii* sententia, quae proprie ad Homilias in Matthaeum pertinet, cum de illis in laudem Apostoli Pauli alibi loquitur. Ac quoniam hic aliorum etiam iudicia immiscuit, non superuacaneum existimem, totum locum ex eadem epistola transcribere. „Pour ce qui est de Traduction d'Anianus, on ne peut, ce me semble, l'accuser d'infidélité ou d'avoir altéré le sens de son Original pour l'accommoder à ses préjugés. S'il est tombé dans quelques fautes, cela lui est commun avec la plupart des Traducteurs, y en ayant peu qui en soient tout-à-fait exempts. Il est vrai qu'Erasme, qui a crû cette Version peu exacte a été d'avis qu'on devoit plutôt en faire une nouvelle, que de retoucher l'ancienne. Mais son jugement n'a pas été suivi; car on s'est contenté de retoucher en quelques endroits seulement la Traduction d'Anianus, et une partie des fautes vient plutôt de la diversité des Exemplaires Grecs, que du Traducteur. C'est ce qu'on reconnoît facilement dès la première page, où il a traduit ces deux mots Grecs δεύτερον πλεον par *secundas diuitias*. Erasme (Epist. lib. 26. epist. ad Tunstall.) exagère beaucoup cette faute. Anianus, dit-il, *tertio statim versu* δεύτερον πλεον, *id est secundarium cursum, vertit secundas diuitias, suspicatus πλεον esse vocem decurtatam*. Il la relève encore en un autre

10.

OROSIVS.

Pauli cognomen quando ei addi coeperit non- g. i. Vita.
dum exploratum est. De patria eius Lusitani et Hi-
spani certant, hi *Tarraconi* vindicantes, quod in
Histo-

autre endroit (Lib. 28. Epist. 4.); et bien qu'elle ne soit point dans les Editions ordinaires, on ne peut douter que ce Diacre n'ait traduit de la sorte. C'est ce que j'ai vérifié sur un MS. qui est dans la Bibliothèque du Roi. On doit aussi rejeter sur l'exemplaire Grec dont s'est servi Anianus, le mot d'*impossibilia*, qui est au commencement de l'Homilie 9. dans le Manuscrit du Roi; au lieu qu'il y a dans les Editions communes *rem stultam*. Il aura lû sans doute *ἀδυνάτοισ* et non pas *ἀνοήτοισ* M. Huet (*de Claris Interpr.*) a rendu justice à cet ancien Interprete; car loin de le proscrire, comme a fait Erasme, il le place dans le rang des plus habiles Traducteurs, tant pour la simplicité et la pureté de ses expressions, que pour son exactitude; ensorte que S. Chrysostome n'auroit pû lui-même choisir un plus habile homme dans l'Art de traduire. *Inter praestantissimos huius artis opifices Anianum vetustum Chrysostomi interpretem numerare soleo. Simpliciter quippe munditiis sensuum, fidem Religioni verborum ita adiunxit, ut non alium ipse, si adsit Chrysostomus, sibi interpretem diligere velit.* Casaubon dans ses Notes sur une Epître de Saint Gregoire de Nyssé, qu'il a le premier publiée en Grec et en Latin, appelle Anianus un très-ancien et très-élegant Interprete: *Antiquissimum et elegantissimum interpretem.* Ad-dit porro, que le Manuscrit de la Bibliothèque du Roi prouve manifestement, qu'Anianus n'a pas seulement retouché sa Traduction en quelques endroits, comme on le voit en conserant ce manuscrit avec les imprimés.

Historiarum libris *suam* hanc urbem appellauerit *), illi *Bracarensem* origine dicentes argumentatione magis quidem artificiali, sed cui non deest veri species et fundamentum non leue in hoc, quod Augustinus semel atque iterum *ab ultimo Oceani littore* Africam aduectum eum dicat **). Id quidem certum est, fama doctrinae Augustini excitum Africam appulisse et Hipponem profectum cum sermone tum per libellum etiam, quod *Commonitorium* inscripsit, de rebus fidei Hispanis, controuersis nempe Priscillianistarum et Origenistarum consuluisse. Et quamquam Augustinus ipsi, qui palam ferebat fama accepisse se *de iis quae scire vellet, quidquid vellet ab eo audire posse*, non eos aduentus sui fructus, quos sperasset, captaturum, immo potiores fore dixisset, ut famae de se non multum crederet ***); captus tamen comitate et voluntate inuenis, *aetate* quidem *fili*, sed *honore compresbyteri et catholica pace fratris*, cum et caeteras eius dotes, *ingenii vigilantiam, promptum eloquium et flagrans studium* impugnandi nouas cuiuscun-

*) Libro VII. cap. 22.

**) Ex hoc primum colligunt eum Lusitanum fuisse, siquidem *Tarraconensem* non *ab extrema Hispania* et *ultimo Oceani littore* profectum dicere potuisset. Deinde *Idatii* locum proferunt ex *fastis Consf.* ad consulatum Honorii X. et Theodosii VI. ubi de inuentione reliquiarum S. Stephani Bracarensis locutus addit, *et extant ex his gestis epistolae supradicti presbyteri* (Luciani) et *S. Auiti Presbyteri* Bracarenfis, *qui tunc in Hierosolymis degebant*. Atque hunc Auitum vnum ex duobus illis esse contendunt, quos ciues suos Orosius vocat in *Commonitorio*.

***) Haec in Epistola ad Hieronymum scilicet.

iuscunq̃ue generis doctrinas et insectandi simul earum auctores admiraretur: in interiorem familiaritatem admisit, ut *utile vas in domo domini* ad comprimendam Pelagii haeresim, cuius ignes iis ipsis remediis, quibus suffocare tentauerat Hipponensis episcopus, in manifestum incendium eruperant, efficeret. Quare cum Palaestinam ante annos aliquot Pelagius secessisset et in multorum amicitiam se insinuasset, quorum forte studia aduersa metueret Augustinus, nouam arripuit occasionem, Hieronymum, quem haud dubie dudum nouerat insensum esse in Pelagium animo, demerendi, misso ad eundem a. 415. Orosio commode laudato, ut ab eo de iis, quae ipse eum docere non potuisset, super animae origine scilicet, erudiretur et remeans in Africam sibi quoque impertiret. Excepit eum humaniter Hieronymus et nec doctrinam suam inuidit, nec spreuit officia eius. Tum vero spargi coeptus est rumor de Coelestii et Pelagii familiaritate, deque illius in Synodo Carthaginensi damnatis doctrinis et iisdem Pelagii erroribus; nec illa iactari antea desierunt donec in confesso presbyterorum suorum utrumque Orosium et Pelagium audire decreuisset dioeceseos istius Episcopus, Hierosolymitanus Ioannes. Quae ibi acta dictaque sunt satis constant, ipsius quidem Orosii diligentia memoriae prodita. Interim tam ex his, quam iis, quae ipsi Orosio postea acciderunt, non inepte aliquis colligat, eum fretum Hieronymi et Augustini patrocinio arrogantiorum se erga Ioannem, cui Hieronymum etiam non eam quam debuisset reuerentiam praebuisse constat, gessisse eiusque odium non occultum in se excitasse. Cum ergo XLVII. diebus post, primo Encaeniorum die officii causa Ioannem salutatum venisset Orosius, ille subito increpans nihil sibi cum homine negotii esse dixit,

qui statuisset, ne quidem Dei adiutorio impleri posse legem diuinam. Quam contra calumniam *apologiam*, ut sese purgaret et simul non inique accusatos Pelagianos demonstraret, scripsit suis, *de Arbitrii Libertate* insignitam. Mansit deinde in Palaestina usque post absolutam Synodum Diospolitana, cuius gesta ad Africanos Patres detulit, S. Stephani martyris reliquias simul Hierosolymis secum auferens. Africam reuersus hortatu Augustini dedit se ad conscribendos *Historiarum* libros *contra Paganos*, ut gentilium querelas, Gothorum incursiones et Romae direptionem christianae religionis causa a diis immissas clamantium, non absimili a multis aliorum id genus scriptis instituto refelleret et totidem immo plures et grauiores calamitates homines priscos gemuisse ostenderet. Num vero in Africa illos perfecit, an post reditum in Hispaniam demum, id, sicut cetera vitae eius atque obitum, ignoramus.

§. 2. Scripta.

Primarium eius, licet postremum opus sunt laudati *Historiarum aduersus Paganos libri VII*. Qui minus curiosi sunt de nominibus et titulis librorum medii aeni scriptores, modo *historiam aduersus paganorum calumnias*; modo *aduersus gentes*; modo simpliciter *historias* aut *Chronica* appellant. Sed aliud praeterea nomen eis adhaesit et quod multorum ingeniis crucem fixit, *HORMESTAE* scilicet seu *ORMESTAE*, aut *ORMISTAE* etiam; de quo mihi semper eorum probabilior sententia visa est, qui ex compendiis vocum de *orbis miseria* aut quod procliuius adhuc, *Or. m. ista i. e. Orofii mundi historia*, ortum putarent *).

Alter

*) Varias doctorum hominum sententias recensent *Nic. Antonius in Bibl. Hisp. Vet.* ed. noua *Bayerii*
T. I.

Alter liber qui superest, *Apologeticus de arbitrii libertate* inscribitur, in Palaeftina a. 415. conscriptus. In hunc librum, nescio cuius inscriptoris incuria, irrepsit ingens particula libri Augustini *de natura et Gratia*, septendecim fere capitum, a *tertio* et verbis *Hanc esse intentionem legis arguentis* etc. usque ad decimum nonum, illa scilicet, *Sicut Apostolus ait, Nunquid dicet figmentum* etc. In quibus cum Augustinus mentionem iniecisset *librorum* suorum *ad Marcellinum (de peccatorum meritis et remissione)*, nonnulli incautiores opus deperditum Orosii excuderunt.

Tertius est *Commonitorium ad Augustinum*, quem post primum in Africam aduentum ei tradidit.

Deperditae sunt aliquot eius *Epistolae ad Augustinum*. Certe meminit Epistolarum eius Trithemius et *Epistolarium* ei tribuit *Franciscus Ximenes* in libro *de les dones* Catalanorum lingua scripto, de quo plura *Antonius* pag. 241.

Adscribi solent ei sed immerito *Dialogus sexaginta quinque quaestionum, Orosii percontantis et Augustini respondentis*, qui inter huius opera reperitur; item *Quaestiones de Trinitate et aliis Scripturae Sacrae locis ad Augustinum*, quae cum eiusdem *responsione* a. MDXXXIII. *Parisiis* prodierunt *ex officina Michaelis Vascosani*. Idem accidit *Commentario in Canticum Canticorum* per Trithemii incuriam Orosio tributo, cum sit Honorii Augustodunensis.

Hh 3

Eidem

T. I. 238. sq. item *Heumannus* in progr. sing. Goettingae 1732. edito, et relato in *Syllogen nou, P. 2. p. 484.* cuius ipsius acumen minime nobis arripet; et *Funccius de Veg. L. L. Senect. c. VIII. §. LXXXVI. p. 818. sq.*

Eidem Trithemio debetur liber *de ratione animar*, quo ille *Commonitorium*, quod Posseninus etiam citat *de Origine animar*, significauit, sed alii pro libro deperdito habuerunt. Alia, veluti *de situ antiquae Babylonis et Carthaginis*, et *de Adam*, de quibus *Antonius* l. l. vix memoratu digna sunt,

§. 3. Editiones.

Omnia Orosii quae supersunt opuscula nondum vno volumine comprehensa habentur. Nam *Commonitorium* haecenus non nisi inter Augustini opera, nempe cum responsione illius contra Priscillianistas et Origenistas (ed. Bened. T. VIII.) edi consuevit; et Historiarum libri diu prela fatigarunt, antequam additus fuit Apologeticus, quod primum in editione Louaniensi a. 1558, contigisse fertur apud *Antonium* in *Bibl. Hispana*: sed minus accurate; siquidem hoc anno primum quidem separatim in lucem editus sit Apologeticus a *Ioanne Costerio*, sed cum Historia non ante annum 1574. nempe in *ed. altera Fabricii*, Coloniae facta, exscribi coepit. *Historiarum* autem editio prima absque dubio illa fuit, quam a. 1471. *Augustae Vindelicorum* excudit *Ioannes Schüssler*, quam omnes veteres editiones bonitate praecedere atque ex optimo codice expressam iudicat Hauercampus, tametsi idem significat se ancipitem esse, vtrum hanc, an aliquam *Italicam* antiquiorem statuatur, illam scilicet, quae absque loci et a. indicio ex correctione *Aeneae Vulpis Vincentini* per *Hermannum de Lichtenstein* Coloniensem, qui primum librum anni nota signatum edidisse fertur a. 1475.*), excusa est, quapropter hanc editionem anni nota destitutam vetustiore esse colligit et tanquam primam et princi-

*) Maitt. T. I. p. 136.

principem passim in Notis laudauit. Huius autem Vincentinae auctor non admodum benigne audit a Clerico in arte Critica loco infra laudando, vbi de lubricine aut incuria primorum sub inuentam typographiam criticorum disserit, eaque variis ex hac Orosii editione exemplis illustrat, in qua bona illius malis mista esse iudicat. Miror, nihil horum animaduersum esse ab Hauercampo, qui nec in laudem nec in vituperationem huius editionis quidquam pronunciauit. Secutae sunt Vincentinam Hermanni Coloniensis complures aliae, tum in Italia, tum in Galliis excusae, nempe *Vincentina altera Leonardi Basileensis* (quam errore facile ignoscendo Basileensem appellauit Clericus) et *Venetae* quatuor, annorum 1483. 1484. 1499. 1500. deinde *Parissinae* aa. 1506. 1510. duplex, 1517. 1524. Totum deinde sibi vindicarunt Orosium *Colonienses*, ex qua vna vrbe tres breui temporis spatio exierunt recensiones. Prima scilicet incrementa cepisse visus esse Orosius in ed. *Coloniensi*, quam a. 1526. sumtibus *Hittorpii* curauit GERARDVS BOLSVINGE, cuius sane meritum, quod ipse quidem ingenti hiato cecinit, non omnino nullum fuit. Nam et loca mutila aliquot restituit et emendauit nonnulla siue ex codicibus, siue iudicio suo non inepte, itemque distributionem capitum et argumenta refinxit. Excepit eum Io. CAESARIUS in ed. decem annis post eiusdem bibliopolae impensa adornata, et nonnullas item maculas absterfit. Vtrumque vero superauit longissime FRANCISCUS FABRICIUS *Marcoduranus*, a quo non solum castigatus innumeris in locis, sed et illustratus mirifice prodiit noster a. 1561. *Coloniae* apud *Maternum Cholinum*, eaque editio aliquoties *ibidem* et *Parisis* repetita est, sed exinde

etiam' expoliri desiit Orofius. Nam *Andreae Schotti* clarissimi quondam scriptoris opera tanti non fuit, ut in hunc censum referri mereretur; a *Lautio* vero quid expectandum fuisset, vix ex tam paucis eius notulis dici queat. Vterque symbola sua contulit primum in ed. *Moguntina* a. 1615., repetita a. 1663. Ab eo vero tempore omnis plane circa hunc scriptorem cura subsistit, nec seorsim amplius recusatus est nisi in nonnullis *PP. Bibliothecis*; donec plus centum et viginti annis post *SIGEBERTVS HAVERCAMPVS* reddidit ornatissimum et quasi denno illustrem. Interim non dissimulem, magnam nos iacturam fecisse irritum *Clerici* de eodem edendo olim consilio, de quo ipse magna sperare iusserat in libro praedicto. Series editionum haec est.

SAEC. XV.

1471.

Augustae Vind. per Io. Schüssler. fol. Orofii historiarum libri septem. Ab initio extat haec inscriptio: *Pauli horofii presbiteri historiographi discipuli sancti Augustini episcopi viri hispani generis eloquentissimi. aduersum christiani nominis prologus in libros septem.* Ad calcem: *Beati Pauli horofii presbiteri in Xpiani nominis querulos libri numero septem finiunt feliciter per Ioannem Schüssler florentissime urbis Augustae conciuem impressi. Anno a p̄tu virginis Marie salutifero. M° quadringentesimo et septuagesimo primo. Circiter iunii nonas septimas.*

Impressum est caractere gothico ad rotundum deflectente et paulo obtusiori, lineis latis XXXV. absque numeris, signaturis, custodibus, literisque initialibus. Capitulis tamen numeri sui sunt praefixi, ad quos respicit *registrum pro capitulis totius libri*

libri inquirendis a limine septem foliis vsque ad paginam alteram folii septimi impressis constans: Cf. Cl. Zapf. in Annal. Typogr. August. p. 6. Seemiller Incunabb. typogr. fasc. 1. p. 34. Braun T. 1. p. 137.

1483.

Venetiis per Octau. Scotum. fol. Pauli Orosii viri doctissimi historiarum libri ad Aur. Augustinum. Sic fere ab initio; in fine legitur, praemissis versiculis, quae infra in editione Vicentina referentur, ex quibus tamen media quatuor disticha resecta sunt: Pauli Orosii viri clarissimi. Ad Aur. Augustinum episcopum et doctorem eximium libri septimi ac ultimi finis. Impressi Venetiis opera et expensis Octavianiani Scoti Modoetienfis. Anno ab incarnatione domini M.CCCC.lXXXIII. Tertio Kalendas Sextilis. Ioanne Mocenico inclito Venetiarum duce.

Vsus est *Octavianus* ille *Scotus* caractere romano non satis luculento; XXXXII. lineae numerantur per paginam. Chartae signantur, sed absunt numeri et custodes. Libri numerus in supremo margine literis initialibus significatur. Capitula non numeris sed argumentorum lemmatibus distinguuntur. Deest tamen, saltem in nostro exemplari, registrum.

1484.

Venetiis per Erhardum Ratdolt Augustensem. fol. Pauli Orosii historiarum libri. Orlandi p. 374.

1499.

Venetiis per Christoph. de Pensis. fol. :: Paulus :: Orosius :: Haec tituli instar literis vncialibus in prima pagina folii primi, cuius auersa prologum Orosii ad Augustinum sistit. In fine post versiculos

ante allatos: *Pauli Orosii viri praeclarissimi historiarum opus absolutius est: quam diligentissime emendatum. Impressum Venetiis per Magistrum Christoforum de Pensis: de Mandello opera et impensis Octaviani Scoti. Anno ab incarnatione dñi. M. CCCC. l XXXXIX. XV. Kalendas augustas. Legitur haec subscriptio in folio a fine tertio pagina prima, eique proxime subiectum est Chartarum registrum, a pagina altera vero et deinceps, nisi quod ultima vacua sit, capitulorum tabula impressa conspicitur. Cetera fere cum superioris habitu concordant, additus tamen est, praeter argumenta, singulis capitibus numerus, literaeque initiales vario cum ornatu ligneis formis impressae sunt.*

1500.

Venetiis per Bernardin. de Vitalibus. fol. Pauli Orosii Viri Doctissimi Historiarum initium ad Aur. Augustinum Liber Primus. Sic in limine paginae primae, literis initialibus. Praecedat folium album. In fine post versiculos illos: Pauli Orosii viri clarissimi Ad Aur. Augustinum episcopum et doctorem eximium, libri septimi ac ultimi Finit. Impressi Venetiis: opera et expensis Bernardini Veneti de Vitalibus Anno ab incarnatione domini. M. CCCCC. Die XII. Mensis Octobris. Regnante Domino Augustino Barbadico. Subiicitur cum registro insigne bibliopolae.

Character est vt in superioribus rotundus at paulo nitidior. Lineae per singulas paginas XXXXIII. Capitulis sola argumenta, non item numeri addita. Literae initiales minutae, praeter primam, quae liguo impressa est. Gaudet etiam marginalibus. Maettarius hanc editionem non vidit, sunt enim, quae de ea refert, parum accurata.

Sine

Sine anno.

Vincentiae per Herm. de Colonia fol. min. Pauli Orosii viri doctissimi historiarum initium ad Aur. Augustinum. Sic ab initio primae paginae literis initialibus. In fine haec: Bartholomaeus paviillus, eques Vicentinus in P. Orosium,

Vt ipse titulus margine in primo docet:

Orosio nomen mihi est.

Librariorum quicquid erroris fuit;

Exemit AENEAS mihi.

Meque imprimendum tradidit non alteri

Hermanne: quam soli tibi.

Hermanne nomen huius artis, et decus:

Tuaeque laus Coloniae.

Quodsi situm orbis: sique nostra ad tempora

Ab orbis ipsa origine

Quisquam tumultus, bellaque, et caedes velit

Cladesque nosse: me legat.

Ultima pagina vacua est, sicut et prima primi folii, cuius in aversa haec admonitio forma lapidari quadrata literis vncialibus exscripta est: *Scias velim humanissime lector; Aeneam Vulpem Vicentinum Priorem Sanctae Crucis adiutore Laurentio Brixienfi historias Pauli Orosii: quae continentur hoc codice: quam accuratissime potuit: castigasse: cui non improbando sane labori, si quid ex ingenio tuo vel melius vel aptius addendum putabis: id honore eius integro facias: quod est non ingrati animi officium. Characteres sunt romani, lineae per paginam XXXIX; capita distinguuntur argumentorum summulis, adscriptis parvis literis initialibus; absunt custodes, numeri, signaturae et tituli, Orlandi p. 374. circa annum*

annum 1475. prodiiſſe eam tradit *). Certe editiones Venetae ex ea deſcriptae ſunt.

Sine anno

Baſileae per Leonardum Baſil. fol. Pauli Oroſii Hiſtoriarum initium etc. Laudat Orlandi loco ante recitato. Reliqua ad eius deſcriptionem abſolvendam a *Ioanne Clerico* petamus, qui vberem eius notitiam dedit in *Arte Critica* P. III. Sect. I. cap. XIV. (T. II. ed. noua Lugd. Bat. 1778. p. 205. ſqq.) Scilicet ad calcem iidem verſus leguntur ac in prima Vicentina, ſed omiſſa *Paielli* mentione et in medio ſic mutati

Meque imprimendum non alteri tradidit

Leonarde, quam ſoli tibi;

Leonarde nomen huius artis et decus

Tuaeque laus Baſileae.

In poſteriori ſeſellit Clericum mentio *Baſileae*, vt pro vrbe, in qua impreſſio facta eſſet, acciperet, qui aliter tamen haud dubie iudicaturus fuiſſet, ſi inſpicere licuiſſet Vicentinam priorem et ſimili nexu in ea uſurpatum cognouiſſet nomen *Coloniae* et praeſixum hiſce verſibus nomen *Bartholomaei Paielli Vicentini*. Ceterum adcurate eam percenſuit Clericus plurimaeque eius loca deprauata in exemplum adduxit, quam ſupine veteres ſub literarum elegantiorum reſtaurationem Critici officio ſuo functi eſſent. Ipſe ſcilicet nouam Oroſii editionem meditabatur habebatque non ſolum *MS. Geneuenſis* collationem in ipſo illo ſecundae Vicentinae exemplari adſcriptam, ſed

*) Scilicet quo primum anno libros anni et loci nota inſignitos impreſſit. Sed ex hoc ipſo, vt ante diximus, Hauercampus antiquiorem eſſe conicit.

sed et Medicaeum codicem aliorumque collationem. Quod praeclarum eius consilium nescio quonam pacto disturbatum sit et irritum factum.

SAEC. XVI.

1506.

Parisis per Io. Petit. 4. Pauli Orosii Historiographi clarissimi opus prestantissimum. Haec in summa pagina tituli, dein interiecto insigni Iohannis Parui: Venumdantur in vico diui Iacobi sub interfignio Leonis argentei. In fine: Pauli Orosii viri praeclarissimi historiarum opus absolutum est: quam diligentissime emendatum. Impressum Parrisis in Bellovisu pro Ioanne petit commorante in vico diui Iacobi sub Leone argenteo. Anno ab incarnatione Domini M. CCCCXVI. die XXI. mensis Ianuarii.

1510.

Ibidem apud eundem 4. Pauli Orosii etc. In fine eadem subscriptione mutata in hanc formulam. M. CCCCC. X. die XVIII. mensis Septembris.

Praemittitur Ad clarissimos Ludouicum et Andream Guillardum spectatissimae indolis adulescentes patritios Ludouici Thiboust Parrhiensis epistola, in qua tamen de opera a se nauata nihil amplius prodit, quam, quod annotatiunculas Chartatim in marginibus adscripserit et earum composuerit indicem litterarium.



Parisis per Iohannem Barbier impressorem et librarium iuratum. 4. Pauli Orosii opus etc. In fine: Anno ab incarnatione Domini MCCCCX. die XIII.

XIII. mensis Nouembris. Laudat Hauercampus, sed non recte primam Parisiensem vocat.

1517.

Parisis. 4. Pauli Orosii historiographi clarissimi opus praestantissimum. Mox sub figura emblematica ligno incisa: *Venumdantur parrifus* (sic) *apud collegium triquetti.* In fine: *Pauli Orosii viri percelebris historiarum opus absolutum est, quam diligentissime emendatum. Impressum Parhisis. Anno ab incarnatione Domini M. D. XVII. die VII. mensis Augusti.* Character ab Ioannis Parui typis non abhorret.

1524.

Parisis in taberna libraria Iohannis Parui, via ad diuum Iacobum sub insigni Lilii aurei. f. Pauli Orosii, viri sane eruditi, historiarum liber e tenebrarum faucibus in lucem editus, vna cum indicibus tersissimis huic volumini, haud infrugaliter, adiectis. In folii ultimi pagina prima: *Excudebat Petrus Vidouaeus typis et characteribus suis impendio honesti viri Ioannis Parui bibliopolae adscriptitii, in praeclara Parrisorum vniuersitate. Anno a Christo nato M. D. XXIV. Calendis Nouembribus.* In auersa pagina impressa est figura emblematica Fortunam referens, quam additae typothetae nomini initiales literae pro insigni eius declarant, cum duplici graeca et latina epigraphe.

Typi sunt admodum luculenti, et descriptio omnino elegans. Editor fuit *Sebastianus Mengin*, qui fratri *Nicolao Mengin* ducis Lotharingiae secretario in epistola perofficiosa et satis prolixa, impressa in auersa pagina, *Orosium recens e faucibus tenebra-*

nebrarum ereptum ac suae pristinae integritati restitutum dono obtulit.

1526.

(*Coloniae.*) excudebat *Eucharius Ceruicornius*.
In fine: *Impensa et aere M. Godefridi Hydorpri civis Colonienfis, mense Iunio. fol.* Pauli Orosii Hispani viri Doctiss. aduersus Paganos Historiarum libri septem. Nunc demum ab innumeris iisque foedissimis ac horrendis mendorum monstris vindicati, ad multorumque veterum exemplariorum fidem sedulo restituti.

Curauit hanc editionem GERARDVS BOLSVINGE Reckelinchusensis, de quo haud plura mihi, quam Hauercampo, comperta esse fateor *). Scribit ille vero in epistola nuncupatoria ad *Quirinum* Archiepiscopum Coloniensem et Electorem principem, data *ipsis idibus Iunii*, „*Godefridum Hittorpium* (ita hoc loco scribitur vt vbique alias etiam) *secum egisse, vt P. Orosium, cum veteribus ac manuscriptis exemplaribus collatum, a tot mendorum myriadibus pro viribus vindicaret; quibus usque dum vel somnulentia, vel ignauia seu inertia etiam tum scribarum, tum chalcographorum adeo mutilatus, corruptus ac deturpatus fuerit, vt vel doctos nedum rudiores a sui lectione merito deterreret. Iam vero post non exiguam in laudes Orosii digressionem ad se reuersus pergit, quantum olei laborisque huic auctori restituendo impensum sit, nemo peruidebit iudicabitue exactius, quam qui hoc exemplar cum prioribus quibusuis etiam tam scriptis quam impressis contulerit. Nam quid recenseam seu manus sub-*
iiciam

*) Deficit memoria eius in Harzheimii Bibl. Coloniensi.

iiciam centum amplius versus, mutilata sensus integritate, passim intermissos? quorum exempla aliquot ostendit. Quid dicam de tot millibus verborum vel restitutis vel in locum repositis? Ad quam quidem rem non parum momenti nobis attulerunt tria vetustissima exemplaria scripta, quorum vnum vix hodie notis aut legibilibus literarum figuris descriptum bibliotheca maioris ecclesiae Colonienfis suppeditauit. Atqui quanti negotii res fuerit in tanta codicum variegantia seu dissidentia, ubi scripti ab impressis, et utrique inter se quam maxime discordabant, iudicare quid eradendum seu relinquendum, quidue etiam substituendum fuerit, vix quispiam nisi ipse expertus credat. Praeterea cui ignotum, quam indocte, ne dicam foede per ὄνον λόγας quendam hic liber fuerit in capita dissectus? adeo, ut non solum nullo habito respectu diuersarum rerum aut historiarum, verum non raro in mediis periodis, immo sensuum clausulis, orationes diuaticarit atque seiunxerit, rursumque ubi maxime dissepienda disiungendaue fuerant, concluderit ac conglutinarit. Tum quam insulsa quaeso et inepta nihilque ad rem pertinentia adiecerat argumenta? Postremo quam perperam, quam nullo iudicio hactenus idem hic liber circumferretur distinctus, neminem credo esse, qui modo legerit, qui ignoret.

Numquid vero superest momenti, in quo ars critica exerceri possit ab hoc praetermissum? Nimirum hoc solemne est doctis illius aetatis, ut qualemcunque in aliquo scriptore veteri operam posuerint, eam in immensum exaggerent, aut antecessorum suorum diligentiam deprimant; quod in hoc ipso Bolsuingio Caesarius fecit. Nec vero inferioris modo subsellii homines et veluti de plebe eruditorum, qui famae suae nondum adultae illud debere se existimarent,

stimarent, ita se gessisse videmus: sed optimus quisque et celeberrimus ab hac iactantia, quae a saeculi moribus profecta esse videtur, non alienus fuit. Interea plerisque, id quod huic etiam editori, de quo ut de reliquis fere Hauercampus iudicium suum cohibuit, accidit, ut nec regulam certam, quam in labore sequi deberent, nec ingenium doctrina iusta ex cultum multoque usu subactum afferrent.

Ceterum post praefationem sequitur *vita Orosii* ex Gennadio atque index rerum memorabilium secundum paginas institutus. Quod externam speciem attinet, tituli margines imaginibus ligneis formis impressis, duodecim labores Herculis referentibus, cincti sunt.

1536.

Coloniae ex officina Eucharii. 8. P. Orosii presbyteri Hispani Doctissimi aduersus paganos (quos vocant) Historiarum libri septem. Nunc denuo cum manuscriptis exemplaribus aliquot collati, diligentiusque multo quam antehac nuspiam excusi, cum indice rerum in ipsis contentarum copiosissimo. In fine: *Impensa et aere M. Godofredi Hittorpri civis Colonienfis, mense Augusto. M. D. XXXVI.*

Ioannes Caesarius Iuliacensis, Iacobi Fabri Stapulensis discipulus plurimisque auctorum veterum, in quibus etiam Horatii quaedam et Plinii H. N. editionibus, aliisque scriptis circa illud tempus clarus*), hanc editionem Orosii recognovit. „*Opus hoc Orosii*, inquit *in epistola nuncupatoria ad Georgium a Seina e comitibus a Witgenstein ecclesiae metropolit.*

*) Cf. Harzheim in *Bibl. Colon.* qui huius tamen circa Orosium operae non meminit. Obiit Caesarius Coloniae 1551.

lit. Colon. tunc Canonico, quia iam aliquoties excusum extitit, sed mendis interim non paucis scatens, licet toties tentatum ab his emaculari repurgarique, nunc demum cura et expensis magistri Hittorpii, sed recognitum prius non parua diligentia, partim nostra, partim aliorum quorundam, et ab nostratibus mendis repurgatum in lucem iterum prodit multo sane aliter quam hactenus, simulque et typis admodum plausibilibus excusum." Hanc editionem Hauercampus vnice fere bibliopolae nomine *Hittorpianam* appellat, cum prior tamen apud eundem facta ab editore *Bolsuungiana* ipsi audit.

1558.

Louanii apud M. Verhasset. 8. P. Orosii liber apologeticus contra Pelagium de arbitrii libertate nunc primum editus, item Hieronymi epistola aduersus Pelagium, ad Ctesiphontem: ex editione Io. COSTERII. *Cat. Bibl. Reg. Paris. T. 1. p. 373.*

1561.

Coloniae apud Maternum Cholinum. 8. P. Orosii Presbyteri Hispani aduersus Paganos Historiarum libri septem. Vetustorum librorum auxilio a mendis vindicati et annotationibus ex vtriusque linguae historicis illustrati, opera et studio FRANC. FABRICII *Marcodurani.*

Hic *Fabricius* Marcoduro Iuliacensis alias commentariis suis in varias Ciceronis orationes et Terentium notus est; Rectoris munere in Schola Dusseldorpiensi fungebatur eique ab a. 1563. praefuit, obiitque a. 1573. De Gerardo Bolsuungio et Io. Caesario iudicat, *neceffe esse, ut vel eorum exemplaria non fuerint diligenter satis descripta, vel ipsi parum accurate opus perspexerint.* Tot menda, pergit, re-

lista

libra ab illis deprehendi, postquam eorum libros cum tribus manuscriptis conferre coepi. Neque vero satis habui vetustos libros ad huius tam praeclarae historiae emendationem aduocare: sed cum iam pridem multorum graecorum et latinorum auctorum collatione didicissem, ipsos libros scriptos multis saepe mendis foedatos esse, conduxì, et quasi conuocaui in unum locum omnes, quos de his rebus, quas Orosius attigit, scripsisse aliquid potui recordari: qui autem illi et quot fuerint ex Annotationibus nostris apparebit, in quibus non tantum hanc editionem fulcire, sed et historiam illustrare sum conatus: ut adulescentes, qui cuperent ea, quae Orosius breuiter complexus est, plenius cognoscere, hac nostra admonitione instructi scirent, unde illa essent petenda, eorumque lectione sitim suam explerent. Atque hoc quidem ego magno conatu studioque egi: quid vero sim consecutus, aliorum iudicio libens permitto.“ Haec in ep. dedicatoria ad Ioannem Vlattenum Praepositum Aquisensem, Craneburgensem et Carpensensem Ducis Iul. Clui. et Montium Cancellario, data h. ipso anno postridie Idus Martias. Notae singulis libris subiectae sunt.

1574.

Ibidem apud eundem. 8. P. Orosii — Historiarum libri septem. — studio *Franc. Fabricii*. Quibus nunc accessit eiusdem Orosii Apologeticus contra Pelagium, de arbitrii libertate.

Posteriorius opusculum absque notis, adeo ut a bibliopola adiectum esse, Fabricio scilicet iam vita functo, appareat. Quod typos attinet, priorem antecellit.

1582.

Ibidem apud eundem. 8. P. Orosii — Historiarum libri septem. et de libero arbitrio. Repetitio altera ed. Fabricianae.

1583.

Parisiis apud Mich. Sonnum. fol. Pauli Orosii historiarum libri VII. cum elogio et scholiis *Renati Laurentii de la Barre*; in eius *Historia christiana Vett. Patrum* a p. 183.

1589.

Parisiis fol. P. Orosii Presbyteri Hispani adversus Paganos historiarum libri septem, scholiis et elogio illustrati per *Laurentium Barrensem*; in *Tom. VII. Bibl. PP. Bign.* p. 339.

S A E C. XVI.

1615.

Moguntiae sumtibus Petri Cholini. 8. P. Orosii — Historiarum libri septem. — opera et studio *Fr. Fabricii* M. additae nunc demum *Ludouicii Lautii Notae* et *R. P. Andreae Schotti* e Societate Iesu Sacerdotis *Recensio*. Quibus etiam accessit etc.

Lautii, Belgae, Presbyteri Gandensis, notae paucae sunt, criticae et seorsim statim post praefationem Fabricii ante indicem adiectae. Simul exhibetur index Auctorum in Fabricii Scholiis emendatorum et illustratorum. Sed quae *Schotti* recensio sit, non liquet.

1618.

1618.

Coloniae Agr. sumpt. Ant. Hierati. fol. P. Orosii libri VII. historiarum ad B. Augustinum in *Bibl. PP. Tomo V. P. I. pag.* 335.

1622.

Ibidem apud eundem. fol. P. Orosii Presbyteri apologeticus contra Pelagium de arbitrii libertate, ex recognitione *Andr. Schotti*; in *Tomo XV. seu supplemento Bibl. PP. Colon. p.* 144.

1639.

Parisis apud Aegidium Morellum. fol. P. Orosii Historiarum libri septem ex recognitione *Renati Laurentii de la Barre*: item eiusdem de arbitrii libertate aduersus Pelagium liber apologeticus; in *Supplemento Bibliothecarum PP. Parisensium Morelliano*, prius opusculum *p.* 148. *seqq.* posterius *p.* 800.

1663.

Moguntiae. [8.] P. Orosii Historiarum libri VII. etc. cum annotationibus *Fabricii, Lautii et Schotti*.

Supplent huius editionis memoriam *Acta Erudit. Lips.* a. MDCCXLII. P. 1. m. Septembr. p. 481. Nec tamen errauit Hauercampus, Orosium a Schotti inde recensione vsque ad nouissimam plus centum et viginti annis sine cuiusquam editoris cura iacuisse dicens.

1677.

Lugduni apud Anissonios. fol. P. Orosii Presbyteri Tarraconensis in Hispania libri VII. historiarum ad Augustinum; item liber Apologeticus de arbitrii libertate, in *Bibl. PP. Max. T. VI. pagg.*

377—448. Resecta sunt in *Apologetico* capitula illa Augustini.

SAEC. XVIII.

1738.

Lugduni Bataurorum, apud Gerardum Potuliet.

4. P. Orosii presbyteri Hispani aduersus Paganos Historiarum libri VII. vt et apologeticus contra Pelagium de Arbitrii Libertate. Ad fidem MSS. et praesertim Cod. Longob. Antiquiss. Bibliothecae Florentinae Mediceae S. Laurentii, adiectis integris Notis *Franc. Fabricii* Marcodurani et *Ludou. Lautii*, recensuit suisque animaduersionibus nummisque antiquis plurimis illustrauit SIGEBERTVS HAVERCAMPVS.

Ad manum erant Hauercampo non solum omnes priores editiones, sed etiam, quod potissimum sane fuit auxilium, vndecim codices MSS. Hisce igitur subsidiis *ea cura*, inquit, *recensui Orosium, quam mereri videbatur scriptor, cui expoliendo centum amplius annis defuisse fautores agnoscimus*; id est, vt nunc demum editus videri possit. Nam verissime monuit, quae sparsim ad illum Viri Docti notauerint, parca admodum manu collata esse, vt, quantum medelae ex MSS. eorumque adcuratio-
re, quam a prioribus factum fuit editoribus, inspectione, accesserit Orosio, facile conferenti pateat. De Orosio autem ipsius est iudicium, eum, *quamuis neque aurea, neque argentea Latinitatis aetate floruerit, et vix in aerea sibi locum retineat, nonnunquam quoque, pro seculi sui captu, anilibus fabulis, vt de vestigiis rotarum, quae reliquerint conspicienda adhuc Aegyptiorum persequentium currus, abripitur, tamen, quum ob ipsius Operis multiingem Historiam, non inuiti breuitate congestam, et ad tem-*
porum

porum rationem Consulesque Romanos sollicitè digestam, tum propterea, quod integris, quos frustra iam quaerimus, magnis Historiarum et Annalium scriptoribus, atque in eo genere principatum tenentibus, sit usus, plurimi apud omnes Eruditos haberi solere. Hinc quae ad Historiae illustrationem spectant doctè ubique apposita sunt, ut nihil ex hac parte desiderari possit. Ac in hunc usum etiam multa inferi curauit numismatum antiquorum specimina. Librum de arbitrii libertate adiecit quidem, quoniam a Fabricio in altera, quam adornauerat, editione factum obseruasset, sed absque omni adnotatione, notatis solummodo in inferiori margine textibus biblicis, qui tam crebro in illo afferri solent. Praeterea Hauercampus in Praefatione sua non solum historiam editionum Orosii ab incunabulis typographiae inde breuiter et doctè contexuit, sed curauit etiam, ut omnes superiorum editionum *praefationes*, eae etiam, quae minimi ad crisin momenti essent, nec omisso quidem ex Franc. Fabricii editione *Io. Ruremundi*, Fabricii discipuli, carmine ad praecceptorem gratulatorio, una hic recuderentur. Denique ab arte praefulgidam esse hanc editionem obseruamus, nec nominis, quod honoris causa ei praefixit, obliuiscamur. Inscriptit scilicet *Nicolao Griis*, Regi Daniae a Consiliis status et ad Ord. Foed. Belgii Ablegato Extraord. Cf. etiam huius Orosii censuram in *Nouis Actis Erudit.* a. 1742. P. 1. n. XI. p. 481 sqq.



VERSIONES. Praeter Anglo-Saxonicam Regis Aelfredi translationem, haud aliam antiquiorem nouimus, quam Germanicam, auctore *Hieronymo Banoero*. Huius primam editionem existimamus esse

eam, quae a. 1539. Colmariae (Zü Colmar bey Barphtolomeo Grüninger) fol. prodiit, vt quidem coniectio ex praemissa Boneri epistola vernacula ad Wolffium a Landtsperg d. Colmariae. 1. Octobr. a. 1539. Inscribitur autem, vt initium saltem afferam: „Paulus Orosius. Chronica und beschreybung des heyligen Pauli Orosii, so er hat gethan in Latin etc. — yetzund durch den achtparn und weisen Herrn Hieronimum Bonern diser zeit Oberster Meister (sic) der loblichen Reichsstadt Colmar in obern Elsass in dz nachfolgend Teutsch verdolmetscht und gemeinen nutz zü güit an tag geben.“ Saepius illa deinde typis repetita est, versus finem Saeculi XVI. nobisque praesto sunt editiones *Francof. ad Moen. sumt. Sigismundi Feyerabend. 1576. per Paulum Reffeler et 1581. per Ioh. Schmidt. fol. excusae.*

Non multo Germanicae huic recentior videtur esse Italica hoc tit. *Paolo Orosio tradotto di latino in volgare per GIO. GUENNI DA LANCIZA nuovamente stampato* sine loco et anno. 8. In fine extant hae notae: *P. Alex. Pag. Benacenses F. Rena. V. V.* Primo libro praemittitur argumentum, non item reliquis, qui vti et capita nullis seu titulis seu numeris discreta sunt. Commemoratur in *Biblioteca degli Autori Greci e Latini volgarizz. inserta in Raccolta d'Opusc. sc. e filol. T. XXXIV. pag. 317.*

Quod *Anglo-Saxonicam* attinet, iam superiori saeculo exeunte specimen illius dedit doctus Anglo-Britannus, hoc titulo: *Hormesta Pauli Orosii, quam olim patrio sermone donavit Aelfredus magnus, Anglo-Saxonum rex Doctissimus; ad exemplar Iunianum descriptum edidit* GVILIELMVS ELSTOB, A. M. et Coll. Vniu. Soc. Oxoniae e Theatro Sheldoniano A. D. MDCXC. Integri tamen operis editio non

non secuta est, fortasse quod non satis numerosos emtores ea habitura videretur, saepiusque eadem spes ab aliis viris doctis, ad quos deinceps *Elstobii* exemplar peruenerat, non feliciori successu ostensa est, donec viginti abhinc annis tandem eruditissimus vir DAINES BARRINGTON omnibus eiusmodi impedimentis superior euasit, et non solum editoris sed interpretis etiam munere feliciter functus notaque insuper et mappam Geographicam Europae addidit. Titulus huius versionis est:

The Anglo-Saxon Version, from the Historian Orosius. By Aelfred the Great. Together with an English Translation from the Anglo-Saxon. London printed by W. Bowyer and I. Nichols. 8.



CODICES. *Bolsuingius* meminit duorum exemplarium MSS. qui ipsi in ed. Colon. a. 1526. praesto fuerint, inter quae erat vnum *Bibliothecae ecclesiae Cathedralis Coloniae* characteribus vetustis et insolitis scriptum. Apud reliquos ante Hauercampum editores codicum diserta mentio non fit. Ab hoc vero *undecim* sequentes recensentur:

1) *Codex MS. Bibl. Lugduno-Batavae* chartaceus admodum recens, quippe anno 1463. absolutus, sed tamen valde bonus et, vt ille iudicauit, antiquissimus. Seruatur in Legato Perizoniano atque inscribitur: *de Orchestra Mundi.*

2) *Codex MS. eiusdem Bibl.* membranaceus, *Iustinum* habens adiunctum, olim Nicolai Heinlii, deinde Isaaci Vossii. Praefixos habet plures versiculos sic incipientes: *Orbis terrarum metasque situsque locorum, Computat hic sacri codex luculenter Orosi.*

- 3) *Codex MS. eiusdem Bibl.* Inscribitur: *Orosii de Cladibus et miseriis antiquorum libri septem.* In fine: *Libri Orosii Presbyteri de Cladibus et anti- quis Miseriis Mundi per manus scripti fratris Everardi de Novongio.*
- 4) *Codex quartus MS. eiusdem Bibl.* cum *Iustino* quoque, inscriptus: *Orosii libri Historiarum de Ornesta Mundi.* In fine iidem versus ac in secundo.
- 5) *Codex MS. quintus Bibl. Lugd. Bat.* membrana- ceus ex ff. Vossii reliquiis emtus.
- 6) *Codex MS.* pergamenus per columnas scriptus, optimae notae; *penes ipsum editorem fuit,* ex *Hulsiana* quondam *Bibl.* coemptus. Eum plurimum sibi profuisse testatur.
- 7) *Codex MS. Ultraiektinus* recentior et valde mendosus, sed qui tamen aliquot lectiones bonas sup- peditavit. Contulit in usum *Hauercampi Otto Arntzenius.*
- 8) *Codex MS. antiquus,* cuius collationem aliquando institutam a *Iacobo Gronovio* filius *Abrahamus Gronovius* cum editore communicavit. Eum plurimum convenire cum tertio *Lugduno Bat.* de- prehendit.
- 9) *Codex MS. Florentinus Bibliothecae Laurentia- nae,* forma maioris quarti, *Literis Longobardicis* ante mille fere annos exaratus, veluti iudicavit *Bibliothecae istius tunc praefectus Antonius Ma- ria Biscionius,* qui non solum sua manu suisque oculis in *Hauercampi* gratiam eum contulit, sed etiam *literarum picturam,* aeri incidendam, ad ipsum transmisit, quam una cum *Ratione Ortho- graphiae eius et eorum,* qui eum hac in re sequun-
tur,

tur, post *praefationes* inuenies. Mutilus tamen est, non solum ab initio libri primi, sed totus liber septimus etiam in eo desideratur. Seruabatur in Bibl. Laurentianae Pluteo LXV. n. 1. eiusque etiam meminit *Mabillonius de Re Diplom.* lib. V. p. 354.

10) *Codex MS. Florentinus eiusdem Bibl. ex Pluteo LXV, n. 35. saeculi decimi tertii, lacerus ab initio.*

11) *Codex MS. Florentinus tertius eius Bibl. ex eodem Pluteo n. 37. quem saeculi decimi quarti censent, incipiens: Pauli Orosii presbyteri Hispani de totius mundi calamitatibus liber primus. Atque hi duo posteriores etiam Longobardici illius Orthographiam, imprimis autem prior n. 35. sequuntur. Eorum lectiones eiusdem Biscionii beneuolentiae Hauercampus debuit.*

II.

INNOCENTIVS EP. ROM.

Natione Italus, patria Albanus, ineunte anno 602. in locum Anastasii episcopus Romanus ordinatus est, doctrina atque alacritate huic muneri gerendo non impar. Nam a primo statim susceptae dignitatis die ad plures ad se, tum super doctrinae, tum disciplinae ecclesiasticae capitibus, a diuersarum regionum episcopis delatas quaestiones promte et copiose respondit. Qua in re fieri non poterat, cum consuetudines ecclesiae et quid illis consentaneum esset explicaret et consultantibus sequendas eas proponeret, quin in ipsum semper aliquid auctoritatis redundaret ipseque iubentis magis quam docentis personam, quo suopte ingenio erat propensior, indueret,

dueret. Non multo autem post ipsius muneris auspicia a. 403. subortae sunt Constantinopoli turbae illae in Ioannem Chrysostomum a factiosis hominibus contractae, quae huic non solum immensarum calamitatum causae extiterunt, sed tandem eum funditus oppresserunt. Innocentius vero, quo effrenatior erat inimicorum eius libido et felicior, imperatrice quoque in perniciem eius coniurante, audacia, tanto arctius communionis suae vinculo eum complexus est, quam illis interim negavit et Ioanne etiam mortuo tamdiu reddere fortiter recusavit, donec nomen eius in diptycha inter episcopos referrent. Quod quidem primus fecit Alexander Episcopus Antiochiae a. 414., cunctantius et vel inuiti vel dolose Theodosius Alexandri successor et Atticus post Acacium Constantinopolitanus Episcopus. Immo hic, sicuti etiam Cyrillus Alexandrinus, non ante Bonifacium I. ecclesiae Romanae reconciliatus esse dicitur *). Pelagianos errores Innocentius cum patribus Africanis, qui tum ex Synodo Carthaginensi et Mileuitana (a. 416.) tum etiam priuatis literis ad eum scripserant, damnauit: quamquam magis ipsi pax cum illis, quam bellum cum Pelagio cordi fuisse videtur, nisi forte alias in hac causa partes, easdem scilicet quas postea Zosimus suscepit, meditatus sit. Certe ambigua ad Africanos responsio tale quid portendebat. Infensior Nouatianis fuit, quos primus, teste Socrate, Romae degentes persequi coepit multasque eis Ecclesias ademit. Obiit die 12. mensis Martii a. 417. Inter praecipuas vitae

*) Nimirum liquido de his non constat. *Tillemont X. pag. 660.* sub Zosimo communionem instauratam esse coniicit. Sed secus statuit *Pagius ad Baronium.*

vitae eius felicitates merito numerari solet, quod suscepta Rauennam ad Honorium legatione a funesto deuastatae (a. 410.) per Alaricum vrbis adspectu remotus fuerit.

Superfunt *Innocentii Epistolae XXXIV.* his titulis: I. *Ad Anysum Thessalonicensem Episcopum*, scr. a. 402. II. *Ad Victorium Episcopum Rotomagensem*, scr. a. 404. III. *Ad vniuersos episcopos in Toletana Synodo constitutos **), scr. eodem anno. Extat etiam forma breuiori in quibusdam Conciliorum et Epistolarum Pontificiarum editionibus. IV. *Ad Theophilum Episcopum Alexandrinum*, scr. eodem anno. Graece extat apud Palladium de Vita Ioannis Chrysostomi, latine autem conuersa est ibidem ab Ambrosio Camaldulensi. V. *Ad Exsuperium Episcopum Tolosanum*, scr. a. 405. VI. *Ad Clerum et populum Constantinopolitanum*, scr. eodem anno. Graece extat apud Sozomenum lib. VIII. c. 26. indeque apud Nicephorum Callisti lib. XIII. c. 32. VII. *Ad Aurelium Carthaginensem et Augustinum Hipponensem episcopos*, scr. circa a. 406. VIII. *Ad Ioannem Chrysostomum Constantinop. episcopum*, quae apud vnum Sozomenum l. VIII. c. 24. graece extat, scr. a. 407. IX. *Ad Rufum Episcopum Thessalonicensem*, scr. a. 412. X. *Ad Aurelium*, scr. a. 413. aut etiam 412. XI. *Ad Iulianum nobilem*, scr. circa a. 413. XII. *Ad Marcianum Episcopum Naiſſitanum*, scr. circa idem tempus. XIII. *Ad Episcopos et Diaconos Macedones*, scr. a. 414. XIV. *Ad Episcopos per Macedoniam constitutos*, scr. eodem anno. XV et XVI. *Ad Alexan-*

*) Plerique MSS. *Tolosana* praeferunt, manifesto vitio.

Alexandrum Episcopum Antiochenum, scr. circa a. 415. XVII. *Ad Acacium Beroeae Episcopum*, scr. circa idem tempus. XVIII. *Ad Maximianum Episcopum* de Attico Episc. Constantinop. scr. circa idem tempus. XIX. *Ad Bonifacium Presbyterum*, eodem tempore scr. XX. *Ad Alexandrum Episcopum Antiochenum*, scr. eodem tempore. XXI. *Ad Decentium Episc. Eugubinum*, scr. a. 416. XXII. *Ad Episcopos qui in Concilio Carthag. a. 416. adfuerant*, scr. a. 417. XXIII. *Ad Episcopos qui Concilio Mileuitano interfuerunt*, eodem anno scripta. XXIV. *Ad quinque Episcopos Africanos, Aurelium* scilicet, *Alypium, Augustinum, Euodium et Possidium*, scr. a. 417. XXV et XXVI. *Ad Aurelium Episc. Carthag.* eodem tempore scriptae. XXVII. *Ad Hieronymum Presb.* scr. eodem tempore. XXVIII. *Ad Ioannem Episc. Hierosolymitanum*, eodem tempore scripta. XXIX. *Ad Probum*, Probi praefecti praetorio et Probae Falconiae, vt videtur, filium, incerti temporis, vt sequentes omnes. XXX. *Ad Felicem Episc. Nucerinum*. XXXI. *Ad Maximum et Seuerum Episcopos per Bruttios*. XXXII. *Ad Agapitum, Macedonium et Marcianum episcopos Apulos*. XXXIII. *Ad Florentium Episc. Tiburtinensem*. XXXIV. *Ad Laurentium Episc. Seniensem*.

Haud paucas huius pontificis, quae *interierunt*, Epistolas, temporum et occasionum, quibus scriptae fuerunt, ordine habito, vna cum aliorum ad eas pertinentibus pariter amissis recenset Coustantius. Paucis indicat *suppositas*, inter quas vna est *ad Aurelium Episc. Carthag.* ab Isidoro Mercatore ficta, quam in sequenti, si comparuisset, Epistolarum Pontificiarum tomo parenti suo redditam exhibiturus erat. Interim alias quatuor, nempe *duas Innocentii ad Arcadium*

codium Imperatorem et alias duas Arcadii ad Innocentium in Appendicem primi Tomi coniecit.

Plerasque, nempe XXI. Innocentii Epistolas nobis servauit Dionysius Exiguus, apud quem LVII. sectiones seu *Decreta* constituunt hoc ordine, XXI. II. V. XXX. XXXI. XXXII. XIII. XXXIII. XXIX. VII. XI. X. XIX. XVI. XVIII. XV. XX. XVII. XXXIV. XII. XIII. Epistolae XXII. XXIII. XXIV et XXV. inter Augustinianas extant, nec non apud Isidorum Mercatorem et in Codice Quesnelli, XXV. etiam in Collectione Hispana Optima, posterioris collectionis exemplaria III. quoque epistolam integram exhibent, quae, antequam a Sirmondo ederetur, ex Isidoro in plerisque Conciliorum editionibus mutilata legebatur. Quae num. XXVI. XXVII. et XXVIII. citantur primum editae sunt *Romae* in antiquissima *Epistolarum Pontificiarum* editione, indeque a *Baronio* ad a. 416. recusae. Hisce duas insuper ex codice Vaticano addidit *Lucas Holstenius* in Collectione Romana, I. scilicet et IX. Denique IV. a Palladio de vita Chrysostomi seruata, latine ex interpretatione Ambrosii Camaldulensis inter Epistolas Pontificias Romae excusa et in variis deinde Conciliorum editionibus recusa fuit. VI. apud Sozomenum et Nicephorum, VIII. apud vnum Sozomenum repertae sunt. Iam quas Dionysius Exiguus et Isidoriana collectio praebent, eae fere etiam leguntur in Conciliorum editionibus. Vniuersae autem praeter duas ab Holstenio prolatas reperiuntur in antiqua Epistolarum Pontificiarum collectione, quam secutus est *Binius*. Iustum vero cultum vni *Constantio* debent, quem nuper iterum expressit *Andreas Gallandius* in *Bibliotheca PP. Veneta*. Sed quo magis haec lucem foenerentur, age proferamus potiora,

§. 3. Editiones.

tiora, quae in diuersis locis per annorum interualla prodierunt istarum collectionum exemplaria.

S A E C. XVI.

1525.

Moguntiae in aedib. Schoeffer. fol. Decreta Innocentii Papae (LVII. i. e. Epistolae XXI.); in ed. prima *Collect. Canonum Dionysii Exigui per Ioannem Wendelstinum.* Praemissa est vita Innocentii ex Platina.

1530.

Coloniae. fol. Decreta Innocentii papae; in *Concil. general. Iacobi Merlini, Tomo I. fol. CLXX—CLXXXII.* Exhibentur Epistolae XXVII. non continuis numeris connexae, sed singulae in capitula quaedam diuisae, quae fere ab initio cuiusque proposita sunt.

1535.

Parisiis apud Franciscum Regnault. 8. Decreta Innocentii Papae; in *Concilior. gen. et prouinc. quorund. collectione* eiusdem *Merlini. Tomo I. fol. CLXXXII. a. — CXCV. b.*

1536.

Basileae. fol. Innocentii Epistolae aliquot, 1) *ad Concilium Carthaginense.* 2) *Ad Concilium Mileuitanum.* 3) *Ad V. Episcopos* cum eorundem litteris ad ipsum missis; inter *selectissimas vetustissimorum praesulum epistolas*, quae praeter cetera axiomata Christi humanitatem diuinitatemque adstruunt et liberi arbitrii vires declarant, additas *Diui Clementis Recognitionibus* edente *Ioanne Sichardo*, pagg. 290—302. et in ampliore editione *Lamberti Gruteri.*

teri. *Coloniae Agrippinae* 1570. fol. pagg. 553—561. in qua tamen priores duae tantum recusae sunt.

1538.

Coloniae excudebat *Petrus Quentel*. fol. *Decreta* Innocentii Papae I; in *Conciliis Petri* Crabbe Tomo I. fol. CCLXVI—CCLXXXIV. Epistolae sunt LXVIII. Crabbei lectiones ut et Merlinianas haudquaquam neglexerunt *Constantius* et *Ballerinii*.

1591.

Romae fol. Innocentii Papae I. Epistolae et Decreta; in collectione *Epistolarum Pontificiarum Cardinalis Antonii Carafae* Tomo I.

Complectitur haec editio epistolas XXXIV. hoc ordine. I. *Ad Victorium*. II. *Ad Exuperium*. III. *Ad Felicem*. IV. *Ad Episcopos per Bruttios*. V. *Ad Episcopos Apulos*. VI. *Ad Episcopos Macedones*, incipit: *Mora coëpiscoporum*. VII. *Ad Florentium*. VIII. *Ad Probum*. IX. *Ad Aurelium et Augustinum*. X. *Ad Aurelium*, inc. *Charitatis*. XI. *Ad Iulianam*. XII. *Ad Laurentium*. XIII. *Ad Patres in Synodo Toletana*. XIV. *Ad Ioannem Chrysostomum*. XV. *Ad Clerum et Pop. Constantinop.* XVI. *Ad Theophilum Alex.* XVII. *Ad Arcadium Imperatorem* cum responso eius. *Supposititia*. XVIII. *Ad Alexandrum*, inc. *Apostolici fauoris gratia*. XIX. *Ad eundem*, inc. *Quam grata mihi*. XX. *Ad eundem*, inc. *Opus et honor*. XXI. *Ad Bonifatium*. XXII. *Ad Acacium*. XXIII. *Ad Maximianum*. XXIV. *Ad Ioannem Hierosolymitanum* hic primum edita ex vet. libro Bibl. Vat. quemadmodum sequentes duae. XXV. *Ad Hieronymum*. XXVI. *Ad Aurelium*, inc. *Piissimam* (26.) XXVII. *Ad Episcopos Macedones*, inc.

Tom. II.

Kk

Magna

Magna me gratulatio habuit. XXVIII. *Ad Marcianum Naissitanum.* XXIX. *Ad Decentium.* XXX. *Ad Aurelium*, inc. *Qua in dignitate*, ex MSS. codd. edita, sed a Coustantio reiecta. XXXI. *Ad Carthag. Concilium.* XXXII. *Ad Concil. Mileuitanum* cum scriptis eorundem PP. ad Innocentium. XXXIII. *Ad V. Episcopos Africanos*, adiecta eorundem ad Innocentium epistola. XXXIV. *Ad Aurelium*, inc. *In familiaribus scriptis* (25).

1593.

Madriti exc. Petro Madrigal. fol. Epistola Innocentii I. ad Synodum in Ciuitate Toletana; in *Collectione Concilior. Hispaniae*, diligentia Garfiae Loaisae. pagg. 51—53. His iungi debet editio eiusdem epistolae brevioris scilicet in *Collectione Conciliorum omnium Hispaniae et noui Orbis* etc. cur. Ios. Saenz de Aguirre, Tomo II. Romae 1694. fol. pagg. 151. 52. cum obseruationibus huius Cardinalis in eandem, additaque pleniore ex restitutione Iac. Sirmondi cum notis variorum, pagg. 153—56. quae iunctim item reperiuntur in noua eiusdem Collectionis editione auctore Iosepho Catalano Tomo III. pagg. 42—47. Romae 1753. fol.

[1597.]

Romae. fol. Innocentii Epistolae XI; in *Baronii Annalibus* Tomo V. *)

Pro-

*) Ingenue fateor, me nescire, quo anno primum Tomus V. huius operis prodierit. Sed si non prima vice hoc anno comparuit, certe recusatus est. (Cf. *Meuselii Bibl. hist. T. I. P. I. pag. 103.*) In Bibliotheca Regia Gott. extat editio, quam primo intuitu principem omnino dixeris. Nam *primus* tomus excusus est a. 1588. T. II. et III. 1594. T. IV.

Producuntur ab anno 404. vsque ad a. 416. inclusivae, I. *ad Theophilum* valde ab ea versione, quam Constantius exhibet, discrepans, ad a. 404. II. *ad Clerum Constantinopolitanum*, ibidem. III. *ad Ioannem Chrysostomum*, ibidem. IV. *ad Bonifacium presb.* ad a. 408. V. *ad Alexandrum*, ibidem. VI. *ad Aratium*. VII. *ad Maximianum*, ibidem. VIII. *ad Iulianam*, a. 413. IX. *ad Ioannem Episc. Hierosolymitanum*, a. 416. Hanc notat a se collatam esse cum alio codice scripto. X. *ad Hieronymum*, ibidem, ex eadem collatione. XI. *ad Aurelium*, ibidem. Inuenies autem haec eadem in ipso *Tomo V. ed. Colon. apud Anton. Hierat.* 1624. et in *Tomo VI. et VII. ed. Mansi. Lucae.* 1740. et 41.

SAEC. XVII.

1606.

Coloniae Agripp. apud Io. Gymnic. et Ant. Hierat. fol. Vita, Epistolae et Decreta Innocentii Papae Primi; in *Conc. gen. et prouinc. coll. Seuerini Binii T. I. pagg.* 570—591. Epistolae sunt XXXIV. cum quibusdam aliorum omnes ex ed. Epistolarum

Kk 2

Pon-

IV. 1600. T. VI. VII. 1607. T. VIII. 1599. T. IX. 1600. T. X. 1602. T. XI. 1605. T. XII. 1607., omnes aequabiliter charactere rotundo, luculento et nitido impressi sunt in *Typographia Vaticana*, textu nullis numeris, quemadmodum in sequentibus editionibus per singulos annos factum cernitur, distincto. Sed *quinti* tomi editio prima demum a. 1607. facta esse nequit, quoniam idem iam a Binio ad epistolas Rom. Pontiff. laudatur in *Conciliis. ed. Colon. a.* 1606. Vnde colligo posteriora saltem huius exemplaris volumina non originaria sed re-cusa esse.

Pontiff. Rom. sed ordine diuerso expressae. Additae sunt notae *Binii*. Biniana haec collectio repetita est ibidem a. 1618.

1609.

Lutetiae Parisiorum apud Adrian. Beys. 8. Decreta Innocentii Papae; in Wendelstiniana *Dionysii Exigui* editione sub titulo *Codicis Canonum Viteris Ecclesiae Romanae* h. a. et l. repetita pagg. 330—386.

1629.

Parisis sumtib. Sebast. Cramoisy. fol. Innocentii I. Papae Epistolae tres 1) *Ad Vidiricium Episcopum Rotomagensem.* 2) *Ad Exuperium Episcopum Tolosanum.* 3) *Ad Patres in Synodo Toletana;* in *Conciliis Galliae* ed. a Iac. Sirmondo Tomo I.

Tertia quidem epistola proprie ad Galliae concilia non pertinebat, licet in plerisque MSS. perperam inscribatur ad Patres Synodi *Tolosanae*; sed quoniam in MSS. libris integriorem reperisset, quam usque dum in omnibus editis comparuerat, non praetermittendam duxit occasionem, quam primum posset, cum eruditis communicandi. Emendauit etiam reliquas duas ex MSS. codicibus titulosque decretorum in illis variantes ipse constituit; sed cum ipsum opus praesto nobis non sit, in praesenti haud quidquam nobis suppetit, quam ut lectores admoneamus, Constantium, quaecunque a Sirmondo praestita sint, in editionem suam transtulisse.

1634.

Antverpiae ex officina Plantin. fol. Innocentii Papae I. Epistola XI. ad Aurelium Carthag. Episcopum scripta pro Paschate anni Christi vulgaris 414; inter *Epistolas Patrum Antiquorum de Festi Paschalis*

lis ratione, quas *Doctrinae* suae *Temporum* subiunxit *Aegidius Bucherius* p. 480. Ad hanc epistolam faciunt disputata eius cap. V. et VII. in *Victorium Aquitanum*, quem hoc opere illustrare studuit, et cap. IX. de *Iudaeorum Cyclo*.

1645.

Parisiis e Typographia Regia. fol. Vita, Epistolae et Decreta *Innocentii I. Papae*; in *Conciliorum Tomo IV. Collectionis Regiae* pagg. 1—92. *Binianae* editionis iteratio.

1661.

Lutetiae Parisiorum apud Ludouic. Billaine. fol. Decreta *Innocentii Papae (LVII)*: in codice *Dionysii Exigui* qualem praebet *Bibliotheca Iuris Can. Vet.* cur. *Guil. Voëlle et Henrico Iustello, Christophori Filio*, pagg. 194—210. Editio Codicis *Dionysii Exigui*, quam a. 1628. *Lut. Paris.* 8. pater *Christophorus Iustellus* procuravit, primam partem, non item Decreta Pontificum continet.

1662.

Romae typis Iacobi Dragondelli. 8. *Innocentii* epistolae duae, altera ad *Anylium*, altera ad *Rufum*; inter *Acta Synodi Romanae sub Bonifacio II.* num. IV. et V. edita in *Collectione Rom. Bipartita veterum aliquot Historiae ecclesiasticae monumentorum*, edi coepta a *Luca Holstenio* et absoluta post eius obitum cura *Card. Franc. Barberini. Parte I. pagg.* 45—51.

1671.

Lutetiae Parisiorum fol. Vita, Epistolae et Decreta *Innocentii I. Papae* cum notis *Binii, Sirmondi* et *Albaspinaei*; in *Conciliis Labbei et Cossartii, To-*

mo II. pagg. 1245—1309. Vide editionem Mansianam. Constantius et Ballerini frequenter Lectiones Labbeanas citant.

1673.

Parisis fol. Innocentii Epistolae tres 1) ad Episcopos Concilii Carthag. 2) ad Episcopos Conc. Mileuitani. 3) ad V. Episcopos Africanos cum Obseruatione praenota Io. Garnerii; in *Dissertatione* eius II. ad *Opp. Marii Mercatoris Tomo I. pagg. 194—199.* Praecedunt Epistolae Episcoporum illorum vberioribus notis illustratae. Consuluerunt hanc Garnerii operam diligenter Ballerini in opere mox laudando.

1675.

Lutetiae Parisiorum Sumpt. Io. Bapt. Coignard. 4. Innocentii Papae Epistolae aliquot; in *Codice Canonum et Constitutionum sedis apostolicae* a Quenello edito in *Tomo II. Opp. Leonis M.*

Insunt *Rescriptum ad Conc. Carthag. cap. VII. Rescriptum ad Conc. Mileuit. cap. IX. Rescriptum ad V. Episcopos Afric. cap. XI. Epistola familiaris ad Aurelium Carth. Ep. cap. XII. Ad Exsuperium cap. XXI. Ad Macedonenses Episcopos cap. XXII. Ad Decentium Eugubinum cap. XXIII. Ad Victricium Rotomagensem cap. XXIV.* Repetita est haec ed. *Lugduni 1700. fol.*

1687.

Parisis e Typographia Regia. fol. Decreta Innocentii Papae; in Francisci Pithoei editione *Codiceis Dionysii Exigui* h. a. et l. recusa et variis accessionibus aucta. *pagg. 191—213.*

S A E C. XVIII.

1715.

Parisiis ex Typographia Regia. fol. Innocentii Papae I. Epistolae XXVII; in *Harduini Conciliis Tomo I. pagg.* 995—1032. Sunt partim ex Dionysiana partim ex Isidoriana collectione profectae et eodem ordine iam a Merlino vulgatae, sed complurium MSS. ope variis in locis emendatae. Epistola ad PP. Toletanos ex Sirmondo descripta est.

1717.

Rotomagi apud Franc. Vaultier. fol. Epistola Innocentii Papae ad Victricium Episcopum Rotomagensem collata ad MSS. codd. optimae notae, codicem S. Germani Paris. annorum 1100. Colbertinos duos annorum 800. et S. Petri Carnotensis vnum 700. annorum; in *Conciliis Rotomagensis Prouvinciae studio Guil. Bessin e Congreg. S. Mauri P. I. pagg.* 3 — 6.

Num vero ab ipso editore, an iam olim a Sirmondo libri isti MSS. exhibiti fuerint, diiudicare nequeo.

1721.

Parisiis fol. Innocentii I. Papae Epistolae et Decreta nouo ordine dispositae, emendatae notisque et admonitionibus illustratae a PETRO COUSTANTIO; in *Epistolis Rom. Pontiff. T. I. pagg.* 739—931.

Ordinem chronologicum, quem Coustantius instaurauit, supra indicauimus. Insertae sunt num. IV. *Ioannis Constantinopolitanae urbis episcopi ad Innocentium* epistola gr. et lat.; num. VIII. *Exemplum Sacrae Honorii Augusti missae ad Principem Orientis* Arcadium, quae primum ex vetusto libro Vat.

Bibliothecae prodierat in Epistolis Roman. Pontiff. Antonii Carafae; num. IX. *Honorii Epistola ad Arcadium* altera (in causa Ioannis Chrylostomi tertia) gr. et lat.; num. XI. *Ioannis Chrysof.* ad *Innocentium Epistola* gr. et lat.; num. XXVI. *Epistola Carthaginensis Concilii ad Innocentium*; num. XXVII. Mileuitani Conc. epistola ad eundem; num. XXVIII. *Episcoporum quinque ad eundem*; num. XLII. *Litterarum Pelagii ad Innocentium*, post mortem eius, sed cum eum defunctum nesciret, scriptarum fragmenta. Accedit *Notitia Epistolarum non exstantium*, quae ad Innocentium attinent, solita ipsi diligentia conscripta, in qua amplius XL. enumerantur. In *Appendice* pagg. 102—110. supposititiae eius et Arcadii nominibus epistolae addita praefatione et notis proponuntur. Quod textus sinceritatem attinet, plurimis adiutus fuit Constantius libris MSS. collectionum Dionysii Exigui, Hadrianae, Hispanae et Isidorianae. Et Dionysianae quidem primigeniae valde laudat codices duos peruetustos, Corbeiensis medio saeculo VI. scriptum, et Colbertinum literis Longobardicis exaratum. Sed nec deterioribus in aliis usus est, de quo illustre exemplum praebet epistola III. ad Episcopos in Toletana synodo constitutos. Quam cum in variis MSS. Collectionis Hispanae exemplaribus, sicut in omnibus Isidori Mercatoris mutilam reperisset Constantius, parum abfuit, quin ab eo, qui Hispanam collectionem concinnauit, mutilatam suspicaretur. Amouerunt autem istam suspicionem codices duo, alter Colbertinus 700. annorum, alter recentior Coislinianus *de institutione Clericorum*. ex solius Hispanae collectionis monumentis compositi, in quibus plane legebantur ista capitula. quae in breuiori exemplari desiderantur. Mox ubi plura genuina et sincera ex ecclesiis Vrgellensi,

Gerun-

Gerundensi et Riupullensi huius collectionis exemplaria inuenisset, in quibus integra haec epistola, quemadmodum etiam in Corbeiensi et Fossateni tunc Colbertino codice, extaret: intellexit, a nullo alio quam ab impostore Isidoro mutilatam esse, scilicet qui contentus generalia decreta exscripsisse, cetera, quae ad personas causasue speciales attinerent, ut a scopo suo magis aliena subtraxerit. Nec vero huic opinioni officere monet, quod in quibusdam collectionis Hispanae exemplaribus velut Laudunensi, Nouiomensi et Bellouacensi decurtata legatur; nam quamuis ex Hispana collectione ista descripta sint,prehendisse se tamen eum, a quo scripta dictatae fuerint, etiam collectionem Isidori penes se habuisse et eam Hispanae interdum, etsi raro, anteposuisse, idque nominatim ex Epistola Vigilii papae ad Profuturum liquere.

1757.

Venetis apud Simonem Occhi. fol. Innocentii Papae I. epistolae aliquot; in Codice Canonum Sedis Apostolicae a Quesnello olim edito, nunc ad MSS. codices denuo recognito et in meliorem formam restituito a Balleriniis fratribus.

Epistolae et capitula quibus continentur, supra indicata sunt. Praestantissimam in hac editione partem faciunt notae editorum, emendationes et variantes lectiones ex pluribus libris MSS. et editis suppeditantes.

1759.

Florentiae expensis Antonii Zatta. fol. Vita, Epistolae et Decreta Innocentii Papae I; in Amplissima Conciliorum Collectione Ioannis Dominici Mansi, Tomo III. pagg. 1025—1132.

Binium sequitur cum Labbeo non ordine modo, sed et numero epistolarum, omissis etiam duabus ad *Rufum et Anysum episcopos Thessalonicenses*. Binii notae ubique inculcatae sunt, ad II. vero, III. et XXIII. etiam Iacobi Sirmondi, tum quas ipse editioni Conciliorum Galliae addiderat, tum posthumae a Labbeo in Appendice ad Tom. II. vulgatae, nec non Gabrielis Albaspinæ quaedam in tertiam adiectae sunt. Miraberis fortasse, cum nihil a Constantio desumerit, quid sit, quod Graecas tamen epistolas ex eo dare ipsiusque annotationibus stipare maluerit. In Appendice pag. 1127. proponitur excerptum de *epistola Innocentii Papae ex Concilio Nicaeno* ex vetusto codice Lucensi iam pridem in *Supplem. P. Mansi. T. I. p. 277.* excusum. Succedunt *Canones et nonnullis Innocentii epistolis collecti et in epitomen redacti* cum praeuia in eandem epitomen *dissertatione.*

1772.

Venetis ex typogr. Io. Bapt. Albritii. fol. S. Innocentii I. Papae Epistolae: quibus nonnullae intertextae ad eundem Pontificem missae. Ex editione *V. C. Petri Constant.*; in *Biblioth. PP. et SS. Vet. Eccles. Andreae Gallandii Tomo VIII. pagg. 545—612.* In *Prolegg. caput XVIII.* de Innocentio tractat.

1785.

Matriti apud Ioachimum Ibarra. 4. Innocentii Epistola ad Episcopos in synodo Toletana; in *Summa Conciliorum Hispaniae Matthiae de Villanuno T. I. pagg. 159—168.* cum notis eiusdem.

1789.

Parisis sumtibus Petri Didot, filii primogeniti. fol. Innocentii I. Papae epistolae 1) ad Victorium Episco-

Episcopum Rotomagensem. 2) ad Exuperium Episcopum Tolosanum, ex recensione et cum notis et praeuiis Obseruationibus *Petri Constantii*; in *Collectione Conciliorum Galliae, tam editorum, quam ineditorum*, quam modo inchoarunt PP. *Benedictini e Congreg. S. Mauri*, Tomo I. pagg. 303—322.

Sunt eadem, quas vna cum tertia ad *episcopos Synodi Toletanae* inseruerat quondam Galliae Conciliis Iac. Sirmondus. Consultius autem actum est a Patribus Maurinis, quod minime Constantii copias repudiauerint. Omiserunt etiam tertiam epistolam, non improbantes Sirmondi consilium, qui integram proferre poterat, quae ad ipsius aetatem vsque mutila tantum noscebatur, sed ob id ipsum scilicet, quod nunc non amplius opus esset, quod tum res postulare videretur.

12.

ZOSIMVS EP. ROM.

Zosimus natione Graecus sedere coepit die XVIII. S. I. Vita. eiusdem mensis, quo Innocentius decesserat, et breue episcopatus sui tempus multis non tam rebus gestis quam conatibus illustrem seu famosum potius reddidit. Ex quibus primo loco sese offerunt acta super Coelestio et Pelagio. Vterque horum, alter praesens, alter per epistolam episcopum Romanum sollicitauerant, vt causam suam inique ab Africanis patribus iudicatam retractaret, eosque nihil orthodoxae fidei contrarium sentire cognosceret. Vterque etiam libellum fidei exhibuit, in quo, nisi forte quaedam captiose posita vel praetermissa erant, nihil a catholica regula alienum et recedens reperiatur. Imprimis autem Coelestius strenue querelas suas tam contra accusatorem suum, Paulinum Diaconum, quem

quem calumniae et malarum artium insimulabat, quam iudices, a quibus praepostero iudicio damnatum sese querebatur et iam pridem ad Innocentium prouocasse affirmabat, coram Zosimo persequi coepit, isque tantum eis detulit, ut solemnem eius causa in S. Clementis Basilica confessum haberet, in quo discussis actis superioribus, lectoque libello Coelestii, cum praesens ad singula interrogatus fidem de omnibus fecisse visus esset, illico absolutus est. Africani vehementem a Zosimo increpationem tulerunt, datumque iis duorum mensium spatium, intra quod praesentem aliter sentire redarguerent, Paulinus vero ad accusationis suae causam defendendam Romam venire iussus est. Diei autem vix potest, quam plenae fuerint Zosimi litterae, praesertim illae, quibus Pelagii libellum publice lectum ac probatum esse significabat, gaudio et gratulatione de patefacta coram omnibus damnatorum innocentia et plene purgata calumnia. Verumtamen hanc animi affectionem repente mutauit Honorii edictum *datum Rauen-nae pridie Kal. Maias Honorio XII. Theodosio VIII. Coss.*, adeo, ut idem Zosimus, qui nihil non fecerat, quo solemniorem Coelestii et Pelagii absolutionem redderet, iam ad damnandos eos festinaret, operamque daret, ut omnibus per Orbem terrarum episcopis damnatio illa innotesceret, immo, ut omnes suo suffragio quasi resonare eam facerent. Ita saltem et haec, quae non sua sponte faciebat, auctoritate sedis Romanae peragi videbantur, cuius si non disertus, assiduus tamen praeco fuit. Hoc nomine etiam Patrocli Arelatensis episcopi, hominis famae quam maxime ancipitis, sed cui Constantius, magister militum, postea Augustus, fauebat, causam contra Proculum Massiliensem, Hilarium Narbonensem, et Simplicium Viennensem episcopos iurium suorum

suorum defensores suscepit, eique suoapte arbitrio ius metropolitae in Viennensi etiam et duabus Narbonensibus prouinciis tribuit, iactans antiquam consuetudinem, quae nulla vnquam fuerat, et statuta patrum, et reuerentiam Trophimo nescio cui, quem Sancti titulo decorabat, debitam, utpote qui primus metropolitanus Arelatensis ciuitatis e sede Romana olim transmissus fuisset. Et cum eadem res iam ante plures annos in synodo quadam Taurinensi disceptata et pacis et concordiae seruandae causa ad singulorum placitum quodammodo composita videretur, vehementer hinc increpauit Proculum, *qui hac praesumptione a synodo longe aliud agente in Apostolicae sedis iniuriam subripiendum putasset, ut sibi concilii illius emendicata praestaret obreptio ordinandorum sacerdotum, veluti metropolitano in Narbonensi secunda potestatem.* Quid? quod eundem spreta Zosimi vsurpatione ius sibi tributum exercentem deponere clerumque ac plebem Massiliensem hortari ausus est, ut Patrocli nutui et consilio obtemperarent ab eoque nouum episcopum acciperent. Massilienses tamen adhortatoriae eius non modo non paruerunt, sed Proculo ne minimum quidem de beneuolentia et existimatione tam apud suos tum externos hac Romani episcopi offensione et damnatione, quam ad diuersas terras direxisse profitetur, detractum fuit, sedemque suam ad obitum vsque tranquille tenuit, sanctitatis nomine etiam ab Hieronymo laudatus. Licet autem Hilarius Narbonensis et Simplicius Viennensis episcopi Zosimo cessissent, non vbique tamen clerus earum prouinciarum in illius sententia acquieuit, ut ex Bonifacii successoris Zosimi actis discimus. Enimvero non sic affectus erat Zosimus, ut si quid ipsi irritum cecidisset, ab animo isto damnationis audio desisteret; immo morti fere propinquus

pinquus nouum nec dissimile cum Africanis episcopis super appellationibus ad sedem Romanam certamen occepit. Occasionem praebuit presbyter quidam Siccensis, Apiarius nomine, ab episcopo suo Urbano ob multa et graua crimina excommunicatus, a Zosimo autem, ad quem confugerat, non solum in communionem receptus, sed etiam spe amissa recuperandi sustentatus. Ausum hoc manifesto legibus ecclesiasticis, quales patres Concilii Nicaeni canone V. sanxerant, repugnans, non sine magna ecclesiarum Africanarum offensa accidere poterat. Mox autem alio res spectare coepit. Quippe Zosimus legatos a latere Carthaginem misit et quasi iudicis superioris auctoritate, quam Romano episcopo in Canonibus Nicaenis concessam aut potius confirmatam iactitabat, Apiarium restitui iussit. Sed morte oppressus motus hinc exortos non rescuiuit. Viuendi enim finem fecit d. XXVI. Decembris a. 418. anno vno, mensibus nouem et nouem diebus secundum Prosperum in Pontificatu exactis.

- §. 2. Scripta. Quatuordecim *supersunt* Zosimi epistolae; scilicet I. *Ad vniuersos Episcopos per Gallias et septem prouincias constitutos*, scr. a. 417. sicut et subsequentes sex. II. *Ad Aurelium et vniuersos Episcopos per Africam constitutos*, incipiens *Magnum pondus*. III. *Ad eosdem*, inc. *Postquam a nobis Coelestius*. IV. *Ad Aurelium et vniuersos Episcopos per Africam constitutos, vniuersis Episcopis per Gallias et septem prouincias, vniuersis Episcopis per Hispaniam constitutis, a pari **). V. *Ad Episcopos prouinciae Vien-*

*) Interpretatur haec verba, in Zosimi epistolis primum, in sequentium pontificum literis frequenter occurrentia, quod plura paria ac similia eiusdem epistolae

Viennensis et Narbonensis secundae, a pari. VI. Ad Hilarium Episcopum Narbonensis primae provinciae. VII. Ad Patroclum Episcopum Arelatensem. VIII. Ad Hysychium Episcopum Salonitanum. a. 418. IX. Ad Patroclum Episcopum Arelatensem. X. Ad Clerum, Ordinem et plebem consistentem Massiliae. XI. Ad Aurelium et ceteros qui in Concilio Carthag. adfuerunt, episcopos. XII. Epistola seu Commonitorium ad presbyteros et diaconos suos Ravennae (negotiorum Ecclesiae curandorum causa) constitutos. XIII. Commonitorium seu potius Fragmentum Commonitorii ad Faustinum episcopum et Philippum et Asellum presbyteros, legatos suos. XIV. Ad Episcopos per Byzacium constitutos.

Inter *deperditas* tres quatuorue eiusdem praefulis epistolas celebris maxime est *Tractoria* illa, quae Pelagium et Coelestium damnat, *per totum Orbem*, vt Mercator inquit, *missa*, cuius nonnisi paucula *fragmenta* supersunt.

Duae Zosimi epistolae in Dionysiana et reliquis §. 3. Ediciones. Decretorum collectionibus seruatae cum iisdem et ex iis saepius sunt editae. *Vndecim* deinde *Baronius* partim ex Vaticano, partim ex Arelatensi codice in lucem emisit. Numerus mox auctus est *vna*, quae in codice monasterii Weingartensis reperta fuit a *Binio*. Has denique *Constantius* codicum MSS. et doctrinae vberimae subsidio ita formauit, vt merito eum solum repraesentandum duxerit *Gallandius*. Singula ex indice sequenti accuratius noscantur.

SAEC.

epistolae exempla seorsum singulis seu prouinciis aut ecclesiis seu viris in inscriptione praenominatis tradenda fuerint.

SAEC. XVI.

1525.

Moguntiae. fol. Decreta Zosimi Papae I—IV. (quibus *duae* epistolae ad Hesychium et ad presbyteros Ravennae constitutos comprehenduntur;) in prima ed. *Collectionis Canon. Dionysianae. Cf. Innocentius.*

1530.

Coloniae. fol. Decreta Zosimi pape (totidem,) in *Merlini Conciliis Tomo I. fol. CLXXXII.*

1535.

Parisiis. 8. Eadem; in *eadem Collectione T. I. fol. CXC. VI.*

1538.

Coloniae. fol. Decreta Zosimi, in *Conciliis Petri Crabbe T. I. fol. CCLXXXVIII—IX.* Subiicitur Decretum eiusdem ex Gratiano desumptum, quod *Apostolicae sedis autoritas contra sanctorum statuta aliquid condere non valeat.*

1591.

Romae. fol. Zosimi epistolas in *Magna Collectione Epistolarum Pontificiarum Card. Antonii Carafae* locum obtinere nullus dubito, sed quot qualesue ignorare me fateor. Binius eam non allegat. Baronius semel, dum Epistolam ad Hesychium citat. Inde colligo, inesse non plures, quam duas superioribus editionibus euulgatas.

1597.

Romae. fol. Zosimi papae epistolae XII; in *Baronii Annalibus Tomo V. I. ad Africanos de Coelestio. II. Ad eosdem super Pelagio. III. Ad uniuer-*

uniuersos Episcopos per Gallias et septem prouincias constitutos. IV. *Ad uniuersos Episcopos Africae, Galliarum et Hispaniae.* V. *ad Episcopos prouinciae Viennensis et Narbonensis secundae.* VI. *ad Hilarium Narbonensem.* VII. *ad Patroclum.* VIII. *ad Simplicium Viennensem:* ad a. 417. I. num. 19. II. 25. (ex Cod. Vat.) III. 41. IV. 44. V. 49. VI. 50. VII. 52. (ex Cod. Arelat.) VIII. *ibidem* (ex Bibl. Floriacensi ed. a Io. Coelestino). IX. *ad Aurelium.* X. *ad Patroclum* altera incipiens *Cum et in praesenti cognoueris* etc. XI. *ad clerum et plebem Massikensem:* a. 418. n. 4. et 5. (ex cod. Vat.) n. 40. 41. (ex Cod. Arelat.) XII. *Commonitorium ad Faustum et Presbyteros Philippum et Asellum:* ad a. 419. a. I. Bonifacii. De ed. Annalium Baronii vide quae supra in Innocentio disputata sunt. Continentur haec *Tomo V. ed. Rom. et Colon. et VII. Mansianae.*

SAEC. XVII.

1606.

Coloniae Agr. fol. Vita, Epistolae et Decreta Zosimi cum notis Seu. Bini in Conciliis eiusd. *Tomo I. pagg. 605 - 612.*

Insunt Epistolae XII. nempe *duae* (prior) ex superioribus editionibus, et *decem* ex Baronio, eodem quo antea indicauimus ordine. Desunt autem, quae ibi fuerat *octaua*, *ad Simplicium*, et *duodecima*, *ad Faustum*. Posteriorem non aduertisse videtur Binius, cum longius a ceteris absit sub Bonifacio. Denique monebo, me *epistolam ad Episcopos per Byzacium constitutos*, quam primum Binium produxisse significat Coustantius, inter has reperire non potuisse.

1609.

Lutetiae Parisiorum 8. Decreta Zosimi cum vita eiusd. ex Platina; in *Codice Canonum Vet. Ecclesiae Romanae* pagg. 386—92. Ex ed. Wendsistini.

1629.

Parisiis, fol. *Zosimi Papae epistolae*; in *Conciliis Galliae Iacobi Sirmondi*. Tomo I. Insunt eadem epistolae, quas ex Codice Arelateni vulgavit Baronius. Ipse autem, ut ex notis eius apud Mansium discimus, MS. hoc exemplar, ut et aliud Lirinense et tertium Pithoeanum, euoluit.

1644.

Parisiis ex Typogr. Regia, fol. Vita, Epistolae et Decreta Zosimi Papae; in *Collectione Regia Conciliorum* Tomo IV. pagg. 389—418. Sequitur haec editio per omnia Binium, nisi quod notae eius, praeter illas, quas vitae subiunxit, omissae sint. Accessit vero *Epistola num. XIII. ad Episcopos per Byzantium* (sic) *constitutos*, de qua supra mentio est facta.

1661.

Lutetiae Parisiorum, fol. Decreta Zosimi Papae; in *codice Dionysii Exigui* ed. in *Bibl. Iuris can. Voelli et Iustelli* pagg. 211. 12.

1671.

Lutetiae Parisiorum, fol. Vita, Epistolae et Decreta Zosimi Papae cum notis Seuerini Bini; in *Sacrosanctis Conciliis Phil. Labbei et Gabr. Cossartii* Tomo II. pagg. 1554—76. Addita sunt *Fragmenta Tractoriae* Zosimi cum Observatione Labbei et in Appendice notae postumae Iac. Sirmondi.

1673.

1673.

Parisiis. fol. Zosimi epistolae II. ad Aurelium et Episcopos per Africam constitutos et III. ad Aurelium et ceteros Episcopos, qui in Concilio Carthag. adfuerant: apud *Garnerium* et *M. Mercatorem* in *Diff.* II. ad *Tomum* I. de *Synodis in Causa Pelag. habitis*, *Synodo nona et undecima. pagg.* 202—204. et 209. Notae Garnerii ad priores duas contra Capellum diriguntur, qui eas adulterinas dixerat.

1687.

Parisiis ex Typogr. Regia. fol. Decreta Zosimi; apud *Dionysium Exiguum* in *ed. Franc. Pithoei* h. 2. recusa *pagg.* 213—15.

1690.

Parisiis. fol. Zosimi epistolae III. ad Episcopos Africanos in causa Coelestii et Pelagii; inter *varia monumenta ad hist. Pelag. spectantia P. II. Appendicis* ad *Tomum* X. *Operum Augustini* ed. *Benedictinorum.* iuxta ex. Antverpiense (1700). *pagg.* 66—68. et 70.

SAEC. XVIII.

1715.

Parisiis ex Typogr. Regia. fol. Decreta Zosimi Papae (ex *Dionysii* et *Isidori* collectionibus MSS. *Bibl. Collegii Soc. Iesu Paris.*); in *Harduini* Concilii *T. I. pagg.* 1233—36.

1721.

Parisiis. fol. Zosimi Epistolae et Decreta; inter *Epistolas Pontiff. Rom.* curante *Petro Coustantio* *T. I. pagg.* 934—1006.

Ll 2

Coustan-

Coustantius XIV. praebet epistolas eodem ordine ac supra a nobis sunt recitatae. Fragmenta aliarum et imprimis Tractoriae praebet *Notitia subiuncta Scriptorum non exstantium, quae ad Zosimum papam attinent*. Praeterea insertae sunt inter VII. et VIII. *Libellus Paulini*, de quo nos infra, inter XI. et XII. *Honorii constitutio ad Agricola praefectum de concilio VII. prouinciarum singulis annis Arelate habendo*. De notis editoris nihil dicere attinet, quandoquidem earum praestantiam nemo non agnoscit. Adhibuit plures MSS. codices, ex quibus insigniores quosdam iam ad Innocentium laudauimus.

1760.

Florentiae. fol. Vita, Epistolae et Decreta Zosimi Papae; in *Amplissima Conciliorum Collectione* ed. Io. Dom. Mansi, Tomo IV. pagg. 348—372.

Labbeum sequitur editor. Inde est quod praeter Binii notas, etiam Sirmondi, tum quas statim ad Concilia Galliae ediderat, tum postumas et Phil. Labbei pauculas adiunxerit. Passim etiam Mansius ex Harduino et Coustantio Variantes aliquot lectiones enotauit.

1773.

Venetis. fol. S. Zosimi Papae epistolae: quibus intexitur Honorii Imp. Constitutio ad Agricola Praefectum. Ex editione Petri Coustantii V. C.; in *Bibl. PP. et SS. Eccl. Vet. Andreae Gallandii Tomo IX. pagg. 1—20*. De Zosimo disquiritur *capite I. Prolegomenorum pagg. I—V*.

1789.

Parisis apud Petr. Didot. fol. Zosimi papae epistolae cum decretis et decretorum titulis uti a Sirmondo compositi fuerant et Admonitione in easdem
nec

nec non notulis ex Constantio selectis; in' nouissima
Collectione Concilior. Galliae. T. I. pagg. 332—350.

13.

SEVERVS MINORICENSIS EPISCOPVS.

Huius Seueri temporibus Minoricae Hispania-^{§. 1. Vita.}
 rum insula magna contigit Iudaeorum, qui frequen-
 tes in ea confederant, ad fidem christianam conuer-
 sio, praeunte imprimis quodam Theodoro, opi-
 bus et dignitate inter sectae istius homines omnino-
 que in Magone oppido insulae eminente. Causam
 huius tam subiti ardoris vulgi opinio eiusque inter-
 pres Seuerus tribuebat reliquiis S. Stephani Martyris,
 quas Orosius ex Oriente redux in ecclesia oppidi il-
 lius collocarat, cum antea ipsi constitutum fuisset,
 ad Hispanias eas portare. Quodsi verum fuit, san-
 cti illius ossa causa facta sunt conseruatae Seueri, ob-
 securi alias hominis, memoriae.

Scripsit enim hac de re *Epistolam ad omnes or-*^{§. 2. Scripta.}
bis terrarum Episcopos, Presbyteros et Diaconos,
signatam post consulatum Honorii XI. et Constantii
II. (reuera Cos. Honorio XII. et Theodosio VII.)
 i. e. anno 418. quae hodie superest.

Vulgauit eam primus e schedis Vaticanis erutam ^{§. 3. Edi-}
 Baronius in Annalibus ad annum 418. n. XLIX. ^{tioncs.}
 seqq. (in ed. *Mans.* num. XLIV—LXXII. T. VII.
 pagg. 140—148.) Exinde *Benedictini* Operum
Augustini editores inseruerunt *Appendici Tomi VII.*
col. 15. (ed. Antwerp. col. 11—18.) hoc titulo: *Se-*
ueri epistola ad omnem Ecclesiam de virtutibus in
Minoricensi insula factis per reliquias sancti Stephani
Martyris.

14.

HESYCHIUS SALONITANUS.

In Dalmatia episcopus non confundendus cum Hesychio Hierosolymitano, claro Scripturarum interprete, qui a. 433. decessit. Cum Augustino et Ioanni Chrysostomo epistolarum habuit commercium, cuius nunc etiam reliquiae sunt testes utriusque epistolae. Etiam Zosimi Papae epistola ad eum fertur Honorio XII. et Theodosio VIII. Coss. Obiit ante annum 429. siquidem Augustinus in opere de Ciuitate Dei Lib. XX. c. 5. eius tanquam defuncti meminit. Superest ipsius *Epistola* vna ad *Augustinum*, quae inter huius epistolas vulgari consuevit, in *ed. Louaniensi* num. LXXIX. in *Benedictina* vero num. CXCVIII. Augustini epistolae ibidem inueniuntur iuxta positae, in *Louan.* quidem num. LXXVIII. et LXXX. in *Bened.* num. CXCVII. et CXCIX.

15.

BONIFACIUS I. EP. ROM.

§. I. Vita.

Patria Romanus et prouectae iam aetatis presbyter cum episcopatus huius honorem, quamquam non sine aemulo, adipisceretur. Antequam enim, altero scilicet post exsequias Zosimo perfolutas die, h. e. XXVIII. Decembris a. 418. a plebe et presbyteris in ecclesiam Theodoraе conuenientibus eligeretur et sequenti die in ecclesia S. Marcelli episcopus consecraretur, ipso exsequiarum Zosimi die ab alia factione Eulalius archidiaconus in basilica Lateranensi ordinatus erat, cui Praefectus Vrbi Symmachus adeo fauebat, vt Imperatorem etiam facili negotio in partes eius deduceret. Sed cum Honorius supplicationi aßeclarum Bonifacii tantum tribuisset, vt
tota

tota causa coram episcopis recognosceretur, nec vero cum pertinaci partium altercatione finiri ea potuisset, sed ad seditionem animi spectare viderentur, simul Paschae festum instaret, quo episcopi ad ecclesias suas praesto esse debebant, vterque donec res decisa foret, imperiali edicto ex vrbe decedere iussus est. Tum vero Eulalius impatientia sua rem perdidit. Urbem enim ingressus pro damnato haberi meruit, Bonifacio autem episcopatus cessit. Afri interim episcopi ad Bonifacium litteras miserunt, quibus profiterentur, se paratos esse, ea, quae super appellationibus episcoporum ad Romanae sedis sacerdotem a Zosimo legatis suis mandata essent, paulisper seruare vsque ad inquisitionem statutorum Nicaeni Concilii. Idem iam praedecessori eius per litteras, quas ille fortasse non amplius recepit, significasse se monent et ab ipso poseunt, vt eorum causa ad Antiochenam, Constantinopolitanam et Alexandrinam vel etiam alias ecclesias scribat et quemadmodum ea apud Nicaeam acta vel constituta essent, sic ab ipsis faciat custodiri *). Ac sane Antonii Fussalensis episcopi pariter ab Africanis damnati et ad Bonifacium prouocantis causa exemplum seruatae huius professionis praebet, in qua ipse tamen Pontifex Romanus nec ab aequitate nec a moderatione alienum se ostendit. Peculiaris quippe haec Bonifacii laus est, quod nullo partium fauore regi se passus sit, nulla in eo fuerit, nisi legum ecclesiasticarum seruandarum affectatio.

Ll 4

fectatio.

*) Fatendum est litteras episcoporum Africanorum stilo tam perplexo et distorto esse exaratas, vt passim, imprimis autem §§. IV. et V. sensum plane contrarium verba fundere videantur ab eo, quem manifesta tota sententiarum serie exprimere volebant.

fectatio. Qua de causa ipsum praedecessoris sui iudicium inter Arelatensem et Narbonensem episcopum sustulit et Lutubensis in Narbonensi I. provincia ecclesiae precibus concessit, ut abrogato Patrocli privilegio, Hilario ius a Zosimo ablatum restitueretur. Ceterum parum abfuit, quin sub hoc pontifice sedi Romanae iura in Illyricum eriperentur et in episcopum Constantinopolitanum transferrentur. Sed Honorio intercedente Theodosius constitutionem super nouo hoc Constantinopolitani episcopi iure, supplicantium, ut aiebat, episcoporum per Illyricum precibus sibi subreptam, rursus abrogauit et Romanae sedis priuilegia illaesa seruari iussit. Obiit Bonifacius a. 422. IV. Septembris.

§. 2. Scripta.

Ex pluribus, quas Bonifacius scripsit, *epistolis* hodie reliquae sunt I. *Ad episcopos per Gallias et septem prouincias constitutos*, scr. a. 419. II. et III. *Ad Rufum Thessalonicensem*, scr. eodem anno. IV. *Supplicatio ad Honorium Augustum*, scr. a. 420. V. *Ad Hilarium Episcopum Narbonensem* scr. a. 422. VI. *Ad Rufum Episcopum Thessalonicensem Commonitorium*, scr. eodem anno. VII. *Ad universos episcopos per Thessaliam constitutos*, scr. eodem anno. VIII. *Ad Rufum ceterosque per Macedoniam, Achaiam, Thessaliam, Epirum veterem et nouum, Praeualin et Daciam constitutos*, scr. eodem anno. *Deperditarum indicem* Constantius fecit.

§. 3. Editiones.

Epistolas I. IV. et V. seruant collectiones decretorum Dionysii Exigui, Hadrianea, Hispana, Quenelliana et Isidoriana, nec solum cum iis ipsis, sed ex iis etiam in variis Conciliorum et Epistolarum Pontiff. editionibus vulgatae sunt. Reliquas ex schedis Vaticanis eruit Holstenius. Lucem viderunt

a. 1661.

a. 1661. Ab eo primus omnium collectionem instituit praeclare emendatam et illustratam *Petrus Coustantius*, quem nuper exprimendum dedit in Bibl. PP. *Andreas Gallandius*. Sed singula propius spectare iuuabit.

SAEC. XVI.

1525.

Moguntiae. fol. Decreta Papae Bonifacii I. numero IV. (epistolae III. quibus insertum num. II. *Rescriptum Honorii ad Bonifacium*;) in ed. *Wendelsiniana Dionysii Exigui*.

1530.

Coloniae. fol. Decreta Bonifacii papae (eadem;) in *Merlini Collectione Concil. T. I. fol. CLXXXIII.*

1535.

Parisis. 8. Decreta Bonifacii, *ut in praecedenti*; in ead. *Collectione T. I. fol. CXCVI. VII.*

1538.

Coloniae. fol. Decreta Bonifacii; in *Collectione Conc. ed. Petro Crabbe. T. I. fol. CCXC — II.* Subiiciuntur decreta V. quae non habentur in prioribus.

1591.

Romae. fol. Bonifacii epistolae; inter *Epistolas Pontiff. Rom. ed. Ant. Card. Carafae*. Haud dubie eadem insunt, quae in superioribus erant vulgatae. Vide *Zosimum*.

1597.

Romae. fol. Bonifacii epistola ad *Honorium Aug.* ad a. 419. sed quae pertinet ad a. 420. ut pri-

dem Pagius monuit; in *Tomo V. Annalium Baronii* ed. Rom. et Colon. 1624. *Tomo VII.* autem *Mansianae*.

S A E C. XVII.

1606.

Coloniae Agr. fol. Vita, Epistolae et Decreta Bonifacii Papae primi, cum Notis Binii; in *Conciliis eiusd. T. I. pagg. 613—15.* Ex ed. Crabbeana.

1609.

Lutetiae Parisiorum. 8. Decreta Bonifacii Papae; in *Codice Can. eccl. vet. Rom. pagg. 392—402.* cf. *Innocentius.* Praecedit *Augustini epistola*, qua Bonifacio nuncupat quatuor libros in duas epistolas Pelagianorum.

1629.

Parisiis. fol. Bonifacii Epistolae I. *ad Episcopos Galliae.* II. *ad Hilarium Narbonensem;* in *Sirmondi Conciliis Galliae T. I.*

1644.

Parisiis ex Typogr. Regia. fol. Vita, Epistolae et Decreta Bonifacii Papae I; in *Collectione Regia Concilior. Tomo IV. pagg. 421—33.* recusa ex Biniana.

1661.

Lutetiae Parisiorum. fol. Decreta Bonifacii Papae, apud Dionysium Exiguum in *Bibl. Iuris Can. Voëlli et Iustelli pagg. 213—15.*

1662.

Romae typis Jac. Dragondelli. 8." Bonifacii Epistolae I. II. III. *ad Rufum Thess.* IV. *ad universos*

versos Episcopos per Thessaliam constitutos. V. Ad Rufum et ceteros Episcopos per Macedoniam etc. constitutos: editae primum vna cum Honorii Epistola ad Theodosium et Rescripto Theodosii ad Honorium inter Acta Synodi Romanae sub Bonifacio II. in Lucae Holstenii Collectione Rom. Bipartita. P. I. pagg. 51—83.

1671.

Lutetiae Parisiorum. fol. Vita, Epistolae et Decreta Bonifacii cum notis Seu. Bini; in Philippi Labbei et Gabriel Cossartii ed. Conciliorum T. II. pagg. 1580—86. In Appendice editae sunt notae aliquot postumae Iac. Sirmondi.

1687.

Parisiis ex typogr. Regia. fol. Decreta Bonifacii Papae; in Codice Dionysii Exigui, ed. Franc. Pithoei recusae. pagg. 215—19.

SAEC. XVIII.

1715.

Parisiis ex Typogr. Regia. fol. Decreta Bonifacii; in Harduini Conciliis T. I. pagg. 1237—40. Cf. Zosimus.

1721.

Parisiis. fol. S. Bonifacii Papae I. Epistolae et Decreta; in Constantii Epistolis Pontiff. Rom. T. I. pagg. 1005—1051.

Epistolae sunt VIII. quas supra indicauimus. Simul autem exhibentur I. *Exemplum precum presbyterorum Romanorum pro Bonifacio scr. ante medium Ianuarii a. 419.* II. *Epistola Concilii Africani ad Bonifacium, scr. a. 419. Maii die 31.* III. *Augustini*

fini Epistola ad eundem ser. a. 420. IV. Rescriptum Honorii ad Bonifacium. V. Theodosii Epistola ad Philippum Praef. Praet. Illyrici. VI. Honorii Epistola ad Theodosium. VII. Theodosii Rescriptum ad Honorium. Priores duo ipsis Bonifacii literis praemittuntur, tertia inter III. et IV. quarta inter IV. et V. reliquae tres inter V. et VI. locum obtinent. Notitia scriptorum non exstantium, quae ad Bonifacium I. attinent, solita diligentia conscripta est.

1760.

Florentiae. fol. Vita, Epistolae et Decreta Bonifacii Papae I.; in Concilior. Coll. Ampliff. Io. Dom. Mansi, Tomo IV. pagg. 387—400.

Eduntur epistolae illae III. quae apud Binium exstant, cum notis eiusdem, ut et Iac. Sirmondi postumis. Sed insertae sunt ex Coustantio I. *Presbyterorum Rom. preces pro Bonifacio ad Honorium* et II. *Rescriptum Honorii ad Bonifacium*; nec non ex *Supplem. P. Mansi* initium Epistolae ad *Iustum Dobroberensem*.

1773.

Venetis. fol. S. Bonifacii Papae I. Epistolae: quibus aliorum nonnullae intextae. Ex editione Petri Coustantii V. C. in Bibl. PP. Andreae Gallandii T. IX. pagg. 43—60. Ad Bonifacium pertinet Caput III. Prolegg. pag. VIII.

1789.

Parisis per Petr. Didot. fol. Bonifacii Papae epistolae II. ad episcopos Galliae et Hilarium Narbonensem, cum Observationibus praeniiis et notulis ex Coustantio selectis; in Collectione Concil. Galliae studio PP. Congreg. S. Mauri T. I. pagg. 368—74.

16.

MARIUS MERCATOR.

Quaecunque de patria, loco, conditione et ac- §. x. Vita.
curatiore aetatis definitione viri, cuius nomen vix
exeunte saeculo superiore reuiuiscere coepit, dispu-
tari solent, coniecturis innituntur, haud quidem im-
probabilibus, nec tamen ab omni controuersia libe-
ris. Garnerius enim e Campania, vel Apulia, vel
ex ea parte Italiae, quae ad Siciliam vergit, oriun-
dum eum credidit: non alia de causa, quam quod
Coelestii et Iuliani, quorum primum Campanum,
aliud Apulum, fuisse contendit, res domesticas
priuatasque ita nouerit, quemadmodum vix alteri
liceat, quam qui fuerit eiuldem aut ciuitatis aut sal-
tem prouinciae. Gerberonius contra, qui eodem
tempore insignem scriptorum eius partem tractauit,
tum ex stilo eius duriori, tum quod acta Ecclesiae
Africanae apprimè nouerit, eorumque exemplaria
apud se tenuerit, tum etiam, quod S. Augustini stu-
diosissimus fuerit et strenuus Gratiae Christi et illius
oeconomiae defensor, Africanum esse iudicauit, at-
que eandem sibi arridere sententiam significauit Ba-
luzius, infringens Garnerii argumentum Hieronymi
maximè exemplo, qui, licet ipse Stridonienfis aut
Dalmata fuisset, Pauli patria Thebani et Hilarionis
Palaestini vitam sic descripserit tanquam sui essent,
et Vigilantii hominis Galli ortum et natalia sic no-
uerit, ac si eiuldem cum illo ciuitatis et prouinciae
fuisset. Ipse autem nouum suae causae argumen-
tum reperire sibi visus est in eo, quod Facundus Her-
mianensis episcopus eius verbis interdum vsus sit in
compositione librorum suorum pro defensione trium
capitulorum. Illud vterque Garnerius et Gerbero-
nius viderunt, eum nec Sacerdotem nec Episcopum,
sed

sed Laicum hominem fuisse, quippe qui nullam aliquius dignitatis notam in suis operibus gerat, immo Pientii cuiusdam Presbyteri mandatis parere se protestetur, nulla confacerdotis vel fratris, sed duntaxat *venerandi Presbyteri* salutatione praemissa. Floruisse Mercatorem ab anno circiter 418, cum Garnerio statuit Baluzius, siquidem ad illum annum referenda esse videatur Epistola, quam ab Augustino accepit; at contra eundem censer, illum non ante annum 450. vivere aut scribere desisse. Nam cum Eutychianorum mentionem faciat, quorum nomen in Ecclesia ante tempora synodi Chalcedonensis auditum non sit, manifestum esse cogit, scripsisse eum aliquanto post 451, quo synodus illa habita est. Nec ob stare existimat argumentum, quod Garnerius ab insectatione Theodoreti Episcopi Cyrensis petit, inferens, non facturum illud fuisse Mercatorem, si rescivisset eum receptum a tanta Synodo post idoneam fidei suae professionem, indeque colligens, eum non peruenisse usque ad tempora synodi Chalcedonensis, aut certe nihil ex eo tempore scriptis mandasse, quod ad nos pervenerit. Quae contra arguit Baluzius, ex insectatione Theodoreti modo illud confici posse, aut Mercatorem ista aduersus illum scripsisse, antequam Chalcedonensis synodus haberetur, aut si postea scripserit, tarde ad eum peruenisse gesta synodi, adeoque non compertam ei fuisse illam Theodoreti susceptionem.

Occipisse videtur velitationes suas contra Pelagianos Romae tempore Zosimi Papae, cum diuersis animorum motibus istorum sententiae disceptabantur. Roma etiam libros suos de eadem haeresi compositos in Africam misisse, ibidemque Augustini literas recepisse putandus est. Dehinc, nescio sui ipsius animi instinctu, an Augustini consilio, Constantino-

stantinopolim petiit, prohibiturus, ne Iuliani et assecularum eius, qui Roma depulsi huc se conuertebant, errores radices ibi agerent. Quod assecutus tradito a. 429. Theodosio iuniori et Clero Constantinopolitano, Commonitorio, mox eodem feruore implicauit se liti a Cyrillo contra Nestorium motae, colligendis similiter, ac in priore causa fecerat, grauioribus tum haeticorum tum orthodoxorum per varia scripta pugnantibus dictis cum suis ipsius contra Nestorium clamoribus, a quibus vix ante finem vitae destitisse videtur.

Quae hodie supersunt Marii Mercatoris scripta, §. 2. Scripta. omnia ad refutandam haeresin Coelestianam et Nestorianam tendunt. Sunt autem pleraque non tam proprio labore composita, quam ex Graecis Latina facta, collecta et excerpta ex scriptis tum aduersariorum, tum eorum, qui eos oppugnassent, veluti instrumenta quaedam causae, quibus lectores, quae rectae fidei essent, edocerentur et ad iudicium de praeue sentientium impietate ferendum informarentur. Dabimus elenchum eorum iuxta editionem Baluzii, qui Codicis Vaticani seriem sequitur.

- 1) *Commonitorium aduersus haeresim Pelagii et Coelestii, vel etiam scripta Iuliani.* Pleno titulo inscribitur: *Commonitorium lectori — a Mario Mercatore Seruo Christi.* Continet excerpta ex scriptis Iuliani subiunctis vbique suis ipsius responsionibus seu *Subnotationibus*. Scr. iudice Garnerio a. 431. Idem vero Garnerius titulum huic operi fecit, *Liber Subnotationum ad Pientium Presbyterum*, quem duabus partibus constare existimat, altera, quae praefationis loco sit, nomine *Commonitorii*, altera, qua ipsum opus comprehendatur, titulo *Subnotationum ad verba Iuliani*:

liani: Haec porro dispersit est Garnerius in novem capita, octo nempe iuxta excerpta, quae ex Iuliani libris examinanda Mercator sibi proposuerit: totidem enim numerat, secus ac Baluzius, qui septem tantum excerpta distincte ponit, et sexto complectitur, quae apud Garnerium caput VI. et VII. efficiunt; nono autem, quod incipit a verbis, *Habes ut credo*, pagina 30. ed. Baluz. *Retractionem quaestionis de morte per peccatum in mundum ingressa* contineri scribit. Insuper verba Augustini ad singula verba Iuliani, quae Mercator non apposuerat in notis, ubique produxit.

- 2) *Refutatio Symboli Theodori Mopsuesteni, seu Expositio pravae fidei Theodori cum praefatione Mercatoris.* Apud Garnerium legitur Tomo II. pagg. 250—53. praefatio autem dupliciter Tomo I. pag. 95. et Tomo II. l. l.
- 3) *Comparatio dogmatum Pauli Samosatani et Nestorii.*
- 4) *Sermones V. Nestorii adversus Dei genitricem Mariam.*
- 5) *Nestorii epistola ad Cyrillum Alexandrinum.*
- 6) *Cyrilli Alexandrini epistola ad Nestorium.*
- 7) *Eiusdem epistola secunda ad Nestorium.*
- 8) *Eiusdem epistola ad clericos suos.*
- 9) *Excerpta ex Codicibus Nestorii.*
- 10) *Nestorii Sermones IV. adversus haeresim Pelagianam.*
- 11) *Eiusdem epistola ad Coelestium.*
- 12) *Mercatoris commonitorium super nomine Coelestii.* Integer titulus: *Exemplum Commonitorii, quod super nomine Coelestii Graeco sermone a Merca-*

Mercatore datum est, non solum Ecclesiae Constantinopolitanae: sed etiam plurimis religiosissimis viris; oblatum quoque piissimo Principi Theodosio semper Augusto; id ipsum ex Graeco in Latinum translatum per eundem Marium Mercatorem Christi seruum, in consulatu Florentii et Dionysii VV. CC. per quod Commonitorium cognito funestissimo errore, imperiali praecepto, tam Iulianus defensor, et sequax eius, cum ceteris sociis et participibus suis, quam postea idem Coelestinus, de Constantinopolitana vrbe detrusi in Synodo quoque Ephesienfi ducentorum septuaginta quinque Episcoporum sententia postmodum in praesenti damnati sunt. Annus per Consules hic designatus est 429. quo primum oblatum fuit Theodosio, serius autem, post celebratam a. 431. synodum Ephesinam, in Latinum conuersum censent Garnerius et Norisius.

13) *Nestorii blasphemiarum capitula, quibus literis ad se missis a sanctis Coelestino Romae urbis Episcopo, et Cyrillo Alexandrino contra dicit, et disputationibus breuissimis respondendo, duodecim capitula fidei, quae ad se missa fuerant refellit, latine conuersa et sub nomine Catholici a Mercatore refutata. Garnerius huic libro assignat initium anni 431.*

14) *Synodus Ephesiana aduersus Nestorium i. e. Excerpta ex actis Synodi huius, quae contra Nestorium maxime facere viderentur. Garnerius ea plane omisit, sed compensauit quodammodo accurata rerum Nestorii per annos octo, ab ordinatione scilicet vsque ad deportationem eius, enarratione, ductaque ex eadem cum actionum omnium Concilii Ephesini, tum singularum eius partium*

descriptione; in qua multa sunt, quae perturbate in editionibus etiam optimis posita esse statuit et aliter collocari iubet, multo vero plura, quae defint, non minus ad hoc concilium pertinentia, atque etiam magis necessaria, asteriscis notat.

- 15) *Cyrilli Alexandrini apologeticus aduersus orientales.*
- 16) *Eiusdem apologeticus aduersus Theodoretum.*
- 17) *Fragmenta Theodoreti, Theodori, Diodori et Ibae.*
- 18) *Eutherii Tyanensis fragmentum.*
- 19) *Nestorii epistola ad Papam Coelestinum.*
- 20) *Epistola synodica Cyrilli ad Nestorium.*
- 21) *Eiusdem scholia de incarnatione vnigeniti.* Postremis hisce actorum contra Nestorianam haeresim collectionibus tribuit Garnerius a. 446.

Interciderunt, quemadmodum ex Augustino (ep. CXIII.) discimus, Marii Mercatoris *libri contra Pelagianos*. Quodsi tamen Dupinium audiamus, etiamnunc supersunt in libris *Hypognosticon* Augustini *).

§. 3. Editiones.

Ante Clementis X. tempora Marii Mercatoris nomen plane incognitum fuit. Nam etsi quaedam ex illius scriptis centum fere et quod excurrit ab ipsius excessu annis lecta fuisse Facundi Hermianensis Episcopi et Pelagii II. exemplis constat, nemo tamen

*) *Dupin des aut. eccl. T. III. pag. 256.* Contraria sensit Garnerius, qui hancce suspicionem velut nascentem destruxit eosdemque libros Sixto presbytero, Coelestini in Romana sede successoris in peculiari dissertatione *Cap. VI. Diss. VI. ad T. I. Opp. M. Mercatoris* pagg. 357—65. assertum iuit.

tamen veterum Opera Mercatoris citauit, et inter sequiores ne nomen quidem ipsius auditum est. *Lucae Holstenii* quippe hoc meritum fuit, vt, qui tot insignia rei ecclesiasticae monumenta ex Vaticanis claustris eduxisset, etiam hunc auctorem obliuione sepultum et acta illius Pelagianarum et Nestorianarum litium historiae tam proficua ex codice Palatino-Vaticano tantum non omnia erueret. De edendo autem non cogitasse videtur Holstenius, nec forte omnia, quae in isto codice continerentur, ad eundem auctorem seu interpretem pertinere credidit; attamen laetabundus, quae inde excerptisset amicis suis ostendit et cum iis fortasse communicauit. Ita sane *Henricus Norisius* in Historia Pelagiana narrat, Commonitorium Mercatoris super nomine Coelestii Theodosio oblatum ab Holstenio ostensum fuisse se praesente Christiano Lupo. Ex quo nescio quantum temporis effluxerit vsque dum eidem Norisio opus laudatum molienti accidit, vt a Cardinali Bona ad legendos Marii Mercatoris libellos *prorsus ipsi incognitos* excitaretur. Bona etiam affirmabat, se eosdem exscribi et in Galliam mitti curasse, vbi Gerberonio obrigerant *). Sed factum id non antea videtur, quam in Gallia eadem omnia a *Philippo Labbeo* et *Ioanne Garnerio* in codice quodam Bellouacensi detecta fuissent. Scilicet Cardinalis Barberinius Commonitorium super nomine Coelestii cum aliis quibusdam ex codice isto excerptis in schedis Holstenii (a. 1661.) defuncti repertis per Petrum Possinum Societatis Iesu Presbyterum miserat *Philippo Labbeo*

Mm 2 amplif.

*) Hoc, quod ab initio ex coniectura a me scriptum erat, non falsum esse didici ex opere gallico *Histoire litteraire de la Congregation de S. Maur* (a Bruxelles 1770. 4.) in vita Gerberonii. pag. 329.

amplissimam Conciliorum generalium Collectionem modo inchoanti. Is eodem ferme tempore commodato habuerat vetustissimum codicem Actorum V. Concilii ex Bibliotheca Ecclesiae Capituli Bellovacensis, in quo praeterea deprehendit eiusdem Mercatoris Opera ipsumque adeo Commonitorium. Quibus cognitis ad Pollinium misit elenchum Operum Mercatoris; mandans, ut inuestigaret, an eadem, aut alia extarent in eo codice, unde sua hauserat Holstenius. Quod cum ille promte executus esset, eaque omnia, quae contineri in Bellouacensi libro significatum erat, in Romano etiam exemplari deprehendisset: tum demum nomen Mercatoris Romae magis percrebuisse, lectasque esse et commendatas lucubrationes eius reor. Ac Norisius sane non solum Commonitorium istud integrum *ex ipso Codice* laudato in commentarios suos retulit; sed et alia pleraque Mercatoris, quae ad Pelagianas res referuntur, in usum suum conuertit, ipsaque verba ad paginam codicis citata passim inseruit. Labbeus autem cum ex Vaticano codice descripta Roma sibi transmissa essent, horum Operum editioni sese accinxit, at morte inopinata praeoccupatus Ioanni Garnerio amico quidem coniunctissimo eiusdemque societatis membro et Theologiae in Collegio Parisiensi Doctori istam curam reliquit. Itaque is, qui pridem singulari studio haeresis Pelagianae historiam scrutatus erat idemque fortunae amici in reperiundo litterario hocce thesauro fuerat particeps, duorum codicum et doctrinae haud poenitendae subsidiis instructus Mercatori operam nauavit, cumque intellexisset, Labbeum, utpote ingenti Conciliorum labore obrutum, opera ista, quemadmodum in codicibus se haberent et sine notis daturum fuisse, ipse pro otio suo et amore erga hanc historiae ecclesiasticae partem, non

non solum singula, quae illustrari postulerent, attentius obseruare coepit, sed, quod potissimum ipsi videbatur, cauere voluit, ne *mutila maiori ex parte* illa prodirent. Id vero euenturum existimauit, si eodem tenore atque ordine, quem in codicibus seruari, singula exscriberentur. Nam quod vtriusque et Pelagianae et Nestorianae haeresis acta inter se permixta videret, nec vel annorum, quibus condita essent, vinculo coordinata, librariorum id cul-paetribuendum, ab iisque illa inale distracta atque adeo discerpta esse sibi persuasit. Separauit igitur vtraque et in duos Tomos diuisa, annotationibus et dissertationibus amplissimis magnaue eruditione refertis distincta itemque quibusdam in locis, vbi ipsi opus esse videretur, aliter coagmentata publici iuris fecit *Parisiis a. 1673. in folio.* Eodem anno *Bruxellis* duodenis ediderat *Domnus Gabriel Gerberonius* monachus Benedictinus e Congreg. S. Mauri, adscito nomine *Rigberii*, aliquam partem Operum Mercatoris ex Codice Vaticano exscriptam notisque lectissimis instructam. Sed quoniam Garnerii editio ob crebras textus per ipsius annotata interpellationes vsui minus commoda, nec per ea, quae sibi in eo constituendo permiserat, satis fida iudicaretur, Gerberonii autem, vtut praeclara, partem tantum eamque exiguam complecteretur: nouae et integrae editioni manum admouit vir immortalis memoriae *Stephanus Baluzius*, eadem via qua Labbeus olim et Garnerius, nempe Conciliorum tractatione ad eam deductus eorundemque codicum et doctrinae longe accuratioris et magis diffusae praesidiis ornatus. Prodiit illa *Parisiis 1684. octonis*, eodem ordine omnia, ac in Vaticano codice reperiuntur, summaque fide, vt quae vitia adeo scripturae seruauit, exhibens et notulis criticis instructa; omniumque homi-

num doctorum plausu fuit, excepta. Eam nuper in *Bibliotheca PP. Veneta* recudendam curavit *Andreas Gallandius* simulque laudabili studio et perfecto iudicio omnia lectionis vitia, quae ex parte de consilio Baluzii relicta erant, abstergere studuit.

SAEC. XVII.

1671.

Lutetiae Parisior. impensis Soc. Typogr. libror. ecclesiasticorum iussu Regis constitutae. fol. Marii Mercatoris Servi Christi commonitorium super nomine Coelestii, Pelagii et Iuliani, eorumque haeresi; scriptum sub consulatu Florentii et Dionysii. VV. Cll. in SS. Conciliis ad Regiam edit. exactis studio Phil. Labbei et Gabr. Cossartii Soc. Iesu Presbyt. Tomo II. pagg. 1512 — 1517.

Titulo supra laudato Phil. Labbeus hocce subiunxit monitum: „Ex codice Palatino Vaticanae Bibliothecae descripsit Lucas Holstenius, post cuius obitum iussu eminentissimi Card. Franc. Barberini, misit Roma R. P. Petrus Possinus S. I. nos vero variis S. Augustini, aliorumque veterum testimoniis vestitum et illustratum tanquam accuratissimum haeresis Pelagianaë, ex quo plurima ad historiam spectantia quivis haurire poterit, breuiarium sequentibus conciliis epistolisque Romanorum pontificum praemisimus.“ Incipit *Coelestius quidam* etc. Scholia ad marginem sunt apposita; subiungiturque simul *Observatio Ph. Labbei* de opusculi huius praestantia.

1673.

Bruxellis typis Lamb. Marchant, sub signo boni Pastoris. 12. Acta Marii Mercatoris, S. Augustini Ecclesiae Doctoris discipuli. Cum notis RIGBERII Theologi Franco-Germani.

Prodeunt

Prodeunt nunc primum ex Vaticano codice:

1) *Commonitorium Lectori aduersum Haeresim Pelagii et Coelestii, vel etiam scripta Iuliani*, incipiens *Quaestio contra Catholicam Fidem.* 2) *Theodori Mopsuesteni Sermo s. Symbolum e Graeca in Latinam linguam conuersum a Mario Mercatore, et confutatum*, praemisso prologo. 3) *Epistola Marii Mercatoris, qua Pauli Samosatensis atque Nestorii peruersa dogmata refellit.* 4) *Alia epistola, qua Nestorii blasphemias impetit*, praemissa. 5) *Sermoni I. eiusdem a Mercatore conuerso.* 6) *Sermo II. Nestorii ab eodem conuersus.* Praefatio Gerberonii breuitate sua insignis est. Ecce totam: „Iam diu fama increbuerat Marii cuiusdam Mercatoris, qui S. Doctoris Augustini fuit discipulus, opera quaedam extare haecenus inedita. Haec vbinam haberentur dum curiosius inquirerem, ab amicis renunciatum est mihi, vnum exemplar ab vno Patre Societatis Iesu Collegii Claromontani asseruari, et alterum esse penes quendam Monachum S. Germani Parisiensis. Ab istis vtpote suorum MSS. tenacissimis quidquam obtinendi omni spe deiecta; tandem clarissimi viri H. N. ope vnum huiusmodi scriptorum transsumptum ex Vaticana Bibliotheca sum consecutus, quae euulganda censui, notis tum historicis tum dogmaticis illustrata.“ Notae, quae maiorem libri partem occupant, accuratissima doctrina sunt refertae et aptissimae ad haec acta illustranda. Disputat in iis de auctore, ex coniectura scilicet, sed admodum probabiliter.



Parisis apud Sebastianum Marbre-Cramoisy regis typographum via Iacobaea, sub Ciconiis. fol.
Marii Mercatoris S. Augustino Aequalis Opera quae-

cunque extant. Prodeunt nunc primum studio IOANNIS GARNERII *Societatis Iesu Presbyteri*, qui Notas etiam ac Dissertationes addidit.

De codicibus, ex quibus noua haec collectio adornata est, Vaticano et Bellouacensi, postea dicemus. Enumeratio autem singulorum, quae in ea continentur, Mercatoris opusculorum fieri non potest, nisi prius de Garnerii opera monuerimus. Is enim licere sibi putauit ordinem, quem in codicibus tuentur singula, immutare, seu, ut ipse prae se tulit, dispersa et temere disiecta ad verum ordinem reducere, commodeque a se factum esse arbitratus est, quod in duas partes distribueret, quorum prior comprehenderet omnia, quae ad haeresim Coelestianam pertinent, posterior, quae ad Nestorianam. Adiunxit porro singulis operibus notas historicas, aut philologicas, locos obscuros maxime ex auctoribus Mario aequalibus et in utroque negotio, Coelestianae atque Nestorianae haeresis, versatis illustrantes. Denique addidit etiam reliquis a Mario collectis nonnulla, quae apud ipsum non reperiuntur, veluti Nestorii, Theodorique Mopsuesteni aliorumque collectanea, partim, ut ex iis alia confirmarentur, partim, ut notarum instar, quibus tamen sine breuitatis et nexus dispendio inseri non poterant, illustrationi inseruirent. His ergo praemissis indicem contentorum omnium, tum operum Mercatoris, tum notarum, aliarumque Garnerii accessionum proponere non cunctabimur.

IN PRIORE PARTE continentur

- 1) *Praefatio generalis et fragmentum epistolae a S. Augustino ad Marium Mercatorem scriptae cum notis.*
- 2) *Commonitorium super nomine Coelestii.*
- 3) *Notae ad Commonitorium subiunctae singulis capitulis, cum duabus dissertatiunculis, altera de vindiciis*

vindiciis Zofimi Papae in causa Coelestii et Pelagii, altera de tractoriis summorum pontificum. 4) *Commonitorium lectori aduersus haeresim Pelagii et Coelestii vel etiam scripta Iuliani.* 5) *Notae ad Commonitorium, seu praefationem libri subnotationum.* 6) *Liber subnotationum in dicta quaedam Iuliani ad Pientium presbyterum.* 7) *Notae singulis subiunctae.* 8) *Commonitorium, seu Prologus in symbolum Theodori Mopsuesteni: ipsum vero symbolum cum refutatione M. Mercatoris in posteriorem partem est relatum.* 9) *Notae ad Commonitorium, seu prologum.* 10) *Excerpta ex quinque libris Theodori, aduersus S. Augustinum, interprete Mercatore.* 11) *Photii codex CLXXVII. de quinque libris Theodori.* 12) *Notae ad excerpta et codicem Photii* 13) *Praefatio Mercatoris in Nestorii tractatus, contra haeresim Pelagii et Coelestii.* 14) *Notae ad praefationem.* 15 — 22) *Sermones IV. Nestorii aduersus Pelagianos, quorum postremus in verba: Haec omnia tibi dabo, si cadens adoraueris me, interprete Mercatore et Notae singulis subiunctae, inter quas primo loco dissertatiuncula de tempore sollemnis baptismi.* 23) *Sermo IV, idem integer Graecolatinus, hactenus vel Chrysostomo vel Asterio tributus, (ex Tomo VII. Opp. Ioannis Chrysostomi ed. Sauilii pag. 301.) cum noua versione.* 24) *Epistolae duae Nestorii ad sanctum Coelestinum in gratiam Pelagianorum, incerto interprete.* 25) *Notae ad utramque epistolam.* 26) *Epistolae eiusdem Nestorii ad Coelestinum Pelagianum, interprete M. Mercatore.* 27) *Notae ad istam epistolam *).* In Appendice Prima: 28) *Epistola Ana-*

*) Ita quidem series contentorum prioris partis in Praefatione generali cap. III. pagg. XIII. et XIV.

Anastasio ad Ioannem Hierosolymitanum super nomine Rufini. 29) *Notae historicae ad epistolam Anastasio.* 30) *Fides Rufini interprete M. Mercatore.* 31) *Notae ad fidem Rufini.* In secunda Appendice: 32) *Dissertationes septem; prima, de primis auctoribus et praecipuis defensoribus haeresis, quae a Pelagio nomen accepit ad haec verba Commonitorii in Subnotationes: Quaestio contra Catholicam fidem etc. secunda, de synodis in causa Pelagiana habitis viginti quatuor, quarum postrema Ephesina ad illa verba Commonitorii: Sacerdotalibus statutis: tertia, de sanctionibus Imperatorum in causa Pelagiana, ad illa verba eiusdem Commonitorii: Imperialibus praeceptis; quarta, de subscriptionibus pontificali et imperiali auctoritate exactis, ad haec verba: Patrum subscriptionibus roborata; quinta, de libellis fidei editis ab auctoribus et primis defensoribus haeresis Pelagianae, ad haec verba Mercatoris ad Iulianum: Audi nunc et tu etc., sexta, de libris a defensoribus fidei scriptis, aduersus eandem haeresim, vivente sancto Augustino, ubi apologia Orosii vindicatur et auctor librorum hypognosticon detegitur, etc. ad haec verba: Sanctus Augustinus diuersis temporibus diuersos condidit libros, etc., septima, de haeresi Coelestiana, quomodo ex una sententia in immensam*

a Garnerio describitur. At vero re ipsa longe aliter illa sese habet. Nam post libros subnotationum n. 7 et 8. sequuntur statim Epistolae tres a Nestorio in causa Pelagianorum scriptae, a pagg. 65—72. porro pagg. 73—94. *Sermones IV. Nestorii cum Praefatione Mercatoris*, id est ea omnia, quae num. 13—23. recensentur. Tum denique praefatio Mercatoris in symbolum Theodori cum *Excerptis ex libris Theodori* sequuntur, adeoque num. 8—12. extrema occupant.

Jam quasi multitudinem excreuerit, ad illa verba Mercatoris: ad vnā impiissimā sententiā etc.

POSTERIOR pars diuiditur in *libros quatuor*, quorum contenta haec sunt; ab initio est *Praefatio historica, quae totam Nestorii causam, et gesta ab ipso ordinatione ad mortem complectitur.* LIBER PRIMVS continet: Nestorii sermones XIII, interprete Mercatore, cum vno Procli, Epistolas III. cum quatuor sancti Cyrilli, Mercatoris Epistolam vnā de Nestorii haeresi, et excerpta a sancto Cyrillo in Operibus Nestorii etc. Sequuntur autem hoc ordine: 1) Praefatio Mercatoris in varios Nestorii sermones de incarnatione Domini nostri Iesu Christi. 2) *Notae ad praefationem.* 3) Sermo I. impii Nestorii de incarnatione Verbi, seu de virgineo partu, qui latine tantum habetur. 4) *Notae ad eundem.* 5, 6) Sermo II. de dogmate, seu Θεογνωσία, et III. velut in Arianos et Macedonianos, Graecolatini. 7) *Notae ad Sermonem III.* 8) Epistola M. Mercatoris de discrimine inter haesim Nestorii et dogmata Pauli Samosatani, Ebionis, Photini et Marcelli. 9) *Notae ad hancce epistolam.* 10) Homilia Procli Graecolatina, aduersus Nestorium, interprete, vt videtur, Mario Mercatore. 11) *Notae ad eandem.* 12) Sermo IV. Nestorii, qui primus extemporalis aduersus Proclum. 13) *Notae ad eundem.* 14) Sermo V. gr. lat. de Deo nato et virgine Θεοτόκῳ, secundus aduersus Proclum. 15) Sermo VI. aduersus Proclum III. de dictis epistolae Apostoli ad Hebraeos. 16) Sermo VII. ex parte gr. lat. aduersus eos, qui propter coniunctionem, vel diuinitatem verbi mortificant, vel humanitatem deificant. 17) *Notae ad Sermonem VII.* 18) Epistola I. S. Cyrilli ad Nestorium gr. lat. interpr. Mercatore. 19) *Notae ad eandem, cum responsione Nestorii.*

Nestorii. 20) Epistola II. S. Cyrilli ad Nestorium gr. lat. interpr. Mario. 21) *Notae ad eandem.* 22) Epistola S. Cyrilli ad suos apocrisarios Constantinopoli agentes, gr. lat. interpr. Mario. 23) *Notae ad hanc epistolam, quae longe diuersa est ab ea, quae in editis libris corrupte legitur.* 24) *Commonitorium* epistolae insertum gr. lat. 25) Epistola II. Nestorii ad S. Cyrillum gr. lat. interpr. Mario. 26) *Notae in eandem.* 27) Sermones quatuor Nestorii, VIII. IX. X. XI. gr. lat. 28) Epistola III. Synodica S. Cyrilli ad Nestorium, continens XII. anathematismos, gr. lat. interpr. Mario. 29) *Notae ad epistolam III. S. Cyrilli.* 30) Epistola Nestorii ad S. Coelestinum summum pontificem latine tantum, interpr. Mario. 31) *Notae ad epistolam cum dissertatiuncula de quibusdam pertinentibus ad concilium Ephesinum.* 32) Sermo XII. Nestorii habitus in Ecclesia, in qua literas Coelestini Romani Ep. et Cyrilli Alex. denuntiatorias accepit VII Id. Decemb. 33) *Notae ad eandem.* 34) Sermo XIII. die consequente habitus de scientia pietatis. 35) Excerpta ex diuersis Nestorii libris vel tractatibus ab Episcopo Cyrillo capitula, interpr. Mercatore. 36) Excerpta ex libro Nestorii, lecta in concilio Ephesino. gr. lat. 37) *Excerpta alia hinc et hinc collecta, quae diuersa sunt ab iis, quorum aliunde notitia habetur.*

Contenta LIBRI SECUNDI sunt: 1) Nestorii blasphemiarum capitula duodecim, quibus literis ad se missis a SS. Coelestino Romanae urbis episcopo, et Cyrillo Alex. contradicit, et disputationibus brevissimis respondendo, duodecim capitula fidei, quae ad se missa fuerant, refellere nititur, cum refutatione a M. Mercatore. 2) *Notae ad opus totum Mercatoris.* 3) Expositio anathematismorum, quae respon-

responsio S. Cyrilli ad obiectiones nomine Orientalium factas ab Andrea Samosateno, interpr. M. Mercatore. 4) *Notae ad eandem.* 5) *Expositio II. anathematismorum*, quae responsio S. Cyrilli ad reprehensiones Theodoretī, interpr. M. Mercatore. 6) *Notae ad responsionem II.* 7) *Scholia S. Cyrilli de incarnatione Vnigeniti integra*, quae antea imperfecta edebantur, interpr. Mario Mercatore. 8) *Notae ad scholiorum capita quaedam.* In LIBRO TERTIO continentur: 1) *Excerpta ex libris Theodori Mopsuesteni de incarnatione verbi*, M. Mercatore interpr. 2) *Notae ad Excerpta.* 3) *Collectanea ex diuersis eiusdem Theodori operibus, quae habentur in quinta Synodo, apud Facundum Hermianensem et Leontium Scholasticum, aliosque auctores, utilia ad Haeresim Nestorianam intelligendam.* 4) *Excerpta ex libris quinque, quos aduersus sanctum Cyrillum, sanctumque concilium Ephesinum Theodoretus conscripsit*, interpr. M. Mercatore. 5) *Notae ad Excerpta singulis, sicubi opus fuit, adiecta.* 6) *Epistola Theodoretī ad Nestorium*, interpr. M. Mercatore. 7) *Notae ad eandem.* 8) *Epistola eiusdem in fauorem Nestorianorum Constantinopolim destinata*, eodem interprete. 9) *Notae in eandem.* 10) *Epistola eiusdem ad Andream Samosatenum Episcopum*, interpr. Mercatore. 11) *Fragmenta duarum epistolarum Theodoretī ad Himerium Ep. Nicomediae*, interpr. Mario. 12) *Notae ad epistolas praecedentes.* 13) *Fragmentum sermonis a Theodoro habiti coram Domino Antiocheno post obitum S. Cyrilli*, interpr. Mario. 14) *Fragmentum sermonis ab Eutherio habiti aduersus S. Cyrillum*, interpr. Mercatore. 15) *Refutatio Nestorianismi, gr. lat. et epilogus Marci.* LIBRO QUARTO denique insunt, *Dissertationes duae,*
prima,

prima, de Nestorii haeresi, aliisque erroribus, quorum nomine suspectus esse potest, deque libris pro haeresi ab ipso scriptis; secunda, de synodis in causa Nestorii coactis a tempore motarum turbarum ad pacem usque ecclesiarum. Additurus erat tertiam, de libris, quos fidei defensores ediderunt, eodem tempore, aduersus Nestorianam haeresim, quae reuera in elencho contentorum est promissa. Attamen ne molem huius voluminis, quod iam satis videbatur excreuisse, prolixitate sua in maius auget, cumque et ipsa monumentis aliquot, quae aliunde expectabat, debebat locupletari, in praesenti omittendam, et quoniam argumentum haberet cognatum ei, quod inter censendos Theodoreti libros tractari oporteret, ad auctuarium Theodoreti *) potius differendam censuit. Ex hac contentorum tabula nemo non intelligere potest, quanto studio, quantaque doctrina utrumque actorum Mercatoris argumentum a Garnerio sit excultum; quo meruit sane, quod pluris semper apud eruditos homines hae eius lucubrationes sint aestimatae, quamquam, quod ipsam Mercatoris lectionem attinet, ut et aliorum quorundam, quae ipse interfecit, opusculorum; nec non, quod singula ista opuscula ex suo vnus arbitrio dilacerauit magis, quam disposuit, tantum abfuit, ut aliorum assensum consequeretur, ut potius a doctissimo quoque in hoc genere viro grauem vituperationem subierit **). Nec iniuria conqueri putes, qui animum in

*) Prodiit illud titulo *Tomi V. operum Theodoreti a Sirmondo Paris. 1642. editorum*, ipso quoque Garnerio iam defuncto *Lutetiae Parisiorum 1684. fol.* sed nec vola nec vestigium huius dissertationis in eo apparet.

**) Le pere Garnier, Tillemontii est iudicium, in *Mem. Eccles. T. XV. p. 142. a donné au public tout*

in haeresium illarum auctores defensoresue nimis offensum ei exprobrarunt, quo nomine imprimis videnda sunt, quae ad Theodoretum ab iniquis eius incusationibus vindicandum vir S. R. *Ioannes Ludovicus Schulze*, Academiae Halensis ornamentum, in *Dissertatione de Vita et scriptis Theodoreti* praemissa Tomo I. 1. ed. nouae Operum illius protulit, in qua tota fere haec operae Garnerii pars, quae Nestorii atque Theodoreti causam concernit, velut ad ob-
russam exigitur. Ceterum in *praefatione generali* Garnerius *cap. I.* de Mario Mercatore, eius aetate, ortu, loco, ingenio et auctoritate; *cap. II.* de op-
eribus eius, *cap. III.* de eo, quod ipse contulerit ad editionem operum eius, exponit; *cap. IV.* exhibet
Specimen

tout ce qu'il en a pu trouver dans un manuscrit du Vatican, et dans un autre du Chapitre de Beauvais, qu'il estime beaucoup plus que l'autre: et il les a mis dans l'ordre qu'il lui a paru le meilleur. Il y a joint quelques autres pieces qui se sont trouvées dans les mesmes manuscrits: et y a ajouté un grand nombre de notes et de dissertations, parmi lesquelles on a souvent peine a trouver le texte de son auteur. Il lui esté libre de placer comme il vouloit les ouvrages de Mercator. Mais il me semble *qu'il a mesme separé les differens membres d'un mesme écrit.*“ Nec abludit ab eodem sententia Cotelarii (in notis ad *Monum. ecclēs. Gr. Tom. III. pag. 602. b.* vbi loca aliquot Mercatoris editionis Baluzianae tentat) inquietis: „Editionem aliam (*a Baluziana*) Marii Mercatoris nihil moror: propterea quod illius adornator (*Garnerius*) vir venerandae memoriae ingeniosas coniecturas suas malo exemplo textum facere soleat.“ Cf. etiam quae T. I. Bibl. PP. pag. 644., dum de Anastasii P. R. scriptis differebamus, de eiusdem ausis in constituenda fidei professione Rusiniana notauimus.

Specimen eorum, quae primum ex operibus Marii Mercatoris innotuerint. *Cap. V.* indicat, quomodo primum in manus suas Mercatoris opera peruenerint. Nuncupauit opus Bellouacensis Ecclesiae Decano, Canonici et Capitulo, epistola data *Lut. Paris. sexto Idus Ianuarii, qui triumphus S. Luciani Bellouacorum Apostoli a. 1673.*



Patauii. fol. Marii Mercatoris commonitorium contra Pelagianos (quod supra audit *super nomine Coelestii*;) in *Henrici Norisii Historia Pelagiana*, quae primum h. a. et loco prodiit, *Libro II. cap. VI.* In exemplari, quod in titulo dicitur *iuxta exemplar Patauinum* recusum *pagg. 125—28.* Adde Opera *Norisii* edita a *Balleriniis* a. 1729. Tomo I. Ab Holstenio pariter accepisse se affirmat Marii hocce opusculum e Vaticano codice descriptum.

1677.

Lugduni apud Anissonios. fol. Acta Marii Mercatoris etc. cum notis Rigberii; in *Biblioth. Max. PP. Tom. XXVII. pagg. 129—173.*

1684.

Parisis apud Franc. Muguet, Regis et illustriss. Archiepisc. Paris. Typogr. 8. Marii Mercatoris opera. STEPHANVS BALVZIVS *Tutelenfis* ad fidem veterum codicum MSS. emendauit et illustrauit.

Quae huic primariae editioni, et quo ordine Marii opuscula insint, supra declaratum est. De occasione autem, qua ad tractandum illud argumentum Baluzius accesserit, ita scribit: „Cum anno MDCLXXVII. serio cogitarem de edendo tomo primo

primo nouae Collectionis Conciliorum, qui anno praeterito emissus est, mentionemque veteris exemplaris Bellouacensis Concilii V. fieri animaduertissem a Labbeo, incensus sum desiderio illius habendi, quod assecutum me fuisse beneficio viri doctissimi Godefridi Hermant, eiusdem Ecclesiae Canonici, lubens profiteor. Cum autem illud euoluerem, coniuncta cum eo reperi opera Marii Mercatoris, eaque statim contuli cum editionibus virorum clarissimorum. Agnoui porro ex collatione veteris exemplaris ordinem mutatum fuisse a Garnerio, tum multa ab eo mutata, dum medicinam adhibere tentaret locis corruptis, denique nonnulla omissa, quae mihi videbantur esse magni momenti. Agnoui praeterea codicem Bellouacensem esse valde mendosum et mutilum, adeoque alio exemplari opus esse, vt depravata possent emendari et omissa restitui. Quam ob rem VI. Kal. Decembris anno MDCLXXVII. scripsi ad Eminentissimum Cardinalem — Hieron. Casanatem, eumque rogaui, vt in mei gratiam faceret exscribi codicem Vaticanum, in quo Marii Mercatoris opera extarent, et ad me mitti iuberet. Satisfecit ille postulationibus viri de hisce studiis meritissimi, rescripsitque Idibus Martiis anni sequentis literis humanissimis, ex quibus postea, a nobis quaedam ad codicis illius indolem spectantia depromuntur. Quas postquam integras apposuit Baluzius, ita pergit: „Damus igitur tibi nunc, Lector, opera Marii Mercatoris qualia leguntur in antiquis exemplaribus Ecclesiae Bellouacensis et bibliothecae Vaticanae, et ea quidem fide ac diligentia, vt errores etiam retinuerimus veterum librariorum. Existimauit vir clarissimus Ioannes Garnerius, codicem Bellouacensem Vaticano longe praestare. At ego compertum habeo Vaticanum esse Bellouacensi multo meliorem,

non solum, quia est interdum emendatior, sed etiam, quia nonnulla habet, quae manifesto constat omissa esse ab eo, qui Bellouacensem descripsit, ut sunt e. c. tituli quorundam fragmentorum excerptorum ex Theodoro Episcopo Cyrensi, Theodoro Mopsvesteno, Diodoro Tarsensi, et Eutherio Tyanensi. Nam cum tituli illi deessent in codice Bellouacensi, ex eo factum est, ut Garnerius inciderit in ambages inextricabiles, et sic, ut cum Plinio loquar, tot sit ingenia contemplantium. Optandum autem esset, ut alia vetera eiusdem scriptoris exemplaria emendatiora reperirentur, quorum ope ea emendari possent, quae supra diximus esse corrupta." Haec ille de ratione operae suae. Deinde se conuertit ad quaestionem de auctore eiusque patria et studiis, quam breuiter quidem, sed ita tamen perstrinxit, ut nonnulla a Garnerio non satis caute posita rectius constitueret. Notae ad finem voluminis sunt remotae, adscriptis ad marginem paginarum, quas respiciunt, numeris. Non copiosae sunt, sed magni ponderis, prope omnes criticae, quae centenis in locis Garnerium emendant. Ultimo loco accedit index rerum. Inscripta est editio eidem Hieronymo Cardinali Casanatae, cui magna parte debere eam cognouimus.

1690.

Parisis. fol. Marii Mercatoris Commonitorium contra Pelagianos; in *ed. Bened. Opp. S. Augustini Tomo X. P. II. in append.*

1700.

Antverpiae. fol. Marii Mercatoris Commonitorium contra Pelagianos; in *S. Augustini Opp. ed. Bened. curante Io. Clerico. Tomo X. P. II. in append. col. 46—48.*

SAEC.

SAEC. XVIII.

1772.

Venetis ex typogr. Io. Bapt. Albritii. fol. Marii Mercatoris Opera. Ex editione V. C. STEPHANI BALUZII, nunc denuo recensita, pluribus in locis restituta et illustrata; in *Bibliotheca PP. scriptorumque eccles. Andreae Gallandii. Tomo VIII. pagg. 615—737.*

Baluzii notae ad calcem sunt adiectae, dum suis scilicet, haud parca manu adspersis, inferiorem paginae oram dicasset. Textum fere singulae emendare student, et feliciter plerumque hic conatus comparatione imprimis Graecorum Cyrilli et Theodoreri cessit. Neque neglexit, quae sparsim ad emendationem illustrationemue Mercatoris a viris doctis in aliis operibus, veluti a Norisio in *Historia Pelagiana*, Cotelerio ad *Monumenta Graeca*, Constantio ad *epistolas Pontiff. Romanorum*, Merenda ad *Opera Damasi* aliisque collata fuerant. Paginae editionis Baluzianae, ad quas notae referuntur, in margine sunt appositae, infra textum autem loca biblica diligenter, ut in reliquis huius Bibliothecae partibus, sunt notata. In *Prolegomenis*, capite XIX. pag. XXXIII. inserta est dissertatio de Mario Mercatore egregio cum iudicio et diligentia confecta.



CODICES. Ex duobus omnino codicibus MSS. omnis Marii Mercatoris memoria et actorum eius, quotquot nunc tenemus, reliquiae erutae sunt: adeo manifesto errori debetur, quod est apud Gallandium accuratissimum alioquin virum, Baluzium trium MSS. librorum ope hunc auctorem emendasse. Prior ordine, quo adhiberi coepti sunt, *Vaticanus*,

alter *Bellovacensis* fuit, aequalis vterque ferme aetatis octingentorum circiter annorum, ut ex characterum forma colligi scribit Garnerius, et optimae notae vterque, quamquam vir modo laudatus *Bellovacensem* Vaticano longe praestantiorē iudicauerit, contradicente Baluzio, qui Vaticanum *Bellovacensi* palmam praecipere contendit, et exemplis quibusdam probat.

1. *Vaticanus* olim *Heidelbergensis* bibliothecae fuit. Illi debetur primum *Commonitorium* illud *Mercatoris*, quod vulgavit *Labbeus*; mox denuo excussus est iuxta indicem operum, quae in *Bellovacensi* codice ab eodem *Labbeo* reperta erant, atque haec quidem collatio *Garnerio* praesto fuit. Simul integra eius pars tenore continuo descripta et ad *Gerberonium* missa ab eo edita est bona fide. Tercium in *Baluzii* gratiam conferri et exscribi eum curavit *Cardinalis Casanata*, qua quidem occasione haec super eo litteris mandavit ad *Baluzium* datis: „*Codex ille Marii Mercatoris Palatino-Vaticanus collatus cum Bruxellensi ac Parisiensi [editis] inuentus est longe ab utrisque diuersus. Primus siquidem voluminis illius exigua pars est. In altero vero, [editione Garnerii] licet mole maiori, multa desunt, et ea quae continentur, ordine prorsus vario leguntur. Quare manus operi illico admota fuit, ut integra codicis Vaticani exscriptione votis tuis satisfacerem. Quoniam vero ea omnia, quae habentur in editione Bruxellensi, prorsus conveniunt re et ordine cum manuscripto Vaticano, nullatenus duxi in iis transcribendis tempus insumere ac labore penitus inutili tua desideria protrahere; sed satius existimaui opus adoriri, ubi desit Rigberius. Barbaris ac truncis vocibus scatet hic codex. Et quamvis facile potuiss-*
sem

sem ex ingenio illas vel supplere vel emendare, ex industria tamen omisi, conscius optare te genuinum ac fidelissimum illius codicis, qualiscunque sit, exemplar.

2. *Bellouacensis*, pertinens ad Capitulum Ecclesiae Bellouacensis. Hic liber excitauit olim Labbeum, cui ad iuuandam Conciliorum collectionem commodatus fuerat, ut cum Vaticano accuratius conferri ab amicis suis Romanis postularet. Garnerius, qui primas ei desert, capite II. praefationis generalis in omnia M. Mercatoris opera, *Synopsin operum eiusdem et reliquorum connexi argumenti opusculorum, prout in eo iacent*, exhibuit. Generatim monet, duas ipsi esse partes, quarum altera synodum quintam complectatur, altera praeferat hunc titulum recentiore manu appositum: *Synodus Ephesiana, ubi Nestorii haeresis cum suo auctore damnatur*. Postremo eundem oculis suis usurpauit Baluzius.

17.

N I C E T A S.

Ita recte scribi videtur nomen episcopi illius Roman. §. I. Vita. matiani, qui Niceas audit a Gennadio *). Gente Dacus fuit et in patria Romatianae ciuitatis episcopus. Ex Paulino Nolano nouimus, eum, cum in
N n 3 itinere

*) Variant quauis fere occasione et in omnibus pae-ne MSS. nomina, *Nicaeas*, *Niceas*, *Nicetas*, *Nicetus* et *Nicetius*. Interim Daci episcopi nomen frequentius *Nicetas* et *Nicetius* exhibent, sicut Hypodiasconus Aquileiae constantissime *Niceas* appellatur. Apud Gennadium etiam in admirando codice ad S. Andream de Valle *Nicetam* non *Niceam* scribi testatur Holstenius in Notis postumis ad Martyrologium Romanum apud Florentinium et Bollandi continuatores, laudante Rubaeo.

itinere in Italiam facto Romam transiisset, multorum in se ibi admirationem traxisse. Tum vero etiam (quod a. 398. accidit) Nolam accessit et ad sepulchrum S. Felicis se contulit, inuisitque Paulinum et in eius animum sane candidissimum adeo sese insinuauit, ut ille reditum eius in Daciam singulari poemate nunc quoque superstite prosequeretur, quod late insignes mentis atque animi ipsius dotes explicat imprimisque eum ab ardore in praedicando per barbaras, quae Daciam obtinebant, gentes euangelio extollit. Neque poterat Nicetas non concedere amici precibus, quo minus in secundo suo ad istas terras accessu (a. 402.) apud ipsum iterum subsisteret. Ex Innocentii I. epistolis patet, eum a. 414. adhuc in viuis fuisse *). Ceterum memoriam eius valde conturbauit Baronius, diuersum censens Nicetam Dacum, cuius mentio fit in Martyrologio Romano ad diem VII. Ianuarii, a Nicaea Gennadii Romatianae ciuitatis episcopo, cuius depositio notatur ad diem XXII. Iunii, hunc vero eundem esse ratus cum Nicaea Hypodiacono Aquileiensi, qui a. 458. literas a Leone M. accepit, per grande temporis interuallum scilicet ab isto officio ad episcopi dignitatem euecto, Quam in rem mirifice se torfit, ut Romatianae ciuitatis nomine Aquileiam appellatam esse demonstraret. Sed haec omnia vana esse, dudum viri docti animaduenterunt, quorum accurata exploratione tantum

*) Scilicet non solum in Ep. ad Marcianum Naissitanum d. Rauennae a. 409. ut Tillemontius iudicat de eo tanquam viuentem loquitur (ubi Cf. *Constant*, apud quem extat n. XVI. pag. 822.), sed etiam inter Episcopos Macedones recensetur in inscriptione epistolae XVII. a. 414. iuxta *Constantium* pag. 833.

tantum iam effectum est, ut Romatianam ciuitatem in Dacia Mediterranea seu Moesia inter Naïdum et Sardicam quaerendam, et Nicetam Romatianum in Dacia natum, non, quae fuerat media Tillemontii sententia, ex Aquileiensi clero ad illius ciuitatis episcopatum euocatum fuisse, teneamus *).

Composuit teste Gennadio simplici et nitido sermone competentibus ad Baptismum instructionis libellos sex et ad lapsam virginem libellum, paene omnibus labentibus incertum. Illi deperditi sunt et solummodo ex argumentis a Gennadio indicatis noscuntur. Hunc superesse putant inter Ambrosii et Hieronymi Opera. Nimirum inter Epistolas Hieronymi vna occurrit titulo *Obiurgationis ad Susannam lapsam*, manifesto spuria; nam ab Episcopo compositam esse apparet, quam dignitatem Hieronymus nunquam affecutus est. Eadem vero inter Ambrosiana reperitur sub nomine *Tractatus ad Virginem lapsam*, eique cum propter orationis discrepantiam, tum ob sensus, rigore suo prope ad Nouatianam haeresim, quam ille in libris de poenitentia impugnavit, accedentes, non maiori iure competere dudum inter eruditos operum eius censores creditum est. His quoque Bellarminus, Posseninus, Riverus et sequiores huius generis scriptores concinunt. Nicetae primus, ni fallor, tribuit *Ioannes Baptista*

Nn 4

Cote-

*) Inter hos numerandi sunt *Holstenius* in l. l., *Quesselus* ad *Leonis M. Epistolam LXXIX.*, *Tillenontius* in *Memoriis Tomo X. pag. 621 seqq.* et nouissime *Rubaeus* in *Monum. Eccl. Aquilei. c. XVII. pag. 151 seqq.* Illis tamen insuper habitis Baronii sententiam amplexus est et in *Commentarios* suos nude transscripsit *Oudinus T. I. pag. 1249. seqq.*

Cotelerius *), a quo nemo deinceps praeter laudatos Maurinos Patres dissensit. Hi vero, ut Ambrosio vindicarent, argumenta haec in medium adduxerunt: scilicet, ut haeresis notam auerterent, locutiones, quae in illo occurrunt duriores, non alio consilio aiunt esse adhibitas, quam ut maiorem commissi propudii horrorem incutientes, acrius ad poenitentiae opera fontem excitarent, efficerentque, ne vel propria mollitiae vel remissioris cuiuspiam doctoris indulgentia quandoque ab austeritate semel suscepta reuocaretur. Ita vero auctorem ipsam ad poenitentiam publicam stimulasse, ut simul aeternas poenas euitandi spe subleuaret. Quibus addunt, fuisse quondam Ecclesiae morem, ut atrocium quorundam criminum reis ne in morte quidem veniam et reconciliationem concederent, proindeque Auctorem inter ea crimina et hoc Susannae flagitium sine ulla erroris nota referre potuisse. Stilum concedunt non omnino Ambrosianum esse, nam sanctum praefulem etiam ubi orationem adhibeat maxime concitatam, minus densis ac breuibus incisus uti. Tum iudicant sententiam quandam, quam *Rob. Coccius* in *Censura* sua tanquam doctrinae Christianae e diametro aduersam obiecerat, iisdem paene verbis in libro I. de Virginitate legi. Porro, quod Nicetae tribuatur similis argumenti epistola, nihil referre putant; potuisse enim peraeque Ambrosio occasionem illius scribendi nasci, sicut et Basilii exstet epistola eiusdem materiae et epigraphes, et si apud ipsum Ambrosium virgo Indicia falsi criminis accusari

*) In Notis ad *Constitutiones Apostolorum* lib. II. c. 57. In nouissima *PP. Apostolicorum* ed. Io. Clerici *Amstelod.* 1724. T. I. pag. 268. not. 14. Prima ed. prodierat *Parisis a.* 1672.

fari potuerit, iuxta epistolam ad Syagrium, potuisse et aliam veri. Denique omnes in Ambrosii nomine conuenire libros MSS. praeter vnum recentiore, qui Ioanni Chrysostomo tribuerit. Hisce igitur rationibus inducti inter genuinos Ambrosii foetus reliquerunt, et licet improbauerint Tillemontius et Vailarsius, non video tamen, noui quidquam momenti ab iis contra allatum esse.

Dictum est a nobis, inter Hieronymiana aequae g. 3. Editiones. ac Ambrosii opera hoc opusculum legi. Sed quoniam in diuersis saepe diuersarum editionum tomisprehenditur, lectoribus eius curiosis indicio aliquo subuenire studebimus. Id vero ante omnia animadverteri velim, in Hieronymi editionibus initium esse a verbis *Puto leuius esse crimen*, quae cum sequentibus vsque ad illa, *euaporans praestat refrigerium passioni*, in Ambrosianis deficiunt, vbi principium sonare solet, *Audite qui prope estis*. In editione HIERONYMI *Erasmiana Bas.* 1516. extat Tomo II. fol. 81. b. — 85. „Dictu mirum est, scribit Erasmus, quam hic liber diuersus habebatur in exemplaribus. Nec idem erat initium, et alia in aliis supererant aut deerant, tum pleraque diuersa habebantur. Stilus palam arguit, non esse Hieronymi, etiamsi non indignum censeam, qui legatur. Gustus phrasidis non abhorret ab oratione diui Augustini.“ In editione *secunda Frobeniana* a. 1537. ext. Tomo IV. pagg. 139 — 143. in edit. *Mariani Victorii Antverpiensis impressionis* a. 1579. Tomo IX. pagg. 104 — 107; *Parisini exemplaris* a. 1609. Tomo IV. pagg. 865 — 871; item a. 1643. Tomo IX. pagg. 88 — 91; in his omissa est censura Erasmi. In ed. *Francofurtana* a. 1643. legitur Tomo IV. pagg. 92 — 96; in ed. *Benedictinorum Parisiis* 1706. To-

mo V. pagg. 176—182; in ed. *Vallarsii, Veronae* 1742. Tomo XI. pagg. 178—192. et *Venetis* 1771. Tomo XI. P. II. pagg. 245—263. Vallarsius auctorem scribi iubet Nicaeam et eundem putat cum Hypodiacono Aquileiensi, qui cum familiaris Hieronymi fuerit, facile accidere potuisse, ut liber eius locum inter Hieronymianas scriptiones inueniret; sicuti Ambrosio ob argumenti similitudinem, quod saepius de Virginitate et Virginum institutione disputet, videatur adscripta. Sed prior ratio, quam leuis sit, nemo non intelligit, posterior aequae in Hieronymum ac Ambrosium cadit. Ceterum in Vallarsiana editione diligentissime hic liber tractatus est, diiudicatis etiam Benedictinorum, Ambrosii editorum, variis lectionibus et obseruationibus.

In AMBROSII operum ed. *Basileensi*. a. 1527. extat Tomo I. pagg. 178—186. Typographi errore caput vltimum, quod *consolationem lapsae* continet, quasi nouus libellus singulari titulo exscriptus est. Erasmus in breui ad lectorem admonitione inauerfa tituli pagina impressa declamationem esse, inquit, qualis illa Hieronymi de matre et filia reconciliandis, et inter Hieronymiana scribae dolo, ne scilicet deprehenderetur, ab initio, iuxta quam in medio et fine esse interpolatam. In *Sixtinae* editionis exemplari *Parisiensi* a. 1603. legitur Tomo IV. pagg. 449—456; in *Benedictina*, *Parisis* 1690. Tomo II. pagg. 301—320. titulo *libri de lapsu Virginis consecratae*.

18.

IULIANVS EPISC. ECLANENSIS.

§. I. Vita.

Iulianus *) gente Apulus, ex illustri familia, patre Memore seu Memorio Episcopo, ut creditur Capuano,

*) Quaecunque ad notitiam rerum eius faciant, collegit

puano, caro praecipue Augustino et Paulino Nolano, et matre Iuliana lectissima matrona procreatus et fidei parentum cura moribus iuxta et literis probe et mature excultus ecclesiasticis ministeriis patre adhuc vivente admoueri coepit. Lectoris enim officio in Ecclesia paterna fungebatur, cum matrimonio cum Ia virgine consulari, Aemilii viri illustris postea Episcopi Beneventani filia, contraheret, cuius auspicia carmine tenerrimi in vtrumque patrem et filium affectus pleno Paulinus celebravit. Diaconatum etiam, utpote cuius Augustinus, ipsius quoque tunc temporis amantissimus, meminit, superstite adhuc patre suscepisse videtur et Episcopus *Eclanensis* ordinatus creditur ab Innocentio Romano episcopo. Non diu postquam hanc dignitatem adeptus esset, cum Coelestio, aut eius dogmatibus saltem, sed forte cum vtrisque simul, familiaritatem contraxit: nam Romae aliquantisper commorabatur sub initium episcopatus Zosimi, ut ex Mercatoris testimonio colligi potest. Publice autem huius causae patrocinium suscipere visus est tunc, cum missae a. 418. ad omnes orbis Episcopos Zosimi tractoriae adeoque Pelagii et Coelestii damnationi subscribere detrectaret. Habebat huius criminis seu audaciae socios plures per Campaniam vicinasque prouincias et Siciliam episcopos, eamque non suo tantum sed etiam communi nomine, si Garnerio credimus,

legit et multa sagacitate connectere calluit Ioannes Garnerius tam in notis ad Mercatorem quam ad librum mox laudandum. Potior pars a Mercatore proficiscitur, cui tamen ille nimis credulum se praebuit, omniaque inepti hominis conuicia instar rerum fide dignissimarum habuit,

credimus, excusare studuit literis ad Zosimum et ad Rufum Thessalonicensem scriptis. Nitebatur autem non magis suo ingenio, quam iudicio, quod prius ille episcopus de Coelestii et Pelagii causa tulerat, iratus Augustino, qui suo vnius arbitrio et imperatorem et Romanum episcopum regeret et scriptis suis ecclesiae imperitaret. Hinc praecoces eius in eum impetus, quem, si minus memori animo teneret, quo olim affectu ipsum amplexus esset, saltem ob paternae necessitudinis vinculum colere debebat. Scripsit enim non multo post literas Zosimo destinatas, sed eo iam defuncto quatuor libros aduersus primum Augustini librum de Nuptiis et Concupiscentia; non sine multa acrimonia. Sed vix illi in manus Augustini peruenerant, cum Iulianus episcopatu suo iuxta cum ceteris, qui Pelagii et Coelestii damnationi subscribere detrectauerant, episcopis ex edicto Imperatorum priuatus solum mutare coactus fuit. Constantinopolim adiit non magis sibi propitia fortuna; siquidem ab Attico episcopo vna cum sociis suis ex vrbe pulsus longinquius in Ciliciam iter ingressus est. Ibi apud Theodorum Mopsuestenum, eidem doctrinae fauentem et si Mercatori fidem habeamus, parentem et auctorem eius (non liquet quamdiu et an adhuc post synodum a. 423. in Cilicia habitam) substituisse, atque opus postremum octo librorum elaborasse videtur. Anno 428 *), cum Nestorius ad Ecclesiae

*) Haec inter et tempus in Cilicia transactum scilicet a. 425. accidisse opinatur Garnerius, vt Iulianus episcopatus amissi desiderio et vana spe totius causae retractandae pellectus, in Italiam redierit, Nec procul esse putat huius tam subiti consilii causas. Rescuiisse enim, eodem anno obiisse Bonifacium Pontificem, a quo depositus fuisset, et Honorium
atque

clesiae Constantinopolitanae regimen euectus esset, in urbem regiam rediit, sperans, se noui episcopi interuentu a gratia principis, quod in Occidente amiserat, recuperaturum. Certe de crebris eius apud Theodosium et episcopum Constantinopolitanum querelis testes sunt literae Nestorii ad Coelestinum datae, quae huic ansam praebuerunt, ipsum quoque earum auctorem sat graui odio inimicorum domesticorum pressum consortii haereticorum coarguendi, et fortasse maligna haec suspicio vna ex pluribus causa extitit, cur tardius ei, et ad ista fere nihil responderet, subornato interim Mario Mercatore, qui Constantinopolim aduolans, oblato (a. 429.) Theodosio Commonitorio effecit, vt tam Iulianus quam socii eius et postea ipse Coelestius vrbe detruderentur, mox etiam (a. 431.) in Concilio Ephesino Oecumenico (non absente Mario Mercatore) damnarentur. Post hanc vltimam, vt videtur, rerum eius calamitatem rarefcit in aequalium illorum temporum scriptis eius memoria, nisi quod a Prospero accepimus, eum a. 439. denuo molitum esse sub specie correctionis in Ecclesiae communionem irrepere et amissum episcopatum recuperare, sed Sixtum papam Romanum

atque Constantium, Imperatores, quorum edictis exulare coactus fuisset; rescuuisse item, Bonifacio successisse Coelestinum, virum longe Sixto competitore mitiorem; indeque ausum esse sperare nonnullam rerum commutationem. Sed vt haec praeclare dicta viderentur, si de re ipsa certo constaret; sic nec reditus Iuliani, nec quod a Coelestino iterum expulsus sit vel leuissimo nititur fundamento. Quotquot enim aassert partim Prosperi, partim ex Nestorii epistolis et Concilio Ephesino testimonia, ea vel ad Coelestium vel ad Coelestianos et Pelagianos generatim pertinent, vel primam eius depositionem et eiectionem respiciunt.

Romanum his eius conaminibus fortiter restitisse. Extrema autem vitae eius et quando diem supremum obierit, plane ignoramus *). Quantum ex scriptorum reliquiis et testimoniis veterum cognosci potest, acris fuit ingenii, in graecis et latinis litteris non mediocriter doctus, et lingua promptus, immo eloquens ad quandam nominis claritatem et inter Augustini aduersarios facile grauissimus. Pugnavit enim iisdem armis, quibus S. Doctor tam callide uti solebat, verborum copia, vehementia et ambiguitate, quae si non fallerent semper mentes, obruebant tamen et vel ad tempus detinebant. Superavit autem ingenii dotes animi nobilitate, quae tanta fuit, ut famis et communis angustiae tempore omnia sua indigentibus erogaret. Sed cum ob id a bonis magis diligeretur, non effugere potuit, quo minus aduersariis suis miserationis specie ad capiendos et sociandos sibi nobiles praecipue et religiosos homines usus videretur.

2. Scripta.

Ex omnibus, de quibus certo constat Iuliani scriptis, nullum integrum ad nos peruenit, sed *fragmenta* tantum non admodum lacera quidem et rara transmissa sunt. Alia *plane interierunt*, si recte ad scriptorum celebritatem refertur, quod a Gennadio dicitur *clarus fuisse in doctoribus ecclesiae, antequam Pelagii impietatem in se aperiret*. Sunt autem *genuina*,

*) Felicior tamen fuit *Hieronymus Vigneri*, supplementi Operum Augustini editor, qui in praef. ad secundum tomum laudati operis, in quo sex Augustini contra Iulianum responsionis libros prodidit, haud perfunctoriam de Iuliani extremis in insula Lerino gestis, obitu et intumulatione narrationem instituit. Sed donec fontes, unde tam rara ipsi notitia profluxerit, innotescant; solum eum hac de re doctiorem esse facili animo feramus.

mina, quorum fragmenta aut vestigia saltem restant

- 1) *Epistola ad Zosimum* prima, cuius solus Mercator meminit, et verba Subnotationum libro c. 6. et 9. inseruit, a Iuliano tamen pro suis agnita *). Garnerius in fine dissertationis quintae ad Mariam Mercatorem T. I. pag. 333 sq. ea composuit, in notis quoque ad laudata Subnotationum loca comparandus. Ex eius sententia scripta fuit a. 417. circiter autumnum.
 - 2) *Epistola communis ei cum plurimis (octodecim) Pelagianis episcopis, quam Thessalonicam (ad Rufum Episcopum) miserunt.* Sic Augustinus denotat epistolam, quam in singulari opere IV. librorum ad Bonifacium episcopum Romanum directo refutare studuit, in quorum tribus posterioribus etiam fragmenta eius reperiuntur, a Garnerio ibidem, ubi antecedentia, collecta et ad formam pristinam digesta.
 - 3) *Libri IV. ad Turbantium Episcopum, aduersus librum primum Augustini de Concupiscentia.* Scr. a. ineunte 419. aut sub praecedentis exitum. Fragmenta eorum supersunt in tribus Augustini operi-
- *) Minus accurate haec tradit *Caveus* (T. I. p. 407. ed. Oxon. nou.) duas commemorans *Iuliani ad Zosimum epistolas*, quas *Augustinus libris quatuor ad Bonifacium refutauerit*; et deinceps: *ex his alteram esse octodecim episcoporum Sicularum nomine scriptam et libellum fidei inscribi.* Immo quam primo libro refutat Augustinus, non Iuliani fuit, et si libellus fidei esset ex iis, quas ibidem ille refellit, non tantum vanae operae Garnerius insumpisset in eo Iuliano asserendo, sed facile ex locorum inter se comparatione res confici poterat.

operibus; in libro secundo de nuptiis, in libris VI. contra Iulianum et in opere imperfecto. Reperiuntur autem magna quaedam ex libro primo, parua ex reliquis duobus. Primum enim confutauit Augustinus libro suo secundo de nuptiis, relatis verbatim quaecunque continebat chartula, ex hoc ipso libro primo excerpta et Valerio comiti oblata, atque per Alypium Augustino missa; qua ex charta etiam inscriptionem librorum nouimus: *Contra eos, qui Nuptias damnant, et fructus earum diabolo adsignant.* Ex libris sex contra Iulianum quatuor posteriores ita pugnant cum quatuor Iuliani libris, ut non tantum libri libris, sed capita quoque capitibus respondeant. Garner. in App. ad diss. VI. de scriptis pro Haeresi Pelag. p. 388. De historia eorum in ipsa diss. sexta pag. 349. tractat.

- 4) *Liber de constantiae bono contra perfidiam Manichaei*, cuius fragmenta aliquot seruauit Beda. Scriptus fuit iudice Garnerio post expulsionem e sede sua.
- 5) *Libri octo ad Florum [Beneuentanum] Episcopum aduersus secundum librum Augustini de nuptiis et concupiscentia.* Scr. ut Garnerius contendit, in Cilicia, sed publicati demum circa annum 426. quo ex Italia iterum Constantinopolim fugisse eum fingit. Quinque priores libri, aut etiam sex integri habentur in *Opere imperfecto* Augustini contra secundum Iuliani responsionem. Pendet vero superstitum numerus ab ipsa Augustini operis descriptione, super qua Vignerii sententiam optime refutauit Garnerius in notis ad Subnotationes Mercatoris. Opp. T. I. pag. 34 seqq.

6) *Liber de amore siue Commentarius in Cantica Canticorum.* Solus Beda huius operis mentionem facit, et duobus libris, altero de amore, altero commentario, comprehensum fuisse notat. Ad-
dit etiam, scriptum esse occasione duelli eius cum Augustino. Quare, cum nec Augustinus, nec qui cum eo erant, eius meminerunt, coniici potest, posterius esse libris octo ad Florum, quibus refutandis ille immortalus est. Garnerius posterius esse iudicat, propterea quod totus imitatione Theodori Mopsvesteni, qui amatorie scripserit in Cantica, compositus videatur. Fragmenta aliquot ex Beda collecta habes apud eundem in *App. ad diff. VI. Opp. T. I. pag. 388. sq.*

*Dubia sunt aut omnino falso Iuliano adscripta: Epistola Pelagii ad Demetriadem, quae ut diuerfos maxime auctores partim ignorantiae, partim ingenio hominum debuit, nec effugere potuit, quo minus huic tribueretur. Augustinus porro in Opere contra duas Pelagianorum Epistolas ad Bonifacium, libro primo, redarguendam sibi sumsit epistolam tanquam Iuliani, Romam missam, quam ille tamen suam esse negauit his verbis: Facit quoque Augustinus mentionem epistolae, quam a me ait Romam fuisse directam; sed verba quae posuit, nequiuimus, quo de scripto loqueretur, agnoscere. Nam ad Zosimum quondam illius ciuitatis episcopum super his quaestionibus duas epistolas destinaui; verum eo tempore, quo adhuc libros (contra primum Augustini de nuptiis et concupiscentia) exorsus non eram *).* Alterius ergo cum fragmen-

*) Apud Augustinum Lib. I. Op. imperf. c. 17. — Augustinus respondit: *Haec epistola non est ad Zosimum, sed ad eos seducendos, qui Romae possent*

fragmenta supersint, alteram patet prorsus intereisse. Secus tamen statuit Garnerius. Ponit enim, alteram ad Zosimum epistolam scriptam fuisse octo-
decim episcoporum, subscribere Tractoriae Zosimi detrectantium, nomine et cum forte in manus eius incidisset *libellus fidei quorundam episcoporum ad metropolitam suum* nomine *Augustinum* directus, in quo negant sibi per fidem suam licere damnationi Pelagianorum, ut iussi erant, subscribere: hanc ipsam veram illam epistolam Iuliani assertionibus super alias assertiones coaceruatis, non item probatis, contendit. Ut enim alia mittamus, quae iure meritoque contra eum disputarunt viri accuratissimae doctrinae et certi iudicii, Norisius *), Coustantius **) et Rubaeus ***), id ipsum statim veritate caret, quod altera ex duabus, quas ad Zosimum direxisse professus est epistolis non suo solius, sed episcoporum octodecim, qui ad Rufum Thessalonicensem scripserunt (vnde hoc fingendi ipsi occasio enata est,) nomine

tali suasionem seduci etc. quasi fraus subesset Iuliani verbis. Garnerius (ad Opp. Mercatoris. T. I. pag. 317.) Coelestio eam vindicat.

*) in *Censura Garnerii*, Tomo IV. Opp. a Balleriniis collectorum. Ei debetur coniectura, scriptam fuisse epistolam ab episcopis dioecesis Aquileiensis ad metropolitam Augustinum, qui sedem suam ab a. 408. sat longo temporis spatio, si Chronographis fides habenda, tenuit.

**) in *Notitia scriptorum non exstantium quae ad Zosimum attinent*. n. XI. §. 28. p. 1001.

***) in *Monum. eccles. Aquilei. c. XIV. p. 118.* iterumque in *Tr. de peccato orig. cap. XI. pag. 43.* ubi pluribus Norisii sententiam adstruit. His adde Walchium in *Historie der Ketz. T. IV. p. 677 sq.*

mine scripta fuerit. Confidenter quidem in recensu scriptorum Iuliani asserit, Mercatorem huius libelli meminisse (T. I. pag. 388;) sed frustra locum illum ab eo indicari speres, et si instes, fatebitur (in notis ad libellum T. I. Opp. Mercatoris p. 327.) eum non nisi de *vna*, cuius num. I. mentionem fecimus, testimonium tulisse. Enimuero non contentus fuit Garnerius, vno libro ditorem fecisse Iulianum, sed homo opiniosus hac qualiscunque fidei possessione vltro vsus est, ad aliud quoddam opus ipsi acquirendum. Extat nempe *liber fidei* Graeci cuiusdam, vt videtur, ab incerto quodam in latinum sermonem conuersus, editusque primum e Corbeiensibus MSS. S. Germani de Pratis a Iacobo Sirmondo, qui de auctore nihil definire maluit, quam hallucinari. Huius vero non auctorem modo, sed interpretem simul deprehendisse sibi visus est Garnerius: alterum Rufinum Syrum seu presbyterum Palaestinae, qui a Mercatore magister Pelagii Coelestiique dictus fuit; alterum Iulianum, hac maxime de causa, quod integrae fere ex eo paginae in isto fidei libello, quem recens ei vindicatum iuerat, transcriptae reperiantur, vnde statuit, tantum ex hoc libro profecisse, vt suum fidei libellum voluerit esse Rufiniani paene compendium *).

Sufficere

*) Si amplius acumen eius nosse cupis, vide, quae de tempore versionis huius constituendo ex Gennadio elicit. *Non sine causa*, inquit, *Gennadius de Iuliano*: PRIUSQVAM HAERESIM PELAGII IN SE APERIRET. *Indicauit enim, Iulianum, antequam haeresis Pelagii palam prodiretur, eam in alio aperuisse, Rufino scilicet, cuius confessionem Latinis legendam praebuisset.* Hinc vero colliguntur duo: alterum, versionem eiusmodi edidisse Iulianum, cum adhuc admodum iuuenis foret

§. 3 Edi-
tiones.

Sufficere potest fragmentorum Iuliani sedes in antecedentibus indicasse, quae facile in quibus Augustini editionibus inueniri queant. Sed quo minus in totum hac paragrapho supersedeamus, facit libellus ille a Garnerio sub Iuliani nomine publice propositus, qui sic inscribitur.

1668.

Parisis apud Sebastianum Marbre-Cramoisy, Regis typogr. via Iacobaea, sub Ciconiis. 8. Iuliani Eclanensis Episcopi Libellus Fidei missus ad Sedem Apostolicam in causa Pelagianorum. Prodit nunc primum ex codice Veronensi cum notis et dissertationibus tribus historicis IOAN. GARNERII Soc. Iesu Presb.

Digna notatu sunt, quae de occasione huius editionis ipse prodidit Garnerius, *Hunc*, inquit, *Pater Iacobus Sirmondus, ex codice Veronensi, cum in Italia versaretur, exscripsit sua manu, mihiq[ue] aliquando ostendit, et gratulatus extemporalem de auctore et tempore coniecturam dedit illustrandum notis et typis mandandum.* Mirum quippe non est, quod extemporalem suam coniecturam, Sirmondo approbatam, tantopere fouerit, ut nihil ei officere, nihil non eam iuuare, omnibus persuasum esse vellet. Atqui in MS. codice, vnde libellum Sirmondus

ret: alterum, a Pelagianis eam erroris partem, quae peccatum originale spectat, traditam fuisse primum, quasi Orientalium fidem; immo tertium quoddam coniecto, Iulianum Pelagii exhortationibus e vita coniugali ad arctiorem conuersum esse, indeque Memorio, Iuliani patre, scribente, Augustinum de Pelagii laudibus rescivisse, quae postmodum in libris suis retulit.

dus eruit, nihil super tituli loco positum erat, prae-
 ter quasdam euanescentium literarum figuras, quas
 ille sic expressit IVLI. Benedictini autem et cum iis
 Rubaeus legendas censent INLI. *incipit libellus*, ut
 initium concordet fini: *Explicit libellus fidei* SIC.
 quas literas ibidem suae coniecturae conuenienter in-
 terpretatur Garnerius *Siculorum (episcoporum)*; Bene-
 dictini rectius *Sacerdotum Iesu Christi*. Exhibetur
 autem libellus fidei in quatuor partes distributus, ei-
 que succedunt dissertatio I. *de tempore et auctore Li-*
belli, diss. II. *de vita et moribus Iuliani*. diss. III. *de*
subscriptionibus in causa Pelagianorum, quarto deni-
 que loco notae vberiores in libellum, quibus com-
 parationis et illustrationis causa praemittuntur 1) *Li-*
bellus fidei a Pelagio Romam missus ad Innocentium
Papam. 2) *Fragmenta libelli fidei a Coelestio*
scripti. 3) *Excerpta ex epistola Coelestii ad Cleri-*
cos Romanos (illa, quam Augustinus Iuliani esse pu-
 tauerat) cum *observationibus de tempore, auctore etc.*
eius. 4) *Symbolum Theodori Mopsuesteni interpre-*
te Mario Mercatore: additurque *Appendix de An-*
niano interprete homiliarum S. Chrysostomi, et bre-
uiatore Codicis Theodosiani, quae omnia vna cum
 multis aliis ad Historiam Pelagianae haereseos specta-
 ntibus, fusius tractata et edita sunt cum Operibus Ma-
 rii Mercatoris. Sed Garnerius aliquando ea cum
 hoc fidei libello peculiari volumine editurus erat, ni
 ipse Mercator tardioris morae impatiens mutare sen-
 tentiam coëgisset. Sic tamen non prorsus a se im-
 petrare potuit, quin aliqua saltem ex pluribus suo
 gustanda lectoribus propinaret. Recusus est postea
 hic libellus vna cum disquisitione de tempore et au-
 ctore itemque observationibus in *diss. VI. ad Opp.*
Mercatoris (Paris. 1673.) T. I. pagg. 320—335.
 additis in fine quibusdam ex genuinis Iuliani frag-
 mentis,

mentis, quae supra indicauimus. Ibi quoque dissertatio de vita Iuliani facit caput VI. diss. I. de *prauis auctoribus et defensoribus Haeresis Pelagianae*, pag. 144 sq. quemadmodum de scriptis eius caput IV. *Append. ad diss. VI. pag. 387 sq.* exponit. Dissertatio denique de *subscriptionibus in causa Pelagianorum* inter ceteras ad Mercatorem quantum locum occupauit, pagg. 263—282. Sed et hoc notabimus, ne cui fraus accidat, dari exemplaria editionis seorsim factae, quae annum 1673. in titulo praeferant. Titulus quoque non verbis quidem, sed forma ac habitu suo paulo a superiore diuersus est (caret insigne typographi Ciconiarum;) sed opus ipsum abs vlla mutatione adiunctum habet. Scilicet a bibliopola hoc institutum est, vt emtores alliceret, a quibus forte post editum ex sua officina Mercatorem destitui metuebat. Textum solum libelli huius iterum descripserunt, addita coniectura sua supra indicata, *Monachi Benedictini in Appendice ad T. X. Opp. Augustini P. II. ed. Antverpiensis pag. 74 sq.*

19.

FASTIDIUS.

S. I. Vita.

Britannorum episcopus, vt ait Gennadius, aetatem innuens eo, quod inter Cyrillum Alexandrinum et Theodotum Ancyranum eum recensuit, quibus itaque aequalis fuisse videtur*). Nimis longe petitum est, quod a Pelagio, vtpote conterraneo, iis erroribus infectum autumant, quos in scripto suo non occulte prodidit.

Scriptit

*) *Gennad. de scr. illustr. c. LVI.* Quae recentiores scriptores Britanni de eo memoriae prodiderunt, fabulis accenseri merentur. Cf. *Caues T. I. (ed. Ox. nou.) pag. 491.*

Scripsit eodem Gennadio teste *ad Fatalem de vi- s. 2. Scripta.*
ta Christiana librum et alium *de viduitate seruanda*.
 Sed haec ex parte tantum vera sunt. Restat enim
 opusculum, non in duobus sed vno tractatu compre-
 hensum, ita tamen, vt totum quidem *de vita chri-*
stiana, clausula vero *de triplici viduitate* agat *).

Diu quidem ac saepius hic liber vel seorsim sub s. 3. Edi-
 Augustini nomine vel in collectionibus operum eius tiones.
 tanquam incerti auctoris foetus vulgari consuevit, an-
 tequam ab *Holstenio* vero suo parenti restitueretur.
 Is quippe nactus illum in vetusto exemplari monaste-
 rii Cassinensis, descripsit et typis paratum reliquit:
 publicauit autem ex schedis eius cum duobus aliis
 opusculis Romae 1663. Petrus Possinus ex S. I. mox
 complurium MSS. librorum ope expolitum et cum
 Holsteniana editione collatum recudi fecerunt *edito-*
res Operum Augustini Parisienses, idque nuper ex-
 emplar denuo cum Holsteniano comparatum et ad-

O o 4

nota-

*) Lectio vulgaris Gennadii *ad Fatalem quendam*,
 neminem morari debet. Praeterquam enim, quod
 Corbeiensis codex alteram vocem omittit, appel-
 latio *dilectissima soror*, qua auctor vti solet, erro-
 rem siue ipsius Gennadii, seu librarii prodit. Ni-
 hilominus *Pagius* (in Baron. ad a. 420. §. 29.) ex
 eo ansam cepit, libellum istum Fastidio abiudican-
 di, adsumto altero argumento ex verbis Gennadii,
 quibus *sana et digna doctrina* scriptum illos libros
 dicit, cum tamen in eo, quem Holstenius demum
 Fastidio asseruit opusculo, Pelagianismi vestigia ap-
 pareant. Sed posterius etiam dudum cognita Mas-
 filiensis presbyteri in Pelagianas doctrinas pro-
 pensione reuellitur, adeo vt equidem non videam,
 cur *Walchio* (*Historie d. Ketz.* T. IV. p. 701.) im-
 prudentius viri docti Holstenio assensum praeuissse
 censeantur.

notatione aliqua illustratum dedit *Andreas Gallandius* Congreg. Oratorii Venet. Presbyter; quae ex sequentibus magis patebunt.

SAEC. XV.

1467.

Per Olricum Zel de Hanau. 4. Beati Augustini liber de vita christiana. Eiusdem liber de singularitate clericorum. In fine posterioris: „*Explicit Liber beati Augustini ep̃i. de singularitate clericorum. Per me Olricum Zel de Hanau clericum dioec̃s. Moguntinen. Anno millesimo quatercentesimo sexagesimo septimo.*“ Prior tractatus XIX. folia, alter XXXIII. complectitur, quorum singulae paginae lineis XXVII. constant. *Debure in Cat. Ducis de la Val. T. I. p. 173.* Supra sub *opusculis* plures habes Augustini tractatus huic editioni valde similes, ab eodem haud dubie typographo, circa annum 1470. vt putant, impressos.

Sine anno et loco.

[*Moguntiae apud Petr. Schoiffer*] 4. Incipit prologus beati Augustini de vita Xp̃iana. In fine: *Explicit liber b. Aug. de v. chr. Hec faciendo quisque vitam obtinebit eternam.* Extremo loco insigne Schoefferianum minio, vt solet, impressum conspicitur. Character ex gothico ad rotundum deflectit, sed perquam exilis et rudis est. Signaturae et numeri foliorum plane absunt. Cf. *Cat. Bibl. Duc. de la Val. T. I. p. 174.* Extat item in Bibliotheca Lubecensi.

1500.

Parisis per Alexandrum Aliate. 8. Augustinus de vita Christiana liber. Sic memorat *Orlandi Origine*

Origine e Progr. della Stampa pag. 284. Nescio vero, an et sequens editio huic saeculo sit adnumeranda.

Sine anno.

Parisis ap. Ioh. Lambert. 8. Liber beati Augustini De Vita christiana. Haec in suprema paginae parte, reliqua signum officinae pro more typographorum Parisiensium exeunte saeculo XV. et sub initium XVI. occupat. In fine: „*Explicit etc. Impressus parisijs per Iohānem lambert in vico sancti iacobi commorantem p̄ Dijonifio* (sic) *Rocce.* Literae sunt gothicae minutae.

SAEC. XVI.

1529.

Basileae ap. Froben. fol. De vita Christiana tractatus; in tomo IX. *Opp. Augustini ed. Erasmi* primae, nescio qua pagina; in edd. annorum 1524 et 1569. ibidem *pagg.* 888—903. Erasmus hanc censuram addidit: „Hunc librum non esse S. Augustini, non magis superuacaneum sit, quam si quis admoneat, bubalum non esse equum. Fruatur suo quisque iudicio, ego nihil video dignum in quo tempus terat, cui sit alioqui aliquid ferii negotii.“

1539.

Lipsiae. 8. Augustini de vita Christiana liber, cum praefatione *Georgii Wicelii* senioris, Fuldenfis. *Bemannii Cat. Bibl. Francof. p.* 35. Cf. *M. Bibl. Eccl. Colon.*

1576.

Antverpiae ap. Christoph. Plant. fol. De vita christiana liber; in ed. *Opp. S. Augustini Louanien-*
O o 5
sium

sum Theologorum Tomo IX. pagg. 416—421.
 Ibidem plane eum reperies in repetita *Parisiis* 1586.

S A E C. XVII.

1663.

Romae typis Iacobi Dragondelli. 8. Fastidii
Episcopi de vita Christiana liber denuo editus et Au-
tori restitutus ex MS. Codicis Sacri Casinensis Mona-
sterii, opera et studio Lucae Holstenii Vaticanae Ba-
silicae Canonici et Bibliothecae praefecti.

Additae sunt in pagina extrema *Variae lectiones*
ex Collatione cum MS. Vaticano et cum editis inter
Opera S. Augustini. Prodiit autem vna cum duo-
 bus aliis opusculis hoc communi titulo: *Opuscula*
Tria Veterum Auctorum prolata nunc primum ex mu-
seo Lucae Holstenii Vat. Bas. Can. etc. cura eius,
dum viveret, editioni parata, quae in titulo interiori
 sic notantur: I. *Passio SS. Martyrum Perpetuae et*
Felicitatis cum Testimoniis veterum et Notis posthu-
nis Holstenii. II. *Passio S. Bonifacii Martyris cum*
animadversionibus ad Martyrologium Rom. III.
Fastidii Episcopi de Vita christiana liber. Sed
 praeter haec nihil habent, quo inter se ligentur tria
 illa opuscula; immo quoduis peculiari titulo et prae-
 fatione gaudet et citra dispendium a ceteris separari
 potest. Quo factum est etiam, ut priora duo Pari-
 siis a. 1664. curante Henrico Valesio recusa sint,
 Fastidio non admissio, sed additis in locum eius qui-
 busdam aliorum Martyrum actis.

1685.

Parisiis. fol. Fastidii Britannorum Episcopi li-
 ber de vita christiana; in *Opp. S. Augustini* edd. BE-
 NEDD. *Append. ad T. VI. pag. 183. seq. in ed.*
Clerici.

Clerici. Antverpiae. 1701. pagg. 663—672. Con-
tulerunt editores cum codicibus MSS. Corbeienſi ve-
tere, Remigiano, Michaelino, Victorino ac duo-
bus Sorbonicis itemque cum Holſtenii editione
denuo.

SAEC. XVIII.

1773.

Venetis ex typogr. Io. Bapt. Albritii. fol. Fa-
ſtidii Britannorum Episcopi liber de Vita Christia-
na; in *Biblioth. PP. et SS. Vet. Eccles.* ANDREAE
GALLANDII Tomo IX. pagg. 481 — 89. De Fa-
ſtidio agitur cap. XV. Prolegg pag. XXIX. sq.



VERSIONES. Scilicet de his ſolummodo ea
hic repetemus, quae diligentiffimi auctores *M. Bi-*
bliothecae Eccl. Coloniensis collegerunt et obſervarunt.
Sunt autem *Gallicae* ferme ſequentes:

1542.

Paris par Jean Feuchier. 8. Traitté de S. Au-
guſtin de la vie Chreſtienne avec les traittez de cha-
rité et de la vanité de ce ſiecle et monde inferieur
d'obedience et d'humilité. Et l'eſchelle de Para-
dis. [Trad. par *Joseph Du Chesne* ſieur de la Vio-
lette, conſeiller et medecin ordinaire de Monſeig-
neur frere unique du Roy.] Sic *Duverdier* p. 773.
hanc verſionem recenset inter ſcripta Medici ac Chy-
mici illius ſatis ſua aetate famoſi. Sed *Baelius* ad
memoriam eius obſervat, ſi recte Verderius annum
notaverit, huic non convenire poſſe: ſiquidem Eſſi-
gies eius *Diaetetico Polyhistorico* a. 1606. primum
edito praefixa Autorem tum aetatis annum ſexageſi-
mum egiſſe teſtetur, et aliunde conſtat, eum a. 1609.
obiſſe,

obiisse, vnde colligitur eum anno demum 1546. natum fuisse: praetereaue non credibile esse censet, virum Chymicae arti prorsus deditum S. Augustini libris in vernaculam linguam transferendis operam impendisse.

1577.

Lyon par Benoist Rigaud. 8. Le Livre de S. Augustin de la vie chrestienne traduit par Mr. de Galiffard Docteur en Theologie de l'Ordre des Freres Precheurs. *Duverdier p. 478.* qui male tamen *Guilielmum* appellat, cum potius *Petrus* audierit *), vt ex *Echardo (SS. Ord. Praed. T. II. p. 246.)* auctores nostri monent, vnde simul discimus, *Rena-tum Clavieres* Ecclesiae Anicensis in Velauniis Canonici hanc versionem edendam curasse.

1653.

à la Haye. 12. Traité de la Vie du Chretien trad. par *D. Fleury de Belingen.* Monent Colonien-ses Epistolam Dedicatorem traductoris subscriptam esse a. 1662. vbi vel legendum sit 1652. vel in anno editionis non 1653, sed 1663.

1666.

Regensburg. 12. Augustini Büchlein von Vollkommenheit der Gerechtigkeit. Sub hoc titulo librum huncce germanice conuersum laudat *Lipenius* in *Bibl. Theol.* sub tit. *Perfektio Christiana.*

20.

LEPORIVS.

S. I. Vita. Natione Gallus, vitam monasticam Massiliae sub Cassiano vt videtur ab ineunte saeculo quinto amplexus,

*) In recenti operis illius editione error hic sublatu est.

xus, summa inter suos vitae innocentis atque morum sanctitatis existimatione florebat, cum, incertum quo pacto, sed si ex verbis ipsius concludere licet, epistola quadam sua, duplicis haeresis infamia, nouae alterius, de Christo homine solum nato, et Pelagianae, de homine dei adiutorio non indigente, quam priori consequentem dicit Cassianus *). flagrare coepit, et quod admonitus tam a Cassiano, quam ab aliis, defendere fortasse sententiam suam suscepisset, ex ecclesia Massiliensi vel Aquisi eiectus est. Vnde in Africam profectus cum aliis quibusdam erroris sui sociis in Aurelii Carthagenensis et Augustini praesertim manus incidit, eorumque opera in tantum

*) *Lib. I. de Incarnat. cap. I. Illud sane vnum praetereundum non arbitramur, quod peculiare ac proprium supradictae illius haereseos, quae ex Pelagiano errore descenderat, fuit, quod dicentes quidam, solitarium hominem Iesum Christum sine vlla peccati contagione vixisse, eo progressi sunt, ut assererent, homines, si velint sine peccato esse, posse: consequens enim existimabant, ut si homo solitarius, Iesus Christus sine peccato fuisset, omnes quoque homines sine Dei Adiutorio esse possent, quidquid ille homo solitarius sine consortio Dei esse potuisset; etc. Idem Cassianus in eod. cap. Leporium, ex Pelagii institutione vel potius prauitate descendantem, assertorem praedictae haereseos apud Gallias extitisse dicit, cumque alibi (c. 2.) memoret venenosam istiusmodi pestem aetate sua et maxime Beligarum vrbe emeruisse; quod alii ad Belicam apud Rhodanum in Bressia (Bellay) trahunt, alii Belgarum substituunt Treuiros interpretantur: nonnulli in eo sibi praecipue placentes, si omnia vel leuissima historiae momenta connectere inuicem et aptare possint, coniecerunt, Leporium in ea vrbe errores suos et hausisse primum et docuisse antequam in Prouinciam regressus, per epistolam eos euulgaret.*

tum resipuit, ut publice etiam emendatum se et sanae doctrinae redditum testari cuperet, id quod fecit epistola ad eos maxime, qui ex eo offensam ceperant, Proculum scilicet Massiliensem et Cylinnium Aqueensem aliosque Galliae episcopos directa et hac subscriptione firmata: „*Ego Leporius libellum meo sensu dictatum, in quo fidem meam Deo volent in finem usque tenebo, medullitus exprimere volens coram sanctis episcopis in ecclesia Carthaginiensi relatum subscripsi.* Similia testati erant extorres ceteri pariter correcti. Subscripserant praeterea quatuor Africanæ Ecclesiae Episcopi, Aurelius, Augustinus, Florentius et Secundinus, eius esse testantes et adiunctis ad eosdem episcopos literis, ut sanatos gratanter susciperent orantes. De anno, quando haec acciderint, diuersissimae extant eruditorum, qui has res attigerunt, sententiae. Nobis prae ceteris verior videtur eorum, qui ad annum 418. vel 419, quo ipso Proculus ille Massiliensis obiit, retractationem Leporii referunt; quacum reliqua omnia momenta satis bene congruere videntur *). Licet autem hoc specimine edito cum ecclesia patria in gratiam redisset, ipsum tamen eo reuersum esse haud accepimus. Immo monachi habitu deposito in Hipponensem ecclesiam receptus atque ab ipso Augustino circa annum 425. aut 426. presbyter ordinatus est. Nam ipsum hunc Leporium fuisse, cuius in actis ecclesiasticis, quibus Eraclium sibi successorem destinavit a. 426. sexto Kal. Octobris editis, Augustinus meminit, quemque in sermone *de vita et moribus clericorum* eodem ferme tempore habito his verbis laudavit: *Vobis dico, qui forte nescitis; nam vestrum plu-*

*) Haec est sententia PP. Benedictinorum Congreg. S. Mauri in *Hist. litt. de la France, T. II, pag. 167.*

plurimi sciunt: presbyterum Leporium, quamvis saeculi natalibus clarum, et apud suos honestissimo loco natum, tamen iam Deo seruientem, cunctis, quae habebat, relictis inopem suscepi etc. nemo iam dubitat. Ibi autem adhuc anno 430. eum egisse ex Cassiano discimus *).

Inscribitur opusculum illud, *Libellus Emendationis* § 2. Scripta. *sive Satisfactionis ad Episcopos Galliae **).* Adpellatio autem habet, *Dominis Beatissimis et Venerandissimis Dei Sacerdotibus Proculo et Quillenio (Cyllenio, Cilinio) Leporius Exiguus.* Magna autem ipsi apud veteres tributa fuit auctoritas, adeo ut Leporius etiam inter propugnatores fidei catholicae contra Nestorium censeretur. Fuerunt tamen inter recentiores nonnulli viri docti, qui non tam a Leporio conceptum, quam ab Augustino dictatum existimarent, idque cum ex stili sententiarumque similitudine, tum vero etiam ex eo, quod inter testimonia epistolae S. Leonis CXXXIV. (ed. Quesn. CLXV. ed. Ballerin.) subiecta itemque in actione II. concilii Chalcedonenfis et apud Theodoretum (dial. II.) Augustini nomine inscriptus est. Tale quid priori de causa iam suspicatus erat Garnerius ***), serio autem profiteri sustinuit Paschasius Quesnellus in notis ad laudatam Leonis epistolam, ubi singularem hac de re disputationem inseruit sic inscriptam: *De libello Confessio-*

*) *Cassian. de Incarnat. Lib. I. c. IV.*, quod opus scriptum eo tempore existimant.

**) Additur plerumque in editis, *Confessionem fidei catholicae continens de mysterio incarnationis Christi, cum erroris pristini detestatione.*

***) in *Opp. M. Mercatoris diff. II. de Synodis in causa Pelag. habitis* T. I. p. 230,

*Confessionis Leporii Monachi, cuius auctor S. Augustinus nunc primum asseritur *)*. Sciendum vero, multum eum tribuere Codici cuidam MS. Grimanico, cuius auctoritatem tantam facit, ut haud aegre agnoscas, totam illam coniecturam in eius gratiam esse propositam. Nam cetera argumenta eius certe admodum leuidensia sunt, veluti illud, quod a suffragio Actorum Concilii Chalcedonensis petiit. In iis enim, ut iam a Gallandio est observatum, eadem Leonina epistola recitatur, quam etiam Theodoretus exscripsisse intelligitur. Et haud dubie Leo non aliam ob causam librum istum Augustino tribuit, quam quod ab eo approbatum esse nosset. Levia sunt et haec, quae ex verbis subscriptionis *libellum suo sensu dictatum esse* et quod passim de eo sic loquatur: *huius Epistolae fides, huius Epistolae professio*, cum alioqui a se scriptum et suum dicere debuisset, depromit, cum interea nullius momenti putat, quod ipsi ex Epistola Africanorum Episcoporum obiici possit, qua confessionem illam Leporii *ipsius esse testantur*. Etenim quod addit, multis nominibus ipsius fuisse et dici potuisse, quia videlicet ipsius sensu dictatus, ipsiusque nomine euulgandus fuisset; quia eius fidem emendationemque palam faceret; quia denique propria cum manu descriptum proprioque munitum Chirographo in Gallias mitteret: id vero nugae sunt. Immo nusquam sua manu scriptum legimus, sed ab ipso ex vero animi sensu amanuensi cuidam dictatum, verba superius posita lucide declarant. Quod denique ad stilum ipsasque dicendi formulas apud Augustinum obuias attinet, quis

*) *Opp. Leonis T. II. ed. Paris. pag. 906. ed. Lugd. pag. 508.*

quis dubitauerit, quaeso, eum ad illius viri mentem et scripta se compositurum fuisse, cui sui emendationem potissimum deberet. Ceterum epistola Africanorum episcoporum, qua subscriptionem Leporii testimonio suo confirmant, etiam nunc superest et cum libello isto fere euulgari solet. Hanc autem qui ab Augustino reliquorum nomine scriptam existimant, minus errare videntur. Quapropter etiam epistolis illius inserta est *).

Quo maius autem huic Leporii libello pretium apud omnes orthodoxos statutum fuit, eo citius *intercidere* debuit prior illa, quam proxime attinebat epistola, de qua sic ipse scripsit §. 11. *Epistola itaque, auctor scandali et offendiculum caritatis, a me quondam simpliciter scripta quidem, sed in quibusdam, ut agnosco, infideliter ordinata, quaeso secundum huius epistolae professionem et sanctimoniam vestrae auctoritatem, ut in ea paginae parte, vel causa, in abolitione calcanda ducatur, in qua contra veritatem per ignorantiam edita comprobatur: ut cunctis innotescat et pateat, iusto iudicio illud quod erat aemulum fidei, contrarium veritati, de corpore eiusdem epistolae cum damnatione esse decisum.*

Huius Leoporiani libelli fragmenta inseruerat §. 3. Editiones. olim Conciliis Galliae *Iacobus Sirmondus*, idemque primus a. 1630. integrum ex codice monasterii Heriualensis edidit. Exinde in varias Conciliorum editiones receptus fuit, emendatior etiam a Garnerio attextus Mario Mercatori, insertus porro Bibliothecae PP. Lugdunensi, collectioni Operum Sirmondi nuperque ex eadem recusus in Bibliotheca PP. Veneta. Testis erit sequens indiculus.

SAEC.

*) Epist. CCXIX. Opp. T. II. pag. 810.

S A E C. XVII.

1629.

Parisis. fol. Epistola seu Libellus emendationis Leporii Monachi ad Episcopos Galliae *ex fragmentis apud Cassianum de Incarnatione Domini residuis collectus* cum adnotatione Chronica Iacobi Sirmondi; in *Tomo I. Conciliorum Galliae pag. 52. sqq.*

1630.

Parisis. 8. Leporii Presbyteri Libellus emendationis *integer vna cum Epistola Episcoporum Africae cum eodem missa ad Episcopos Galliae (ex codice MS. S. Laurentii Leodiensis) inter Opuscula Dogmatica Veterum Quinque Scriptorum, qui ante annos M. CC. claruerunt, primum in lucem edita studio et opera IACOBI SIRMONDI Soc. I. Presb. primo loco.*

1644.

Parisis ex Typographia Regia. fol. Epistola seu Libellus Emendationis Leporii Monachi etc. in *Tomo IV. Conciliorum Collectionis Regiae Luparensis pagg. 669—671.* Praemittitur Epistola Episcoporum Africanorum. Monendi autem sunt lectores, non integrum hoc loco exhiberi libellum, ut ab aliis proditum est et facile a quouis expectatur, sed qualis primum in Conciliis Galliae proditus erat, ex Cassiano consarcinatus.

1666.

Lutetiae Parisorum apud Soc. Typogr. librorum officii eccles. fol. Leporii presbyteri libellus Emendationis seu Liber Satisfactionis; in *Petri Delalande Supplemento Conciliorum Vet. Galliae Iac. Sirmondi. pagg. 16—20. cum nota editoris.*

1671.

1671.

Lutetiae Pariflorum. fol. Leporii Monachi et Presbyteri Libellus emendationis seu satisfactionis — missus Carthagine cum subscriptione et epistola episcoporum Africae ad Episcopos Galliae; in *Conciliis Phil. Labbei*, cum notis ex priore transcriptis et nova Observatione Ph. Labbei. Praecedit epistola Africanorum. Notae quaedam postumae Sirmondi exhibentur pag. 1820.

1673.

Parifis. fol. Leporii Monachi Libellus ad Episcopos Galliae, simul cum Epistola Episcoporum Africanorum; repurgavit mendis plurimis et observationibus quibusdam illustravit Io. Garnerius ad *Opp. Marii Mercatoris T. I. pagg. 224—231.* Menda a se sublata Sirmondi diligentiam inexhaustis manuscripti codicis erratis fatigatam effugisse, non ita tamen leuia fuisse, profitetur, quin saepe lectorem a proprio auctoris sensu ad falsum auerterent. Non autem ignorari debet, esse hunc Libellum cum Epistola laudata a Garnerio tanquam *Acta Synodi XX Africanæ Vniuersalis in causa cum aliorum, tum etiam Leporii Monachi*, quam ab Aurelio a. 425. Theodosio Augusto XI. et Valentiniano Caesare Coss. congregatam vult, proposita: quanquam haec synodus merum Garnerii figmentum est, quo scilicet numerus rerum in Dissertatione II. ab eo tractatarum speciosior exiret, cui tamen ipse quod prae-tenderet adeo parum inuenit, vt non erubuerit fate-ri, se haud nosse, quid in ea actum sit, *nec canones conditor opinari, sed actum esse vel de sola iam du-dum recognitorum executione, vel de causis ad perso-nas pertinentibus, quae ex prouinciis delatae essent.* Sicuti omni omnino probabili ratione egent, qui

Leporii libellum coram Synodo quadam recognitam contendunt, quippe quod vnum illud Romani Episcopi testimonium *) minime euincit. Ceterum haec Garnerii opera recula est in *Appendice Augustiniana* Ioannis Clerici. pag. 142.

1677.

Lugduni apud Anissonios. fol. Leporii libellus emendationis etc. in *Tomo VII. Bibl. PP. Max.* pag. 14 seq.

1696.

Parisis ex Typogr. Regia. fol. Leporii Presbyteri Libellus Emendationis etc. inter *Opuscula Dogm. Vet. V. SS. Iacobi Sirmondi* recula in *Operibus* eiusdem *Tomo I. pagg.* 346—58. Adiecta est Africanorum Epistola. Subiunxit editor *Iacobus de la Baune* notas eius omnes nec non eas Garnerii.

SAEC. XVIII.

1715.

Parisis ex Typographia Regia. f. Leporii Monachi Libellus Satisfactionis praemissa Epistola Episcoporum Africae, quam cum Leporii libello miserunt ad Episcopos Galliae; in *Tomo I. Concilior. Harduini pagg.* 1263—1270.

1773.

Venetis ex Typogr. Io. Bapt. Albritii. fol. Leporii presbyteri Libellus Emendationis seu Satisfactionis

*) In epistola III. ad Auienum et alios Senatores locum recitans ex hoc libello, Leporius, inquit, in epistola, quam Aurelius Episcopus Carthaginensis et Augustinus et SYNODVS AFRICANA confirmavit. Sed posterius fortasse non aliam ob causam, quam quod in Ecclesia recitata dicitur, locutus est.

tionis vna cum Epistola Episcoporum Africanorum in *Bibl. Vet. PP. et. SS. Eccles. Andreae Gallandii Tomo IX. pagg. 396—400.* Imprimendum dedit exemplum in Operibus Sirmondi propositum, id est, textum editionis primae cum emendationibus Garnerii notisque eius et Sirmondi. In *Prolegg. caput X. pagg. XXII—XXIV.* Leporio dicatum est.

1789.

Parisis sumtib. Petri Didot. F. Primog. fol. Leporii Presbyteri Libellus ad Episcopos Galliae vna cum epistola Episcoporum Africae ad Gallos et aliis documentis ad eius et sociorum emendationem pertinentibus, instructus notis ac observationibus a *Monachis Congreg. S. Mauri Paris.* in *Tomo I. Collectionis Conciliorum Galliae, pagg. 351—366.*

21.

PAVLINVS MEDIOLANENSIS.

S. Antistitis, cuius vitam scripsit, dum viueret *g. i. Vita amanuensis*, non multo autem post ipsius obitum ecclesiae Mediolanensis diaconus, Mediolani natus atque educatus videtur, et fortasse dum adhuc inferioris ordinis clericum ageret, Augustino ibidem commoranti innotuit. Apparet enim, cum paucis post Ambrosii excessum annis Africam se contulisse, atque eius consiliis et auctoritati tradidisse regendum. Dum autem Carthagine subsisteret et fortasse presbyterii honorem in ea ecclesia opperiretur, accidit, ut eodem deferretur Coelestius ad eandem dignitatem adspirans. Cui cum ex optato res succedere, nec amplius dubium videretur, quin isto honore potiturus esset, feliciter Paulinus detexit, eum noua dogmata per urbem spargere et oblato patribus Carthagenensis

ginensis synodi a. 412. aduersus haereticum libello ab omni spe cogitationum suarum rursus deturbauit. Quae deinceps ipsum inter et Zosimum Romanum Episcopum huius causa acta sint, supra in Coelestii vita enarrauimus. Tum tamen nondum presbyteratum obtinebat, quem, si Isidoro Hispalensi fides, tandem adeptus est.

§.2. Scripta.

Tria iam supersunt huius opuscula:

- 1) *Vita Ambrosii*, scripta hortatu Augustini in Africa post annum 400. quin absoluta demum post a. 412. Nam non solum Venerii meminit, qui post Simplicianum, Ambrosii successorem, sedem Mediolanensem ab a. 400. usque ad annum 408. seu 409. tenuit, sed mentionem etiam facit Ioannis praefecti praetorio, qui sub Honorio hanc dignitatem annis 412, 413. et 422. obtinuit, ut ex *περσωπογραφία* Codicis Theodosiani constat.
- 2) *Libellus aduersus Coelestium Zosimo papae oblatus*, scr. a. 417. et consignatus *VIII. die Nouembris*.
- 3) *De Benedictionibus Patriarcharum*, de quo testimonium tulit Isidorus Hispalensis. *Paulinus*, inquit, *presbyter explicuit in benedictionibus patriarcharum triplici intelligentiae genere libellum, satis succincta breuitate compositum*: sed quod, antequam ipsum opusculum a Mingarellio euulgaretur, vix fidem apud criticos meruit, censentes, Isidorum perperam Paulino *Rufini* Opus *de Benedictionibus Patriarcharum* tribuisse.

Intercidit vero libellus accusationis contra Coelestium, quem Synodi Carthaginensis patribus obtulerat.

Vita Ambrosii sub Paulini Nolani vel Paulini Episcopi nomine, inde, ab a. 1474. in omnibus paene opusculorum vel Operum Mediolanensis Antistitis editionibus excudi consuevit, atque in nouissima *Benedictinorum editione* ad plures MSS. codices repurgata legitur in *Appendice Tomi II. pagg. 2—14.* Inserta quoque *Aëtis SS. Surii IV. Aprilis.*

Libellum Zosimo oblatum primus e Vaticano Codice edidit *Card. Baronius* ad a. 418. num. XII. XIII. XIV. XV. Exinde repetitus est in *Conciliis Labbei Tomo II. pagg. 1578—80. *)* cum observatione eiusdem Labbei; insertus quoque a *Benedictinis* inter *varia scripta et monumenta ad Pelagianorum historiam spectantia* in *II. Parte Append. T. X. Opp. Augustini* (ed. *Antwerp. p. 69.*) Mox de novo ad Vaticanum codicem et superiores editiones recognitum et annotationibus doctissimis illustratum dedit *Constantius* inter *Epistolas Rom. pontiff.* cum epistolis Zosimi *pagg. 963—68.* Labbei tamen editionem repraesentavit *Manfius* in *Tomo Contilior. pagg. 381—84.*

Pp 4

Tandem

*) Inscríbítur ibi, *Paulini Diaconi libellus, Zosimo papae oblatus* in gratiarum actionem *post damnatos apostolica autoritate Pelagium atque Coelestium:* ex Baronio scilicet, qui nescio quam gratiarum actionem pro fine totius epistolae venditat, quae re ipsa excusatoria est et callide nectit causas, cur ad iudicium Zosimi, ad quod vocatus erat, venire non possit nec debeat, inter quas gratiarum actio de lata pro se (Paulino) sententia, tanto acerbior est gestorum Zosimi exprobratio, quo minus ille tum Coelestium damnasse videri poterat aut videri volebat. Sed quaecunque hic contra veritatem peccauit Baronius dudum correxerunt *Garnerius* ad Mercatorem *diff. II. T. I. p. 206.* et *Pagius* (ed. *Manfi T. VII. p. 110 seq.*) vt mirum sit, peiorem sententiam ab aliis posthac repeti potuisse.

Tandem *tertium* quoque opusculum diu desideratum et iam plane in dubium vocatum claustra, quibus abscondebatur, perrupit. Prodiit enim anno

1751.

Bononiae apud Hier. Corciolani etc. 4. Paulini Mediolanensis de Benedictionibus Patriarcharum libellus cum notis ac praefatione *Ioannis Aloyssi* MINGARELLI *S. Salu. Bononiae Canon.*; in *Anecdottis* ab iisdem *Canonicis vulgatis* T. II. P. I. pagg. 199—237.

Codex, vnde opusculum istud editur, est Bibliothecae S. Saluatoris Bononiae vetustissimus et haud procul ab ipsa scriptoris huius aetate remotus. Titulum non habet, sed loco eius librarius non indolitus adscripserat: *Vel est Paulini presbyteri, ut Isidorus de viris illustribus capitulo IV. dicit, vel Rufini Aquilejensis presbyteri, ut Gennadius de Viris Illust. c. XVII.* Rufini opusculum similis argumenti male ab Isidoro Paulino tributum esse, non tantum suspicati erant, sed confidenter affirmarant Io. Caveus et Casimirus Ondinus. Sed hic certe libellus diuersus est cum a Rufini, tum ab Ambrosii in eadem materia opere. Editor autem eruditione accurata iuxta quam ingenio liberali conspicuus in laudata praefatione solertissime ostendit: 1mo. Isidorum Paulini nomen ac genuinum opus ignorare non potuisse, ipsiusque testimonium ab Honorio Augustodunensi esse confirmatum, qui postquam in Rufino libri eius de *Benedictionibus Patriarcharum* mentionem fecit, eodem de argumento Paulinum scripsisse affirmet. 2do. Proprium Isidori consilium fuisse ea, quae ab Hieronymo et Gennadio omissa essent, in suo opere supplere, adeoque non potuisse Rufinum cum Paulino, aut Rufini opusculum cum Paulini

Paulini opusculo confundere, ut qui probe nosset a Gennadio commemoratum Rufini *de benedictionibus Jacob et Patriarcharum* libellum; 3tio. Ipsum Isidorum in Commentariis V. T., dum singulas Patriarcharum benedictiones exponit, multa uti ex Rufino, ita ex Paulini hoc libro desumpsisse videri (quod pluribus in annotationibus opusculo subiectis demonstratur;) eumque, qui commentaria sua ex collectis veterum Scriptorum sententiis se confecisse profiteatur, antequam de benedictionibus Patriarcharum scriberet, non potuisse Ambrosii, Rufini et quem a Paulino ea de re scriptum nouerat libellum non percurrere ac discernere. 4to. Non competere Rufini libris duobus haud ita breuibus, quod de Paulini opere scribit Isidorus, illud *satis succincta breuitate esse compositum*; 5to. Id vero mirifice conuenire huic opusculo, cui praeterea et illud, quod ipse Isidorus ex eo hausisse videatur, itemque quod hic scriptor multis in locis sequi videatur Ambrosium, nec non stilus ei, quem Paulinus in Ambrosii vita adhibuerit, persimilis, et loquendi modi utrobique pares, demum ipsa opusculi vetustas, quod se multo ante Isidori aetatem scriptum prodat multis indiciis, imprimis autem hoc, quod scripturae loca non modo ex Hieronymi translatione auctor proferat, verum etiam ex vetustiore alia, quae *Italica* dicebatur. Remouet deinde dubia quaedam, quae obmoveri posse videbantur, alterum, quod *triplex intelligentiae genus* habuisse dicatur a Paulino Isidori opusculum, cum hocce duplex tantum, *historicum* et *mysticum*, non item et *morale* habere videatur: vult enim triplicem intelligentiam ideo Isidorum agnovisse, quod saepe, quae ad moralem sensum spectant, Paulinus intermisceat; alterum, quod scripturae loca, non modo ex *Italica*, quae dicitur, verum

etiam ex Hieronymi translatione allegentur, cuius usum ante Gregorii M. tempora non inualuisse, nonnullorum fuit sententia. Sed nisi haec iam satis Leonis M. et Hilarii Arelatensis exemplis refellere-
tur, amanuensibus id non iniuste tribui posse monet, quos saepe in aliis Hieronymianam versionem substituisse nouimus. Et re vera eiusmodi interpolatio-
nis vestigia non obscuraprehendisse se Mingarellius affirmat. Ceterum cum iam fragmentum huius opusculi olim incidisset Martianaus, in quinto tomo operum Hieronymi illud edidit, sed mendis plenum: inde vero id ipsum iisdem mendis refertum in suam editionem transtulit Vallarsius, cui, cum aliquot post annos Rufini opera edere meditaretur, totum opusculum accuratissime exscriptum misit Io. Chryf. Trombellius, ut fragmentum, quod una cum Hieronymi operibus imprimendum curarat, emendaret, emendatumque ac perfectum in Appendice Rufini enulgaret. At Vallarsius eo quidem ad illustrandum Rufinum usus est, sed totum non edidit.

Haecenus de singulorum opusculorum editionibus; nunc etiam collecta exstant hoc titulo.

1773.

Venetis. fol. Paulini Mediolanensis opuscula III. I. Vita S. Ambrosii Mediolanensis episcopi. II. Libellus aduersus Coelestium Zosimo papae oblatus. III. Libellus de Benedictionibus Patriarcharum; in T. IX. *bibl. PP. Andreae Gallandii pagg. 23—41.*

Duo priora iuxta optimas Benedictinorum et Constantii editiones expressa sunt, notis quoque exinde, sicuti et ad tertium opusculum ex Mingarellio deriuatis, cuius tamen vberiores annotationes omis-
sae sunt. In *Prolegg. capite II. pagg. V—VIII.* de Paulino, differitur.

EVODIVS EPISCOPVS VZALENSIS.

Tagasta, celebris Augustini natalibus, Euodii §. I. Vita. quoque patria fuit: quo vinculo vterque diuinitus quasi mutuo amoris et amicitiae, quae arctissima inter ipsos fuit, destinati fuisse videntur. Parentes non mediocris loci ac fortunae eum habuisse oportet. Nam admodum iuuenis ad negotia publica admotus *Agentis in rebus* personam sustinuit, sed ad fidem christianam conuersus baptizatusque ante Augustinum saeculo valedixit. Vix autem nuntium de iis perceperat, quae amico Mediolani contigissent, cum sine mora ad ipsum suo ardore subleuandum properaret. Hinc crebra ipsius atque officiorum eius cum in Confessionibus, quae haec tempora spectant, tum in aliis libris, in quibus etiam loquentem inducit, mentio: ut palam adeo ferat Augustinus, quantum huius quamuis iunioris amici ingenio et studiis sensus ac cognitio veritatis in se cultus atque perfectus sit. Nec improbable videtur, Euodium in Africa quoque, quo redeuntem Augustinum comitatus erat, tam in secessu prope Tagastam, quam postea in monasterio, quod Hippone instituerat, cum amico egisse. Postquam circiter annum 396. aut 397. episcopatum oppidi Vzalis in prouincia Proconsulari, haud procul ab Utica occupasset, saepius gestis per id tempus contra Donatistas atque Pelagianos interfuit *). Quo etiam pertinet, quod consultus in causa dissidii Monachorum Adrumetinorum epistolam ad eos dedit a. 427. qui quidem annus terminus extremus est, ad quem memoria eius pertingit. Inclaruit miraculis, quae

*) Singula habes apud *Tillemontium* T. XX. pag. 582 seqq.

quae apud Vzalim ad Reliquias S. Stephani Martyris, quas Orosius a. 416. ex Palaestina redux secum asportauerat et ex parte Euodio donauerat, fieri dicebantur, quaeque passim Augustinus, ad Euodium ipsum prouocans laudat.

§. 2 Scripta.

Superfunt *quatuor* Euodii *Epistolae ad Augustinum*, una porro quam cum aliis quatuor episcopis misit ad *Innocentium*, et *fragmenta Epistolae ad Monachos Adrumetinos*. *Deperditum* existimant *librum de miraculis in Africa ostensis per reliquias Stephani*, quem ab eo scriptum tradit Sigebertus Gemblacensis. Certe ipsius non sunt, qui vulgo ei tribuuntur, *libri duo de miraculis S. Stephani*, editi ad calcem operis de *Ciuitate Dei*, Tomo VII. Operum Augustini editionis Benedictinorum, sed ad eum potius et iussu eius scripti cognoscuntur. Vereor autem, ne Sigeberto eadem vulgi opinio fraudem fecerit, neue existimarit eius aequae dici posse libros, cuius ad mandatum scripti sunt. In quo fortasse minus hic errasse videri possit, propterea, quod is, qui libros istos exarauit, haud dubie instructus fuerat ab ipso Euodio rerum gestarum commentariis. Omnino vero non probabile videtur, Euodium ipsum de miraculis istis scripsisse, et alii iniunxisse eandem prouinciam.

Tribuitur quoque Euodio in quibusdam MSS. codicibus liber *de fide* seu *de Vnitate Trinitatis contra Manichaeos* inter Augustinianos reperiendus.

§. 3 Editiones.

Epistolae quatuor ad Augustinum, sicut illa *quinque Episcoporum ad Innocentium*, habentur inter Augustinianas num. XCV. XCVIII. CCXLVI. CCXLVII. et CCLVIII. in Benedictinorum edit. num. CLXXVII.

CLXXVII. CLXIII. CLX. CLXI. et CXLIII *) . Posterior quoque in omnibus paene epistolarum Innocentii editionibus exscripta legitur.

Fragmenta epistolae ad Monachos Adrumetinos edita sunt primum e Codice Corbeienſi a Sirmondo in *historia Praeſtinationiana* cap. I. et a *Benedictinis* ad *Epistolam* CCXVI, quae alias fuerat CCLVI. Cetera haberi ſcribit Sirmondus in Codice abbatae S. Maximini Treuirenſis. Liber *de Vnitate S. Trinitatis* inter genuina Auguſtini opera locum olim obtinuit, in ed. *Eraſm.* et *Louan.* Tomo VI. et in *Antverpienſi* quidem pagg. 236—42. hac cenſura addita; „*De libri huius authore nulla fuit vnquam dubitatio, plane enim Auguſtini eſſe videtur: vt mirum ſit, nec in Retractionibus eum haberi, nec in indiulo. Sed iſdem locis abeſt quoque liber de Vnitate Trinitatis contra Felicianum: quem tamen Beda Auguſtini eſſe agnoſcit, in 1 Cor. 1. „Benedictini tamen poſt Bellarminum, Vindingum alioſque Auguſtino abiudicarunt et inferuerunt Appendici Tomi Octauī, (in ed. Antverp. pagg. 24—34) allegantes praeter ipſius Auguſtini in Retractionibus et Poſſidii ſilentium, etiam ſtili diuerſitatem ac debilitatem diſputandi rationem. In MS. codice Corbeienſi Euodio tribui, Sirmondus ſcripſerat. At ex Patrum Maurinorum Admonitione diſcimus, hanc auctoritatem ſatis eſſe ambiguam. Docent enim, in antiquis codicibus reperiri hunc librum proximo loco poſt Auguſtini tractatum de fide et ſymbolo, interiecta adnotatione, quae in Foſſatenſi oſtingentorum*

*) Totidem Auguſtini ſunt ad Euodium nempe C. CI. XCIX. CII. ed. *Bened.* vero CLIX. CLXII. CLXIV. et CLXIX. praetereaue tractatus *de anima Chriſti apud inferos.*

rum annorum codice sic sonet: *Explicit in Christo Iesu Filio Dei Tractatus Aureli Augustini episcopi de fide Catholica. Incipit aduersus Manichaeos*; adeo vt spectata vocum interpunctione haud facile definiri possit, illene *de fide Catholica* tractatus appelletur, qui *Explicit*, an qui *Incipit*. Inde vero accidisse putant, vt liber subsequens tribueretur Augustino et *de fide* inscriberetur, quamquam haec inscriptio praecedenti magis quam subsequenti conueniat et in aliis codicibus, in quibus accuratior interpunctio, ad praecedentem referatur. Atque in horum numero esse aiunt Codicem vetustissimum Corbeiensem, in quo, relicto ab illa quae praecedenti libro apponitur clausula, *Explicit in Domino Chr. F. D. Tr. A. Aug. de fide Catholica*, septem circiter versuum spatio vacuo, seorsim in alterius folii capite exhibeatur titulus subsequents libri hunc in modum: *Incipit eiusdem contra Manichaeos. Vtrum eiusdem, utrum sancti Euodii ignoratur*. Huic vero Corbeienfi, Colbertinum aliosque MSS. codices eandem dubitationem praeferentes consentiebant.

23.

VIGILIUS DIACONUS.

Vigilius Diaconus, inquit Gennadius cap. LI., composuit ex traditione Patrum *Monachorum regulam*, quae in coenobio ad profectum fratrum in conuentu legitur, breuiato et aperto sermone totius monasticae professionis in se tenentem disciplinam. In Trithemii commentariis autem haec leguntur: „Vigilius Diaconus et monachus, vir in scripturis sanctis studiosus et eruditus, monasticae disciplinae custos et rector, fertur ad aedificationem monachorum quaedam cudisse opuscula, quae ad nostram memoriam

memoriam venire et locorum et temporum distantia prohibuit. Dicit autem presbyter Gennadius, scripsisse illum valde utilem regulam de conuersatione monachorum lib. I. De ceteris non loquitur. Claruit sub Honorio et Theodosio principibus. Anno CCCCXX.“

Extat tamen haec regula sub titulo *Regulae Orientalis ex Patrum Orientalium Regulis collectae a Vigilio Diacono in Codice Regularum*, quem edidit Romae a. 1661. 4. Lucas Holstenius, Parte I. ed. Paris. 1663. 4. pagg. 88—95. et nouae, quam accurauit Marianus Brockie et post mortem eius ediderunt socii eius *Augustae Vind.* a. 1759. sex Voluminibus in folio, T. 1. pagg. 60—64.

24.

SEVERVS EPISCOPVS MILEVITANVS.

Augustini familiaris et admirator plane in laude eius exultans, scripsit iam grandaeuus, vt videtur, et ingenio animi gestientis sensui exprimendo impari *epistolam*, quae etiam nunc superest. Obiit ante Augustinum, vt ex Actis huius super Eraclio successore designando a Notariis exceptis (Ep. CX.) patet.

Epistola laudata, inscripta *Venerabili ac desiderabili et toto sinu charitatis amplectendo episcopo Augustino*, inter Augustinianas ed. *Erasmi*. et *Louan.* num. XXXVII. *Bened.* num. CIX.

25.

MAXIMVS EPISCOPVS TAVRINENSIS.

Si tantum rerum gestarum magnitudine quantum *1.* Vitae praedicandi facultate clauisset Maximus, tantumque nobis prisca memoria de vita eius tribuisset, quantum ipse in scriptis suis ad ingenii morumque
 imagi,

imaginem refingendam materiae reliquit: profecto non accusanda foret in praesenti dicendorum inopia, quae adeo de accurata temporis quod in vita transegit definitione laborare nos facit. Nempe id vnum certo scimus, *Maximum Episcopum Taurinatis* subscripsisse anno 451. epistolae synodicae Eusebii Episcopi Mediolanensis ad Leonem Magnum, eundemque anno 465. interfuisse concilio Romano sub Hilario Leonis successore coacto, eiusque actis primo loco post Romanum episcopum atque ante Metropolitam Ebrodunensem et Mediolanensem subscripsisse: id quod non sedis, sed aetatis longaeuae praerogativae, ut qui reliquis in synodo praesentibus episcopis prior ordinatus fuisset,tribuendum non iniuria existimant. Ab hac vero aetatis exploratae nota retrogradum faciunt ad anteriora vitae eius tempora, qui iudiciis qualibuscunque in sermonibus eius obviis confidunt. Quibuscum non luctabimur, si ex elogiis eius in *S. Eusebium Vercellensem*, Vercellis eum natum educatumque, item sacerdotio initiatum et praedicandi munere primum in eadem urbe perfunctum esse colligant *). Sed si ex iis, quae in sermone *de Sanctis Martyribus Anauniensibus*, interuentis a. 397. ad memoriam eorum commendandam loquitur, necessario effici existimant, sermonem illum aut eodem anno aut paulo post ab eo fuisse habitum **), nos assentientes non habebunt. Quin nec alterum concedimus, quod ex secundo de iisdem Martyribus sermone ex iniecta imperialis edicti de

*) Vide *Sermonem* VII. VIII. et IX. de *S. Eusebio* et quae ex iis adducit *Gallandius* l. infra laudando.

**) *Gallandi in Prolegg. ad T. IX. Bibl. PP. c. IX. §. II.* hoc imprimis urget a se recens repertum argumentum.

de idolorum fanis subruendis mentione ad corroborandam priorem coniecturam afferunt, qua Maximus iunioris Valentiniani constitutionem *datam III Kal. Mart. Tatiano et Symmacho coff.* id est anno 391. respexisse existimant *). Quod qui amplectuntur, volunt eo tempore, quo duos istos sermones habuisset, presbyterii gradu insignitum eum fuisse, ne scilicet ultra modum anni eius extendantur, si iam a. 397. episcopali dignitate conspicuum facerent, quem anno 465. in viuis adhuc fuisse compertum est. Sed nihil vetat, quo minus ea, quae dictis locis recitat, post viginti et plurium annorum interuallum tanquam *suis temporibus et nuper gesta* commemorare potuerit. Quemadmodum ex eo, quod in Sermone IV. de *Natiuitate* ait: *haeresim louiniani synodalis noster uno ore damnauit conuentus*, falso aliquis colligeret, eum inter patres confedis-
 se, qui anno 389. in concilio Mediolanensi illam haeresim damnarunt. Sed si istis virorum doctorum argumentis non tantum efficaciae tribuimus, quantum ipsi inesse putant et ab aliis agnosci volunt, ipsi tamen non negamus, subesse iis aliquam veri speciem hactenus, vt Maximus ineunte saeculo V. vel paulo post initium eius muneribus ecclesiasticis fungi coepisse videatur adeoque versus finem saeculi IV. natus fuerit et forte octogenarius, vel nonagenarius etiam, diem supremum, aequae ac cetera ignotum **), obierit.

Maximus

*) *Idem* §. III. Quae contra *Brunus* in *Vita Maximi* (pag. CXXXVIII.) monet, potuisse eum etiam respicere legem Theodosii iunioris et Valentiniani III. *datam a. 426. iisdem Theodosio XII. et Valentiniano IV. Coff.*

**) Gennadii super hoc errorem aut librariorum potius in eo loco oscitantiam pridem viri docti emendarunt.

§ 2. Scripta.

Maximus Taurinensis Ecclesiae Episcopus, inquit Gennadius, in diuinis scripturis satis intentus et ad docendam ex tempore plebem sufficiens, composuit in laudem Apostolorum tractatus et in Ioannis Baptistae, et generalem omnium Martyrum homiliam. Sed et de capitulis Euangeliorum et Actuum Apostolorum multa sapienter exposuit. Fecit et duos de sancti Eusebii Vercellensis Episcopi et Confessoris vita tractatus, et de sancti Cypriani; specialem de baptismi gratia librum edidit. Scripsit de auaritia; de hospitalitate; de defectu lunae; de eleemosynis; de eo, quod scriptum est in Isaia: Caupones tui miscent aquam vino; de passione Domini; de ieiunio servorum Dei; de ieiunio speciali Quadragesimae, et quod non sit in eo iocandum; de Iuda traditore; de cruce Domini, de sepulcro eius, et de resurrectione ipsius; de accusato et damnato Domino apud Pilatum; de Kalendis Ianuarii. Scripsit etiam homilias de natali Domini; homilias de Theophania, et de Pascha, et de Pentecoste multas; de hostibus carnalibus non timendis et de gratiis post cibum Deo agendis, de poenitentia Niniuitarum et multas alias eius homilias de diversis legi, quas retineo (forsan reticeo). Eadem omnia eodemque paene ordine et designatione recitat Trithemius *), praeterea vero de officio Missae librum I. de sancto Laurentio hom. 3. et de sancto Stephano hom. 1., quibus omnibus enumeratis addit: scripsit et alia multa: sermones et tractatus, epistolas et homilias, quae ad notitiam meam non peruenerunt. Huic vero pos-
tremo

*) Quemadmodum enim Gennadius alios tractatus, alias homilias appellat, sic Trithemius in libros et homilias dispescit et utroque nomine eosdem fere quos ille designat.

stremo vtriusque viri asserto veteres libri MSS. plane assentiuntur, ex quibus longe plures sermones, quam ab illis diserte laudati erant, iteratis virorum doctorum studiis iam pridem sunt eruti, nuper vero et iste numerus ultra dimidium in Romana editione ad-auctus est, omniaque vetustissimarum et optimarum membranarum testimoniis ita sunt confirmata, ut de sinceritate eorum tractatum, qui Maximo hic asse-runtur, dubium superesse non possit. Iam ergo no-vissimae huius editionis indicem et distributionem vi-deamus. Constitutae sunt ab editore *tres classes* seu *collectiones*, *Homiliarum* scilicet, *Sermonum* et *Tractatum*, quibus adiecta sunt *dubia* aut quae *Ma-ximo* plane videbantur *indigna*, inter quae etiam *Epistolae duae*. Homiliae porro et Sermones trisa-riam diuisae sunt et inscriptae *de Tempore*, *de San-ctis* et *de Diuersis*: quibus nominibus plerumque significari solent orationes mobilibus diebus festis, de laudibus Sanctorum, Martyrum et Confessorum in solemni eorum natali die habitae; et quae ad lo-cum aliquem sacrarum Scripturarum illustrandum pertinent, aut solemnibus quibusdam occasionibus fuerunt recitatae. Haec distributio editionibus su-perioribus est consona et debetur lectionariis an-tiquis, ex quibus primum Maximi sermones seligi coeperunt. Quibus autem de causis priorem ample-xus sit, nec ipse explicat, nec alius quisquam facile detegit. Nam quae ab eo afferuntur de homiliarum et sermonum discrimine ex Ducangio *), ea nec in Maximianos quadrant, nec omnino hic expeteban-tur. Nempe non tam quaerebatur quae vocum sit illarum significatio, quam potius, quo iure, quibus-ve iudiciis singulas orationes in hanc illamve colle-

Qq 2

ctionem

*) in Praef. §. XXVIII. p. XXXVII.

ctionem adlegerit, praesertim cum vix credibile sit, libros MSS. in hoc satis constantes ei duces fuisse. Sed accipe indicem.

I. HOMILIAE. *De Tempore.*

I. *Ante Natale Domini.*

II. *In aduentu dominico, et de eo quod scriptum est,*
Luc. 17.

III. *Super eadem verba Euangelii.*

IV. V. *Ante Natale Domini.*

VI—XV. *De Natiuitate Domini I—X. Ex his quatuor priores nunc primum sunt editae.*

XVI. *De Kalendis Ianuariis.*

XVII—XXVIII. *De Epiphania Domini I—XII. ex quibus I. II. III. IV. et VI. a Bruno primum sunt repertae.*

XXIX—XXXV. *De Baptismo Christi I—VII. quarum II. III. IV. et V. antea erant ineditae.*

XXXVI. *In Die Cinerum.*

XXXVII. *De Ieiunio Quadragesimae.*

XXXVIII—XLIV. *De Quadragesima II—VIII.*

XLV. *Dominica in ramis Palmarum.*

XLVI. *De accusato et iudicato Domino apud Pilatum.*

XLVII. *De eodem iudicio.*

XLVIII. *De Iuda proditore.*

XLIX. *De passione et cruce Domini I.*

L. *De Cruce Domini II.*

LI. LII. *De sancto Latrone I. II.*

LIII. *De Poenitentia Petri et ostiaria ancilla.*

LIV. *De eodem Petro Apostolo.*

LV. *De festo Paschae I.*

LVI. *De Maria Magdalena et Resurrectione Domini II.*

LVII—LIX. *De eadem Paschae solemnitate III—V.*

LX.

LX. *De Ascensione Domini.*

LXI—LXIII. *De solemnitate Sanctae Pentecostes I—III.*

Homiliae de Sanctis.

LXIV. *In Natali S. Stephani Leuitae et Protomartyris.*

LXV—LXVII. *In Die Natiuitatis S. Ioannis Baptistae I—III.*

LXVIII—LXXIII. *In Natali SS. Apostolorum Petri et Pauli I—VI. quarum vltima haecenus fuerat inedita.*

LXXIV—VI. *In Natali S. Laurentii Leuitae et Martyris I—III.*

LXXVII. VIII. *In Natali S. Eusebii Vercellensis Episcopi I. II.*

LXXIX. *In Natali S. Cypriani Episcopi et Martyris.*

LXXX. *In Natali SS. Martyrum Taurinensium Octauii, Aluentii et Solutoris.*

LXXXI. *De sanctis Magistratibus.*

Homiliae de Diuersis.

LXXXII. *De traditione Symboli.*

LXXXIII. *De Corpore Christi.*

LXXXIV. *De eo, quod scriptum est, quis putas etc.*

LXXXV. *De bellico tumultu.*

LXXXVI. *De hostibus non timendis.*

LXXXVII. VIII. *De non timendis hostibus carnalibus et gratiis post cibum Deo agendis I. II.*

LXXXIX. *De poenitentia et ieiuniis Niniuitarum I.*

XC. *De Niniuitis II.*

XCI. *De Barbaris non timendis ei, qui Deum timet, et de sancto Eliseo I.*

XCII. *De eodem S. Eliseo II.*

- XCIII. *In repartitione Ecclesiae Mediolanensis antehac inedita.*
 XCIV. V. *De auaritia* I. II.
 XCVI. VII. *De eleemosynis et de Muliere Samaritana* I. II.
 XCVIII. *De hospitalitate.*
 XCIX. C. *De defectione Lunae* I. II.
 CI. *De eo quod scriptum est Iesaiæ* I. *Caupones tui miscent aquam vino etc.*
 CII. *De Kalendis Gentilium.*
 CIII. *De haereticis peccata vendentibus.*
 CIV. *Quod non debent Clerici negotiari.*
 CV. *De timore Dei et correctione linguarum.*
 CVI. *De eo quod scriptum est in Ps. 119. Bonitatem etc.*
 CVII. *Super illa Euangelii Matthaei* 6.
 CVIII. IX. *De grano sinapis* I. II.
 CX. *Quod simile sit regnum Dei fermento.*
 CXI. *Increpatio ad populum de absentia sua ab Ecclesia.*
 CXII. *Post increpationem allocutio.*
 CXIII. *De eo quod scriptum est Matthaei* 22. *Reddite etc.*
 CXIV. *De eo quod dicit Dominus in Euangelio Matthaei* 8. *Vulpes foueas habent etc.*
 CXV. *Vbi Deus Sabbato manum aridam curauit* Luc. 6.
 CXVI. *De camelo.*
 CXVII. *De margarita.*

II. SERMONES. *De Tempore.*

- I. *Ante Natale Domini.*
 II. *De duobus in lecto vno* Lucae 17.
 III—V. *De Natali Domini* I—III.
 VI. *De Kalendis Ianuarii.*

- VII—X. *De die sancto Epiphaniae* I—IV.
 XI—XII. *De Baptismo Christi* I. II.
 XIII. *De gratia Baptismi.*
 XIV. *De ieiunio generali.*
 XV. *De ieiunio Domini in deserto; et quod non in solo pane vixit homo* Matth. 4.
 XVI—XXVIII. *De Quadragesima* II—XIV. inter quos III. VIII. IX. et X. nunc demum proferuntur.
 XXIX—XLIII. *In Paschatis solemnitate* I—XV. ex quibus III. IV. V. VI. VII. antea erant inediti.
 XLIV—VII. *De Ascensione Domini* I—IV. quorum ultimus nunc Bruno debetur.
 XLVIII—LIII. *De Pentecoste* VI. Alii duo de eodem argumento ex codicibus Gallicanis recens eruti in fine ante appendicem adiecti sunt, quod opere iam dimidia parte absoluto allati essent.

Sermones de Sanctis.

- LIV. *In Natali S. Agnetis.*
 LV—LXIII. *De Natiuitate S. Ioannis Baptistae* I—IX. inter quos inediti antea III. IV. V. VII. et VIII.
 LXIV—VII. *In Natali SS. Apostolorum Petri ac Pauli* I—IV.
 LXVIII—LXXI. *De Natali S. Laurentii Leuitae et Martyris* I—IV. quorum II. III. IV. primum nunc in lucem prodierunt.
 LXXII—LXXV. *De S. Cypriano* I—IV.
 LXXVI. *De Natali Sanctorum praecipue Cypriani.*
 LXXVII. VIII. *De SS. Macchabaeis* I. II.
 LXXIX. LXXX. *De SS. Martyribus Alexandro, Martyrio et Sifinnio* I. II.
 LXXXI. *In Natali SS. Macchabaeorum et S. Eusebii Vercellensis Episcopi.*

- LXXXII. *De SS. Martyribus Cantio Cantiano et Cantianilla.*
 LXXXIII. *In Natali S. Stephani Protomartyris antea ineditus.*
 LXXXIV—XC. *De Natali plurimorum SS. Martyrum I—VII. quorum IV. V. VI. et VII. nunc primum eduntur.*
 XCI. *In Natali plurimorum Confessorum antea iam ineditus.*

Sermones de Diuersis.

- XCII. *De mirabilibus.*
 XCIII. *De euangelica piscatione a Bruno demum inventus.*
 XCIV. *De hospitalitate.*
 XCV. VI. *De eo quod scriptum est, sicut tuba exalta vocem tuam etc.*
 XCVII. VIII. *De Zachaeo I. II.*
 XCIX. C. *De idolis auferendis de propriis possessionibus.*
 CI. *De speculatore posito filiis Israel.*
 CII. *Increpatio ad Plebem etc.*
 CIII. *De calice aquae frigidae.*
 CIV. *De quinque panibus et duobus piscibus.*
 CV. *De verbis Euangelii Marci 8. Cum turba multa esset cum Iesu etc.*
 CVI. *De muliere Cananaea ineditus antea.*
 CVII. *De fraterna correptione, quem hic demum in lucem protraxit Brunus.*
 CVI I. *De castitatis studio, e MSS. recens erutus.*
 CIX. *Contra loquendi prauitatem hic primum editus.*
 CX. *De seruo Centurionis in Euangelio.*
 CXI. *De eo quod scriptum est, Venite ad me omnes qui laboratis et onerati estis, Matth. II.*

CXII. *Super illa verba Euangelii*, Quis putas maior erit in regno coelorum, *Matth.* 18. antea ineditus.

His accellerunt opere iam paene finito

CXIII. IV. *De Pentecoste* VII. VIII.

CXV. XVI. *In Aduentu Diuitum* I. II. post *Tractatus* collocati.

III. TRACTATVS.

I—III. *De Baptismo* I. II. III.

IV. *Contra Paganos* antea ineditus.

V. *Contra Iudaeos* antea pariter ineditus.

VI. *Expositiones de Capitulis Euangeliorum* quem nunc primum eruit Brunus, eundem esse arbitrat, qui a Gemadio memoratur.

In Appendicem coniecti sunt.

Sermones: I. II. *De Aduentu Domini* antea inediti. III. *De praeparatione ad Domini Natiuitatem.* IV. *De Natali Domini* antea ineditus. V. *Super illa verba Matth.* c. 2. Defuncto Herode apparuit in somnis Ioseph in Aegypto etc. antea ineditus. VI. *In vigilia Paschae.* VII. *De die Domini- cae Ascensionis* antea ineditus. VIII. *De Pentecoste.* IX. X. *De S. Ioanne Baptista*, quorum I. antea ineditus fuit. XI. *De Assumptione beatae Mariae Virginis* I. II. quorum posterior ineditus. XIII. et XIV. *In Natali SS. Martyrum Nazarii et Celsi* I. II. XV. *De S. Vincentio Martyre.* XVI. *In Natali S. Laurentii* antea ineditus. XVII. *De Salomone* XVIII. XIX. *In Dedicatione Ecclesiae.* I. II. XX. XXI. *De S. Eusebio Episcopo et Martyre Vercellensi* I. II. XXII. XXIII. *De S. Eusebio et de Macchabaeis* III. IV. XXIV. *De Natali vnius Confessoris Pontificis.* XXV. *In Dedicatione Ecclesiae* antea ineditus. XXVI. *De primitiis et decimis.* XXVII.

De honore et de dilectione erga parentes et de decimis antea ineditus. XXVIII. De sancta Christi Resurrectione. XXIX. De festiuitate S. Stephani Protomartyris. XXX. In festo Dedicationis Ecclesiae. XXXI. In Octaua S. Stephani, omnes nusquam antea vulgati.

Homiliae: I. *Dominica III. Aduentus, super Euangelium secundum Matthaeum* 11. II. *Super Euang. S. Ioannis* 11. III. *Super Euang. secundum Matth. 2. ineditae antea.*

Epistolae: I. *Ad amicum aegrotum.* II. *Ad amicum aegrotum de viro perfecto.*

Multas Maximi homilias atque sermones *interdixisse* ex luculentis indiciis coniecit editor Romanus.

Benedictinorum, qui Ambrosii operibus insudarunt, erat coniectura, libros de *Sacramentis*, qui vulgo Ambrosii nomen ferunt, forsan non alium, quam Maximum auctorem habuisse. Cui locum praebuisse videtur id, quod Mabillonius paulo ante obseruauerat, nempe istos libros de *Sacramentis*, qui Ambrosio in editis tribuuntur, absque auctoris nomine inseri sermonibus S. Maximi in Codice Sangallensi, atque in sermones septem distribui sub hoc titulo, *Incipit prima die in Pascha*: ita vt singuli sex libri singulos sermones constituent pro totidem hebdomadae diebus; et quidem septimus ab extrema parte libri sexti incipiat ab his verbis: *Aliud, Psalmorum David licet nunc libellus sit*, etc. Sed nouissimus editor ad ea animum non aduertit.

§. 3. Editiones.

Homiliae et Sermones SS. Patrum communi ferre hac vtuntur fortuna, vt de auctoribus earum aut plane nulla, aut obscura saltem et incerta fama ad nos delata sit, doctorumque hominum iudicia diuisa identidem fuerint atque inter se discrepantia. Cuius

ius rei causa maxime haec fuit, quod harum meditationum non ea cura ab ipsis auctoribus sit habita, qua ceteris suis libris prospexerunt, quos et cum amicis suis communicasse et frequenter describendos dedisse, emendasse item, atque etiam, si aliquis numerus esset, in vnum collegisse nouimus. At sermones, quos ex tempore fere meditari solebant, nonnisi ab audientibus excipiebantur et vix vnquam sub oculos auctorum suorum redibant. Ex eiusmodi autem commentariis, in quos forte non vnius doctoris tractatus colligebant, conficiebantur deinde *Breuiaria* seu *Lectionaria* diuersarum ecclesiarum, delectu, prout maxime conducere viderentur, vel secundum singulas dominicas, vel dies festos mobiles sanctorumue, habito. Quorum vt alia aliis erant locupletiora, sic, vt occasio ferebat, aut eorum, qui colligerent, cura socordiaue nomina auctorum modo adscribebantur, modo amissa fuerunt; alibi nomen potioris, id est, cuius vel plurimae homiliae inessent, aut maxime insignes, volumini praefigebantur. Interdum tamen accidit, vt integrae etiam insignis alicuius oratoris sermonum collectiones vel in ecclesiarum vel priuatorum vsum conderentur. Sed partim fraude partim leuitate describentium in his imprimis turbatum fuit. Prae ceteris confusae sunt et in vnum saepius congestae homiliae Augustini, Ambrosii, Maximi et Caesarii, non solum, quod numerosissimae erant, sed etiam per similitudinem quandam quae in dicendi ratione alterius cum altero, velut Caesarii cum Augustino, Maximi cum Ambrosio etiam nunc observatur, nec merae opinionis res est, sed vt Ambrosii editores Benedictini de Maximo ostenderunt, ex imitatione et quadam veluti aemulatione est profecta. Praesentis igitur et superioris saeculi exeuntis potissimum meritum hoc fuit,

fuit, ut ista ab inuicem discernerentur et cuicunque homini veri ac genuini foetus sui adsererentur, quod in *Caesario* praestitit *Steph. Baluzius*, in *Augustino Benedictini*, iidemque in *Ambrosio*, porro in *Zenone* et *Leone M. Ballerini fratres*, in *Maximo* denique, post non contemnenda aliorum conamina, quae paucis nunc attingere placet, *Bruno Brunus*. Nempe typis primum exscribi coeptae sunt Maximi homiliae in *Homiliario Doctorum*, quod olim iussu Caroli M. adornasse creditur Paulus Diaconus, vulgo Alcuinus, cuius antiquissima editio prodiit *Spirae* 1482. per *Petr. Drach*, nouissima, si bene memini *Coloniae apud Euch. Ceruicornium* a. 1530. At in eadem vrbe a. 1535. LXXIV. homilias eius a *Damiano Ascendienti* D. Benedicti *Coloniae apud S. Panthaleonem* Abbate acceptas separatim excudi fecit *Ioannes Gymnicus*, saepius deinceps variis in officinis et diuerso habitu iteratas. Nam a. 1564. *Romae apud Paullum Manutium* in choro Scriptorum Ecclesiasticorum a *Petro Galefinio* editorum proximum a *Saluiano* locum obtinuerunt; Anno 1579. *Coloniae Agrippinae* repetitae sunt, adiectis *Petri Chrylologi* sermonibus; ab anno vero 1613. cum *Leone M.* et aliis scriptoribus, quorum collectio per *Theoph. Raynaudum* a. 1633. aliosque deinceps fuit adaucta, *Parisis* et *Lugduni* frequentissime, aliquoties etiam in *PP. Bibliothecis* impressae sunt. Interea a. 1684. *Monachi Benedictini e Congreg. S. Mauri Parisis* in *Tomo V. Opp. S. Augustini* plurimos sermones vulgo *Augustino* adscriptos *Maximo* restituerunt, eiusdemque *Congreg. Socius* celeberrimus *Io. Mabillonius* ex codicibus MSS. optimae notae in *Italia* et *Heluetia* repertis, XII. *Maximi* Sermones, omnes fere ineditos antea, euulgauit in *Museo Italico*, 1687. cuius contubernalis sui vestigiis insisten-

insistentes, aliorumque MSS. haud rarum omen secuti *Ambrosii editores* a. 1690. insigni Maximum homiliarum copia, Ambrosio iure, ut sibi visi sunt, adempta, locupletarunt. Horum conatibus successit *Lud. Ant. Muratorius*, excusso denuo codice, quem Mabillonius primus tractauerat, Ambrosiano, et propositis ex eo haud paucis ineditis in *Anecdotorum Tomo IV.* a. 1713. sicut ex ipsius Mabillonii schedis paucula adhuc elicuerunt focii ipsius quondam *Edmundus Martene* et *Martinus Durand*, in *Collectione amplissima* a. 1733. prolata. Anno 1741. et 1748. Maximi homiliae iterum *Venetis* excusae sunt cum Leonis M. Operibus, in quibus duabus editionibus fortasse antiquior ista collectio cum hisce recentioribus incrementis est coniuncta. Etenim a *Gallandio* in *Bibl. PP. Veneta* a. 1773. nonnisi ea, quae *Mabillonius*, *Muratorius* atque *Martenius* collegerunt, exhibita sunt. Tandem haec omnia atque alia multa nondum antea visa, ex codicibus MSS. fere innumeris denuo eduxit, noua ratione disposuit, animaduersione critica, argumentis, admonitionibus et notis vberimis instruxit *BRUNO BRUNVS Romanus*, *Clericus Reg. Scholarum Piarum* in editione, quae nuper, a. 1784. Romae iussu Pii VI. P. M. est adornata, quaeque tantum ab editoris industria nacta est honorem, quantum specie ac splendore Pontifice Summo ac Rege, cui dicata est, digno inter omnes Patrum Latinorum fulgentissimas editiones excellit. Plura de his si cupis, euolue hunc singularum editionum indicem.

SAEC. XV.

1482.

Spirae per Petrum Drach. fol. S. Maximi Episcopi Homiliae (variae de Tempore); in Homiliario Docto-

Doctorum editionis, cuius iam ad Augustinum et Leonem facta est mentio.

1493.

Basileae per Nic. Kessler. fol. S. Maximi Episcopi Homiliae; in eodem *Homiliario*.

1494.

Norimbergae per Anth. Koburger. 4. S. Maximi Homiliae; in *Homeliis omnium doctorum de Sanctis*, quae noua est et a praecedenti plane diuersa collectio.

1496.

Basileae per Nic. Kessler. fol. S. Maximi Taurinensis aliquot homiliae; in *Homiliario Doctorum Karoli M.* repetitae editionis.

Sine anno.

Coloniae per Contr. de Homborch. fol. Maximi Episcopi Homiliae aliquot, in eodem *Homiliario*, quae editio inter Augustiniana est notata.

S A E C. XVI.

1516.

Lugduni per Ioh. Klein. Alemannum. fol. Beati Maximi Episcopi Sermones; in *Homiliario Doctorum*.

1520.

Ibidem per eundem. fol. B. Maximi Sermones in eadem Collectione *Homiliarum* denuo impressa.

1525.

Ibidem per honoratum virum Chalcographum Ioannem Crespin. fol. Sermones varii beati Maximi Episcopi

Episcopi, inter easdem *Homelias Doctorum ecclesiasticorum* etc.

1530.

Coloniae ex officina Eucharii Ceruicorni. fol.
Sermones varii beati Maximi Episcopi; inter *Homelias praestantissimorum ecclesiae doctorum*, quae in titulo nunc ex vetustissimis codicibus integritati restitutae et aliis nondum antea impressis auctae dicuntur.

1535.

Coloniae apud Ioannem Gymnicum. 8. Opus insigne Homiliarum hyemalium et aestivalium tam de tempore quam de sanctis Diui Maximi Episcopi Taurinensis, qui et in homiliis declamandis ad populum fuit vere maximus. Additae sunt aliquot homiliae D. Ioannis Chrysostomi eruditissimae et prope diuinae, antehac non excusae. Cum indice.

Inscripsit editor opusculum hocce *Damiano Ascendienti ordinis D. Benedicti Coloniae apud S. Panthaleonem*, eidem, cui totum acceptum referebat, quemque magna cum gratulatione ob hanc praecalam de studiis Theologicis bene merendi occasionem adhortatus est, vt si quid huius scriptoris reliquum apud ipsum esset, operam daret, vt in lucem propediem veniret. Hanc Ioannis Gymnici ad *Religiosum et Eruditum Virum Damianum* epistolam integram iterum exscribendam dedit Bruno Brunus in editione Romana pag. CLVIII. Quocirca nescio qui factum sit, vt idem doctissimus et diligentissimus vir in *praef. pag. XIV.* asseruit, Damiani hanc S. Maximi homiliarum collectionem ideo demum a Ioanne Gymnico Coloniae a. 1535. editam fuisse, quod ipse morte praereptus eam in lucem emittere nequiuisset. Insunt autem *partis hyemalis de tempore*
homi-

homiliae sequentes: *De aduentu Domini* I. II. *In vigiliis natalis domini* I. *In natali domini* I — VI. *In circumcissione domini siue de Calendis Ianuarii increpatio* I. *In Theophania domini* I — VIII. *In die Cinerum* I. *De ieiunio quadragesimae* I — IV. *Dominica in ramis palmarum in illud Psalmi: Deus Deus meus respice me.* I. *De accusatione Domini apud Pilatum* I. II. *De Iuda traditore* I. *De passione et cruce et sepultura domini* I — IV. *De sancto latrone, Petro apostolo et ancilla ostiaria* I — IV. Homiliae autem partis aestiuæ de tempore sunt: *In solemnitatem paschali* I — V. *In laetaniis et Niniuitarum ieiuniis.* I. *In solemnitatem pentecostes* I — III. Porro homiliae hyemales et aestiuales de Sanctis: *In Natali Diui Stephani* I. *In natali diuæ Agnetis.* I. *In natali diui Ioannis Baptistæ* I — III. *In natali sanctorum Petri et Pauli Apostolorum* I — V. *In natali diui Laurentii martyris.* I — III. *In natali diui Eusebii Vercellensis Episcopi* I. II. *In natali diui Cypriani Episcopi et martyris* I. II. *In feriis diui Michaelis* I. *In natali sanctorum Taurinorum martyrum* I. Denique homiliae de diuersis: *De expositione symboli* I. *De non metuendis carnalibus hostibus et gratiis post cibum agendis* I. II. *De auaritia vitanda.* I. II. *De eleemosynis largiendis* I. II. *De hospitalitate* I. *De defectu lunæ* I. *Super illud Esaiæ: Caupones tui miscent aquam vino* I, Summa LXXIV. Homiliarum Chrysostomi sunt XII. vnaque praeterea Origenis. *Index* in titulo promissus non alius est, quam harum ipsarum homiliarum, quæ verbis initialibus singulae significantur. Praemittitur Gennadii testimonium.

1555.

Basileae per Hieron. Froben. et Nic. Episcopium.
fol. S. Maximi Taurinensis Sermones; inter Am-
brobianos vulgo dictos in Tomo III. Opp. Ambrosii
editlonis Erasmo-Costerianae. pagg. 225—323.

Isti quidem Sermones non in hac demum Ambrosii editione prolati sunt, sed aequè in prima iam Erasiana comparent, et in superioribus Basileensibus fuerunt editi; quas omnes, si lubet, aliquis Maximi editionibus accenseat. Sed quia nostra non tam refert, scire, quidquid ex Maximi meditationibus tacito auctoris vel adeo sub alterius nomine passim excusum sit, quam quae vel primitus nomen eius gesserint vel sensim ei fuerint restituta: praetermissis aliis hanc Costerianam commemoramus, in qua primum singulis sermonibus auctor suus adscriptus est. Nempe haec Costerii opera fuit, non Erasmi. In quo corrigendus est nouissimus editor *Bruno Brunus*, qui in praefatione Romanae editionis (§. IV. p. XV.) Erasmi in opusculis Maximi distinguendis et ad manuscriptos Codices exigendis laudat industriam, confusus scilicet non suis oculis, sed Casimiro Oudino, cuius tamen locum propriis verbis allatum non recte cepit. Erasmus enim nihil amplius statuit, quam, esse sermones istos supposititios et nihil habere Ambrosianae venae, Costerius vero plerosque Maximo, tum ex MSS. codicum fide, tum ex impressis attribuit; quod ipsum Oudinus dicto loco confirmat, in eo solum falsus, quod *omnes* omnino Maximo attribuisse Costerium dicat. Ceterum quantum Costerio Colonienfis Maximi sermonum editio profuerit quamue diligens in euolendis MSS. libris hac in re fuerit, alii videant.

1564.

Romae apud Paulum Manutium Aldi F. in aedibus Populi Romani. fol. Maximi Taurinensis Homiliae, cum Saluiani de vero iudicio et prouidentia Dei libris VIII. aliisque Paciani, Sulpicii Seueri, Dorothei et Haymonis Halberstattenfis opusculis, edente Petro Galefinio: pagg. 85—181.

Editionis huius iam in primo tomo operis nostri ad Pacianum mentionem fecimus, nec sane Maximus plus ab eo quam Pacianus lucri fecit. Nihil enim notarum accessit, sed ex Gymnici editione simpliciter sunt repetitae praefixo quoque eodem indice et Gennadii testimonio. Admonemur autem a Brunone Bruno, binam huiusce collectionis patrum extare editionem, eodem anno, eodem charactere eademque forma a Galefinio vulgatam: Primam enim testatur sibi in concinnanda nouissima collectione praesto fuisse ex Bibliotheca Florent. Collegii S. Ioannis Euangelistae, alteram autem multo illa perfectiorem et completiorem Romae sese nactum fuisse, additque, non satis admirari potuisse, quod a Galefinio silentio praetermissa fuerit, nec minus, quod de Gymnici editione prorsus ille taceat. Sed quod postremum attinet non tantopere mirabitur, qui cognouerit, nullius omnino editionis superioris mentionem a Galefinio factam esse.

1579.

Coloniae Agrippinae apud Io. Carolum Munich et Petrum Ketteler. 4. S. Maximi Episcopi Taurinensis Homiliae Hyemales et Aestiuales pariter insignes; cum Petri Chrysologi sermonibus h. a. et loco primum in Germania editis. Deest index sermonum in prima adiectus.

1581.

1581.

Mediolani S. Maximi Episcopi Taurinensis Sermones III. de Sancto Eusebio Martyre Vercellensi; in *Antiquorum Patrum Sermonibus et Epistolis de S. Eusebio Vercellensi Episcopo et Martyre*, collectis iussu Ioannis Francisci Bonhomii Episcopi Vercellensis.

Laudat hanc editionem *Muratorius* in praef. ad Sermones a se editos in *Anecdotis*, inter quos quatuor illi sunt *de Sanctis* VI. VII. VIII. et IX. In nouissima Romana editione autem nonnisi vnus ex iisdem inter genuinos locum occupauit, *Sermo LXXXI. de Sanctis*, inscriptus in *Natali SS. Macchabaeorum et S. Eusebii V. E. et M.* incipiens a verbis *Ad celebritatem praesentis diei*; reliqui tres in Appendicem sunt relegati n. XXI. XXII. XXIII. incipientes verbis, *Dum ad obsequia etc. Licet, me, fratres, caritati vestrae etc.* et *Quamquam, dilectissimi fratres etc.*

1588.

Lugduni ex officina Iunstarum fol. S. Maximi Taurinensis Ep. Homiliae; in *Bibliotheca Homiliarum et Sermonum priscorum Ecclesiae Patrum* LAVR. CUMDII et GERARDI MOSANI, per totum opus dispersae.

SAEC. XVII.

1613.

Parisis fol. S. Maximi Taurinensis Ep. Homiliae, cum Leonis M. et Petri Chrysologi operibus. Sic *Bruno Brunus* asserit.

1614.

Parisis apud Claudium Morellum. fol. Eadem; cum iisdem. Vide sequentes.

Rr 2

1618.

1618.

Parisis sumtibus Sebast. Cramoisy, via Iacobaea. fol. S. Maximi Taurinensis Episcopi Homiliae; cum Leonis M. et Petri Chrysologi Operibus, medio loco, pp. 550—706. Additus est index rerum Leoni et Maximo communis. Bruno Brunus in recentissima Maximi editione, alteram horum Patrum editionem *Antverpiae* 1628. factam esse prodit.



Colon. Agripp. sumt. Ant. Hierat. fol. S. Maximi Taurinensis Homiliae ex editione Romana expressae in *Tomo V. P. I. Bibliothecae PP.*

1622.

Lugduni sumtibus Claudii Landry. fol. Maximi Taurinensis Ep. Homiliae; cum *Leonis, Petri Chrysologi, Fulgentii, Valeriani et Asterii* Operibus, pagg. 193—246.

1623.

Parisis fol. S. Maximi Taurinensis Ep. Homiliae 74; cum iisdem Leonis M. aliorumque Operibus. Testante Bruno.

1633.

Lugduni f. S. Maximi Taurinensis Homiliae; cum Leonis M. aliorumque, quibus *Heptadem Praefulum* confecit *Theoph. Raynaudus*, Operibus.

1651.

Parisis fol. Eaedem; in recusa *Raynaudi collectione Leonis M.* etc. Laudat hanc editionem Quesnellus in praef. ad Leonem.

1661.

1661.

Parisis apud Simeonem Piget, Bibliopolam Iuratum, via Iacobaea ad insigne Prudentiae. fol. S. Maximi Taurinensis Ep. Homiliae; cum Operibus Leonis M. Petri Chrysologi, etc. auctis Amedeo Lausannensi, pagg. 193 — 246. Ad paginas superiori responder.

1662.

Parisis sumtibus Antonii Bertier. fol. S. Maximi Taur. Episcopi Homiliae in Francisci Combesii Bibliotheca Patrum Concionatoria. In recensu auctorum, quorum homiliae hic collectae exhibentur, etiam Maximus locum inuenit. Adiecit etiam editor Tomo VII. p. 45. nouum ad Festum Natiuitatis S. Mariae ex Codice S. Germani Pratenfis titulo in eius Assumptionem, sed qui magis ad Festum Annunciationis spectat.

1670.

Cygneae typis et sumptib. Sam. Ebelii. 8. S. Maximi Taurinensis Episcopi Homiliae tres in Solemnitate natiuitatis Domini nostri Iesu Christi: in Diuorum PP. veterumque Ecclesias Doctorum aliquot, qui oratione soluta scripserunt, Homiliis et Meditatt. in Festum Natiu. I. Chr. collectis a Christiano DAVMIO, pagg. 121—27. Sequitur editionem Bibliothecae PP. Colonienfis. Sunt I. II. VI. alias IV. V. IX.

1671.

Parisis sumpt. Petri Variquet. fol. S. Maximi Episcopi Taurinensis homiliae, cum Operibus Leonis M. etc. in aucta Raynaudi collectione h. l. et a. recusis. Nouissimus editor homiliarum S. Ma-

ximi aliam insuper huiusce collectionis editionem Parisiis a. 1672. factam notat; quam vere, nescio.

1672.

Lugduni apud Hugonem Denovallay. fol. S. Maximi Taurinensis Episcopi Homiliae 74; in eadem Collectione denuo recusa; teste Brunone Bruno.

1677.

Lugduni apud Anissonios fratres. fol. S. Maximi Taurinensis Episcopi homiliae 74; in Tomo VI. Bibliothecae max. PP. pagg. 1—49.



Romae sumpt. Pontii Bernardon. fol. Latini Latini Observationes et Correctiones in Homiliis S. Maximi Episcopi Taurinensis; in Ei. Bibliotheca Sacra et Profana pag. 164.

Editio, quam hae notae respiciunt, fuit Parisina apud Michaellem Sonnum. Ab Editore Romano non neglectae sunt.

1684.

Parisiis apud Franciscum Muguet. fol. Maximi Taurinensis Homiliae aliquot ex Augustinianis secretae et in Appendice Sermonum suppositiorum a Patribus Maurinis notatae Tomo V. Operum Augustini, nimirum in Classe I. Sermonum de Scripturis Vet. et Noui Testamenti: 1) Sermo LXXX in Matth. 27. de Iuda proditore, tam in codicibus MSS. quam editis Maximo tributus, olim de Tempore 128. et postea in Append. 48. 2) Sermo LXXXII. de verbis Euangelii Lucae 3. Venerunt etc. a Louanienfibus Maximo tributus, olim de verbis Domini 19. et postea in App. 3. et inter Ambrosianos. Benedictini

nedictini tamen dubitant, an etiam Maximum auctorem habeat. 3) Sermo C. *de verbis Actor.* 4. Nemo quidquam ex eo, quod possidebat, proprium esse dicebat; olim *de verbis Apostoli* 25. et post in *App.* 9. Sed et inter Ambrosianos et Maximi vulgaris, cui cum Louanienfibus etiam Vindingus assignat. In *Classe II. de Tempore*: 4) Sermo CXXII. *In Natali Domini*, VI. in MSS. aequae ac editis Maximo adscriptus, olim *de Tempore* 11. et post in *App.* 23. 5) Sermo CXXXIV. *in Epiphania Domini*, IV. Maximi consentientibus MSS. aequae ac editis, olim *de Tempore* 37. et post in *App.* 29. 6) Sermo CXLV. *in Quadragesima*, VI. alias *de Tempore* 69. a Louanienfibus dubius, a Verlino et Vindingo falsus iudicatus, a Benedictinis primum in *Appendicem* relatus, qui in Remigiano codice Maximi nomen eum praeferre testantur. 7) Sermo CLII. *de Passione Domini*, III. et *de Susanna* in MSS. aequae ac impressis Maximo tributus et quidem inter eius homilias post Dominicam in ramis prima, olim *de Tempore* 118. et post in *Append.* 44. 8) Sermo CLXXXV. *in Pentecoste*, IV. olim *de Tempore* 183. et post in *App.* 60. In Theodoricensi codice falso Ambrosio tributus, sed in ceteris una cum aliis tribus Maximi nomen recte gerit. In *Classe III. de Sanctis*: 9) Sermo CXCII. *in Cathedra S. Petri*, III. alias *de Sanctis* 16. a Louan. inter dubios relictus, a Verlino et Vindingo pro spurio habitus et a Benedd. primum in *App.* relatus, excusus etiam inter Ambrosii et ipsius Maximi sermones mutato duntaxat initio. 10) Sermo CCII. *in Natali Apostolorum Petri et Pauli*, II. olim *de Sanctis* 27. et post in *App.* 79. in excusis etiam inter Ambrosianos et Maximianos locum habens, in MSS. partim Augustino, partim Ambrosio, sed plerumque Maximo assignatus, cuius

nomine etiam in Breuiario Romano die V. Iulii eum reperiri Benedictini monent. 11) Sermo CCVII. in *Natali sancti Laurentii*, II. alias *de Sanctis* 32. a Benedd. primum, sed ex parte posteriori duntaxat, in *App.* relatus, a verbis nempe *Sufficere nobis debent* etc. In *Classe* IV. *de Diuersis*. 12) Sermo CCXLVIII. *de Sepultura Domini*, alias *de Tempore* 133. a Louan. inter dubios relictus, a Benedd. autem post Verlini et Vindingi Censuras in *App.* relatus. Compositus est nempe ex parte postrema Sermonis apud Ambrosium 52. *de cruce* et ex integro Sermone apud eundem 53. *de sepulcro Domini*, qui duo etiam *Maximi* nomine vulgati sunt.

1687.

Lutetiae Parisorum apud Viduam Edmundi Martin, Ioh. Boudot et Steph. Martin. 4. S. Maximi Episcopi Taurinensis Homiliae XII. ex codicibus MSS. primum erutae a Ioanne Mabillon. Eduntur in *Museo Italico* eiusdem *Parte altera* pagg. I—31.

Tituli eorum sunt: I. *de Barbaris non timendis ei qui Deum timet, et de sancto Helisaeo*. II. *Item sequentia* i. e. de eodem S. Elisaeo *). III. *Item sequentia* i. e. de hostibus non timendis. IV. *De Nininiis*. V. *De Kalendis Ianuariis*. VI. *De defectu Lunae*. VII. *Ante Natale Domini*. VIII. *De Natali Domini*. IX. *Post Natalem Domini*. X.

*) Enimuero hi duo *de S. Elisaeo* sermones, non, vt sibi persuaerat Mabillonius, inediti erant, sed primum in Romana editione Ambrosii excusi, loco quidem tam alieno, vt facile etiam diligentissimum hunc virum fugere possent. Obseruarunt illud primum *Ambrosii* editores *Benedictini* in *Admonitione ad Appendicem*.

X. *De Haereticis peccata vendentibus.* XI. *Quod non debent Clerici negotiari.* XII. *De Corpore Domini.* Haustae illae sunt ex tribus codicibus MSS. perantiquis, vno Mediolanensi bibliothecae Ambrosianae, secundo Romano monasterii S. Crucis in Ierusalem, tertio Heluetico ex Abbatia S. Galli. „Ex his tribus codicibus, *Mabillonius* inquit, quantumvis antiquis, non eruitur certa et explorata omnium sancti Maximi homiliarum, siquidem Sancti Gallensis eas sub Augustini falso titulo adducit: sanctae Crucis codex, deleto veri auctoris nomine, Ambrosium praefert: vnus Ambrosianus Maximo quasdam assignat, sed paucas, vt postea videbimus. Verum ex aliis indiciis, maxime ex Gennadio intelligimus, omnes, aut propemodum omnes, praesertim quae in Codice Sancti Galli exhibentur, Maximo esse tribuendas. Et quidem ita simul connexae et colligatae sunt, vt si vnarum auctor exploratus habeatur, de aliis consequens futurum sit iudicium. Auctor quippe passim homiliae praecedentis in subsequenti mentionem facit. Atqui pleraeque Maximum vti legitimum parentem agnoscunt, vtpote quas Gennadius manifeste designauit. Hoc in numero eas esse, quas nunc primum in lucem proferimus ex subiectis obseruationibus quiuvis facile animaduertere poterit.“ Singulas dehinc per censet et multo cum acumine elicit signa, quae in eas, quarum argumenta Gennadius protulit, conueniant, additque postremo loco, non solum plerosque Sermonum, qui sub Maximi nomine in editis vulgati sint, Maximum auctorem habere, sed eidem adeo vindicandos esse quotquot ex iis Ambrosio inter eius opera supponantur; quorum paucos admodum Ambrosio, longe plures Maximo adscribi debere censet; alios nec Maximo nec Ambrosio tribui posse, sed po-

steriorum auctorum esse luculentis aliquot exemplis demonstrat.

1690.

Parisiis typis et sumtibus Viduae Ioh. Bapt. Coignard et Ioh. Bapt. Coignard filii. fol. S. Maximi Taurinensis Sermones inter *Ambrosianos* repertiundi, in *Tomo II. Opp. Ambrosii*, ed. *Benedictinorum*, Append. a pag. 391.

Maior quidem pars Sermonum istorum, qui Ambrosii nomen in MSS. libris gerunt et cum Operibus illius excusi sunt, quorumque omnium nullum omnino ad Ambrosium pertinere censuerunt Benedictini, Maximum Taurinensem auctorem agnoscit. Plerique etiam ex iis alibi sub Maximi nomine impressi fuerunt. Enimuero a Romanis Ambrosii editoribus, quorum opera per centum et amplius annos sola exscribi consuevit, horum nulla plane ratio habita erat, quippe quibus magis cordi fuit, numerum Ambrosii scriptorum quocunque modo augere, quam critici officio fungi et pati, ut notandis spuriiis ille imminueretur. Qua quidem desidia factum est, ut tanto acrius in hoc negotium Benedictini incumbere et falce nequaquam timida cuncta aliena amputarent. Diximus autem nullos omnino Sermones praeter quatuor conciones propriis locis exhibitas, nempe *in funere Valentiniani*, *in funere Theodosii*, *de Basilicis non tradendis* et *de reliquiis SS. Geruasii et Protasii* pro genuinis ab iis haberi. Iam cum ex spuriiis illis alii nonnisi apud Ambrosium, alii vero etiam alibi vulgati extarent, priores tantum retinuerunt et in Appendice exhibuerunt, sermonis cuiusque capiti strictim praemisissis iis rationibus, quae Ambrosianum non esse suaderent aut alium auctorem ostenderent. Ne vero mutatio
illa

illa molesta cuiquam accideret, gemino indice provifum est, quorum in primo *omiffi* collocantur tali ordine, *ut non solum quam quisque sedem antea in editionibus Ambrosianis obtinuerit, verum etiam, apud quem Patrum reperiatur*, vno intuitu aduerti possit; in secundo ii sermones, quos retinuerunt, ita indicantur, ut editionum, antiquarum scilicet, Romanae et nouissimae comparatio existat. Sicut vero ex priore indice apparet, *omifforum* longe plurimos inter Maximianos iam vulgatos esse, quem non immerito pro auctore eorum haberi in singulari ad omiffos sermones adnotatione demonstrant; ita ex *sexaginta tribus*, quibus locum in Appendice dederunt, usque dum nonnisi cum Ambrosio excusis Sermonibus potissimam partem Maximo Taurinensi deberi ostenderunt; nuper vero editor Romanus Maximi Bruno Brunus tantum non omnes, quos vel incertos reliquerant, vel aliis interdum tribuere visi sunt Ambrosii editores, codicum MSS. superante testimonio Maximo suo assertum iuit. Tanta vero Maximi sermonum pars quod in Ambrosii nomen potissimum transcripta sit, praeter librariorum fraudes, qui, ut vendibilia exempla facerent, illustria nomina iis inscribere solebant, hoc causae fuisse censent Benediclini, quod cum Ambrosii opera diligenter lectitasse videatur Maximus, ex iisque, potissimum ex Commentario in Lucam magna fragmenta ad verbum excerpta indiderit, incautis librariis errandi praebuerit occasionem. „Inde similiter, *inquiunt*, coniecere forsan liceat, non alium auctorem libris seu Sermonibus *de Sacramentis* quaerendum esse, quam eundem Maximum; cui coniecturae locus et tempus patrocinantur.“

SAEC. XVIII.

1713.

Patauii typis Seminarii, apud Io. Manfré. 4. S. Maximi Taurinensis Episcopi Sermones (73. partim editi, partim inediti) cura et studio Ludonici Antonii MVRATORII; in Tomo IV. Anecdotor. pagg. 1—117.

Muratorius ex eodem Codice Ambrosiano, ex quo partem Homiliarum XII. ineditarum excerpserat Mabillonius, non solum nouas denuo, nec paucas eruit, quas vere Maximum auctorem habere putat homilias, sed eas etiam, quae iam editae fuerant siue inter Ambrosii, siue in Maximi ipsius Operibus annotauit et iudicio suo confirmauit. Stilum potissimum iudicem secutus est, sed non minus Gennadium et alia indicia ex ipsis homiliis petita.

1733.

Parisis apud Montalant, ad Ripam PP. Augustinianorum, prope pontem S. Michaelis. fol. S. Maximi Taurinensis episcopi homiliae sex, ex schedis Mabillonii edidit Edmundus Martene in Tomo IX. Collectionis amplissimae Vett. SS. et Monumentor. quam vna cum Martino Durando eiusdem ac ipse Congregationis S. Mauri socio et presbytero nouem voluminibus adornauit; pagg. 134—142.

Selegerat eas Mabillonius ex eodem Codice Sangallensi, ex quo primum homilias XII. publicauit, alias ex XCVII. quas sub nomine Augustini comprehendebat, quarum tamen pars maxima iam sub Augustini, vel Ambrosii vel ipsius Maximi nomine exarata erat, in aliud tempus reseruans. Sed praeter has sex nihil in schedis eius ab hoc editore reperiuntur.

1741.

1741.

Venetius apud Augustinum Savioli. fol. Opera Maximi Taurinensis; accedunt *Operibus Leonis M.* ab eodem bibliopola editis.

De hac editione, ut de sequenti, dicetur in annalibus editionum Leonis. Ad manum neutra fuit. Ignoramus ergo, utrum solae primitus cum Leone vulgari solitae Homiliae 74. redditae sint, an ex *Mabillonii*, *Muratorii* et *Edmundi Martene* collationibus fuerint locupletatae.

1748.

Venetis apud Andream Poletti. fol. Sermones et homiliae S. Maximi Episcopi Taurinensis ad MSS. Codices denuo castigati et aucti; accedunt *Leonis M. Operibus* per eundem excusis.

1749.

Venetis apud Carolum Pecora. fol. S. Maximi Taurinensis Episcopi Sermones varii; in COMBEFISII *Bibliotheca Concionatoria* novae editionis, potissimum per Tomum I. II. V et VI.

1773.

Venetis ex typogr. Io. Bapt. Albritii. fol. Sancti Maximi Episcopi Taurinensis complures Homiliae, quae in antea editis desiderantur, euulgatae cura et studio *VV. CLL. MABILLONII, MURATORII* et *MARTENII*, recollectae ab *ANDREA GALLANDIO*; in *Bibliotheca Vet. Patrum antiquorumque Scriptorum Ecclesiasticorum. Tomo IX. pagg. 349—395.* Additus est etiam Sermo novus ex Combefisio. Subiecit editor breves aliquot notas, variantes, emendationes, coniecturas, nec non loca biblica, quae vel diserte profert, vel respicit saltem
Maxi-

Maximus. In *Prolegomenis* denique cap. IX. pp. XX—XXII. de Maximi rebus, et harum eius homiliarum editoribus exquisito cum iudicio differitur.

1784.

Romae typis Sac. Congr. de Propaganda Fide. fol. max. Sancti Maximi Episcopi Taurinensis Opera iussu PII SEXTI P. M. aucta, atque Adnotationibus illustrata a VICTORIO AMEDEO Sardiniae Regi D. D.

Seriem cum Homiliarum, tum Sermonum in hac editione contentorum supra dedimus. Iam primum esse debet, ut, quonam pacto praestitum sit illud, quo maxime gloriari ea possit, ut non tam aucta, quam de nouo condita videatur, explicemus. Simulac nimirum a Pontifice Summo Brunoni Bruno haec concredita esset Maximum ornandi prouincia, non solum intra Italiam auctoritate sua egit, ut ubique libri MSS. in quibus aliquid Maximi operum inesset, delitescerent, studiose inquirerentur et ad edita excuterentur, quique inde prouenissent vel nouorum sermonum vel variantium lectionum fructus, una cum formae, characterum, atque aetatis declaratione Romam mitterentur, sed extra Italiam etiam idem per legatos suos fieri curauit. Ipsum denique Brunum insigniores et codicibus MSS. maxime abundantes bibliothecas veluti Casinensem et Florentinas adire et suoapte ingenio experiri iussit, quantum lucri esset laturus. Simul summi vndeque et loco et doctrina viri et officii sui erga Pontificem testandi causa et bene de Maximo merendi cupidi eximiam in hoc studio editori nauarunt operam. Is ergo postquam omnes, quotquot hactenus curatae essent Maximi editiones circumspexerat et conquisiuerat, ingeniumque deinde legendis virorum historiae criticaeque

caequae artis peritia insignium de Maximo scriptis, qualia sunt ex antiquioribus, Gennadii et Honorii Augustodunensis, recentiorum vero, Trithemii, Erasmi, Sixti Senensis, Latini Latinii, Bellarmini, Baronii, Labbei, editorum Augustini et Ambrosii e Congreg. S. Mauri, Natalis Alexandri, Io. Alb. Fabricii, Cauei, Dupinii, Oudini, Tillemontii, Ceiljerii et fratrum Ballerini, nutriverat; tantaque denique MSS. copia mactatum se videret, quod ad editas quidem, secutus est partim exemplum Gymnici, qui primus LXXIV. homilias dederat a Galesinio mox recusas, ita tamen ut nonnulla eius aut suppleret, aut emendaret omninoque ad probatiorum MSS. fidem exigeret, partim repraesentavit exempla editionum Parisiensium operum S. Ambrosii annorum 1569. et 1690, Anecdotorum Muratorii a. 1713. et Musei Italici Mabilloniani a. 1724; novas autem et ineditas hactenus non nisi consentientibus pluribus optima notae MSS. et ex iudicii sui assensu in numerum allexit, hac adhibita in diiudicandis MSS. codicibus cautione, ut antiquiores generatim praeferret recentioribus, emendatiores minus calligatis et iis plus tribueret, quos ex optimis exemplaribus descriptos esse cognovisset. „Id vero ut dignoscerem, inquit, regulas mihi subsidio tres comparavi. „Earum fuit prior, Codicum plurimorum eorumque antiquiorum emendationumque concentus: altera, veterum monumentorum scriptorumque auctoritas: tertia, historicorum criticaeque artis peritorum consensus. His ergo praesidiis munitus, permulta opuscula iure adserui Maximo, etsi essent, qui ipsum aliqua eidem accepta referri oportere aut inficiarentur, aut dubitarent. Quodsi aliquando horum mihi praesidiorum vel aliqua vel paene omnia defuerunt, induci tamen non potui, ut san-

„cto

„cto Antistiti abiudicanda esse ducerem; quae ab
„ipso fuisse scripta stili ac orationis similitudo sua-
„deret. Neque vero, quod in quibusdam opusculis
„humilior, quam in ceteris, sit oratio, idcirco ab iis-
„dem Maximo adscribendis deterreri potui. Non
„enim sum nescius, consueisse sanctos, eius praefer-
„tim aetatis, Antistites sublimiore elegantioreque
„oratione uti, cum auditores eloquentiae doctrinae-
„que laude praestantes nacti essent; humiliore con-
„tra, cum conciones ad imperitum vulgus habe-
„rent. — Verum etsi par omnino in aliquot Maxi-
„mi opusculis, atque in aliis pluribus esse non videat-
„ur sublimitas sermonis, et elegantia; adeo tamen
„est series, collocatio, verborum ductus, asseren-
„dorumque sacrae Scripturae locorum ratio similis,
„ut facile in utrisque Maximum auctorem possis
„agnoscere. Iam vero si qua in opuscula incurri,
„quae sermone tam vulgari, humili, abiecto, im-
„plicato scripta essent, ut prorsus indigna Maximo
„viderentur; ea equidem nihil haesitans statui, re-
„iici oportere in numerum operum spuriorum,
„quamquam in aliquot Codicibus inscripta essent
„Maximi eiusdem nomine.“ Quod posterius latius
ibidem editorum Ambrosii et Augustini e Congreg.
S. Mauri et Leonis M., fratrum Balleriniarum ex-
emplis defendit. Atque haec in vniuersum quidem
de methodo, quam in adhibendis codicum MSS. te-
stimoniis secutus sit, praecipit; singulatim vero ad
vnamquamque orationem docet, unde illa sit, noua,
an alias iam edita, quo iure Maximi nomen ferat,
quibusque MSS. se tueatur; quae iunctim *Admoni-*
tionum nomine ab eo comprehenduntur. Iam ad
alia accedamus, quae in hoc opere S. Maximi ama-
toribus videbuntur eximia, textus emendationem di-
co et illustrationem. Ad illam quod spectat, vix
dubitari

dubitari potest, quin ei, qui S. Maximi ingenium propriamque dictionem adeo, ut noster, animo imbibit, egregie hic labor cesserit, nec facile illa, nisi ab aequo exercitato in huius aliorumque Concionatorum lectione rite aestimari poterit; id vnum tantum affirmamus, variantes lectiones larga manu appositae et diligenter enotatae esse. Illustrationi inserviunt cum *Argumenta* sermonibus et homiliis praefixa, tum *Adnotationes* non omnibus quidem sed prolixioribus passim subiunctae, de fidei dogmatibus, quae forte Maximus attigit, vnice tractantes. De iisdem vero separatim etiam per systematis modum longe vberius, quam in tali auctore quispiam desiderauerit, commentatus est. Restat nunc, ut totius operis descriptionem et quomodo singulae se partes ordine continuo excipiant, paucis exponamus. Auspicatur volumen *Pii VI. P. M. ad Victorium Amedeum Sardiniae Regem Epistola*, (d. Romae apud S. Mariam Maiorem VI. Idus Iulii a. 1784. Pontificatus anno X.) in qua tum Maximi de Taurinensibus merita, tum Taurinensium et vniuersae gentis Subaudiae imprimisque Comitum Ducumque eius et Regum denique pietatem, in tuenda propagandaque fidei catholicae doctrina alacritatem et in Apostolicam sedem deuotionem ita praedicat, ut non omiserit singula Pontificum Romanorum Praedecessorum suorum literis et Guichenonii Subaudicae domus historiographi testimoniis confirmare. Sequitur Editoris *Praefatio* in duas partes diuisa, quarum una exponit, *quibus Scriptorum et Codicum adiumentis; et quo ordine haec editio sit perfecta*, altera de *doctrina Maximi* copiosissime disserit. Hanc excipit *de Vita S. Maximi Commentarius* verbosissimus, binis columnis impressus. Proxima sunt *Testimonia Scriptorum Ecclesiasticorum de Scriptis S. Maximi*
 Tom. II. Ss Tauri.

Taurinensis, cui adnectitur *Elenchus Editionum Homiliarum et Sermonum* eiusdem. Postea *Notitia Codicum MSS.* ex quibus auctior et locupletior prodit haec operum *S. Maximi* editio itemque *Declaratio aetatis codicum MSS.* quorum specimina in tabulis aere incisis ad calcem subiectis sunt exhibita. *Index* denique *Sermonum et Homiliarum* sistitur. Quae omnia iuxta quam a nobis sunt enumerata CC. paginas implent. Dehinc ipsi Sermones et Homiliae genuini binis columnis, dubii ac spurii per Appendicem adiecti, latis lineis impressi sequuntur. Coronant opus *Indices duo locorum Scripturae Sacrae et Rerum Sententiarumque memorabilium.* Quod reliquum est, typographi solertiam non infra editoris artem subsistuisse notamus. Gaudet enim haec editio chartis amplissimis candidis et teneris; typorum summa est varietas, elegantia et nitor; descriptioque tam oculis grata est, quam commoda vñibus; denique rarissima apparent operarum vitia, ut qui verum amet, necesse sit, fateatur, neutrum in profligando hoc opere Pii VI. voluntati ac consiliis defuisse.



CODICES. Quin Codicum MSS. loco habendae sint antiquae illae *Homiliariorum* editiones, in quibus *Maximi*, ut tot aliorum Patrum varii Sermones primum formulis stanneis exscripti sunt, qui ad dubitare vellet, nae illum celebres Leonis M. Operum editores exemplo suo redarguerent et docerent, horum lectiones, utpote ex MSS. saeculo IX. antiquioribus ductas, non parui faciendas esse. Quo magis miramur recentissimum *Maximi* editorem, eorum vel oblitum esse, vel plane eos contempsisse. Sed
ingens

ingens MSS. librorum, quae ei suppetebat copia, causa haud dubie fuit, ut alterutrum acciderit.

Vtrum ex huiusmodi Homiliarii vel impressis vel MSS. exemplaribus, an ex aliis MSS. fasciculis decerpta fuerit collectio Sermonum Maximi, quam *Damianus* ille *Ascendensis* Ioanni Gymnico excudendam dedit, nondum a quopiam, quantum ego memini, quaesitum est.

Mabillonii Codicibus, *Ambrosiano* scilicet, *Romano*, et *Sangallensi* cum item Romanus editor usus fuerit, commodior de iisdem in sequentibus dicendi locus erit. Ergo *Brunonis Bruni* MSS. librorum apparatus recensere nunc aggredimur, qui quidem tantus fuit, quantus nulli adhuc eiusmodi saltem, id est, non multorum voluminum scriptoris editori contigit. Erant autem partim *Italici*, partim *Germanici*, qua posteriore appellatione etiam *Helueticos* et *Belgicos* quosdam comprehendit. Series autem omnium sic se habet.

A. Codices ex Italia conquisiti.

I. Subalpini.

1. *Codex Taurinensis*. Membranaceus, in folio, saeculo certe XI. scriptus, quo verisimilius est, cum ex optimis exemplaribus fuisse ductum. A recentiori manu adposita erat inscriptio: *Ad usum maioris ecclesiae Taurinensis*. Continebat partim homilias, partim sermones Maximi CXXII. quorum plures nondum lucem adspexerant, eorumque indicem una cum titulis et initiis singulorum separatim habes in nouissima editione descriptum pagg. CLXVII—LXXII. Peculiaris quippe ipsi fuit series continua et colligatio homiliarum titulorumque adposito-

rum satis castigata perfecta descriptio. Distributi fuerant scilicet sermones et homiliae iuxta anni ecclesiastici tempora, ut diuinis officiis inseruirent. Simul ex eodem patet, collectione hac antiquiorem alteram extitisse; siquidem scriptor eius passim, quae ipsi deerant, indicauit. Vnde colligit editor longe plures, quam nunc extant, a Maximo habitas et lectas olim in antiquioribus codicibus fuisse homilias. Nec leuem etiam, idem inquit, hunc indicem sibi praestitisse coniecturam, ut quas homilias et sermones Maximi nomine ex editionibus et codicibus collegisset, ipsi tutius adiudicaret, ex titulorum et orationis congruentia auctorem arguens. Monet denique in hoc, iuxta quam in tribus sequentibus codicibus, formas plerumque characterum aut prorsus aut plene fuisse deletas, adeo, ut vix fragmenta quaedam remanserint, quae tamen facile intelligi, aut non difficulter legi a perito lectore possint.

2. *Codex Pedonensis*, qui olim fuit Monasterii S. Dalmatii de Pedona, membranaceus, in folio, lacerus quidem multis in partibus, ita tamen ut ex numeris adpositis dignosci possit, comprehensas in eo fuisse homilias CCXLII. et sermones XX, videaturque collectio ex optimis exemplaribus condita. In titulis homiliarum et sermonum per omnia fere cum Taurinenfi conuenire dicitur, sed aetate superiorem et a saeculo VIII. repetendum esse versus in extremo apppositi demonstrant, quibus scriptus traditur sub *Ruperto Abbate Coenobii Pedonensis* et regnante *Karulo*

rulo Rege Longobardorum et Francorum.
Anni notae euauerunt.

3. *Codex Pedonensis alter*, membranaceus, in quarto, saeculi XI, exaratus quippe a Iosepho Monacho, quo tempore Abbas Henricus monasterio isti praefuit, rexque Henricus in Italia obtinebat principatum, ut versibus ad calcem adscriptis similiter declaratur. Insunt homiliae CLXX, sermones XL. sed diuerso a superioribus ordine dispositae et cum sermonibus permistae. In fronte literis e minio maiusculis Maximi nomen inscriptum gerit. Scipio Maffei eiusdem cum superiore aetatis, saeculi nempe VIII. esse iudicabat.
4. *Codex Appaniensis*, id est monasterii seu Prioratus de Appania, ad quod olim pertinebat, in folio paruo, imperfectus in principio, et in corpore; auulsa enim sunt multa folia. Complectebatur autem sermones XXXI; homilias vero LXX. *) ut ex numeris restantium colligitur. Ex forma characteris ad saeculum IX. vel summum ad X. referri debet **); id quod subscriptio quodammodo confirmat, in qua Lotharii imperatoris (incertum, I, qui a. 841, an II, qui a. 947. imperio potitus fuit) fit mentio.

Quatuor hosce codices dudum ante initum a Pio VI. Maximi edendi consilium excusserat et cum editis diligenter compararat *Franciscus Meyranensis*, Academiae Taurinensis Theologus, qui quidquid

Ss 3

inde

*) Sic in praef. alio loco CXX. scriptum est.

**) In notitia Codicum error esse videtur, quod saeculo XI. adscribitur.

inde enotauerat, vna, vt auguror, cum accurata eorum descriptione Iosephi Vernazzae hortatu ad Brunonem Brunum transmisit, cui vniuerse quidem, cum ob vetustatem, tum ob miram inter se consensionem plurimum profuerunt, praesertim autem auctores extiterunt, vt nonnulla antehac inedita, quae Maximi nomen in iis praeferrerent in iisque tres de *Baptismo* tractatus, ei adfereret.

II. *Codices Vercellenses*, i. e. Capituli Ecclesiae Vercellensis, quos Subalpinis adnumerat in praefatione editor.

1. *Codex membranaceus sign. num. VII.* in folio, saeculi XI. duabus columnis exaratus, comprehendens vnā homiliam de *Kalendis Ianuarii*, in omnibus editis impressam.
2. *Codex membranaceus sign. num. LXVII.* in folio maximo, Saeculi XII. vel XIII. integer, complectens sermonem iam vulgatum de *mirabilibus*, et quatuor illos sermones de *Eusebio Verc. Ep. et Martyre* a Bruno inter spurios reiectos.
3. *Codex Membranaceus sign. num. LXXXI.* in folio maximo, saeculi XII. vel XIII. vt adnotatur *), exhibens XII. partim sermones, partim homilias.

Vercellensibus Codicibus in Operibus S. Leonis iam vsi erant fratres Ballerinii. At in vsum Romani editoris denuo excussit eiusdem ecclesiae Canonicus *Ant. Franc. Frisus*.

III.

*) Sic in *notitia*, in *praefatione* autem scribit, pertinere eum ad saeculum XI. et complecti homilias XVIII. omnes iam typis vulgatas.

III. *Codices Nouarienses i. e. Bibliothecae Ecclesiae Cathedralis Nouariensis.*

1. *Codex membranaceus sign. num. X *)* in folio, saeculi XI, litteris initialibus eleganter pictis ornatus. Comprehendit II. *de communi SS. Martyrum* homilias **).
2. *Codex membranaceus sign. num. XI* in folio, saeculi XII, litteris itidem initialibus coloratis, vnam homiliam *de SS. Martyribus* hac in ed. col. 263. continens.
3. *Codex membranaceus sign. num. XXVII.* in folio, saeculi XI ***) litteris initialibus et titulis rubricatis, partim homilias, partim sermones XXVII. omnes iam vulgatos praestans.
4. *Codex membranaceus sign. num. XLII.* in folio, exaratus, vt in nota eidem adscripta legitur, anno 1234. Ornatus est, vt ceteri, et continet XII. sermones iam editos et aliis codd. confirmatos.

Excusserat hosce Nouarienses codices in vsum
Bruni idem *Ant. Franc. Frisius*. Plures autem et
optimas variantes lectiones suppeditasse sibi scribit,
Ss 4 indeque

*) In *praef.* audit ei *septimus*.

**) Sic in *praefatione*. In *notitia Codicum* autem scribit, repertum in eo fuisse Sermonem vnum de *communi Martyrum* S. Maximi nomine nondum antea editum, qui extet in ed. Rom. col. 631. At ibidem dicitur, describi hunc sermonem ex CVIII. Codice Bibl. S. Marci Venetiarum. Videtur adeo ipsa multitudo codicum causa fuisse, vt haec confunderet.

***) In *praefatione* IX. vel ad summum X. saeculi esse traditur.

indeque colligit ex perfectis archetypis eos fuisse descriptos. Cum Vercellensibus, saepe conueniunt.

IV. *Codices Romani.*

α. *Vaticani.* In Bibliotheca Vaticana testatur editor plus *triginta Homiliarios* se reperisse, quorum vetustiores ad initia saeculi octauī referri posse viderentur, siquidem Romanis characteribus quadratis perscripti erant. Plerique omnes integri, ex parte olim ad Sirletum Card. pertinebant, qui aliqua in iisdem sua adnotauit manu; pars eorum Reginae Suecorum Christinae fuit, alii ex Otoboniana suppellectile profecti erant. Singuli ad condendam S. Maximi collectionem aliquid contulerunt. Praefert autem ceteris *tres*, qui indubias saeculi VIII. notas exhiberent, inter quos celeberrimus is, qui *Gennadii* librum *de viris illustribus* complectebatur. Alii duo signati *num.* 3835 et 3836. membranacei, in folio paruo, caractere maiusculo nitido exarati, sermones et homilias per totum annum in duas partes distributas exhibebant. Reliquorum iuxta aetatis seriem haec est apud eum recensio.

Cod. Vat. in fol. min. *num.* 248. membran. saec. XI. circiter.

Cod. Vat. num. 1278. et *Vat. Palat. num.* 430 in fol. membranacei ambo, circiter saec. XI.

Cod. Vat. num. 4222. literis Longobardicis exaratus in fol. max. saec. IX. (fortasse scribere voluit XI, si vere aetatis ordinem seruauit.)

Cod. Vat. num. 4951. saec. XI vel XII. olim Card. Sirleti, nitide et diligenter scriptus, ex quo plures *de Epiphania* homiliae, item *de Quadragesima* et *S. Ioanne Baptista* descriptae.

Cod. Vat. num. 1196. eiusdem circiter aetatis, vitas Sanctorum et passiones Martyrum referens. In eo quatuor *de S. Ioanne Baptista* Sermones reperti.

Codices Vat. signati num. 1267, 1269, 1270, 6450, 6451, 6452 etc., et *Vat. Reginae Suecor.* 125, 128 et 539, qui omnes ad Saec. Christi XII. pertinent.

Cod. Vat. Reg. num. 1025. membranaceus, in fol. saec. XIII.

Codex alter num. 19. in fol. eiusdem aetatis.

Cod. Vat. num. 587 saec. XIV.

Codices Vat. Palat. num. 183, 432, 433. chartacei, saeculi XIV.

Cod. Vat. Ottobon. num. 106. in fol. membranac. saec. XI. *Cod. Vat. Ottob.* alter *num.* 773. in quo per sententias et doctrinas Patrum agitur *de mysteriis redemptionis humanae*, interque eas plurima citantur S. Maximi. Opus ineditum, absque auctoris nomine forte perscriptum extremo saec. XIV.

Antequam autem ipsos hosce codices perlustraret, acceperat a *Petro Aloysio Galletio*, Monacho tum Bened. Congreg. Casinensis, post Cyrenensi Episcopo, *Varias lectiones* ex Vat. Codd. et sermones aliquot diligenter inde descriptos, quae stimulum tanto acriorem ipsi indiderunt ad omnia suis oculis cognoscenda.

β. *Basilicae S. Petri.* Recensentur sex;

1. *Codex* sign. num. 106. litt. C, membranaeus, in fol. saec. XII.
2. *Codex* alter continens homilias et sermones in lectiones distributos.
3. *Codex* sign. num. 210. in quo collectio sermonum Leonis M, inter quos nonnulli, qui S. Maximo posterioribus temporibus adiudicati sunt. Saeculi videtur XIV.
4. *Codex* sign. num. 7. A. Lectionarius et Passionarius, continet partem homiliae S. Maximi *de Mirabilibus*.
5. *Codex* sign. num. 40. A. Lectionar. continens octo partim sermones partim homilias S. Maximi.
6. *Codex* sign. num. 9. A. Lectionar. continens sermones in *Nat. Apostolorum Petri et Pauli* et alterum *de S. Laurentio*.

Ceterum testatur Brunus, codices S. Petri prae ceteris emendatissimos esse, vtrisque autem, hisce scilicet et Vaticanis, hoc impertit elogium, eos et emendatiore textu, characterum nitore et elegantia, et concentu inter se, reliquis omnibus praeferrí oportere.

γ. *S. Crucis in Ierusalem* i. e. Bibliothecae Romanae Monasterii S. Crucis in Ierusalem, Ordinis Cisterciensis. Inter hos longe praestantissimus fuit:

1. *Codex Nonantulensis*, i. e. qui olim erat Monasterii Nonantulani in agro Mutinensi, ante annum Christi octogesimum acquisitus ab Anselmo abbate, membranaceus, in folio, notatus num. XC. in fronte quidem exteriore, quamquam intus pag. 1. num. CXXXIV. praefert. Omnes eius Bibliothecae codices

codices cum antiquitate, tum accurata scriptura antiquitateque antecellit, spectatque ad saeculum VII. vel summum VIII. Ductus literarum Romanus est, secundae, ut aiunt, aetatis, paululum vergens ad Longobardicum. A pag. 129 ad 160, inquit Brunus in *Praefatione*, sexaginta partim homilias, partim sermones complectitur, qui omnes iudice Card. Besutio in indice eiusdem Bibliothecae S. Maximum auctorem agnoscant. At in *notitia Codicum*, ubi omnium sigillatim titulos recenset, numerat LXIII. Mabillonius contra, qui pridem eo usus erat, homilias in eo contineri scribit LXXIII. ex quibus pleraeque etiam in exemplari Sangallensi habebantur. Inscriptum erat, eodem teste, in fronte codicis nomen auctoris: sed eo abrafo, *sancti Ambrosii* nomen substitutum. Maximam tamen partem harum homiliarum Maximi esse censet: tamen si quaedam aliae Hieronymi et Augustini sub eorum nomine insertae essent.

2. *Codex Nonantulensis alter*, signatus num. XCIX (intus LXVII) membranaceus, in 4. caractere Romano rotundo et eleganti, saeculo circiter XII. exaratus. Principio *exorcismos super energumenos* continet, deinde *Epistolas duas Pontificis Max. A.* (Alexandri III. putat Brunus); postremo a pag. 5. ad 163. homilias sermonesque S. Maximi XCVI, in quibus XLVIII. sermones nullatenus ab iis, quos Codex XC continet, discrepantes, unde verum eorum autorem Maximum esse cum Besutio Brunus censet, adstipulantibus versibus barbaricis ab initio eorum

rum adscriptis et titulo. Etiam huius codicis sermonum homiliarumue titulos singulos transscripsit in Notitia Codd. sed numerus similiter ac in priori discrepat, nec XCVI. sed XCII. exhibentur.

3. *Lectioarium* saeculo fere XIII. perscriptum, signatum num. 9. (intus 222.) in folio grandiori, membranaceo, literis quadratis exaratum. Continebat Lectiones de Tempore et de Sanctis et homilias aliquot.
4. *Lectioarium Cisterciense alterum* saeculi XIV. in fol. itidem grandiori, membran. caractere semigothico exscriptus. Inerant XII. homiliae S. Maximi.

Monita et Variantes Lectiones testes aduocat Brunus, ex quibus constet, quantum utilitatis hi Codices editioni suae contulerint.

δ. *Vallicellani*, i. e. Bibliothecae Vallicellanae PP. Congregationis Oratorii S. Philippi Neri, quae Lectionariis valde insignibus abundat, ut pridem a Balleriniis fratribus in Leonis M. editione edocti sumus. Septemdecim ex iis euoluit Brunus, in quibus quinquaginta erant Maximi sermones et homilias, quos cum editis contulit; nempe

1. *Codex II.* membranaceus in fol. max. saec. XI. circiter, in quo nouem Sermones Maximi.
2. *Codex VI.* membranac. in fol. max. saec. XIII.
3. *Codex VII.* membr. in fol. max. saec. XIV.
4. *Codex VIII.* membr. in fol. max. saec. XIII.

XIII. Hi non nisi vnum aut alterum Maximi sermonem habebant.

5. *Codex IX.* eiusdem aetatis ac formae, ac praecedens, tres sermones continebat.

6. *Codex XV.* eiusdem formae et aetatis sermones X. Maximo inscribit.

7—9. *Codices XIX, XX et XXV.* Primus est membran. in fol. max. literis Longobardicis exaratus, saeculi forte IX. Eiusdem aetatis et formae, nec tamén characteris ac reliqui duo. Quilibet eorum non nisi vnicum Maximi sermonem continebat.

10. *Codex* sign. 4. 7. homilias exhibens per anni circulum, in quibus septem Maximi sermones.

11. 12. *Codex A. 9. Codex A. 10.* vterque membr. in fol. max. saec. XIII. prior vnicum *de SS. Apostolis Petro et Paulo*, posterior sex profert.

13—17. *Codices A. 16. B. 5. H. 2. H. 7. H. 23.* vnum vel alterum sermonem aut homiliam suppeditantes.

ε. *Lateranenses.* In huius Basilicae tabulario plures olim, quam nunc supersunt, extitisse codices ex numeris inscriptis patere monet Brunus. Quatuor tamen inuenit *homiliaria*, quorum tria membran. in folio max. caractere Romano nitide exarata saeculo XI. scripta censet, quartum in fol. minori saec. XIII. Ex grandioribus illis duo in fronte voluminis inscriptum gerebant: *Compositum a Secundino Taurominitano Episcopo tempore sancti Gregori Papae.*

Ex Lateranensibus quaedam ante inedita, nempe sermonem in *Dominica Palmarum et de communi plurimorum Martyrum*, desumpsit, aliaque eorum testimonio confirmavit, omninoque Balleriniorem, qui emendatissimos censeant, subscripsit sententiae.

ζ. *Casanatenses*. Bibliotheca Card. Casanatae apud FF. Praedicatorum ad Mineruae duos praebeuit *Homilarios* codices membranaceos in fol. max. eleganti et nitido Romano caractere saec. fere XI. scriptos. At pauca ex iis pro Maximo collegisse se testatur.

η. *Zeladiani*, i. e. codices, qui sunt penes Card. Franc. Xau. de Zelada, Bibl. Vat. Praefectum, inter quos eminet,

1. *Codex Vrbeuetanus*, a Capitulo Cathedralis Vrbeuetanae ipsi dono datus, membranaceus in folio maximo optime exaratus ab octingentis circiter annis. Inter plures celebriorum PP. homiliae plures S. Maximi habet, quarum nonnullae, etsi nomine auctoris careant, fidem tamen ex aliis codicibus nanciscuntur. Ex eadem praeterea Bibliotheca Bruai vsibus concessi fuerunt,
2. *Codex* membranaceus in folio max. Acta et Passiones Martyrum continens, et
3. *Codex Lessonarius*, in quo quatuor Maximi sermones.

θ. *Chisiani*. In Chisiana Bibliotheca mss. libris abundantissima tres euoluit *Homilarios*, quorum duo membranacei in fol. saec. XII. olim Ecclesia Anagninensis possedit. Tertius erat chartaceus saec. XV.

XV. et plures Maximi Sermones dubios continebat.

- i. *Carrarianus*, i. e. codex Praefulis Francisci Carrariae, sacrae Congregationis Concilii a Secretis. Fuit olim Ecclesiae *Strigoniensis* et *Breuiarium* eiusdem continet. Scriptus est in membranis candidis, charactere nitido et eleganti, initio fere saeculi decimi sexti, picturis splendidissimis a Ioanne Boccardino ciue Florentino in hoc artis genere eximio ornatus. Septem homilias Maximi exhibebat, quarum *variantes* lectiones suis locis sunt propositae.
- ii. *Codex Bibliothecae Angelicae S. Augustini*. Breuiarium Saeculi XV, membranaceum, in folio, eosdem quatuor sermones sancto Maximo attributos completens, quos Breuiarium Ecclesiae Veliternae continet.

Ceterum lustravit etiam Brunus Bibliothecas *Columnarum Comitum*, *Barberiniorum* et *Albanorum*; at nihil in eorum codicibus reperisse se affirmat, quod non tritum editorum superiorum sermone, aut non per vulgatum esset. Cum autem ad Pontificem Maximum relatum esset, quam diues prae ceteris libris mss. Maximo profuturus esset Casinensis Bibliotheca, ipsum Brunum Casinum se conferre eosque euoluere iussit. Paruit ille et adiuuantibus doctis aliquot eius Congregationis Monachis XX. codices excussit. Erant autem

V. *Codices Casinenses* omnes membranacei, partim Romano partim Longobardico charactere exarati

exarati et meliorum criticorum iudicio ad X. vel XI. saeculum referendi. Signabantur his numeris: 102. (alias 1094.) 203. (alias 1075) 104. (alias 2030) 106. (alias 1072) 107. (alias 1034) 126, 129, 123 (alias 581) 131, 147, (alias 1100) 144. 142 (alias 1100) 193, 305 (alias 1080) Omnino autem *sexaginta* sermones plerisque iure sancti Maximi nomen ferentes in iis deprehendit. Attamen paucos ex iisdem in Appendicem, tanquam spurios et Maximo indignos, non obstante horum codicum autoritate reiecit. Illud notabile ducit, quod homilia de *Euangelica Piscatione* et quartus ac septuagesimus sermo, de *natali sancti Laurentii*, cum nisi sola vnus codicis Laurentianae Mediceae Bibliothecae epigrapho Maximo adscribi nequirent, iam etiam inscriptione Codicis alterius huius Bibliothecae quasi firmiore asseneratione ei tribui videantur. Ceterum quamquam hosce codices insigni plane bonae frugis *variantium* lectionum copia Maximum illustrare scribit: fatetur tamen, eos plerumque ita cum Vaticanis congruere, ut in iis vix quidquam deprehendi possit dissimile.

VI. *Codices Farfenses*. Inter plures summae vetustatis ac summi pretii libros mss. celeberrimi monasterii Farfensis, *duos* praecipue obseruavit membranaceos in fol. max. Lectionarios ex Card. Tamburinii sententia saeculo XI. perscriptos. Tertius codex item membranaceus in folio minori, saeculi X. cum aliis tractatibus homilias aliquot complectebatur. *Duodecim* (in Praef. *Quatuordecim*) sermones S. Maximi iam editos in iis inuenit, pluresque inde *variantes* lectiones desumpsit.

VII.

VII. *Codices Sublacenses.* Ex vetustissimi monasterii Sublacensis Bibliotheca *tres* Codices mss. cum editis contulit. Erant autem Lectionarii Saeculi XIV. in membrana fol. max. literis Gothicis exarati, tres sermones S. Maximi continentes.

VIII. *Codices Beneventani.* In Bibliotheca Ecclesiae Beneventanae antiquis libris mss. instructissima, *quatuor* reperiri monet codices, qui sermones X. exhibeant S. Maximi nomine insignitos. Membranaceos esse declarat, in fol. max. signatos num. I. II. III. et IV. et saeculo XII. non inferiores, ut ex caractere argui possit, et ex iudicio Eminentissimi Card. Stephani Borgiae, qui decerpta ex iis cum Bruno communicavit.

IX. *Codex Veliternus*, *Breviarium* eius-ecclesiae sistens, servatus in tabulario Capituli Veliterni, membranaceus, in folio parvo, saeculi XV. caractere eximio et literis initialibus eleganter pictis exaratus. Quatuor sermones in collectionem Brunianam traductos continet, quorum duo sancti Augustini, alii duo sancti Maximi nomen praeferunt. Communicauerat cum Bruno Eminentissimus Stephanus Borgia, iam S. R. C. Card.

X. *Codices Bobienses.* Bobiense monasterium est S. Columbani in eo tractu Ducatus Mediolanensis, qui nunc Sardiniae regi paret, cuius codices S. Maximi opuscula continentes laudat Muratorius in indice Bibliothecae eius saeculi X. edito in Antiquit. Medii Aevi Tom. III. pag. 819. Quae cum cognovisset Monasterii Casinensis atque Congregationis istius Abbas Generalis Dominicus Fauilla, scripsit ad Bobiensem

Abbatem et mandauit, vt de codicibus eisdem cognosceret et ad se referret. Sed rescriptis ille, frustra eosdem a se suisque esse perquisitos ac nescire se, nisi penitus perierint, quo casu sublatis et quorsum asportati fuerint. In iis vero, qui adhuc in suo Monasterio exsistent codicibus, *Octo* esse inuentos sermones S. Maximi nomine insignitos, quos exscribi etiam et Romam ad Brunum mitti ipse curauit. Ex his octo sermonibus tres genuini erant et antea editi, reliqui quinque tanquam suppositi in Appendicem sunt a Bruno reiecti.

XI. *Codices Neapolitani*, quos lustrauit et excerpta cum Bruno communicauit Angelus Maria Bandinius;

α. *Bibliothecae Montis Oliueti*. Huius in Notitia duo, in Praefatione tres enumerat codices, qui Maximi aliquot orationes continerent. Homiliarii omnes, et quidem

1. *Codex* membranaceus, fol. max., character Romano exaratus, saeculi, vt in Praefatione Brunus ait, XI. sed iuxta eiusdem in Notitia assertionem, saeculo XIV. non superior, et adquisitus Florentiae saeculo XV. In hoc Codice vnum genuinum S. Martini sermonem deprehendit, cuius initium: *Saepe intimatum est*, quique ab eo iuxta mss. testimonia sequenti sub tit. *De ieiunio generali* reliquis sermonibus de *Quadragesima* est adiectus.

2. *Codex* alter priori persimilis. Sic in Praefatione. At in notitia plane de eodem filet.

3. Co-

3. *Codex* chartaceus, fol. min. cum initialibus vario colore ornatis, saeculi, vt character eius demonstrat, XV. Hunc *Alterum* vocat in *Notitia*. Ex hoc etiam sermonem genuinum Maximi, olim Ambrosio tributum, depromsit, qui inscribitur *Ante Natale Domini* et incipit: *Satis abundeque dixisse me credo.*

Duos praeterea ex iisdem Codicibus sermones inter dubios reposuit, alios autem, quos iidem exhibebant, tanquam indignos Maximo plane abiecit.

β. *Bibliothecae Augustinianorum S. Ioannis ad Carbonariam.* Codex membranaceus, in folio, medio fere saeculo XIII. (in *Notitia*, saeculo XIV.) exaratus, haud quidem inedita, sed *variantes* lectiones quam plurimas suppeditauit.

XII. *Codices Florentini.* „Quamuis, inquit *Brunus*, nulla fere sit Florentiae Bibliotheca, quae aliquibus mss. codicibus non exornetur; attamen Laurentianae copia et raritate omnibus eminet, cum Principes Medicei nullis pepercerint sumptibus, vt eam locupletarent; quorum literarum amorem, et munificentiam Franciscus I. Imperator, et Petrus Leopoldus eius filius Etruriae Magni Duces secuti sunt.“ Hos ergo primos, immo solos, siquidem de aliis tacet, consulendos censuit, eosque diuidit in *Laurentianos* et *additos*.

1. Ex *Laurentianis* autem, qui sunt *Medicei*, praesto fuerunt

Codex 1. Plut. XIV. membranaceus in fol. max. saec. XII.

Codex 36. Plut. XVII. membranaceus in fol.
max. saec. XI.

37. Plut. eiusd. membranaceus in fol.
max. saec. XI.

38. Plut. eiusd. membranaceus in fol.
max. saec. XI.

39. Plut. eiusd. membranaceus in fol.
max. saec. XI.

42. Plut. eiusd. membranaceus in fol.
max. saec. XI.

41. Plut. XVI. membranaceus in fol.
max. saec. XI.

23. Plut. XVIII. membranaceus in
fol. max. saec. XI.

1. Plut. XIV. membranaceus in fol.
max. saec. XII.

10. Plut. eiusd. membranaceus in fol.
min. saec. XV.

9. Plut. XIX. membranaceus in fol.
min. saec. XIV. continens episto-
las Hieronymi.

2. *Ex Additis in Laurentiana nostris temporibus*

Codex 4. Bibliothecae olim sanctae Crucis
Minor Plut. XXXIII. partis sinistrae, mem-
branaceus in fol. min. saec. XI.

Codex 1. eiusdem Plutei in fol. max. saec. XI.

Codex 4. Plutei XIII. partis sinistrae, mem-
branaceus in fol. min. saec. XI.

Codex 5. Plutei eiusdem, membranaceus in
fol. saec. XI.

Codex 2. Plut. XXXIII. partis sinistrae,
membranaceus, in fol. max. saec. XI.

Codex 117. membranaceus in folio max.
saec. XI. olim Bibliothec. Aedil. Maioris
Ecclesiae Florentinae.

Codices 172, 173, 174, 169. membranacei in fol. max. saec. XI. Postremus fuit olim Bibl. Aedil. Ecclesiae Maioris Florentinae.

Inter hos praecipuos esse et castigatē scriptos tradit, non item reliquos, *quinque*; nempe

1. Sanctacrusiensem. 2. eum, qui olim fuit Ecclesiae Meldensis, nunc Laurentianae Bibliothecae. Sed ad quem ex supra recensitis illa spectent, auguratu difficile sit. 3. Duos ecclesiae olim Florentinae, nunc quoque Laurentianae Bibl. ad usum chori, ex sententia ipsius, paratos. 4. Codicem saeculi XIV, in quo homiliae ea serie eoque ordine distributae sint, atque in Codice XCIX. sanctae Crucis in Ierusalem. Scilicet *Homiliarii* sunt omnes fere hi Laurentiani Codices, de quorum indole et diuersis generibus commode hac occasione praecipit editor, ut doceat, qui fieri potuerit, ut multi et plerique adeo mendorum et falsarum inscriptionum pleni sint. Fuisse enim monet Homiliarios non solum Cathedralibus sed etiam Parochialibus ac Monasticis ecclesiis, quin etiam cuique Sacerdoti, in quibusdam saltem regionibus, unde fieri vix potuisse, quin imperitis interdum calligraphis in manus inciderent.

XIII. *Codices Cistercienses* Montis Amiatae i. e. Coenobii veteris Ordinis Cisterciensis S. Salvatoris in agro Senensi ditionis Clusinae. Duo hic reperti erant Codices, de quibus ad Brunum relatum fuit, Maximi homilias et sermones aliquot continentes, membranacei, in fol. max. saeculi XIII. quos in monitis non infrequenter commemorat.

XIV. *Codices Lucenses*, i. e. Ecclesiae S. Martini Lucensis. Inter plures huius Ecclesiae mss. codices, qui famam per celeberrimum eius urbis Archiepiscopum Ioannem Dominicum Mansium

fium adepti sunt, *tres* extant, homilias quafdam et sermones S. Maximi praeberentes, membranacei omnes, in folio, charactere Romano saeculo XII. vel XIII. exarati; nempe

1. *Codex* signatus P. † non nisi vnum sermonem de S. Laurentio Martyre in ed. Rom. col. 579. impressum continens.
2. *Codex* sign. num. 89. vnam homiliam sinceram in Rom. col. 285. collocatam aliamque spuriam in *Dedicatione sancti Michaelis Archangeli* a Bruno reiectam exhibens.
3. *Codex* sign. num. 85. decem et octo partim homilias, partim sermones sancti Maximi germanos omnes exhibens.

Non leuem ex Lucensibus mss. utilitatem se cepisse Maximi editor testatur. Sed cum addit, se ad laudem eorundem silere non posse, quod nihil spurium, nihil supposititium in illis sit contentum (quapropter ex optimis exemplaribus ductos existimat;) id, quomodo cum antecedentibus componi possit, nescire me fateor.

XV. *Codices Mediolanenses*

α. *Bibliothecae Basilicae Ambrosianae.*

1. *Codex* sign. lit. C num. 98. exaratus literis Longobardicis octauo circiter saeculo. Is ipse est, quem primum Mabillonius et non minori diligentia post eum Muratorius excussit. Vterque haud paucos ineditos ante Sermones ex eo eduxit, pluresque etiam notauit inter Ambrosianos iam tum vulgatos; ita tamen, vt de omnibus non satis certum sibi esse iudicium fateretur. Quippe mutilus est codex non in fronte solum, sed etiam in calce aliisque quam plurimis in locis, quod iure suo causam esse existimat Muratorius,

rius, cur clariora de harum homiliarum auctore desiderentur. Praetereaque illud, quod quidam insint Sermones, qui expresso nomine *S. Maximo Taurinati Episcopo* tribuuntur; vnde nasci sentit suspicionem, ne ceteri, quorum ipse non scribitur Autor, ad alios Autores pertineant. Dignum autem memoratu cenleo, quod de hoc Codice nuper demum Brunus comperit, cum super ipso ex Io. Bapt. Bratica Substituto Praefecti Bibl. Ambros. quaesisset: pertinuisse eum olim ad Monasterium Bobiense; excidisse inde; magnoque diu post pretio a Card. Frid. Borromeo partum ac Bibliothecae Ambrosianae illatum esse. Hic autem codex, cum diu solus apud Mediolanenses cognitus fuisset, qui Maximi scripta quaedam contineret: nuper demum alii cum Mediolani, tum Modoetiae inuenti sunt, ex quibus sermones aliqui inediti et plures *Variantes* lectiones ad Brunum redierunt. Nempe

2. *codex Homiliarius*, scriptus in membrana, saeculo fere XI. Ex eo homilia Maximi nomine insignita in *Traditione Symboli*, multis cum Variantibus lectionibus ex codice superiore, num. 98. transmissa fuit.
3. *Codex* membranaceus in fol. caractere Longobardico exaratus saeculo IX.
4. *Codex* item membranaceus in folio, saeculi XI.
5. *Codex* eiusdem Basilicae membranaceus in folio, saeculi IX.
6. *Codex* alter eiusdem aetatis, qui non extat, nisi in exemplari exarato a. 1514. a Canonico Casola. Ex hoc homiliae aliquot Ma-

ximi nomen praeferentes a Frisio Canonico ad Brunum sunt transmissae, inter quas praecipua *de reparatione Ecclesiae* Maioris Mediolanensis.

β. Bibliothecae Metropolitanae Ecclesiae Mediolanensis.

1. *Codex* membranaceus, in folio min. sign. lit. *F. num.* 56. saeculi XIII.
2. *Codex* membranaceus in fol. max. sign. *nunc.* 202.

XVI. *Codices Modoetienses*, i. e. Bibliothecae Capituli Modoetiae (Monza).

1. *Codex* sign. III. membranaceus, in folio, saeculi VIII. qui diuersos sermones in lectiones distributos complectitur.
2. *Codex* sign. B. XI. membranaceus, in folio, saeculi XII.
3. *Codex* sign. B. X. membranaceus, in folio max. saeculi XI.

XVII. *Codices Veneti.* Ipsa inclyta Venetiarum respublica, simulac de Pii VI. consilio Maximi memoriam ac monumenta instaurandi inaudisset, quidquid in codd. mss. bibliothecarum suae ditionis eidem conducere posset, colligi et singulari officii testificatione Pontifici tradi curauit. Fuerunt autem

α. Bibliothecae S. Marci

1. *Codex* sign. *num.* CLIII. saeculi XI, pars nimirum prima Homiliarii distributi in duo ingentia volumina membranacea, in folio, quae iuris olim fuerunt Card. Bessarionis et post ab eodem cum aliis ipsius libris dono reipublicae data. Satis emendate scriptus est, ex eoque duo *de Quadragesima* sermones antea inediti accepti, quorum prior inter

ter

ter homilias col. 109, alter inter sermones col. 447. ed. Rom. locum occupat.

2. *Codex* sign. num. DVIII. membranaceus item, in folio, saeculi XII; pars secunda alterius Homiliarii libri, non tam castigata scripti, quam libri postulant, qui publice in Ecclesia legi solent. Repertus erat in Aede S. Marci immixtus pauculis voluminibus, quae Petrarcha ei Ecclesiae donarat, indeque in Bibliothecam translatus fuit. Continebat tres sermones S. Maximi nomine apud Brunum editos col. 631. 633 et 635.

β. *Patavinus* codex *Bibliothecae Canonico-*
rum, saeculi XV. ex quo duo sermones,
quorum alter incipit: *Ad exhibendum ve-*
strae caritati sermonem etc. alter: *Recte,*
atque ex debito etc. descripti. Posterior
inter genuinos locum occupat col. 623,
prior inter dubios in Appendice col. 53.

XVIII. *Codices Veronenses* seu *Bibliothecae Capituli Veronensis*.

1. *Codex* sign. num. 75. membranaceus, in folio, saeculi VIII.
2. *Codex* sign. num. 431. membranaceus item, eiusdemque aetatis ac formae. Vterque sermones aliquot suppeditavit, quorum *variantes* lectiones in adnotationibus a Bruno sunt exhibitae.
3. *Codex* sign. num. 49. eiusdem aetatis, pergaminae formaeque, unde proficiscuntur *Lectiones* seu *Expositiones Euangeliorum* nullibi adhuc inuentae, quas quidem Brunus non diuersas putat a libro inscripto *de Capitulis Euangeliorum*, quem Gennadius, Honorius Augustodunensis, et Trithemius inter Maxi-

mi opera recensent. Praeterea ex eo exscripti sunt duo tractatus, quorum vnus est *contra Paganos*, alter *contra Iudaeos*; qui etsi auctoris nomen non praeferant, digni tamen habiti sunt ab isto editore propter orationis et sententiarum cum aliis Maximianis opusculis concordiam, qui eidem tribuerentur. Ex vetustate codicis tamen pluribus lacunis laborant.

Hosce Veronenses Codices in nouae editionis commodum conferendos curauit Antistes eiusdem Ecclesiae Ioannes Morosinus.

XIX. *Codex Brixienfis*. Capitulum Ecclesiae Maioris Brixienfis Lectionarium seruat membranaeum, in folio, saec. XIII. vnde curante Io. Manlio Brixienfium Antistite duo sermones sancti Maximi nomine exornati, nempe de *Corpore Christi*, in ed. Rom. col. 279. et de *Quadragesima* col. 447. cum aliquot *variantibus* lectionibus depromti fuerunt. Haec de Italicis Codicibus Brunus. Aderant vero et

B. *Germanici*. Data erat haec prouincia a Pio VI. P. M. Iosepho Garampio apud Viennensem Imperialem aulam tunc Apostolico legato, vt, si quid ex Germanicarum Bibliothecarum codicibus mss. ad ornandum Maximum erui posset, id cordi sibi esse sineret et quantum posset, vrgeret. Is igitur cum frustra suo ipsius labore ac industria Bibliothecae Augustae libros euoluisset, ad Monachos Ordinis S. Benedicti se conuertit, Praefulesque Monasteriorum Ratisponensis, Gottwicensis, Lambacensis Angiaeque diuitis hortatus est, vt in vetera Bibliothecarum suarum exemplaria inquiri iuberent, si quid collectioni Operum S. Maximi profuturum detegi posset. Nec defuere illi officio.

cio. Scribit enim Brunus, certatim a Monachis ad id opus cursum esse; perfectos indices locupletissimos homiliarum et sermonum Maximi; variantes lectiones haud parui pendendas diligentissime transscriptas, indicatam codicum aetatem atque praestantiam, in quibus opuscula extarent S. Maximi nomini inscripta: atque haec omnia denique Romam a laudato Praefule transmissa sunt: Fuerunt autem Codices sicut accepit, alii temporis nota insigniti, alii eadem carentes,

1. *Codices Abbatiae Augiae diuitis octo*, signati num. 12. 14. 15. 16. 19. 21. 29. 39.
2. *Codex Bibliothecae S. Emmerani Ratisspinae*; membranaceus, in folio, sign. lit. E num. 41. saec. IX.
3. *Codex Bibliothecae Lambacensis*, membranaceus, in folio, saeculi XIII.
4. *Codex Bibliothecae Gottwicensis*, chartaceus, sign. L. 5. saeculi XIV vel XV.

C. *Codices Belgici*. Duo reperti sunt in Belgii bibliothecis codices mss. quorum curam gessit, mandante Ignatio Busca Apostolicae sedis apud Belgas legato, qui in eo negotio Pontificis iussui paruit, Can. Vandenvelderus Bibl. Louan. Praefectus et Theologiae Professor. Erant scilicet

1. *Codex Bibliothecae S. Martini Canonicorum Regularium Louan.* membranaceus, in folio maximo, saeculi XI. duobus voluminibus exhibens homilias de Tempore et de Sanctis, inter quas triginta partim homiliae, partim sermones S. Maximi.
2. *Codex Bibliothecae Abbatiae Camberonensis Cisterciensis Ordinis*, chartaceus, in 8tauo, nitido caractere exaratus a fratre Ioanne de Waulx a. 1620, aliquot Maximi sermones conti-

continens praefixo titulo: *Sermones beati Maximi Taurinensis Episcopi* etc. Varietates horum codicum adscriptae fuerunt editioni Colonienſi a. 1535.

D. *Codices Heluetici.* Haud ſane alius extat liber ms. celebrior

1. *Codice Sangallensi*, quem primus adiit Mabillonius. Is vero quanti eum fecerit et qualia ex eo eduxerit, ſupra doctum eſt. Commodauerat autem Mabillonio operam ſuam, quod ſilentio praeterire nefas ſit, Hermannus Schenkſius, Bibl. Sangallenſis tum Praefectus. Nunc recens de eodem accuratius ad Brunum retulit Bibliothecae iſtius item Praefectus P. Magnus Hungenblykerus (Non is Ianuariis 1779), „Aſſentiri ſe Ioanni Mabillonio, et Martino Gerberto Principi et Abbati S. Blaſii, Codicem ipſum membranaceum, in folio, literis Longobardicis exaratum ſaec. VIIIuo non recentiore eſſe aientibus. Falſo autem Auguſtini nomen praeferre. Nihil enim in eo contineri homiliarum aut ſermonum, quod acceptum Auguſtino ſit referendum. Conſtare id ſcilicet ex altero eiufdem Bibliothecae noni ſaeculi codice, cui haec praefixa epigraphe, *Homiliarium Maximi Episcopi per totum annum de diuerſis feſtiuitatibus volumen valde vetus.* Nam cum eadem prorfus homiliae in hoc atque in vetuſtiore illo Codice contineantur, magni id certe argumenti eſſe oportere, erraſſe vehementer librarium, qui Auguſtinum Maximi opusculorum conſtituerit auctorem. In eo porro diffidere ſe a Mabillonio, quod ipſe homilias non plus
nona.

nonaginta in utroque illo Codice numeret, Mabillonius vero septem et nonaginta, hac omnino de causa, quod Mabillonius de sacramentis libros septem, qui Ambrosio adscribi solent, totidem Maximi homilias existimauit.

2. *Codex* alter a Hungenblykero modo memoratus, scriptus item literis Longobardicis.

Haec sunt, quae editor Romanus de codicibus adnotauit, qui nouae huic collectioni condendae profuerunt, inter quos tamen tribus illis, quos Mabillonius primum euoluit, nempe *Sangallensi*, *Nonanulensi* nunc *S. Crucis in Ierusalem*, et *Ambrosiano Mediolani* primas et ipse defert. Parabatur etiam Gallicorum mss. collatio, sed, quamuis diu expectata, nondum Romam perferri potuerat, cum sibi diutius expectantium desideria suspendere non posse videretur. Attamen pollicitus est, se, simulac ipsi reddita fuerit, non commissurum esse, ut in iis numerandis, aestimandis atque celebrandis studium suum desideretur. Denique illud silentio praeterire nequeo, adiectas esse in fine voluminis Romanae editionis ad vberiore Notitiae huius Codicum illustrationem tabulas quatuor eiusdem ac ipsum volumen moduli, aere incisas, in quibus XXVII. specimina characterum et formae codicum insigniorum repraesentantur, ad quae spectat *Declaratio Aetatis* supra commemorata.

26.

IOANNES CASSIANVS.

Vulgaris est opinio, nixa auctoritate Gennadii, s. i. Vita. Cassianum ex Scythia minore, vna ex prouinciis Thraciae, fuisse oriundum. Attamen recentiori aeuo fuerunt viri docti, qui argumentis haud contemnendis,

dis, praesertim ab amoenitate et fertilitate, quam ipse in patria extollit, itemque linguae latinae quam in scriptis prodit elegantia ductis, contenderunt, natales eius ad Galliam et in specie Prouinciam esse referendas. Quidquid verum sit, ab ineunte aetate (natus autem creditur circa annum 350. aut 360.), incertum quo pacto, apud Monachos Palaestinae, in Monasterio quodam, quod Bethlehem audiebat, diverso illo tamen ab Hieronymiano eiusdem nominis, quod serius fuit exstructum, educatus ibique primum religionis christianae doctrinis imbutus est. Nactus autem sodalem, quocum familiarissime vivebat, Germanum nomine, conterraneum eundem, consilium cum eo iniit Anachoretas in eremo Scythi *) constitutos circumueundi. Susceptum est arduum hoc iter anno circiter 390. Penetrabant ad interiora Thebaidis et septem integros annos inter horridos illos sanctos exigebant. Quid? quod eodem quo in monasterium reuersi erant anno (397), denuo se profectio- ni isti commiserunt et in tristi illo terrarum angulo ad annum vsque 400. delituerunt. Iudices ergo, an iniuria Eremitae nomen Cassianus ferat.

Relicto iterum deserto Cassianus cum sodali suo Constantinopolim proficiscitur, Ioanni Chrysostomo adhaeret ab eoque diaconi munere ornatur. Mox ubi ille a perditorum hominum turba de sede sua esset deiectus, eius causa (a. 405.) cum legatione Cleri Constantinopolitani ad Innocentium missus est. Ex illo vero tempore ad annum ferme 415. memoria

*) Sic ipse in *Collationibus* ab initio. Alii *Scythiae* legunt. Eremus erat iuxta Maream lacum in Aegypto, quae alias etiam *Scetis*, *Scetica*, *Scetina*, *Scetiaca*, et *Scythica*, *Scytiaca*, *Scythiotica* appellatur.

ria eius in obscuro est. Sunt qui in Orientem re-
versum eum dicant eundemque existiment cum Cas-
siano Presbytero, qui a. 414. ab Alexandro Antiochiae
episcopo Romam missus fuit ad pacem inter vtram-
que ecclesiam reconciliandam; alii tamen iam tum
Massiliam eum concessisse putant, vbi presbyteri di-
gnitate auctus est et ab eo ferme quem modo indica-
vimus anno tam vitae quam doctrinae existimatione
fuit conspicuus. Inclaruit imprimis fundatis duo-
bus, altero virorum, altero virginum monasteriis,
quorum disciplinam ad Palaestinae et Aegypti regu-
las compositam ipse moderabatur et tum suo tum
scriptorum suorum exemplis egregie confirmabat,
licet fama hisce editis parta non omni labe carere
potuit. Quamvis enim Pelagianorum strenuus esset
adversarius, ea tamen super peccato originali et gra-
tia dogmata aluit, quibus ipse haeresiarchae nomen
consequeretur, quaeque non leues in Gallia aliisque
provinciis motus et contra auctorem quidem Prospe-
ri calamum excitarent. Nihilominus quidquid in
aliis haeresis speciem praeferret quam maxime dete-
stabatur coronavitque gesta sua impugnatione acerrima
erroris Nestoriani. Tempus quo vivere desierit,
non liquet, sed non multo a vero aberraverit, qui
circa a. 440. obitum eius contigisse existimet.

1. *De institutis Coenobiorum libri XII. ad Casto-rem Aptensem episcopum*, cuius hortatu sunt compositi. Gennadius tribuit in tres partes, quarum media seu liber *quartus* solus *Institutiones* continet, prima tribus libris constans, de habitu monachi et de canonico orationum atque Psalmorum modo, qui in monasteriis Aegypti tenetur; tertia denique octo posterioribus libris comprehensa de origine, qualitate et remediis principalium vitiorum

rum inscribitur. Photius duos libros facit, *Institutionum* alterum, alterum *de octo capitalibus vitis* inscriptum; eamque diuisionem secutus est Cuykius. Cassianus ipse non nisi vnum et continuum XII. librorum opus agnoscit, quod perfectam vitam monasticam exemplis et praeceptis docet. Tempus, quo scripti sint, accurate definire non licet. Id vnum censent *Benedictini Historiae litterariae Galliae auctores*, scriptos esse ante Pelagianorum per Innocentium et Zosimum damnationem, h. e. ante annos 417. aut 418.

2. *Collationes Patrum* XXIV. diuersis temporibus intra annos 419. et 427. litteris mandatae. Decem priores Leontio episcopo Foroiulienſi et Heladio S. Castoris Abbati; septem sequentes Honorato mox episcopo Arelatenſi; septem posteriores Iouiniano et Mineruio aliisque monachis inscribuntur.

3. *De Incarnatione Christi aduersus Nestorium* libri VII. circa annum 430. exarati et Leontio Diacono, post Episcopo Romano inscripti.

Falso Cassiano adſcribuntur, *De spiritali medicina Monachi* seu *Dosis medica ad exinaniendos animi affectus*, quam Godefridus Tilmannus Carthusianus in Epistola quadam ad Ioannem Gropperum Archidiaconum S. Gereonis ad Coloniam Agrippinam, tanquam ex Graeco a se conuersam recitat. Particula est breuissima, quam totam inseruit Io. Bapt. Guesnay Cassiano illustrato Lib. I. c. LVIII. p. 188. Eiusdem farinae sunt *Theologica Confessio* et *de Conflictu vitiorum et virtutum*. Alia commemorare taudet. Tillemontii coniectura fuit *Acta S. Victoris Martyris* apud Ruinartum obuia Cassianum auctorem habere, cui tamen Auctores Historiae litt. Galliae non consentiunt. Condidisse praeterea fertur Cassia-

Cassianus quae nunc quidem non extat, *Regulam Monasticam*. Patere illud aiunt Benedictini modo laudati ex Castoris Aptensis Episcopi ad Cassianum epistola. Sed hoc perperam ab ipsis traditum esse cognouimus. Contra Benedicti vero Anianensis testimonium iam ab aliis monitum est, id haud nouam et peculiarem Cassiani regulam sed excerptam quandam ex diuersis institutionum eius locis concernere.

Creditum a quibusdam fuit, Cassianum opera sua non latino sed graeco idiomate scripsisse, eaque postea esse translata; sed hi dudum erroris conuicti sunt. Extant quidem Graeca quaedam Cassiani apud Photium in Bibliotheca Cod. CXC VII. sed ex latino conuersa, nec vero ex ipsis Cassiani libris, sed quos in compendium redegerat *Eucherius Lugdunensis*. Legimus enim apud Gennadium c. LXIII. Eucherium composuisse Epitomen latinam ex prioribus IV. libris Institutionum et VII. prioribus Collationum. Atque nunc etiam Graeca eiusmodi MS. supersunt in variis Bibliothecis, veluti in Caesarea teste Lambecio Tomo IV. pag. 167. (ed. Kollar. pag. 373. seqq.) et Tomo V. p. 276. (ed. Kollar. pag. 582. sqq.) item Regia et Iesuitarum Paris. vt Fabricius in Bibl. M. et Inf. Lat. ex Simonii Censura ad Dupinii Bibliothecam refert. Similia typis tradita sunt, quae sub Athanasii nomine ferebantur a *Montefalcone* ad *Athanasii Opera* Tomo II. Parte I. pagg. 366—386.

Ioannes Rosweyda inter Vitas Patrum exhibet librum ordine quartum ex Seuerio Sulpicio et Ioanne Cassiano concinnatum et in MSS. Codicibus, quorum haud paucos ille consuluit, modo Sulpicio modo Cassiano inscriptum. Ambigit ergo Io. Bapt. Guesnay in l. l. Eucherione haec epitome tribui possit, an forte ad Victorem quendam Afrum, de quo Cassiodorus c. XXIX. Institutionum scribit, eum di-

Et a Cassiani purgasse et quae defuissent addidisse, referenda sit. Sed Cassiodori verba non tam epitomen, quam expurgationem errorum significare videntur.

§. 3. Editiones.

Institutionum libros IV. et de causis et remediis vitiorum octo primum, si vera tradit Fabricius, protruderunt officinae Venetorum a. 1481. Certa est editio Basileensis a. 1485., expressa iterum ibidem apud Amerbachium a. 1497. et Lugduni 1516. Additae sunt Collationes in Veneta a. 1491. recusa Bononiae 1521. et Lugduni 1525. quae omnia simul paraphrasticae redditae a Dionysio Carthusiano lucem viderunt Coloniae 1540. Libros VII. contra Nestorium primus, quantum memini, seorsim extulit Cratander Basileensis Typographus a. 1534. cuius exemplum repetierunt Parisienses bibliopolae a. 1545. et 1569. idemque repraesentavit notulis nonnullis adspersis a. 1572. Iosua Simlerus. Dehinc prima operum collectio in officina Henrici petrina et una cum Ioannis Damasceni operibus a. 1559. iterumque 1569. et tertio 1575. excusa.

Desiderabatur iam vir doctus, qui partim vitia, quae crebra non potuerat non admittere in tali auctore librorum manus, MSS. atque editorum codicum collatione et iudicio sagaci eximeret, partim obscura et difficiliora elucidaret et de erroribus auctoris moneret; quamquam ipsa librorum indoles non quemvis criticae artis gnarum capere atque inuitare poterat, sed magis expectandi erant viri monasticis studiis innutriti et alacres ad ea promouenda. Talem, credo, reperisse sibi videbatur Cardinalis de ecclesiastica litteratura meritissimus Antonius Carafa, cum Henrico Cuykio, Professore Louanienfi, postea Episcopo Ruremondano, Cassianum commendaret. Sed eodem tempore stimulabat magni nominis

nis criticum et elegantioris doctrinae laude florentissimum virum *Petrum Ciacconium* Presbyterum Tolletanum, ut eidem expurgando manus admoueret. Vterque etsi posterior fortasse inuitus voluntati eius auctoritatieque de ratione, qua partes editoris ab iis administrari cuperet, obsecuti sunt et Cuykius nouam Cassiani editionem ad Codices Belgicos emendatam et notis commodis illustratam emisit *Antverpiae ex off. Plantin.* 1578. Ciacconius vero recensitionem, quam ad octo MSS. exemplaria Bibl. Vaticanae parauerat, typis descriptam non vidit. Obiit enim diem supremum a. 1581. illam vero ex autographo ipsius excudi fecit *Dominicus Basa Typographus Romanus* a. 1588. nisi forte annus 1580. pro vero huius editionis natali habendus eademque postea nouo titulo a. 1588. praeferente sit ornata. Certe annus 1580. adscriptus est epistolae dedicatoriae, quam idem Typographus praefixit ad Gregorium XIII. Illud saltem certo inde discimus, Ciacconium ipsum huius auctoris edendi curam suscipere noluisse, sed lucubrationes suas Cardinali transmississe. Repetita est Romana editio *Lugduni* 1606. et *Romae* 1611. Cuykianam singulatim repetitam non memini. Ex vtraque vero facili methodo vnam concinnauit *Alardus Gazaeus (Gazet)* Monachus Vedastinus Atrebatensis (*de l'Abbaie de St. Vaast de l'ordre de St. Benoit à Arras*), secutus in plerisque Cuykium, ita tamen ut Ciacconium aliosque prius editos, immo etiam novos quosdam MSS. codices non negligeret. Addidit de suo Commentarium perpetuum omnium ordinum religiosorum, praecipue vero Benedictinis utilem; atque sic instructa prodiit haec editio *Duaci* a. 1616. III. Tomis. 8. indeque saepius variis in locis et nouissime Lipsiae 1733. typis describi meruit. Sequuntur *Annales singularum editionum.*

S A E C. XV.

1485.

Basileae. fol. Cassianus de institutis cenobiorum, Origine, causis et remediis vitiorum Collationibus que patrum. *In fine:* Expliciunt viginti quatuor collationes sanctorum patrum conscripte ab iohanne heremita qui et Cassianus dicitur. Impresse Basileae Anno domini MCCCC. LXXXV.

Textum praecedit *registrum* alphabeticum rerum et sententiarum memorabilium, in quo ad libros et capita singula excitantur. In auersa tituli pagina legitur: *Auctor quis ac qualis fuerit: quos libros: ad quos: et de quibus scripserit: commendatitia breuifque expositio* in hanc sententiam desinens. *Vt igitur praeclari huius viri (Cassiani) Opera tanta commendatione digna ab omnibus legere cupientibus facilius haberi possint: nuper in inclyta Basileensium urbe post accuratissimam eorundem emendationem: artificiosamque et perutilem et antea non visam distinctionem: singula cum inscriptionibus suis: in hoc unum corpus sunt collecta: elimatisque literarum characteribus ut liquido cernitur impressa: ad frugiferae artis impressoriae commendationem: omniumque diligenter in his legentium utilitatem: Saluatorisque nostri iesu christi gloriam et honorem: qui est benedictus in saecula: anno natiuitatis eiusdem MCCCC. LXXXV.* De eodem argumento versus hexametri sexaginta adiecti sunt in secunda pagina noni ex foliis registri, qui incipiunt: *Caesaris imperio famuletur rhomulus orbis etc.* et desinunt: *Sermones abrahamae: de carnis lege domandae.* Epigraphen faciunt hi duo: *Quos opus hoc libros teneat cognoscere si vis. Et quid quisque tenet: subscriptos perlege versus.*

Impres.

Impressum est volumen typis gothicis grandibus, sed tenuioribus et acutis, binis columnis abs numeris et custodibus. Plagulae signatae sunt; adsunt etiam librorum tituli maiusculo caractere exarati in summa ora, et literae initiales minutae in capitulis.

Id vnum fere singulare in characteribus obseruavimus, quod syllaba *is* in fine vocum per compendium lineae rectae perpendicularis desuper paululum versus sinistram inflexae exarata sit. Eandem ed. servabat olim *Bibl. Ducis de la Valiere*. Ceterum Fabricius in *Bibl. M. et I. Lat.* laudat editionem *Venetam* a. 1481. quam equidem tamen tantisper inter fabulas habeo, donec aliud fuero edoctus.

1491.

Venetiis. fol. Io. Cassianus de institutis Coenobiorum: et eiusdem collationes patrum. Producit Maettarius *T. I. P. II. p. 538.* ex *Bibl. Menarsianae Catalogo p. 19. n. 161.* Extabat etiam in *Bibl. Pinell.*

1497.

Basilae per Io. Amerbach. 4. Ioannes Cassianus de institutis coenobiorum etc. *ut in prima. In fine:* Expliciunt etc. Impressae Basileae per magistrum Ioannem Amerbach: Anno Domini M.CCCC.LXXXXVII. *et subter:* Deo gratias.

Prima Basileensis ad singula verba est descripta caractere gothico minuto, binis columnis.

S A E C. XVI.

1516.

Lugdini. 8. Ioannis Eremitae, qui et Cassianus dicitur, vita et libri XII. videlicet de Coenobiorum Institutis libri IV, et de VIII. Vitiis Capitalibus libri VIII. *Cat. Bibl. Bodlei.* Auctores *Historiae Litt.*

Galliae T. II. p. 224. apud *Simonem Bevilacqua* Lugdunensem typographum hanc editionem impressam ferunt.

1521.

Bononiae apud Benedict. Hæstor. 8. Ioannis Eremitæ, qui et *Cassianus* dicitur, opus de institutis coenobiorum, origine, causis et remediis vitiorum, collationibusque Patrum. *Cat. Bibl. Reg. Paris.* T. I. p. 382. n. 772.

1525.

Lugduni per Iacobum Myt. 8. Idem libri Sponsoribus Patribus Maurinis in *Hist. litt. Galliae* l. I.

1528.

(In fine:) *Haganoæ**, per *Ioh. Secerium* mense Martio. 4. D. *Cassiani* Constantinopolitani Diaconi de Lib. Arbitrio Collatio. Octo plagulae luculento charactere romano, ut *Iustinus* duobus annis ante ibidem excusus, impressæ. Extat etiam in *Cat. Bibl. Reg. Paris.* Collatio hæc in opere integro est vigesima tertia. Rescidit autem editor, ut Patres Maurini modo laudati monent, caput ultimum, eiusque loco XVII. alia ex aliis Collationibus confarcinata substituit, ut si iustum velis esse titulum, inscribi debuisset, *Tractatus de libero arbitrio ex Cassiani Collationibus, præsertim XXIII. descriptus.*

1540.

*) Id est *Haynae* (Grosen-Hayn) in *Saxonia Superiori* ut recte *Benedictini*: à *Hayn* dans la *Haute Saxe*.

1540.

Coloniae ex officina Melch. Nouesianum. fol. Ioannis Cassiani libri XII. de institutis coenobiorum et de vitiis capitalibus, nec non libri duo Collationum XXIV. SS. Patrum paraphrastice redditi, studio *Dionysii Carthusiani*. Adiecta est D. Ioannis Climaci scala Paradisi, latine, ex interpretatione Ambrosii Monachi. *Cat. Bibl. Bodlei. Paris. Reg. et Casanatens.*

1542.

Lugduni apud Iacobum Giunta. 8. Collationes Patrum. Opus Ioannis Eremitae, qui et Cassianus dicitur, de institutis Coenobiorum, origine, causis et remediis vitiorum, collationibusque Patrum. Addita Auctoris vita. *Cat. Bibl. Casanat. it. Cat. de la Bibl. de St. Jacques à Liege 1788. p. 190.*

1559.

Basileae ex off. Henric. petrina. fol. Ioannis Cassiani opera aliquot cum S. Ioannis Damasceni opp.

Iam pridem nempe a. 1548. omnia ex eadem officina prodierant Ioannis Damasceni opera, quam editionem in hac esse recusam, haud incertum videtur, tametsi illa Cassianum non complexa fuerit, ut ex titulo illius in *Cat. Bibl. Reg. Paris. obuius T. I. p. 357. n. 382.* apparet.

1572.

Tiguri. fol. Iohannis Cassiani de incarnatione Christi contra Nestorium haereticum ad Leonem Romanae urbis Episcopum, libri VII; inter *Scripta veterum latina de una persona et duab. nat. Christi* edita a Iosua Simlero. pag. 17. Additae sunt *Vita Cassiani et annotationes in libros eius a pag. 47.*

1575.

*Basileae ex off. Henric. petrina, mense Septem-
bri. fol.* TA TOY MAK. IOANNOY TOY
ΔΑΜΑΣΚΗΝΟΥ ἘΠΙΣΤΑ. Ioannis Damasceni
opera omnia, quae quidem extant: maxima parte
hactenus non visa. Item: Ioannis Cassiani Eremitae
non prorsus dissimilis argumenti libri aliquot, quo-
rum omnium, tam huius, quam illius elenchum
versa pagina, singulorum autem argumenta in prae-
fatione reperies. Accessit Ioan. Damasceni operi-
bus: Itemque Cassiani, Rerum ac verborum memo-
rabilium: nec non locorum sacrae scripturae, quae
in his explicantur atque allegantur: trigeminus in-
dex quam diligentissime conscriptus.

Insunt omnia Cassiani, nempe de Inst. Coenob.
l. IV, a fol. 903, de octo vitiis capitalibus l. VIII. a
fol. 932. Collationes PP. XXIV. a fol. 990. et libri
VII. contra Nestorium a fol. 1239. Praefatus est
Marcus Hopperus Basileensis, epistola ad Thomam
a Planta Episc. Curientem seu Rhoetiae altae d. *Bas.
Kalend. Augst. 1575.* sed de ratione, qua in tra-
ctando auctore vel ipse vel superiores editores vfi
fuerint, altum tenet silentium.

1560.

Romae. 8. Io. Cassiani Vitae Patrum ex eius
Institutionibus Renunciantium et Collationibus ex-
cerptae: in *Vitis SS. Aloysii Lipomani*, tota parte II.

1578.

Antverpiae, ex offic. Christophori Plantini. 8. D.
Ioannis Cassiani Eremitae, *Monasticarum Institutio-
num* libri IV. de Vitiis capitalib. lib. VIII. Collationes
SS. Patrum XXIV. *de verbi incarnatione* lib. VII.
Nunc demum post varias editiones ad complurium
MS.

MS. fidem a non paucis mendarum milibus incredibili labore expurgati: id quod ex subiectis ad calcem cartigationibus facile cognosci poterit. Additis etiam ad quaedam loca-censoriis notationibus, et obscurarum vocum ac sententiarum elucidatione, vna cum duobus Indicibus locupletissimis. Accesserunt quoque Regulae SS. Patrum ex antiquissimo Affliginien-
 tis monasterii Ms. codice desumptae. Opera et studio *Henrici Cuykii* sacrae Theologiae Licentiat; (postea Episcopi Ruremondensis).

Editor in epistola ad Hermannum Comitem a Renneborch Ecclesiae S. Saluatoris apud Ultraiecti-
 nos Praepositum et Archidiaconum &c, (data Louanii ex Albarum Dominarum monasterio. Calendis Mart. M. D. LXXVIII.) multa conquestus de saeculi propter enormem in libris scribendis intemperantiam librorumque simul proteruiam et corruptelam infelicitate; *eam ob causam inter illos, quos Christiana Resp. Dominicae vineae cultores habet, non contemnendam operam nauare, censet eos, qui veterum Ms. codicum fide adiuti, in restituendis emaculandisque SS. Patrum Monumentis, iisque legendis ac perdiscendis omne suum studium collocent.* Quod ne absque causa dixisse videretur ad laudes et commendationem Patrum se conuertit, sed mox ad se rediens: „Quoniam autem, inquit, partim temporum iniuria et vetustate, partim scribarum oscitantia, partim etiam haereticorum insolenti temeritate horum labores compluribus in locis foedati et multis mendis respersi sunt, et multa passim loca in eis occurrunt hialca, distorta, manca, confusa et veluti scopae dissolutae; idcirco danda est opera, ut ex vetustissimis optimisque exemplaribus Ms. suo nitori et integritati quam accuratissime restituantur. Ea igitur res me quoque permouit, mihiq; persuasit operae pretium

remque omnibus diuinarum literarum cultoribus, et cum primis monasticae perfectionis amatoribus neutiquam ingratos me facturum; si in repurgando illustrandoque Ioanne Cassiano aliquid operae collocarem. Quod ut facerem, illustrissimi atque amplissimi Cardinalis D. Antonii Carafae autoritas, quae maximi apud me momenti est, effecit. Is enim, datis ad me ex urbe literis id sibi gratum et Christianae Reip. non incommodum fore scripsit; et quid in eius auctoris recognitione fieri potissimum vellet, exposuit. Quid vero in ea re a nobis praestitum sit, aliorum esto iudicium. Illud vnum affirmare audeo; quod si quis hanc nostram cum prioribus editionibus, quas tam a Basiliensibus, tam a Lugdunensibus paucis abhinc annis accepimus, compararit (omitto antiquiores impressos codices, in quibus omnia paene mutila sunt et imperfecta), nouam huiusce scriptoris faciem, nouam formam, nouumque cultum adhibitum fuisse deprehendet: id quod ex praefatione proxime subiecta et notis castigatoriis ad calcem operis adiunctis manifestum euadet." Duplex nimirum est notarum genus, quibus pro eo, quem sibi ipse statuerat scopo, Cassiano opitulatus est; aliae, quas *Castigatorias* vocat, in quibus Mss. variantes et emendationum causas exponit; his insuper adiecta est Elucidatio vocum graeco-latinarum, quae in Cassiano passim occurrunt, quarumque significatio paulo obscurior videbatur. Aliae *Censoriae* dictae, quas veluti antidota et amuleta quaedam contra obscuriora aliquot loca et errores, tam in tertia decima, quam in aliis Callationibus obuia esse voluit, digressionum instar plenius de singulis tractant. Tenendum vero, quod tam in praefatione totius editionis, quam in admonitione ad notas illas Censorias profitetur et constanter se adfirmare dicit, argumentis item adstruere nititur, *errores*

vires istos non tam ipsi Cassiano, quam Collatoribus, quos ille ita opinatos fuisse scribat, imputandos esse. Quod reliqua attinet, capitum distinctionem a superioribus editoribus receptam, quamvis Mss. exemplaribus non omnino conformem deprehendisset, non temere tamen mutare voluit, libros vero de Incarnatione nondum distinctos, in capita digessit. Addidit indices, unum explicatarum ab auctore SS. sententiarum; alterum, insignium ac memorabilium rerum.

1588.

Romae ex typogr. Vaticana. 8. Ioannis Cassiani Eremitae de institutis renunciantium libri XII. Collationes sanctorum Patrum XXIV. Ab innumeris paene mendis auxilio vetustissimorum codicum expurgatae, et ad suam integritatem restitutae. Adiectae sunt quarundam obscurarum dictionum interpretationes ordine alphabeti dispositae: et observationes in loca ambigua et minus tuta, quae pium lectorem offendere possent. Praeterea indices duo testimoniorum sacrae scripturae, quae a Cassiano vel explicantur, vel aliter, quam vulgata editio habet, citantur. Index postremo rerum memorabilium. Accessit Regula S. Pachomii, quae a S. Hieronymo in Latinum Sermonem conuersa est, multo emendatior, quam antea.

Typographus Dominicus Bafa dedicavit editionem Gregorio XIII. Pontif. Max (†. 1585.) epistola data *Romae Kalendis intercalarib.* a. M. D. LXXX. (1580.). Tam in hac dedicatoria vero, quam in praefatione sua ad lectorem hunc laborem maxime opera Cardinalis Antonii Carafae susceptum ac perfectum esse significat. Quam quidem posteriori in loco declarat apertius, dum *codicis iam editi et Petri Ciarco.*

*Ciacconii manuscriptis marginibus aucti copiam ab eo sibi factam esse praedicat, ne eius auctoritas deficeret, cuius (C. Ciacconii) opera iste labor susceptus esset. Addit deinde, Petrum Ciacconium Cardinalis laudati cohortationibus Cassianum ab innumeris mendis expurgatum in pristinum splendorem restituisse, notasque addidisse, sed nomen ex modestia profiteri recusasse, seque igitur codicis Ciacconiani beneficio adiutum, Cassianum et emendatiorem et locupletiore simul emittere, quod multa Ciacconii manu denuo adiuncta reperisset, quae librum illustriorem reddere possent. Sed eiusmodi augmenta, quae speciose quidem ex utriusque editionis (hoc sibi vult antiquiorum et novae) comparatione lectores discere iubet, praeter regulam S. Paehonii nulla deprehendimus. Sequitur vero hanc praefationem altera ad lectores quoque inscripta, quam quidem Ciacconii esse, ex superioribus non obscure intelligitur. Igitur ipsa verba, quibus operam suam declarat, apponamus. „Vaticana bibliotheca, inquit, octo nobis antiquissima exhibuit Cassiani exemplaria, et ex his quaedam emendatissime scripta, ex quorum collatione innumerabilia loca sunt in hac editione restituta: sed ea notare non fuit consilium, in immensum enim volumen excresceret; satis sit hoc loco monuisse, lectionem vetustorum codicum tanta a nobis fuisse religione conseruatam, ut neque eorum varietatem, si quando inciderat, neglexerimus *). Praeter haec Graecas voces, quibus hic auctor libenter utitur, et Latinas quasdam rudioribus consulentes, alphabeti ordine dispositas latius expla-*

*) Haec cum verbis antecedentibus rotundo pariter characterē exscriptis vix commode ab aliquo conciliari poterunt.

planauimus, adductis eorum locis, ex quorum fontibus hausisse Cassianum existimauimus. Testimonia sacrae scripturae omnia diligenter conquisita in margine notauimus; et quae erant ex LXX. interpretum editione, aut a nostra vulgata aliquando diuersa, ne forte vitiosa crederentur, in indicis formam digesta seorsim impressimus, quibus et Graeca, unde sunt transscripta, coniunximus ex antiquissimo Vaticanæ bibliothecae libro et aliis venerandae vetustatis exemplaribus. Adiecimus et secundum indicem, loca in his libris obiter explicata continentem. Porro id quod erat maxime necessarium, aduersus quasdam minus tritas huius auctoris sententias, quod antidotum sit exhibitum, superiore epistola diximus. Scripsit quidem Cassianus hortatu Leonis I. Pont. Max. luculentos libros de incarnatione Domini contra Nestorium; sed eos, quod nullum extaret in Vaticana bibliotheca manuscriptum exemplar, ad cuius fidem emendari possent, et ab instituto nostro, quo hominem vere religiosum informare studuimus, multum distarent, omisimus addita regula S. Pachomii &c.

Haec ille, qui si Ciacconius fuerit, dolemus quidem, eum non, ut a praecedenti editore factum est, aperte declarasse, quidquid muneris critici in Cassianum a se collatum sit, intelligimus autem, eandem ipsi in tractando Cassiano rationem ab Antonio Carasae fuisse praescriptam, quam Cuykio placere sibi ille significauerat. Cuius summa quidem eo tendisse videtur, ut lectores de locis Pelagianismum redolentibus monerentur. Idem enim, quod Cuykius in *notis censoriis* fecit, hic per *observationes*, ultimo loco ante indices exhibitas, praestare studuit, loca omnia, quae Pelagianismi suspicionem generare possent, undecim propositionibus complexus, quibus iussuper paucae aliae sententiae Cassiani pi-

am

am interpretationem desiderantes nulla ordinis librorum aut collationum ratione habita adiiciuntur. Has vero observationes antecedunt adnotationum nomine explicationes vocum Graecarum, quibus Cassianus utitur, alphabetico etiam ordine, sed vberiores ac crebriores, quam apud Cuykium, qui *elucidationes* istas castigatorias notis suis adiunxerat. His accessit etiam indiculus locorum scripturae sacrae iuxta LXX. versionem laudatorum *), additis Graecis, unde desumpta sunt, *ex vetustissimo Vaticanae bibliothecae libro et aliis correctioribus.*

S A E C. XVII.

1606.

Lugduni. 8. Ioannis Cassiani de institutione Renunciantium libri XII. Collationes SS. Patrum XXIII. Occurrit in *Cat. Bibl. Musei Britt.* Ex titulo patet, repetitionem Romanae esse; id quod Gazaeus etiam in praefatione editionis suae confirmat.

1611.

Romae, typis Camerae Apostolicae. 8. Ioannis Cassiani, Eremitae, libri XII. de institutis renunciantium;

*) Cassianus, inquit, *testimonia sacrae scripturae fere omnia ex vulgata editione adducit, quam meliorem esse interpretationem et ad veritatem Hebraicam expressam affirmat. Verum, quoniam LXX. interpretes, qui in omnium tunc manibus versabantur, imbiberat; fit, ut loca quaedam (sed praecipue ex prouerbiis, quae fortasse iam olim in eius memoria infederant) secundum eorum interpretationem citet. Ea nos, maiori ex parte ab aliis non animaduerja, aut negligentius castigata, et si qua alia a vulgata nostra editione aliquantulum discrepabant, in indicis formam redeimus &c.*

tium; collationes SS. Patrum XXIV. libri VII. de verbi incarnatione, cum annotationibus et observationibus. Accesserunt regula S. Pachomii; regulae SS. Patrum et S. Prosperi Aquitani liber de gratia Dei et libero arbitrio, et observationes in loca ambigua: omnia multo emendatiora quam antea ex-cula. *Cat. Bibl. Reg. Paris. et Bibl. Casanatens.*

1616.

Duaci ex Typographia Baltazaris Belleri. 8.

III. Tomis: Ioannis Cassiani Presbyteri, quem alii Eremitam, alii Abbatem nuncupant, Opera omnia. Nouissime recognita, repurgata et notis amplissimis illustrata. Quibus accessere alia eiusdem argumenti opuscula, quorum Elenchum sequens pagina exhibebit. Studio et opera D. *Alardi Gazaci*, Coenobitae Vedastini Ord. Benedicti.

Tomus secundus duabus partibus constat, quarum altera incipit a praefatione Collationis XVIII. pagina 881. quæ est tituli ipsius. Vtriusque tomi elenchus post titulum statim hic comparet. Insunt *tomo primo:* de Institutis Coenobiorum libri XII. cum Commentariis et Notationibus, Regula S. Pachomii olim a S. Hieronymo latine translata: nunc etiam Scholiis et notis illustrata; Flores Cassiani siue illustriores sententiae ex ipsius operibus collectae. Ioannis Cassiani de Christi Incarnatione lib. VII. *Tomo altero:* Io. Cassiani Collationum PP. XXIII. Commentariis et Notis illustratae. Dionysii Carthusiani Doctrina Catholica Collationi XIII. substituta. D. Prosperi Aquitanici liber de Gratia Dei et libero arbitrio contra Collatorem. R. D. Henrici Cuykii, Episcopi Ruremondensis, annotationes siue *notae Censoriae* ad Io. Cassiani libros. Statuta duarum Congregationum siue Capitulorum generalium Ord.

Ord. D. Benedicti. Petri Ciacconii Presbyteri Tol-etani obseruationes in Io. Cassianum. Indices quatuor, quorum *Primus* est locorum sacrae scripturae secundum vulgatam editionem passim in hoc opere explicatorum. *Secundus*, quorundam locorum secundum versionem LXX. interpretum. *Tertius*, rerum et vocum quarundam in textu Cassiani occurrentium. *Quartus*, in Commentaria et notationes. Praefigitur et tomo secundo *D. Anselmi*, Cantuariens. Archiep., Carmen diuinum de vita monachorum et Laus vitae monasticae incerto auctore. Praeterea, quid in hac postrema editione adlaboratum aut curatum fuerit, quod quidem ad sex momenta refert editor, ipsius verbis cognoscendum dabimus.

I. „*Primum quidem de Textu Auctoris repurgando, aut reformando non magnopere laborandum existimaui, cum satis emendatum, et enucleatum eum nobis reliquerint Cuychius, et Ciacconius viri doctissimi et accuratissimi, qui hac in re strenuam operam nauarunt.* Contuli tamen cum aliquot exemplaribus tum excusis, tum mss. et subinde quaedam loca ab illis praetermissa, aut minus expensa correxi, aut excussi, et adhibita etiam Dionysii Carthusiani paraphrasi lucem asciui; quem tamen porophrastem (salua tanti viri auctoritate) nonnumquam ab auctoris mente, ac sententia aberrasse submonui, Lectoris interim iudicio arbitrandum.

II. *Adnotationes fere perpetuas adieci, quibus non solum voces, et dictiones quasdam Graecas, barbaras, aut minus vulgatas elucidauit; sed et sententias quasque obscuriores, itidem quaestiones Theologicas ad monasticum institutum spectantes, easque perutiles, ex occasione occurrentes, quanta potui facilitate et perspicuitate pro captu iuniorum examinaui: unde multi loci communes de rebus monasticis*
in

in usus quotidianos, ac familiares depromi queant. Ingenuè interim fateor subinde adiutum me tum notationibus Cnychii, tum Ciacconii, quas proinde et meis, publico bono consulens, ita inserui, ut tamen suas cuique auctori acceptas referrem, nihil alienum mihi vindicans. Neque vero mihi excidit illud Plinii, ad Vespasianum scite scriptum: Benignum esse, et ingenui plenum pudoris fateri, per quos profecerimus.

III. Porro antiquos ritus, et instituta veterum monachorum tum in officiis diuinis peragendis, tum in aliis exercitationibus asceticis curiose obseruavi, et velut in tabula depicta Lectori diligentius inspicienda, et contemplanda proposui: Ex quibus itidem, tanquam locis communibus, antiquitatum monasticarum studiosus intelligat, quibus auctoribus et obseruatoribus huiusmodi ritus et obseruantiae monasticae, quibus magna pars regularis disciplinae continetur, quasi per manus traditae ad nos peruenerint.

IV. Verum illud praecipue spectavi, et hoc potissimum nomine Cassiano me addixi, ut in gratiam, et obsequium commilitonum et confratrum meorum, Ordinis, inquam, Benedictini coenobitarum, (cui me Deus sua gratia inscriptum voluit) plerasque, ac praecipuas Regulas sanctissimi Patris nostri Benedicti, quantum in me esset, Deo iuuante, prout se dedit occasio, ex Cassiano explicarem, et complures eius locos ad Cassiani scripta, velut ad prototypum suum referrem, ac reuocarem: Vnde liquido apparet, quanta cura, quam pia et solerti aemulatione sanctissimus Pater Benedictus veteres Monachos imitari studuerit, et eorum vestigiis insistere, suoque exemplo et institutione suos coenobitas ad eorum imitationem prouocare.

V. *Ad haec sententias illustriores Cassiani similibus sententiis et elogiis SS. Patrum Basilii, Hieronymi, Augustini, Gregorii, aliorumque passim illustravi, et roboravi, et ex illis nonnullas selectiores et breues, velut stellulas splendidiore, in unum collectas, et ordine digestas ad calcem operis seposui, quo et facilius memoriae mandentur a iunioribus, et tenacius infigantur.*

VI. *Ad extremum, ne quid lectorem in huius operis decursu remorari, vel offendere, vel quouis modo in errorem inducere posset, praeter nostras adnotationes, etiam alias observationes, et censorias notas tum Cuychii, tum Ciacconii adiungendas, et ad calcem itidem suo ordine collocandas duxi, quibus antidotis monitus quilibet Cassianum deinceps inoffenso pede percurrat, nihilque, quod ad operis perfectionem vel animi sui securitatem pertineat, amplius desideret. Quas quidem observationes diligenter iis praelegendas suadeo et moneo, qui non usque adeo in his versati, libros praesertim collationum, aliosque utilissimos, et a SS. Patribus, Benedicto Thoma Aquinate, aliisque, ut dictum est, teri solitos, utiliter ac salubriter versare voluerint.* Subiecit igitur notas suas singulis statim capitulis, doctas ubique et frugi plenas. Praefationem praecedat epistola eius dedicatoria ad *Philippum Caucellium* Coenobii Vedastini apud Atrebatens tunc Praefulem, data *ex aede ipsius et Praepositura S. Michaelis*, apparitionis feriis Cl. Id. CXV. Addita est etiam Cuykii praefatio. Vtriusque tomi limen oblitum est carminibus gratulatoriis et anagrammaticis ad editorem, inter quae etiam unum in secundo tomo, quod proprio commentario instructum est. Titulus tabula ex aere sculpta impressus est.

1617.

Lugduni, sumt. Laur. Durand. fol. Io. Cassiani Vitae Patrum ex libris eius de Institutis Renunciantium et Collationibus excerptae: in Herib. Rosweydi Vitis p. 563.

1628.

Caloniae Agripp. sumt. Ant. Hierat. fol. Io. Cassiani Presb. Massiliensis de institutis coenobiorum libri IV. &c. omnia ex recogn. Alardi Gazaei; in Bibl. PP. T. V. P. II.

1628.

Atribati apud Io. Bapt. et Guilielmum Riueros, sub signo boni Pastoris. fol.

Noua editio ab eodem denuo recognita, et a mendis, quae irreperant in priori, repurgata: Commentariis ipsis tertia parte auctoribus illustrior redita: nouoque insuper in libros de Incarnatione, qui desiderabatur, Commentario locupletata.

Praeter ea, quae in titulo promissa sunt, nouo etiam ordine singula sunt disposita. Sic post *Institutiones* statim *Collationes* cum Doctrina Dionysii Carth. et Prosperi libro de gratia sequuntur. Post quae inserta sunt *Coelestini Papae pro Prospero et Hilario, de Gratia Dei epistola ad quosdam Galliarum episcopos*, item *Canones Concilii secundi Arauscani, circa tempora Leonis Papae primi de libero Arbitrio &c.* et *D. Prosperi Epistola ad Augustinum*. Mox rursus post Cuykii et Ciacconii observationes legitur postremum de *Cassiani doctrina Annotationum excerptum ex Didaci Alvarez lib. 1. Disp. 2. §. 3. de Auxiliis diuinæ gratiae et viribus liberi Arbitrii*. Tum demum libri VII. de Incarnatione,

Regula S. Pachomii, Flores ex Cassiano vsque ad Indices exhibentur exclusis ab hoc corpore, quae ex contentis primae editionis in hoc nouo elencho desunt. Textus per singula capitula vt in prima notis distinctus est, quae columnis binis impressae sunt. Titulus adest duplex, prelo alter, alter aere impressus.

1642.

Parisis apud Laur. Cottereau. fol. Ioan. Cassiani opera omnia cum commentariis Alardi Gazaei &c. Cat. Bibl. Reg. Paris. et Bibl. Ios. Renati Imperialis Card.

1677.

Lugduni apud Anissonios. fol. Io. Cassiani opera omnia ex ed. Alardi Gazaei; in Bibl. Max. PP. Tomo VII. p. 17. seqq.

SAEC. XVIII.

1711.

Parisis. fol. Ioannis Cassiani Collatio XIII. de Protectione Dei; cum Operibus Prosperi Aquit. p. 283. seqq.

1722.

Francofurti sumt. Thomae Fritschii. fol. Io. Cassiani opera omnia ex ed. Alardi Gazaei. Cat. Bibl. Casanat.

1733.

Lipsiae apud Wetstenios et Smitt. fol. Io. Cassiani Opera omnia cum Commentariis D. Alardi Gazaei Coenob. Vedaast. Ord. S. Bened. Qnae editio ab eodem denuo recognita, commentariis ipsis tertia parte auctoribus

ibus illustrior reddita: nouoque insuper in libros de incarnatione, qui desiderabatur, commentario locupletata.

Vt titulus ostendit, altera Gazaei editio accurate expressa est; quod prelo Amstelodamensi factum esse ex nitore typorum et insigni Wetsteniano in titulo impresso colligimus. Charta tamen aspera est et cruda.

VERSIONES.

1563.

Venezia per M. Tramezzino 4. Opera di Cassiano Eremita delle Constitutioni, et Origine de Monachi et de' remedi, e cause di tutti i vizi, dove si recitano ventiquattro ragionamenti de' nostri antichi Padri . . . tradotta per *Fr. Benedetto Buffi*, Eremita de' Camaldoli di Latino in volgare. *Cat. Bibl. Casanat.*

1663.

Paris chez Charles Savreux 8. Les conferences de Cassien traduites en François par *De Saligny*. *Cat. Bibl. Reg. Paris.*

Eandem versionem ab eodem bibliopola a. 1665. II. Tomis emissam *Cat. Bibl. Tellerianae*, nec non aliam 1682. *Lugduni ap. Io. Matth. Martinum* II. Tomis, *Catal. Bibl. Casanat.* laudant. Observant Benedictini, Collationem XIII. a traductore iussis de causis esse relectam.

1667.

Paris chez Ch. Savreux 8. Les institutions de Cassien traduites en François par *De Saligny*.



CODICES. Hic eos solummodo notare licet, quos *Cuykius* adhibuit, quippe qui non solum non sibi fas esse credidit lectores celare, ubi et quo iure a se textus mutatus sit, quod non nisi omnibus *Mss.* exemplaribus consentientibus fecit, sed etiam ultro varias lectiones, de quibus ipse statuere non auderet, aliorum iudicii exercendi gratia apposuit. Sunt autem numero *sex*, quos describere tamen non suffinit.

- I. Codex *Affliginiensis* Abbatiae in Brabantia.
- II. Codex Canonicoꝝ Regul. in *Corfendonck* in Brabantia.
- III. Codex *Bethleemiti* monasterii Canonicoꝝ. Reg. prope *Louanium*.
- IV. Codex Canonic. Regul. in *Busco Domini Isaac* prope *Niuellam*.
- V. Codex *Plantinianus*.

Vtinam vero *Ciacconius* quoque octo, quos contulisse professus est, *Vaticanos* codices hoc saltem modo indicasset.



Postremo loco nobis commemorandus erit liber, cuius seria quidem professio ea fuit, ut *Cassianum* post omnium superiorum editorum labores, *correctiorem* tandem, *locupletioꝝ et auctiorem* sisteret, sed cuius auctor nequaquam eam, quam sibi sperabat gratiam apud doctos iniit. En titulum: *S. Ioannes Cassianus illustratus, sive Chronologia Vitae S. Ioannis Cassiani Abbatis, et Monasterii S. Victoris ab eodem Massiliae conditi, primariae inter Occidentalia Coenobia antiquitatis ab anno Christi CCCCXX. Opera et studio P. Ioannis Baptistae GUESNAY* aquen-

aquensis, Theologi e Societate Iesu. *Accedit Elenchus sanctorum, virorumque illustrium et Abbatiarum, Prioratum, Cellarum, Ecclesiarum ab eodem Monasterio dependentium. Item Onomasticum Rerum et Verborum difficiliorum in Commentariis S. Cassiani. Lugduni, Sumpt. Antonii Cellier. 1652. 4.*

Caue vero ne quid simile illi operae hic expectes, quam sub eadem epigraphe Chiffletius nauauit Paulino Nolano. Scilicet quae ad Monasterium spectant, ea quidem satis bene se habent, vt ab auctore in his rebus diutissime versato et documentis vetustis abundante expectari potest *). Sed quae de Cassiani vita differit, ingenii se ipsum ludentis figmenta sunt et dudum ab omnibus explosa. Quae noua autem super Cassiani doctrina attulerit, optime ex ipsius verbis intelliges. Fatetur Guesnaius, operam editorum Cassiani non laudare animi esse ingrati: attamen nondum ita dignitati illum esse restitutum, quin ne perire quidem tacite obscureque plura in eo genere concederetur, et alios praeterea oculos et manus postularet. Nunc ergo sperare se correctiorem multo, locupletiore et auctiorem quam uspiam antea eum proditurum. Nam *id videor posse inquit, in his controuersis haud temere profiteri, satis me idoneum censeri testem debere, quamquam de cetero tenuitatem meam neque ignoro neque inficio, quoniam de re agitur, quae maxime antiquis e codicibus et schedis pendeat, in quibus per annos plus duodecim diligentia quam maxima assidue versatus sum et nactus sum Tabularia sane quam luculenta iisque potissimum instructa monumentis, quibus Monasterii S. Victoris Massiliensis*

Xx 4 *eius-*

*) Idem paulo post auctor factus est operis, quod titulum fert *Massilia Gentilis et Sacra*, et *Lugduni* apud eundem bibliopolam prodit. 1657. fol.

eiusque Patriarchae et Conditoris S. Cassiani initia fideliter et copiose explicata conseruantur. Quibus item partibus fit auctior, facile est colligere et iudicare ex commentariorum, quos in lucem edere instituimus, accessione. Vitam S. Cassiani et res praeclare gestas vix ab historicis veteribus delibata et maiori ex parte ignoratas ex eius scriptis fideliter collectas primo commentario in multa capita descripsimus. Tum alterum subiecinus, in quo apertissime redarguitur inconsideratissima quorundam temeritas, quae sibi tantum ius censendi et iudicandi de antiquorum scriptis usurpauit, ut ex ipsius Cassiani egregiis lucubrationibus, praeter ea quae S. Prosper iure refellit et erroris coarguit, magnam partem pro libidine aut indigne rescari voluerint, aut illius, quales nunc sunt, non esse reclamaverint atque suis ipsorum censuris vanisque commentis in infimas vilium scriptorum classes redegerint. Alterum de eius gloria commentarium nouo quodam modo veluti summam quandam operis rerum temporumque ordine seruato contextum calci huius tomi I. (?) adiecimus, ut palam fiat in ore omnium quantis praesantitate et doctrina virum prosequeretur honoribus ac studiis Ecclesia. Voluimus etiam inusitatas vias indogare, tritas relinquere interpretandi eius sententias ex consuetudine aliorum Doctorum in explanandis ceteris Patribus, nec metiendi eas ut quidam indocti aut longitudine aut contractione orationis, aut ambiguitate, aut inflexione, aut immutatione verborum. Constat opus duobus libris, quorum primus capitibus LXIV. Effigiem S. Cassiani, siue Ideam Vitae Religiosae proponit, alter de Gloria et Beatitudine eiusdem XXIX. capitibus agit. Atque his inscriptionibus librorum satis mentem suam declarasse videri auctor possit. Quae frugi in iis sunt, ea ferme continentur in octo posterioribus libri primi capitibus.

pitibus, quorum titulos hic apponamus. Videlicet Caput LVII. *in*scribitur *De Cassiani scriptis. Vera et legitima Cassiani opera quae extant?* Caput LVIII. *Quae dubia et spuria?* Caput LIX. *Quo loco, tempore et idiomate scripserit.* Caput LX. *Illustratur Religiosa disciplina eorundem praeclaris Institutionibus et exemplis, et multum pietas publica promouetur.* Caput LXI. *Collationes publicatae Massiliae primum tum alibi diuersis temporibus ingentes excitant animorum motus.* Caput LXII. *An ille idem qui a suo fonte fluxit Cassianus, doctrinae integer ac liturae purus ad nos usque peruenerit?* Quod contra Baronium asseritur. Caput LXIII. *An aliquos habuerit Cassianus beneuolos ac benignos interpretes ac defensores.* Vbi longa series Theologorum recensetur, quae minus caute a Cassiano enunciata in meliorem partem interpretari conati sunt, cuius quidem interpretationis Fraternitatem Iesu ab omni tempore patronam sese exhibuisse constat. Caput LXIV. *Errare Doctores Catholici possunt citra haeresis labem.* Atque hic finis est totius eius disputationis et dicæ, quam in verbis supra allatis omnibus, qui non ubique Cassianum orthodoxa sapere fateantur, intendit. *Rationabiliter, inquit, debemus Catholicorum dicta in benigniorem partem quam possumus interpretari; haereticorum vero in odium eorum perfectum iuxta ipsorum haeresim aestimare.*

27.

CASTOR EPISC. ARTENSIS.

Inter plures qui ineunte saeculo quinto in Galliis *§. 1. Vita.* celebres extiterunt vitae monasticae patronos, nomen sibi et existimationem imprimis comparauit Castor *Aptae Iuliae* in Gallia Narbonensi episcopus. Quem

tamen, utpote ingenio rudem et omnis liberalis eruditionis expertem in hisce commentariis commemorare non attineret, nisi causa fuisset duorum maxime insignium Ioannis Cassiani scriptorum. Nam cum recens in dioecesi sua condidisset monasterium, nec ipse, quid in disciplina sequeretur, apud se inveniret, per literas egit cum Cassiano, *omnium studiorum Catholicorum disciplina refecto et orientalium potissimum coenobiorum doctrina experto*, ut instituta monasteriorum, quae per Aegyptum ac Palaestinam florere ac institui vidisset, in usum rudis sui monasterii enarrare aggrederetur. Qui quidem non solum in his seni optimo morem gessit, sed per ipsam operis illius elaborationem in alio de Collationibus Anachoretarum, qui in Eremitico Scythica morabantur, tractaturum se promisit. Antequam vero posterius perficeret, Castor, ineunte, ut videtur, anno 420. diem supremum obiit; quapropter Cassianus *Collationes Patrum* fratri eius Leontio dicavit, sicut *Institutiones* ipsius nomini inscriptae sunt.

§. 2. Scripta. Superest *Epistola ad Cassianum*, stilo incomposito ac difficili exarata. *Interciderunt* fortasse plures eadem de causa ad eundem datae.

§. 3. Editiones. Eruit eam ex codice Ms. Monasterii Elnonensis siue Amandini *Alardus Gazaeus*, eamque ipsis Institutionum libris in sua Cassiani editione praefixit. Postea emendatiorem dedit ex codice Bibliothecae Regiae Parisiensis *Stephanus Baluzius* in Appendice Actorum Veterum ad Notas in Salmianum et Vincentium Lirinensem, in editione *secunda* a. 1669. Omissa est in *tertia*. Sed in *Bremensi* a. 1688. extat. Nescio vero, an et alibi ante Baluzium edita fuerit. Certe verba eius, quae ad Gazaeum trahere veremur, illud suadere videntur. Scribit enim, ignobili loco editam

editam fuisse hanc epistolam et audacia corrigendi nonnullis in locis corruptam; nunc vero se eum sinceram ex MS. Regio proferre.

28.

COELESTINUS EPISC. ROM.

Patria Campanus, Prisci cuiusdam filius, proxima *s. i. Vita.* statim post mortem Bonifacii Dominica, id est X. Septembris die a. 423. episcopus ordinatus est. Durabat adhuc Romanae sedis in Afrorum iudiciis potestas, tam diu ab ipsis Africanis episcopis concessa, donec consultis Nicaeni concilii verissimis exemplaribus, vtrum in eis reperirentur laudati a Zosimo canones, certiores facti essent. Quo iure a Coelestino in ipsis statim muneris noui auspiciis Antonii Fustatensis episcopi et aliquanto post Apiarii ob noua flagitia remoti et ad Coelestinum prouocantis causa suscepta fuit. Sed illius querelas, subdolas et iniustas, euertit Augustinus, suaque rei gestae enarratione apud Coelestinum peruicit, vt sententiam apud Afros in eum latam ratam haberet; hunc propria scelerum damnauit confessio. Quam dum Coelestino nunciant, simul omne ius, quod interim de appellationibus Romanae sedis permiserant, penitus sustulerunt, deprecantes, ne in posterum ex Africa venientes siue episcopi siue presbyteri inferioresue clerici, siue laici etiam facilius admitterentur, excommunicatiue in communionem praepropere restituerentur. Neque enim hoc magis quam illud, quod pridem de iure episcopi Romani legatos a latere in Africam mittendi Fauslinus asseruisset, in Nicaenis conciliis, quae ex authentico ab Attico Constantinopolitano episcopo sibi transmissa essent, scriptum reperiri. Quapropter nullum omnino iudicium transmarinum nedum

dum clericos Romanos tanquam executores ad se missos in posterum laturos esse significabant. Sed quidquid ex hac parte Romanae sedis potestati decedere videbatur, ex altera quodammodo reparavit initum a Coelestino cum Cyrillo Alexandrino foedus contra Nestorium, quo tam callide usus est, ut quaecunque huius causa gesta non magis Cyrilli studio, quam Romani episcopi vigilantiae deberi viderentur. Nam simulac satis sese a Cyrillo instructum sensit, quid pro haeresi habendum esset, festinauit, ut primus eam anathemate feriret, eiusque auctorem, ni erroribus valedicturus esset, communionem priuaret; innox ad Synodum ab Imperatore Theodosio apud Ephesum indictam legatos misit hac generali praeceptione, ut Nestorii damnationem *) et a sede sua depositionem vrgerent: in reliquis vero, quae casus vel disceptationis ordo allaturus esset, moniti erant, ut quidquid in Cyrilli arbitrio viderent, facerent. Itaque quaecunque ab eo in Synodo ista gesta essent, plene approbavit, eique et omnibus, qui in ea cum eo steterant, tanquam de victoria ab hostibus Christi ipsique adeo imperatori, inuito sane victori, reportata gratulatus est, nec non Maximianum Nestorio depulso suffectum episcopum statim salutavit, hoc unum restringens in istorum iudicatis, ne affectis Nestorii qui resipiscerent, omnis penitus

*) Hanc in Concilio Rotm. in Nestorium dictam sententiam per Cyrillum ad Nestorium primum et nisi ille pariturus esset, ad reliquos Orientis episcopos mitti curavit. Atque hoc est, quod *vice sua* Cyrillum agere dixit, *quatenus statutum suum vel Nestorio vel vniuersis fratribus innotesceret.* Ep. ad Nestorium XIII. apud *Const.* p. 1130. et iterum in *Epist. ad Clerum et populum Constantinopolitanum.* *Constant.* p. 1201.

nitus spes veniae et restitutionis praecideretur *). Enimvero in his aduersus Nestorium gestis illustrior vitae pars Coelestini, non tamen omnia eius de catholica fide et ecclesia merita continentur. Idem enim fuit, qui exuberantem in Gallia haeresim, quae Semipelagianae nomine posthac notata fuit, repressit et deferentibus Prospero Aquitano et Hilario laico homine Galliae episcopos grauiter reprehendit, quod tantum presbyteris suis indulgerent, vt *indisciplinatas quaestiones vocantes in medium, praedicarent aduersantia veritati*, et Augustino, quem impense laudat, obstrepere auderent **). Praeter haec Prosper modo laudatus praedicat eius studium in Pelagianis non solum ex tota Italia, sed etiam Britannia eliminandis, quo nomine ab eodem missus est sanctus Germanus Augustodunensis cum Lupo Trecenti episcopo. Prosperi denique testimonio nititur, quod Palladius ab eodem ad Scotos in Christum credentes ordinatus et primus Episcopus missus sit. Obiit Coelestinus anno 432. mense Iulio.

Restant XVIII. Coelestini *epistolae*, inscriptae: §. 2. Scriptae.
 I. *Episcopis Illyrici*. Assignatur anno 425. II. *uniuersis episcopis per Viennensem et Narbonensem provincias constitutis*. scr. d. 25. Iulii a. 428. III. *uniuersis episcopis per Apuliam et Calabriam constitutis*. scr. a. 429. IV. *Cyrillo Alexandrino Episcopo*. scr. d. II. Aug. a. 430. quemadmodum et tres sequentes.
 V.

*) Ep. ad Synodum Ephes. post Nestorii damnationem apud *Coust.* XXII. p. 1146.

**) Ep. XXI. apud *Coust.* cui ob hoc argumentum in plerisque codicibus adiici consueuerunt *authoritates praeteritorum sedis Apostolicae Episcoporum de gratia Dei et libero arbitrio*.

V. *Iohanni, Iuuenali, Rufo et Flauiano episcopis per Orientem* a pari. VI. *Nestorio*. VII. *Clero et populo Constantinopolitano*. Quatuor has epistolas latine scriptas esse, dubitari nequit, sed statim in linguam Graecam conuersas et vna cum versione Graeca ad Cyrillum transmissas esse suspicatur Constantius; simul tamen eundem esse primigenium, quem nos habemus textum probauit. VIII. *Cyrillo Alexandrino*, scr. d. 7. Maii a. 431. Hanc ex graeco versam, non latino authentico descriptam esse diuersis notis sibi deprehendisse visus est Constantius. IX. *Episcopis et presbyteris euntibus ad Orientem Commonitorium*, scr. d. 8. Maii 431. X. *Sanctae Synodo apud Ephesum congregatae*, scr. a. 431. latine et in Ephesino concilio latine primum lecta gestisque inserta, tum vero etiam in gratiam eorum, qui latine nesciebant, graece recitata. XI. *Theodosio Augusto*, scr. eodem. a. XII. *Episcopis Galliarum*, scr. eod. a. XIII. *Sanctae Synodo apud Ephesum constitutae*, scr. vti et sequentes a. 432. post damnationem Nestorii. XIV. *Theodosio Aug.* post synodum. XV. *Maximiano episcopo Constantinopolitano*. XVI. *Clero et plebi Constantinopoli consistentibus*. Praeterea Arnobius in libro II. de conflictu cum Serapione serua-
uit *Fragmentum sermonis, quem Coelestinus in concilio Romano, mense Augusto anni 430. aduersus haeresim Nestorii habuit*. *Auctoritates* autem *praetitorum Sedis Apostolicae Episcoporum de Gratia Dei* verius Coelestio abiudicantur. Quae porro ipsi falso tributa fuerunt, aut deperdita sunt, indicat Constantius.

6. 3. Editiones.

Ex his Coelestini epistolis IV. V. VI. et VII. in Actis Concilii Ephesini, II. III. et XII. in Collectionibus Dionysii Exigui, Hadrianea, Hispana et Isidori

dori seruatae et cum in iis tum ex iisdem per varias Conciliorum editiones vulgatae sunt. Augeri coepit numerus primum per *Petrum Crabbium* Fragmento epistolae X. quam integram postea *Antonius de Aquino* in Collectione Epistolarum Pontificiarum Antonii Carasae Cardinalis protulit. Idem vero Antonius plures Coelestini epistolas erutas subinde e schedis Vaticanis daturus erat in Auctuario, quod laudatae Collectioni addere decreuerat. Sed citius fato occubuit, nec quidquam ex omnibus, quae indefesso ille studio luci parauerat, tenebras euasit praeter epistolas, quas olim *Baronio* concesserat. Hinc factum est, ut sex nouae Coelestini epistolae, videlicet VIII. XI. XIII. XIV. XV. XVI. in *Annalibus* ad a. 431. et 432. prodierint. His quatuordecim Epistolis, quas iunctim interea exhibent Binius et Collectio Conciliorum Regia, mox que correctiores passim repetiit *Ph. Labbeus*, accessit tandem I. per *Holstenium* in Collectione Romana bipartita, et IX. per *Stephanum Baluzium* in Noua Conciliorum Collectione. Tot autem perpoliendas et illustrandas accepit *Petrus Constantius*, cuius editionem nuper iterum *Andreas Gallandius* expressit. Mansius vero Labbei vestigiis inhaeret.

S A E C. XVI.

1525.

Moguntiae. fol. Decreta Coelestini Papae numero XXII. i. e. *Epistolae tres* 1) ad *Episcopos Galliarum*, cui iunguntur *Autoritates praeteritorum sedis apostolicae episcoporum de gratia dei*, 2) ad *Episcopos per Viennensem et Narbonensem prouinciam*, 3) ad *Episcopos per Apuliam et Calabriam constitutos*; in *Ioannis Wendelstini* ed. *Collectionis Canon. Dionys.*

1530.

1530.

Coloniae, fol. Eadem; in *Coll. Conciliorum Iac. Merlini T. I. fol. CLXXXIII. a. — VI. b.* Editio prima facta est a. 1523. Tertia prodit a. 1535. *Parisis. 8.* vbi Coelestini epistolae extant *fol. CXC VII. — CC.*

1536.

Basileae, fol. Coelestini Papae Decreta i. e. Epistola ad vniuersos Galliarum Episcopos subiectis capitulis seu indiculo constitutionum sanctorum Patrum de Gratia Dei; inter *selectissimas vetustissimorum Praesulum Epistolas* additas *Clementis Recognitionibus* ex editione *Io. Sichardi, pagg. 302 — 306.*

1538.

Coloniae apud Petrum Quentel. fol. Decreta Coelestini Papae, quo nomine comprehenduntur *Epistolae tres* laudatae; Decreta ex Gratiano et *fragmentum Epistolae* ad Synodum Ephesinam; iuxta *Conciliis Petri Crabbe T. I. fol. CCCIX. a. — CCCXIII. a.*

1570.

Coloniae Agr. apud Io. Brinckmannum. fol. Coelestini Decreta seu Epistola ad vniuersos Galliarum Episcopos etc. inter *Epistolas Pontiff. Rom. D. Clementis Operibus* ex ed. *Lamb. Gruteri* subiectas *pagg. 561 — 563.*

1576.

Ingolstadii ex typogr. Dav. Sartorii. 4. Varias Coelestini Epistolae occasione concilii Ephesini scriptae; inter *Acta omnia Sacros. Magni et Oecum. Concilii Ephesini* ed. opera *Theodori Peltani* Soc. I. Cap. XVI. XVII. XVIII. XIX. LXIII. *pagg. 248 — 74. et 388.*

Sunt

Sunt Epistolae ad *Cyrrillum*, *Nestorium*, *Clerum et Pop. CP. Ioannem Antioch. et Synodum Ephesinam*.

1591.

Romae. fol. Coelestini Papae Epistolae; in Tomo I. *Cellest. Epistolarum Decretalium Pontificum Romanorum*, quam a *Card. Antonio Carefa* inchoatam absoluit *Antonius de Aquino*.

Octo sunt, nempe quatuor inter Acta Concilii Ephesini, tres per Dionysium Exiguum nobis transmissae. Una vero, cuius fragmentum antea Petrus Crabbe dederat, nunc integra prodit, velut ex Cresconiana collectione excerpta, ut Coustantius inquit.

1594.

Romae ex Typogr. Vat. fol. Coelestini Epistolae (XIV.); in *Baronii Annalium Tomo V. ad a. 430—32. Sex antea ineditae ad a. 431. num. 6. 19. et 432. num. 4. 12. 17. 20.* Reperitus est hic Tomus *Romae 1607.* Complectitur idem annorum spatium *Tomus quintus ed. Colonienfis a. 1624. et septimus Mansianae Lucae 1741.* Sperabat Baronius Antonium de Aquino, a quo ineditas illas epistolas acceperat, in auctario Epistolarum Pontificiarum quod meditabatur, fontes, vnde eas hausisset, indicaturum. Verum spes irrita fuit.

S A E C. XVII.

1606.

Coloniae Agr. apud Io. Gymnic. et Ant. Hierat. fol. Vita, Epistolae et Decreta Coelestini Papae I.; in *Conciliis Severini Bini T. I. pagg. 622—632.*

Ex quatuordecim, quas Binius partim ex Antonio de Aquino, partim ex Baronio collegit epistolis, non
Tom. II. Yy omnes

omnes vna serie producuntur, sed nonnullae numeris tantum suis indicatae inter Acta Ephesini Concilii locum obtinent. Aliquibus additae sunt Notae Binianae.

1609.

Lutetiae Parisiorum. 8. Decreta Coelestini Papae I. (Epistolae tres) in *Codice Vet. Eccl. Rom.* pagg. 404—426.

1629.

Parisis sumpt. Seb. Cramoisy. fol. Coelestini Papae I. Epistolae duae ad Episcopos Viennensis et Narbonensis Praevinciae et Episcopos vniuersos Galliarum; in *Tomo I. Conciliorum Galliae Iac. Sirmondi.*

1644.

Parisis e Typogr. Reg. fol. Vita, Epistolae et Decreta Coelestini Papae I.; in *T. IV. Conciliorum collectionis Luparensis* pagg. 469—510. *Auctoritates de gratia Dei* epistolas antecedunt.

1661.

Lutetiae Paris. apud Lud. Billaine. fol. Coelestini Papae Decreta (Epistolae tres cum *Auctoritatibus*); in codice Dionysii Exigui apud Guil. Voëllum et Henr. Iustellum in *Bibl. Iuris Canon.* pagg. 215—222.

1662.

Romae. 8. Coelestini Epistola ad Episcopos per Illyricum nunc *primum edita* e schedis Vaticanis inter Acta Synodi Romanae sub Bonifacio II. in *Collectione Rom. Bipart. Lucae Holstenii P. I.* pagg. 85—88.

1671.

1671.

Lutetiae Parisiorum. fol. Vita, Epistolae et Decreta Coelestini Papae I. cum notis *Seu. Bini, Iac. Sirmondi et Obsf. Phil. Labbei*; in *Conciliis Phil. Labbei et Gabr. Cossartii* cura editis Tomo II. pagg. 1610—1638.

Nonnullae epistolae nomen tantum suum in hac serie professae sunt. Ipsae extant inter Acta Ephesini Concilii Tomo III. pagg. 345. C. 364. B. 353. A. 376. A. 614. B. Pressius nimirum sequitur Labbeus Binium et editorem Collectionis Regiae. Quo obsequio adeo factum est, ut alias bis exscribendas dederit. Nam quae in his sunt IX. ad Theodosium. X. ad Cyrillum XI. ad Synod. Ephes. XII. ad Theodosium Iun. XIII. ad Maximianum et XIV. ad Constantinopolitanos, recitantur iterum integrae Tomo III. pagg. 619. 621. 1069. B. 1072. C. T. IV. pagg. 1074. et 1075. Accedunt in *Appendice* huius secundi Tomi pagg. 1817—19. *Notae postumae Sirmondi* in duas ad Galliarum Episcopos et *Auctoritates sedis Apostolicae*.

1675.

Lutetiae Parisiorum apud Io. Bapt. Coignard. 4. Epistola Coelestini Papae ad Episcopos Viennenses et Narbonenses. Eiusdemque ad Episcopos Apuliae et Calabriae; in *Codice Canonum Ecclesiae Rom. a Pasch. Quesnello* in Tomo II. *Opp. Leonis M.* vulgato, cap. XXXV. et XXXVI. pagg. 133—137. editionis Lugdunensis (a. 1700.) pagg. 71—73.

1682.

Louaniae typis Hieronymi Nempaei. 4. Com-mitorium Coelestini Papae Episcopis et Presbyteris euntibus ad Orientem: nunc primum e Vatica-

nae Bibliothecae Manuscripto in publicam lucem data per F. CHRISTIANVM LVPVM, *Ipremsen*, in *Epistolis variorum Patrum ad Concilium Ephesinum* ex *MS. Cassin. Bibl.* ab eodem desumptis et editis, capite CCXXVI. fol. 470. Repetitum est hoc opus in *Tomo VII. Operum Christiani Lupi* (*Venetis apud Io. Bapt. Albritium, Q. Hieron. et Sebast. Coleti a. 1726. fol.*) inque eo Coelestini Commonitorium pagg. 385. 86.

1683.

Parisiis ex off. Typogr. Franc. Muguet. fol. Commonitorium Papae Coelestini datum Episcopis et Presbyteris euntibus ad orientem. *Eiusdem* variae Epistolae occasione Concilii Ephesini scriptae; in *Steph. Baluzii Noua Coll. Conciliorum T. I. pagg. 381. 424. 431. 436. 438. 489—93.*

Commonitorium reperit primum in vetustissimo codice Bibliothecae Colbertinae num. 1865. optime exarato. Aliud deinde exemplar in Vaticano recentiore num. 1320. Nicolai V. pontificatu scripto ad eum misit Hieronymus Cardinalis Casanata. Sed emendatius erat in Colbertino, quam in Vaticano. Ignoravit autem Baluzius idem anno ante iam a Lupo fuisse euulgatum. Reliquae Epistolae, inter Acta Ephesini Concilii distributae, sunt 1. *Epistola ad Nestorium.* 2. *ad Clerum et populum Constantinop.* 3. *ad Cyrillum.* 4. *ad Ioannem Antioch.* 5. *ad Synodum Ephesinam.* 6. *ad Theodosium Imp.* 7. *ad Cyrillum Alexandrinum.*

1687.

Parisiis e Typogr. Regia. fol. Decreta Coelestini Papae (Epist. III.) in *Codice Can. Dionysii Ex. ex ed. Franc. Pithoei h. a. et l. recusopagg. 219—228.*

SAEC. XVIII.

1715.

Parisiis e Typogr. Regia. fol. Coelestini Papae Decreta (Epistolae III.); item Epistolae per *Acta Ephesini concilii* distributae, ad Nestorium, ad clerum et populum CP., ad Cyrillum, ad Ioannem Antiochenum, Commonitorium ad legatos, ad Synodum Ephesinam, ad Theodosium, ad Cyrillum secunda, ad Synodum post damnationem Nestorii, ad Theodosium Iun., ad Maximianum, ad clerum et populum CP. secunda; in Io. Harduini *Actis Conciliorum* T. I. pagg. 1251—62. 1299. 1311. 1321. 1323. 1347. 1467—74. 1671—82.

1721.

Parisiis. fol. S. Coelestini Papae Epistolae et Decreta ad iustum temporis ordinem reductae, iuxta vet. codd. fidem recognitae et emendatae, praeuiis Admonitionibus, notis criticis et Dissertationibus illustratae per PETRUM CONSTANT; in *Epistolis Pontiff. Rom.* T. I. pagg. 1051—1228.

Insertae sunt epistolae aliorum ad Coelestinum, vel ad res ab eo gestas spectantes, scilicet ab initio omnium 1) *Augustini epistola ad Coelestinum*, scr. circa initium a. 423. inter Augustinianas CCIX. 2) *Aurelii et ceterorum qui in vniuersali Africae Concilio Carthaginis adsuerunt*, ex codice Canonum ecclesiae Africanae, scr. iudice Constantio vel sub exitum a. 425. vel ineunte a. 426. Item post III. 3. et 4) *duae Nestorii ad Coelestinum litterae gr. lat.* 5) *Epistola Cyrilli ad Coelestinum*, scr. a. 430. gr. lat. 6) *Commonitorium Cyrilli Posidonio cum Romam mitteret datum*, gr. lat. Post XIV. 7) *Nestorii ad Coelestinum*, scr. a. 430. gr. lat. Post. XIX. 8) *Epistola*

stola Synodi Ephesinae ad Coelestinum, gr. lat. Decimo loco est *fragmentum sermonis a Coelestino habiti*. Subiungitur *Notitia Epistolarum*, quae ad Coelestinum Papam attinent.

1757.

Venetis apud Sim. Occhi. fol. Coelestini Papae Epistola ad Episc. Viennenses et Narbonenses, item Episc. Apuliae et Calabriae cum varietate exemplarium tam editorum quam MSS.; in *Codice Vet. Canon. Constitut. S. Sedis Apostolicae* Pasch. Quenelli iterum edito a *Balleriniis Frr. Tomo III. Opp. Leonis M. cap. XXXV. VI. pagg. 270—77.*

1760.

Florentiae. fol. Vita, Epistolae et Decreta S. Coelestini Papae I. cum notis Binii et Sirmondi, item *Excerptis* aliquot e cod. MSS. epistolarum et titularum veterum epistolarum quarundam Coelestini; in *Tomo IV. Collectionis Amplissimae Conciliorum Io. Domin. Mansi pagg. 453—74.*

Epistolas, quae inter *Acta Ephesini Concilii* hoc ipso Tomo comprehensae referuntur, non integras in hac serie repraesentavit, id quod post Labbeum etiam Coletus, quem raro alioquin Mansius deserit, fecerat, sed Binium sequi maluit, titulisque et verbis initialibus recitatis, ad illa lectores ablegat.

1773.

Venetis ex Typogr. Io. Bapt. Albritii. fol. S. Coelestini Papae Epistolae et Decreta, quibus nonnulla intexta ad eundem sanctum Pontificem pertinentia. Ex editione *V. Cl. Petri Constantii*; in *Tomo IX. Bibl. PP. et SS. Vet. Eccl. Andreae Galandii pagg. 287—346.*

Admoni-

Admonitiones Constantii epistolis aliquibus praemissas reseculit sententiasque earum passim in notis contraxit. De Coelestino differit *Prolegg. cap. VIII. pagg. XIX. XX.*

1789.

Parisis suntib. Petri Didot fil. primog. fol. Coelestini Papae epistola ad Episcopos prouinciae Viennensis et Narbonensis. *Item* Epistola ad Episcopos Galliae, pro S. Augustino, additis Decretis et Decretorum titulis nec non Sirmondi, Quesnelli et Constantii notis et lectionibus variantibus excerptis; in nouissima *Conciliorum Galliae* Collectione a PP. *Maurinis* nuper inchoata, *Tomo I. pag. 384. et 426.*

29.

LVPVS TRECENSIS EPISC.

Cuius, praeclara in ecclesiam Gallicanam merita, t. Vita. eximiasque virtutes nullo non laudis titulo commendauit Sidonius Apollinaris, natus est Tulli Leucorum in Gallia Belgica patre Epirochio, matre sorore S. Germani episcopi Antissiodorensis. Fratrem habuit Vincentium, quem quia Lirini aliquantisper egit, eundem nonnulli putant cum inclyto illo scriptore, cui Lirinensis cognomen quasi proprium adhaesit. Anno 419. uxorem duxit Pimeniolam sororem Hilarii Arelatensis. Sed vitae solitariae desiderio pellectus, quae erat tum probissimorum et fortunatissimorum hominum in Gallia aemulatio, Lirinum insulam ingressus est, ut, quod de vniuersa ista monachorum congregatione praedicat Hilarius, totum se coelestibus studiis manciparet. Hinc ad Trecensem ecclesiam regendam euocatus fuit anno circiter 427. et vix biennio in episcopatu peracto dignus iudicatus est a patribus Gallicanis in magno synodo

congregatis, qui Germano auunculo in Britanniam ad profligandam haeresim Pelagianam destinato comes et socius adiungeretur. Subiit hanc legationem anno 429. annoque insequente in Galliam et ad ecclesiam suam reuersus, quinquaginta duos annos in isto praesulatu consummauit, denique obiit anno 479.

§. 2. Scripta

Duae supersunt huius antistitis epistolae, *altera* suo et Euphronii Augustodunensis Episcopi nomine *ad Talasium Episcopum Andegauensem*, de tribus quibus vtrumque ille consuluerat momentis, nempe *de vigiliis natalis Domini, epiphaniae et paschae: de bigamis: et de iis, qui coniugati assumuntur*; scr. post a. 443, *altera ad Sidonium Apollinarem*, qua illi episcopatum Claromontanum gratulatur, scr. a. 471, episcopatus anno XLV.

§. 3. Editiones.

Priorem edidit *Sirmondus* in *Conciliis Galliae*, vnde in alias deinceps Conciliorum Collectiones transit; posteriorem euulgauit *Dacherius*. Vtramque iunctim dedit *Gallandius*. Vbi singula quaerenda sint, docebit sequens indiculus.

S A E C. XVII.

1629.

Parisis. fol. Epistola Sanctorum Episcoporum Lupi Tricassini et Euphronii Augustodunensis ad Talasium Episcopum Andegauensem; in *Iac. Sirmondi Conciliis Galliae T. I. pag. 122.*

Varia editori huius epistolae obtigerant exemplaria. Scriptam existimat non multo post Concilium Andegauense, ad recentem scilicet, qui in eodem concilio ordinatus esset episcopum. Animaduertit praeterea, mentionem eius fieri in antiqua Collectione Canonum Bibliothecae S. Germani Parisiensis.

Sed

Sed legendae sunt notae postumae eiusdem Sirmon-
di et obseruatio ad Synodum Andegauensem.

1661.

Parisiis. 4. Lupi Epistola ad Papam Sidonium;
in *Spicilegio vet. aliquot. Scriptorum Lucae Dache-*
rii T. V. in Appendice ad Miscellanea Epistolarum
pagg. 579. 80. in secunda editione a. 1717. fol. T.
III. pagg. 302. 303. Acceperat eam cum quatuor
aliis Dacherii a Beniamino Vignerio, Hieronymi
fratre, ex schedis eiusdem.

1666.

Lutetiae Parisiorum. fol. Epistola Lupi Tre-
centis ad Sidonium Auernorum Episcopum; in *Pe-*
tri Delalande Supplementis Concil. ant. Galliae a
Iac. Sirmondo editorum. pagg. 35. 36. cum nota edi-
toris Supplementorum.

1672.

Lutetiae Parisiorum. fol. Epistola SS. Episco-
porum Lupi Tricassini et Euphronii Augustodunen-
sis ad Talasium Ep. Andeg. c. nota Sirmondi; in
Phil. Labbei et Gabr. Cossartii Conciliis T. IV.
pagg. 148. 49. in ed. Coletiana T. V. pag. 71. No-
tae postumae Sirmondi a Labbeo additae sunt in ap-
pendice ad hunc tomum.

S A E C. X V I I I.

1714.

Parisiis e Typogr. Regia. fol. Epistola SS.
Episcoporum Lupi Tricassini etc. ad Talasium; in
Harduini Conciliis Tomo II. pagg. 791—93.

Yy 5

1773.

1773.

Venetis. fol. S. Lupi Trecentis episcopi epistolae II. nimirum I. ad Talasium ep. Andeg. II. ad S. Sidonium ep. Auernensem; in *Bibl. PP. et SS. Vet. Eccl.* ANDREAE GALLANDII Tomo IX. pagg. 516—518. In *Prolegomenis* de Lupo differitur cap. XVIII.

1789.

Parisis sumtib. Petri Didot fil. primog. fol. Epistola Tricassini et Euphronii Augustodunensis ad Talasium episc. Andegav; in nouissima *Concilior. Galliae collectione* T. I. pagg. 575—78.

30.

POSSIDIUS EPISC. CALAMENSIS,

§ I. Vita.

Afer, Augustini discipulus et familiaris, quo vix cariorum ille aut amantiorum sui habuit. Quippe ipse de se narrat Possidius *annis ferme XL. absque amara vlla dissensione familiariter ac dulciter cum Augustino vixisse*, nec minus honorificum est testimonium, quod Hipponensis episcopus de amico iuxta quam discipulo tulit in literis ad Memorem Capuanum episcopum Iuliani Eclanensis patrem, dum nimis inquit *ingratum ac ferreum fuit, ut te qui nos sic amas, hic sanctus Frater et collega noster Possidius, in quo nostram non parvam praesentiam reperies, vel non disceret, vel sine literis nostris disceret. Est enim per ministerium nostrum non literis illis, quas variarum serui libidinum liberales vocant, sed dominico pane nutritus, quantum ei potuit per nostras angustias dispensari. Quae quidem satis manifestant, quam arctum, quamue diuturnum inter eos fuerit vinculum. Vnde haud immerito censent, consona etiam amorum nota, adscriptum fuisse Possidium*

dium societati illi clericorum, quam Augustinus presbyter Hipponē congregauerat et regulis monasticis adstrinxerat. Nec sane improbabile videtur, illum ex eodem monasterio ad episcopatum Calamae, oppidi Numidiae, non longe ab Hipponē Regio distantis, esse euectum: id quod anno 397. post Megalii obitum accidit. In eo. vero loco spatiosus ipsi aperiebatur campus ad eas dotes explicandas, quas Hipponensis praefulis institutio aut consuetudo in eo effinxerat et formarat, nec pauca sese offerebant, quae communi amici consilio gerenda essent, in quibusue vel auctoritate vel adiutorio eius indigeret. Talia fere erant quae sub initium muneris sui cum ipse tum ecclesia eius a paganis Calamensibus patiebatur; mox item quae cum Donatistis ocepit certamina. Quae causa cum non magis vniuersae Africae ecclesiae communis quam Augustini propria esset, non poterat a Possidio leui studio suscipi. Itaque iam a. 404. Crispinum Donatistarum apud Calamenses Episcopum ad colloquium secum ineundum sollicitauit, inuitumque coëgit et solertia sua superauit. Anno 410. vna cum tribus aliis episcopis a patribus Africanis Carthagine congregatis legatus missus est ad Honorium Aug. pro abrogatione legis in fauorem Donatistarum latae et ad obtinendam cum Donatistis collationem. Allectus fuit deinde a. 411. in Collatione cum Donatistis inter septem actores partis catholicae actisque eius subscripsit. Interfuit etiam Conciliis Africanis ob Coelestii et Pelagii haeresim celebratis, vnaque cum aliis Numidiae episcopis ex concilio Mileuitano literas ad Innocentium Episcopum Romanum dedit. Ingruente tandem a. 430. Vandalorum saeno per vniuersas Africae provincias exercitu et oppressa ab iisdem Calama nutu quasi diuino impulsus fuit Possidius, vt Hipponem se conferret.

ferret. Vix enim eodem concesserat, cum et haec vrbs obsidione clauderetur atque Augustinus febre correptus decumberet et post paucos dies adstante amico obdormiret. Post Augustini obitum rarefcit etiam Possidii memoria, nisi quod Prosper narrat in Chronico ad Conf. Aetii II. et Sigisulti (a. 437.) Possidium cum Nouato et Seueriano Catholicis Episcopis Genferico catholicam fidem Ariana impietate subuertere cupienti fortiter restitisse; sed eodem meruisse vt ecclesiis suis priuaret et ciuitatibus pelleret. Vnde colligunt eundem capta ab Genferico a. 439. Carthagine cum ingens Clericorum turba ex omni Africa eiiceretur, proscriptum naufragioque expositum Neapolim peruenisse atque adeo diem supremum in Italia clausisse.

§. 2. Scripta. Duo extant Possidii scripta, digna amicitiae et amoris eius in Augustinum monumenta, *Vita Augustini*, et *Indiculus scriptorum eius*.

§. 3. Editiones. *Illa* ab inuente arte typographica omnibus fere operum et opusculorum Augustini collectionibus praefigi consuevit eaque via ad insignem lectionum MSS. codicum copiam emendata a Maurinis patribus, seorsim denique nouo variarum lectionum subsidio recognita et notis non indoctis illustrata est Ioanne Salinasio Theologo Romano a. 1731. *Indiculus* scriptorum Augustini editus est primum a Ioanne Vlimmerio a. 1564. Migravit pariter ab isto tempore in varias Operum Augustini editiones et ex vetustis membranis castigatus est in Benedictinorum editione. Sed longe plenior et emendatior ex MS. Veronensi prodiit Venetiis a. 1735. — In sequenti indice nihil omissum est quod ad accuratiorem insigniorum editionum notitiam conducit; singulorum vero

vero Augustini operum recensitionem nemo expectabit.

S A E C. XIV.

1564.

Louanii apud Hieron. Wellaeum. 4. Possidii Calamensis Episcopi Vita et indiculus Operum D. Augustini ex editione et cum scholiis marginalibus Ioannis Vlimmerii; cum *Sermonibus aliquot Augustini* ab eodem recens prolatis. Tota haec Vlimmerii opera translata est in editionem Basileensem Operum Augustini a. 1569.

1573.

Coloniae Agrippinae. fol. Vita Augustini episcopi — edita a Possidio primum eius discipulo postea Episcopo Calamensi; in *Laur. Surii probatis SS. Vitis* ad diem XXVIII. Aug. T. IV. pagg. 933 — 47. In nouissima Coloniensi a. 1618. hoc mense pagg. 302 — 309.

S A E C. XVII.

1690.

Parisis apud Franc. Muguet. fol. S. Aurelii Augustini Hipp. Ep. Vita Auctore Calamensi Episcopo, ipsius discipulo. *Item* Indiculus Librorum, Tractatum et Epistolarum S. Augustini Hipp. Ep. editus cura Possidii E. C. ex variis codicibus MSS. emendata et cum lectionis diuersitate in *P. III. Appendicis Tomi X. Opp. Augustini* ex ed. Benedictinorum. In ed. *Antverpiensi* pagg. 164 — 200. Clerici obseruata in Possidium non tanti sunt, vt aliquem sollicitare possint. Nec vero Salinasius de victoria ab eo reportata gloriari debet, quippe cuius
omnis

omnis defensio non solum ab ipso, sed aliis quoque iactata in solo conatu defecit.

SAEC. XVIII.

1731.

Romae typis Io. Zempel. 8. S. Aurelii Augustini Hipponensis Episcopi Vita auctore S. Possidio Calamensi Episcopo ad MSS. Codd. recensita notisque illustrata opera et studio D. IOANNIS SALINAS Neapolitani Can. Reg. Lat. ac Sac. Theol. Lect. ad Reuerendissimum P. D. Ascanium Varesium Can. Reg. Lat. Abbatem Generalem. 2) Ibidem eodem. De Vita et rebus gestis S. Possidii Calamensis Episcopi Dissertatio ex P. Augustini scriptis Ecclesiasticisque monumentis coniuncta opera et studio D. Ioannis Salinas etc.

Textum editor iuxta lectiones a PP. Maurinis ex codd. MSS. propositas et vetusta exemplaria Vaticana a nemine ante adhibita recensuit, varietates diligenter notavit notasque et observationes addidit, Benedictinorum aliorumque virorum doctorum copiis abunde ditatas. Arduum profecto non erat in tanta Augustini et de Augustino scriptorum copia et post tot tamque diuersa circa res ab eo et per aeuum istud gestas studia, praesertim vero post eruditissimum editorum Parisiensium de vita eius Commentarium, notas non plane ineptas ad Possidium fundere. Atque hi ductores procul dubio Ioannem Salinasium suis ipsius viribus alioquin minus alacrem, ut Vincentii Lirinensis eodem anno ab eo eademque forma editi et Clementi XII. dedicati exemplo ostendamus, mirifice sustentarunt. Sponsponderat in praefatione, Augustini vitae se iuncturum esse Hugonis de S. Victore opusculum de institutione Nouitiorum una cum auctoris historia; sed mutauit post-

ea consilium et loco eius, separatim tamen, describi fecit Dissertationem *de vita et rebus gestis Possidii* amplam sane et non indoctam; quo magis mirari subit, qui tam sero in eam cogitationem auctor sit adductus. Cf. *N. Acta Erudit. Lips. a. 1734. pagg. 18—21.*

1735.

Venetis Possidii — indiculus scriptorum S. Augustini — vulgato auctior ex vetustissimo MS. codice Veronensi; cum *duabus Augustini* Epistolis in Gottwicensi Austriae Abbatia recens repertis. *Mansius ad Fabric. Bibl. M. et Inf. Lat.* Alibi laudatam non inueni, adeo ut, quae priora sunt, posterioraue in hac editione prorsus ignorem.

1743.

Antverpiae apud Bern. Alb. van der Plasche. fol. S. Augustini Vitae Pars Secunda, praesertim ab anno trigésimo tertio aetatis usque ad obitum auctore S. Possidio Sancti Doctoris discipulo eiusque per annos fere quadraginta Contubernali. Ex editione Romana a. 1731. collata cum vetusto MS. codice. Accedit Indiculus Scriptorum Augustini eodem Auctore; in *Actis Sanctorum Antverpiensibus* mensis Augusti Tomo VI. pagg. 427—460. *Secunda Vitae Pars* audit Possidii opera h. l. propterea, quod ei praemittuntur *Confessiones Augustinianae*, quibus Bollandistae titulum *prioris partis* Vitae Augustini posuerunt. Accedunt singulis sectionibus *annotata* docte et sobrie scripta.

1768.

Augustae Viudelicorum apud Fratres Veith. 8. S. Aurelii Augustini Hipponensis Episcopi Vita auctore S. Possidio Calamensi Episcopo ad MSS. codd. recen-

recensita, notisque illustrata opera et studio *D. Ioannis Salinas* Neap. Can. Reg. Congr. Lat. Accessit *Michaëlis III.* ad exemptas Insulas Wengenses Cann. Regg. Vlmae Sueuorum Praelati, S. Caes. ac Cath. Mai. Consiliarii et Sacellani perpetui Disquisitio Critica de variis Gestis, Dictis ac Visionibus S. Augustino falso aut minus solide tributis. — In posteriori dissertatione multarum de Augustino fabularum origo docte ac sagaciter ostenditur.

VERSIONES.

1742.

In Venezia per Pietro Bassaglia e Francesco Hertzhauser. 4. Vita di S. Aurelio Agostino — scritta da S. Possidio Vescovo di Calama, tradotta in Italiano da un' Autore Anonimo col testo latino; in limine Operis Augustini *de Ciuitate Dei*, latine iuxta quam *italice* ex antiqua anonymi auctoris, sed quem vulgo Iacobum Passauantium putant, interpretatione duobus voluminibus h. l. et a. editi.

1764.

In Milano presso Antonio. Agnelli. 8. Vita di S. Aurelio Agostino Vescovo d'Ipbona Dottore di S. Chiesa scritta da S. Possidio Vescovo di Calama, tradotta in Italiano da un' Autore Anonimo; in questa seconda edizione ridotta secondo il Testo Latino de' migliori Codici manoscritti, accresciuta di alcune Note, e dedicata all' illustrissimo Signore D. Antonio Fissiraga, Dottor di Collegio, Decurione, et Oratore emerito della Città di Lodi.

Editor *F. Romualdus Maria de S. Gaetano* Augustinianus Excalceatus Mediolanensis versionem superioris editionis, sed ad nouissimae recensitionis textum refectam, ipso textu latino omissa excudi curauit.

vit. Notas, quas adpersit, ingenue fatetur non sibi deberi, sed e *Benedictinorum*, *Salinasii*, *Caesaris Benvenuti* et *Laurentii Berti* (Vitae Augustinianae scriptoris) notis aut Commentariis esse selectas.



CODICES: I. *Vitae Augustini: Benedictinorum*; sex, nempe duo *Floriacenses*, *Germanensis*, *Vedastinus*, *Fossatensis* ac *Cisterciensis*. Ex his larga provenit variantium lectionum copia. Nec vero pauciores ex quinque MSS. quos *Salinasius* in usum vocavit, quorum duo quidem extabant in *Bibl. Reginae Suecorum* sub num. 541. et 1025., tres vero alios ex *Vaticana* nactus erat, signatos 1188. 1190. et 1191. His tandem omnibus accenseri debet exemplar MS. *Musei Societatis Iesu Antverpiae*, quod *Bollandistae* notant signatum fuisse P. MS. 5. et vetustissimum dicunt.

II. *Indicis Operum Augustini*: primae editionis; MS. *Bibliothecae Abbatiae Villariensis*, ex quo eum primus excudit *Vlimmerius*. *Benedictini* eosdem adhibuerunt quos in *Vita Augustini* codices. Novissima tandem editio *manuscripto Veronensi* debetur.

31.

HILARIUS ARELATENSIS,

Gallus, clarus genere educatusque liberaliter, iu-
venis hortante Honorato Lirinensium Monachorum
Abbate cognitionem suam ab eaque pendentia saeculi
commoda deseruit vitaeque monasticae eodem
duce et auspice se addixit, vnice intentus magistri
huius exemplum in se effingere menteque et animo
referre. Itaque quamdiu ille Lirino praeesset, semper
ei adhaesit eiusque institutionem sectabatur, euo-

catum deinde anno 426. ad ecclesiae Arelatenfis regimen eodem comitatus est, mox tamen ad insulam suam rediit, nec ab ea prius recessit quam coenobitae otium cum episcopali cura ipsi esset permutandum. Mortuo enim Honorato, in eius locum substitutus est Hilarius ineunte anno 429. Arelatenfis autem episcopatus vt erat in Ecclesia Gallicana, a Patrocli maxime aetate, cui Romanae sedis fauore iura metropolitana in Viennensem et Narbonensem prouinciam cesserant, principale honoris fastigium, ita non poterat virtutes, si quae in eo erant episcopo dignae, non conspicuas reddere et late propagare. Hinc magna apud omnes non intra Gallias modo vitae eius commendatio et post mortem etiam culta memoria. At idem locus et magnarum ipsi molestiarum et grauis moeroris causa fuit. Nam cum anno circiter 444. Chelidonium quendam Vefontionensem Episcopum, a plebe sua coram eo accusatum causa in Synodo quadam desultorie vt videtur cognita, communi sententiâ deposuisset, is vero Romam expetens, iniusto se rigore condemnatum esse apud Leonem episcopum esset conquestus, Hilarius illico quidem ipse Romam contendit Leonique se praesentauit, ita tamen, vt *ad officia, non ad causam venisse* libere significaret. Sed cum totam causam ab Episcopo Romano retractari, seque ipsum tanquam reum iniusti iudicii habitum cerneret, neque ea quae a Chelidonio pro innocentia sua prolata essent documenta vel solus euertere posset, vel redarguere, iudicii ordinem indignatus, apud animum sustineret, e contrario vero multa liberius et incautius locutus esset quam iam tum Romani Episcopi ambitio et non amplius dubia potestas ferret, neque adeo anceps esse poterat, in quam partem Leonis sententia inclinatura esset: infcio Leone Ro-

ma discessit et Arelatum repetiit. Mox tamen, ut vitae eius auctor scribit, *totum se ad placandum eius animum inclinata humilitate conuertit, misso primum sancto Rauennio tunc presbytero, postmodum ipsius successore, dein Nestario et Constantio praecipuis sacerdotibus.* Sed frustra. Lata pridem erat sententia, absolutus Romae Chelidonius, remotumque iudicium ab Hilario in hac causa prolatum, et ne impune ferret suam erga sedem Apostolicam audaciam, non solum ademta est ei et Viennensi interim episcopo reddita metropolitica in Viennensem provinciam potestas, sed omnino huius potestatis exercitio spoliatus est, traducto in conuocandis diuersarum provinciarum Synodis iure in antiquiorem episcopum Leontium. Atque haec insuper imperiali auctoritate roborari et executioni mandari Leo curauerat, in quo edicto Imperatorum Theodosii et Valentiniani III. d. VIII. Iul. Valentiniano A. VI. et Nonio V. V. C. Cons. (a. 445.) inter alia praeceptum fuit, *ut Episcopis Gallicanis omnibusque pro lege esset, quidquid apostolicae sedis auctoritas sanxisset: ita ut quisquis Episcoporum ad iudicium Romani antistitis euocatus venire neglexisset per moderatorem eiusdem provinciae adesse cogeretur.* Obiit Hilarius non multo post anno 449.

Diuerfa maxime de Hilario eiusque cum Romano episcopo lite recentiorum scriptorum sunt iudicia, prout magis minusve scilicet Romanae Curiae illi fauerent, aut animis in eam essent infensioribus. Magna sane Hilarii apud omnes temporum istorum aequales fuit exultatio; eximiis eum laudibus condecorat vitae eius scriptor ipseque Leo M. mortuum *sanctae memoriae papam* vocat. Superstitiosi itaque Romanae sedis iurium defensores negant aliter haec cum ista eius erga pontificem temeritate conciliari

posse, nisi serio poenitentiam egisset eaque veniam apud illum impetrasset. Contra obrectatores Romanae auctoritatis nihil aliud egisse eum existimant, quam quod ecclesiae suae iuribus deberet, nec ius causae eius defuisse, nec prudentiam ipsi in ea defendenda. Quid? quod contendunt, Hilarium nullam plane Episcopi Romani in ecclesia Gallicana auctoritatem agnouisse, propterea iudicium eius detrectasse et spreta eius sententia ad vitae finem vsque metropolitae iura in utraque exercuisse provincia. Hoc fuit quoque *Paschasi Quesnelli* consilium in *apologia*, quam occasione editionis Operum Leonis M. *pro Hilario* conscripsit, in qua non minus episcopi Romani auctoritatem eleuare, quam Hilarii gesta ac virtutes, fortitudinem scilicet in defendendis ecclesiae suae iuribus, mitern animum et pacis studiosum, constantiam et in officio suo perseverantiam Leonis minis inconcussam extollere studet. Sed quidquid ille disputet, prudentiam non possum in Hilario agnoscere, nec omnino vllum ex gestis eius constans consilium elucet. Quin nec ea, quibus episcopi Romani tunc temporis in Gallicana ecclesia potestatem Quesnellus oppugnat, ita sunt comparata, vt non in multis aduersariis eius nouissimis Balleriniis, quamvis Romanae curiae deditis, accedere quam cum illo sapere malis.

Porro Hilarium cum multis aliis Galliae episcopis minime probasse Augustini recentem tunc de Praedestinatione et Gratia opinionem, ex Prospero discimus *). Hinc orta est de Semipelagianismo eius quaestio, leniuscula quidem, sed serio a doctis etiam

*) In *Epistola ad Augustinum*, si lectio certa. Fuerant enim, qui Hilarii nomen in eo loco censerent irreptitum. Vid. *Oudin* cap. I. pag. 1224.

etiam viris tractata, et in qua idem Quesnellus graviter hallucinatus est. Cf. Oudinus in *Diff. de Hilario Arelat. cap. III. T. I. pagg. 1227. 28.*

Honoratus vel quisquis fuerit auctor Vitae Hilarii sequentia recenset eius scripta: *Vitam* scilicet *Honorati Antistitis*, *Homilias in totius anni festiuitates*, *Symboli expositionem*, *Epistolarum* magnum numerum et *Versus*. Ex his supersunt hodie certa et genuina solummodo: 1. *Vita sancti Honorati Arelatensis Episcopi* et 2) *Epistola ad Eucherium Episcopum Lugdunensem*. Interciderunt reliqua, nisi forte ex Homiliis quaedam resistent inter Homilias sub Eusebii Emeseni vel Gallicani nomine vulgatas. Oudinus quidem, qui vnus omnes auctoris esse sibi persuaerat, easdem ad Hilarium spectare olim existimabat, praeter alia argumenta secutus auctoritates VV. DD. praesertim Cundii et Mosani editorum Bibliothecae Concionatoriae, sed re attentius perpensa censuit, nullatenus eas illi conuenire posse; immo auctoris esse, qui certo post Concilium Chalcodonense a. 451. celebratum et damnatum Eutychen vixerit *).

Sed hoc non impedit, quo minus vera sit, quam Combefisius et non pauci cum eodem viri docti aluerunt, sententia, collectionem censentes ex diuersis Arelatensis praesertim et Lugdunensis prouinciarum

Zz 3

et

*) Multi sunt de hisce homiliis, *Baronius*, qui Eucherio vindicare conatus est, ad a. 441. *Annali-um* et in *Comm. ad Martyrologium* Romanum ad d. XVI. Nouembris, *Combefisius*, *Labbeus*, *Dupinius*, *Tillemontius*, sed omnium diligentissime quaestionem de auctore eorum tractauit *Oudinus* T. I. pagg. 390—425. Cf. *Fabric. Bibl. M. et Inf. Lat. v. Eusebius Emesenus*.

et ciuitatum Concionatoribus delectam, quae inter multas aliorum Hilarii quoque nonnullas homilias contineret.

Tribuuntur porro Hilario *poëmata* nonnulla ver, su hexametro condita, veluti *Poëma de septem fratribus Maccabaeis ab Antiocho Epiphane interfectis*, quod alias sub *Victorini Afri* nomine circumferri solet, *Carmen de prouidentia Dei* et *Carmen in Genesin ad Leonem Papam*, de quibus eruditorum sententiae longissime inuicem distant, Codicum in his nulla est auctoritas, quippe in quibus constanter tertium ad Leonem Carmen, *Hilario Pictauiensi* tribuitur, cui idem asseruerunt PP. Maurini in editione Operum Hilarii istius. Oudinus tamen propter eorundem testimonium, nullus dubitat, quin Arelatensis verus auctor sit carminis *de Maccabaeis*, sicut de altero *de prouidentia* arripit sententiam Norisii, ex vestigiis Semipelagianismi, quae in eo sibi deprehendere visus est, Hilario Arelatensi illud adiudicantis. Quippe existimabat ille Prosperum in poëmate *de ingratia* hocce carmen sibi refutandum fuisse. Sed dudum istam opinionem diluerunt Antelmius et notissimus editor Prosperi Aquitani Operum. Salinasius autem ex mentione incursionis Vandalorum Gothorumque colligit scriptum illud esse circa annum 416. adeoque ab Hilario vixdum quindecim annos nato proficisci haud potuisse. De reliquis duobus licet definire nihil ausus sit, verosimile tamen censet, auctorem eorum esse Hilarium. Sed rectius fortasse statuant, quibus nullum omnino ad Hilarium nostrum pertinere videtur, in quorum numero sunt diligentissimi atque acutissimi auctores *Historiae Litterariae Galliae*.

Supereff denique *narratio de Miraculo a B. Genesio martyre* perpetrato, Hilario Arelatensi pariter tam

tam in codicibus nonnullis quam doctorum virorum, Benedictinorum in primis in laudata *Historia Literaria Galliae*, suffragio tributa. Sed hanc quoque plurimi cum Quesnello alienam ab Hilario aestimant.

Denique manifesto non huius, sed alius Hilarii, Prosperi familiaris, vel duorum etiam, vtriusque vero Augustinianae de Gratia opinionis defensorum, sunt *Epistolae* duae ad *Augustinum* de hoc argumento directae.

Ex genuinis Hilarii scriptis primum edita est *Vita S. Honorati a Genebrardo Parisiis 1578.*, vnde eam suscepit *Surius*. Non inulto post eandem ex Mss. Lirinenfibus produxit *Vincentius Barralis*, quem secutus est *Bollandus* ita quidem, vt et ipse mss. exemplaria conferret. Successit *Quesnelli* recensio ex Bollandi textu et mss. Aretalensibus formata, quam in plerisque deserit nouissimus editor *Ioannes Salinasus*. *Epistola ad Eucherium* prima vice, ni fallor, prodiit in *Chronologia Lirinenfi*; mox inserta est in *Bibl. PP. Colon.* et *Lugdunensem* et apud *Quesnellum* et in nouissima editione a. 1731. recusa. Quae quidem omnia ob oculos ponet sequens indiculus, a quo ea, quae dubiae sunt existimationis aut omnino falso Hilario adscribuntur, seiunximus, satis fecisse desiderio lectorum arbitrati, si succincte monuerimus, vbi, et quo nomine occurrant.

Carmen de Macchabaeis editum est primum sub *Victorini Afri* nomine a *Ioh. Sichardo* in *Antidoto contra omnes Haereses* a. 1528. indeque in *Bibl. PP. Bigneana* a. 1575. et in omnes sequentes ductum, insertum quoque (testibus Benedictinis in *Hist. lit. Galliae*) *Syllogae poetarum Christ. Lugd.* a. 1605. et *Bibliothecae Floriacensi Ioannis a Bosco* T. II. p. 198—210. *Carmen de prouidentia frequen-*

ter cum Operibus *Prosperi Aquitani* exscriptum est; Carmen in *Genesin* sub Hilarii Pictauiensis nomine emissum est primum a Lud. Miraeo, cum *Opp. Hilarii Pict.* a. 1544. indeque in omnibus etiam nouissimis eorundem editionibus repetitum. Scorsim quoque edidit *Morellus Parisiis* apud *Guil-*
lot. a. 1559. 4. Mox a. 1560. Parisiis iterum in 8. prodiit, cum *Claudii Victoris* aliorumque carminibus in *Genesin*, et eodem anno *Antverpiae* cum poematibus *Paulini Nolani* curante Pulmanno; porro receptum fuit a *Ge. Fabricio* inter *Poëtas Christianos* et in *Bibliothecas Patrum* et singulari commentario illustratum a *Io. Weitzio, Francof.* 1625. 8.

Miraculum Genesii prodiit apud *Surium* et *Bollandistas* ad diem XXV. Augusti.

De *Epistolis* duabus ad *Augustinum* infra dicetur. *Homilias* denique, quas vniuersæ a nonnullis Hilario tributas, ex parte vero ipsius esse innuimus, non semel editae fuerunt; sed postquam primum prodierant *Homiliae X ad Monachos*, Coloniae 1531. 12. iunctae illis sunt *Homiliae XLVI. ad populum Eusebii Emeseni* nomine a *Io. Gagneio Parisiis* 1547. 8. eaedemque postea recusae sunt *Antverpiae* 1555. et *Parisiis* 1561. et post *Andreae Schotti* recensio-
nem in *Tomo V. Bibl. PP. Colon. A.* 1618. et *T. VI. Lugdunensis* 1677. a *Cumdio* et *Mosano* Hilarii nomine, a *Combesio* vero tamquam diuersorum auctorum opera in *Bibliothecam Concionatoriam* traductae.

SAEC. XVI.

1578.

Parisiis apud *Aegidium Gorbinum* 8. D. Hilarii Arelatensis Episcopi de S. Honorato Oratio funebris et D. Eucherii Lugdunensis Episcopi de Laudibus Eremitæ, nunc primum e *Lirinenſi Bibliotheca*
pro-

producti. Cf. *Eucherius Cat. Bibl. Reg. Paris. T. I. p. 383. et 364. num. 465.* addit *Fausti Regiensis Episcopi Instructionem ad Monachos*, quae sane inest in hoc libro, non item in titulo significatur, ut docet *Sancaassanus in Cont. Bibl. Vol. Io. Cinelli.*

1613.

Lugduni 4. Sermo luculentus sancti Hilarii Archiepiscopi Arelatensis de Vita sancti Honorati eius praedecessoris et primi fundatoris sacri Monasterii Lerinensis, item Epistola eius ad Eucherium; in *Chronologia Sanctorum Insulae Lerinensis* auctore *Vincentio Barrali* pagg. 1—15. et 126,

1618.

Coloniae Agr. sumt. Ant. Hierati. fol. S. Hilarii Arelatensis opuscula, id est Epistola ad Eucherium, epistola ad Augustinum et Carmen de Genesi; in *M. Bibl. PP. T. V. P. II.*



Coloniae Agr. fol. Sermo S. Hilarii Ep. Arelatensis de Vita et morte beatissimi Honorati Patris praecipui monachorum Lirinensium et Episcopi Arelatensis; in *Vitis SS. Laur. Surii* ed. postremae, ad diem XVI. Ianuarii pagg. 252—58.

1643.

Antverpiae apud Io. Meursium. fol. De Vita S. Honorati Sermo S. Hilarii Episc. Arelatensis, in *Actis SS. Io. Bollandi mens. Ianuarii T. II. pagg. 11—24. a.* Recensita est ad editiones Surii et Barralis et Mss. S. Mariae de Ripatorio et Preudhomii Canonici Cameracensis, illustrataque marginalibus, locis biblicis et praemonitione.

1673.

Parisis apud Seb. Cramoisy. 12. S. Hilarii Arelatensis Vita St. Honorati, cum Eucherii Lugdunensis libris de laude eremi et contemptu mundi, quibus tribus opusculis appositus est titulus Via ad aeternitatem; cf. Eucherius Lugdunensis.

1675.

Lutetiae Parisiorum suntibus Io. Bapt. Coignard. 4. S. Hilarii Arelatensis Episcopi Opuscula, Vita et Apologia, seu, ut interior titulus habet, S. Hilarii Arel. Vita, et quod superest Opusculorum eiusdem, cum excusis Codicibus et Manuscripto sanctae Arelatensis Ecclesiae collata a Paschasio Quesnello; ad calcem Operum Leonis M. ab eo editorum T. I. pagg. 729—776.

In hisce opusculis Quesnellus nihil complexus est praeterquam *Vitam Honorati* ad Codicem Arelatensem et Bollandianam editionem relectam, *Metrum in Genesim* et *Epistolam ad Eucherium Lugdunensem*. *Narrationem de Miraculis Genesi*, quae apud Surium Hilarii nomine decorata legitur, ab eius facundia abhorreere scribit et potius Honorati Massiliensis stylium redolere. *Apologia pro S. Hilario* et *Ecclesiae Arelatensis iuribus antiquis* inter Dissertationes Leonis Operibus Tomo secundo adiunctas est quinta, spectatque ad *Epistolam Leonis X.* (al. XXXIX.) ad *Episcopos Viennensis Provinciae*.

1677.

Lugduni apud Anissonios fol. S. Hilarii Arelatensis Opuscula, videlicet Epistola ad Eucherium, Epistola brevis ad Augustinum, historia Geneseos
heroi-

heroico carmine descripta; in *Bibl. Max. PP. T. VII. pagg. 1228—30.*

1700.

Lugduni apud Ioannem Certe fol. S. Hilarii Arelatenfis Episcopi Vita, Opuscula et Apologia; cum *Leonis M. Operibus* edidit *Pasch. Quesnellus T. I. pagg. 361—86.*

SAEC. XVIII.

1731.

Romae typis Io. Zempel 8. S. Hilarii Arelatenfis Episcopi Opuscula ad Mss. cod. insignioresque editiones recensita ac notis illustrata a D. IO. SALINAS *Neapolitano* etc. cum *Vincentio Lirinensi.*

Genuina Hilarii scripta ab iis, quae fide minus explorata aut falso illi tribuuntur, secrevit. Ad illa duo tantum pertinere existimavit, *Honorati Vitam* scilicet et *Epistolam ad Eucherium*; ex altera classe tria exscribi fecit, *Metrum in Genesin*, *Carmen de Fratribus Macchabaeis*, quae duo recte Hilario Arelatenfi adiudicari existimat, et *Genesii Miraculum.*

Textus Vitae Honorati pro fundamento habet recensione Bollandianam; raro lectiones Quesnelli admissae sunt. Consuluit et ipse quidem Salinasius Codices Mss. Bibliothecae Reginae Suecorum n. 645, et 1025. antiquos et optimae notae, sed magis ad tuendas Bollandianas lectiones quam novas inuehendas. Testatur enim mss. auctoritate aliisque de causis parce et verecunde loca quaedam se restituisse feliciter Bollandi sagacitate correctis, deformataque verius quam emendata in sequentibus editionibus. Nec voluit capitum numerorumque distinctionem a Bollandi inuectam turbare, ne citationum varietate lectores

doctores scriptoresque inutiliter fatigarentur. Plura etiam ad notas observationesque, quarum quidem satis copiosa materia iam a Ioanne Barrali parata fuerat, Bollandus contulit. Quod attinet ad Epistolam ad Eucherium, et eam codicis ms. ope recensuisse et emendasse profitetur Salinasius, sicuti ea, quae ab his secreuisse eum significauimus, ad optimarum editionum, quales sunt *Weitzii*, *Quesnelli*, *PP. Maurinorum* et *Rosweydi*, fidem repraesentauit.

Carmen de Providentia, quod ullo specioso argumento Hilario tribui negat, daturus erat in Appendice ad Dissertationem, quam meditabatur Apologeticam, in qua praeter alia et huius carminis doctrinam curiosius examinare constituerat.

32.

CAPREOLUS EP. CARTHAG.

§. I. Vita.

Afer, vir doctus et latae famae, successit Aurelio in episcopali sede Carthaginensi a. 430. cum omnis paene Africa a Vandalis obsessa esset et misere affligeretur. In qua communi provinciarum et ecclesiae calamitate excepit litteras Theodosii imperatoris ad Augustinum, qui interea ex viuis excesserat, Synodi Ephesinae causa directas, et synodum quidem conuenientem cogere tentauit, a qua legatio Ephesum destinaretur; sed cum omnis conueniendi via episcopis per Africae ambitum procul inuicem remotis propter effusos undique hostes et agros longe lateque desolatos esset praeclusa, contentus esse debuit, diaconum suum Besulam cum excusationis seu lamentationis litteris Ephesum mittere, et praesentes episcopos rogare, vt nouas et ecclesiasticis auribus antea inusitatas doctrinas profligarent et plane de medio tollerent. Non multum post damnatum in Con-

cilio

cilio Ephesino Nestorium Vitalis quidam et Constantius seu Tonantius per literas ex vltima Hispania missas Capreolum consuluerunt, quae recta teneret fides catholica *de vna Christi, veri Dei et hominis persona aduersus Nestorium*, quibus prolixa doctaque epistola abunde satisfecit. Quando obierit Capreolus, non satis liquet. Fortasse paulo ante annum 439., quo Vandali Carthaginem expugnarunt *). Successor eius fuit Quoduultdeus.

Superfunt duae *Epistolae*, quarum in vita eius ^{2. Scripta.} mentionem fecimus, nempe vna *ad Synodum Ephesinam*, scr. a. 431. quae gr. et lat. exstat **), altera, *de vna Christi veri Dei et hominis persona contra recens damnatam haeresim Nestorii ad Vitalem et Constantium*, scr. non multo post Ephesinum concilium. Fragmentum porro *Epistolae*, qua sacrae Theodosianae respondit, seruatum est apud Ferrandum et recitatum a Gallandio. Tillemontius suspicabatur, *Sermonem de tempore Barbarico* (Vandalis Africam vastantibus), qui exstat apud Augustinum, Tomo sexto Operum ed. Amst. pagg. 453. seqq. Capreolum aut Quoduultdeum, aut quemuis alium de ecclesia Carthaginensi Presbyterum auctorem habere.

Prior epistola reperitur inter Acta Concilii Ephesini Actionis I. et cum iisdem diuersis vicibus edita ^{3. Editiones.} est; altera mutila primum a Baronio ad a. 431. prolata fuit, mox integram exhibuit Iacobus Sirmondus in *Opusculis quorund. Vet. Theol. Parisiis* 1631. indeque post varias editiones vtraque ab Andrea Gallandio

*) Gallandi ad T. IX. Bibl. PP. Prolegg. p. 31.

**) Fragmenta ex hac epistola, sed ex alia latinitate exstant apud Ferrandum in epistola ad Pelagium et Anatolium.

dio recepta est in *Bibliothecam Patrum* notisque et variis lectionibus illustrata. Plura discas ex sequenti indiculo.

SAEC. XVI.

1576.

Ingolstadii 4. Capreoli — epistola ad sacram synodum Ephesinam; inter *Acta Concilii Ephesini* edita opera *Theod. Peltani* Soc. Ies. pagg. 375—77.

1594.

Romae fol. Capreoli — Epistola ad Concilium Ephesinum, *Latine*; in *Annalibus C. Baronii Tomo V.* pagg. 563. Recusus est hic tomus in eadem officina a. 1607. pagina plane consona. Auctior vero est editio a. 1624.

SAEC. XVII.

1608.

Romae ex Typogr. Vat. fol. Capreoli — epistola ad sanctam synodum per Besulam diaconum missa. gr. et lat.; in *Conciliis general. ecclesiae catholicae Pauli V. P. M. auctoritate*, gr. et lat. editis T. I. pagg. 364—66.

1624.

Coloniae Agripp. sumpt. Ant. Hierati fol. Capreoli Episcopi Carthag. epistola ad Concilium Ephesinum, *latine*: item ad Vitalem et Tonantium in fine manca; in *C. Baronii Annalium* editione, ab ipso auctore ante obitum recognita et aucta *Tom. V.* a. et 431, num. XXIV. et XXVIII. pagg. 634—38. in editione *Mansiana* (*Lucae* 1741.) extat Tomo VII. pagg. 358—62.

1630.

1630.

Parisiis apud Seb. Cramoisy 8. Capreoli Episcopi Carthag. epistola de vna Christi veri Dei et hominis persona, contra recens damnatam haeresin Nestorii, *integra, praeuia* epistola Seruorum Dei Vitalis et Constantii ad Capreolum, ex *Codice Heri-vallensi* edita a IAC. SIRMONDO inter *Opuscula Dogmatica Vet. quinque Scriptorum* num. II. pagg. 35—72. et postea inter *Varia Opuscula Sirmondi* (Paris. 1675. 4.) T. I. pagg. 40. et nouissime in *Operibus* eiusdem a. 1696. T. I. pagg. 363, *seqq.*

Constantii nomen ex codice laudato intulit Sirmondus, tametsi Tonantii, Baronii lectionem, *ve-*riorem putat.

1671.

Lutetiae Parisorum fol. Epistola Seruorum Dei Vitalis et Constantii Spanorum ad S. Capreolum episcopum ecclesiae catholicae Carthaginis, et Capreoli rescriptum; in *Collectione Concilior. Phil. Labbei et Gabr. Cossartii* T. II. pagg. 689—98. item Epistola eius ad Concilium Ephesinum Tomo III. pagg. 529—33.

1677.

Lugduni apud Anissonios. fol. Capreoli—epistola ad Vitalem et Constantium etc. in *Max. Bibl. PP.* T. VII. pag. 5. *sqq.*

1683.

Parisiis ex Typogr. Franc. Muguet. fol. Capreoli Episcopi Carth. epistola ad Synodum Ephesinam latine; in *Noua Collectione Concilior. Steph. Baluzii.* T. I. pagg. 477—79.

S A E C. XVIII.

1715.

Parisiis ex Typogr. Reg. fol. Capreoli — epistola ad Synodum Ephesinam; *gr. et lat. in Conciliis Harduini T. I. pagg. 1419—22.*

1728.

Venetiis fol. Capreoli — Epistola ad Synodum Ephesinam (per Besulam Diaconum missa) *Gr. Lat.; in Conciliis Labbei cur. Coleti. T. III. col. 1074. sq.*

1760.

Florentiae fol. Capreoli — Epistola ad Synodum Ephesinam; *Gr. lat.; in Noua et ampliff. Concil. coll. Mansiana, Tomo IV. pagg. 1207—1212.*

• 1773.

Venetiis e Typogr. Io. Bapt. Albritii. fol. Capreoli Episcopi Carthagenensis Epistolae II. quarum altera *gr. lat.* ad Concilium Ephesinum, altera ad Vitalem et Tonantium Hispanos — una cum epistola Vitalis eiusdem et Tonantii ad Capreolum; *in Bibl. PP. Lat. et Vet. SS. Eccl. Andreae Gallandii, Tomo IX. pagg. 490—96. De Capreolo huc pertinet caput XVI. Prolegg. pagg. XXX. XXXI.*

1785.

Madriti apud Ioach. Ibarra 8. Capreoli Episcopi Carthagenensis Rescriptum (ad Vitalem et Constantium); *in Matthiae de Villanũo Summa Conciliorum Hispaniae T. I. pagg. 168—182. Omissa est epistola duorum Hispanorum magno lectorum incommodo.*

33.

URANIUS,

Presbyter, natione Gallus, Nolanae ecclesiae et s. i. Vita Paulini Episcopi, ut videtur, discipulus. Paulino morienti adfuit eiusque Vitam et episcopatum hortante Pacato ad posteros transmisit.

Hac ipsa de Vita et Obitu Paulini Nolani narra- s. 2. Scripta. tione locum inter scriptores Ecclesiasticos meruit.

Protulit eam primus Surius ad diem XXII. Iunii; s. 3. Editiones. nox ex codice emendationi edidit Chiffletius, ex vtrisque vero textum recognitum dederunt Lebrunus in editione Operum Paulini et Bollandistae, ut sequentia testantur.

SAEC. XVI.

1572.

Coloniae Agripp. fol. Vita S. Paulini Nolani, auctore Vranio presbytero, ut habet egregius Ms. codex; in Vitis probatis SS. LAUR. SURII Tom. II. ad diem XXII. Iunii pagg. 133—36. in ed. postrema ibidem facta a. 1618. mense Iun. pagg. 285—87.

SAEC. XVII.

1672.

Divione 4. Vranii Presbyteri de obitu S. Paulini Nolenis Episcopi ad Pacatum Epistola ex ms. codice Trecensi emendatio ea quam edidit Surius; in Pét. Franc. Chiffletii Paulino illustrato P. II. cap. XXXVI. pagg. 222—229.

1685.

Parisis apud Ioannem Couterot etc.. Vranii Presbyteri Epistola ad Pacatum de obitu S. Paulini Tom. II. Aaa epif.

episcopi Nolani ex ms. codice Trecenti T. Chiffletii cura et ex edit. Surii cum *operibus S. Paulini* ex ed. *Lebrunii* T. II. pagg. 143—48. Adspersae sunt aliquot Lebrunii notulae.

SAEC. XVIII.

1736.

Veronae Typis Dionys. Ramanzini. fol. Vranii Presbyteri Epistola ad Pacatum de obitu S. Paulini Episcopi Nolani; ex ed. Surii et Chiffletii; cum *operibus S. Paulini* cur. *Muratorio* I. *Prolegg.* pagg. CXXVII—XXXII.

34-

XYSTUS s. SIXTUS EP. ROM. (h. n. III.),

§. I. Vita.

Ortu Romanus, Coelestino successit anno 432. ordinatus secundum Baronium XXVI. die Aprilis, Pagio iudice die XXIV. mensis Iulii. Hic dum adhuc in presbyterio constitutus esset, odio in Pelagium et Coelestium nomen suum inclytum fecit. Nam cum nescio quo pacto fama aliqua suborta esset, Xystum non solum Pelagii doctrinae fauere, sed ipsorum etiam Pelagianorum amicum ac patronum esse: adeo animo incensus est ad hanc calumniam diluendam, ut primus in Concilio Coelestii causa a. 418. habito anathema in eum pronuntiaret. Mox etiam literis ad Augustinum et Alypium scriptis doctrinam suam de gratia ita explicavit, ut ille sibi magnopere eam probari atque placere epistolis etiamnum superstitibus significaret. Quae omnia ei non potuerunt non prodesse ad consequendum summum ecclesiasticae dignitatis apicem. Contigit autem, ut in ipsa ordinatione eius adessent legati Cyrilli Alexandrini aliorumque episcoporum pacis in Oriente componendae causa ad praecessorem eius missi; quapropter eximie laeta-

laetatur in epistola ad Cyrillum de ordinatione sua data. Cyrillo enim et Ephesini concilii placitis Coelestini exemplo fortiter adhaesit frustra que ab iisdem eum alienare conati sunt Eutherus Thyanensis et Helladius Tarsensis, episcopi; licet vere non minus quam graviter ipsi scripssent, Nestorium aequè ac alios episcopos iniuste esse damnatos, duodecim Cyrilli capitula blasphemam esse novitatem vniuersae scripturae contrariam, legitimasque et antiquas sanctorum patrum traditiones anathematizantem, gesta illius concilii sine ratione et legibus et ab ipso principe reprobata omninoque Cyrilli effrenatam in illis fuisse licentiam. Tanto maius ipsi gaudium fuit mutatio Ioannis Antiocheni, qui ipso Imperatore hortante tandem se sententiae in Nestorium prolatae assentire et Maximianum pro episcopo Constantinopolitano agnoscere professus erat. Inter extremas eius laudes referre solent, quod a Prospero accepimus, eum Iuliani artes, quibus iterum in ecclesiae catholicae communionem irrepere conatus sit, vigilantia sua eluisse. Obiit ex Baronii calculo die XXVIII. Martii, iuxta Pagium die XI. Augusti, iuxta Constantium vero sub exitum Iulii a. 440.

Epistolae eius superstites scriptae sunt: I. et II. ad 2. Scripta. Cyrillum Alexandriae Episcopum, scr. medio anno 432. Nonnisi ex interpretatione graeca nobis transmissae sunt, latine Cotelerius vertit, qui etiam obferuat, priorem, etsi soli Cyrillo inscriptam, reueta encycliam fuisse. III. Ad eundem, scr. a. 433. IV. ad Ioannem Episcopum Antiochenum, scr. eodem anno. V. ad Perigenem Corinthiorum Episcopum, scr. a. 435. VI. ad Synodum Thessalonicae congregandam, scr. vt et sequens a. 435. VII. ad Proclum Constantinopolitanum Episcopum, scr. cum sequenti a. 437. VIII. ad totius Illyrici Episcopos.

Deperditarum, quas tum ante pontificatum, tum eo durante scripsit, notitiam praebet Coustantius. Huic autem Xysto a Iacobo Salonio primum tributi sunt, post etiam a Ioanne Garnerio adiudicati, *libri tres, de diuitiis, de malis doctoribus et de operibus fidei, et de castitate*; sed fatendum est, eos coniectura magis, quam vlllo probabili argumento niti. Idem vero Ioannes Garnerius admodum proluxa dissertatione ad Opera Marii Mercatoris id egit, vt libros *Hypomnesticon* apud Augustinum in appendice Tomi X. ed. Benedictinorum vulgatos Xysto huic assereret. Sed refellit eum Natalis Alexander saec. V. pagg. 49. sq. *Gesta de Xysti purgatione et Polychronii Hierosolymitani episcopi accusatione, ipsius Xysti iussu collecta*, quae Petrus Crabbius in Conciliis a se editis primum euulgauit, non solum horrido ac barbaro sermone, sed innumeris etiam in historicam veritatem peccatis inficetum impostorem produnt. Coustantius ex eadem officina prodiisse suspicatur, qua Sinuessanae synodi sub Marcellino, Romanae sub Syluestro et Liberio gesta, de quibus suis ille locis acutissime et doctissime disseruit, procusa fuerint, nempe Symmachi papae temporibus et in gratiam iudicii, quod Romana synodus ineunte saeculo VI. de causa huius pontificis protulit. Itaque haec fraus longe Isidori Mercatoris imposturis est antiquior, qui tamen ipse minime otiosus fuit, sed Xysto III. affinxit *Epistolam ad Orientales*, cui et criminationis Bassi et purgationis Xysti fabulam inseruit, sed quidquid ibi disserit, illud ex vno Anastasio vulgato seu pontificali libro mutuatum esse monet Coustantius.

9. 3. Editiones.

Ante Baronium nihil literarum genuinarum Xysti prostabat. Isidori foetum ediderat Merlinus et iterum

iterum *Crabbius*, fortasse in Romanam quoque Epistolarum Decretalium collectionem receptus fuit. Qua absoluta demum *duas* epistolas, III. scilicet et IV. e mss. exemplaribus Vaticanis nactus est *Antonius de Aquino* et cum *Baronio* communicavit, qui in *Annalibus* ad annum 433. eas proposuit. Post longum satis intervallum *quatuor* novas V. VI. VII. VIII. in eisdem Bibliothecae codicibus deprehendit *Lucas Holstenius* easque luci dedit Card. Barberinius in *Collectione Bipartita Romana* ex schedis Holstenii post obitum eius edita. Tandem reliquas *duas* invenit *Cotelerius*, sed graece tantum. Quocirca de suo ille in latinum vertit, et in *Monumentis Eccl. Graecae* imprimi curavit, easdemque repraesentarunt *Baluzius* et *Harduinus*. Omnibus denique emaculandis et illustrandis manum admovit *Constantius*, quem sequitur *Gallandius*.

S A E C. XVI.

1523.

Parisiis. fol. Sixti Papae decreta, i. e. *Epistola ad Orientales* ab Isidoro Mercatore confecta; in *Iac. Merlini Conciliis T. I.*; editionis alterius (*Coloniae a. 1530. f.*) folio CXXXXVI. b. — CLXXXVII. b. et tertiae (*Parisiis 1535. 8.*) folio CC. b. — CCI. b.

1538.

Coloniae apud Petrum Quentel. fol. Decreta Sixti Papae III. seu epistola ad orientales; in *Conciliis Petri Crabbe. T. I. fol.* CCCXVIII. b. — CCCXX. a. Item *Collectiones Sixti Papae de Expurgatione sua, quas collegit impetitus a Mariniano et Basso, fol.* CCCXXI. b. CCCXXV. b.

Haec est prima editio *Expurgationis* illius *Xysti* et *Polychronii*, quam Petrus Crabbius in duobus vetustis,

admodum mendosis ac deprauatis exemplaribusprehendit. Quae cum horrida quadam barbarie ita inter se concordarent, ut dissiderent maxime verborum sententiarumque singularum varietate, ille non modo non indignum existimauit, utriusque textum nulla facta mutatione duabus columnis repraesentare, sed utriusque discrepantias etiam coniecturae ope componere et ad sanio rem sensum politio remque orationem reducere nifus est. Atque haec, quam ipse conflauit narratio, medium inter utrasque columnas locum occupat.

1589.

Parisiis fol. Sixti III. P. M. liber de diuitiis; Eiusdem epistola de malis doctoribus et operibus fide, et de iudicio futuro. Eiusdem liber de castitate ad quendam vere christianum; in *Bibl. PP. Bigu. secundae ed. Tomo V.*

1591.

Romae. fol. Sixti Papae III. epistola ad Orientales; in *Collectione Epistolar. Decret. Pontif. Rom. Ant. Card. Carafae Tomo I.*

1594.

Romae e Typogr. Vat. fol. Sixti Papae III. Epistolae II. videlicet 1) ad Cyrillum Alexandrinum de amoto Nestorio et damnatis eius haeresibus, gratulatoria. 2) ad Ioannem Antiochenum eiusdem argumenti; ex Vaticano codice editae in *Baronii Annalibus* ad a. 433. num. XII. XVII. Tomo V, ed. repetitae a. 1607. pag. 635—37. ed. Colon. Agr. 1624. pagg. 718. 19. ed. *Massiane T. VII.* 451—55. *Acta Expurgationis Sixti* iuxta mendosum exemplar habes ibidem num. XXXII. seq.

S A E C. XVII.

1606.

Coloniae Agripp. fol. Vita, Epistolae et Decreta Sixti Papae III. in *Conciliis Seu. Bini.* T. I. fol. 922—26. Nempe duae insunt ex Baronio et epistola ad Orientales. *Acta Expurgationis Sixti* iuxta ed. Crabbei edita sunt fol. 928. b.—929. b.

1618.

Coloniae Agr. fol. Sixti Papae III. liber de divitiis, malis doctoribus, et castitate; in *M. Bibl. PP. T. V. P. II.*

1644.

Parisis e Typogr. Regia. fol. Vita, Epistolae et Decreta Sixti Papae III. cum notis *Seu. Bini.*; in *Coll. Regia Conciliorum T. VII. pagg. 1—12.*

1662.

Romae typis Iac. Dragondelli. 8. Xysti Papae III. Epistolae III. e codd. Vaticanis recens erutae, videlicet. 1) ad *Perigenem Corinthiorum Episcopum.* 2) ad *uniuersos Episcopos Synodo apud Thessalonicam congregandos.* 3) ad *Proclum.* 4) ad *uniuersos Episcopos per Illyricum consistentes*; inter *Acta Synodi Rom.* sub Bonifacio H. a *Luca Holstenio* producta in *Collectione Bipart. Rom. P. I. pag. 90. lqq.*

1644 et 1654.

Parisis fol. Sixti III. P. adscriptus liber de diuitiis et epistola de malis doctoribus, operibus fidei et de iudicio futuro; item liber de castitate ad quendam vere Christianum; in *Bibl. PP. T. V.*

Aaa 4

1671.

1671.

Lutetiae Parisiorum fol. Vita, Epistolae et Decreta Sixti Papae III. in *Conciliis Labbei et Cossartii T. III.* videlicet 1) *ad Cyrillum* inter *Acta Conc. Ephes. P. III. cap. 41. pagg. 1175. E.* 2) *ad Ioannem Antiochenum*, ibidem *pagg. 1178. B.* et iterum *pagg. 1261. 62.* 3) *ad Orientales*, *pagg. 1263—65.* Ibidem incipiunt *Acta Expurgationis, et accusationis Polychronii* iuxta tres Crabbei editiones vsque ad *pagg. 1283.*

1677.

Lutetiae Parisiorum apud Franc. Muguet. 4. Xysti Papae Romae, successoris Coelestini, ad Cyrillum epistolae duae, ex Codice Ms. Colbertino recens editae graece cum latina versione editoris *Ioh. Bapt. Cotelerii* in *Monum. Eccl. Gr. T. I. pagg. 42—47.* Incipit prior *Laetatus sum*, alter *Gratiam habentes Deo.*



Lugduni. fol. Sixti III. P. M liber de diuitiis, liber de castitate, et epistola de malis doctoribus, quae perperam pridem eidem tribuuntur; in *Max. Bibl. PP. T. VII.*

1683.

Parisis apud Franc. Muguet. fol. Xysti Papae epistolae II. ad Cyrillum a Cotelerio gr. et lat. editae; in *noua Conciliorum Collectione Stephani Baluzii T. I. pagg. 657—62.*

SAEC. XVIII.

1715.

Parisis e typogr. Regia fol. Xysti Papae III. epistolae III. *ad Cyrillum Alexandrinum*, quarum duae

duae posteriores gr. lat. a Cotelierio editae; et una ad Ioannem Antiochenum; in *Harduini Conciliis* T. I. pagg. 1707—1714.

1721.

Parisis fol. S. Xysti III. Papae, Epistolae et Decreta, vndiquaque collectae et chronologice ordinatae, insuper notis criticis et historicis et admonitionibus illustratae a *Petro Coustantio*, in *Epistolis Pontif. Rom.* T. I. pagg. 1229—72. Insertae sunt 1) post secundum, *Epistola Ioannis Antiocheni ad Xystum*, gr. lat. scr. circa a. 433. et ibidem 2) *epistola Eutherii Thyanensis episcopi et Helladii Tharsensis ad eundem*, scr. eodem anno. Accedit a pagg. 1273—80 *Notitia reliquorum scriptorum, quae ad Xystum attinent*, et in *Appendice* huius Tomi *Gesta Expurgationis Xysti* cum notis et admonitione pagg. 111—124. Atque in his omnis haec praestantissima *Coustantii* opera subsistit. Ex praefatione quidem discimus, magnam adhuc partem eius in mss. autographis b. autoris latere, et sperabamus, si non omnem laudati viri lucubrationem aliquis ex Congregatione Maurina foras daturus esset, fore tamen, ut in progressu operis splendidissimi, quod nuper Patres isti inchoauerant, collectionem dico omnium Galliae Conciliorum Sirmondiana longe auctiorem et ornatiorem, ea saltem Pontificum Romanorum monumenta, quae ad Gallicanam ecclesiam pertinent, quae sane nec pauca sunt, nec minimi momenti, Coustantii manu perpolita prodirent. Sed fefellerunt, immo abruperunt spem iucundissimam turbulentissima, in quae nunc Gallia incidit tempora.

1761.

Florentiae. fol. Vita, Epistolae et Decreta Sixti Papae III. in *Collectione ampliff. Concilior.* curante *Mansio* T. V. pagg. 1150—1156. Scilicet duae priores epistolae non hoc loco, sed inter *Acta Concilii Ephesini* exscriptae sunt. Succedunt hic a pag. 1162. *Acta Expurgationis etc.*

1773.

Venetis fol. S. Xysti III. Papae Epistolae et Decreta, quibus nonnulla intexta ad eundem Sanctum Pontificem pertinentia ex editione V. C. *Petri Constantii*; in *Bibl. PP. et SS. Vet. Eccl. Andreae Gallandii* T. IX. pagg. 518—532. Additae sunt notae ex Constantio selectae accessitque capite XIX. *Prolegg.* dissertatio de Xysto.

35.

PETRVS CHRYSOLOGVS,

§. I. Vita.

Italus, natus apud Forum Cornelii seu Imolam circa annum 406. institutusque diuinis ac humanis literis et mature sacris admotus a Cornelio oppidi istius episcopo tam celeriter profecit, vt anno 433. ecclesiae Rauennateni praeficeretur, tantamque in eo munere meruit gratiam, vt ob facundiam nomen Chrysologi ei poneretur. Obiit circa a. 450.

§ 2. Scripta.

Antiqua est collectio *Sermonum* CLXXVI. Petri Chrysologi qui in vulgatis editionibus inscribi solent: I—V. de duobus filiis, prodigo et frugi. VI. in *Psal.* 99. VII. In illud Mathaei, *Cum ieiunatis, nolite fieri sicut hypocritae tristes etc.* et de *hypocri.* VIII. de ieiunio et eleemosyna. IX. in illud Mathaei, *Attendite ne iustitiam vestram faciat coram hominibus*

*bus etc. et de eleemosyna. X. In Psalm. 28. XI—XIII. de ieiunio et tentationibus Christi. XIV. in Psalm. 40. XV. de Centurione. XVI. de duobus daemoniacis. XVII. de daemoniaco. XVIII. de socru Petri. XIX. de scriba cui Christus sequi se non permisit. XX. XXI. de sedata maris tempestate. XXII. de terrenorum cura despicienda, deque seruo vigili. XXIII. et XXV. de terrenorum cura despicienda. XXIV. de seruo vigili. XXVI. de fidei dispensatore. XXVII. de scandalo tollendo. XXVIII—XXX. de Mathaeo et Christo cum publicanis manducante. XXXI. de Phariseorum et discipulorum Ioannis ieiunio. XXXII. de eo, qui habebat manum aridam. XXXIII, XXXIV et XXXVI. de filia Archisynagogi, deque muliere sanguinis profluvio laborante. XXXV. de muliere profluvio sanguinis laborante. XXXVII. de Ionae prophetae signo. XXXVIII. de iniuria aequo animo toleranda. XXXIX. de perseverantia orationis. XL. de bono pastore. XLI. XLII. de ieiunio et eleemosyna. XLIII. de oratione, ieiunio et eleemosyna. XLIV. in Psalm. 1. XLV. in Psalm. 6. XLVI. in Psalm. 46. XLVII. de parabolis inuenta margaritae et sagenae missae in mare. XLVIII. in illud Mathaei, Venit Iesus in patriam suam, etc. et de invidia. XLIX. de eisdem, secundum Marcum. L. de paralytico *). LI. et LII. de daemoniaci furdo et muto. LIII. de pace. LIV. de Zachaeo. LV. in illud Lucae, Quis ex vobis patrem petit panem etc. deque patrum in filios charitate. LVI. de symbolo Apostolorum. LVII—LXII. in symbolum Apostolorum. LXIII—LXV. de Lazaro a mortuis suscitato. LXVI. de divite et Lazaro. LXVII—LXXII. in orationem dominicam.*

*) Hieronymo et Io. Chrysostomo falso adscriptus.

minicam. LXXIII. de paschali solemnitate. LXXIV. et LXXV. LXXVII. et LXXIX. de resurrectione Christi. LXXVI. et LXXX. de eadem, deque secunda Christi manifestatione facta mulieribus a monumento regredientibus. LXXVIII. de septima Christi manifestatione facta discipulis ad mare Tiberiadis. LXXXI. de quinta Christi manifestatione facta discipulis cum Thomas abesset. LXXXII. de Christi resurrectione et quarta manifestatione facta duobus euntibus in castellum. LXXXIII. de noua Christi manifestatione facta recumbentibus undecim discipulis. LXXXIV. de quinta Christi manifestatione facta discipulis cum Thomas abesset, deque sexta cum abesset. LXXXV. in illud Ioannis, *Iam die festo mediante.* LXXXVI—XCII. de annunciatione et conceptione diui Ioannis Baptistae. XCIII—XCV. de ea, quae unxit dominum unguento. XCVI—VII. de parabola Zizaniorum. XCVIII. de parabola grani finapis*). XCIX. de parabola fermenti**). C. de Syrophenissa siue Cananaea. CI. In illud Lucae, *Nolite timere eos, qui occidunt corpus, etc. deque morte contemnenda.* CII. de Centurione. CIII. de filio viduae excitato a mortuis, deque corporum resurrectione. CIV. de Diuite cuius ager ferax. CV. de muliere, quae habebat spiritum infirmitatis. CVI. de ficu, quae fructum non protulit. CVII. in diuum Petrum Episcopum. CVIII. CIX. in verba Apostoli, *Obsecro vos per misericordiam Dei.* etc. Rom. 12. CX. in verba eiusdem, *Non est autem scriptum propter Abraham tantum* etc. Rom. 4. CXI. in verba eiusdem *propterea sicut per unum hominem peccatum in mundum intrauit* etc. Rom. 5. CXII.

*) In qua notatur fortasse quidpiam deesse.

**) In qua deest finis.

CXII. in verba eiusdem, *Si enim unius delicto mors regnabit, per unum etc. ibidem.* CXIII. in verba eiusdem, *Quid ergo dicemus? permanebimus in peccato, ut gratia abundet. etc.* CXIV. in verba eiusdem, *peccauimus, quia non sumus sub lege, sed sub gratia. Rom. 6.* CXV. in verba eiusdem, *An ignoratis fratres, scientibus enim legem loquor. etc. Rom. 7.* CXVI. in verba eiusdem, *Quid ergo dicemus? Lex peccatum est? Absit etc. ibidem.* CXVII. in verba eiusdem, *Factus est primus homo Adam in animam viuentem etc. I Cor. 15.* CXVIII. in verba eiusdem, *Notum autem vobis facio fratres, Euangelium etc. I Cor. 15. de morte.* CXIX. in verba eiusdem, *Nescitis, quod hi qui in stadio currunt etc. I Cor. 9.* CXX. in verba eiusdem, *Nolite configurari huic saeculo etc. Rom. 12.* CXXI—IV. *de Diuite et Lazaro.* CXXV. VI. *de villico iniquo.* CXXVII. *de decollatione diui Ioannis Baptistae *).* CXXVIII. *in diuum Apollinarem Episcopum et Martyrem.* CXXIX. *in diuum Cyprianum Martyrem.* CXXX. *in consecratione Episcopi.* CXXXI. in illud Ioannis, *si quis sermonem meum seruauerit etc.* CXXXII. *de unitate fidelium.* CXXXIII. *in diuum Andream Apostolum.* CXXXIV. *in diuam Felicitatem Martyrem.* CXXXV. *in diuum Laurentium.* CXXXVI. *in Adelphum Episcopum.* CXXXVII. *de Praedicatione diui Ioannis Baptistae.* CXXXVIII. *de pace.* CXXXIX. *de remittendo fratri delicto.* CXL. CXLII. III. IV. *de annunciatione diuae Mariae Virginis.* CXLI. *de incarnatione Christi.* CXLV. VI. *de generatione Christi.* CXLVII. VIII. *de incarnationis sacramento.* CXLIX. *de natiuitate*

*) Qui falso D. Chrysostomi titulo editus est.

te Christi *). CL. GLI. de fuga Christi in ett. CLII. CLIII. de infantium nece **). CLIV. in diuum Stephanum protomartyrem. CLV. de Calendis Ianuariis, quae varia gentium superstitione polluebantur. CLVI—CLX. de Epiphania et Magis. CLXI. de parabolis serui ab agro, deque hominis erga Deum gratitudine. CLXII. de eo qui volebat diuidere haereditatem. CLXIII. de terrenorum cura despicienda. CLXIV. in illud Lucae, Ignem veni mittere in terram etc. Luc. 12. CLXV. de Consecratione diui Proiecti Episcopi Forocorneliensis. CLXVI. de quadragesimali ieiunio. CLXVII. de Diuo Ioanne Baptista praedicante, deque poenitentia agenda. CLXVIII. de parabola centum ouium. CLXIX. de parabola drachmae perditae. CLXX. de eo quod Christus misit Apostolos curatum varios morbos. CLXXI. de discipulis illatis manibus praeudentibus. CLXXII. de inuidia et hypocrisi. CLXXIII. de diuo Ioanne Baptista et Herode. CLXXIV. de decollatione D. Ioan. Bapt. CLXXV. de Marcellino Episcopo Vicohaentino et diuae Mariae Virg. partu. CLXXVI. de Caeco. Huius tamen collectionis sermones non omnes ad Petrum Chrysologum pertinere vniusue auctoris esse, constans est eruditorum licet argumentis non satis firmata opinio. Citantur nimirum nonnulli, veluti *Sermo LXXIV.* et sequentes de Christi Resurrectione a S. Thoma in Catena nomine Seuer. quo partim Seuerianum, partim Seuerum Malacitanum innui volunt. Idem Sermonem L. de Paralytico nomine Iohannis Episcopi laudat, quo nomine, vt Combefissius animaduertit, saepius in anti-

*) Quem quidam D. Seueriani Episcopi putant, sed falso.

**) Qui, non recte tamen, D. Seueriani titulo circumfertur.

antiquioribus Catenis Chrysostomus denotatur, atque huius nomine ut et Hieronymi alibi hic sermo inscribitur. Sed et *Petri Damiani* (qui a. 1006. natus est) nomen quidam praeferunt, sermones *quinque* scilicet in *Orationem Dominicam* a Dacherio quasi noui prolati, qui cum laudata Chrysologi Sermonum collectio a Felice Rauennatum episcopo instituta sit, aut ad illius tempora saltem propius accedat, exemplo ostendunt, quanta sint istiusmodi inscriptiones fidei. Extat praeterea *Epistola Chrysologi ad Eutychetem Presb.* scr. medio a. 449.

Interciderunt, si vera narrat Trithemius c. CLIX. plures aliae eiusdem epistolae.

Dictum est, *Sermonum* Petri Chrysologi *collectionem*, qualem modo indicauimus, esse antiquissimam, utpote quae a Felice Rauennatensi et ipso Episcopo numero XLI. ineunte saeculo octauo (tenuit enim sedem episcopalem ab anno circiter 707. usque ad a. 717.) instituta et prologo ornata est, qui non solum in codicibus mss. sermonibus praefixus conspicitur, sed exinde etiam exscriptus et Vitae Petri a Dominico Mita conscriptae adiectus est *). Eam octingentis et quod excurrit saeculis post a situ primus vindicauit *Agapitus Vicentinus* et *Bononiae typis Io. Bapt. Phaelli* ex vnico codice imprimendam dedit. Inde recusa est *Coloniae Agrippinae* a. 1541. et 1618. *Parisis* 1574. 1585. 1612. 1614. 1618. 1631. 1633. *Antuerpiae* 1577. *Venetis* 1588. et 1636. *Moguntiae* 1607. et 1613. *Lugduni* 1622, 1623, 1627, 1634, 1636. sed plures vndique ab officinarum negligentia maculas vitiaeque contraxit.

Nouam

*) Eundem quoque *Casim. Oudinus* inseruit *Commentariis* T. I. p. 1251.

Nouam recensitionem ad manuscriptos quosdam codices Romae inuentos exactam parauerat Petrus Rodulphius, Tussignanensis, olim Senogalliae Praeful, eamque scholiis suis illustratam a. 1594. editionis causa obtulerat Senatui Imolensi. Ac litterae eius quidem in Commentaria Senatus relatae sunt, sed quid codici isti acciderit, ignoratur *). Perfecit tamen nouae editionis consilium *Dominicus Mita*, textumque ad vetustos codices recognitum et scholiis suis non admodum doctis enucleatum proposuit *Bononiae* a. 1643. 4. Sed huius editionis fructus ad Gallos

- *) Exhibet epistolam istam *Dominicus Mita* in Appendice documentorum ad vitam Petri Chrysologi, „Audiuisse se significat Rodulphius, senatum Imolensem consilium cepisse Cuius sui praeclarissima ingenii monumenta in lucem reuocandi. Se pro viribus labore suo et industria id adiuuare velle, *Adiumentum autem*, inquit, *nullum afferri posse maius a me comperi, quam Auctoris huius Homiliis*, quoad fieri possit corrigendis et emendandis, ut ab omni, quam adhuc inter sordes et tineas passae sunt, iniuria vindicentur; sicque ab earum lectione — nullus posthac refugiat. *Vitam quoque huius sanctissimi Viri*, qua potui breuitate ac diligentia descripsi. *Peruolutaui hac de causa antiqua veteraque Tabularia*, quae vel ex *Vaticana* vel ex *ampliss. Serletana Bibliotheca* habere potui; sicque *fidelissima vetustorum codicum collatione adhibita*, hunc *Petri Chrysologi sermonum librum* quam diligentissime emendare, sanareque laboraui et proprio nitori prope restituere. Denique nullo officii pietatisque genere omisso, non antea conquieui, quam *Scholia quaedam adiecerim*, quibus et emendationum nostrarum ratio offertur et difficiliora loca quam facillime explicantur. Hoc autem quidquid laboris est, quod libentissime vobis dedicatum, et grati animi ergo consecratum volo, alacri vultu accipite, ac si probatur, edite, meique memores valete.“

Gallos quidem et Germanos non peruenerunt, quippe qui non cessarunt antiquiora exemplaria iterato describere, licet non deessent, qui meliora optarent. Erant enim, quos Chrysologi dictio delectaret, et qui acumen quoddam sententiarum in eo admirarentur. Fertur quoque doctus aliquis Suecus *Zacharias Lundius* commentarios variarum lectionum et animaduersionum in Chrysologum condidisse, qui lucem quidem non viderunt, sed Io. Alb. Fabricii tempore mss. seruabantur Hafniae apud Rostgaardum *). Enimuero in Italia ipsa Mitae editio nonnisi post integrum fere saeculum, iterum typis Venetis anno 1740. exscripta est. Nouae postea editionis adornandae consilium inuasit *Sebastianum Pauli* Sacerdotem Congregationis Matris Dei Lucensis, qui quidem non vulgares res a multifaria sua doctrina expectari iussit. Prodiit opus Venetiis a. 1756. collaudatum a Mansio, quem nemo iustum hac in re arbitrum reputari oportere inficiabitur; tamen si iustam editoris diligentiam in quibusdam, quae idem de eo retulit, desideres.

Epistolae ad Eutychetem duplicem vulgo tradunt extare editionem, *vnam* in S. Leonis M. editionibus Quaesnelliana anterioribus, in qua totum caput secundum post verba *Haec breuiter respondi, frater, literis tuis desit*; *alteram* integram, quam primus ediderit *Gerardus Vossius* a. 1604. Qua in re tanto magis fides habenda esse videtur Quaesnello; cum addit priorem descriptam esse ex codice ms. Bibliothecae Thuanaeae; quem etiam bona fide secuti sunt Ballerinii.

Nihilominus haec falsa sunt. Quippe nulla est Leonis M. ante Quaesnellum editio, in qua haec epistola

*) *Fabricius in Bibl. M. et Inf. Lat.*

stola occurrat. Experientia hoc edocti sumus, et ne nos ipsi fessellisse credamus faciunt indices ordinem Epistolarum in editionibus superioribus repraesentantes, in Quesnelliana iuxta quam Balleriniorum editione obuii *). Sed nec magis verum est alterum, quod idem Quesnellus scripsit, integram epistolam a Gerardi Vossii editione demum esse profectam. Etenim dudum ante integra latine legebatur in Actis Concilii Chalcedonensis, quae ipse Vossius laudat. Dicendum potius, in quibusdam mss. codicibus, quorum fontes monstrarunt Ballerinii, inueniri hanc epistolam dimidio breuiorem et capite secundo a laudatis verbis carentem; sed editorum textus sanior ex actis Concilii Chalcedonensis profluxit.

S A E C. XVI.

1534.

Bononiae ex Typographia Io. Bapt. Phaelli. 4.
S. Petri Chrysologi Sermones

Editor P. *Agapitus* Vicentinus Canon. Lateran. Ordin. Rector inscripsit hosce sermones Cardinali Herculi Gonzagae, deque sua in edendo opera haec praefatus est. *Cum mihi sanctissimi pariter ac eloquentissimi Viri Petri Chrysologi Rauennatis Episcopi Sermones quam plurimi, omni certe auro, gemisque pretiosiores in manus venerint, non iniuria in auaritiae crimen vocandus iudicaretur, si aut diutius clarissimis rebus tenebras obduci permitterem: aut nostros homines tam excellentis ingenii moni-*

*) Neue aliquis putet Quesnellum editiones Leonis operum cum editionibus Petri Chrysologi vna cum Leone M. euulgatis confudisse; etiam in his, quotquot eam repraesentarent, integrum epistolae exemplum non deesse monemus.

monimentis non sine magno eorum incommodo detrimentoque spoliatos; atque orbatos aequo animo sustinerem: — cuius tamen in perpurgandis, ac potius instaurandis hisce sermonibus, incredibile dictu est, quantum laboris susceperim: propterea, quod is Codex, quem principio nacti fuimus, proximorum saeculorum inscitia quadam quasi rubigine ita cum foedatus erat, tum mancus, ut nulla ferme in eo pars integra atque incorrupta reperiretur. Verum nos quantum ex antiquorum exemplarium collatione assequi potuimus, opem auxiliumque afferre conati sumus. Quare effectum est, nisi mea me fallit opinio, ut disertissimi huius viri scripta in pristinum iam bene nitorem, nonnullis tamen exceptis, restituta sint. Notatur haec editio, oppido rarissima, in Catalogo Bibl. Barberinianae et Pinellianae:

1538.

Coloniae apud Petrum Quentel. fol. Epistola integra Petri Rauennatis Episcopi ad Eutychem abbatem; in *Præambulis Conc. Chalcedonensis*; in ed. *Conciliorum Petri Crabbe T. I. fol. CCCXCIV.*

1541.

Coloniae Agrippinae. fol. S. Petri Chrysologi — Sermones. Laudat hanc ut superiorem quoque Dominicus Mita; et ex eo lo. Alb. Fabricius in *Bibl. M. et Inf. Lat.* qui voluminis formam adscripsit. Notatur in *Cat. Bibl. Bodl.* abs voluminis forma.

1544.

Parisiis. 8. S. Petri Chrysologi — Sermones.

Commemorat hanc descriptionem Fabricius l. I. additque in *Autographis Rudolphinis T. I. p. 407.*

eam præter rem pro prima venditari. At in *Cod. Bibl. Bodleianæ* extat editio Parisiis 1545. 8. quæ eademne sit, an diuersa, nescio.

1574.

Parisiis apud Hieronym. de Marnef. 8. S. Petri Chrysologi Sermones.

In hanc editionem emendationes suas scripsit Latinus Fabricius *ottonis* factam esse prodidit. Apud Dom. Mitam laudatur editio Parisiensis a. 1575.

1577.

Antverpiæ Petri Chrysologi Sermones. Laudat Mita in Praefatione.

[1579.]

Coloniae Agrippinae apud Io. Carolum Münich. 4. Editio Sermonum Petri Chrysologi et Maximi Taurinensis quæ hunc annum operarum vitio in titulo gerit, ad sequens saeculum referri debet.

1585.

Parisiis apud Hieron. de Marnef. 8. D. Petri Chrysologi Archiepiscopi Rauennatis opus homiliarum nunc primum editum. (sic)

1588.

Venetiis Petri Chrysologi Sermones. Teste Mita l. l.

SAEC. XVII.

1604.

Moguntiae apud Balthaf. Lippium sumpt. Ant. Hierat. 4. Petri Rauennatis seu Chrysologi epistola contra Eutychen, graece et latine cum notis GE-

RARDI

RARDI VOSSII D. et Praepositi Tungrensis; in *Miscellaneis SS. aliquot Patrum Graecorum et Latinorum antehac non editis*; adiectis *Operibus Gregorii Thaumaturgi*, pagg. 205—8. Graeca ad Cod. ms. Card. Sirleti, latina ex Codd. Vaticanis num. 2574. 2576. et 2580. edita sunt. Ac in prioribus duobus non nisi prior pars Epistolae extabat.

1606.

Coloniae Agr. sumtib. Io. Gynnici et Ant. Hierat. fol. Petri Rauennatis Epistola ad Eutychem lat. in *Seu. Bini Conciliis. T. II.* ab initio inter Epistolas Praeambulares in Conc. Chalced. Oec.

1607.

Moguntiae. 8. S. Petri Chrysologi Sermones. Laudat hanc editionem vsu sibi cognitam Christianus Daumius.

1609.

Romae ex Typogr. Vatic. fol. Petri Rauennatis Epistola ad Eutychem, gr. lat., in Concil. gen. Eccl. Cathol. *T. II. p. 22.* Graeca ad Codices mss. Bibl. Vaticanae, Sfortianae, Columnensis, olim Card. Sirleti et Ant. Augustini Archiep. Tarraconensis descripta sunt.

1612.

Parisiis apud Hieron. de Marnef. 8. D. Petri Chrysologi opus homiliarum siue sermones CLXXVI. accessit eiusdem epistola ad Eutychem Presbyterum Graece et Latine, cum notis et variis lectionibus ex MSS. Vatic. et Cardin. Sirleti, edita. *Cat. Bibl. Reg. Paris.* cuius exemplari passim additae sunt emendationes ex ms. codice studio T. Mantelli.

1613.

Moguntiae..... Petri Chrysologi Sermones.
Dom. Mita in Praef.

1614.

Parisiis apud Claudium Morellum. fol. S. Petri Chrysologi Archiepiscopi Rauennatis eruditissimi et sanctissimi Sermones; cum *Leone Magno* et *Maximo Taurinensi*.

1618.

Parisiis sumpt. Sebast. Cramoisy. fol. S. Petri Chrysologi — Sermones; cum iisdem repetitae editionis.



Coloniae apud Ant. Hierat. fol. Petri Chrysologi Episcopi Rauennatis homiliae de Dominicis et festis aliquot solemniioribus totius anni, ex impressione Parisiensi; Eiusdem epistola ad Eutychen cum Notis *Gerardi Voffii*; in *Bibl. PP. T. V. p. 11*.

1623.

Lugduni sumpt. Claudii Landry. fol. Petri Chrysologi — Sermones; cum *Leone M.* et aliis homiliarum auctoribus. Dominicus Mita Lugdunenses editiones praeter hanc enumerat annorum 1622. 1627. 1634 et 1636.

1631.

Parisiis..... Petri Chrysologi Sermones. Nescio an cum iisdem Auctoribus, an seorsim. Laudat Dom. Mita.

1633.

Lugduni fol. S. Petri Chrysologi — Sermones; in *Heptade Praesulum christiana sapientia*

tia et facundia clarissimorum THEOPH. RAY-
NAUDI.

Accessit Epistola ad Eutychem; item Vita Chry-
sologi, testimonium Trithemii et index duplex.

1636.

Venetis Petri Chrysologi Sermones. Te-
ste Mita.



Bononiae Idem. Eodem sponfore.

1643.

Bononiae per Nicolaum du Solié. 4. D. Petri
Chrysologi Forocorneliensis, Rauennatum Archi-
episcopi, homiliae sacrae, siue sermones aurei, re-
cogniti, emendati, ac maxima parte [variis lectioni-
bus, scholiis et obseruationibus] illustrati; opera et
studio DOMINICI MITAE. Cat. Bibl. Reg.
Parif.

Nobis ad manum est exemplar Venetum ad Bo-
noniense, vt videtur, satis accurate expressum. Inde
discimus *Dominicum Mitam* Sacerdotem Parochum
Vgutionelli, antea legum studio et forensibus nego-
tiis vacantem, hominem mediocriter doctum longo
correctioris Chrysologi textus desiderio exercitum,
tandem cum mss. aliquot codicum copiam nactus es-
set, adductum esse, vt ipse operam suam ei perpur-
gando illustrandoque commodaret; „*Uterius per-
quirendo*, inquit, didici huius operis adhuc quatuor
superesse manuscripta exemplaria, nempe duo Ro-
mae parum ab Impressis discrepantia: sed Urbini
vnum in Roueriana, Cesenae alterum in Francis-
cana Bibliotheca, quae inter se cunctis paene con-
ueniunt, at in quamplurimis a vulgatis discor-

dant. Quare aditu ad manuscripta vix patefacto, ea ipsa partim per amicos, partim per me ipsum per-
volutavi et adhibito sodali semel ac a capite usque ad
calcem cum exemplari primum Bononiae impresso con-
tuli, atque errata quaecunque, ut licuit, calamo cor-
rexi; variasque nec inutiles lectiones in margine ad-
scripsi, mendosis, quibus mss. exuberant, reiectis,
et si quid ex illis omni ex parte emendari nequuit,
studui id mentis speculatione supplere; tametsi hoc
raro factum est, quod haec ratio maximis difficultati-
bus obstructa lubrica sit et fallax. „Addidit scholia
ineruditis saltem profutura, aut literatorum mentes
stimulatura, quo praestantiora scrutentur. Sunt
partim moralia, partim sensum fusius quam plerum-
que opus erat, illustrent, raro ad dogmata aut histo-
rias descendit, et tum fere *Scholia* et *Notationes*, vel
Observationes inscripsit; rarissime de varietate aut
emendatione lectionis disputat. Confecit praeterea
indices duos, alterum *alphabeticum Sermonum*, in
quo tamen non tam singuli sermones, quam *mate-
riae in quolibet Sermone* primario exaratae recensentur,
alterum *verum et Verborum notabilium*. Hinc
vero elenchum iuxta ritum Evangeliorum, quae in
sacro pro tempore leguntur, in superioribus ad con-
cionatorum usum plerumque addi solitum velut su-
peruacaneum omisit. Tandem et *Vitam Petri Chry-
sologi ex ipsius homiliis, et variis scriptorum moni-
mentis, tum impressis, tum manuscriptis accurate
conquisitam, studiose collectam et ordinatim digestam*
addidit, eique pro maiori ut ait aliquorum quae in
ea memorasset testificatione sequentia subiunxit docu-
menta. 1) *Epistolam S. Petri Chrysologi ad Euty-
chem Haereticum.* 2) *Epistolam Leonis Papae I.
ad Flavianum Constantinopolitanum Episcopum con-
tra Eutychetis perfidiam et haeresim.* 3) *Epistolam*
Mat-

Matthaei Cathedralis Ecclesiae Imolensis Praepositi, transsumptam ex Tabella ipsius manuscripta, qua testatur se corpus B. Petri Chrysologi attrectasse. 4) Elogium ex Trithemio. 5) Agapiti Vicentini praefationem ad editionem Bononiensem. 6) Praefationem B. Felicis XL. Rauennatum Archiepiscopi in Sermones aliquot S. Petri Chrysologi ex Mss. codd. Valicellae, Cesenaeque et alibi. 7) Epistolam F. Petri Rodulphii Tusignanensis, Episcopi Senogaliensis ad Senatores Imolae, qua Sermones Petri Chrysologi a se recognitos ipsis edendos offerebat, ex Commentariis ipsius Senatus a. 1595. desumptam.

„Sic elaboratum Opus pellexit inquit ad inscribendum: Sermones maxima ex parte illustrati, quod eorum Codex, Vitaeque index e tenebris erutus, et a sordibus vindicatus magis quam antea sit legentibus enuchatus, ac declaratus: Nitore insuper atque splendore longe omnibus exemplaribus hac opera praestet. In quo faciundo, pergit, quos sumptus, labores et pericula subierim, quam aegra saepius valetudine prostratus iacuerim; quosque aduersarios, ac desertores domi forisque fuerim perpeffus, scit ipse, qui tandem e Coelo protexit, Chrysologus sanctus; sciunt multi docti probatique Patres, qui me etiam inter sylvas ad animarum curam longe a sapientum congressu residentem, librorum et bonae valetudinis expertem aduersa prope omnia superasse, et opus propositum aliqua demum ex parte absoluisse, mirantur. Quod adhuc in tenebris delitesceret, nisi illorum sincero iudicio nunc edere fuisssem compulsus. Postremo de stilo suo excusationem addit necessariam utique et vere facetam. Ait enim iuxta Senecae monita in hoc opere componendo magis se quaesuisse, quid scriberet; inde, et quia aliorum sententias referens propriis ver-

bis transferibendas censuisset necesse fuisse, vt stilus multorum et ex multis constans non idem semper haberetur. Quod si tamen tam in componendo, quam in transcribendo multa excidissent, quae vel oscitanter, vel minus apte posita essent: hoc Dei permisso factum lectores arbitrari iubet, vt tandem *Sciant gentes quoniam homines sunt* (secundum Psalm. 9.) Nuncupauit editionem suam *Ferdinando Millino* S. Imolenfis Ecclesiae Episcopo et *Balneariae Comiti*, ep. d. ex aede sacra *Paroeciae S. Agnetis Ugutionelli*. V. Kal. Aprilis h. a.

1644.

Parisiis ex Typogr. Regia. fol. Petri Ranennatis Epistola ad Eutychem, gr. lat.; in *Concil. Coll. Regia Tomo VIII. p. 41.*

1661.

Parisiis apud Simeonem Piget. fol. S. Petri Chrysologi — opera; in *Theoph. Raynaudi Heptade* h. a. et l. recusa.

1662.

Parisiis sumpt. Ant Bertier. fol. S. Petri Chrysologi Sermones varii iuxta anni totius Euangelia, festa Dominica et Sanctorum digesti; in *Franc. Combefisii Bibliotheca PP. Concionatoria.*

Sequitur Combefisius Dominicum Mitam, cui in plerisque etiam de vita Petri adstipulatur. Sed ipsi haud displicet sententia, non omnes huius collectionis sermones vnus eiusdemque esse auctoris, quanquam non ab argumentis ex singulis sermonibus ductis sic colligit, sed eo potius, quod in aliis veluti Chrysostomo, Bernardo et aliis homiliarum scriptoribus fieri consuevit.

1666.

1666.

Parisis apud Carolum Savreux. 4. S. Petri Chrysologi Sermones quinque de Oratione Dominica, sub titulo: S. Petri Damiani S. R. E. Cardinalis; in LUCAE DACHERII Spicilegio Vet. aliquot Scriptorum, qui in Galliae Bibliothecis maxime Benedictinorum latuerant Tomo VII. pagg. 120—137.

Quod saepius accidit talium Collectionum aucto-
ribus, non excepto Baluzio, litteratissimo viro, ut,
dum sua vnus opera tantam curam sustinere aggressi
essent, aut memoria aut diligentia interdum defice-
rent et dudum edita pro ineditis venditarent, id *Da-
cherio* etiam in his sermonibus accidit, qui in Feli-
ciana collectione num. LXVII. LXVIII. LXX. LXXI.
LXXII. et quidem emendatiores leguntur, quam hic
ex codice quodam Corbeienfi repraesentantur. Moni-
tus hac de re, Tomo VII. post indicem contentor-
um haec adscripsit: „Vt in Tomo VII. Spicilegii
Petro Damiano Sermones V. in Orationem Domini-
cam tribuerem, suavit Codex ante annos scriptus qua-
dringentos, qui Petri Damiani nomen distincte prae-
ferebat. At postquam in publicum prodiit Tomus
ille, monuit me suis literis doctissimus Theologus
noster *Steph. de Marcés*, Sermones hosce Petri Ra-
vennatensis siue Chrysologi esse genuinos, *ob varias et
minime spernendas rationes*; quibus lubens calculum
adicio meum, Eruditis tamen relinquo iudicium.“
Sic ille; non allatis quas ipse doctus ille suppedita-
verat rationibus, quarum grauior nulla tamen esse
poterat, quam quod iam dudum in antiquissima, cer-
te Petro Damiano antiquiore Sermonum Chrysologi
collectione extarent et cum ea excusi essent. Sed
haec fateri illum fortasse puduit. Attamen et in In-
dice

dice Generali Tomo XIII. Spicilegii subiecto Petri Chrysologi esse notauit, eiusque nomen etiam praeferunt in secunda huius operis editione, licet curator eius *Ludouicus Franciscus Ioseph de la Barre* prorsus nesciret, quo iure posterius priori esset praeferendum. Reprehendit potius Dacherium quod rationes, quae ipsum, ut suo codici minus fideret impulissent, non ediderit, additque, si quis malo exemplo ab eo factum esse contenderet, se minime aduersaturum. Qui si editum aliquem Chrysologi Sermonum codicem inspexisset, non modo rationes illas facile ipse deprehendisset, sed caruisset etiam multis quas ibidem protulit, non ineptis sane sed minus necessariis emendationibus, quippe quae plerumque omnes iam in antiquioribus editionibus Chrysologi distincte leguntur *). Eius vero et Dacherii exemplum fraudi fuit aliis, veluti Fabricio et Mansio, immo et nouissimo editori in tantum, ut V. istos Sermones caeteris superaddendos curaret.

1670.

Cygnae typis et sumpt. Sam. Ebelii. 8. D. Petri Chrysologi de Incarnatione Christi Sermo CXLI.
et

*) *Tot mendis*, inquit la Barre in annotatione prima ad Serm. II. *tot mendis scatent hae Homiliae, quot ne perspicacissimus quidem vnus ex coniectura tollere potest; quamobrem nihil hic nisi omnino castigatum lector expectet, nolim; haud pauca quidem loca foede corrupta restituimus, sed de omnibus restituendis ne cogitauimus quidem; sunt enim nonnulla, quae nisi ope Ms. codicis emendari non possunt.* Interdum tamen correctiones eius in locis corruptissimis adeo cum impressis Chrysologi codicibus concordant, ut dubitare possis, an tantum sola coniectura hominis assequi valeat. Scilicet non semel, sed vbiq; ferme veram lectionem deprehendit.

et CXLIX. et de Infantum Nece CLII et CLIII.; in *Div. Patrum Homiliis in Festum Natiuitatis Iesu Christi* editis a CHRISTIANO DAUMIO, pagg. 81—91.

Expressi sunt ex edd. Moguntina 1607. Lugdunensi 1623. et quae in Colonienſi PP. Bibliotheca est. At Mitae editio Daumio non innotuisse videtur; siquidem in praefatione scripsit, illas editiones nouam recensionem desiderare, eandemque flagitare lectionum varietatem, quae ex iis, quae Thomas Hibernicus et hinc Allegoriarum Collector in Collectanea sua transfulerint animaduerti possit. Idem Casparis Barthii in Chrysologum laudes ibidem profert.

1671.

Lutetiae Parisiorum impensis Soc. Typogr. fol.
Petri Rauennatis Epistola ad Eutychem, gr. lat; in *Contiliis Labbei et Cossartii Tomo IV. p. 35.*



Parisiis sumpt. Petri Variquet. fol. Petri Chrysologi — Sermones CLXXVI. cum Leonis M. et aliorum Opp. collectis a Raynaudo.

1672.

Parisiis apud Viduam Caroli Savreux. 4. Petri Chrysologi Sermo de Natali Domini contra Nestorium, edidit ex codice vetusto tanquam auctoris incerti foetum Lucas Dacherius in Tomo XI. pagg. 279—281.

Acceperat a Chiffletio. In vulgatis editionibus auctor et emendator extat num. CXLV. quod primus monuit Paulus Colomesius in *Paralipom. de SS. Eccles. p. 263. et Obſſ. Sacris p. 133. cf. Fabricius*
in

in *Bibl. M. et Inf. Lat.* Minime igitur latere debuisset editorem nouissimum.

1675.

Lat. Paris. sumtib. Io. Bapt. Coignard. 4. Petri Chrysologi Episcopi Rauennensis ad Eutychem presbyterum epistola; latine cum notis *Paschasii Quesnelli*; cum *Leonis M. Operibus*, post Epistolam XXII. T. I. pagg. 477. Notae extant Tomo II. pagg. 839—41. (in ed. *Lugdunensi* 1700. fol. T. I. pagg. 241. 42. Tomo II. pagg. 456—58.)

„Triplicem inquit Quesnellus huius Epistolae editionem inuenio; vnam, quam habent *posteriores sancti Leonis editiones*, vbi ex Ms. Cod. Thuanæ Bibliothecae descripta legitur Epistola; alteram, quam ex Mss. Codicibus Vaticanis num. 2574 et 2580. et Cardinalis Sirleti procurauit Gerardus Vossius doctor catholicus: tertia denique ea est, quae in prima parte Actorum Chalcedonensis Concilii legitur cum graeca versione. Prima editio primum tantummodo caput continet; alterum integrum desiderat: reliquae duae vtrumque caput complectuntur*). Vnde ista diuersitas fluxerit, certo asserere non ausim: verisimile tamen est; vel editorem illum incidisse in mutilum Codicem, vel ipsum Codicem ab editore fuisse mutilatum.“ Inquiri porro quae mutilationis istius causae esse potuerint, et an integra etiam pro genuino Episcopi Rauennensis foetu haberi possit. Quod quidem asserit, et deinde sic pergit: „Vnde quo facto decurtata habeatur in vulgatis sancti Leonis editionibus, non assequor. Codicem quidem Thuaneum commemorant, ex quo deprompta fuerit

*) Adeoque non tres sed duae tantum numerandae fuissent; vt rectius a Fabricio et Balleriniis factum est.

fuerit ab editore. An hoc ita sit, nescio. Hoc scio, unicum in Catalogo Thuaneorum Mss. Codicem a me repertum, qui Epistolam Sancti Petri Chrysologi contineat, cum aliis nonnullis ad Synodum Chalcedonensem pertinentibus: in hoc vero Codice integram haberi Epistolam. Cui si Mss. Vaticanos et Card. Sirleti Codices, antiquasque ac recentiores Baronii et Conciliorum editiones adiunxeris, vix restat dubitandi locus, quin vel in editoris illius, si non malam fidem, saltem oscitantiam, vel in Codicis vitium refundenda sit Epistolae diminutio.“ Vtinam vero Quesnello indicare placuisset editionum Leonis M. folium paginamue, in qua Petri haec epistola extet, quam a se lectam fuisse tam diserte significat.

1676.

Lugduni sumptibus FFr. Anissoniorum et Ioan. Poysnel. fol. Diui Petri Chrysologi Archiepiscopi Rauennatis Sermones Aurei ad Exemplar Seraphicae Cefenae Bibliothecae correcti, Scholiis, ac locupletissimis moralium Conceptuum varietate Commentariis illustrati. Nunc recens in gratiam diuini verbi Concionatorum, addita Sanctissimi Doctoris Vita, nec non et eiusdem ad Eutychetem Epistola Notis pariter elucidata, prodeunt in lucem opera et labore R. P. Fr. MARTINI DEL CASTILLO Burgenfis Minoritae de Obseruantia: in S. Euangelii Mexicana Prouincia Lectoris Iubilati, Theologiae honor. Alex. VII. Rescripto decorati Magistri. Olim in eadem Prouincia Ministri Prouincialis: et in magno S. Bonauent. Collegio Rectoris, atque studiorum Regentis. Accessit his Index quadruplex, I. scilicet Sermonum, II. Locorum scripturae sacrae: III. Euangeliorum ad Conciones per Annum: IV. Rerum denique notabilium.

Bel-

Bellus hic artifex nouem et quod excurrit alphabeti commentariis suis in *XXII. Chrysologi Sermones et Epistolam ad Eutychetem* impleuit. Illud cum superiori editore Dominico Mita commune habet, quod, licet ingens titulorum syrma post nomen trahat, tamen de iniquitate fortunae conqueritur, nec propitiorem habuit Facundiam deam. „Apposui in corde meo, inquit, *CLXXVI. sermones D. Petri Chrysologi* meis illustrare commentis: idcirco breui omnium completo marginali scholio ad depromendum rimandumque sensum eius subtilissimum me contuli, latiori sermone (nec enim periculosum est, ne sit nimium; quod esse maximum debet: iunior aiebat Plinius) inchoaui et viginti duos sermones, una tum eius epistola ad Eutychetem Haereticum, quos compleui, exhibeo. Sed prohdolor! ophthalmia prolixè admodum lumina torfit; et quod magis est, nouem et plus annis, lippientem me limis oculis fortuna prospexit, retrahens inuida, quā laboriosa a penso, laborare cupientem. Pluries repeti cum Diogene Cynico: „Euge o fortuna quod viriliter me tractasti!“ Me Peccatorem, me scelestum; flagellis felicem Deus Op. Ma. fecit, tenuit me semper idiographum, cum amanuense nusquam, bibliotheca orbatum et cella fere exulem.“ Idem quoque testatur, se quaesisse magis quid scriberet, quam quacumque, non curasse se sollicitam, comptam perpolitamque orationem, sed remissius loqui voluisse, ut loqueretur securius. Vnum quod in toto opere non prorsus ineptum iudices, est vita Petri Chrysologi, in qua Scripta etiam editionesque eorum attingit. Nuncupatum est Petro Principi Portocarero Folch de Arragon et Corduba etc. epistola, quae omnibus ingenii auctoris sui luminibus radiat.

1677.

Romae sumptib. Pontii Bernardon. fol. Latini Latinii Viterbienſis Variæ Lectiones et Obſervationes in Petrum Chryſologum; in *Bibliotheca eius Sacra et Profana* T. I. pagg. 98 — 103.

Pertinent hæc obſervationes, quæ commendatione alia præter auctoris nomen non egent, ad ſæculum ſuperius. Obiit enim Latinius a. 1593. Uſus eſt editione Pariſienſi a. 1574.



Lugduni apud Aniffonios. fol. S. Petri Chryſologi Sermones (CLXXVI.) et Epiftola ad Eutychem cum notis *Ger. Voſſii*; in *Max. Bibl. PP. Tomo VII.* pagg. 803 — 979.

1679.

Coloniae Agrippinae apud Io. Carolum Munich et Petrum Ketteler. 4. D. Petri Chryſologi Archiepiſcopi Rauennatis viri eruditiffimi atque ſanctiffimi Sermones in Euangelia de Dominicis et feſtis aliquot ſolemnioribus totius anni inſignes cum triplici indice, Euangeliorum et Epiftolarum, Locorum S. Scripturae rerumque et verborum in lucem editi. (Acceſſerunt Sermones Maximi Taurinenſis.) *Editio prima in Germania* (ſic).

Typothetæ incuria annus in titulo exſcriptus eſt MDLXXIX. Etiamſi vero ſatis typis et tota Deſcriptione ſæculum ſe proderet, non tamen meo vnus arbitrio ſtatuerè auſus ſum, antequam aliunde mihi hæc de re conſtaret. Sed iam certus ſum et lectores monitos volo, vt Maximi Taurinenſis editionem a. 1579, ad ſequens ſæculum tranſcribant. In *Cat. Bibl. Reg. Pariſ.* laudatur hæc editio anni 1678.

1684.

Parisis apud Franc. Muguet. fol. Petri Chry-
sologi Sermones duo, *vnus* de pace in illud Mat-
thaei 5. *Felices pacifici* etc. (LIII.) *alter* de Natali
Ioannis Baptistae; inter Augustinianos, quos Bene-
dictini secreuerunt per *Appendicem Tomi V. Classe*
I. num. LXI. et Classe III. num. CXCIX.

Prior olim inter Sermones *de Tempore* erat num.
CLXIX. postea in App. LVII.; posterior inter Ser-
mones *de Sanctis* XXII. post in App. LXXVII. Sed
ille passim interpolatus est et multis sententiis auctior,
quas proinde Maurini ansulis communstrarunt; hic
ab initio decurtatus. Erat ergo ratio, cur nouissi-
mus editor eosdem editioni suae insuper adiceret, ut a
Mansio discimus. Alii duo insuper inter Augustinianos
Sermones occurrunt nempe num. CXXI *de Natali*
Domini V. quem in quibusdam Mss. Petri Rauennatis
nomen praeferre notant, et Sermo XCVII. de
verbis Euang. Ioh. 14. *Pacem meam do vobis* etc.
quem cum LXI. Chrysologi stilo conuenire monent
iidem.

SAEC. XVIII.

1714.

Parisis ex typogr. Reg. fol. Petri Rauennatis
Epistola ad Eutychen; in *Conciliis Harduini, Tomo*
II. pagg. 22.

1723.

Parisis apud Montalant. fol. Petri Chrysolo-
gi Sermo de Natali Domini et Sermones V. in Ora-
tionem Dominicam; in noua editione *Spicilegii Lu-*
cae D'Achery, quam curauit *Ludouicus Franc. Jo-*
seph de La Barre Tomo I. pagg. 41. 215—221.

Vide

Vide quae dicta sunt occasione editionis primae
a. 1666. et 1672.

1742.

Venetiis apud Augustinum Savioli. fol. Sancti Petri Chrysologi Forocorneliensis Rauennatum Archiepiscopi Opera omnia cum observationibus et indice rerum locupletissimo *Dominici Mitae*. Accessere praeterea in hac nostra Editione S. Valeriani Cemelienfis Episcopi Homiliae quotquot extant.

Bibliopolae instituto Bononiensis a. 1643. editio accurate recusa et cultu non honesto modo sed etiam magnifico dotata est.

1750.

Venetiis f. Sancti Petri Chrysologi Opera omnia ad codices Mss. recensita a P. SEBASTIANO PAULI Clerico Reg. Congregationis Matris Dei Lucensis.

De hac editione non nisi ex iis constat, quae Cl. *Mansius* in Bibliotheca Fabriciana Mediae et Infimae Latinitatis T. V. pag. 253. ad supplendam de Chrysologo notitiam recitavit. „Non est, cur hic praeteream, inquit, quam sub ipso anno suo emortuali divulgavit vir Cl. P. Sebastianus Pauli Congregat. Matris Dei Lucensis, Sodalis meus dilectissimus et amicus dum viveret in primis charissimus. Prodiit illa typis Venetis a. 1750. T. I. (quod interpretor *Volumine uno*) fol. Praeter ea, quae in praecedentibus editionibus patuerunt, adiecit sermones septem de oratione Domini desumptos ex Dacherii spicilegio Tom. VII. pag. 120. veteris editionis; geminos etiam alios ex appendice Sermonum S. Augustini editionis Maurinianorum. Recensuit totum opus ad veteres Mss. Codices; notas a Dominico Mita olim adorna-

tas retinuit, quibus et suas adiecit, nec paucas, nec, ut vera fatear, indoctas. Quamquam vero laborem hunc viri eximii probo, multum tamen abesse credo, ut editio Operum Chrysologi sic tandem omnibus numeris absoluta reputetur. Admonet vir eximius ex orationibus hisce nonnullas Severiano cuidam in vetustis Codicibus adscribi, qua ego praemonitione edoctus nactusque in veteri homiliario codice, reposito in Bibliotheca Canoniconum Maioris Ecclesiae Lucensis, nec meo iudicio saeculo XII. recentiore, homilias quasdam Severiani nomine praefixas, unam aliquam ex illis conferendam assumpsi cum homilia Chrysologi, quae inter editas est CII. Vtramque consentientem reperi; simul tamen agnoui, hiulca quaedam esse in edito, quae egregie supplebantur a codice illo. Profert ibidem variantis lectionis aliquot exempla. Sed non huius demum editoris fuit illa admonitio, nonnullas homilias Severiano in codicibus vetustis adscribi, sed dudum in Bononiensi prima ab Agapito illud observatum est. Nec admodum diligentiam eius commendat, quod bis eosdem *Sermones V. in Orationem dominicam* exscribendos dederit.

1753.

Venetis apud Simonem Occhi. fol. Petri Chrysologi Episcopi Ravennatis ad Eutychem presbyterum Epistola, gr. lat. cum admonitione et notis *Ballerinorum*; in *Operibus Leonis M. T. l. Epistola XXV. pagg. 775—78.*

Ballerinii docent *decurtatam Epistolam*, de qua Quesnellus primum monuit, proficisci ex collectione Canonum Hispana, ex eaque in *Isidorianam*; indeque in reliquas Collectiones fluxisse. Simul tamen ostendunt *integrae* originem potioris esse et antiqui.

tiquitatis et auctoritatis, quippe quae inueniatur in Collectione Epistolarum in causa Eutychetis, quae Actionibus Concilii Chalcedonensis praemitti solet, ante medium sextum saeculum Latine compacta. Suspiciantur autem priorem partem epistolae, quam etiam Hispanica collectio profert, originalem esse, posteriorem ex Graeco versam.

1761.

Florentiae expensis Ant. Zattae, Veneti, fol. Petri Rauennatis Epistola ad Eutychem gr. lat. cum praemonitione et notis Balleriniorum; in Collectione Ampliss. Concilior. Tomo V. pagg. 1347—1350.



De Codicibus mss. *Agapiti Vicentini* et *Dominici Mitae* suo loco dictum est.

36.

EUCHERIUS,

Gallus, orsus ex senatorio sanguine, patre Vale-^{s. i.} Vita-
riano, quem plerique eundem putant cum
Prisco Valeriano, qui circa idem tempus praefectu-
ram Galliae obtinuit et cognatus Auiti imperatoris
fuit. Gallam vxorem duxit, pari nobilitate foemi-
nam, ex eaque duos suscepit filios, quorum alter Sa-
lonius postmodum Geneuensi ecclesiae praefuit, alter
Veranius ipsi patri in episcopatu Lugdunensi succes-
sit. Circa annum 409. aut 410. vegeta ac florente
adhuc aetate Lirinum concesserat indeque cum vxore
et filiis in insulam propinquam Leronem, quae hodie
Sanctae Margarethae est, se contulit et Anachoretam
egit, ita tamen, vt potissimam curam liberorum suo-
rum educationi impenderet, ex quibus Salonium quo-

que aliquantisper Lirinensibus magistris Honorato Saluiano ac Vincentio formandum dedit. Vix autem alius quisquam ex clarioribus ecclesiae Gallicanae membris apud optimum quemque et doctissimum saeculi virum tantam comparauit existimationem quam Eucherius: nam cum multis familiariter vixit et cum plerisque litterarum habuit commercium et ab omnibus immanis laudibus ornatus est. Euenit hac fama tandem, vt anno circiter 434. ad episcopatum Lugdunensem eueheretur, quod munus vsque ad annum 450. obtinuisset eum existimant *).

§. 2. Scripta.

Circumferuntur hodie sequentia Eucherii Lugdunensis scripta:

1. *De laude Eremitae ad Hilarium Arelatensem epistolae*, scr. a. 428.
2. *Epistola paraenetica ad Valerianum cognatum de contemptu mundi et saecularis philosophiae*, scr. a. 432.
3. *Liber formularum spiritalis intelligentiae ad Veranium filium*. Inscrubitur alias etiam *de forma spiritalis intellectus*.
4. *Instructionum libri II. ad Salonium filium*, quorum alter *quaestiones* de difficiliioribus V. et N. T. locis tractat, alter *Explicationes nominum Hebraicorum* continet et sic inscribitur.

5. *Histo-*

*) Alius ab hoc fuit Eucherius Galliae Episcopus, qui sexto saeculo vixit et variis Conciliis Gallicanis veluti Arelatensi IV. a. 415. Carpeatoratensi 527. Arausicano et Vafensi 529. subscripsit. Sed nec Lugdunensis quidem episcopus ille fuit, vt quidam falso sibi persuaferant, quos docte et sagaciter refellit IOSEPHUS ANTELMIVS in *Affertione pro vnico S. Eucherico Lugdunensi episcopo*, quam post obitum eius edidit frater Carolus Antelmus Parisiis, apud Claud. Briasson. 1726. 4.

5. *Historia Passionis S. Mauritii et sociorum Martyrum Legionis Felicis Thebaeae Agaunensium*, a quibusdam huic Eucherio abiudicata, iuniori alicui tributa.
6. *Homiliae*, illae scilicet, quas primus vulgavit Ioannes Liuiueius, quae pro genuinis ab omnibus agnoscuntur.
7. *Exhortatio ad Monachos ex tribus*, quas sub eius nomine Holstenius in Codice Regularum protulit, *prima*.
8. *Epitome Operum Cassiani*.

Deperditae sunt plures Eucherii homiliae, nisi aliae fortasse supersint in *Collectione homiliarum*, quae nomen Eusebii Emeseni seu Gallicani nomine in Bibliothecis Patrum praefert. *Tribuuntur* Eucherio, et quidem falso: 1) *Commentarius in Genesim* et 2) *Libri IV. Commentariorum in libros Regum* a Io. Alex. Brassicano primum euulgati. 3) *Epistola ad Faustinum* a Labbeo edita. 4) *Epistola ad Philonem quendam*, quam Baluzius ad calcem Agobardi protulit. 5) *Regula duplex ad Monachos* in codice Regularum Holstenii. 6) *Tota illa Homiliarum collectio*, quae sub nomine *Eusebii Emeseni* circumfertur.

Integra omnium Eucherii opusculorum collectio nondum extat. Primum opusculum, quod obstetricante typographia lucem vidit, fuit *Passio S. Mauritii et sociorum*, sed interpolata et sine nomine eius in *Vitis Sanctorum Mombritii*. Haud exiguo vero intervallo post, a. 1516. exiit nomen auctoris in fronte gerens *epistola ad Valerianum, Basilae* ex recognitione B. Rhenani, citoque ibidem a. 1520. cum Erasmi scholiis, et *Parisis* a. 1525. repetita est. Accesserunt paulo post *Basilae* apud Cratandrum a.

6. 3. Editiones.

1530. aut aliquanto citius *Parisis* apud *Claudianum Chevallonium* sine anno *Formulae intelligentiae spiritualis* et libri duo *Instructionum*, quibus anno sequenti ex reliquiis Bibliothecae Budensis addidit spuria duo, *Commentaria in Genesim* et libros *Regum*, *Ioannes Alexander Brassicanus*, simulque *Formularum librum* ex codice ms. sedulo castigavit. Haec omnia iunctim recusa sunt *Romae* apud *Paulum Manutium* a. 1564. curante *Petro Galefio* et *Andreae Schotti* cura a. 1618. in Tomo V. *Bibl. PP. Colonienfis*. Interea reperta est et a *Gilberto Genebrardo* seu potius *Dionysio Faucherio Parisiis* a. 1578. edita *Epistola de laude Eremi ad Hilarium*, itemque tenebris ereptae editaeque sunt *Homiliae* genuinae per *Io. Livi-
neium* cum *Theodoro Studita Antuerpiae* a. 1602. indeque omnis Homiliis genuina *Eucherii* opuscula, nempe *Formulae intelligentiae spiritualis*, *Instructionum libri duo* et *Epistolae ad Valerianum et Hilarium* vna exhibita *Lugduni* 1613. in *Chronologia Livinensi Vincentii Barralis* tandemque additis *Pas-
sione S. Mauricii* et *Commentariis* illis spuris in *Genesim et libros Regum* recusa sunt in *Bibl. PP. Max. Lugduni* a. 1677. Post haec singula tantum, imprimis ascetica illa siue seorsim siue cum aliis operibus typis sunt reddita, quae, ne sequens omnium editionum recensensus chronologicus negotium alicui facessat, paucis hic complecti iuvat. Videlicet *Pas-
sio S. Mauricii* post *Mombriti*, *Surii* et *Steuartii* editiones sincerior edita est a *Chiffletio* in *Paulino illustrato* a. 1662. indeque in *Bibl. Max. Patrum Lugduni* 1677. Tomo XXVII. et apud *Ruinartum* et in *Actis Bollandianis* repetita. *Epistola ad Valerianum* recusa fuit *Lugduni* 1541 et 1627. et cum *Herib. Roswrydi* scholiis *Antuerpiae* a. 1621. *Mona-
chi* 1635. *Genuae* 1644. (*Parisiis* 1646. cur. *Phil. Labbei*)

Labbei) itemque cum *epistola ad Hilarium* aliisque opusculis asceticis *Viennae Austriae* 1670. *Bruxellis* 1671. *Parisis* 1673. *Venetis* 1726. eademque haud raro in recentiorum populorum idiomata conuersa. *Formulae intelligentiae spiritalis* a *Flacio Illyrico* insertae sunt *Clauī Scripturae Sacrae Basileae* 1580. et cum hoc opere saepius diuersis in locis recusae. *Epistola ad Hilarium* cum scholiis *Herib. Rosweydi* prodiit *Antverpiae* 1621, indeque translata in *Bibl. PP. Colon.* 1618. T. XV. et cum *epistola ad Valerianum* *Lugduni* 1627. *Genuae* 1644. et *Parisiis* 1673. exscripta est. *Homiliae* a *Liuiueio* editae insertae sunt *Bibl. Patrum Paris.* 1624. 1644. 1654. T. II. et in *Bibliothecam Concionatoriam Combefisii* migrarunt. Porro a. 1657. in *Bibliotheca MSS.* sub *Eucherii* nomine edidit *epistolam ad Faustum s. Faustinum*; anno 1661. *Triplicem Eucherii regulam ad Monachos*, veram vnā, duas autem nomen eius mentientes produxit *Lucas Holstenius* in *Codice Regularum*; *Epistola ad Philonem Presbyterum* falso nomen Eucherii praeferens reperta fuit a *Baluzio* et ad calcem Operum *Agobardi Parisiis* a. 1665. ab eo prolata est. Denique *Epitomes Cassiani* graece conuersae specimen dedit *Montefalco* in editione Operum *Athanasii*, de quo nos in *Cassiano* dicere memini. Sequitur *Index chronologicus*.

SAEC. XVI.

Sine anno

loco et typographo (Mediolani) fol. Passio S. *Mauritii* et eius commilitonum; in *Bonini Mombratii Vitis Sanctorum Vol. II.* fol. CLIII — CLV.

Prima haec editio est huius opusculi, sed vt antea monitum, non sincera.

S A E C. XVI.

1516.

Basileae. 4. D. Eucherii—Epistola Paraenetica ad Valerianum cognatum suum de contemptu mundi (ex recognitione *Beati Rhenani*) *Cat. Bibl. Bunau.*

1520.

Basileae apud Andream Cratandrum. 4. Clari iuxta ac disertum virum Eucherii Lugdunensis Episcopi ad Valerianum cognatum suum Epistola Paraenetica, ab amore mundi studioque prophanae philosophiae ad pietatis veraeque sapientiae studium prouocans, cum scholiis *Des. Erasmi.*

Ad hanc editionem pertinet haud dubie *epistola Erasmi*, quae libello huic in editione Basileensi a. 1531. praefixa est, ad *Alardum Amstelredamum liberalium artium professorem*, a quo ms. eius exemplar abs auctoris nomine accepisse videtur. „*Libellus*, inquit, *quem misisti, cum suis dotibus undique mirum in modum placuerit, tum hoc placuit impensius, quod olim puero mihi et lectitatum esse et placuisse memini.* Si quid meo suffragio tribuis, nihil video profectum a nostrae religionis hominibus, qui eloquentiae quoque gloria floruerint, quod cum huius phrasi sit conferendum. *Vt nusquam non praestet egregium artificem, siue spectes ordinem, siue transitus subinde novos, siue non vulgare ingressum, veluti limen argumentationis. Nullam suaserii generis partem non tractat. Nusquam desidet in locis communibus. Magis urget et instat argumentis, mire pungit epiphonematis, delectat iuxta et mouet sententiis. Quodque magis etiam mirandum est, sic Isocratis schematibus modulata, structa, picturataque est oratio, ut nusquam frigeat, aut ineptiat. Sic arguta, ut inter-*

terim neruosa: sic elaborata, ut tamen dilucida: sic noua, sed ut taedio careat affectationis: sic festiua, ut nihilo secius grauis ac seria: sic rhetorica, ut γυναικας tamen Christiana. Denique sic acris ac vehemens, ut sui tamen ubique similis, pari intentione ad extremum usque calcem properans, sani videlicet vegetique ingenii argumentum. Gennadius dum huic stylum tribuit scholasticum, ni fallor, plusculum in eo desiderauit arcanarum litterarum. Caeterum libellum hunc a Rodolpho Agricola versum non esse, vel stilus ipse satis arguit, praesertim cum quaedam sint schemata, quae ne possint quidem ad Graecam orationem respondere. Gennadius indicat Eucherii esse Lugdunensis Ecclesiae episcopi. Moxque huius meminit epistolae, quam scripserat ad Valerianum propinquum suum, de contemptu mundi, deque relinquendo studio prophanae philosophiae. Atque utinam reliqua huius extarent, vel is liber, quo carptim obscura quaeque diuinorum voluminum capitula explanauit, vel is, quo prolixia Cassiani opuscula contraxit in compendium.

1525.

Parisis apud Iodocum Badium. 8. Eucherii—
Epistola ad Valerianum — Item disticha veteris cuiusdam philosophi etc. *Benedd. in Hist. lit. Galliae.*

Sine anno.

Parisis per Claudium Chevallonium. 8. f. 12. Eucherii Lugdunensis Archiepiscopi, formulae intelligentiae spiritalis; libri duo instructionum nunc primum editi; epistola paraenetica ad Valerianum cognatum suum cum scholiis *Desiderii Erasmi* S. Basilii episcopi, epistola consolatoria aduersus mundi incommoda, nunc primum edita: nonnihil de carnis resurrectione ex epistola D. Hieronymi ad Pammachium aduersus errores Ioannis Hierosolymitani: omnia edita studio
Petri

Petri Gerardi. Cat. Bibl. Reg. Paris. et Baluz. T. II. p. 641.

Tametsi haec editio anni nota careat, tamen, cum propter Typographum aut Bibliopolam aetas eius incerta esse non possit, et ne series harum editionum, quae plura Eucherii opuscula iunctim exhibent, intercipiatur, huc reponere eam visum est. Praefatus est *Petrus Gerardus* Epistola data *Parisiis XVIII. Calend. Nouembr.* sine anno, ad Gulielmum Paruum Trecentem Episcopum et Regiae confessionis auditorem, cuius beneficio cum Eucherii haec opuscula alioqui, ut ait, rara consecutus sit, ingrati atque impudentis ingenii fore ait, nisi eius homini consecraret. „Accedit, inquit, quod in publicum mittitur industria excusus et informatus Claudii Chevallonii hominis T. D. addictissimi, quique vehementer annixus est, ut quoad fieri posset, id exemplar, quod unum sua liberalitate nactus erat, repurgaretur tot mendis, quibus propemodum labefactum erat: adhibitis etiam ad hunc usum vetustissimis LXX. interpretibus, et aliorum codicum, quibus illa aetas assueverat, translationibus: quas nihil gravate asciuit, ut hac ratione suam diligentiam tibi approbaret, et bonis studiis hac quoque in parte prodesset.“ Exemplum huius epistolae nobis praebet Editio Lugdunensis a. 1613. Notari autem debet, Casimirum Oudinum *), qui huius editionis natales circa annum 1520. collocat, contulisse primum eius opusculum *Formularum spiritualis intelligentiae* cum MSS. codicibus Bibliothecarum Parisiensium, Regiae 3795. Colbertinae 1893. et sancti Germani 250. atque primam hanc ut recte existimavit illius editionem solam germanam et hisce 600. vel 700. annorum codicibus conformem deprehendisse. Observat

*) *Comm. de SS. Eccl. T. I. p. 1220.*

seruat autem sequentes editiones, veluti Basileensem a. 1531. (quam *secundam* vocat), Romanam a. 1564. et Lugdunensem a. 1677. duplo esse auctiores et innumera habere admixta ex auctoribus S. Eucherio posterioribus et maxime ex S. Gregorio Papa; adeo ut genuinum istud opus Eucherii vix mediam partem contineat eorum, quae in ultimis huius libri editionibus impressa sint.

1530.

Basil. apud Andr. Cratandrum. 4. D. Eucherii Episcopi Lugdunensis, Liber formularum intelligentiae spiritualis; eiusdem liber de quaestionibus difficilioribus Veteris et Novi Testamenti, interpretatio Nominum Hebraicorum, et aliorum sacris literis contentorum, et epistola ad Valerianum de contemptu mundi: ex editione et cum scholiis *Desiderii Erasmi. Cat. Bibl. Reg. Par.*

1531.

Basileae in officina Frobeniana. fol. D. Eucherii Lugdunensis Episcopi Doctiss. Lucubrationes non minus piae quam eruditae cura ac beneficio *Ioannis Alexandri Brassicani* iureconsulti recens editae, quarum haec est summa. In *Genesim* Commentariorum Libri III. In *libros Regum* Commentariorum libri III. *Formularum Spiritualium* Liber I. accurate recognitus, adiectis iis omnibus, quae in superiore editione quam plurima desiderabantur. *Quaestiones* in *Vetus et Nouum Testamentum*. *Nominum* *Hebraicorum* ac *aliorum* etiam, quae in sacris literis habentur, *Interpretatio*. *Epistola* *Paraenetica* ad *Valerianum* cognatum suum, de contemptu mundi, cum *Scholiis* *D. Erasmi Roterodami*. *In fine:* *Bas. in off. Frob. per Hieronymum Frobenium et Nico.*

Nicolaum Episcopium, mense Augusto (*in titulo mense Septembri*) M.D. XXXI.

De editore *Ioanne Alexandro Brassicano* vide quae infra ad Saluianum disputamus. Inscrispsit ille *primum opus* eidem, cui Saluianum nuncupauit Episcopo Augustensi Christophoro a Stadion. Plena est epistola (data Viennae Austriae ex regio collegio a. 1530. mensis Decembris die XX.) laudibus Eucherii, sed ad rem praesentem parum facit. *Alterum opus* quod peculiari titulo gaudet, et *tertium* epistolis ibidem eodemque anno et mense exaratis, dicata sunt D. Iano a Siuolla, Equiti et Iurisconsulto. In his iucunda sunt et memoratu non indigna quae de vario librorum vetustorum intra et extra vibem Viennam, dum a Turcis obsessa esset, fato adsperisit. Depraedicans scilicet diuinam curam atque prouidentiam quanta sit in conseruandis veterum auctorum praesertim iis, quae sacra enarrent scriptis, de Eucherio exemplum capit. „*Nam anno superiore, inquit, quum immanissimi Turcae Viennam inaudita obsidione premèrent, et omnia circumiecta, nimirum vrbes, arces, coenobia, villas, pagos, agros, vineas, ferro et igne vastarent, excusserant etiam regium hoc, instituti Diui Bernardi Coenobium, quod ad S. Crucem Diuo Leopoldo Archiduci Austriae appellare placuit: et quum hoc ita miseris modis accepissent, ut iam coenobium quaereretur in coenobio, libros tamen omnes et veteres, et adhuc minime vulgatos, incorruptos, et ex nulla parte deminutos reliquerunt, Ita ut ignis iis non aliter pepercisse videatur, quam Aeneae Anchisem patrem humeris efferenti, nec flammarum vis, nec hostium infelix occursum obesse potuit, aut Aetnae incendium pios illos adulescentes parentum suorum latera claudentes, saluos ac incolumes abire permisit. Pepercit igitur incendium hoc atro-*

cissi-

cissimum Eucherio, et ab eo libris istis omnibus omne ius belli Turcae abstinuerunt. Cum interea nostri milites, intra moenia, libros omnes discerperent, omnia volumina corrumpere. Ita ut vix a publicis etiam bibliothecis diripiendis aut vi prohibiti, aut auctoritate submoti fuerint. Vides, optime vir, quam unico nomine tantum non etiam moribus a Turcis hae belluae differunt. Certe non minus periculi fuit ab imposito praesidio, quam ab externo et eo quidem perniciosissimo hoste.⁴⁴ Atque haec priora duo opuscula ipse primus Braslicanus ex laudati monasterii membranarum chartisque produxit; tertium, prout fert ipse titulus, denuo ad manuscriptum exemplar eiusdem Monasterii recognovit. Qua de opera sua ad eundem Ianum a Siuola ita loquitur: „Oculatus ipse mihi testis es, mi Iane, quantum mihi laboris exhaustiendum, immo ut verius dicam, quantum taedii exsorbendum fuerit in restituendis ac repurgandis Eucherii spiritualibus illis formulis. Nam exemplum recens editum non tantum mutilum, verum etiam eximie mendosum fuit. Cuius rei culpam, tantum abest, ut illi imputem, qui primum nobis hoc dedit, ut etiani benignitatem hominis eruditi ac candorem laudibus vehendum existimem, qui studiosis exhibere maluit, id quod commodum adquisierat, quam ut pateretur hoc interciderè. Nos autem exemplo et integro et egregie sincero usi, quod nobis cum plerisque aliis aequè bonis autoribus Reuerendus pater, Dominus Ioannes Hartmannus abbas sanctae Crucis in Austria vir et studiorum et studiosorum unicus patronus, meum autem praecipuum decus et praesidium, libenter et ex animo communicavit; primum id quod deerat, adiecit, et quae depravata fuerant religiose castigauimus; quod ut studiosi planius cognoscant, subiiciam duo tantum exempla,

empla, ex quibus reliqua facile, tanquam leonem ex unguibus aestimare possint. Primum caput de diuinis nominibus, quod totum desiderabatur, iam ex veteri nequē minus sincero exemplo repositum est. Iam enim consulta opera praetermitto quanta facta sit in omnibus capitibus accessio. In praefatione Eucherii sic legitur; atqui secundum allegoriam Baptismus, secundum anagogen angeli: cum sit legendum: Aquae secundum allegoriam Baptismus, secundum anagogen angeli; vnde est illud; et aquae quae super coelos sunt, laudent nomen domini et caetera. Non equidem inuideo, si quis veteres scriptores in lucem proferat; miror autem magis, si quis in iis castigatē depromendis omnem operam suam collocet.“ Sextum opusculum, *Epistola* scilicet *paraenetica ad Valerianum*, ex Erasmi editione descriptum est, additis scholiis eius et *epistola ad Alardum*. Ceterum Frobenii operam dederunt, vt tam commode, quam luculenter, typis hoc volumen exataretur.

1541.

Lugduni apud Sebast. Gryphium. 8. Eucherii *Epistola ad Valerianum cognatum de contemptu mundi.* Benedd. in *Hist. lit. Galliae.*

1564.

Romae apud Paulum Manutium. fol. D. Eucherii Episcopi Lugdunensis opera, seu Commentarii in Genesim et in libros Regum etc. ex editione Petri Galesinii. *Cat. Bibl. Reg. Paris. et Pinell.* Vtinam vero titulum integrum proferrent.

1574.

Coloniae Agr. apud Geruinium Calenum et haeredes Quentelios. fol. Martyrium fortissimorum Martyrum Mauricii et sociorum eius ab Eucherio Lugdunensi

dunensi conscriptum, praemissa eius Epistola ad Syl-
vium (*sic*) Episcopum; in Tomo V. *Vitarum SS.*
Laurentii Surii pagg. 325—330.

1578.

Parisis apud Aegidium Gorbinum sub signo spei.
8. S. Eucherius Episcopus Lugdunensis ad Hilarium
Arelatensem de laude Eremitae, e Lirinenſi Bibliotheca
nunc primum productus; cum *Hilarii Arelatensis*
Oratione Funebris de S. Honorato. *Cinelli Bibl. Vo-*
lante T. II. p. 265.

Dicitur haec editio plerumque *Gilberti Gene-*
brardi, sed Genebrardus quidem dedicationem prae-
fixit, praefationem autem scripsit *Dionysius Fauche-*
rius, ac memini eandem recusam esse in Chrono-
graphia Lirinenſi, de exemplari tamen, unde edatur
hic libellus, altum in ea est silentium. De aliis,
quae hoc volumen complectitur, vide ad Hilarium
Arelatensem.

1580.

Basileae ex offic. Hervag. per Euseb. Episcopium.
fol. Eucherii Episcopi Lugdunensis Liber Formu-
larum Spiritualis Intelligentiae; ad calcem *Clavis*
Scripturae Sacrae Matthiae Flacii.

Nimirum Flacius Appendicis loco eum adiecit
Expositioni suae *Singulorum Vocabulorum ac Nomi-*
num eo consilio, ut lectores veterum hae in re sen-
tentiam agnoscerent. Ceterum non dubito primam
esse hanc quam indicavimus huius Operis editionem.
Repetita est saepius diuersis in locis, e. c. *Basileae*
1609. *Francof.* 1659. *Hafniae* 1695. In postre-
ma Eucherii liber extat pagg. 1345—1372.

SAEC. XVII.

1602.

*Antverpiae. 8. Eucherii Lugdunensis Episcopi Homiliae, ex editione IOANNIS LIVINEII Antverpiensis Canonici; ad calcem Sermonum Catecheti-
corum Theodori Studitae, a pag. 372.*

Haec est prima ut antea docuimus sermonum, quos vere Eucherii putant, et ab illis, qui sub *Eusebii Emiseni* aut *Gallicani* nomine circumferuntur, diversi sunt, editio.

1613.

Lugduni sumptibus Petri Rigaud. 4. Eucherii Lugdunensis Ecclesiae quondam archiepiscopi, Theologi doctissimi, Intelligentiae spiritualis formulae, Instructionum libri duo, Eiusdem epistola paraenetica ad Valerianum [ex editione Petri Gerardi; accedit Eiusdem epistola ad Hilarium cum praefatione Dionysii Faucherii Monachi Lerinensis, et annotationibus Vincentii Salerni]; in Chronologia Sanctorum et aliorum Virorum illustrium ac Abbatum Sacrae Insulae Lerinensis per D. VINCENTIUM BARRALIM Salernum, Monachum Lerinensem, in unum compilata.

Gerardi praefationem hic descriptam esse, antea monuimus.

1617.

Ingolstadii ex typographia Ederiana. 4. D. Mauricius Thebae legionis Dux, seu S. Mauricii Martyrium, a S. Eucherio, Episcopo Lugdunensi, conscriptum, nunc iterum editum, cum notis et notationibus, studio et labore Petri Stevartii. Accedit etiam officium S. Mauricii. Cat. Bibl. Reg. Paris.

1618.

1618.

Coloniae Agr. sumptibus Ant. Hierat. fol. Beati Eucherii Lugdunensis Episcopi quae extant omnia pia ad S. Scripturam Opuscula. I. Formulae seu Phrasae S. Scripturae. II. Quaestiones Veteris ac Novi Testamenti. III. Hebraicorum nominum interpretatio. IV. De Vita Solitaria ad Valerianum. Illustrata, recensita atque emendata studio *Andreae Schotti* Soc. Iesu. Accedunt et Eucherio adscripti Commentarii in Genesim et Libros Regum; in *M. Bibl. Patrum Tomo V. Parte I. pagg. 739—918.* Adiuncta est praefatio Alex. Braslicani.

In praefatione differit A. Schottus de scriptis Eucherii tam genuinis quam supposititiis. *Ibidem, a pag. 543 ad 738.* insertae sunt *Homiliae Eusebii Gallicani* post editionem *Io. Gaignei* ab Andrea Schotto denuo recensitae et sermonibus locupletatae.



Coloniae Agr. sumpt. Io. Kreps et Herm. Mylli. fol. SS. Mauricii et sociorum Martyrum Agaunensium martyrium ab Eucherio Ep. Lugd. conscriptum; in *Vitis SS. Surii* ed. secundae Volumine secundo ad d. XXII. Sept. *pagg. 220—223.*

1621.

Antverpiae ex off. Plantin. apud Balthas. Moretum, et Viduam Io. Moreti, et Io. Meursium. 8. D. Eucherii Episcopi Lugdunensis de Contemptu Mundi Epistola paraenetica ad Valerianum cognatum. Accedit Vita D. Paulini Nolani veri Mundi Contemptoris.

Editor est *Heribertus Rosweyda*, qui notationunculas aliquot adpersit et inscripsit, vti et sequens
Ddd 2
opus-

opusculum, Henrico Van der Heyden Villariae Abbati.



Ibidem apud eosdem bibliopolas. 8. D. Eucherii Episcopi Lugdunensis de laude Eremitae ad Hilarium Lerinensem monachum libellus [cum Heriberti Rosweydi notatiunculis].

1622.

Coloniae Agr. sumpt. Ant. Hierat. fol. D. Eucherii Lugdunensis Episcopi de laude Eremitae libellus cum Heriberti Rosweydi notatiunculis; in Tomo XV. seu Supplemento, seu Appendice ad M. Bibl. Coloniensem.

1624.

Parisis.... fol. Eucherii Episcopi Lugd. Homiliae cum Theodori Studitae sermonibus Catecheticis iuxta editionem Io. Luinicii expressae; in Bibl. PP. Bign. ed. quartae (Paris) Tomo II. a col. 767.

1626.

Lugduni sumpt. Lud. Prost haeredis Rouillii. fol. S. Eucherii difficiliore quæstiones in vetus et novum Testamentum. Eiusdem Interpretatio nominum hebraicorum; in Ludonici de la Cerda Adversariis Sacris capite CXV. pagg. 204—219. et cap. CLXIV. pagg. 423—426. Errat autem Fabricius dum iisdem accenset Caput CLIX. quod haudquaquam ad Eucherium pertinet, sed ipsius est Lacerdae.

1627.

Lugduni apud Franc. de la Bottiere. 12. S. Eucherii Opuscula ascetica, Dorothei doctrinae aliaque

que opuscula curante *Turriano* Sacerdote I. *Benedd.* in *Hist. lit. Galliae* disertius non laudant, sed inesse monent duas *Eucherii* epistolas ad *Hilarium* et *Valerianum*.

1635.

Monachii [24]. De vera Sapientia, vera Virtute et Tranquillitate Animi SS. *Eucherii Lugdunensis Martini Bracarenfis*, et Magni *Wigonis*; Antistitum. Vide ed. *Bruxellensem* a. 1671.

1644.

Genuae apud *Io. Mariam Pauonum*. 8. Epistolae Genuinae *Divi Eucherii Lugdunensis Episcopi*, quas cum *eximii Concionatoris* hortatu multi cupe-
rent, habere vix pauci possent, sodales *Iesu Crucifixi* in Collegio *Genuensi Soc. Iesu* auctorati nouissime imprimendas curarunt. *Cinelli Bibl. Volante cont. da Sancaffau.* T. II. p. 265. *Bibl. Baluz.* T. II. p. 1002.

* *

Parisis apud tres bibliopolas. fol. *Eucherii Lugdunensis Episcopi Homiliae*; in *Bibl. PP. Bign.* Tomo II. loco ultimo post *Theodori Studitae sermones*. Eiusdem editionis exemplaria sunt, quae annum 1654. praeferunt.

1646.

[*Parisis.* 12.] S. *Eucherii* — Epistola paraenetica ad *Valerianum cognatum* curante *Philippo Labbeo*. *Fabric. in Bibl. M. et. I. Lat.* ed. *Patau.* T. II. p. 116.

1657.

Parisis apud *Sebastianum et Gabrielem Cramoisy.* fol. Epistola *Eucherii Episcopi* ad *Faustum* seu
Ddd 3 *Fausti-*

Faustinum Presbyterum Insulanum de situ urbis Hierosolymitanae atque ipsius Iudaeae; in PHILIPPI LABBEI *noua Bibl. MSS. librorum Tomo I. pag. 665 sq.*

1661.

Romae exc. Vitale Mascardo. 4. S. Eucherii Exhortatio ad Monachos. Eiusdem sententia ad Monachos. Eiusdem Admonitio ad Virgines, ex duobus MSS. codicibus Floriacensibus Reginae Suecorum edidit *Lucas Holstenius* in *Appendice Codicis Regularum pag. 89. sqq. in ed. Parisensi pagg. 55—62.*

1662.

Parisis sumpt. Ant. Bertier. fol. S. Eucherii Lugd. Ep. homiliae aliquot; in *Bibliotheca Patrum concionatoria* (octo voluminibus distributa) *Francisci Combesii*. Editio nouissima est *Veneta* a. 1749. *VII. Voll.* Editor quascunque huic collectioni inseruit Eucherii nomine Homilias, a Liuineio desumfit.



Diuione. 4. Passio Agaunensium Martyrum, auctore S. Eucherio Lugdunensi Episcopo; in *Pet. Franc. Chiffletii Paulino illustrato. P. I. pagg. 86—92.*

1665.

Parisis apud Franc. Muguet. 8. Epistola sancti Eucherii Lugdunensis Episcopi ad Philonem Presbyterum, ex veteri codice MS. Petri Marnæsii Senatoris Gratianopolitani edidit *Steph. Baluzius*; in *NOTIS ad S. Agobardi Opera, Tomo II. pagg. 155. 156.*

1670.

1670.

Cygnae. 8. B. Eucherii Homiliae de B. Virginis conceptione Fragmentum; in *Christiani Daumii Homiliis PP. in Natiu. 1. Chr. p. 213 — 255.* Ex Liuineio.



Viennae Austriae typis Matthaei Cosmerouii. 8. Diui Eucherii Lugdunensis Episcopi Epistola Paraenetica, ad D. Valerianum Cognatum suum, ab amore profanae philosophiae ad studium verae sapientiae prouocans. Item B. Francisci Borgiae olim Gandiae Ducis, postea Societatis Iesu Generalis Epistola practica — pro Xenio an. M.DC.LXXI. oblatae illustrissimae Sodalitati Dominorum sub titulo Assumptae Deiparae in Domo Professa Societatis Iesu Viennae erectae.

1671.

Bruxellis apud Francisc. Foppens. 24. De Vera Sapientia, vera Virtute et Tranquillitate Animi SS. Eucherii Lugdunensis, Martini Bracarenfis, et Magni Wigonis, Antistitum. Editio noua iuxta exemplar Monachii impressum anno 1635.

Inest Eucherii epistola paraenetica ad Valerianum. Sacerdos quidam Societatis Iesu Sodalitatis Latinae sub Titulo B. M. V. Visitantis erectae in Collegio Societatis Iesu Bruxellis Director, qui sub litteris G. H. latere voluit, editionem horum libellorum Monachii a. 1635. factam et, vt ait, illico distractam recudi curauit.

1673.

Parisiis apud Seb. Cramoisy. 12. Via ad aeternitatem, siue tria Opuscula SS. Eucherii Lugdunensis

et Hilarii Arelatenfis 1) de laude Eremiti, 2) de contemptu mundi, 3) de vita S. Honorati. *Cat. Bibl. Teller. pag. 34. a.*

1677.

Lugduni apud Anissonios. fol. Beati Eucherii Lugdunensis Episcopi quae extant omnia pia ad Sanctam Scripturam Opuscula — illustrata, recensita atque emendata studio *A. Schotti* Societ. Iesu; in *Tomo VI. Bibl. Max. PP. pagg. 822—1014.* Expressa iuxta editionem Coloniensem; sed post quartum opus inserta sunt, *Epistola ad Hilarium de laude Eremiti* et *Acta Sanctorum Martyrum Agaunensium* (ex *Chiffletio*) subiecta *Epistola ad Saluum Episcopum.* Ibidem Tomo XXVII. pag. 180 sqq. legitur: *Eucherii exhortatio ad Monachos et sententia ad eosdem, ex editione Lucae Holstenii.*

1689.

Parisis. 4. Passio SS. Mauricii et Sociorum eius Martyrum auctore Eucherio Ep. Lugd. Ex Paulino illustrato *Chiffletii* et variis codd. MSS. Bibl. Reg. aliarumque cum Praemonitione *Theod. Ruinarti*; in *Actis Martyrum eius pag. 289. sqq.*; in ed. secunda, ab ipso auctore recognita, quae *Amstelodami ex off. Wetsteniana* prodiit a. 1713. *fol. pag. 271*; in *Veronensi* (ex *Typogr. Tumermanniana*) 1731. *fol. pagg. 237—43.*

S A E C. X V I I I.

1726.

Venetis apud Bartholomaeum Giauarinam, in vito S. Ioannis Chrysostomi. 16. De vera Sapientia, vera Virtute, et Tranquillitate Animi SS. Eucherii Lugdunensis, Martini Bracarenfis, et Magni Wigo-

nis

nis Antistitum Opuscula, Illustrissimo ac Reuerendissimo D. D. Marco Gradonico, Patriarchae Venetiarum, Dalmatiaeque Primati etc. dicata. *Cinelli Bibl. Volante* I. supra laudata.

1747.

Venetiis ... fol. Eucherii Lugdunensis Episcopi Epistola ad Faustum Presbyterum Insulanum de situ Urbis Hierosolymitanae atque ipsius Iudaeae (falso ipsi tributa); in *Blasii Vgolini Thesauro Antiquit. Sacrar.* Tomo VII. a col. 1201.

1757.

Antverpiae apud Bernhard. Alb. van der Plasche. fol. Passio SS. Mauritii aliorumque Legionis Thebaeae Martyrum auctore S. Eucherio Lugdunensi Episcopo edita a Petr. Francisco Chiffletio S. I. et a Ruinartio cum aliis Mss. collata. *Item* Passio interpolata ex Ms. S. Maximini Treuirensis, collata cum editis a Surio et Mss. Fuldensi, S. Saluatoris Ultraiectensis, et Marchianensi; cum annotatis *Io. Stiltingii* etc. in *Aëtis SS. Bollandist.* mense *Septembre* T. VI. pagg. 342—349.

Accessit *Commentarius praeuius*, in quo omnia, quae tam historiae ipsius, quam actorum sinceritatem respiciunt, non vulgari eruditione et solertia illustrantur. Insperfa sunt et alia monumenta ad eadem acta facientia.



VERSIONES. Ex omnibus Eucherii lucubrationibus sola fere *Epistola ad Valerianum* in recens aliquod idioma translata est. Primum huius rei institutum ni fallor *Gallis* debemus. Neque Itali id neglexerunt et laudari etiam vides *Hispanicas* et *Anglicas* versiones. Nobis sequentia colligere licuit.

1) *Epistola ad Valerianum.*

1552.

Lyon chez Mace Bonhomme. 4. S. Euchier à Valerian, exhortation rationale, retirant de mondanité et de la philosophie prophane à Dieu et à l'étude des saintes lettres, traduite en vers François, avec annotations, par BARTELEMY ANEAU, Cat. Bibl. Reg. Par.

1659.

*Lyon. 8. Eadem et Epistola ad Hilarium de laudibus Eremitarum anonymo interprete *) in libro gallico, cui titulus: la Solitude Chretienne. T. I. pag. 137. sq. Tertia huius operis editio a. 1662. notatur a Benedd. in Hist. l. Galliae.*

1672.

Paris. chez Pierre le Petit. 12. S. Eucher, du mépris du monde, traduit en François par ROBERT ARNOULD d'Andilly, avec le Latin ensuite. Extat eadem in Operibus eius Tomo I. Paris. 1675. pag. 24. sqq.

1609.

*In Venetia. Lettera di Eucherio Santo Vescovo di Lione etc. tradotta dallo Spagnolo (Ludovici Granatensis) **) in Italiano da Gio. Giolito. Ext. cum Libro della Spiritual Gratia etc. di Gio. Lanspergio. pag. 210. sqq.*

1715.

*) Fabricius I. Canagium et Ant. Godellum inter interpretes Gallos numerat.

**) Laudatur haec versio hispanica in Cat. Bibl. Barberiniana T. I. p. 382. sed omissa loci annique mentione.

1715.

In Milano per Gius. Pandolfo Malatesta. 8. Eadem transportata dal Latino da D. Carolo Giacinto Gariboldi, vna cum textu Latino.

2) *Passio SS. Martyrum Agaunensium.*

1705.

*Amsterdam. 12. Dissertation historique et critique sur le Martyre de la Legion Thebéene avec histoire du Martyre de cette Legion attribuée à St. Eucher. Archetypum huius dissertationis Ioannis Dubordiaei (Dubourdieu) Sacerdotis Caluiniani coetus Saubadicae Londini, anglico idiomate in lucem exiit, anno circiter 1696. *). Sed magis obuia est versio gallica. Studiose nec sine acrimonia refutare eum nituntur Antuerpienses Actorum SS. editores.*

1778.

In Roma nella Stamperia di S. Michele a Ripa. 4. Passione de' Santi Maurizio, e compagni Martiri scritta da S. Eucherio Vescovo di Lione; in Atti sinceri de primi martiri della chiesa Cat. racc. dal P. Ruinart e trad. da FRANC. MARIA LUCHINI Tomo II. pagg. 457—467. Praemissa est non Ruinarti, sed ab ipso interprete scripta introductio.

37.

VINCENTIUS LIRINENSIS.

Lirinenfis cognomen ipsi inditum fuit, vt ab aliis S. I. Vita. eiusdem nominis atque aetatis scriptoribus discernetur, ab insula, in qua maximam vitae suae partem monasticis

*) *Christoph. Saxii Onom. lit, T. V. Anal. p. 652.*

flicis studiis impendit. Pauca et non satis certa de ortu eius atque conditione memoriae tradita sunt. Natus fuit in Gallia Celtica vel Belgica, et si vere germanus illius fuit Lupus ille Trecensis, quod tamen doctissimi rerum vtriusque scriptores negant *), Tulum Leucorum patriam habuit. Quo tempore primum saeculo nuntium remiserit et in insulam secesserit, quandoque et ubi presbyteri dignitatem sit adeptus, ignoramus: sed mature factum esse debet, si quidem Eucherius de eo praedicat, eum filium suum Salonium, qui ab Honorato abbate institui coeperat, cum Saluiano consummasse, obitumque eius a. 450. assignant.

§. 2. Scripta.

„Composuit ad euertenda Haereticorum collegia nitido et aperto sermone validissimam disputationem, quam *absconso nomine suo* attitulauit *Peregrini, aduersus Haereticos*: cuius operis quia secundi libri maximam in schedulis partem a quibusdam furatam perdidit, recapitulato eius paucis sermonibus sensu, primo compegit et in vnum librum edidit.“ Haec Gannadius c. LXIV. Supereſt hocce opusculum, inscriptum *Commonitorium*, seu *Commonitoria duo pro catholicae fidei antiquitate et vniuersitate aduersus profanas omnium Haereticorum nouitates*. Sed certum est neque Peregrini nomen neque *Commonitorii* titulum ab ipso auctore profecta sed ex praefatione libri petita esse. Multa disputata sunt a recentioribus, praecuntibus Vossio et Norisio, de Semipelagianismo Vincentii studioque eius Augustinianam doctrinam de gratia tanquam haereticam traducendi. Quin proprium in eo operis huius consilium nonnulli agnoscere sibi visi sunt et loca omnia Semipelagianismo consona diligenter enotarunt, de quibus itemque

iis

*) *Hist. Litt. de la France* T. II. p. 305.

lis, quae ab aliis opposita sunt Oudinum adire praestant *). Eadem fere de causa a quibusdam Vincentio tribui coeptae sunt *Obiectiones* illae *Vincentianae contra Augustini doctrinam*, quas singulari studio oppugnavit Prosper in libro *Responsionis ad capitula obiectionum Vincentianarum*, et opus *Praedestinati* quod a. 1643. Parisiis exire fecit Iac. Sirmondus. Sed praeter leuem nominis in altero et doctrinae in utroque cum illa Semipelagianismi in Vincentio suspicionem similitudinem omnia alia argumenta cessant *).

Vincentii Commonitorium, ut primum e manibus auctoris sui exiit, plures statim, et frequentes ^{5. 3. Editiones.} deinceps per omne aevum lectores et ex lectoribus amatores inuenit. Non immerito quidem. Est enim huic auctori proprium acumen quoddam, etsi falsum interdum et ineptiens, et dicendi genus concisum crebrisque interrogationibus et respondendi docendique quadam fiducia viuendum, quod facile multos, quorum quisque suam opinionem ad lectionem afferebat, detinere poterat. Quae causa etiam fuit haud dubie, cur recentioribus temporibus inter utriusque ecclesiae summi ac infimi ordinis eruditos admiratores ac laudatores inuenerit et ab utraque parte ad alteram erroris conuincendam adhibitum fuerit. Ex quo autem primum a. 1528. a Io. Sichardo in *Antidoto contra omnes haereses*, incertum unde, foras datum est, tam crebro per istud saeculum et sequentis pene dimidium typis exscriptum est, ut legendi

*) *Dissertat. de Vincentio cap. II. III. seqq. T. I. p. 1234—45. cf. Hist. litt. Galliae auctores T. II. p. 309. qui minime Pelagianismi odoratoribus assentiunt.*

**) Adeundus etiam de his *Oudinus. cap. IV. et V.*

gendi contentio fregisse videatur, quod non poterat non multis suboriri paulo doctioribus desiderium emendate illud legendi. Quippe ex immensa editionum grege *Basileae* imprimis, *Parisis*, *Coloniae*, *Louanii* aliisque locis ac terris per singulos paene annos procusarum ad annum usque 1663. paucae tantummodo critico aliove editorum munere sunt memorabiles: nempe a textu emendationi duae, altera *Petri Pithoei*, facta *Parisis* a. 1586. 4., altera *Bartholomaei Petri* emissâ *Duaci* a. 1611. 16. cum notis eiusdem; praeter has *Costeriana*, quae prodiit *Louanii* a. 1552. 4. propter commentariolum, et *Io. Filescii Paris.* 1619. 4. et *Calixtina Helmeſtadii* a. 1629, et 1655. ob consilium editoris multis nominibus celeberrimi. Memorabiles autem dico, in honorem editorum scilicet, quorum culpa profecto non fuit, quod sequiores editiones ex iis non profecerint. Neque enim ullam ex his peculiari consilio recusam esse nouimus, solaque *Costeriana* vel *Costerii* commentarius potius decies et amplius est repetitus. Tanto luculentior vero apparuit opera *STEPHANI BALUZII*, qui Vincentium ad codices Regiae Bibl. Parisiensis recognitum et notulis doctissimis illustratum vna cum *Saluiano* orbi literato impertiit a. 1663. iterumque a. 1669. et tertio a. 1684. recognouit et auxit. Repetita est *Baluziana Cantabrigae* 1687. *Bremae* 1688. *Romae* 1709. et nuper demum a *Galandio*. Nec *Salinasii* editio a. 1731. praeter *Baluzianum* textum laudabile quidquam habet. Testimonia accipe ex sequenti indice editionum *chronologico*.

S A E C. XVI.

1528.

Basileae exc. *Henr. Petro. fol.* Vincentii Lirinensis Galli pro Catholicae fidei antiquitate et Vni-
ver-

veritate, aduersus prophanas omnium haerescon nouationes; in *Io. Sighardi Antidoto contra diuersas omnium fere sec. haereses. fol. 202. b. — 214. a.*

1543.

Lugduni apud Iacob. Gazellum. 8. Idem liber Bened. in Hist. litt. Galliae.

1544.

Parisis apud eund. bibliopolam. 8. Vincentii Lirinenfis Galli liber pro catholicae fidei antiquitate et vniuersitate, aduersus prophanas omnium haerescon nouationes; item Q. Sept. Florent. Tertulliani liber vnus de praescriptionibus aduersus Haereticos. secunda editio. Cat. Bibl. Reg. Paris.

1547.

*Ibid. apud eund. 8. Vincentii Lir. pro Catholicae fidei — liber. Sic Benedictini l. l. Catalogus Bibl. Tellerianae p. 35. 1. impressam tradit Venetiis apud Iac. Gazellum. Vbi in alterutro siue loco, siue bibliopolae nomine, error esse debet. Idem vero Catalogus cum addit siue de suo, seu, quod probabilius, ex titulo libri *primum editus*, fefellit Benedictinos; vt principem Vincentii editionem anno incerto Venetiis factam comminifcerentur.*

1552.

Venetiis ad signum Spei. 8. Vincentii — libellus pro catholicae fidei veritate et antiquitate etc. Cat. Bibl. Reg. Paris. Huic accessisse aiunt Benedictini, Io. Cochlaei dissertationem de votis.



Louanii apud Anthon. Maria Bergagne. 4. Vincentii Lirinenfis Galli pro catholicae fidei antiquitate

quitate et veritate aduersus prophanas omnium haeresen nouationes liber elegantissimus, ante annos mille ab authore conscriptus. Additum est breue commentariolum, per *Ioannem Costerium*, in eorum potissimum gratiam, qui in diuinis literis minus exercitati sunt.

Effigies Leopardi in titulo procul dubio est insigne Typographi.

1554.

Rhemis apud Nic. Bacnetium. 4. Idem liber. Cat. Bibl. Tell. ibid.



Coloniae 24. Idem liber cum eodem comm. Cat. Bibl. Baluz. T. II. p. 1001.

1556.

Basileae apud Henr. Petrum. fol. Vincentii — pro cath. fidei antiquitate et vniuersitate etc. in Io. Heroldi Haeresiologia pagg. 643 — 663.

1560.

Parisis apud Io. Foucherium, via Iacobaea, sub scuto Florentiae. 16. Vincentii — pro Catholicae Fidei Antiquitate et Veritate, aduersus prophanas omnium haeresen nouationes, liber elegantissimus ante annos mille ab authore conscriptus. Cum breui commentariolo in fine addito, per Ioannem Costerium. In Cat. Bibl. Barberin. laudatur huius anni editio facta Coloniae. 12.

1561.

Paris apud Buon. 12. Vincentii — pro Cath. Fidei antiquitate etc. cum Stanisl. Hosii Cardinalis dialogo de communione Eucharistiae sub
vtra-

utraque specie; Coniugio Sacerdotum; et Sacro in vulgari lingua celebrando. Laudant Benedictini, nescio quam vere. Certe error aliquis ex sequentis editionis confusione profluxit.

1562.

Parisiis apud Ioannem Foucherium. 12. Vincentii — liber pro Cath. Fidei Antiquitate etc. Repetita ed. a. 1560. Ibidem eodemque anno et forma eadem, sed non vna cum Vincentio excusus est Stanisl. Hosii de expresso Dei Verbo libellus recens auctus et recognitus cum libellis paulo ante nominatis.



Louanii. 12. Idem liber cum eodem Commentario. *Cat. Bibl. Baluz. T. II. p. 1000.*

1568.

Louanii apud Ioannem Bogardum. 12. Idem liber, nescio an et Commentarius. *Benedd. et Ceillier. T. XIII. p. 582.*

1569.

Coloniae apud Matern. Cholinum. 12. Idem liber cum Commentario Costerii. *Possuin. app. T. III. p. 353.*



Parisiis apud Mich. Iulianum. 8. Idem liber haud dubie cum eodem Commentario. *Cat. Bibl. Bodlei.*

1575.

Parisiis apud Mich. Somnium. fol. Vincentii — Commonitorium pro fide catholica contra haereses; *Tom. II. Ecc*

refes; in *Bibl. PP. Bign. Tomo V.* Titulum ex Ittigio laudo.

1585.

Lugduni apud Guil. Rouillium. 16. Vincentii — liber pro Cath. fide; cum *Dionysii Areopagitae operibus, et Epistolis S. Ignatii, Polycarpi et Martialis.* BENEDD.

1586.

Parisis apud Sebastian. Niuellium 4. Peregrini pro catholicae fidei antiquitate et vniuersitate aduersus profanas omnium haereticorum nouitates Commonitoria duo; in *Veterum aliquot Galliae Theologorum Scriptis a Pithoeo editis* pagg. 1 — 76. Titulus addit, *ex opusculis in hoc volumine contentis nonnulla ex veteribus libris emendatus, aliqua nunc primum edi*; quae quoniam nullus in eo praefationi aliue declarationi locus est, cum auctoris nomine pro commendatione esse debent.

1589.

Coloniae apud Herstium. 16. Vincentii — liber pro Cath. fidei antiquitate etc. *Benedd, ex Possenino.*

Parisis. fol. Vincentii Lirinenfis de haeresibus liber; in *Tomo IV. secundae ed. Bibl. PP. Bign.*

1591.

Londini. 8. Vincentii — liber pro Cath. fidei antiquitate etc. *Cat. Bibl. Bodlei.*

Pragae typis Michaelis Petreli. 12. Vincentii libellus pro catholicae fidei antiquitate et veritate,

ad-

aduersus profanas omnium haerefeon nouationes cum notis *Io. Langii* marginalibus. *Cat. Bibl. Bunan.*

1594.

Coloniae. 12. Vincentii — liber pro Cath. Fidei Antiquitate cum *Variis Doctorum Virorum* Notis. *Cat. Bibl. Barberin.*

1600.

Coloniae in officina Birkmanniana. 12. S. Vincentii Lirinenfis libellus aduersus prophanas haerefeon nouationes, cum scholiis et commentariis *Io. Costerii* et *B.* item *Edmundi Campiani* S. I. in Anglia pro religione catholica occisi, rationes decem oblatis certaminis in causa fidei redditae Academicis Angliae: *Cat. Bibl. Reg. Paris.*

S A E C. XVII.

1605.

Cracouiae. 16. Vincentii Lirinenfis Galli aduersus prophanas haerefeon nouationes libellus vere aureus distributus in capita et notis breuibus ex *Ioannis Costerii* Commentariis illustratus.

1611.

Duaci apud Marcum Wyon. 16. Vincentii — aduersus prophanas haerefeon nouationes cum commentariolo *Io. Costerii* et *Bartholomaei Petri* notis breuiculis et dissertatione apologetica de Vincentio eiusque scriptis. *Caneus T. I. p. 425. ed. nou. Ox.*

Benedictini monent, Barth. Petrum textum Vincentii iuxta duos vetustos codices MSS. recognitum dedisse describendum.

1613.

Coloniae. 16. Idem liber cum commentariis
Io Costerii. *Caveus.*



Lugduni Vincentii Lirinensis de ca-
tholicae fidei antiquitate aduersus haeresium noua-
tiones, cum notis Io. Costerii; in *Chronologia San-
ctorum et aliorum virorum illustrium ac Abbatum sa-
crae insulae Lirinensis*, a Domino VINCENTIO
BARRALI Salerno Monacho Lirinensi in vnum vo-
lumen compilata.

1618.

Coloniae apud Ant. Hierat. fol. Vincentii Li-
rinensis de profanis vocum nouitatibus liber; in
Magna Bibl. PP. T. V. P. II.

1619.

Parisis apud Dionys. Langlois. 4. Vincentii
Lirinensis, Monachi, seu Peregrini, commonitoria
duo, cum Commentariis Ioannis Filesaci. *Cat.
Bibl. Reg. Paris.*

1622.

Lugduni sumptibus Claudii Landry. 12. Vin-
centii — pro Cath. fidei antiquitate et Vniuersitate
etc. pagg. 65 — 131. in libro cui titulus: *Sandapila
Silicernio* quinti ac sexti Euangelii efferendo hume-
ris ac nifu Valentissimorum quatuor Succollatorum.
Quorum anteriores duo, TERTULLIANUS
libro de Praescriptionibus, VINCENTIUS Lyri-
nensis Commonitorio aduersus haereses. Posteriores
item duo, EDMUNDUS Campianus de Societate
Iesu, Gloriosissimus Christi Martyr, libro rationum
Academicis Oxoniensibus oblatarum, LEONAR-

DUS

us *Lessius* ex eadem Societate, Consultatione de Religione.

Praefatio huius opusculi latius acumina tituli explicat et facile prodit ex qua schola editor bellas suas elegantias hauferit.

1624.

Parisis. fol. Idem liber Vincentii; in *Bibl. PP. Tomo IV.*

1629.

Helmaestadii in acad. Iulia, typogr. Calixtino, exc. Henningo Mullero. 8. Vincentii Lerinensis Commonitorium. GEORGIUS CALIXTUS recensuit et edidit; cum Augustini libris IV. de Doctrina Christiana et de fide et Symbolo. Peculiaris titulus est: *Peregrini sive Vincentii Lerinensis pro Catholicae fidei antiquitate et vniuersitate aduersus profanas omnium haereseon nouationes Commonitoria duo, quorum tamen posterius maximam partem intercidit.*

Proëmi ad Lectorem maxima pars ad Vincentii librum refertur, cuius sententias et regulam accurate explicat et imprimis ostendere studet, quid haeresis nomine venire debeat et quae sit consensionis ecclesiarum in vnā doctrinam ratio. Hinc calammum contra Catholicorum de traditione itemque de potestate et infallibilitate praecepta dirigit, et quemadmodum iis in reipublicae omniumque potestatum detrimentum Loyolite tum abuti coeperint perorat.

1631.

Oxoniae. 24. Peregrini, id est, ut vulgo perhibetur, Vincentii Lirinensis commonitoria duo aduersus prophanas haereses; adiicitur D. Augustini

liber de haeresibus, editio repurgata, ceteris emendatior. *Cat. Bibl. Reg. Paris.*

1644.

Parisis. fol. Vincentii Lirinensis de haeresibus liber; in *Bibl. PP. Tomi IV. P. I.* Haec editio, ut saepe a nobis monitum est, ab illa a. 1654. non nisi titulo diuersa est.

1655.

Helmeftadii ex Typographeo Calixtino opera Henningi Muellerei. 4. Vincentii Lerinensis Commonitorium. Georgius Calixtus recensuit et edidit. Editio altera.

Huic editioni ad calcem accessit noua disputatio editoris, *Admonitionis ad Lectorem* nomine. In ea ab initio declarat, unde sibi ante annos XXVI. prima Vincentii edendi occasio enata fuerit. „Cum enim tunc temporis pontificii, *inquit*, in hac et vicinis prouinciis monasteria et beneficia ecclesiastica occuparent, nostros eiicerent, et noua sua dogmata mentibus nonnullorum, qui aures praeberent, inferere conarentur, venit mihi in mentem Commonitorium a Vincentio sub nomine Peregrini editum, quo nouitatem omnem, quod attinet dogmata ad salutem necessaria, serio et seuerè reiecit, et id solum admittendum censet, quod testimonio antiquitatis nitatur, siue quod, ut loquitur, vniuersaliter antiquitus receptum fuerit: venit quoque in mentem, scriptores Pontificios recentiores, quos praecipuos legere meminissem, doctrinam Vincentii summo opere laudare et approbare, et proinde recte me facturum, si hanc ipsam, antiquitatis adeo tenacem et aduersariis tantopere gratam, Pontificiis nouitatibus opponerem.“ Quod quemadmodum fecerit, antea monitum est.

1663.

1663.

Parisis apud Franc. Muguet. 8. Vincentii Lirinenſis Commonitorium, STEPHANUS BALUZIUS ad fidem codicum MSS. emendauit notisque illustrauit; cum *Saluiano* eiusdem.

Adhibuit duos codices Regiae Bibl. Paris. et pauculas notas addidit, de quibus vide ad *Saluiarum*.

1664.

Raceburgi per Nicolaum Nissen. 12. Vincentii Lirinenſis pro cath. fidei antiquitate etc. *Cat. Bibl. Bunau.*

1669.

Parisis apud Franc. Muguet. 8. Vincentii Lirinenſis Commonitorium ex *secunda* BALUZII editione.

1677.

Lugduni apud Anissonios. fol. Vincentii Commonitorium aduersus haereses; in *Bibl. Max. PP. T. VII. pagg. 249 — 263.*

1684.

Parisis apud Franc. Muguet. 8. Vincentii Lirinenſis Commonitorium ex *tertia* editione STEPH. BALUZII; cum *Saluiano*.

Retractauit et passim mutauit priorum editionum textum, notasque auctiores addidit.

1687.

Cantabrigiae ex off. Joh. Hayes, impensis Guil. Graues. 12. Vincentii Lirinenſis aduersus profanas omnium nouitates haereticorum Commonitorium, cum notis V. C. *Steph. Baluzii*. Adiicitur S. Augustini liber de Haeresibus.

Praecedit immensa praefatio. Notis additus est
Appendix Actorum aduersus Pelagium et Coelestinum.
 Vid. SALVIANUS.

1688.

Bremæ sumptib. Hermannii Braueri. 4. Vincentii Lirinensis Commonitorium a *Baluzio Tutelenfi* ad fidem veterum codicum MSS. emendatum et illustratum. Praemissa Dissertatione G. Calixti in Vincentium etc.; cum *Saluiani Operibus.*

Calixti dissertatio ex Prooemio eius desumpta est.

SAEC. XVIII.

1709.

Romæ ex typographia sacrae Congr. de Propag. fide. 8. Vincentii Lirinensis commonitorium in *Iosephi Tommasii Institutionum Theologicarum Antiquorum Patrum Tomo I. pagg. 193 — 275.* Recusæ sunt eadem ibidem, a. 1746. totidem tomis.

Exemplari Bibliothecae nostrae nonnulla adscripsit b. C. A. Heumannus, ex quibus haec notasse iuuabit: *Hoc libello, inquit, Vincentius stabilire conatur summis viribus praeiudicium auctoritatis, contra hominibus eripere studet omnem usum rationis in sacris, commendans prorsus λατρεία αλόγον. Agit igitur hic non veritatis patronum, sed erroris. Erroris est, quærerere, ut sub umbra auctoritatis et antiquitatis lateat. Veritas sua luce radiat et omnibus omni tempore se praebebat inspicendam atque examinandam. Bonum aurum, si vel sexcenties examinaueris, semper reperies bonum aurum. Sic et veritas post mille examina manet veritas, et quemadmodum arithmeticus computationis suae veritatem nunquam probat per consensum aliorum arithmeticorum, sed exclamat.*
 Proba,

Proba, examina; *sic et veritas.*“ Notauit idem, quantopere hoc opus contemferit *Dan. Whitby* in Praef. ad librum de Patrum in Scripturam S. commentariis.

1731.

Romae typis Io. Zempel prope Montem Iordanum. 8. Sanctorum Vincentii Lirinensis et Hilarii Arelatenfis Opera ad MSS. Cod. insignioresque editiones recognita ac notis obseruationibusque illustrata a *D. Ioanne SALINAS Neapolitano Can. Reg. Lat. ac S. Theol. Lect.* ad Sanctiss. Patrem Clementem XII. Pont. Max.

Scilicet non sua denuo opera recognitum dedit Vincentium, sed Baluzianam editionem a. 1669: nam tertiam haud nouit, sicut nec ceterarum editionum praeterquam ex Labbeo et Caueo notitiam habuit; immo non vnā laudat diserte editionem in cuius anno non error sit. *Notas vero obseruationesque*, inquit, *tales adiecimus, quae laborem diligentiamque desiderarunt* (sic): *utrum postea alicuius sint utilitatis, dicere non audeo, et libens illas aequi lectoris iudicio submitto.* Capitulū distinctionem licet a Baluzio sublatam, cum editoribus aliis retinere iustum ac rationi consentaneum apparuit, (sic) et meo quidem iudicio non prorsus inutiliter. De doctrina *S. Viri*, pergit, circa Traditiones alibi differemus contra Ioannem Dallaeum ac Georgium Calixtum, Lutheranae familiae hominem, QUI HELMOSTADII PERIIT! Eodem stilo et ingenio notas suas pertexuit textui statim subiectas.

1774.

Venetis apud Io. Bapt. Albritium. fol. Vincentii Lirinensis Commonitorium iuxta tertiam Steph. Baluzii editionem cum notis eiusdem expressum;

sum; in *Andreae Gallandii Bibl. PP. et SS. Vet. Eccles. T. X. pagg. 103 — 121.*

Pauculas de suo obseruationes ad oram paginae inferiorem apposuit, dissertationemque de Vincentio praemisit in *Prolegg. Cap. II. pagg. IV — VI.*



VERSIONES. Haud segniori, quam quo superioribus duobus saeculis docti indoctique viri contenderunt ad Vincentii Textum typis multiplicandum studio, ab aliis allaboratum est, vt recentiori aliquo idiomate loqui eum docerent. Primum quantum scio exemplum *Anglorum* fuit, sed *Francogalli* plurimas et optimas versiones dederunt, vt sequentia docebunt.

1) *Anglicae.*

1554.

London by Robert Caly, 8. The waye home to Christ and truth leading from Anthichrist and errour, made and set forth in the Latine tongue, by that famous and great Clearke Vincent. Ou, Le retour à Christ, composé par le docteur Vincent de Lerins, François de Nation, et traduit en Anglois. Cat. Bibl. Reg. Par. vnde et sequentia decerpimus.

2) *Gallicae.*

1560.

Paris chez M. Vascosan. 8. Traité de Vincent Lirinense, pour la verité et antiquité de la foy catholique contre les prophanes nouveautez de toutes heresies, traduit de Latin en François par G. Ruzé.

1580.

1580.

Paris chez Feder. Morel. 8. Eadem versio.

1615.

Paris chez Jean de Heuqueville. 8. Vincent de Lerins, contre les heresies avec deux epistres, l'une de S. Cyprien, l'autre de S. Hierosime; le tout traduit en François par le Sr. de la Brosse.

1684.

Paris chez Christoph Journal. 12. Avertissements de Vincent de Lerins, touchant l'antiquité et l'université de la foy catholique contre les nouveutez profanes de tous les heretiques, traduits en François avec des remarques par de Frontignieres.

3) *Italicae.*

1565.

In Monte Regale presso Lionardo Torrentino. 8. Libro de Vincentio Lirenenſe contra le prophane innovationi di tutte le heresie; tradotto in lingua Italiana per Hieronimo Mutio, Iustinopolitano. Argelati Bibl. degli Volgarizz. T. IV. pag. 109.



CODICES. Ex iis, quae in antecedentibus monita sunt, patebit, quatuor tantum Vincentii editores consuluisse mss. exemplaria, nempe Io. Sichardum, Petrum Pithoeum, Bartholomaeum Petri, de quibus quod dicamus haud suppetit. Postremus fuit Baluzius, qui duos habuit, alterum Colbertinum, eundem qui Pithoei fuerat, alterum monasterii Corbeienſis.

VALERIANUS EPISC. CEME-
LIENSIS.

§. I. Vita.

Ita quidem nomen et conditionem auctoris sermonis *de bono pudicitiae* vnicus ms. codex prodidit; nam neque Gennadius neque Isidorus aliiue scriptorum ecclesiasticorum nomenclatores eius meminerunt. Fuit autem *Cemelium* oppidum in Gallia, ad Alpes maritimas, cuius episcopatus ad Metropolim *Embrodunum* pertinebat. Hodie prisca tantum rudera vestigia nomenque supersunt haud procul Nicaea in colle, quem *Cemelam* vocant. Leonis M. temporibus et ipsius adeo decreto Cemeliensis ciuitatis episcopatus cum episcopatu Nicaeensis castelli coniunctus est, iidemque postea semper fuerunt Cemelienses episcopi et Nicaeenses. Exinde vero tempus, quo Valerianus Cemeliensis episcopi munere functus sit, definiri quodam modo poterit. Quippe cum Cemeliensis tantum episcopus nuncupetur, ante Leonis decretum ecclesiam illam eum rexisse necesse est. Atque totius huius disquisitionis auctor Sirmondus, omnino Valerianum hunc illum esse coniicit, ad quem et alios vicinarum Galliae prouinciarum episcopos scripta extat Leonis eiusdem epistola de Vasensis episcopi ordinatione, confirmarique se in ista sententia scribit, quod in illo episcoporum numero etiam Ingenui Ebrodunensis id est Valeriani Cemeliensis Metropolitani antislitis nomen compareat et in aliis duabus epistolis, Leonis vna ad XLIV. episcopos Galliae, altera episcoporum eorundem ad Valerianum, Ingenuus et Valerianus pariter coniungantur. Alia quaedam de Valeriani huius in episcopatu gestis congesta sit

lit Sammarthanus *), quae deficiente certiori memoria verbis ipsius hic apponere praestat. „Anno 439. *inquit*, Valerianus adfuit Reienſi concilio, in quo de negotio Armentarii actum eſt. Accepta ſancti Leonis epiſtola ad Flavianum (anno 451.) cum aliis plurimis ad ipſum ſcripſit, illam ſummis laudibus extollens, eique ſeſe in omnibus aſſentiri profeſſus eſt. Fuit etiam vnus ex iis, quibus reſpondit ſanctus pontifex (anno 452.) gratulatus ipſorum orthodoxam fidem et Eutychem ac Dioſcurum in Concilio Chalcedonenſi damnatos ſignificans. Orta graui controuerſia Theodorum Foroiulienſem epiſcopum inter et Fauſtum abbatem Lerinae, quae tunc ab ea dioceſi pendebat, cum Valerianus noſter et Maximus Reienſis, epiſcopi, partes in eo iurgio, et quidem Lerinenſium, amplexi fuiſſent; Rauennius Arelatenſis epiſcopus, tanto malo remedium allaturus, in ſua vrbe concilium coegit ad XXX. Decembris. Adfuere cum eo et Ruſtico Narbonenſi vndecim antiſites: conuenerunt quoque cum Lerinenſibus monachis Maximus et Valerianus: non nominantur tamen inter iudices, forte quia vt partes aderant. Lis tamen amice compoſita fuit. Quo praeciſe anno habitum fuerit concilium iſtud, incompertum: certe inter annum 449. quo ad epiſcopatum euectus eſt Rauennius, et 461. quo ad immortalem vitam migravit. Annum aſſignat 455. Sirmondus, antea Tillemon-tius. Riuierius Carthuſianus notat mentionem fieri a. 451. Valeriani Nicaeſis epiſcopi.“ Haecenus Sammarthanus. Benedictini autem ob hanc Lirin-enſem cauſam vna cum Maximo Reienſi a Valeria-
no

*) *Gallia Chriſtiana nou. T. III. p. 1270. ſeqq.*

nō susceptam, nō dubitant quin idem ille fuerit cum Valerio Lirinenſi monacho; qui pro episcopo apud Nicaeam cultus fuit ad diem XXIV. Iulii *). Quando obierit, incertum est.

§. 2. Scripta.

Tribuuntur Valeriano huic *Sermones* XX. et *Epistola ad Monachos, de virtutibus et ordine doctrinae Apostolicae*. Sermones inscribuntur: I. *De bono disciplinae*. II. III. *De arcta et angusta via*. IV. *De promissis et non redditis*. V. *De oris insolentia*. VI. *De otiosis verbis*. VII. VIII. IX. *De misericordia*. X. *De parasitis*. XI. *Qui gloriatur, in Domino gloriatur*. XII. XIII. *De bono pacis conseruandae*. XIV. *De bono humilitatis*. XV. XVI. XVII. *De bono Martyrii*. XVIII. *De Macchabaeis*. XIX. *De Quadragesima*. XX. *De auaritia*.

§. 3. Editiones.

Valeriani nomen reparauit Melchior Goldastus ab Haiminsfeld, asserto ei ex MSS. exemplarium fide *Sermone de bono Disciplinae*, qui antea incerto nomine inter Augustini opera ferebatur, ab eo vero cum notis et emendationibus peculiari volumine editus est a. 1601. Huic decem annos post alias *undeniginti homilias* cum *epistola* in codice quodam Corbeienſi non admodum castigate scripto a se repertas adiecit Iacobus Sirmondus; non quod nomen Valeriani in MSS. praeferrent; sed ob stili similitudinem et facundiam in vtrisque parem. Ac huic quidem iudicio quamuis lubrico continuo ab omnibus

*) *Histoire lit. de la France* T. II. p. 329. De Valerio isto adeundus Vicentius Barralis in *Chronologia Lirinenſi* P. I. p. 203. ubi ex monacho Lirinenſi ad episcopatum Nicienſem in prouincia assumptus dicitur. Sed de epistola eius, quam appellant *Historiae litterariae Galliae* auctores altum cum apud Barralim; tum alios; silentium.

bus assensum est, indeque tam in Bibliothecis Patrum, quam cum Leonis M. Operibus aliquoties, itemque cum accessione aliqua in Operum Sirmondianorum collectione et postremo a *Gallandio* haec *Valeriani Opera* recusa sunt. Vixdum autem lucem adspexerant Valeriani homiliae, cum orthodoxia earum in dubium vocari coepit et Romae apud sacrum tribunal delatae fuerunt tanquam haeresi Pelagianae affines. Simul Sirmondo quoque de Sancti praenomine, quod Valeriano indidisset, lis intendebatur. At ille ad vtramque accusationem brevi scripto ad Sacrum Officium transmissio respondit. Quo lecto ac probato nihil aliud decernendum censuerunt, quam ut notas in nouam editionem compararet, in quibus de utroque accusationis capite satisficeret. Suscepit autem seu rogatu Sirmondi siue sponte sua vberiore hanc defensionem *Theophilus Raynaudus* eiusdem Societatis Theologus. Certe Sirmondus cum iterum Valeriani famam in discrimen vocari audiret, in literis hac de causa ad Franciscum Cardinalem Barberinum scriptis ad Raynaudum prouocat eumque adeo copiose et accurate vtrumque praestitisse ait, ut praeclare ad causam actum putet, quod operam hac in re suam, a qua expectari tale nihil potuerit, studio suo diligentiaque praeuertisset, et si nihil noui postea prolatum fuerit, quod seueriorem sententiam requireret, postulat, ut immotum maneat Sacri Officii decretum. Num vero Raynaudianum illud scriptum seorsim primum, an cum ipsius Valeriani quadam editione Lugduni proditum fuerit, non satis mihi liquere fateor. *) Attamen insertum est editioni Lugdunensi

*) Eiusmodi editio, nisi prius locum habet, facta esse debet intra annos 1626 et 1632. Nam Epistola Sirmon-

nenſi a. 1633. et ſequentibus uſque ad a. 1671. nec non in Veneta a. 1742. a bibliopola eſt additum. Sed iam de ſingulis videamus *Valeriani editionibus*.

S A E C. XVII.

1601.

(Geneuae) *Excudebat Petrus de la Rouiere. 8.* S. Valeriani Cimelensis Episcopi de Bono Disciplinae Sermo. S. Isidori Hispalensis Episcopi de Praelatis Fragmentum. *Melchior Hamenuelto Goldastus* dedit cum collectaneis, in quibus multa pariter multorum auctorum; Patrum quam maxime, loca vel ante edita explicantur, vel nouiter eduntur.

In duobus praefationibus ad lectorem, tum ea quae textum antecedit, tum collectaneis praemissa Goldastus de momento horum librorum, disciplina nempe ecclesiastica differit, partim veteris disciplinae rationem declarans, partim seruandae aut amissae recuperandae praecepta tradens. Idem argumentum est epistolae collectaneis pariter praefixae ad Theodorum Bezam (datae *in aedibus Leshii a. d. IV. id. Quintil. a. ∞. 15. c. stilo Iuliano*). In principio vero Collectaneorum ea exponit, quae ipsum impulerint, ut Valeriani nomen huic Sermoni praefigeret. Scilicet iam Erasmus intellexit, Augusti-

Sirmondi ad Card. Barberinum data est *Parisiis XVI. Augusti. M. DC. XXXII.* In ea vero scribit, delatum esse Valerianum apud iudices Romanos *ante annos sex.* Certe in editione a. 1623. non inest, et ipse Sirmondus in subiectis laudatae epistolae defensionis suae gratia breuibus capitulis *non semel Lugduni ab annis XX.* (i. e. ab a. 1612. quo primum excusae fuere Parisiis istae homiliae, ad a. 1632.) *Valerianum esse typis descriptum* affirmat.

gustinum auctorem eius non esse. Sed Goldastus demum hanc sententiam explanauit et argumentis roborauit. Probat quippe orationem vtriusque auctoris longissime inter se discrepare. Nec vero ingenio doctrinaeue Augustini aptum esse contendit, nec verisimile arbitratur, eum de vna re vnoque argumento variis et diuersis libris, (extat enim opus eiusdem vberius *de Disciplina Christiana*) tractaturum fuisse. Denique nec veteres agnouisse hunc partum, nec expositum sustulisse clarere ac manifestari ait vel ex vno Possidonii vel Possidii indiculo; in quo nulla de eo mentio, et quod nusquam in Sententiis a Prospero collectis; aut in Excerptis Eugypptii; aut P. Lombardi Sententiis, nusquam denique in Confessione Augustiniana Hieronymi Tortensis acerrimi operum Augustini et conspicui propugnatoris laudetur. Quibus expositis sic ille pergit: „Itaque mea virtute nunc et comitate satis factum arbitror, ut auctorem ad Augustinum Sermonem istum attinere numquam porro sis dicturus, de cuius vero patre et legitimo facile queas ad coniecturam euadere, si quidem admittas γνῶσιμα, quo veluti gnomonē quodam libros veros et nativos a supposititiis decernamus. Hoc enim nec utile, nec tutum minus, ut ego quidem rationem capio, quam mihi ita dixere viri complures doctissimi, Si codicum scriptorum fides bona, eorumque auctoritas digna. Natus sum huius Sermonis vetustissimum et antiquissimum exemplar in scrinio nobilissimi viri, Barptolomaei Schobingeri IC. festiue parato cum a scriptis, tum a cussis libris. Eius haec est inscriptio. INCIP. LIB. S. VALERIANI CIMELENSIS EPI. DE BONO DISCIPLINAE. Simul ac primum legi titulum nomenque libelli, adeo ad Bibliothecas Cunradi Gesneri, Iosiae Simleri, Iacobi Frisii. Di-

Tom. II. Fff cas

cas Neptuni pecudes, ita mutant. In archiuio monasterii S. Galli, e cuius peculio hic olim codex, vetustissimi sunt librorum Indices, qui de hoc scriptore meminere. Catalogus S. Othmari primi sub Pipino Karoli M. patre Abbatis: S. Valerij Cymelensis Episcopi, etc. In Concilio Constantiensi optimam et praeclarissimam librorum scriptorum partem Poggius Florentinus Romam et Florentiam, Aeneas Silvius, qui Pontifex post illa destinatus, Basiliam vi fraudibus distraxerant. Eo facinore commoniti et commoti Fratres, reliquos a direptione codices signo monasterii obsignarunt, et Catalogo recensuerunt. In eo legitur: S. Valerij liber de bono disciplinae etc. Eandem simul epigrapham cernas in cortice ipsius libri. Error aut fallor, aut natus ex adfinitate nominum. Fuit Valerius Episcopus Hipponensis, Augustini praedecessor, cuius hodieque exstat liber De vita Monachorum, Volaterrano teste. Fuerunt et alii eodem nomine, quos nihil attinet recensere. Significat deinceps, de Valeriani huius aetate deque Cimiensi episcopatu eiusve situ haud quidquam se habere explorati. Vfus est in contendendo hoc sermone Goldastus editione posteriori Basileensi Operum Augustini. Sed principio statim auctoritate manuscripti codicis sustulit distinctiones capitum, veluti inconcinnas et sensum scriptoris saepiuscule perturbantes. Quod quidem iam Erasmus viderat, et reiectis eorum indicibus, notas numerorum satis habuit margini adiecisse. Sed Lugdunensis siue Geneuensis potius editio postea recepit. Emen-dasse deinde se fatetur plurima in ipsa orationis serie atque contextu, quae vel certissima ipsi viderentur, vel leuiora magisque friuola, quam vt notarentur. Attamen plerarumque rationem exposuit. Notae eius sunt lectissimae et rara eruditione refertae.

1604.

Insulae ad Lacum Aconium ex off. Iohannis Ludouici Brem. 4. S. Valeriani Cimeliensis Episcopi de bono disciplinae sermo; inter *Paraeneticos Veteres* cum notis *Melchioris Haiminsfeldii Goldasti*, ex bibliotheca et fumentibus Bartholomaei Schobingeri I. C. pagg. 7 — 39.

1612.

Lutetiae Parisiorum ex officina Niuelliana. 8. Sancti Valeriani Episcopi Cemeliensis Homiliae XX. Item Epistola ad Monachos, de virtutibus et ordine doctrinae Apostolicae. Omnia primum, praeter vnicam Homiliam, post annos plus minus mille ducentos in lucem edita a *Iacobo Sirmondo* Societatis Iesu Persbytero anno M. DC XII.

„*Valeriani Episcopi praeter Homiliam de bono disciplinae*, inquit Sirmondus, *quae interto antea nomine iactabatur*, paucisque abhinc annis auctori suo restituta est, nihil haftenus in lucem prolatum accepimus. Quas nunc damus reliquas vndeviginti, celeberrimo antiquae Corbeiae monasterio debeimus. Cuius unicum quo usi sumus, peruetustae, sed parum castigatae manus exemplar, et si Homiliam de bono disciplinae non habebat, et Ciuitatis nomen, in qua Valerianus Episcopus sedit, non indicabat: facilis tamen ex styli argumentique similitudine coniectura fuit, has illius germanas sorores esse, omnesque ab uno et eodem Valeriano editas, Episcopo Cemelenensi. Neque hac in re quisquam ni fallor repugnabit. — Stylus quippe, optimus iudicandi magister, characterque dictionis Valerianae; grauis, inquam; ac splendida; et dignitatis succique plena facundia, quae in his Homiliis elucet, satis hanc eius quam dixi, aetatem prodit; illam scilicet, qua Eucherius Lugdunen-

Fff 2

sis,

sis, Hilarius Arelatensis Episcopi, Vincentius Lirinensis, Prosper et Salvianus presbyteri, Galliam nostram non dissimili eloquentiae laude et gloria decorabant. Vellem modo emendatiores nobis, et quales disertissimus Episcopus pronunciarat, edere licuisset. Sed in tanta depravati codices labe optandum id magis fuit, quam sperandum. Fortasse autem quod prima haec editio non potuit, altera praestabit.“ Ceterum de Cemeliensi episcopatu accuratissime, deque Valeriani persona, quantum licuit, differuit. Inscrispsit Henrico Ludouico Castaneo Rupiposaeo Pictauorum Episcopo.

1618.

Coloniae Agr. apud Anton Hierat. fol. Valeriani Cemeliensis Episcopi homiliae XX. ex editione Jac. Sirmondi; Eiusdem epistola ad Monachos; in M. Bibl. PP. Tomi V. P. III.

1623.

Lugduni sumptibus Claudii Landry. fol. Sancti Valeriani Episcopi Cemeliensis (ad Nicaeam Galliae) Homiliae XX. cum Epistola ad Monachos, de virtutibus et ordine doctrinae Apostolicae; cum Leone M., Maximo Taurinensi, Petro Chrysologo, Fulgentio et Asterio Episcopo Amaseae.

Praemittitur praefatio Sirmondi, sed absque nomine eius. Perperam autem Fabricius tradit, hanc editionem ipsum Sirmondum curasse.

1633.

Lugduni fol. Valeriani — Homiliae XX. cum Epistola ad Monachos etc. Theophilus Raynaudus Valerianum accurata defensione textit aduersus Parcum Charitatis criminatorem; in Hep-

Heptade Praesulum Christiana Sapientia et Facundia Clarissimorum. Cf. Leonis M. Opera.

1661.

Parisis apud Simeonem Piget. fol. Valeriani — Homiliae XX. etc. cum Raynaudi defensione; in eadem Collectiōe.

1671.

Parisis sumpt. Petri Variguet. fol. Eaedem; inter eosdem Scriptores.

1677.

Lugduni apud Anissonios. fol. S. Valeriani — Homiliae XX. ex ed. Iac. Sirmondi; Eiusdem Epistola ad Monachos; in Bibl. Max. PP. Tomo VIII. pagg. 498 — 523.

1685.

Parisis apud Franc. Muguet. fol. S. Valeriani — Sermo de bono disciplinae; in App. Tomi VI. Opp. S. Augustini ed. Benedd. in exemplari Antuerp. col. 775 — 777.

1696.

Parisis ex Typographia Regia. fol. S. Valeriani — Homiliae XX. etc., inter Opera Iac. Sirmondi Tomo I. pagg. 604 — 702.

Addita sunt ex schedis defuncti: *Epistola eius ad Card. Barberinum* cum notationibus quibusdam ad duo illa obiectionum capita, item *Testimonia* quaedam *Patrum* ad calcem exemplaris sui ab eodem descripta, quibus palam fieri vellet, *Valerianum in Homilia XI. ubi cum Semipelagianis sentire visus est quibusdam, haud aliter tamen locutum esse, quam Sanctos illos Patres haud dubie Catholicos.*

S A E C. XVIII.

1742.

Venetis apud Augustinum Savioli. fol. Sancti Valeriani Cemeliensis Episcopi Scriptoris dignissimi Homiliae quotquot exstant.

Accedit *Epistola ad Monachos* et *Defensio Theophili Raynaudi*; cum *Operibus Petri Chrysologi* iuxta editionem *Dominici Mitae* ab hoc bibliopola recusis, *pagg. 213 — 291.*

Abest tamen Raynaudi nomen, non fraude aliqua sed ignorantia forte bibliopolae. Quippe nonnisi in titulo generali editionum Lugdunensium et Parisiensium a Raynaudo esse scriptum fuit, quem aduertere ille, siue is, cui describendi operam mandarat, non operae suae esse duxit. Fefellit tamen hoc Oelrichsum, ut editori Veneto a. 1742. illam tribueret.

1774.

Venetis ex typogr. Io. Bapt. Albritii. fol. Sancti Valeriani Episcopi Cemeliensis Homiliae XX. Item *Epistola ad Monachos* de virtutibus et ordine doctrinae apostolicae. Ex praeclara editione Sirmondiana recensita et aliquot in locis emendata; in *Bibl. PP. et SS. Eccl. Vet. Andreae Gallandii Tomo X. pagg. 123 — 158.*

Expressa est editio a. 1696. Accessere igitur *Epistola Sirmondi ad Barberinum Card.* et alia, et inspersae sunt Baunaei (de la Baune) emendationes cum nonnullis *Casp. Barthii* ex Aduersariis et *Cotelerii* ex Monumentis Eccl. gr. et Constitutionibus Apostolicis, nec non aliquot Gallandii coniecturis. In *Prolegomenis Caput III.* Valeriano dicatum est.

SALVIANUS.

Grauiſſimi huius atque elegantiffimi ſcriptoris S. I. Vita.
patria Gallia fuit, quique Coloniae Agrippinae natum exiſtimant, argumentis ſane haud improbabilibus nituntur. Certe Treuirenſis non erat, ſed propinquae ciuitatis, quae non vt Tr  uri excidium a barbaris paſſa erat, ſed tantum vectigalis reddita fuerat. Ac propius quodammodo ad eam ſententiam, quae Agrippinenſem eum ſtatuit, facere videntur verba ipſius in epiftola prima, qua adoleſcentem quendam Agrippinae ortum et propinquum ſuum commendat. Tametſi vero Treuris non ortum debuerit, fortaſſe tamen, quod magis eſt, ingenii cultum et optimarum rerum cognitionem ab ea vrbe repetebat. Adeo enim Treuiros nouit, moresque ciuium omniaque eorum ſtudia tenet, vt haudquaquam a veritate abſonum ſit, ſi aliquantiſper ſtudiorum cauſa in ea ciuitate, qua nulla magis tunc temporis in Gallia literarum ſtudiis floruit, egiffe ſtatuiamus. Num ab initio Chriſtianus fuerit Saluianus, haud liquet. Fuiſſe quidem volunt tum, cum ex eadem prouincia, cuius metropolis erat Colonia Agrippina, vxorem duceret Palladiam Hypatii cuiuſdam ac Quietae paganorum filiam, quam ipſe poſtea non ſolum ad fidem chriſtianam amplectendam pellexit, ſed etiam vnica tantum ſuſcepta filia, Auſpiciola nomine, adduxit, vt continentiae vota ſe cum ipſo adſtringeret et vitam coelibem in matrimonio ageret. Grauius hoc tulit ſocer eius Hypatius, qui maſculam ſibi ex ea filia prolem ſperauerat, adeoque Saluiano et filiae ſuccenſuit, vt per ſeptem integros annos, ex quo ab eo ille diſceſſiſſet, nec videret eos, nec literas ad eos ſcriberet.

ret. Quibus elapsis cum ipse quoque Christo nomen dedisset, Saluianus, qui iam causas odii apud focerum cessasse videret, denuo per literas non conscientia culpa sed ratione et officio caritatis et vt nullum penitus offensae locum relinqueret, veniam oravit et haud dubie impetrauit. Habitabat autem cum istas literas scriberet, procul a focero, et nisi forte in insula Lerino, certe in prouincia Viennensi, in qua presbyteri etiam dignitatem, nempe in Ecclesia Massiliensi suscepit, probatissimorum istius regionis virorum, veluti Honorati, qui postea Arelatenfis episcopus fuit, Eucherii, Agroecii Antipolitani, Salonii et Verani filiorum Eucherii, quos iuuenes in disciplina habuit, amicitia et gratia subleuatus. Episcopatum nunquam adeptus est. De obitu eius non constat; nouimus autem viuendo eum attigisse Gelasii Romani tempora.

3. 2. Scripta.

Superfunt hodie ex pluribus quae Gennadius recenset Saluiani scriptis

- 1) *aduersus auaritiam libri quatuor ad ecclesiam catholicam*, quos sub Timothei nomine euulgauit circa annum 440.
- 2) *de gubernatione Dei et de iusto Dei praesentique iudicio libri*, qui etiam inscribuntur *de prouidentia*. Opus primum, scr. tempore incursionis barbarorum in imperium Romanum. a. 451. aut 452. aut vt Benedictini malunt a. 455.
- 3) *Epistolae nouem familiares*.

Deperdita sunt: de Virginitatis bono ad Marcel- lum libri III, de eorum praemio satis faciendo)*
ad

*) Sunt haec ex Gennadio c. LXVII. quod totum est corruptissimum. Alii legunt *de eorum merito satisfactionis*; vitio obsoleto. Trithemius c. CLXXV, haud

*ad Salonium Episcopum liber I, Expositionis extremæ partis libri Ecclesiasticis ad Claudianum Episcopum Viennensem liber I, de principio Genesis usque ad conditionem hominis liber I. versibus compositus quasi Hexaëmeron Græcorum more. Homiliae plures. De Sacramentis liber I **).

Sixtus Senensis per incuriam Saluiano tribuit opus *Anticimennon* incerti Auctoris, quod cum Saluiano primus edidit Io. Al. Brassicanus Basileae 1530.

Librorum Saluiani quos modo enumerauimus, a renatis litteris et inuenta arte typographica alteri quasi parentes extiterunt eosque in lucem primi vindicarunt Io. Sichardus, Io. Alex. Brassicanus et Petrus Pithoeus. Prior scilicet libros IV. *de auaritia* in lucem extulit Basileae a. 1528. Alter duobus annis post libros VIII. *de gubernatione Dei ibidem ex officina Frobeniana* emisit, quibus post longius interuallum tertium denique addidit opusculum, *epistolarum* librum, Pithoeus. Quaecunque exinde Saluianus doctorum virorum ingeniis debuit, eorum gratia ad Pithoeum eundem, Conradum Ritterhusium et Stephanum Baluzium redit. Pithoeus quippe non solum epistolarum libro opusculorum Saluiani nume,
Fff 5 rum

haud dubie quia non intelligeret, laudat simpliciter *ad Salonium Episcopum librum vnum*; mox in duos distraxit *expositionem in Ecclesiasten* et *librum ad Claudianum*.

*) Sic Trithemius. — Gennadius recitat, *homilias episcopis factas multas, sacramentorum vero quantas nec recordor*; quorum loco laudat Trithemius *Homilias ad Episcopos factas* lib. I. *de Sacramentis* lib. I. *Homilias plures ad populum* lib. I. Ceterum quæ de versibus in Genesin refert Gennadius, sic intelligi debent, vt nos exposuimus.

rum auxit, sed omnes simul eius lucubrationes ex fide mss. expressas dedit, et quamvis non multos sectatores nactus est, meruit tamen, ut Baluzius, qui centum aliis potior est, cum probaret, et, ni iustae rationes superarent, sequeretur. *Rittershusii* opera, docta quidem et utilis, haud diu viguit, nec Germaniam egressa est. Post *Baluzium* denique aut nihil amplius in Saluiano desideratum fuit, aut nemo saltem cum eo doctrinam suam ingeniumue componere ausus est. Tres igitur commode editionum Saluiani aetates describi possunt, *prima* ab anno 1528. ad annum usque 1580. per quam libri de auaritia cum libris de gubernatione Dei coniuncti sunt et ubique Brassicani notae addi consueverunt. Neque vero post Pithoeanam recensitionem priscus textus describi cessauit. *Alter*a aetas ab editione Pithoei facta *Parisi*. apud *Seb. Nuellium* 1580. porrigitur usque 1663. eamque quasi ex aequo possident Pithoeus et Rittershusius. Sed Pithoeanae repetitiones longe archetypo suo deteriores factae sunt. *Rittershusii* editio prodit primum a. 1611. cum immenso commentario et textu in quibusdam locis ex ingenio feliciter emendato, et recusa est a. 1623. cum proluxa accessione. In *tertia* solus regnat *Baluzius*, qui non semel quidem sed primo a. 1663. et iterum 1669. tertioque a. 1684. textum Pithoei cum pluribus iisque optimis mss. exemplaribus contulit nouumque ita constituit, ut sola iubente mss. auctoritate immutaret, emendationesque suas notis egregiis muniuit. Haec Baluziana recensio quoties ab eo tempore repetita fuerit, docebunt sequentes *Annales*.

S A E C. XVI.

1528.

Basileae apud Henrici petri. fol. Timothei Episcopi ad ecclesiam catholicam toto orbe diffusam
et

et Saluiani Episcopi Massiliensis in librum Timothei ad Salonium Episcopum Praefatio; in *Antidoto contra diuersas haereses* Io. Sichardi. 181. 202.

1530.

Basilae in officina Frobeniana. fol. D. Saluiani Massyliensis episcopi, de vero iudicio et prouidentia Dei, ad S. Salonium Episcopum Viennensem Libri VIII. cura Io. Alexandri Brassicani Iureconfulti editi ac eruditis et cum primis vtilibus Scholiis illustrati. Anticimenon libri III. in quibus quaestiones veteris ac noui Testamenti, de locis in speciem pugnantibus, incerto autore. *In fine.* Basileae, in officina Frobeniana per Ioannem Heruagium, Hieronymum Frobenium et Nicolaum Episcopium, mense Augusto, anno M. D. XXX.

Ioannes Alexander Brassicanus IC; et Linguarum Professor primum Tubingensis post Vindobonensis, vir de bonis literis sua aetate meritissimus, praeter alios multos antea non excusos Graecos Latinosque auctores, etiam hoc Saluiani opus primus in publicum extulit et Christophoro a Stadion Augustensi Episcopo nuncupauit *). Triste tum orbi prae-

*) Accuratus quam plerumque solet, de hoc Brassicano commentatus est *Hendreich in Pand. Brandenburg.* Diuersus, vt ibidem discimus, ab eo fuit *Io. Ludovicus Brassicanus*, non aetate quidem et patria, sed studiis quodammodo et conditione. Nam *I. U. Doctorem* appellat et *Tubingensem* fuisse suspicatur. Quod si verum est, vide an germanus Alexandri fuerit et ambo patrem habuerint Ioannem Brassicanum, quem Alexander in fine praefationis ad Saluanum scribit iisdem quondam studiorum sacris cum Christophoro Stadione initiatum et ab eo sinceriter amatum et benignitate perpetua subleuatum fuisse. Ioannis autem Brassicani eius-

praebebat spectaculum Hungaria a Turcis deuastata. Inter innumera vero publica priuataque bona, quae furor eorum absumserat, fuit etiam celebris illa et libris ex omni scriptorum genere confertissima Bibliotheca Budensis, a Matthia rege sumptibus non aestimandis instructa. Sed cum nemo non paulo doctior graui hac iactura commouebatur, acerbissimum tamen eo dolorem Brassicanus sensit. Viderat enim istos thesauros praesens Budae in comitatu legati Caesarei et non tantum viderat, sed totum sese in eos abdiderat. Ipse quoque regis Ludouici munificentia auctores quosdam graecos consecutus erat et aliorum fortasse cum graecorum tum latinorum apographa sumserat. Inter hos nescio an Saluianus fuerit. Certe in praefatione ad Episcopum Augustanum (signata *Viennae Austriae, Martii die I. Anno 1530.*) non tam de Saluiano, eiusue ms. aliquo unde ederet exemplari, aut de sua ipsius in edendo opera disseruit, quam literarum ex amissa illa bibliotheca calamitatem deplorat et vt sensim ad hoc argumentum lectores quasi praepararet, e longinquo de bibliophilia et tam literatis quam principibus viris librorum colligendorum studio insignibus sermonem instituit, sub finem vero complures, qui sibi in bibliotheca sua restarent et quos aliquando editurus esset libros veteres, maxime graecos, denominat, ex quibus aliqua, veluti libros Geoponicorum lucem post-

eiusdem Paedotribae Tubingensis meminit *Morhoff* in *Polyhist.* p. 247. qui fortasse non alius fuit ab eo, quem inter Tubingensis Academiae Doctores recenset *Böck* in *Hist. Acad.* illius §. 85. p. 45. quemque non recte cum Io. Alexandro Brassicano confundit *Celeb. Saxius* in *Onom. Litt.* III. 82. Obserua tamen, quod et noster se ipsum *Iurisconsultum* appellet.

postea vidisse nouimus. Praefationi subiungitur carmen hendecasyllabum non minus ac illa prolixum nec cultissimum sane, quo eidem viro Saluianum inscribere se ac dedicare profitetur. Annotationes eius, quae proxime post Saluiani libros subiiciuntur, verba maxime et formulas loquendi, imprimis quae noue dicta sunt illustrant ac multiplici et egregia in vtriusque linguae auctoribus lectione commendantur.

Ceterum non omitti debet, *αὐτῆς μερῶν* libros incerti auctoris, quos vna cum Saluiani opere hic euulgandos dedit Brassicanus, nonnullos parum attentos fefellisse, vt ipsius Saluiani crederent.

1556.

Basileae apud Hencic - petri. fol. Timothei Episcopi ad ecclesiam Catholicam toto orbe diffusam L. IV. et Saluiani praefatio in eundem; in *Ioannis Heroldi Haeresiologia* pagg. 579—613.

1564.

Romae, apud Paulum Manutium Aldi F. in aedib. Pop. Rom. fol. Saluiani Episcopi Massiliensis de vero iudicio et prouidentia Dei libri VIII. cum *Maximo, Paciano, Sulpicio, Dorotheo Tyrio et Haymone Halberstattensi*, adiunctis in tres posteriores *Petri Galefinii* notationibus.

Huius editionis iam aliquoties incidit mentio. Saluiani libri pertingunt ad paginam vsque 81. Appictae sunt in marginibus variantes aliquot lectiones.

1575.

Parisis apud Mich. Sonnum. fol. Saluiani — de vero iudicio, prouidentia et gubernatione Dei libri VIII. it. Libri IV. ad Ecclesiam Catholicam Timothei nomine; in *Bibl. PP. Bigneana* T. III. p. 240 seqq.

Parisis

Parisis apud Hieron. Marnef et Guil. Cauclat.

12. Saluiani — de verò iudicio et prouidentia Dei libri VIII. [i. libri IV. ad ecclesiam Catholicam] cum praef. et scholiis Brassicani. *Cat. Bibl. Bodlej.* Nescio equidem solane Brassicani editio sit recusa, an et libri IV. *contra auaritiam* additi sint. Vtrum verum sit, perperam tamen a Benedictinis inter Operum editiones recensetur.

1580.

Parisis apud Sebast. Niellium, sub Ciconiis, via Iacobaea. 8. Saluiani Massiliensis presbyteri de gubernatione Dei et de iusto praesentique eius iudicio libri VIII, ad S. Salonium Episcopum. *Eiusdem Epistolarum lib. I. nunc primum editus.* Timothei nomine ad Ecclesiam Catholicam lib. III. *Ex bibliotheca P. Pithoei I. C.*

Rarae in marginibus comparent lectiones a textu impresso variantes; ad calcem vero subiectae sunt *variae lectiones partim ex Veteri Codice, quae tamen certo iudicio in textum receptae non sunt, quaedam etiam operarum negligentia omissae, partim ex vulgatis editionibus, quae et ipsae ferri possunt.* Summa quatuor foliorum est; in his paucissimae Epistolae, plurimae vltimum optis respiciunt. In iisdem etiam affirmat, nihil in his libris coniecturis datum, totum ex fide vetustissimi et emendatissimi codicis transumptum esse. Accedit index rerum et verborum scitu dignorum. In praefatione Pithoei ad *Nicolaum Fabrum* Regis consiliarium (data *Lut. Paris. Non. Octob. feriis vindemia lib. a. Cl. Io. LXXIX*) de maturo religionis christianae in Galliis cultu atque vbere scriptorum christianorum in iisdem prouentu disputat.

Prui-

Privilegium regium signatum est d. 24. Mart. a. 1579. Obseruari autem meretur, quod de prima hac Pithoei editione iam Baluzius commemorat, eam ob raritatem suam manuscripto codice comparari posse ac nusquam prestare venalem.

1589.

Parisis. fol. Saluiani Massiliensis Episcopi de vero iudicio et prouidentia Dei libri 8. Eiusd. ad ecclesiam catholicam toto orbe diffusam libri 4. in *secunda Bibl. PP. Bign. ed. Tomo V. p. 161. seqq.*

1594.

Parisis apud Hieronymum de Marnef, et Viduam Guilielmi Cauellat, sub pelicano, monte D. Hilarii. 12. D. Saluiani Massyliensis Episcopi de vero iudicio et prouidentia Dei ad S. Salonium Episcopum Viennensem Libri VIII. Cura Io. Alexandri Brassicani I. C. editi ac eruditis scholiis illustrati. Accessit eiusdem Epistolarum lib. I. nunc primum editus. Eiusdemque ad ecclesiam Catholicam sub Timothei nomine lib. III. Cum indice rerum ac verborum locupletissimo.

Brassicani editio tota est recusa; eique additus index recens confectus, reliqua alterum quasi volumen constituunt, non titulo quidem nouo, sed noua paginarum seri a priori secreta. Atque haec indice carent. Verba *nunc primum editus* ad epistolarum librum in titulo adiecta, absque dolo a Pithoei editione transcripta videntur.

S A E C. X V I I.

1608.

Parisis. 12. Saluiani Episcopi Massiliensis de Gubernatione Dei lib. VIII. et Epistolae; cum Annotatione.

tationibus Ioannis Brassicani ex Bibliotheca Pithoei. *Bibl. Barberin.* T. II. p. 339. Si Pithoeana editio hic repraesentatur, non deesse potest opus tertium contra auaritiam.

1609.

Treuiris. 4. Saluiani — Epistolares libri IV. ad Ecclesiam Catholicam, aduersus Auaritiam, cum Annot. *Io. Macherentii.* Soc. I.

Contulit Baluzius ad editionem tertiam, sed non admodum magnum exinde fructum percepisse se testatur. Nullum enim vetustum codicem habuit, cum quo libros istos conferret Macherentius et pleraque correxerat propria auctoritate.

1610.

Parisiis. fol. Saluiani episcopi Mass. de vero iudicio etc. in *Bibl. PP. Bign. repetitae Editionis.* Tomo V. pag. 123. sq.

1611.

Altorfii in Academia Reip. Norimbergensis apud Cunradum Agricolam. 8. Saluiani Massiliensis opera: ad Ludouicum XIII. Franc. et Nauarr. Regem christianissimum. Curante *Cunrado Rittershusio I. C.* qui et Librum Commentarium adiecit.

Saluiani Operum Tomus alter, in quo sunt libri quatuor aduersus Auaritiam. Ad Illustriss. Principem Philippum II. Stetini Pomeraniae Ducem etc. Recensente et impressionem procurante *Cunrado Rittershusio.*

Cunradi Rittershusii I. C. Liber Commentarius in Saluianum Massiliensem: Ad Vniuersitates atque Academias Germaniae.

Clarum quam maxime ab eruditione saeculo XVI. fuit nomen *Rittershusii*, atque nunc etiam pretio suo

fuò non carènt doctae eius, quas in varios tam graecos quam latinos auctores scripsit, annotationes. Sed aptiores vix vllas, quam in Saluianum condidit, quippe qui scriptor, dum mores et ingenia suorum temporum describit, ex iis maxime auctoribus, quibus legendis se cum aliis saeculi sui doctis hominibus per legum studium penitus dederat Rittershusius, atque ex ipsis adeo legibus per illam aetatem scriptis frequenter lucem haurit et eodem refundit. Manuscripta exemplaria non habuit, sed ingenii felicitate, sermonisque latini, qualis saeculo V. fuit, peritia et lectionis copia non raro hanc penuriam compensavit. Certe Steph. Baluzius in praefatione editionis suae affirmat, Rittershusium aliquot in locis Saluianum satis feliciter emendasse, et in notis saepius coniecturas eius codicum vetustorum auctoritate firmari monet, eiusque interpretationes haud raro adoptat. Videamus ergo, qui editionis ipsius ordo sit ac distributio.

Primo tomo insunt *de Providentia* libri et *Epistolae*, quibus proximo loco subiicitur *index rerum et verborum*, mox *Iohannis Trithemii tractatus de Providentia Dei ad Diuum Maximilianum. I. Imperatorem*, postremo *Admonitio* Contr. Rittershusii *de confusione foeda et perturbatione aliquot locorum Saluiani lib. VII. et VIII. a librariis commissa cum Catalogo aliquorum auctorum, qui de Providentia scripserunt*. Praecedat dissertatio *de Vita Saluiani*, simulque generali argumento librorum *VIII. de Providentia, Gubernatione ac Iudicio Dei; et demonstratio*, quod *libri IV. sub nomine Timothei editi, ipsius sint Saluiani*. Per occasionem etiam de superioribus editoribus fit iudicium. Sequuntur *Testimonia et Elogia de Saluiano*, nimirum *Gennadii* (cum adnotatione Rittershusii), *Chronologiae Antissiodorensis*, *Addo-*

nis Viennensis, Hilarii Arelatensis, Io. Iov. Pontani, Ioannis Trithemii, Io. Alex. Brassicani, Ios. Scaligeri, Petri Pithoei, quibus Brassicani versus et praefatio, item praefatio Pithoei interseruntur. Succedunt gratulationes in prosa ac versibus, pro more illorum temporum ad editorem scriptae. Alter tomus complectitur post *quatuor libros de avaritia, Elenchum capitum*, in quae hosce *quatuor libros* satis commode distinxit auctor editionis Treuirensis, cui complendae paginae causa *Phaedri aliquot versiculi de avaris* subiecti sunt, *indicem* porro non minus ac in priori tomo copiosum, nec non *Catalogum scriptorum qui vel de avaritia vel elemosyna vel diuitiis et paupertate commentati sunt cum epigrammatibus eius argumenti ex Anthologia graeca*, itidem paginae complendae causa adscriptis. Denique *commentario* in tertio tomo comprehenso additae sunt *variae aliquot Lectiones et Emendationes ex Pithoei codice et Brassicani editione* cum paucis Rittershusii coniecturis et *index* in eundem amplissimus. Taceo *epistolas dedicatorias*, quas vix summus quispiam Rittershusii admirator legerit, nedum principes aut amici principum illorum, ad quos spectant. Tertia ex his est *ad omnes Academiarum Germaniae Professores* eique adiungitur *catalogus earundem Academiarum secundum foundationis et temporis ordinem institutus*. Denique ad Calcem totius operis (extremum tamen locum occupat *Odarium ad Christum O. M.*) significat editor, in animo sibi fuisse subiicere Ioannis Weitzii, Tobiae Adami et Theodori Sitzmanni in Saluianum notas ipsi inscriptas donatasque, nec non Brassicani aliorumque Annotationes. Sed quia prelum imprimendis vacare non potuisset, per aliam occasionem ista se daturum promittit.



Frankofurti apud Nic. Rothium. 8. Eadem editio recula. Benedictini in Hist. Galliae Litt. sponfore Boldiano in Bibl. Hisp. p. 52. cuius tamen testimonium parum fidum arguit Fabricius et proinde inter fabulas hanc editionem reponit. Sed fortasse non tam Rittershusiana, quam Pithoeana editio hic recusa est.

1618.

Coloniae Agripp. apud Ant. Hierat. fol. Salviani Presbyteri, et postea Episcopi Massiliensis libri 8.; de gubernatione Dei; Item epistolae ad diuersos; Et Timotheus siue libri 4. ad Ecclesiam; in Bibl. PP. Tomi V. P. III. pag. 323. seqq.

1623.

Noribergae apud Simonem Halbmeyerum. 8. Salviani Massiliensis opera ex editione et cum Commentario Cunradi Rittershusii, editio secunda, cui praefixa est eiusdem Rittershusii vita, descripta per Georgium F. C. R. Rittershusii. Cat. Bibl. Reg. Paris.

In Cat. Bibl. Bodlei, sicuti in Bibl. Barberiniana laudatur huius loci et anni editio cum Commentario Rittershusii et aliorum. Vnde colligo, duobus voluminibus constare hanc editionem, quorum prius Saluiani textum cum Rittershusii commentario, posterius Variorum, puto Weitzii, Adami, Sitzmanni et Braslicani notas, uti in Bremensi mox indicanda repraesentantur, exhibent. Indeque enatum putem Fabricii errorem, confidenter affirmantis, Norimbergensem Saluiani a. 1623. editionem esse nullam. Scilicet seorsim illi (fortasse etiam Bremensibus) obtigerat volumen posterius, sicuti in Bibl. Reg. Parisensi non nisi prius occurrit. Ceterum piget me operae impensae ad inuestigandam peculiarem notarum illarum,

quam sibi inscriptam donatamque fassus est Rittershusius, editionem: praesertim cum per se leuioris momenti sint et a nemine facile desiderentur. Certe Weitzii notulae meram locorum similitudinemque vndique decerptorum farraginem praebent.

1624.

Parisis. fol. Saluiani de Gubernatione Dei l. VIII. etc. in *Bibl. PP. Tomo V.*

1627.

Rotomagi apud Ioannem Osmont. 12. Saluiani Episcopi Massiliensis de vero iudicio et prouidentia Dei ad Salonium Episcopum libri VIII. cum scholiis Brassicani; Epistolae et libri IV. ad Ecclesiam Catholicam.

Laudant hanc editionem *Auctores Historiae Litt. Galliae.* Videtur ad ed. Parisiensem a. 1594. esse descripta.

1633.

Oxoniae. 8. Saluiani — de vero iudicio et prouidentia Dei libri VIII.; Epistolae et Libri IV. ad Ecclesiam Catholicam. *Cat. Bibl. Bodlei.*

1635.

Coloniae Agripp. 4. Saluiani de gubernatione Dei l. VIII. in *Iacobi Merlonis Horstii* (i. e. ex Horst oriundi) *septem Tubis orbis Christiani* loco septimo.

Integer libri titulus est: *Septem Tubae Orbis Christiani ad reformationem Ecclesiasticae disciplinae toto orbe praesertim in Germania ad praesentium et grauiorum malorum remedium necessario instituendam excitantes.* Continet autem, teste Harzhemio in Bibliotheca Colonienfi, septem pia opuscula ex
St.

St. Bernardo, Gregorio, M. Chrysostomo, Prospero, Petro Damiani, Blesensi, Saluiano, nouis sectionibus, prooemiis et adnotationibus illustrata, cum appendice quaestionum variarum. Fabricius quasi totum Saluianum in eo recusum significat. Sed in *Cat. Bibl. Barberin.* l. l. tantum libri VIII. de *gubernatione* ex eo laudantur.

1644.

Parisis. fol. Saluiani Massiliensis Episcopi de gubernatione Dei libri 8. Eiusdem ad Ecclesiam Catholicam toto orbe diffusam libri 4.; in *Bibl. PP. Tomo V.* quae editio post nouo titulo ornata est a. 1654. *apud tres bibliopolas.*

1645.

Parisis apud Edmund Pepingue. 8. Saluiani Massiliensis presbyteri de prouidentia et gubernatione Dei, et de iusto praesentique eius iudicio libri VIII. Item Epistolarum liber vnus et Timothei ad Ecclesiam Catholicam libri IV. cum notis Ioannis Alexandri. Sic. *Cat. Bibl. Chig.*

Textus ex editione Pithoeana est recusum, sed adeo infelici euentu, Baluzio iudice, vt innumeris propemodum mendis haec editio scateat.

1647.

Lugduni. 4. Saluiani — de gubernatione Dei libri VIII. sub hoc titulo: *Censoria de praesentibus Europae Calamitatibus, eorumque causis Praeloquia, ab Osiandro Stuario in lucem edita.*

Certe refertur hic titulus inter Saluiani opera in *Cat. Bibl. Barberin. T. II. p. 340.* indeque eundem recitant *Galliae Litterariae Auctores.* Sed mihi ex ipsa Catalogi istius inspectione non magis liquere fateor, vtrum libros de *gubernatione Dei*, an illos

contra Avaritiam, quorum editio proximo loco ante proponitur, in ea contineri significare voluerit.

1648.

Parisis apud Edm. Pepingue. 8. Iteratio Pithoeanae. Benedd. in Hist. Litt. Galliae.

1663.

Parisis apud Franciscum Muguet. 8. Sanctorum Presbyterorum Saluiani Massiliensis et Vincentii Lirinenfis Opera. STEPHANVS BALVZIVS Tutelenfis ad fidem codicum mss. emendauit, notisque illustrauit.

Pithoeanam editionem, quamquam in multis illa laboraret, optimam tamen ex superioribus censere solebat Baluzius eamque nouae huius recensionis fundamentum esse voluit, ita vt vbicunque haec ab illa discrepet, id totum quod mutatum sit, ex fide codicum manuscriptorum, quorum aliquot vetustissimos librorum *de prouidentia et ad ecclesiam Catholicam* acceperat, factum esse existimari iubeat. Quippe nihil coniecturis datum esse affirmat, nisi in epistolis vno et altero loco. Nullius enim epistolae vetustum exemplar nactus erat, praeterquam duarum postremarum, in quibus emendandis omnino secutus est codices manuscriptos. *Notarum* suarum praecipuum scopum esse profitetur, indicare variantes lectiones. „Quodsi quando, *inquit*, hos limites egredior, affirmare possum, id non omnino frustra contigisse. Quanquam id raro accidit. Has enim Notas, vt hoc quoque dicam, festinanter scripsi, et quasi aliud agens. Quod ideo visum est admonere, ne quis heic syllabas ad vitium excutiat, aut Notas illas ad Polycleti normam directas non esse pronuntiet.“ Accedit huic editioni miro characterum chartarum.

rumque nitore ac elegantia praestanti *Stephani Baluzii Dissertatio de Episcopatu Egarensi ad Philippum Labbeum* in formam epistolae (*d. Lutetiae XIV Kal. Augusti: M. DC. LXIII.*) scripta.

1669.

Parisis apud Franc. Muguet. 8. Sanctorum Presbyterorum Saluiani Massiliensis et Vincentii Lirinenfis Opera. Steph. Baluzius Tutelensis ad fidem veterum Codicum mss. emendauit Notisque illustravit. Editio secunda.

Non solum textus huius editionis a superiore in nonnullis discrepat, sed accessit ei etiam non exiguus notarum doctissimarum cumulus. Nam primum editor variantes lectiones, quas in margine editionis Pithoeanae descripserat, rursus diligenter excussit. Tum libros de gubernatione Dei contulit cum editione Brassicani a. 1530. et Galefinii 1564, et si quid melius in illis esset, quam in Pithoeana, aut in Codice Corbeiensis, quocum Pithoeanam antea contenderat, in textum transtulit. Si quid vero dubium esset, aut quod admonitione indigeret, id affirmat se in Notis reposuisse, nec quidquam dissimulasse, aut propria auctoritate mutasse, de quo non admonuerit. *Addidit praeterea Appendicem actorum veterum, quorum in Notis facta est mentio, quo continentur: I. Castoris Aptensis Episcopi epistola ad Ioannem Cassianum ex veteri codice ms. Bibliothecae Regiae. II. Acta Imperatorum aduersus Pelagium et Coelestium itidem ex codd. mss. nempe* 1) *Rescriptum Honorii et Theodosii Impp. ad Palladium Praef. Praetorio. 2) Edictum Palladii. 3) Rescriptum Honorii ad Aurelium Episc. Carthag. 4) Aurelii Epistola ad Episcopos Byzacenae et Argizitanae (sic) prouinciae. 5) Sacra epistola Con-*

stantii Imperatoris patris Valentiniani Augusti iunioris, ad Volusianum Praefectum Vrbi, aduersus Corlestium. 6) Edictum Volusiani pro publicatione superioris Rescripti. III. Traditio Petri de Sancto (qui traditur) ad Canonicam Cadurcensem. IV. Traditio Guillelmi de Carbonariis ad monasterium Tutelense. V. Traditio Eliae de Nauis ad idem monasterium ex Chartulariis istarum ecclesiarum et Monasteriorum,

1677.

Lugduni apud Anissonios. fol. Saluiani Massiliensis Libri VIII. de gubernatione Dei; Eiusdem Epistolae ad diuersos; Item Timotheus, siue libri IV. ad ecclesiam, omnia ad emendationem Steph. Baluzii; in Bibl. Max. Patrum T. VIII. pagg. 339—401.

1684.

Parisis apud Franciscum Muguet. 8. Sanctorum Presbyterorum Saluiani Massil. et Vincentii Lir. Opera. Stephanus Baluzius Tutelensis ad fidem veterum codicum mss. emendauit et Notis illustrauit. Editio tertia.

„Cum et secunda quoque editio, inquit Baluzius, distracta fuisset, typographus autem eosdem libros sub incudem, vt ita dicam, reuocare vellet, et interim nactus essem exemplar manuscriptum, quo Pithoeus vsus est in emendandis libris de gubernatione Dei, tum etiam illud, cum quo idem contulit libros quatuor aduersus auaritiam, quae nunc extant in Bibliotheca Colbertina, putavi debere me hanc curam elegantissimo huic scriptori, vt lucubrationes eius conferrem cum iisdem codicibus antiquis: quod puto me fecisse cum aliqua vtilitate horum studiorum.“

Ex

Ex actis per appendicem in superiore adiectis resecta sunt in hac tertia num. I. et II. Ceterum quamvis et ipsa satis sit nitida haec impressio, primae tamen elegantia longissime cedit. Inscripta est Iacobo Nicolao Colberto Archiep. Carthaginensi et Coadiutori Rotomagenfi (*Lut. Paris. Kal. April. h. a.*) Abest dissertatio de episcopatu Egarenfi.

1688.

Bremae sumtibus Hermanni Braueri. 4. S. Presbyterorum Saluiani Massiliensis — Opera. Cum libro Commentario Conradi Rittershusii, ac notis integris, Iohannis Weitzii, Tobiae Adami, Theodori Sitzmanni, Iohannis Alexandri Brassicani, Stephani Baluzii, et Vincentii Lirinensis Commonitorium ab eodem Baluzio Tutelenfi ad fidem veterum Codicum mss. emendatum et illustratum, Praemissa Dissertatione G. Calixti in Vincent. Lir. Cum Indicibus copiosissimis, tam ad Authores, quam ad Notas, Iuxta Norimbergensium partim ann. MDCXXIII. et Parisiensium ann. M. D. CLXIX. exemplaria.

Quae ex Norimbergensi editione in hanc transfumpta fuerint ex superioribus intelligitur. De Vincentio Lir. suo loco dictum est. Series virorum doctorum, quorum notae hic exhibentur, alia est in ipso volumine, alia in titulo, neutra curiose instituta. Nimirum Baluziana editio tota est recusa, adeoque proximae post textum vtriusque auctoris notae sunt Baluzianae cum indice eiusdem editionis. Dein succedunt, *Rittershusii commentarius, Weitzii, Adami, Sitzmanni* et postremo loco *Brassicani* notae, cum indice in eosdem peculiariter concinnato. Mirum vero cur editionem *secundam* Baluzii potius, quam *tertiam*, exscribendam typis dederit bibliopola, qui

minime solius quaestus gratia hanc curam suscepisse videri voluit.

S A E C. X V I I I.

1728.

Venetis. 8. Saluiani Massiliensis Presbyteri Opera emendata cum notis a *Steph. Baluzio. Cat. Bibl. Firm. T. I. p. 53.*

1729.

Pisauri e typographia Gauellia. 4 mai. Saluiani Massiliensis *Episcopi* Concordantiae Operibus eius annexae [i. e. *Opera Saluiani cum Concordantiis*] alphabetice dispositae studio ac labore *Patris Demetrii Barbulii Soc. Iesu*, et Eminentiss. ac Reuerendiss. Principi Cardinali Fabio de Abbatibus Oliuero humillime dicatae: Opus omnibus Sacrarum Disciplinarum studiosis, sed potissimum Asceticis Magistris, atque Concionatoribus Verbi Dei summopere proficuum.

Immo opus ineptum et in chartarum, vtinam minus nitidarum, iacturam impressum. Vnum forte est, quod in hunc censum non veniat, *Vita seu potius Elogium Saluiani a Larino Amatio nouissime edita*, ab eiusdem Saluiani Epistolis potissimum enucleata.

1774.

Venetis ex Typogr. Io. Bapt. Albritii, Hieron. fil. fol. Saluiani Presbyteri Massiliensis Opera quae exstant omnia. Accessit Vincentii Lirinensis Commonitorium. Ex tertia editione *Stephani Baluzii V. C. in Bibl. PP. et SS. Vet. Eccl.* ANDREAE GALLANDII Tomo X., pagg. 1—102.

Notae Baluzianae, non vt alias solet hic editor, textui statim, sed ad calcem subiectae sunt, adeo vt in omnibus tertiae editionis Baluzianae forma constet, nisi quod de suo loca biblica in inferiori margine adiecerit. De *Saluiano* differit in *Prolegg. Cap. I. pag. III. IV.*



VERSIONES. Omnia *Saluiani* opera haud semel in linguam *Gallicam* traducta sunt a *Gorseo*, *Bonneto* et aliis. Praeter ea de *providentia libri* non solum a *Gallis* sed *Italis* etiam conuersi extant, vt sequentia testantur,

GALLICAE,

1575.

Lyon chez Guil. Rouille. 8. S. *Salvian* Eveque de *Marseille* du vray jugement et providence de Dieu, traduit en François par B. B. D. S.

1655.

Paris chez Caspar Meturas 4. Les oeuvres de *Salvian*, Evêque de *Marseille* contenant les huit livres de providence, les quatre livres contre l'avarice avec plusieurs epistres traduites avec des notes par *Pierre Gorse*.

1700.

Paris chez Guill. Valleyre 12. II. Tomis. Les oeuvres de *Salvien* et le traité de *Vincent de Lerins* contre les herefies, traduits en François par le P. *Bonnet*, Prestre de l'Oratoire,

1701.

1701.

Paris. chez Louis Guerin. 8. Salvien, de la providence, traduit en François par Jean Drouet de Maupertuis.

1734.

Paris chez Jean Bapt. Delespine. 12. Les oeuvres de Salvien, Prestre de Marseille, contenant ses lettres et ses traitez sur l'esprit d'intérêt, et sur la providence, traduites en François par un P. Jesuite.

ITALICAE.

1579.

In Milano appresso Michel Timi. 12. Libro di Salviano Vescovo di Marsiglia contra gli Spettacoli e altre vanità del Mondo, tradotto da S. Carlo Borromeo, una cum Memoriale di Monsignor Illustrissimo, e Reverendissimo Cardinale di S. Prasele Arcivescovo, al suo diletto popolo della Città, e Diocesi di Milano. Argelati Bibl. degli Volgarizz. T. III. (Milano 1767. 4.) p. 329. Nescio tamen, vnus, an omnes de Gubernatione Dei libri hoc titulo comprehendantur.

1703.

In Avignone, appresso Gio. Robby. 4. Trattato di Salviano Marsiliense della Provvidenza, in Latino, in Italiano, ed in Francese. Argelati l. 1. Versio Gallica est Malpertuisiana, Italicae auctor fuit Guido Konfartus Sacerdos.



CODICES. I. *Librorum de auaritia: I. Codex, vnde primum editi fuerunt, Io. Sichardi, de quo non*

non constat. 2. Exemplar, ex quo eos castigauit *Pithoeus*, migrauerat in Bibliothecam Colbertinam, vbi illud nactus est Baluzius et in tertiis curis adhibuit. Sed describere non sustinuit. 3. *Codices Baluzii*, quos in prima statim editione adhibuit et cum *Pithoeana* contulit, *duo Regii*, a Nic. Colberto, Lucionensi ac dein Antissiodorensi Episcopo ac Bibliothecae Regiae praefecto, a. 1660. ipsi communicati, *alter* peruetustus, modo Corbeiensi librorum *de gubernatione Dei*, quem statim commemorabimus, posterior; *alter* quadringentorum ferme annorum. Ac in priori illo erat epistola Saluiani ad Salonium, quae praefigi solet libris aduersus auaritiam, quam tamen in vetusto suo exemplari defecisse monuerat *Pithoeus*. Eandem vero etiam in recentiori Regio deprehensurus fuisset Baluzius, ni priora eius folia periissent.

II. *Librorum de gubernatione Dei*: 1. *Codex princeps*, i. e. ex quo libros illos extulit *Io. Alex. Brassicanus*, fuit olim Bibliothecae Regiae Budensis in Hungaria et ante eius excidium Ludouici Regis munificentia ad Brassicanum peruenit. Satis emendate scriptus fuit, vt ex collatione textus cum sequentibus editionibus comparet. 2. *Pithoei exemplar* vetustissimum, quod ille accuratissime exscribi curauit. Idem postea in Bibliotheca Colbertina reperit Baluzius et ad curas tertias adhibuit. 3. *Baluzii codex*, monasterii Coebeiensis fuit, vetustissimus et optimae notae. Quippe a sexcentis inde annis scriptum existimabat et exaratum dicit ab erudita manu, quae diligentiam et industriam inter alia eo argumento probauerit, quod interpunctiones fere vbique prorsus bene collocatae essent. Non integros tamen octo libros continebat. Subministrauerat eum ex
Bibl.

Bibl. S. Germani de Pratis Lucas Dacherius Maurinae congregationis socius.

III. *Epistolarum*: 1. De *Pithoei codice* non constat. 2. *Baluzii exemplaria* non nisi duas priores et duas posteriores continebant.

40.

§. I. Vita.

PATRICIUS

natione Britannus, nomine patrio *Succat*, natus in oppido *Nemthur*, hodie *Kirkpatrick* inter fretum Dumbrittonae et urbem Glasguensem sito, circa annum 371. patre Calpurnio, Diacono, Potiti, presbyteri cuiusdam filio. Licet autem a parentibus christianis ortum duxisset, religio tamen neque ad animi neque ad ingenii cultum magnopere ipsi profuit; sed agrestis inter agrestes natus educatusque sensum aliquem atque timorem Dei aduersarum maxime rerum occursum alere coepit. Quod quidem puero adhuc contigit, cum a praedonibus Hibernis aliquoties in captiuitatem abduceretur et identidem liberaretur. Ex quo tempore tamen non odium sed amor potius ac beneuolentia in Hibernos animum eius infedit, et cum postea, incertum quo pacto, in Gallias delatus atque a Germano Autissiodorensi episcopo a 432. Romam missus Coelestino papae desiderium suum Hibernos ad fidem christianam convertendi significasset: Hibernorum ab eo apostolus atque archiepiscopus constitutus esse fertur. Quo facto redux in patriam, a. 447. incunctanter Hiberniam transfretauit praedicandoque et baptizando brevi longe lateque religionem christianam propagauit, regulos fere omnes istius insulae conuertit, ecclesias condidit, sedes episcopales instituit, synodos celebravit, multisque aliis ad ecclesiam in hac regione con-

confirmandam bene fortiterque perpetratis anno aerae Christianae 493. aetatis CXXII. e vita migravit *).

Scripta *genuina* Patricii facile stilo barbaro ac s. 2. Scripta, scabra oratione ex neglectu sermonis latini, quem nusquam ad scribendum adhibiturum se existimaue-
rat **), oriunda sese manifestant. Sunt autem se-
quentia.

I. Con-

*) Quae hactenus de Patricii rebus commemorauimus si non penitus certa, veris saltem proxima sunt. Certe Confessionem ipsius potissimum ante oculos habuimus, quae ardorem eius in conuersionis negotio testatur et de triplici, quam iuuenis expertus est, captiuitate tantum exponit, quantum ad cetera, quae de eo memoriae prodita sunt et quae ipse non attigit, inter se connectenda valeat. Probi et Iocelini, Britannorum medii aevi scriptorum, fabulae dudum ab omnibus explosae sunt. At illi praecipitatus iudicant, qui propter eas totam rerum Patricii memoriam atque ipsius adeo existentiam in dubium vocarunt, meram fabulam a nuguendulis contextam autumantes. Restant quidem, demtis etiam fabulis, multa in vitae eius narratione, quorum fidem argumentis firmis probari desideres, quo tota eius ad transmarinas prouincias peregrinatio et Coelestini hac in re partes referri debent. Sed caue, ne arbitrario nimis traditionum domesticarum fidem eleues. Legenda sunt inprimis, quae Bollandiani T. III. Mensis Martii p. 519. de primis et antiquioribus S. Patricii actis (e quibus Probus, Iocelinus alique hauserunt) eorumque auctoribus conscripserunt.

**) *Olim cogitavi scribere inquit in laudata Confessione, sed usque nunc haesitavi. Timui enim, ne inciderem in linguam hominum; et quia non legi, sicut ceteri, qui optime itaque iure et sacras litteras utroque pari modo combiberunt, et sermonem
illorum*

1. *Confessio* in Epistola ad Hibernos explicata, in qua non de fide sed vitae atque praedicationis suae ratione exponit. Fragmenta plurima ex ea lusubrationi suae intexuit *Probus*, vitae Patricii scriptor saeculi X.
2. *Epistola ad Coroticum* regulum Cambro - Britannicum seu potius *ad Christianos Corotici tyranni subditos*. Huius epistolae diserte meminit locelinus monachus Cisterciensis coenobii Furnessensis apud Lancastrienes, qui saec. XII. vixit et vitam Patricii exaustit. Ceterum Waraeus pro huius et superioris opusculi antiquitate obseruat, loca sacrae scripturae ex versione LXX., non ex tunc recenti Hieronymi, quae Patricii aevo nondum publicitus fuit recepta, in iis laudari.
3. *Synodus S. Patricii* complectens canones XXXI.
4. Alii *IX Canones S. Patricio adscripti*. Ex his V. et VI. iam Ufferius ediderat, reliquos Waraeus adinuenit.
5. *Synodus Patricii, Auxilii, et Iffernini episcoporum XXXIV. Canonibus constans*. Waraeus adiecit alios tres canones, antea iam a Speelmanno editos, et *Prouerbia* aliqua eiusdem.

Incerta sunt, aut verius non ipsius, Charta seu Epistola de antiquitate Aualonica, quam propter stylum, temporum notationem aliaque id genus momenta v. c. nomina mere Anglo - Saxonica in ea adscripta, recentioris auctoris esse suspicatur Waraeus; porro

illorum ex infantia nunquam mutauerunt, sed magis ad perfectum semper addiderunt. Nam sermo et loquela nostra translata est in linguam alienam, sicut facile potest probari ex salua scripturae meae, qualiter sum ego in sermonibus instructus atque eruditus.

porro liber de tribus habitaculis, apud alios de gaudiis electorum et poenis damnatorum inscriptus, et Augustino etiam tributus; et liber de Abusionibus Saeculi inter Cypriani et Augustini opera vulgatus; de quo posteriori tamen non est praetermittenda Waraei suspicio. Quippe cum excerpta quaedam ex hoc libro ab auctoribus admodum antiquis, licet tacito libelli titulo, S. Patricio adscribantur, non posse se non suspicari ait, eundem esse cum Prouerborum eo libello, quem aedificatione plurima plenum Ioecelinus Patricium hibernice scripsisse dixerit, quemque fortasse Hibernus aliquis post obitum Patricii in linguam latinam conuerterit. Vtrinque enim, in Prouerbiis et Sententiis appositis, Saeculi Abusiones aperiri, nec stylum scripturasne e versione Hieronymi citatas ob stare, quo minus liber ille partus sit ingenii Patriciani, licet ab alio translatus.

Denique Sermo, qui Patricii nomen gerit, confectus fuit a Rich. Stanihurstio et in Vita Patricii I. II. Antuerpiae a. 1587. ab eo editus, recusos etiam monente Caneco, a Mesingamo ad finem Florilegii Hibernici Paris. 1624.

Ex his Patricii opusculis num. III. et V. cum particula Epistolae de antiquitate gentis Aualonicae et postrema duo falso ipsi adscripta, edita fuerunt antequam Iacobus Waraeus reliqua ex mss. codicibus erueret et de vniuersis edendis curam agicaret. Post cuius praeclaram operam, Bollandiani quaedam denovo ad codices mss. recognita dederunt, Waraeanam autem totam rescribendam curauit Andreas Gallandius. Sed singula diligentius lustrabimus.

6. 3. Editiones.

SAEC. XVII.

1604.

Moguntiae apud Balthas. Lippium sumpt. Ant. Hierat. 4. S. Patritii Legatio, a Coelestino primo papa ad conuersionem Hiberniae directi, siue Epistola S. Patritii Apostoli Hiberniae ex Bibl. Monasterii Glastoniae, in quo ipse Abbas fuit, antequam esset episcopus Hiberniae; in *Gerardi Vossii Praep. Tungr. Miscellaneis SS. aliquot Patrum Gr. et Lat.* (quae quasi alter tomus ab eo Operibus Gregorii Thaumaturgi adiecta sunt) p. 239.

Non nisi fragmentum est Epistolae de antiquitate Aualonica, quod inter collectanea mss. Mariani Victorii Episcopi Reatini (editoris Ambrosii) reperit Vossius; Victorius autem, dum Reginaldo Polo Cardinali Legato in Anglia adesset, ex vetustissimo ms. exemplari Bibliothecae Monasterii Glastoniae transcriptum acceperat. Eadem, ut Waraeus obseruat, iam habentur in *Iohannis Tinmuthensis Sanctilogio*, in vita Patricii, et in exscriptoris eius *Iohannis Capgrauii noua Legenda Angliae*, Londini a. 1516. typis excusa.

1639.

Londini. fol. Synodus S. Patricii, item Synodus Patricii, Auxilii et Issernini et tres praeterea Canones eiusdem; in *Conciliis Britanniae Henrici Speelmanni T. I. pagg.* 51. 54. 55. sqq.

Priores Canones desumpti sunt ex antiquo ms. codice Andegauensi, cuius apographum ad Visserium e Gallia miserat Sirmondus.

1656.

Londini apud Iohannem Crook, sub signo navis in coemeterio Paulino. 8. S. Patricio, qui |Hiber-

nos ad fidem Christi conuertit, adscripta opuscula: quorum aliqua nunc primum ex antiquis mss. codicibus in lucem emissæ sunt, reliqua recognita; Omnia notis, ad rem Historicam et Antiquariam spectantibus, illustrata, opera et studio IACOBI WARAEI Equ. Aurati.

Ordo contentorum idem est, quem in recensendis scriptis seruauimus, nisi quod *Charta de Origine Aualonica* medium inter Opuscula de tribus habitaculis et de *Abusionibus Saeculi* locum occupat. Ipse primum editor num. I. II. et IV. (ex maiori parte) item *Prouerbia* et integram Epistolam de gentis *Aualonicae origine* adiecit, reliqua cum mss. denuo contulit, librum de tribus habitaculis ex Augustini operibus, opusculum de *Abusionibus saeculi* ex Cypriano Pameliæ rescribi fecit, praefationemque, notas, in quibus partim de sinceritate, aetatis ratione aliisque, quae auctorem concernunt momentis, disseritur; partim singula loca illustrantur, et indicem addidit. Ad calcem etiam apposuit *Secundini* Episcopi, S. Patricii e Dauera sorore nepotis, *hymnum alphabeticum in laudem S. Patricii* tunc viuentis.

1668.

Antuerpiae apud Iac. Meursium. fol. Confessio S. Patricii de Vita et Conuersatione sua, quam (vna cum *Epistola ad Christianos Corotici tyranni subditos*, ita enim rectius hic inscribitur) ex vetustissimo Nobiliacensis S. Vedasti monasterii codice eruit Andreas Denis Atrebas, e Societate Iesu; in *Actis Sanctorum Tomo III. mensis Martii*, ad diem XVII. pagg. 533—540.

Waraei editio Bollandianis haud innotuit, vt iam obseruauit Gallandius. *Epistola ad Coroticum*, vt vulgo dicitur, in laudato ms. Confessione Patricianae

nullo tituli discrimine subnectebatur, Diuiserunt autem editores vtramque epistolam in sectiones aliquot minores, priorem etiam in capita V. Notae variantes aut emendationes suppeditant. Sequitur Vita S. Patricii auctore locelino, praemittitur autem amplius de eiusdem rebus Bollandianorum commentarius, in quo singula illius momenta accurate expenduntur.

S A E C. XVIII.

1726.

Oxonii. 8. Charta S. Patricii de antiquitate Aualonica; in *Ioannis Glaostoniensis Historia de rebus Glaostoniensibus* ex ed. Th. Hearni T. I. pagg. 63—66.

1737.

Londini. fol. Synodus et Canones S. Patricio adscripti; in *Dav. Wilkins Concil. M. Britanniae et Hiberniae T. I. pagg. 2—7.* Subiectae sunt textui notae et variae lectiones.

1748.

Lucae. Fol. Canones S. Patricio adscripti ex Waraeo in *Io. Dom. Mansi Concil. Suppl. T. I. p. 338.*

1761.

Florentiae. fol. Synodus S. Patricii, Auxilii et Issernini, cum additione; Canones S. Patricio adscripti, Synodus alia S. Patricii; in *Io. Dom. Mansi Collectione ampliss. Concil. T. VI. pagg. 514—528. Canones Patricio adscripti,* quali omissi fuissent, iterum exscripti sunt ad calcem *Tomi VII. pag. 1187.*

1774.

1774.

Venetis ex typogr. Io. Bapt. Albritii. fol. Opuscula Patricio adscripta; in Bibl. PP. et SS. Vet. Eccl. Andreae Gallandii T. X. pagg. 159—182. vna cum Hymno Secundini pagg. 183. 84.

Gallandius opuscula omnia genuina et dubia, aut omnino falsa, sine peculiari quidem titulo iuxta Waraei institutum descripsit; contulit tamen Bollandianorum editionem et in extremis duobus libellis Augustini et Cypriani editores nouissimos secutus est, sicuti in Hymno Secundini Muratorium in Anecd. Lat. T. IV. pag. 136. vbi in Antiphonario monasterii Benchorensis extat. Hinc larga prouenit variarum lectionum et emendationum copia, quae cum notulis ex Waraeo et Vsserio potissimum decerptis textui subiiciuntur. Diligens praeterea de scriptis Patricii dissertatio inserta est *prolegomenis Cap. IV. p. VII. IX.*



CODICES. Partim apud Britannos et Hibernos domestici sunt, partim Gallicani. Prioribus potissimum vsus est Waraeus, videlicet I. *vno Ecclesiae Armachanae* in Hibernia, qui praeter Confessionem S. Patricii, Biblia sacra e versione Hieronymi, et antiquissimum exemplar Sulpitii Seueri de vita S. Martini Episcopi Turonensis continebat. Tanto olim in pretio habitum fuisse hunc codicem obseruat Waraeus, vt familia Mac - Moyeriana tenuerit terras a fede Armachana, ob saluam illius codicis custodiam: nempe magnam huic libro venerationem conciliauit vulgaris opinio, eum manu ipsius Patricii fuisse exaratum. Quae quodammodo adiuuatur his verbis ad calcem codicis adscriptis: *Huc usque volumen, quod Patricius manu conscripsit sua: et deinde; sep-*

tima decima Martii die translatus est Patricius ad Coelos. At ex characteris genere satis liquere monet Waraeus, non Autographum esse, sed longe posteriori aeuo transcriptum.

II. *uno* ex Bibliotheca D. Thom. Cottoni Baro-
netti, circa annum Christi millesimum exarato, qui
praeter hanc *Confessionem* et *Epistolam ad Coroticum*,
varia antiquitatis ad Hiberniam spectantia monumen-
ta et vitam S. Fursei Hiberni auctore saec. VII. et vi-
tam S. Brigidae Virginis auctore Cogitoso conti-
nebat.

III. IV. *Binis* Ecclesiae Sarisburiensis in Anglia,
qui utramque *Confessionem* et *Epistolam ad Coroticum*
complectebantur.

V. *Altero* Bibliothecae Cottonianae Westmona-
sterii, in quo sparsim IX. *Canones* Patricio attribuun-
tur. Vetustus liber erat, descriptus Anglo - Saxoni-
cis temporibus et pertinuit olim ad coenobium S. Au-
gustini Cantuariæ.

VI. *Vno* Bibliothecae secretioris Collegii S. Bene-
dicti Cantabrigiae num. 221. scripto litteris maius-
culis, sed adeo aegris aliquot in locis, ut sine critica
licentia non sanabiles esse fateatur Waræus. Con-
tinebat *Synodum Patricii, Auxilii et Issernini* a Speel-
manno antea (nescio ex quo exemplari) editum et
alios *Canones* S. Patricio adscriptos. Ex utriusque
comparatione paulo emendatiora dedit laudatus editor.

VII. Libro ms. *Guilielmi Malmesburiensis* de An-
tiquitate Ecclesiae Glasloniensis, seruato in Bibliothe-
ca Cottoniana; ex quo integrum exemplar Chartæ
de origine Avalonica descriptum.

Hisce Britannicis ac Hibernis codicibus a Wa-
raeo usurpatis annumerabimus loco

VIII. ms. *Collegii Corporis Christi Cantabrigiae* sign. o. 20. ex quo *Synodus Patricii* apud *Wilkinson* edita est.

Ad *Gallicanos* autem pertinent:

I. Ms. liber *Andegauensis*, ex quo *Synodum Patricii* a Iac. Sirmondo descriptam edidit *Henr. Speelmannus*. Huius etiam Synodi in codice Andegauensi et alius Hibernicae in codice quodam Floriacensi reperiundae meminit *Phil. Labbeus* in *Bibl. noua Mss.* monente Waraeo.

II. Ms. liber *Nobiliacensis S. Vedasti monasterii Atrebatii*, ex quo *Confessionem et Epistolam ad Coroticum* ediderunt *Bollandiani*.

41.

BACHIARIUS.

De *Bachiaro* veteres scriptores pauca et incerta, §. I. *Vita*. recentiores, praecipue Angli, multa falsa protulerunt*). Restat igitur, ut veriora, saltem verosimilia, potissimum ex scriptis eius, quae certo hodie noscuntur, coniectura eliciamus. Atque ex Gennadio quodammodo apparet, monachi vitam ei placuisse, eumque ad conseruandum illud vitae propositum ad peregrinandum se dedisse. Ex *fide* autem eius patet patriam haeresi aliqua ita fuisse infectam, ut illius suspicio in omnes fere eiusdem regionis incolas caderet ipseque adeo *Bacharius* episcopo, nescio cui, aut ipsius potius instituti viro fidei suae confessione purgare se necesse haberet. Circumspicientibus vero,

H h h 4 quanam

*) Parens omnium fabularum fuit *Io. Baleus* in *Cent. 1. de SS. Britanniae*, quem multi deinceps bona fide secuti sunt. Rationem quandam primi huius et potissimi erroris de hac patria eius deprehendere studuit *Franc. Florius* in *Diff. §. 1. pag. II.*

quaenam maxime Occidentis regio saeculo quinto tam sinistra fama laborauerit, prima omnium se offert Britannia Pelagii erroribus infamata. Sed cum ne verbo quidem Bacharius quaestionem ad Pelagii doctrinam pertinentem tangat, eiusue labis calumniam a se amouere studeat, sed alto hoc silentio potius, plane hancce haeresim se ignorasse atque ante eius ortum confessionem suam scripsisse, prodat *): vltius progredientibus occurrit Hispania a Priscillianistis vexata, ac sane quae in libello suo profitetur Bacharius dogmata, non alia fere sunt, quam huic Hispaniae haeresi eregione opposita **). Licet itaque colligere Bacharium in peregrinatione sua de patria haeresi suspectum, aut quae probabilior fortasse sententia, in ipsa Hispania in erroris istius suspicionem adductum antequam peregrinationem subiret, maculam existimationi suae adpersam eluere voluisse ***). Facta autem videtur haec peregrinatio ineunte saeculo V. eadem fere tempestate, cum Orosius quoque ob Priscillianistarum et Origenistarum errores Hispania deserta in Africam confugeret, Eutropiusque et Paulus episcopi seodem transuecti *Commonitorium* iam de aliquantis haeresibus Augustino traderent.

§. 2. Scripta.

Duo iamiam supersunt opuscula, quae certissime Bacharium auctorem agnoscunt, *Fides* alterum, alterum

*) Hoc extra omnem dubitationem posuit *Lud. Ant. Muratorius* in *Anecd. T. II.*

**) Hoc demum euicit laudatus *Franc. Florius.*

***) *Gallandius* in *prolegg. ad T. IX. c. V. §. 1.* Atamen non satis diserte hanc sententiam enunciat. Existimat quidem *Praesidentes* illos, quorum sententia sese iudicari dicit, fuisse eosdem, quos modo nominamus episcopos, Eutropium et Paulum.

rum *Epistola ad Ianuarium de recipiendis lapsis*, vt in editis inscribitur, aut vt rectius in quibusdam mss. notatur *de reparatione lapsi* *).

Plures olim eius extitisse lucubrationes ex Genadii verbis colligunt, a quo *grata* dicitur *edidisse opuscula*. Quod quamuis leue sit argumentum, nequaquam tamen sperni debet viri doctissimi *Francisci Florii* acumen, quo alia duo opuscula eidem Bachiaro asserere conatus est, videlicet *Obiurgationem in Euagrium*, quod *Leuitam lapsum non consolatus sit*, quae olim in epistolarum Hieronymi censum irrepsit, sed iam ab Erasmo obelo confodi meruit, et *libros II. de Deitate et Incarnatione Verbi ad Ianuarium*, quibus idem Erasmus Augustini nomen, quod falso praeferebant, primus detraxit. Posterius ex Origenis libris *Periarchon* iuxta Rufini versionem collectum esse iam pridem PP. Maurini docuerant, a cuius doctrina non alienum fuisse Bachiarium pluribus Florius ostendit, sique idem, quod aliis Origenis ac Rufini praesertim patronis, accidisse suspicatur, vt abrafo veri auctoris nomine et in hoc fortasse etiam deimta ad Ianuarium praefatione, pro Augustini foetu venditaretur.

Qui apud alios, veluti Posseuinum, Pitseum et Baleum occurrunt scriptorum Bachiarii tituli, cuiusmodi sunt *de fide Salomonis*, *de Fide perseverante*, *de Prognosticis natiuitatum*, ex incuria legentium ferme orti esse videntur, aut plane sunt confictitii.

Epistola ad Ianuarium diu vnicum opus fuit ex quo Bachiarii ingenium noscebatur, edita primum a Grynaeo a. 1569. saepiusque deinde in *Bibliothecis* §. 3. Editiones.
Hhh 5 Patrum

*) In aliis titulus est de *poenitentia* aut de *fructu poenitentiae*. cf. *Florius Diff. II. p. LXVIII.*

Patrum repetita, antequam a *Muratorio* adderetur *Fides* ex Ambrosiano Codice Mediolani eruta.

Dehinc utrumque ad codices mss. denuo excussit notisque et dissertationibus doctissimis illustratum edidit *Romae* a. 1748. *Franciscus Florius*, quam praeclaram editionem nuper in *Bibliotheca sua PP.* reddidit *Gallandius*. Sequitur *Series editionum*.

S A E C. XVI.

1569.

Rasileae ex off. *Henric. Petrina. fol.* Bachiarrii epistola de recipiendis Lapsis; in *Io. Heroldi Orthodoxographis T. I. P. II. p. 485.*

1575.

Parisis apud *Mich. Somnium. fol.* Eadem in *Bibl. PP. Bigneana T. I.* et secundae editionis a. 1589. *T. III. p. 560. seqq.*

S A E C. XVII.

1618.

Coloniae Agr. fol. Bachiarrii epistola de recipiendis lapsis ad Ianuarium; in *T. V. P. I. M. Bibl. PP.*

1644 et 54.

Parisis apud tres Bibliopolas. *fol.* Eadem; in *Bibl. PP. T. III.*

1677.

Lugduni apud *Anissonios. fol.* Eadem; in *Max. Bibl. PP. T. VI. p. 1174. sq.*

1698.

1698.

Mediolani typis Ios. Pandulfi Malatestae. 4. Bachiarii antiquissimi scriptoris Apologia, seu Catholicae fidei formula; in T. II. Anecdotorum Lud. Ant. Muratorii pagg. 1—26.

Depromsit editor hocce opusculum ex antiquissimo Bibliothecae Ambrosianae Codice, ante annos minimum mille, ut ex characterum forma colligit, conscripto, qui olim celebris monasterii Bobiensis fuit, et ex eo in Ambrosianam Bibliothecam a Card. Feder. Borromaeo erat traductus. Praeter copiosas et doctas notas textui statim subiectas addidit *prolegomena de Patria, aetate, Scriptis et dignitate* Bachiarii, in quibus, discussis quae eo usque de hoc scriptore ferebantur fabulis, novam memoriae et scripto huic eius lucem accendit.

SAEC. XVIII.

1748.

Romae typis Antonii de Rubaeis. 4. Bachiarii Monachi Opuscula de fide et de reparatione lapsi, ad codices Bibliothecae Ambrosianae, nec non ad priores editiones castigavit, Dissertationibus et notis auxit FRANCISCUS FLORIUS Canonicus Theologus Sanctae Patriarchalis Ecclesiae Aquileiensis.

Primo loco est *fides*, secundum obtinet *epistola ad Ianuarium*. Textui subiectae sunt notulae criticae, vberiores animadversiones et illustrationes vero compegit omnes in duas Dissertationes, in quibus de Bachiario et scriptis eius tam superstitibus, quam perditis, item denuo eidem vindicandis non magis acute quam docte disputavit. Inscriptae sunt prima de *Haeresi Priscillianiana*, altera de *scriptis et doctrina Bachiarii*. Post eas etiam *Muratorii Prolegomena*

et

et *Notae* adiecta sunt; *index* rerum grauiorum in Bachiarrii opusculis editorumque dissertationibus et notis tractatarum volumen claudit. Emendauit autem priorem libellum ad superiores editiones, quas diligenter inspexit, et codicem Ambrosianum, ex quo illum pridem eduxerat Muratorius; neque enim alius liber ms. suppetebat; alterum ad editiones pariter et codicem Ambrosianum a Ios. Ant. Saxio Ambrosianae Bibl. Praefecto ipsi communicatum, cui, absoluto paene opere, Vaticanus accessit, ex quo pau- culas variantes seu emendationes in fine secundae dissertationis apposuit. Inscripta est praeclara et specie externa etiam nitida editio Cardinali *Ioachimo Portocarrero* Regnorum Hispaniae Protectori.

1759.

En Madrid, en la Oficina de Antonio Marin. 4. Bachiarrii opuscula ex editionum Collatione castigatiora; in HENRIQUE FLOREZ *España Sagrada Tomo XV. append. ult. pagg. 470—508.* cum variis lectionibus ex Florio decerptis. De ipso Bachiarrio et scriptis eius sermo fit pagg. 357—360.

1773.

Venetis ex typogr. Io. Bapt. Albritii. fol. Bachiarrii Monachi opuscula — ad codices bibliothecae Ambrosianae nec non ad priores editiones exacta cura et studio Franc. Florii etc. in *Andreae Gallandii Bibl. PP. T. IX. pagg. 183—198.* additis Muratorii notis pagg. 199—202. De *Bachiarrio* disseritur cap. V. *Prolegomenorum pagg. XII—XIV.* in quo praeter alia quoque animaduersiones quaedam *Petri Wesselingii* ex epistola ad H. Venemam de *Aquilae in scriptis Philonis Iudaei fragmentis Trai. ad Rhenum* a. 1748. edita producuntur.

C O D I -



CODICES. 1. Libelli *Fidei* non nisi vnicus hucusque *ms. codex* repertus est, nempe *Ambrosianus*, ex quo illam edidit *Muratorius*. Saeculi VIII. est, membranaceus et a *Montefalcone* etiam in *Biblioth. Bibliothecarum ms. p. 530.* notatur.

2. *Epistolae ad Ianuarium*. De *Grynacii* codice non constat. *Ambrosianus*, qui nuper a Saxio cum Florio communicatus fuit, est membranaceus, in 4to, notatus H. 61. Titulus rubeis apicibus descriptus titulum repraesentabat, quem dedit *Muratorius*. Magno sibi adiumento fuisse fatetur *Muratorius* in restituenda vetere lectione, de quibus omnibus in notis diligenter monuit, rarissime tacitus emendauit. *Vaticanus*, quem cum primo eius maxime visendi gratia Romae adesset nulla vel fautorum vel amicorum sollicitatione impetrare potuit, postea absoluto iam volumine per Io. *Bottarium* accepit *Florius*, saeculi IX. est notatus *num. 3834*.

42.

LEO I. EPISC. ROM.

cognomento *Magnus*, patria Romanus fuit. De s. i. Vita. anno natali eius in antiquis ecclesiae monumentis nihil traditum accepimus, nec ex iis, quae de vita eius nobis supersunt, nec ex aetate, qua decessit, certi quidquam conicere licet. Patrem habuit *Quintianum* nomine, incertae, sed procul dubio haud infimae conditionis, quippe a quo filius tam maturae indolis non vulgari ratione educari debuit; nisi mavis, eum inter Sacerdotes demum, a quibus iuuenis veteris ecclesiae more ad ecclesiae munia obeunda formatus est, et suimet ingenii felicitate id adeptum esse,

esse, quo postea tantopere excelluit et inter Pontifices Romanos *Magni* nomine meruit distingui, paratissimum scilicet ad quaevis non solum ecclesiae, sed et alia, quae nec cum fide nec cum disciplina quidquam coniunctum habebant, negotia apte et decore administranda ingenium. Certe iam mature virtutis a natura insitae et studii in officio documenta dedisse eum oportet, siquidem Acolythus adhuc sub Zosimo Papa a. 418. Carthaginem ad Pontificis de Coelestio sententiam Aurelio ceterisque Africae episcopis perferendam adhibitus fuit *). Coelestini papae temporibus diaconum egit. Sed quae de administratione rerum ecclesiasticarum ab eodem Coelestino ei concredita Quesnellus disputat, alia desiderant, quam quibus ille nititur, argumenta **). Attamen qua aestimatione Leo tunc Romae fuerit, testatur luculentissime Cassiani epistola, qua a. 431. libros de *Incarnatione* contra *Nestorium* hortatu ipsius Leonis scriptos ei obtulit. Sed et alia adsunt hoc non inferiora documenta auctoritatis et gratiae, qua non Romae solum apud Pontificem, sed in principum aula etiam valeret. Nam si Prospero credimus, Leonis maxime vigilantia et hortatu factum est, ut Sixtus Papa Iuliani Eclanensis artibus, quibus in communionem Ecclesiae

*) Constant haec testimonio *Epistolae CIV. Augustini ad Sixtum* Romanae ecclesiae tunc presbyterum, postea Coelestini in Episcopatu successorem, qui eadem occasione usus fuerat, ad Augustinum epistolas mittere. Nec alium ab hoc Leone fuisse memoratum Acolythum, ex temporum congruentia maxime fit probabile.

**) Quesnellus in vita Leonis ad a. 430—32. num. III. apud *Ballerinos T. II. p. 406.* Sed confer horum notata ad *Epistolam Leonis ad Maximum Anstiocheum CXIX. T. I. p. 1216. n. 24.*

suae irreperere moliebatur, resisteret; legatio autem, quam anno 440. iussu imperatoris ad conciliandos Actii et Albini exercitus Romani in Gallia ducum, odio toti imperio timendo dissidentium, animos suscepit, ipsa eius ad Episcopatum Romanum electione notior est reddita. Dum enim Leo adhuc in negotio isto distinebatur, Sixtus Papa diem obiit, cunctaque statim cleri ac populi Romani suffragia Diaconum Leonem episcopum nominarunt. Accitus igitur legatione honorifica atque ordinatus, nouum munus solemni gratiarum actione auspicatus est, eundemque ordinationis suae diem quotannis sermone celebravit.

Incidit quidem episcopatus eius in funesta imperii Romani in Occidente tempora. Quippe in extrema principum socordia et stupore, vndique Barbarorum cohortes aut imperii finibus ingruiebant, aut prouincias incursionibus inundabant, easque aut devastabant ac depopulabantur, aut pulsus subactisue incolis sibi ipsis sedes faciebant. Calamitatem, quam ecclesia vniuersa ex singularum prouinciarum afflictione necesse sentiebat, intueri non licebat, quin metus, ne similis Italiam ipsamque Romam fortuna maneret, suboriretur, a cuius oppressione, si duratura esset, grauissimum sedis Apostolicae dignitati, quae nunc erat damnum portendebatur. Quo accedebat Barbarorum Arianismo imbutorum in ecclesiae catholicae aedibus odium et graues passim persecutiones. Inter haec ergo suborientis tempestatis nubes animi sane robore opus erat episcopo ecclesiae gubernaculum suscipienti. Ceterum non item desperatus erat internus ecclesiae status; quin immo non carebat laetis auguriis, siquidem ex Pontificis Romani commodis aestimandus erat. Haereticorum enim qui tam crebri erant per ista saecula motus

tus non poterant sollicitare nouum episcopum auctoritatis sedis suae promouendae et exemplorum praeceptorum non penitus ignarum, utpote qui nosse debebat, quanta incrementa ex singulis fere eiusmodi disceptationibus etiam per minus doctos et parum firmati animi episcopos Romanae sedis auctoritas potestasque cepisset, quantisque amplificationibus per nuperas Orientis contentiones locus factus esset *). Quanto vero maiora Leo sperare debebat, qui praeter ceteras animi ingenique dotes eruditionis et eloquii auctoritatem ad hanc dignitatem afferebat, et in grauissimis ac subtilissimis de fide quaestionibus definiendis Graecis nedum par, sed etiam superior sibi videri poterat. Atque haec taliaue Leonem sensisse euentus comprobauit. Vtut enim sincerum erat et strenuum eius disciplinae ecclesiasticae regendae fideique antiquitus acceptae tuendae studium, quod a primordiis muneris statim et nunquam non deinceps per omne episcopatus sui tempus declarauit, et sane propria ipsi animi alacritate et firmitate plurimum adiuuabatur: non minus tamen eodem ad augendam sedis suae dignitatem et auctoritatem usus est, et in hisce conaminibus insita ingenii vis in arrogantiam et pertinaciam intolerabilem saepe et insanam degenerauit. Testis est concertatio eius cum Hilario Arelateni, plena superbiae et affectuum tanto episcopo indignorum; tametsi minime Quesnello in excusando

et

*) Quesnellus quo magis arduum describeret episcopatus Leonis initium, praeter calamitosum imperii statum etiam ecclesiam internis hostibus, haereticis scilicet passim propullulantibus, misere vexatam ac quasi discerptam fingit: recte sane, si vniuersae res aestimanda erit; non item, si ex Romani episcopi, et Leonis imprimis persona, meo iudicio.

et defendendo Hilario assentiamur. Alia eiusdem animi documenta suppeditat historia causae Euty-
chianae, et quidem talia, vt, si lubenter conceda-
mus, antecessores eius in sede Romana nonnisi pro
re nata auctoritati potestatique suae promouendae stu-
duisse, nunc primum meditato consilio omnes ceteros
episcopos suo imperio subiicere conatum esse, et vero
hoc consilium non in ipso episcopatu demum fouere
coepisse, sed ad eundem attulisse existimem. Refe-
renda mihi huc imprimis videtur illa eius sollicitudo,
qua doctrinam de dignitate potestateque Romanae se-
dis in Petro fundata et ab eo in successores transmissa
stabilire et cunctorum per Occidentem et Orientem
animis inferere studuit.

Coepit haec doctrina in Innocentio, a cuius dein-
de successoribus nunquam ea neglecta fuit, a Leone
autem ita explicata et firmata est, vt non ipsi solum,
sed omnibus deinceps Romanis episcopis pro funda-
mento machinationum euehendae et amplificandae
dominationis esset, nec vlla monstris opinionum ei-
dem fauentium inueniretur feracior. Neque solum
ea utebatur si quid auctoritate sua efficere vellet, sed
coram populo peculiari studio tum alias saepe, tum
in anniuersario ordinationis suae tractare solebat. Ac
primum quidem quae Petro prae ceteris Apostolis a
Christo concessa fuerint dona atque priuilegia adeo
extollit, atque exornat, vt iam profiteri ausus sit,
huic viro *consortium suae potentiae tribuisse diuinam
dignationem, et si quid cum eo commune ceteris vo-
luerit esse principibus, nunquam nisi per ipsum dedisse
quidquid aliis non negauerit* *). Mox dum eiusdem
Petri

*) Sermo IV. apud *Ballerin.* p. 16. n. 12. quem si ab
initio lustraueris, intelliges, verbum *principes*
non carere dolo.

Petri vices sustinere se affirmat, eo omnem operam suam confert, ut persuadeat audientibus, *Soliditatem illam quam e Petra Christo etiam ipse Petra factus acceperit, in suos quoque se transfudisse haereditas: eundemque sedi suae praeesse non desinere, ipsum salubribus consiliis aequis iudiciis praesidere, seque non tam sedi eius praesidere quam servire, adeo, ut si quid iam a Romano pontifice recte agatur et disponatur, illius operibus, illius sit gubernaculis deputandum.* Porro ex eiusdem Petri firmitate consurgere debuisse statuit sublimitatem ecclesiae, eaque de causa specialem a Domino Petri curam susceptam et pro fide Petri proprie supplicatum fuisse: *tanquam aliorum status certior esset futurus, si mens Principis victa non fuisset.* Hac mente atque hoc ingenio Leo causam Eutychis tractare coepit. Hic Archimandrita Constantinopolitanus, dum nimis strenue Nestorianismi reliquias persequeretur et quosdam Episcopos orientales iniusta haereseos suspitione premeret, in alium eidem oppositum errorem incidit, atque *duas in Christo naturas post adunationem in unam coaluisse* statuere non est veritus. Diligens erat tam Sacrarum Scripturarum quam expositionum sanctorum patrum scrutator, quique aperte fatebatur, se illas potiores habere et solas certas firmasque existimare. Sed ex eodem solitario studio et Nestorianismi metu religiosius verba curabat, nimiaque anticipum locutionum fuga potius, quam vlla alia de causa in errorem incidisse videtur *). Nec vero pertinax erat sapientiorumque et doctiorum respuebat correctiones: sed in ipsa Synodo Constantinopolitana (ἐν ὁν-

*) S. V. Griesbach in *Locis Theologicis ex Leone M. collectis Sect. III. §. 18. p. 40. 41.*

(ἐνδημύουσα), in qua primum a. 448. causa eius coram Flauiano agitata est, sententiam eius lubens amplectebatur, modo aliter sentientes execrari, ut iussus erat, verebatur et aperte renuebat. Atque hac solum de causa ipse a Synodo anathema tulit et ab officio simul et communione ecclesiae remotus est. Tum vero Eutyches acri suo contra Nestorianismum studio se pessumdatum sentiens Imperatorem adire aliorumque episcoporum, imprimis autem Alexandrinae et Romanae sedis antistitem auxilium implorare coepit. Nec frustra. Imperator enim, qui Nestorianam haeresim peste quauis capitaliorem aestimabat et suapte ingenio, et fortasse etiam amicorum quorundam (Chrysaphium Eunuchum indigitant acta huius rei), qui vel ipsi minus Flauiano fauebant, vel vere iniuriam ab eo Eutychi illatam dolebant, studiis patrocinium eius suscepit. Alexandrino autem episcopo, nisi perenne in Constantinopolitanos praesules odium fuisset, vel ob vnius Cyrilli memoriam vir huius animi praesidio suo dignus videri debebat, et vero Dioscuro nulla gratior animum in rivali explendi occasio obtingere potuisset. Tandem Leonis etiam pro causa eius deplorata non obscura iam voluntas erat. Quippe cum Eutyches dudum ei studio suo contra Nestorianos per literas olim ad eum directas commendatus, iam non ipse solum de iniuria sibi facta apud eum questus esset, sed Theodosius etiam magnum perturbationis strepitum a Flauiano excitatum scripssisset, et ut laboranti Eutychi succurreret rogasset: vehementer cum Flauiano expostulare coepit — mirari se significans, qui scandalum illud ipsi filere potuerit, nec potius procurarit, ut primitus insinuatione relationis eius instrueretur, et poscens, ut quam primum iudicii eius ratio omniaque quae gesta essent, plenissime et lucide ad noti-

tiam suam peruenirent. Mox autem cum de Euty-
 chis haeresi per Flauiani epistolam edoctus esset,
 tam detestanda ipsi eius opinionis visa est prauitas;
 tam late patens et multiplex errorum ex ea pullulan-
 tium propago, tantum periculum, quod ex ea fidei
 puriori immineret, vt exemplo quidem assensum
 suum breui epistola Flauiano declararet, simul autem
 plenior epistolam polliceretur, in qua Flavianum
 episcopum, quid de tota causa constitui deberet, in-
 structurus esset. Haec vero fuit celebris illa *ad Fla-
 uianum* epistola, qua totam de Incarnatione senten-
 tiam discussit atque definiuit, Nestoriique et Euty-
 chis erroribus proscriptis catholicam doctrinam adeo ac-
 curate tum sententiis, tum sermone declarare studuit,
 vt *quidquid in ea scriptum est ex apostolica et euangelica
 probaretur sumtum esse doctrina*. Constantinopo-
 lim mittere decreuerat per eundem, qui priores Fla-
 uiani literas apportauerat, clericum. Sed cum inter-
 ea ab Imperatore Synodus generalis Ephesum in Ka-
 lendas Augusti a. 449. indicta esset, legatis eodem
 destinatis dedit, vt in Synodo publice recitarent.
 At de Synodi istius exitu constat. Latrocinialis no-
 mine infamis est; solus imperitabat Dioscurus; pro-
 hibiti legati Romani a lectione literarum Leonis ad
 Flavianum, et postquam factionis furor omnia mis-
 cuisset, in custodiam dati, solo Hilario per fugam
 elapso. Vani erant oppressorum clamores, vana om-
 nium bonorum indignatio, vanae Leonis apud The-
 odosium et Pulcheriam, ad Clerum plebem et Archi-
 mandritas Constantipolitanos querelae. Frustra ge-
 sta eius Synodus Romana reprobauit; frustra per Valen-
 tinianum et Placidiam Pulcheriamque Augustas Con-
 cilium in partibus Occidentis a Theodosio impetrare
 nitebatur: cum subito morte Theodosii (die XXVIII.
 Iulii a. 450.) tristis rerum facies in laetiores et qui-
 dem

dem Romani pontificis auctoritati auspaticissimam conuersa est. Etenim nouus imperator Marcianus Pulcheria eius vxore adiuuante ab initio imperii sui eo omnem curam atque cogitationem conferebat, vt damnum ab Eutyche fidei illatum resarciretur studiumque suum de Concilio quam citius cogendo Leoni per epistolam declarauit *). Interim Eutyches ex vrbe egredi iussus et Synodus Constantinopoli praesentibus Romanis legatis coacta est ibique lecta dogmatica Leonis epistola ad Flauianum, cui nouus Constantinopolis episcopus Anatolius cum ceteris Episcopis, Archimandritis, Presbyteris et Diaconis subscripserunt**), eandemque omnibus qui vbique essent Metropolitibus subscribendam miserunt ***). Huc igitur rebus vergentibus, Leo, occasionem esse ratus iudicii sui auctoritatem latius proferendi, nouos spiritus sumere et, quasi ad se vnum definitio tota pertineret, arrogantia sua aliorum moderationi illudere audet. Huius fastidii plena est epistola modo laudata ad Anatolium, qua laetari se significat, quod epistolae suae ad Flauianum assensum praebuerit, seu, vt ipsius verbis vtamur, gloriatur, *quod sequacem se euangelicae eruditionis ostendat et de confirmata apud se pace Sedis apostolicae ei gratulatur*. Sed plura et luculentiora documenta per legatos suos in concilio Chalcedonensi dedit. Ac primo quidem quam enixe poterat, studuit efficere, vt tota Synodus differretur, praetexens, aptius tempus esse expectandum, quo plurimi etiam de longinquiorebus prouinciis episcopi euocari possent: sed fortasse non aliam ob causam,

Iii 3

quam

*) *Ep. LXXIII. apud Ballerin.*

**) *Vid. Ep. Leonis ad Anatolium LXXX. apud Baller.*

***) *Conc. Chalced. Act. IV.*

quam quia speraret, fore, ut sua vnus epistola, cui omnes totius vrbis episcopi nomina sua cum anathematizatione Nestorii et Eutychis errorumque eorum subsignauerant, et porro erant subsignaturi, haeresis confecta existimaretur, praesertim cum de restituendis episcopis in Synodo Ephesina iniuste a sedibus suis depulsis et Dioscuro cum asecclis a communione prohibendo iam in Constantinopolitana Synodo ex suorum quoque legatorum praeceptis *) actum esset. Accedit, quod haud difficulter intelligitur, cum veritum esse, ne Constantinopolitanus episcopus, cuius in Flauiano sedes per Dioscurum graui ignominia affecta erat, repentina Alexandrini aduersarii depressione elatus hac occasione et animorum affectione vteretur ad sedis suae praerogatiuas augendas. Nec vero vanus iste metus fuit, ut ex sequentibus patebit. Enimvero cum nec hoc, nec ut in Italia haberetur impetrare potuisset, Paschasinum Lilybetanum episcopum et Bonifacium presbyterum Nicaeam, quo primum indicta erat vndeque post Chalcedonem tractata fuit Synodus, legatos misit. Incepit Synodus Chalcedone octauo Idus Octobris, absolutaque est Kalendis Nouembribus XVI. actionibus **), in quibus nihil plane a legatis Romani episcopi omissum est, quo auctoritatem eius supra illam Synodi tollerent. Tam parum etiam ab iisdem siue episcopis praesentibus, siue magistratibus qui cum potestate aderant, reuerentiae habitum fuit, ut non semel clamarent, *sic velle, sic iubere Leonem, id esse in mandatis suis, et imitari a deo, se discessuros, ni ita fieret.* Ac in

*) Ep. L XXX. ad Anatolium.

**) Totidem scilicet in actis reperiuntur. Alias XXIII. ab aliis item XV. numerantur.

in plerisque quidem pacis studio caussarumque disceptandum urgente necessitate et erga imperatorem obsequantia ita iis Synodus obsecuta est, ut a Leonis nutu et moderamine pependisse videri possit. De ipsa autem, quae prima tanti dissidii causa fuerat, Eutychis haeresi, quemadmodum et illa Nestorii, tantum abest, ut noui aliquid congregati Patres decreuerint, ut potius in tribus, quibus quaestio haec partim legatorum Romanorum, partim aliorum episcoporum studio agitata fuit Actionibus *), eadem iterum iterumque ad Flavianum epistola, tanquam firmissimum contra istas prauitates praesidium inculcata vnaque cum Symbolo Nicaeno, Constantinopolitano et duabus Cyrilli ad Nestorium epistolis (ex Concilio Ephesino) pro vnica et perpetua fidei norma ab omnibus sit approbata. Itaque nunc primum Episcopi Romani definitio vniuersae ecclesiae fidei regulam constituit, ab eoque vniuersae quasi ecclesiae dictata est. Quo triumpho ille tamen non tanquam nouo potitus esse videri voluit, sed vultu et sermone ad gravitatem composito nihil, nisi quod ex ordine et consuetudine Romanae sedis esset, gessisse se simulauit. Sed quo laetior hic rerum successus fuit, tanto maiorem ipsi attulit aegritudinem Anatolii episcopi, quam ipse vocare solebat, ambitio, seu, ut ille praefetulit, cleri eius, citra ipsius culpam, in sedem Constantinopolitanam studium. Scilicet peractis omnibus, quae ad primariam Synodi curam pertinere visa erant, Actione XVI. a clero Constantinopolitano et Episcopis flagitari coeptum, ut in honorem sedis Constantinopolitanae Synodus aliquid statueret. Leoni id nequaquam improuisum atque inexpectatum fuit. Dederat enim legatis suis in mandatis: *ut si qui*

*) In II. IV. et V.

forte episcopi ciuitatum suarum splendore confisi tentaturi essent sibi usurpare: id qua dignum esset constantia retunderent. Quapropter summa illi animi contentione hisce nonationibus obnituntur, nec tamen impedire potuerunt, quo minus decerneretur, vt Constantinopolitanus tanquam nouae Romae episcopus primo post Romanum honore frueretur et ius potestatemque in Thraciae, Ponti et Asiae dioeceses earumque Metropolitanos haberet, et Barbarorum episcopos ordinaret. Exierant de Synodo legati Romani cum de Canonibus hac in re condendis agi coepisset, sed ubi nihilo fecius conditos acceperant, postridie redierunt, ac grauiter et subdole de actis sese absentibus conquesti, tandem, vt mandato suo ex parte saltem satis facerent, solemniter iis contradixerunt, aliaque a humanitate ac sobrietate aliena egerunt, de quibus in Epistola ad Leonem moderate dolet Anatolius *). At multo impotentior animi Leo fuit. Spreta Imperatorum humanissima voluntatis significatione, spretis Episcoporum Orientalium precibus, continuo ille saeuire in Anatolium, obiurgare eum, quod legatis suis parere detrectauerit, ambitum prauum et cupiditatem vniuersae ecclesiae perniciosam obicere, nihil probi, nihil fidi in eo existimare, quique ordinationis eius initia culpae et iam communionis priuationem minari. Ac tamdiu ipsi aliqua in Pulcheria et facillimi animi imperatore Marciano spes supererat, nihil artis ac verborum intentatum reliquit, quo eos sibi conciliaret et impelleret, vt Anatolio assensum cohiberent et canones sibi iniussi rescinderentur. Non solum enim Nicaenae Synodi decreta istis violari contendebat, sed et Alexandrinae et Antiochenae sedis praerogatiuis offici et multorum

Metro-

*) Ep. Cl. apud Baller. p. 1134.

Metropolitanorum iura imminui querebatur, maioraque ecclesiae ex importuno episcopi huius honorum appetitu mala praefagebat *). Interin ad literas Episcoporum ex Synodo Chalcedonenſi ad eum directas, quibus quaecunque acta fuerant significauerant, nihil reſcripſit; unde apud nonnullos decreta illius in ſuſpicionem adducta ſunt, et de orthodoxia eorum, utpote quibus episcopus Romanus refragaretur, ambigi coepit. Sed ubi irrita hac ex parte ſua ſtudia vidit et Imperatores potius vrgerent, ne ultro decreta Chalcedonenſia confirmare diſſerret; in tantum illorum auctoritati ceſſit, ut ipſum obſequii ſui non poeniteret eoque omnia, quae fidei negotium concernerent, aſſenſu ſuo confirmavit, illos autem de

Iii 5 honore

*) Singulare Balleriniſiorum acumen eſt, contendendum, non id circo a legatis Romanis Canoni XXVIII. contradicendum eundemque a Leone improbatum eſſe, quod proximus Conſtantinopolitano episcopo poſt Romanum honor (τα ισα πρεσβεια της τιμης μετα τον Ρωμης επισκοπον) decretus, aut illi ius in tres novas Ponti, Aſiae, et Thraciae dioceſes datum eſſet: quippe quo utroque nihil neque dignitatis, neque iuriſdictionis primatui Romani pontificis derogatum ſit: ſed ſolummodo propterea, quod privilegia Romanae eccleſiae a patribus *propter Imperium conſeſſa* dixiſſet atque episcopo CP. *ob nouae Romae dignitatem* paria conferre praefumiſſet; cum tamen ſedes Romana non a patribus nec ob Imperii dignitatem vrbi annexam, ſed ab ipſo Deo per Petrum Apoſtolum primatum ſuum acceperit, adeoque ſedes Conſtantinopolitana neque inſtitutione diuina neque iuriſdictione cum ea comparari potuerit. Vid. *Notae ad Diſſ. Quesn. de Vita Leonis T. II. p. 514. 15.* Sed huius offenſionis, quae facile quidem tolli potuiſſet, ne verbo quidem mentio ab iracundo Leone iniecta eſt.

honore sedis Constantinopolitanae canones penitus reprobavit. Quid! quod ab omni cum Anatolio literarum commercio abstinuit, ac nouo prorsus exemplo tanquam minus fidei catholicae intento custodem ex suis addidit et gestorum eius speculatorem Iulianum episcopum Coënssem *). Et licet postea in-

stante

*) Vulgaris ea est opinio, in hoc Iuliani Coënsis officio primum Apocrisarii Apostolici in aula Principum exemplum extitisse. Sed qui vbiq; summa cum religione honori sedis Romanae student Balerinii monuerunt, Leonem dum Iuliano vicem suam in Imperatoris comitatu committeret, non eo consilio commississe, vt Alexandrini Episcopi aut aliorum orientalium insigniorum exemplum sequeretur: *sed hac solum de causa, vt is fidei integritati apostolico zelo prospiciens caueret, ne quid a Nestorianis. vel Eutychianis catholica fides detrimenti caperet; et vt in hanc rem, ubi opus esset, Imperatoris patrocinium et opem posceret.* Neque enim tunc Romanam urbem, aequae ac Orientales, Imperatori Orientis subiectam fuisse obseruant, vt pro variis causis ac negotiis agendis aliquo ministro indigeret; totamque Responsalium et Apocrisariorum Romanae ecclesiae institutionem sub Iustiniano demum, qui non minus Italiae quam Orienti imperabat, incepisse. Ad hoc autem Leonem commotum fuisse, quia in Anatolio non eum vigorem catholicum, quem circumstantiae postulerent, perspexisset. Atque haec sane tum historiae tum Leonis dictis consona sunt. Ad Marcianum enim scripsit (*Ep. CXI.*): *Illud quoque Clementiae vestrae beneuolentiam peto, vt veneratorem vestrum fratrem meum Iulianum episcopum, in vestro, sicut facere dignamini, habeatis affectu: cuius obsequiis praesentiae meae vobis imago reddatur. Nam et de fidei eius sinceritate confidens, vicem ipsi meam contra temporis nostri haereticos delegavi: atque propter Ecclesiarum pacisque custodiam, vt a comitatu vestro non abesset, exegi: Cuius suggestiones, pro*

concor.

stante Marciano, et Anatolio quoque flagitante, in gratiam cum eo redire se simularet, ipsa tamen eius pacis declaratio adeo in opprobrium et iniuriam Constantinopolitani episcopi spectabat, adeo captiosa erat et anceps, ut mirum non sit, ab hoc inde tempore ecclesiae Orientalis episcopum primarium a Romana sede fuisse alienatum. Post partam de Eutychae victoriam suaeque formulae triumphum non alia re gesta clarius extitit Leo, quam legatione ad Attilam eodem anno, quo Chalcedonense concilium peractum

concordia catholicae unitatis, tanquam meas audire dignemini, placentes Deo qui vobis praeter regiam Coronam etiam sacerdotalem conferat palmam. Iuliano autem mandat: (Ep. CXIII.) studeat dilectio tua, frater carissime, piam et necessariam curam sollicitudini apostolicae sedis impendere, quae tibi apud se nutrito catholicam contra Nestorianos et Eutychianos haereticos actionem materno iure commendat, ut diuino fultus auxilio, speculari de Constantinopolitanae urbis opportunitate non desinas; ne praedictorum dogmatum impius usquam turbo consurgat. Et quia tanta est gloriosorum Principum fides, ut confidenter eis possis quae sunt insinuanda suggerere, pietate ipsorum ad utilitatem Ecclesiae vniuersalis utaris. Consulente autem dilectione tua de his, in quibus putaueris ambigendum, non deerit relationibus tuis meae responsionis instructio: ut sequestrata eorum actione causarum, quae in quibusque Ecclesiis praesulum suorum debent cognitione firmari, hanc specialem curam vice mea functus assumes, ne haeresis vel Nestoriana vel Eutychiana in aliqua parte reuirescat: quia in Episcopo Constantinopolitano catholicus vigor non est, nec multum aut pro sacramento salutis humanae, aut pro sua aestimatione sollicitus: cum siquid illi inesset spiritualis industriae, ita et a quibus ordinatus sit et cui viro successerit, cogitare deberet, ut magis beatum Flavianum, quam sui honoris sequeretur auctores.

ctum est, suscepta. Nimirum Attila, redintegratis post acceptam in campis Catalaunicis cladem viribus, per Pannonias Italiam inuaserat, summa Imperatoris et Aetii ducis socordia ne leuissimo quidem praesidio munitam. Quin tanta vtriusque ignauia fuit, ut ipsi ex omni potius Italia discedere mallerent, quam ad defendendam aliquid moliri. Patuere igitur nobilissimae prouinciae omni hostilis rapacitatis ac libidinis furori, et primo velut impetu regiae ciuitates, Aquileia, Ticinum, et Mediolanum captae ac direptae sunt, iamque Hunnus inopinato rerum successu superbus Romam properabat. Tum in extrema omnium trepidatione nullum salubrius principi senatui ac populo Romano consilium visum est, quam ut per Legatos pax a truculentissimo rege expeteretur. Concreditum fuit paciscendi negotium Leoni, additis duobus viris consularis et praefectoriae dignitatis, Auieno et Trigetio. Sed de partibus horum, sicut et de conditionibus, quas offerre debebant, silet historia, vnius paene Leonis memoriae celebrandae hac in re curiosa. Quid egerint et quomodo pariter ignoramus; sed solus effecisse dicitur, ut a hostili animo Attila abstineret et subito discessum pararet. *Tota legatione dignanter accepta, ita summi Sacerdotis praesentia rex gauisus est, ut bello abstineret, et ultra Danubium discederet*, Prosper narrat, innuens quasi, ab oris atque corporis Leonis angustiori specie id profectum esse, quod Attilae animum frangeret. Alii eloquentiae eius hanc vim asserere maluerunt; et licet haud difficulter animaduerti possit, ad Hunni animum mouendum fortiores existere debuisse causas, nec desint etiam in historia expeditionis eius, quae sat probabiles dici queant *): fuere tamen, quibus

*) Vid. Ill. Heyne d. de Leone M. Attilae et Genferico
sup.

quibus tota res a miraculo non aliena videretur, iidemque commentis suis effecerunt, ut et apud eos, quibus tum ob longinquitatem, tum ob aciem hebetiorem virtutes eius occulerentur, nomen illustre esset. E contrario alia eius ad Gensericum Vandalum excursio, multo licet utilior, parum inclaruit. Nam cum a. 455. Valentiniano imperatore peremto Maximus imperium Occidentis inuasisset, Eudoxiamque uxorem eius parricidii nesciam matrimonio sibi iunxisset, illa mox sceleris Maximi in marito perpetrati certior facta necem vlcisci statuit atque irae nimio studio totam urbem excidio deuouit, Genserico Vandalorum rege ex Africa arcessito. Illico enim Vandalus ingenti cum exercitu in Italiam traiecit urbemque ab omni praesidio vacuum aggressus occupauit iamque totus ad caedes atque incendia se dedisset, nisi Leo extra portas ei obuiam factus supplicatione sua impetrasset, ut direptione contentus a caede atque incendio abstineret. Certe hoc quidquid fuit miserae opis, totum Leonis erat. Neque enim hic Attila erat superstitionis terriculamentis vexatus inter eundum et redeundum fluctuans, aut attritis lue atque inopia copiis hostilem occursum metuens; sed hostis euacua iam in potestate tenens, cui praeter insitam ferociam ipsa religio irae stimulos adderet, cuiusque faeuitiam adeo nulla nisi orationis vis frangere aut flectere potuit. Postremam ipsi sollicitudinem attulerunt turbae in Alexandrina Ecclesia a Timotheo Aeluro a. 457. excitatae, per quas Concilii Chalcedonensis auctoritas haud leue in discrimen adduci videbatur. Res omnis sub nouo imperatore Orientis Leone et per Constantinopolitanum episcopum transacta, episcopi autem Romani studiis et prudentia plurimum adiuta

inta est, qui postquam denuo causae suae victoriam et expulso Timotheo Aeluro alium Timotheum (Solphaciolum) rite sedem Alexandrinam occupare viderat, non diu inter mortales versatus, ultimum curae suae pro ecclesia monumentum, literas ad novum episcopum, eiusque ordinatores et clericos Alexandrinos gratulatorias reliquit, nec integro anno post, die X. Nouembris 461. ad superos migravit.

§.2. Scripta. *Scripta Leonis M. Sermonibus et Epistolis constant. Vtrumque genus iuxta Balleriniorum editionem enumerabimus, addito Quesnelli et anteriorum editionum ordine.*

I. SERMONES.

I—V. *De Natali ipsius*, habiti in die ordinationis suae et anniuersario eiusdem. Apud *Quesn.* I—IV. nam primus a Balleriniis in duos est diuisus, quorum prior capite 1. posterior capitibus 2 et 3. constat.

VI—XI. *De Collectis* apud *Quesn.* V—X.

XII—XX. *De ieiunio decimi mensis* apud *Quesn.* XI—XIX.

XXI—XXX. *De Natiuitate Domini* apud *Quesn.* XX—XXXVII.

XXXI—XXXVIII. *In Epiphania Domini* apud *Quesn.* XXX—XXXVII.

XXXIX—L. *De Quadragesima* apud *Quesn.* XXXVIII—XLIX.

LI. Homilia habita ante secundam Dominicam Quadragesimae de Euangelio secundum Mathaeum: *In illo temporis assumptus Iesus Petrum etc.* Apud *Quesn.* XCIV. inscr. *de Transfiguratione Domini.*

LII—LXX. *De Passione Domini* apud *Quesn.* L—LXVIII.

LXXI—

- LXXI—LXXII. *De Resurrectione Domini* apud
Quesn. LXIX—LXX.
 LXXIII—LXXIV. *De Ascensione Domini* apud
Quesn. LXXI—II.
 LXXV—LXXVII. *De Pentecoste* apud *Quesn.*
LXXIII—V.
 LXXVIII—LXXXI. *De ieiunio Pentecostes* apud
Quesn. LXXVI—IX.
 LXXXII. *In Natali Apostolorum Petri et Pauli*
 apud *Quesn. LXXX.*
 LXXXIII. *In Natali S. Petri Apostoli.* In Appen-
 dice *Quesn. sermo IV.*
 LXXXIV. *In Octauis Apostolorum Petri et Pauli*
 apud *Quesn. LXXXI.*
 LXXXV. *In Natali S. Laurentii Martyris* apud
Quesn. LXXXIII.
 LXXXVI—XCIV. *De ieiunio septimi mensis* apud
Quesn. LXXXIV—XCII.
 XCV. *De gradibus ascensionis ad beatitudinem* apud
Quesn. XCV.
 XCVI. *Tractatus contra haeresim Eutychis* apud
Quesn. XCIII.

Ab his segregati sunt et in *Appendicem* reiecti
 tanquam falso Leoni tributi.

- I. *Tractatus aduersus Errores Eutychetis et alio-
 rum haereticorum*, in appendice *Quesnellia-
 na V.*
 II. *In Natiuitate Domini* in eadem *Appendice II.*
 III. IV. *De Quadragesima.*
 V. VI. *De Passione Domini.*
 VII. *In Dominica Palmarum.*
 VIII—X. *De Resurrectione Domini.*
 XI. *In Ascensione Domini* in eadem *Append. III.*
 XII. *De Sanctissima Trinitate.*

XIII.

XIII. *In Natali S. Vincentii Martyris in eadem Append. I.*

XIV. *In Cathedra S. Petri* a Quesnello primum editus inter genuinos num. XCVI. sed ipsius postea iudicio remotus. Suppletus est a Baleriniis ex Vatt. codd.

XV. *In Annuntiatione B. Virginis Mariae.*

XVI. *In Natali SS. Apostolorum Petri et Pauli.*

XVII. *In Natali B. Pauli Apostoli.*

XVIII. *De S. Petro, quomodo de carcere educus est.*

XIX. *In Natali SS. septem Fratrum Macchabaeorum*, nunc primum in Appendice collocatus et S. Augustino restitutus. Apud Quesn. Sermo LXXXII.

XX. *De Transfiguratione Domini.*

II. EPISTOLAE *).

I. *Ad Aquileiensem Episcopum* (Q. 6. A. 86.).

II. *Ad Septimum Altini Ep.* (Q. 7. A. 85.) **).

IV. *Ad episcopos per Campaniam, Picenum et Tusciam prouincias constitutos.* (Q. 3. A. 1.).

V. *Ad Metropolitanos per Illyricum* (Q. 5.).

VI. *Ad Anastasium Thessalonicensem.* (Q. 4.).

VII. *Ad uniuersos per Italiam episcopos* (Q. 8. A. 2.) ***).

IX. *Ad Dioscurum Alexandrinum Episcopum* (Q. 11. A. 81.).

X. *Ad*

*) In numeris per parenthesim epistolarum titulis adscriptis littera Q. significat ordinem Quesnellianum, A. ordinem editionum anteriorum.

**) III. est Paschasini Lilyb. Ep. ad Leonem (Q. post. Ep. 2. A. post. Ep. 63.).

***) VIII. Nouella Valentiniani Augusti contra Manicheos. (Q. post. Ep. 8.).

X. *Ad Viennensis provinciae episcopos* (Q. 10. A. 89.) *). XII. *Ad Episcopos Mauritaniae Caesareae* (Q. 1. A. 87.). XIII. *Ad Metropolitanos Illyrici* (Q. 13.). XIV. *Ad Anastasium Thessalonicensem* (Q. 13. A. 84.). XV. *Ad Turribium Asturicensem de Priscillianistis* (Q. 15. A. 93.). XVI. *Ad Episcopos Siciliae* (Q. 16. A. 4.). XVII. *Ad eosdem Siculos* (Q. 17. A. 104.). XVIII. *Ad Ianuarium Aquileiensem* (Q. 14. A. 13.). XIX. *Ad Dorum Beneventanum* (Q. 18. A. 5.). XX. *Ad Eutychem CP. Abbatem* (Q. 19. A. 6.) **). XXIII. *Ad Flavianum CP.* (Q. 20. A. 8.). XXIV. *Ad Theodosium Aug.* (Q. 21. A. 7.) ***). XXVII. *Ad Flavianum CP.* (Q. 22.). XXVIII. *Ad eundem* (Q. 24. A. 10.). XXIX. *Ad Theodosium Aug.* (Q. 26. A. 12.). XXX. *Ad Pulcheriam Augustam* (Q. 30. A. 18.). XXXI. *Ad eandem Pulcheriam* (Q. 27. A. 13.). XXXII. *Ad Faustum, Martinum et alios Archimandritas CP.* (Q. 28. A. 14.). XXXIII. *Ad Synodum Ephesinam* (Q. 29. A. 15.). XXXIII. *Ad Iulianum Coënssem Episcopum* (Q. 31. A. 19.). XXXV. *Ad eundem* (Q. 25. A. 11.). XXXVI. *Ad Flavianum CP.* (Q. 32. A. 16.). XXXVII. *Ad Theodosium Aug.* (Q. 33. A. 17.). XXXVIII. *Ad Flavianum CP.* (Q. 34. A. 20.). XXXIX. *Ad eundem* (Q. 35. A. 21.). XL. *Ad Episcopos Arelatensis*

*) XI. *Nouella Valentiniani Aug. aduersus S. Hilarium* (Q. post Ep. 10.).

**) XXI. *Eutychis ad S. Leonem epistola*, a Balleriniis primum inserta. XXII. *Flauiani Ep. CP. ad S. Leonem* (Q. post Ep. 33. A. post Ep. 8.).

***) XXV. *Petri Chrysologi Ep. Rauennatis ad Eutychem* (Q. post Ep. 23.). XXVI. *Flauiani Ep. CP. ad Leonem* (Q. post Ep. 21. A. post Ep. 6.).

sis provinciae (Q. 36. A. 106.). XLI. *Ad Rauennium Arelatensem* (Q. 37. A. 90.). XLII. *Ad eundem* (Q. 38. A. 107.). XLIII. *Ad Theodosium Aug.* (Q. 39. A. 24.). XLIV. *Ad eundem* (Q. 40. A. 25.). XLV. *Ad Pulcheriam Augustam* (Q. 41. A. 26.) *). XLVII. *Ad Anastasium Thessalonicensem* (Q. 43. A. 29.). XLVIII. *Ad Iulianum Coënsen* (Q. 44. A. 30.). XLIX. *Ad Flavianum CP.* (Q. 42. A. 27.). L. *Ad Clerum et plebem CP.* (Q. 45. A. 23.). LI. *Ad Faustum et ceteros Archimandritas CP.* (Q. 47. A. 28.) **). LIV. *Ad Theodosium Aug.* (Q. 23. A. 9.) ***). LIX. *Ad Clerum et plebem Constantinopolitanam* (Q. 46. A. 23.). LX. *Ad Pulcheriam Augustam* (Q. 48. A. 31.). LXI. *Ad Martinum et Faustum presbyteros* (Q. 49. A. 32.) †). LXVI. *Ad Gallicanos Episcopos sedi Arelatensi fauentes responsio* (Q. 50. A. 109.). LXVII. *Ad*

*) XLVI. *Hilarii Diaconi postea Pontificis Epistola ad Pulcheriam* (Q. post Ep. 47.).

**) LII. *Theodoreti Episc. Cyri ad Leonem epistola* (Q. post Ep. 47.). LIII. *Anatolii Ep. CP. fragmentum epistolae ad Leonem de ordinatione sua* (Q. post Ep. 57.).

***) LV. *Valentiniani Aug. ad Theodosium Aug.* (Q. post Ep. 47.). LVI. *Placidiae Augustae ad eundem Theodosium* (Q. ib.). LVII. *Eudoxiae Aug. ad eundem Theodosium* (Q. ib.). LVIII. *Placidiae Aug. ad Pulcheriam Augustam* (Q. ib.).

†) LXII. *Theodosii Aug. ad Valentinianum Aug.* LXIII. *Ei. ad Placidiam Augustam.* LXIII. *Ei. ad Eudoxiam Augustam* (Q. post Ep. 47.). LXV. *Episcoporum Arelatensi sedi fauentium ad S. Leonem Papam libellus seu preces* (Q. post Ep. 49. A. 108.).

Ad Rauennium Arelatensem (Q. 57. A. 110.) *).
 LXIX. *Ad Theodosium Augustum* (Q. 52. A. 33.).
 LXX. *Ad Pulcheriam Augustam* (Q. 54. A. 35.).
 LXXI. *Ad Archimandritas CP.* (Q. 53. A. 34.).
 LXXII. *Ad Faustum presbyterum* (Q. 57. A. 98.) **).
 LXXIV. *Ad Martinum presbyterum* (Q. 55. A. 36.).
 LXXV. *Ad Martinum et Faustum presbyteros* (Q. 56.) ***).
 LXXVIII. *Ad Marcianum Augustum* (Q. 58. A. 38.).
 LXXIX. *Ad Pulcheriam Augustam* Q. 59. A. 39.).
 LXXX. *Ad Anatolium CP.* (Q. 60. A. 40.).
 LXXXI. *Ad Iulianum Coënsen* (Q. 61. A. 41.).
 LXXXII. *Ad Marcianum Augustum* (Q. 62. A. 42.).
 LXXXIII. *Ad eundem* (Q. 63. A. 44.).
 LXXXIV. *Ad Pulcheriam Augustam* (Q. 64. A. 45.).
 LXXXV. *Ad Anatolium CP.* (Q. 67. A. 48.).
 LXXXVIII. *Ad Paschasinum Lilybetanum* (Q. 68.).
 LXXXIX. *Ad Marcianum Aug.* (Q. 69. A. 49.).
 XC. *Ad eundem* (Q. 73. A. 43.).
 XCI. *Ad Anatolium CP.* (Q. 70.).
 XCII. *Ad Iulianum Coënsen* (Q. 71.).
 XCIII. *Ad Synodum Nicaenam, postea Calchedonem translata* (Q. 72. A. 47.).
 XCIV. *Ad Marcianum Aug.* (Q. 74. A. 50.).
 XCV. *Ad Pulcheriam Augustam* (Q. 75. A. 51.).
 XCVI. *Ad Rauennium Arelatensem* (Q. 76. A. 111.) †).
 Kkk 2 CII.

*) LXVIII. *Cerettii, Salonii et Verani Gallicanorum Episcoporum ad S. Leonem epistola* (Q. post Ep. 76. A. post Ep. 98.).

**) LXXIII. *Marciani ad S. Leonem* (Q. post Ep. 57.).

**) LXXVI. *Marciani Aug. ad S. Leonem* (Q. post Ep. 61.).
 LXXVII. *Pulcheriae Augustae ad S. Leonem* (Q. post Ep. 58.).

†) XCVII. *Epistola Eusebii et Synodi Mediolanensis ad Leonem* (Q. post Ep. 77. A. post Ep. 52.).
 XCVIII. *Synodi Calchedonensis relatio ad S. Leonem*
 Grae.

CII. *Ad Rauennium Arelatensem aliosque Episcopos Gallicanos* (Q. 77. A. 52.). CIII. *Ad Rusticum aliosque episcopos Galliarum* (Q. 82. A. 94.). CIV. *Ad Marcianum Aug.* (Q. 78. A. 54.). CV. *Ad Pulcheriam Augustam* (Q. 79. A. 55.). CVI. *Ad Anatolium CP.* (Q. 80. A. 53.). CVII. *Ad Iulianum Coënssem* (Q. 81. A. 105.). CVIII. *Ad Theodorum Foroiuliensem* (Q. 83. A. 91.). CIX. *Ad Iulianum Coënssem antea inedita **. CXI. *Ad Marcianum Aug.* (Q. 84. A. 57.). CXII. *Ad Pulcheriam Augustam* (Q. 85. A. 58.). CXIII. *Ad Iulianum Coënssem* (Q. 86. A. 56.). CXVI. *Ad Episcopos, qui in Synodo Calchedonenfi fuerant congregati.* CXVII. *Ad Iulianum Coënssem* (Q. 88.). CXVIII. *Ad eundem* (Q. 91. A. 84.). CXIX. *Ad Maximum Antiochenum* (Q. 92. A. 62.). CXX. *Ad Theodoretum Cyri Episcopum* (Q. 93. A. 63.). CXXI. *Ad Marcianum Augustum* (Q. 94. A. 64.). CXXII. *Ad Iulianum Coënssem* (Q. 95. A. 65.). CXXIII. *Ad Eudociam Augustam* (Q. 96. A. 66.). CXXIV. *Ad Monachos Palaestinos* (Q. 97. A. 83.). CXXV. *Ad Iulianum Coënssem* (Q. 98. A. 67.). CXXVI. *Ad Marcianum August.* (Q. 99.). CXXVII. *Ad Iulianum Coënssem* (Q. 100. A. 68.). CXXVIII. *Ad Marcianum Aug.* (Q. 101.). CXXIX. *Ad Pro-
terium*

Graeca, cum Versione Rustici item Alia versio antiquior cum subscriptionibus (Q. post Ep. 77.). XCIX. *Rauennii Arelatensis et aliorum 43. Episcoporum Galliarum ad S. Leonem* (Q. post Ep. 76. A. post Ep. 57.). C. *Marciani Aug. ad S. Leonem.* Eadem epistola graece cum noua versione (Q. post Ep. 77.). CI. *Anatolii CP. ad S. Leonem antea inedita.*

*) CX. *Marciani Aug. ad S. Leonem* (Q. post Ep. 88.).

terium Alexandrinum (Q. 103.). CXXX. *Ad Marcianum Augustum* (Q. 104. A. 69. CXXXI. *Ad Iulianum Coënsē* (Q. 102.)*). CXXXIV. *Ad Marcianum Aug.* (Q. 105. A. 70.). CXXXV. *Ad Anatolium CP.* (Q. 106. A. 71.). CXXXVI. *Ad Marcianum Augustum* (Q. 107.). CXXXVII. *Ad eundem* (Q. 108.). CXXXVIII. *Ad Episcopos Galliciarum et Hispaniarum* (Q. 109. A. 95.). CXXXIX. *Ad Iuvenalem Hierosolymitanum* (Q. 110. A. 72.). CXL. *Ad Iulianum Coënsē* (Q. 111.). CXLI. *Ad eundem* (Q. 113.). CXLII. *Ad Marcianum Aug.* (Q. 112.). CXLIII. *Ad Anatolium CP.* (Q. 114.). CXLIV. *Ad Iulianum Coënsē* antea inedita. CXLV. *Ad Leonem Aug.* (Q. 115. A. 73.). CXLVI. *Ad Anatolium CP.* (Q. 116.). CXLVII. *Ad Iulianum Coënsē* (Q. 117.). CXLVIII. *Ad Leonem Aug.* (Q. 122. A. 74.). CXLIX. *Ad Basilium Antiochenum* (Q. 118.). CL. *Ad Euxitheim Thessalonicensem, Iuvenalem Hierosolymitanum, Petrum Corinthium et Lucam Dyrrachenum* (Q. 119.). CLI. *Ad Anatolium CP.* antea inedita. CLII. *Ad Iulianum Coënsē* (Q. 120.). CLIII. *Ad Aëtium presbyterum* (Q. 21.). CLIV. *Ad Aegyptios Episcopos apud Constantinopolim constitutos* (Q. 123.). CLV. *Ad Anatolium CP.* (Q. 124. A. 76.). CLVI. *Ad Leonem Aug.* (Q. 125. A. 75.). CLVII. *Ad Anatolium CP.* (Q. 126.). CLVIII. *Ad episcopos catholicos ex Aegypto constitutos apud Constantinopolim* (Q. 127.). CLIX. *Ad Nicetam Aquileiensem* (Q. 129. A. 79.). CLX. *Ad episcopos Aegyptios apud Constantinopolim constitutos* (Q. 130.). CLXI. *Ad presbyteros, diaconos et clericos ecclesiae Constanti-*

Kkk 3

*) CXXXII. *Anatolii CP. ad S. Leonem* (Q. post Ep. 105.). CXXXIII. *Proterii Alexandrini ad S. Leonem* (Q. post Ep. 103.).

stantinopolitanae (Q. 131.). CLXII. *Ad Leonem Aug.* (Q. 133.). CLXIII. *Ad Anatolium CP.* (Q. 128. A. 77.). CLXIV. *Ad Leonem Aug.* (Q. 133.). CLXV. *Ad eundem* (Q. 134. A. 97.). CLXVI. *Ad Neonem Rauennatem* (Q. 135. A. 37.). CLXVII. *Ad Rusticum Narbonensem* (Q. 2. A. 92.). CLXVIII. *Ad Episcopos per Campaniam, Samnium et Tusciam constitutos.* (Q. 136. A. 80.). CLXIX. *Ad Leonem Aug.* (Q. 137. A. 99.). CLXX. *Ad Gennadium CP.* (Q. 138. A. 100.). CLXXI. *Ad Timotheum Alexandrinum* (Q. 139. A. 101.). CLXXII. *Ad presbyteros et diaconos Alexandrinos* (Q. 140. A. 102.). CLXXIII. *Ad Theophilum et alios Episcopos Aegyptios* (Q. 141. A. 103.).

De *deperditis* tam *Sermonibus* quam *Epistolis* Leonis adeundi vtique sunt *Ballerinii*. Nouo exemplo *libros IV. de vocatione omnium gentium*, item *Epistolam ad Demetriadem*, et *Auctoritates praeteritorum Apostolicae sedis Episcoporum de gratia*, quae etiam *Prospero*, vt alios taceam, tribui solent, ad eum referre ausus est *Quesnellus*; sed paucos in hac sententia sibi adstipulantes inuenit. De *Antelmii* opinione vide quae ad *Prosperum* traduntur.

9. 3. Editiones.

Inter celeberrimi nominis Pontifices Romanos nullus est, cuius scripta, quamuis clara, tanta celebritate gauisa sint, tantaque ab omni inde aeno veneratione et studio fuerint excepta, quam Leonis. Id non solum testatur multitudo impressorum exemplarium, quae per tria abhinc saecula per varias regiones prouenerunt, sed multo magis declarat immanis mss. librorum copia ac varietas, per quos ab initio tot illius Sermones et Epistolae ad nos deductae sunt. Ac horum quidem mss. accurata exploratione et distinctione tantum iam per nouissimos editores effectum

effectum est, ut historia operum Leonis ab ipso pae-
ne auctore abs intercapedine repeti possit. Cumque
haec antiquior scriptorum historia tanto maioris mo-
menti, immo apprime necessaria sit ad impressorum
rationes perspicendas editorumque merita ponderan-
da, in eo scilicet auctore, qui splendorem suum non
tam ingenio quam subsidiis eorum, qui in eo per-
poliando occupantur, expectat: nos equidem luben-
ter de manuscriptorum Sermorum ac Epistolarum
Leonis vicissitudinibus, in quantum ad editionum no-
titiam collustrandam facerent, ex Balleriniis delibata
hoc loco inseruissimus, si quam illi diuturno labo-
re et indefesso studio pararunt doctrinam tam facili
negotio et paucis verbis sine totius dispendio com-
plecti licuisset, neque consultius videretur, vniuersa
illorum hac in re obseruata summam et stilo quan-
tum licet contractiori huic de Leonis scriptis et edi-
tionibus commentario appendere: id quod aptius ta-
men in sequentibus fiet, ubi de codicibus ab editori-
bus praecipuis consultis sermo institui debet. Able-
gatis itaque eodem qui instrui cupiunt lectoribus, ad
Operum Pontificis huius, ex quo typis mandari coe-
perunt, fortunam more nostro enarrandam progre-
diamur.

Prima itaque edendorum scriptorum Leonis au-
spicia dedit *Ioannes Andreas* Episcopus *Aleriensis* in
Sermonibus Romae per Conr. Sweynheim et Ant. Pan-
nartz a. 1470. impressis, quos eodem aut sequenti
anno ibidem, sed sine loci atque anni mentione recu-
dit *Vlricus Han*, paulo post *Veneti* typographi 1482.
1485 et 1505. et *Ioannes Parvus Parisiis* 1515.
aliique, qui latere, quam nomen profiteri maluerunt,
quamquam ex innominatis editionibus illae, quas in
sequenti indice a. 1475. et numero II. praenotaui-
mus, paulisper ab archetypo *Aleriensis* recedant, vna au-

tem num. III. (IV.) insignita plane diuersa esse videatur. Per idem tempus varii Leonis sermones in diuersis *Homiliarii Doctorum* editionibus euulgari consueuerunt. Sed *Epistolas* primus *Iacobus Merlinus* Doctor Theologiae Parisiensis protulit in *Collectione Conciliorum et Epistolarum Pontificiarum Parisiis* a. 1524. repetita ibidem a. 1530 et 1535. Quem mox secutus est *Sichardus* edita alia *quinquaginta Epistolarum* collectione ad calcem *Clementis Romani* a. 1536., recusa *Parisiis* 1568. Iam vero *Petrus Crabbeus* Mechliniensis de ordinandis epistolis sollicitus fuit, *Epistolasque* a Merlino editas ad *Consulium ac mensum debitum ordinem constitutas* inseruit *Collectioni Conciliorum Coloniae* a. 1538. paratae et recusae a. 1551. *Petrus* autem *Canisius* Nouiomagensis, Clericus tunc Colonienfis Dioecesis, qui postea Societati Iesu nomen dedit, primum in coniungendo utroque scriptorum genere experimentum cepit, *Epistolasque et Sermones* duobus Tomis *Coloniae* a. 1546 et 47. imprimi curauit. Hunc exceperunt *Laurentius Surius* Vitarum Sanctorum editione post celebrior, qui eadem *Leonis Opera* ad mss. exemplaria correctâ et castigata edidit *Coloniae* a. 1561. iterumque a. 1569. nec non *Epistolas Leonis Concilii* a se editis inseruit, sicuti *Sermones aliquot* cum *Homiliario Doctorum* a se aucto denuo repraesentauit; quibuscum pari gressu incedit *Canonicorum Reg. S. Martinii Louaniensis* editio e mss. itidem codicibus emendata, *Louanii* a. 1575—77. et iterum *Antwerpiae* 1583. Interea *Epistolae Leonis* aliquod incrementum ceperunt ex *Collectione Epistolarum decretalium* Card. *Antonii Carafae*, quae *Romae* a. 1591. curante *Antonio de Aquino* magna cum pompa prodiit, nec non *Caesaris Baronii Annalibus* a. 1566., et *Gerardi Vossii*, *Tungrensis* praepositi,

Miscellaneis Patrum, Operibus Gregorii Thaumaturgi *Moguntiae* a. 1604. adiectis: quae omnia fere complectitur ordine iusto disposita *Collectio Conciliorum Seuerini Binii* a. 1606. iterumque et tertio deinde *Coloniae* et *Parisiis* emissâ. Epistolas etiam ad Ecclesiam Gallicanam pertinentes ad mss. codices emendatas et vnius accessione auctas dedit *Iac. Sirmondus* in *Conciliis Galliae* a. 1629. At *Vossius* ille, qui loco laudato epistolas e codd. mss. Vaticanis et Card. Sirleti proposuit, integram Operum Leonis editionem e mss. eductam et illustratam meditabatur apud *Michaelm Sonnum* Parisiensem bibliopolam prodituram, de qua non semel in aliis lucubrationibus mentionem et promissa fecit *). Sed

Kkk 5

haec

- *) Ad calcem Operum *S. Ephrem*, nec non in notis ad tr. *Leonis contra Eutychem* in laudatis *Miscellaneis* vulgatum, vbi observata sua in *recognitione Leonina* et ad marginem *Epistolarum* adnotata excitat. Adde *Nic. Fabrum* in epistola ad eundem (in *Opusculis Fabri* p. 113. 14.), qua se audisse testatur *Michaelm Sonnum Parisiensem typographum expectare quam citius ipsius Operum S. Leonis editionem*. Ac sane *Ioannes Baptista Marus* nactus erat editionem *Sermonum Leonis*, in cuius marginibus *Gerardus Vossius* variantes lectiones notauerat, quibus ipse quoque usus est: et *Ballerinii* (in *praef. ad Sermones Leonis* pag. LXXXI.) suspicantur, *codicem Operum S. Leonis collatum a Francisco Pegna cum Romanarum bibliothecarum mss. codicibus*, quem *Quesnellus* (in fine *Praef. gen.*) olim post *Pegnae* mortem apud *Marium Sancti Angeli Canonicum* vidisse scribit *Emericum Bigotium*, *Vossianum* fuisse. Ostendunt enim, laudatum *Marium* nullum alium esse quam *Ioannem Baptistam Marum*, quem alibi *Quesnellus* discrete *S. Angeli in foro piscium Canonicum* appellat, quemque *codicem Leonis* a *Vossio* variis mss. librorum lectio-

haec expectatio morte viri (a. 1609.) irrita facta Leonis studiosos aliam spem inchoare iussit, quae iterato tamen concidit. Nam cum Parisienses quidam bibliopolae instituissent *Leonis M.* Opera una cum *Maximo Taurinensi*, *Petro Chrysologo* aliisque, imprimis Homiliarum auctoribus, quorum numerus sensim auctus est, priuato consilio excudere, post plures eorum editiones a. 1614. 1618. 1623. in quibus Louanienſis tantum non simpliciter recusa, sed tribus Sermonibus ex veteri ms. Nicolai Fabri codice aucta fuit, tandem cura haec ad *Theophilum Raynaudum* magni nominis Theologum peruenit, qui *Heptadem* horum scriptorum compleuit, in eaque Leonis imprimis opera ad germanam sententiam reuocare studuit. Prodiit haec eius editio *Parisiis* a. 1633. denuoque praelo subiecta est annis (1651.) 1661 et 1671. Sed cum non tam varietate codicum typis editorum et mss. antiquorum fide quam ingenio suo et doctrina niteretur, provinciam ab eo inchoatam suscepit *Ioannes Baptista Marus* Canonicus Romanus, editis a. 1644. quibusdam Augustini sermonibus ex mss. Vaticanis et Barberinis, iterumque ex Vat. codice Desiderii Casinensis Abbatis, postea Victoris III. Dialogis, et a. 1633. Petri Diaconi de viris illustribus Casinensibus opusculo, notus. Et *Sermones* quidem, codicibus mss. Vaticanis et Basilicae S. Petri, item aliis et Vossii variantibus suffultus, absoluit, sed mors repentina totum opus e manibus excussit *Sermonumque ad plurimum mss. fidem restitutorum* volumen per fratrem eius Cardinali *Michaeli Angelo*

lectionibus notatum penes se habuisse dictum est. Errone itaque Bigotii factum esse volunt, vt, quod Vossio esset adiudicandum, Pegnae tribueretur, eo quod Vossii codex in huius manus venisset, antequam in Mari bibliothecam transfret.

gelo Riccio traditum, totum, praeter praefationem, obliuione est sepultum.

Haecenus igitur virorum doctorum in Leone M. restituendo studium processerat. Nihil enim refert in hoc generali editionum censu commemorare varias impressiones *Epistolae ad Flavianum* per plura diuersi consilii opera hoc et superiori saeculo factas, aut *Sermones in Bibliothecis Patrum* et *Concionatoria* insertos, aut *Epistolas in Conciliorum collectionibus* ex superioribus editionibus iterum descriptas. Illa autem respicientes fateri cogimur, magnas quidem a prima inde Sermonum editione variis occasionibus Operum Leonis accessiones factas esse, sed quod textus emendationem atque explicationem attinet, virorum eruditorum studia atque ingenium, non quidem culpa omnium, ut vidimus, admodum desiderari. Sed quod per duo integra saecula frustra expectatum fuerat, dum modo ingenia copiis, quibus Leonis editor necesse instructus esse debebat, modo copiae ingeniis defuerant, id vnus subito, absque speciosa significatione, praestitit PASCASIUS QUESNELLUS, a quo tota editionum Leonis historia noua quasi auspicia capit.

Quesnellus enim insigni copia codicum mss., maxime Gallicanorum, qui, paucis exceptis, a nemine antea adhibiti fuerant, tam Sermones, quam Epistolas innumeris in locis castigauit, nouis auxit, noua ratione digessit ac disposuit, varietatisque lectione vbere, notis, amplioribus obseruationibus, dissertationibus doctissimis, variarumque et cum Leonis gestis remotius subinde coniunctarum rerum tractatione abundantibus adeo nobilitauit, ut qui modo tam ieiune habitus fuerat, auctor iam ac causa nouae eruditionis, multarumque ac sane tum grauissimarum quaestionum atque disputationum fieret. Prodiit Quesnel.

Quesnelliana editio 1675. *Parisis*, quaternis, duobus splendidis voluminibus; sed non citius omnium admirationem atque acclamationes, quam seueram pontificis Romani animaduersionem in se excitauit. Nam cum nouus editor liberius de nonnullis tam fidei, quam disciplinae veteris ecclesiae capitibus disseruisset, praecipueque Pontificis Romani auctoritatem in multis vsurpata ostendere atque testimoniis consensuque tum Leonis sententiarum, tum aliorum scriptorum demonstrare ausus esset: sacrae inquisitionis vindictam effugere non potuit, sed anathemate percussus fuit in decreto anno 1676. tertio Kalendas Maias proposito, omnibusque Ecclesiae Catholicae filiis, *ne nouas, peregrinas atque venenatas doctrinas imbibere* *), sub eadem anathematum poena deprauatorum a Quesnello operum Leonis lectione interdictum, omniaque eius in Leonem annotata disputataque in prohibitorum Indicem **) relata sunt. Sed cum bene esset perspectum in Romana Curia, omnem humanam naturam pronam esse in vetitum, facileque sentiebant, hac sua obuallatione non posse

ab

*) *Cacciarii* verba sunt, ex *praef. T. I. pagg. III.* vbi *Apostolicam* sedem diuino spiritu ductam ac suorum filiorum pietati, ac saluti praecauentem hanc sanctionem sanxisse ait. Quodsi recte ab eo statutum fuit, non potuit non a malo quopiam spiritu profecta esse *Sacrae* Facultatis Theologicae Parisiensis censura (d. 14. mensis Iunii 1670.), qua *nihil se in hac editione nactos esse profitentur* isti Theologi, *quod dogmatibus reuelatis sit contrarium, moribus Christianis repugnans et a disciplina Ecclesiae Vniuersae alienum*; e contrario probarunt editoris fortitudinem, qua *Ecclesiae Gallicanae splendorem, Gallicanorum praesulum innocentiam et veras Ecclesiae Gallicae libertates animose ex occasione propugnauerit.*

**) *Ann. 1682. pag. 277.*

ab omnium animis tam perniciosarum opinionum contagionem arceri ac defendi, remedium infectis exoptabant, quod omnem veneni vel imprudenter vel ex prava appetentia hausti vim statim retunderet et penitus exstingueret, editionem *Anti-Quesnellianam*. Nec sane vana ista sollicitudo fuit. Tot enim lectores atque amatores noua haec editio inuenit, vt anno huius saeculi vltimo iterum typis tradi posset: id quod *Lugduni* forma maxima factum est; atque Quesnellus tam parum resipuit, vt nihil ex omnibus, quae tantopere Romanae sedi displicuisse cognouerat, in Lugdunensi editione tolleret aut retractaret. Contra desiderio isti nouae editionis Leoninae tardius satisfactum fuit. Non defuerunt quidem homines eruditi, qui imponi sibi hoc onus paterentur, aut sponte illud subirent: et erat vtique quod causae pondus addere et honoris cupidos inuitare poterat, desiderata a nonnullis viris doctis in Quesnelli emendationibus cura vel etiam ingenuitas, et ex altera parte codicum Romanorum et quasi archetyporum ostentatio, vnde Leo purior educi posse videbatur. Sed siue quod minus alii pensitassent cum suis viribus, aut in profligando opere difficultatibus obrepti destitissent, aut alio quouis impedimento spes certissimae identidem evanuerunt. Interea priuato bibliopolarum aliquot *Venetorum* instituto, *Augustini Sauioi* a. 1741., et *Andreae Poletti* a. 1748. Leonis opera iuxta Quesneuianam editionem, additis plus minus ex notis et dissertationibus eius recusa et cito distracta sunt. Post eos *Petrus Thomas Cacciaris* Carmelita, Theologiae Polemicae in Collegio Romano de Propaganda Fide Lector, nouam, ad codices mss. Romanos potissimum formatam et Quesnello oppositam, Romae, tribus voluminibus in folio, quorum primum *Exercitationes in Leonem*, reliqua duo opera ipsa

ipsa complectuntur, a. 1751. 1753 et 1755. protrudit. Sed licet non deessent ipsi quotquot exoptari poterant manuscriptorum librorum copiae, sola voluntate tamen, aut fiducia in vires ipsi non satis cognitae, efficere non potuit, quod propositum, et vero insolentius promissum erat. Quo euenit sane, vt cum eodem paene tempore praestantissima **BALLERINIORUM** opera — *Venetiiis* 1753—56—57. prodiisset, omnis eius labor obscurari et obliuione mulclari inciperet, nec iis quidem, quae recens ex codicibus Vaticanis et Ratisbonensibus protulit, scilicet, quod eadem omnia, et aliquanto plura apud Ballerinius etiam deprehenderentur, gratiam ab eruditis inire posset. Quippe *Ballerinii* optimorum codicum mss. abundantia et peritia, vsu critices, accurata doctrina eiusque commoda distributione, nec non totius methodo talem Leonis Operum editionem perfecerunt, quali post Constantii Epistolae Pontificum Romanorum nullus ex omnibus latinis scriptoribus Ecclesiasticis gauisus fuit; ne taceam Romanae Curiae votis cumulate esse satisfactum, nec Benedictum XIV. mandati sui poenitere debuisse, quo tales huic negotio viros optauit, in quibus dubitare possis, maiore doctrina atque dexteritas, an officiositas et studium erga Sedem Romanam fuerit; quamquam aliter affecti haud paucis in sententiis ab iis iure suo dissidebunt.

Iam itaque omnis factorum series scriptorum Leonis, ex quo praelo committi coeperunt, duabus conuersionibus, quarum altera in *Quesnello* orditur, altera a *Balleriniis* progreditur, constat. Posterior priori vtique in omnibus, quae ad tractationem scriptoris pertinent, longissime praestat, modo ne obliuiscaris *Quesnellum* suo specimine *Balleriniis* et omnibus omnino, qui post eum ad retractandas Scriptorum Ecclesiasticorum editiones accesserunt, exemplum

plum longe illustrissimum praeiuisse. Sequuntur
Editionum singularum Leonis Annales.

S A E C. XV.

1470.

Romae per Contr. Sweeney et Arn. Pannartz.
fol. S. Leonis Papae Sermones et Epistolae ex recog-
nitione et cum praefatione Io. Andreae ad Paulum II.
in calce:

Aspicias illustres etc.

M. CCCC. LXX.

Complectitur hoc volumen Sermones XCII. Epi-
stolas vero V., quarum prima ad Flavianum Episco-
pum Constantinop. inserta est inter Sermones post
decimum sextum, reliquae IV., nempe 1) ad Ma-
ximum Episc. Antiochenum, 2) ad Anatolium Episc.
CP. 3) et 4) ad Leonem Augustum, post absolutos
sermones et tractatum eiusdem auctoris contra haere-
sin Eutychetis, quem Romae in Basilica S. Anastasii
habuit, qui que proxime Sermonibus succedit, adiciun-
tur. Finem operi imponunt ad Epistolae ultimae
argumentum pertinentia Symbolum Nicenum et Testi-
monia excerpta de libris catholicorum patrum a Leo-
ne Papa collecta Leonique Imperatori directâ, quod
dominus noster Iesus Christus verus sit deus, et verus
homo. Cuncta vero haec Sermonibus subiuncta, non
excluso tractatu contra Eutychetem foliis XIV, con-
stant. Ab initio occurrunt, tribus foliis, Io. Aleri-
ensis praefatio ad Paulum II. et Rubricae totius operis
per ordinem.

Haec fere de prima Leonis editione tradidit Au-
differus in libro saepius nobis laudato p. 47. dictis-
que ut plurimum convenire deprehendimus habitum
alterius editionis ex hac expressae, quam statim com-
memo-

memorabimus. Huius vero iam ante Audiffredum mentionem iniecerat P. Xav. *Laire in specimine hist. Typogr. Rom. etc.* p. 153. ab illo pro more et consilio libri sui ob leuiscula aliquot *παρορματα* acerbè castigatus. Exhibent eam Catalogi Bibliothecarum *Smithianae* p. 265. *Ducis de la Val. T. I. p. 178.* *Nic. Rossii* p. 47. *Creuennae* nouissim. (8v.) *T. I. p. 112.* pluraque in Italia exemplaria euoluit Audiffredus, ut adeo mirum sit, qui fieri potuerit, ut Cardinali Quirino ea non innotesceret, quippe qui in *Appendice ad Pauli II. Vitam, de Optimis editt. Rom.*, dum Aleriensis praefationem ex ed. Florentina recudi curat, *Maettarii* de hac editione testimonium in dubium vocauit. Aliter se res habet cum editione Colonienſi 1470. f. quam idem *Maettarius T. I. P. I. p. 298.* addito testimonio *Catalogi Bibl. Noriberg. Sauberti* p. 118. laudat, quam nulli unquam bibliographo visam noui.

Sine anno

Loco et typogr. (Romae per Vlr. Han.) f. B. Leonis Sermones etc. Descriptione totius praecedenti per omnia similis. Character *Vdalricum Gallum* prodit, eo quem in Quintiliano excudendo vsus est plane conformis. Quam *P. Lairii* assertionem nos comparatione vtriusque exemplaris veram deprehendimus. In vtroque etiam libro paginae lineas XXXV. comprehendunt, sed hoc differunt, quod in Leone tituli sermonum maximam partem *) literis vncialibus exscripti sint, in Quintiliano contra omnino desint. Quod si igitur recte ad Vlr. Han. refertur hic typus, veri simile est quam maxime, vel eodem anno,

vel

*) Deficientes numerauit Audiffredus, scilicet ut negligentiae *Lairium* argueret, qui in genere titulos maiori caractere expressos esse dixerat.

vel sub initium sequentis statim ab eo fuisse elaboratum, quia ita inuicem affectos nouimus Romanos hosce typographos, vt si quid noui alter protulisset, alter extemplo prelo idem subiiceret. Praeter *Lairium*, *Audiffredum* et *Quirinum*, qui omnes oculis hanc editionem vsurparunt, laudant eandem *Catal. Bibl. Bunav. p. 162. Ducis de la Val. p. 179. Nic. Rossii p. 47. Pinell. T. I. p. 103.* Nostrum exemplum iam notum fecit *Hambergerus* in *zuverl. Nachr. T. III. p. 203.* qui tamen principem statuit, vt nuper etiam in *Pinell. Cat. Morellus*, quo iure, nescio.

(1475.)

Sine loco et typographo. f. S. Leonis Sermones.

Ab initio: Liber Sermonum sancti Leonis primi Papae doct̃oris floridissimi ac eloquentissimi incipit feliciter: deinde eadem linea: Sermo primus de ordinatione sua in pontificem: In fine: Expliciunt sermones Leonis Papae.

Volumen est foliorum CXXIV., impressum caractere gothico breuiori et pingui, sed nitido, binis columnis, lineis per paginam XXXVIII. Chartae sunt densae, satis candidae at paulo crudiores: margines et interstitia columnarum lata; distinctionis signa, colon et punctum; literae initiales, numeri, custodes et signaturae desunt. Tituli sermonum vero omnes eodem caractere sunt impressi. Textum praecedunt folia tria *Io. Aleriensis praefationem* et *rubricas sermonum* complexa, sed rubricae non nisi in lineam XIII. paginae primae folii tertii per vtramque columnam protenduntur. Quamquam autem propter laudatam *Aleriensis episcopi* praefationem videri possit, hunc typum plane Romanam editionem referre, reuera tamen eam non refert, quippe qui vna cum *tractatu contra haeresin Eutychetis*, qui vltimus est, Sermones

XCV. numerat, et epistolis, quae in superioribus extabant, nec non, quae appendicis loco epistolis accesserant, Symbolo Nicaeno et testimoniis ex PP. scriptis a Leone collectis prorsus caret. Optandum igitur esset, ut ab aliquo harum rerum curioso diligentius excuteretur, num fortasse in singulis etiam lectionibus a Romanis differat. Sed iam quaerentes ex me lectores audio, unde tandem, si ampliori subscriptione careat hoc Leoninorum Sermonum volumen, annum superscriptum hauserim. Nimirum haec est illa editio, cuius in *Maettarianis* indicibus *T. I. P. I. p. 351.* fit mentio, cuius tamen praeter illum nemo Bibliographorum meminit. Quamobrem succinctam ac certam eius notitiam lectoribus diutius non inuidendam duximus. Videlicet vno eodemque charactere atque habitu simul cum Leonis Sermonibus excusae sunt *homiliae Gregorii M.* atque *Origenis*, ita quidem, ut cuiusque auctoris opus ab alterius opere separari commode possit, posteriora duo tamen una eademque subscriptione ad calcem Homiliarum Origenis comprehensa sint *). Hinc factum est, ut saepius inuicem diuellerentur et coniunctas cernere rarissime iam obtingat. Sic *Gregorii et Origenis Homiliae*, Leone aulso, occurrunt in *Cat. Bibl. Ducis de la Val. T. I. p. 180. n. 499.* eandemque, nisi forte solas Origenis, Vallarsium tractasse dixeris, dum in Hieronymianis subsidiis laudat Homiliarum aliquot Origenis editionem Basileensem a. 1475., quam ignorare me in superioribus professus sum **).

Ego


*) Sonat: „*Expliciunt omelie beati gregorii pape et origenis presbiteri.*“ Addito anno, non item loco. Vberiore descriptionem accipies inter editiones Gregorianas in tomo sequenti.

**) Vid. *T. I. p. 475.*

Ego tamen diuersam ab hac censeo. Certe si haec ipsa fuit, quam fortasse coniectura ductus Basileensem dixerit, me assentientem non habet. Nam, nisi omnia me fallunt, in Italia hoc volumen excusum est. Ne quis vero hac nostra argumentatione contrarium potius, quam quod intendimus, effici existimet, cogique nos posse putet, vt *absque loci et anni* nota, alio quouis tempore excusam scribamus hanc Leonis editionem, vt pote nulla alia de causa anno 1475. praenotatam, quam quia cum opere simili hoc anno exscripto compacta sit: respondebimus, primo, nos, missa omnino de anno assignando quaestione, curare voluisse, vt ab omnibus quam certissime dignoscere-
tur. Quod futurum putari, si non vltro editionum *absque anno* prolatarum numerum augerem et ad Maettarianam illam, alias incognitam *), digitum altius intenderem. Deinde vero nec magnopere me errasse existimo, quandoquidem tria illa opuscula et argumenti affinitate inter se connexa et praeli executione sibi simillima sunt, neque id ab antiquorum typographorum more valde abhorret, vt ex pluribus, quae iunctim excuderant operibus, solum vltimum anno et loco impressionis signarent.

1482.

Venetis per Lucam Venetum Dominici filium.
Sept. Id. August. f. S. Leonis Papae Sermones et Epistolae cum praefatione Io. Aleriensis. *Maitt. T. I. P. II. 429.* Occurrit in *Cat. Bibl. Ducis de la Val. T. I. p. 180. n. 495.*



Spirae per Petrum Drach. f. Leonis Sermones aliquot; in *Homiliario Doctorum vulgo Caroli Mag-*
LII 2 iii.

*) Vid. Denis Garell. *Bibl. p. 195.*

ni. Sermones sunt XXI. De ipsa hac rarissima editione supra occasione Sermonum Augustini egimus. Cf. Ballerinii in praef. Sermonibus Leonis praemissa. §. VI. n. XXVI. Hi quidem non perfunctorie hac editione vsi sunt, sed vt germanas Pauli Diaconi lectiones cognoscerent, cum *Basileensi Nicolai Kessler* a. 1496. diligenter contenderunt.

1485.

Venetiis per Andream Parmensem. f. min. Dini Leonis Homiliae (Sermones et Epistolae) *Maitt. T. I. P. II. p. 470.* Erat in *Bibl. Creuennae*. Vid. *Cat. nouissimus* (8) *T. I. p. 112. n. 498.*

1493.

Basileae per Nicol. Kessler. f. Leonis Sermones aliquot; in *Homiliario Doctorum*, iuxta ordinem vetustissimum Bibliothecae ecclesiae Basiliensis impresso. Cf. *Augustiniana*.

1494.

Norimbergae per Anth. Koburger. 4. Leonis aliquot Sermones; in *eadem Collectione*.

1496.

Basiliae per Nic. Kessler. f. Leonis aliquot Sermones; in *Homiliario Doctorum* repetitae editionis.

1498.

Basileae f. Leonis Sermones; in *eadem Collectione*, quam laudat *Maitt. T. I. P. II. p. 675.*



Sine anno

et loco. fol. (II. vel etiam III. huius generis) S. Leonis I. Papae Sermones.

Inci-

Incipit a praefatione Aleriensis, quae similiter ac in editione a. 1475. inscribitur: *Ioannis Andree episcopi aleriensis ad summum pontificem paulum secundum Venetum in laudem ipsius sancti Leonis pape.* Impressa vero cernitur in auersa folii primi pagina, et linea XXVIII. absoluitur, proximeque succedentes habet *rubricas*, quae prima folii tertii pagina linea XXXV. terminantur, auersa vacua relicta. Textus incipit eadem inscriptione ac ed. a. 1475. In fine pariter: *Expliciunt Sermones leonis pape.*

Constat opusculum foliis CLII. impressum charactere gothico maiusculo in charta alba mundaque, lineis in integra pagina XXXIV. Signaturae, numeri, custodes et literae initiales absunt. Interpunctioni solum punctum inseruit. Hanc fere descriptionem editionis mihi incognitae praebet P. *Placidus Braun* in *Not. Hist. Lit.* I. p. 56. eamque iam a *Bauero* in *Bibl. Vniuers.* T. II. p. 275. notatam esse monet. Apparet autem, eam ab illa, quam sub anno 1475. recensui, admodum esse diuersam, tametsi ex titulis concludas, vnam ex altera fuisse expressam, atque adeo habere, in quibus a Romanis archetypis differant. Optauerim igitur, vt viro solertissimo placuisset contenta eiusdem diserte indicare. Haesitavi aliquantulum, qui factum sit, vt tum *Braunius*, tum alii bibliographi, in aestimanda editionum innominatarum aetate vnam fere normam anni 1475. sequerentur. Iam *Braunius* addidit, a. 1475. aliam editionem absque typographi et loci nota prodiisse. Cave vero, ne supra a nobis descriptam cognitam ipsi existimes. Alia causa subest, Deburii nempe commentum, quasi editio Romana absque anni nota (*Vlrici Galli*). anno 1475. procusa fuerit. Hinc annus iste percrebuit. Sed hunc Deburii errorem P. *Xav. Laire* in *specim.* p. 153. reprehendit.

Sine anno

loco et typogr. fol. (III. vel IV.) S. Leonis Papae Sermones. Ab initio: *Incipit liber Beati Leonis Papae Sermonum et sermo primus de ordinatione sua sequitur.* In fine: *Ihesus Christus Maria.* Insunt Sermones XCIV. quorum penultimus *tractatus contra heresin Eutychetis*, vltimus sermo de *Absolon* est suppositus. Tertia haec est, vel si mauis, quarta editionum Leonis *locum et annum* haud praeferentium, atque omnium omnino antiquarum rarissima. Notitia eius debetur Denifio V. Cel. in *Memorabilib. Bibl. Garell. p. 194.* nec praeter eum quisquam hactenus exemplum illius tractauit. Prodidit itaque, folia huius voluminis a se numerata esse CXXXIII. linearum XXXVII., literas esse gothicas, sed noui plane generis, maiusculas nimirum, fluctuantes et asperas, quae quasi scalpro exaratae videantur. Mediis in vocibus, tradit, conspici passim literas rotundas *a, ft, et ct*, atque vnciales etiam *C. O. S. T.* saepius romanam formam referre. Rara literarum compendia. Distinctionis signa, punctum et colon. Absunt custodes, signaturae, numeri, literaeque initiales. Singulis sermonibus tituli sui sunt adscripti; singulis in fine addita vox *Amen*, literis late distantibus. Adscriptus erat exemplari Garelliano colore purpureo annus 1461., sed fraudulenter hoc factum esse suspicatur Denifius. Sibi ipsi coniecturam ferre coacto vel *Antonium Sorg, Angustianum*, vel *Conradum Finer, Eslingensem* artificem, videri pronuntiat. Illud vero ex contentis manifestum, non ex Romanis, earumque repetitionibus, Venetis, sed ex vna reliquarum, quas ante recensuimus, omisis quibusdam et additis aliis, hanc editionem fuisse descriptam.

Sine

Sine anno

Coloniae per Conrad. de Homborch. f. Leonis Sermones aliquot; in Homiliario Doctorum, editione supra inter Augustiniana descripta.

SAEC. XVI.

1505.

Venetiis in Typographeio Bartholomaei de Zanis de Portesio Librariae artis peritissimo, expensis heredum nobilis viri Q. Domini Octauiani Scoti. fol. S. Leonis Sermones. Iuxta editionem Parmensem, Commemorat Quesnellus in praefat. gen.

1511.

Parisiis per Io. Badium Ascensum. 4. S. Leonis Papae epistolae catholicae et sanctae eruditionis plenissimae. Cat. Bibl. Reg. Paris. it. Bunav. et Bodlei. Insertus est libellus de Conflictu vitiorum et virtutum, Leoni, vt tot aliis patribus, perperam adscriptus.

1515.

Parisiis. 4. Leonis pontificis maximi sermones quam diligentissime nuperrime castigati et quantum anniti ars potuit feliciter impressi. Venum dantur Parisius (sic) in Vico diui Iacobi sub Lilio aureo a Ioanne Paruo (Jean Petit).

Exemplar iuxta quod descripti sunt, editionis Romanae fuit. Insunt igitur et epistolae V. eodem omnes ordine, et appendices. In fine, absoluto plane reliquo opere, post paginam vacuam folii ultimi, i. e. centesimi octauo, adeo vt separari possit, additus est libellus *Leonis Papae de conflictu vitiorum*. Huic titulo, qui in summa pagina cernitur, subiun-

gitur statim notula: „*Leoni insuper quod sequitur adscribitur opusculum. Illud ergo (quod conducere videbatur) addidimus. Tuitaque quicquid et illud est equilector optime bonique consulito.* Occupat folia VIII. quae numeris non signantur. In fine haec clausula: *Explicit praeclarus et insignis tractatus Leonis pape de conflictu vitiorum et virtutum; una cum sermonibus eiusdem. Parrhisisque impressus in sole aureo vici diui Iacobi per magistrum Bertholdum rembolt. Anno dni. M. CCCCC. XV. die vero II. martii.* Characteres sunt gothici minuti, verba crebris compendiis concisa, in margine loca insigniora Leonis lemmate notantur, et biblicorum numeri sunt adscripti.

1516.

Lugduni per Iohannem Clein. f. Leonis Sermones aliquot, in Homiliario Doctorum f. Augustinus.

1524.

Parisis f. Epistolae Leonis Papae, in Iacobi Merlini Collectione Conciliorum cum generalium, tum provinc. et Decretor. pontificiorum.

Testis est Quesnellus, qui nonaginta quatuor Epistolas Leonis, multis quidem locis mendosas, sed vicissim in aliquibus multo recentioribus emendatiores inesse scribit.

1525.

Lugduni per Ioannem Crespin. f. Leonis Sermones aliquot; inter Homilias Doctorum ecclesiasticorum etc.



Moguntiae apud Io. Schoeffer. fol. Decreta Leonis Papae XLIX. in ed. principe collectionis Concil.

cil. et Canon. Dionysii Exigui, quam saepe iam in superioribus allegauimus.

1530.

Coloniae ex off. Petri Quentel. fol. Epistolae Leonis Papae; in repetita eiusdem *Merlini* collectione *Conc. gen. etc. T. II. a fol. CLXXXVIII—CCXXVIII.* Epistolae numerantur XCVII.



Coloniae ex off. Eucharii Ceruicorni. f. Leonis Sermones aliquot; in *Homiliis praestantissimorum ecclesiae Doctorum.*

1535.

Parisiis apud Franciscum Regnault. 8. Epistolae Leonis Papae; in iisdem *Conciliis h. a. et l. denovo repetitis, a folio CCII—CCXLVII.*

1536.

Basileae. f. Leonis Papae epistolae quinquaginta; una cum aliis Pontificum Rom. epistolis additae *Clementis Romani recognitionibus*, edente Io. Sichardo a pag. 306. vsque ad finem (i. e. 374.).

Iam primae suae *Clementis Recognitionum* editioni, quae a. 1526. Basileae apud Io. Bebelium f. prodiit, addiderat Sichardus Pontificum aliquot Romanorum Epistolas plerasque supposititias. Sed longe vberior accessio haec tulit, *Leonis* simul non exiguam partem complexa. Diligenter eam consuluerunt fratres Ballerinii.

1538.

Coloniae apud Petr. Quentel. fol. Epistolae Leonis Papae Primi, et Decreta; in Collectione *Con-*

ciliorum omnium auctore Petro Crabbe Mechliniensis
T. I. a fol. CCCXLIII—CCCXCII.

Pollicetur editor magis *propriam et aptam* epistolarum Leonis *ordinationem*. Quae enim, inquit, prius *confusae conscriptae sunt*, nunc *secundum consulum*, (modo sciri possint) ac *mensium debitum ordinem sunt constitutae*, quibus *deficientibus*, ordo *reliquarum epistolarum*, qui *aptior visus est*, *seruatur*. Cuique epistolae praemittitur capitulorum indiculus. Notantur in margine loca biblica, adiectaeque sunt passim lectiones variantes.

1546—47.

Coloniae. 8. *Tomis* II. D. Leonis Papae etc. Epistolae decretales et familiares. Eiusdem Sermones et Homiliae, edente *Petro Canisio* Nouiomagensi, quem Quesnellus scribit professum, *adminiculo admodum vetustorum et emendatissimorum exemplariorum se adiutum fuisse*. Vide repetitionem huius ed. a. 1566. Reprehendit autem Quesnellus, quod librum de *conflictu vitiorum et virtutum*, tanquam Leonis, addiderit.

1551.

Coloniae apud Petr. Quentel. f. Epistolae Leonis Papae primi et Decreta; in eiusd. *Petri Crabbe Canciliis* editionis repetitae.



Ibidem. fol. S. Leonis Sermones. Laudat hanc editionem, quid? quod tractasse se scribit *Io. Ciampinus* in *Epistola ad Erasum. Gattola a Caicta*. Attamen ne hac quidem professione omnem dubitationem nobis exemit, quippe quem in aliis, quas item versauisse videri vult, manifesto lapsus deprehendimus, laudando editiones Louan. 1566. et Antwerp. 1583. *quaternis excusas*. Nec magno opere etiam doctrinam suam

suam nobis approbavit, qui, Romanus ipse et Romae degens, Coloniensem huius anni editionem *antiquissimam sermonum* dicere potuit.

1553.

Venetiis. fol. S. Leonis Sermones, eodem *Ciampino* teste. In suspenso itaque sinamus, seorsim, an in collectione aliqua editi sint.

1555.

Basileae per Henr. Petri. f. Leonis Papae primi epistola ad Flavianum contra Eutychen; in *Orthodoxogr. Io. Heroldi n. XXXVII.*

1561.

(*Coloniae.*) S. Leonis opera studio *Laurentii Surii.*

„*Laurentius Surius* Carthusianus in editione a. 1561. multum temporis ac operae se posuisse profitetur in corrigendis Leonis operibus, licet ante annos aliquot, inquit, doctorum virorum studio emendata prodissent. Fatetur tamen non se totum Leonem suae integritati ita restituisse, ut nihil iam reliquum esset castigatione dignum: Nec mirum esse ait, cum ipse Leo fateatur, etiam tum, cum adhuc in humanis ageret, vitiata fuisse Epistolam illam suam, quae est ad Flavianum.“ Haec *Quesnellus*, ita, ut loci, ubi haec editio expressa sit, mentionem nullam faceret, qui tamen vix alius, quam *Colonia* esse potest. Ego vero dubito, an omnino huius anni editio extet. Certe *Harxhemius* in *Bibliotheca Colonienfi* (*Coloniae* 1747. f.) p. 220. non nisi 1568. factam novit.

1566.

*Louanii apud Hieronymum Wellaeum ad inter-
signe Diamantis. 8. Voll. II. Tomus I. inscribitur:
D. Leo-*

D. Leonis Papae, huius nominis primi, qui summo iure Magni cognomen iam olim obtinet, *Sermones et Homiliae*, quae quidem extant omnes. Altera iam vice summa cum diligentia ad antiquissima exemplaria omnia castigata et aucta. Cum duplici Indice. *Tomus alter* habet: *D. Leonis Papae Epistolae decretales ac familiares*, quae quidem hactenus reperiri potuerunt omnes. Altera iam vice summa cum providentia ad antiquissima exemplaria correctae.

Vter prior, posteriorue tomus sit, in titulo non significatum est. In eo vero exemplari, quod Bibliotheca Regia nobis suppeditavit, inverso ordine, ac nos repraesentavimus, compacti sunt. Sed antepondere visum est eum, cui praefatio editoris et Leonis vita (ex prima ed. 1546—47.) accedit, quique, si tempus spectetur, quo primum sermones aut epistolae in lucem editi fuerint, merito priorem sibi vindicat locum, quem in omnibus etiam deinceps insecutis editionibus semper obtinuit. *Canisi* praefatio ad *Ioannem Lippicensem, Episcopum, Cirenensem, Suffraganeum et ecclesiastem primarium Coloniae*, tendit. Inculcat furorem saeculi eiusque causam, immanem philantiae rabiem, unde perversa studia novos scribendi libros, ambitiosa doctrinae ostentatio, praefractaque quaedam sapientiae praesumptio, item offrenis libido comminiscendi nova dogmata, quibus vetera fastidire simul et antiquari documenta incipiant, tanquam ex fonte oriantur. *Per hos demum seu gradus omnis impietatis* inquit, *huc iam — inculcat.* Iam Leonem haud benigniorem apud hosce tam reuerendarum legum et institutorum maiorum conteintores fortunam habiturum praesagit, quos tamen, modo legere velint, omnes ad suspiciendum viri animum et amplexanda, quae temerario ausu spreuerint, dogmata compulsam iri sperat. Epistola-

rum ordo, ut nobis visum, ex petri Crabbei editione repetitus est. Ceterum in utraque parte, ad superiorum editionum institutum, textus biblici et variantes quaedam in marginibus adiectae sunt.

1567.

Coloniae ex off. Io. Quentel. fol. Epistolae Leonis Papae primi et Decretalia, in *Concil. Collections Suriana*.

1568.

Parisis apud Mich. Sonnum. f. Epistolae Leonis papae, cum *Clementis Romani operibus* edente *Ioanne Sichardo*.

Hanc adhibuit Quesnellus atque haec de ea in praef. gen. monuit: „Ioannes Sichardus Clementis Romani opera collegit, quibus et veterum Pontificum pseudo - Epistolas adiecit. Hae post plures editiones in Germania emissas Parisiis etiam prodierunt 1568. cum plurium Pontificiarum Epistolarum praesertimque Leonis nostri accessione, quas ad fidem veterum exemplarium Victorinorum restitutas fuisse testatur editionis huius procurator anonymus.“ Crediderim equidem haec eius verba non ita esse accipienda, ut hanc Parisiensem demum editionem epistolis illis locupletatam esse voluerit, sed quae de accessione scribit, ad Germanicas quoque editiones traxerim. Quatenus vero hoc valeat, in superioribus ad a. 1536. declaratum est. Quid? quod fortassis nec Victorinorum codicum emendationibus prima gloriari possit haec editio. Praecessit enim *Parisiensis* apud *Carolam Guillard viduam* 1544. f. quae nescio an fons illius fuerit. Certe epistolas Clementis ex Victorinis Codicibus emendatas titulus proficitur, quem in Addendis ad Rufinum (ad p. 635. T. I.) in tomo tertio dabimus.

1569.

1569.

Coloniae per Martin. Cholimnum. fol. Leonis Sermones aliquot (XXI.); in *Homiliario Doctorum Catholicorum* selectis homiliis aucto et edito a *Lau-
rentio Surio. Io. Ciampinus* Leonis Sermones h. a. l. et hac forma editos, nulla addita collectionis, cui inserti essent, mentione laudat. Integram ideo editionem seorsim factam innui existimare aliquis posset, imprimis cum non manu tantum tenuisse, sed accurata attentione legisse se affirmet. Sed haec ut ceterae viri illius promissiones vanae sunt, quippe qui vnius vocis cura occupatus, ad alia non nisi desultorie aduertit.



Basileae per Henric. Petri. f. Leonis Papae I. Epistola ad Flavianum, contra Eutychen; in *Monum. Orthodoxgr. Iac. Grynaei. p. 41.*

1572.

Tiguri. fol. Leonis episcopi Romani epistolae duae, una ad Flavianum Episc. Constantinop. contra Eutychen; altera ad Leonem Augustum contra Nestorii et Eutychetis blasphemias; inter *Scripta veterum latina de una persona et duabus naturis Domini* etc. ed. a *Iosua Simlero p. 74.*

1573.

Venetiis. fol. S. Leonis Sermones. Auctor est *Ciampinus*, sed non significat, vtrum seorsim, an in collectione aliqua prodierint.

1575—77.

Louanii apud Hieron. Wellacum ad interfigne Diamantis, excudente Ioanne Masio. 8. Tomis II.
D. Leo-

D. Leonis Papae huius nominis primi *epistolae decretales et familiares* — *Sermones et Homiliae* — a mendis et maculis variis diligentius nunc repurgatae: per *Canonicos Regulares Sancti Martini Oppidi et Academiae Louanienfis*. Epistolae a 1575. Sermones a. 1577. prodierunt. Ad manum est non nisi volumen prius, editioni *Petri Canisi* quoad externa persimile. Praefatio abest. Num alteri volumini addita sit, nescio. In secunda certe editione omnino desideratur. Inscriptit eam tamen *Ioannes Vlimmerius* Prior S. Martini, qui primas partes huius recensitionis sustinuisse videtur, *Arnoldo Ganthois* Abbati Monasterii Marcenensis, praedicans in epistola, data Louanii Calendis Augusti 1575. Epistolarum librum MS. Iohannis Wamesii I. V. Doctoris et Iuris Pontificii in Louanienfi vniuersitate Professoris.

1578.

Basileae ex off. Henr. Petri. 8. Leonis Magni epistola ad Flavianum Graecolatina, rectae fidei columna; cum *Legatione Imp. Caes. Manuelis Comneni ad Armenios* ed. a *Leunclauio* a p. 169—227.

1583.

Antuerpiae apud Philippum Nutium. 8. *Tomis II. Opera D. Leonis M.* — per *Canonicos reg. S. Martini* etc. ex manuscriptis codicibus emendata cum indicibus nouis.

Hic est titulus tomi primi seu sermonum; epistolae inscribuntur vt in prima. At charta atque characteres nitidiores sunt ac illius.

1585.

Venetis apud Dominic. Nicolinum. f. Leonis Epistolae Decretales; in *Concilior. omnium* Collectione

ctione per *Catholicos* quosdam *Theologos* (potissimum *Dominic. Polanum* Venet. Ord. Praedic.).

1588.

Lugduni ex off. Iuntarum, f. Leonis Sermones aliquot; in Bibliotheca Homiliarum et Sermonum priscorum PP. Laurentii Cusdii ed. et perfecta a *Ge. Mosano*.

1591.

Romae ex aedibus Pop. Rom. exc. Ge. Ferrario. f. S. Leonis I. Epistolae Decretales; in Collectione Epistolarum Decretalium Summorum Pontiff. adornante Card. Antonio Carafa, quam publici iuris fecit Antonius de Aquino.

Splendidi huius operis, vetustissimis et Vaticanae bibliothecae, et aliis permultis MSS. codicibus perfecti, copiam nobis deesse vehementer doleo. Sed vide infra quae ad mentionem *Collectionis Bullarum Cocquelinianae* docentur.

1569.

Romae typis Congreg. Orat. f. Leonis epistolae aliquot antehac non editae; in Baronii Annalibus T. VI.

Nimirum 1) *ad episcopos per Arelatensem Gallicae prouinciam constitutos*, in sequentibus ed. n. CVI. ad a. 449. n. 16. ex antiquo Codice ecclesiae Arelatensis. 2) *Ad Rauennium Arelatensem Episc.* ad a. 449. n. 62. ex eodem Codice CCVII. 3) *Epistola Comprovincialium Episcoporum metropolis Arelatensis* ad a. 450. n. 52. ex eodem fonte (CVIII.). 4) *Epistola Leonis ad Episcopos Comprovinciales metropolis Arelatensis* ad a. 450. n. 57. (CIX.). 5) *Ad Rauennium Arelatensem Archiepiscopum* (CCX.) ex eodem MS. pariter vtraque.

SAEC.

S A E C. XVI.

1604.

Moguntiae apud Balthas. Lippium sumpt. Ant. Hierat. 4. S. Leonis Papae epistolae aliquot et alia quaedam; in *Miscellaneis Sanctorum aliquot Patrum Graecorum et Latinorum* collectis primum et editis appendicis loco ad *Gregorii Neocaes. opera a Doct. GERARDO VOSSIO Praep. Tungrensi.*

Insunt a p. 144—233. sequentia: 1) *Epistola ad Flavianum* Gr. et Lat. cum argumento et subiunctis Scholiis Vossii. 2) *Epistola ad Leonem Imp. Augustum* Gr. et Lat. cum argum. et Scholiis. 3) *Testimonia SS. Patrum* etc. non solum latine, ut antea edita erant, sed et graece, sicut in antiquis MSS. inuenisse se testatur editor. 4) *Epistola Petri Episc. Rauennatis ad Eutychen presb. contra errores eius, pro Leone*, Gr. Lat. ex MSS. Vatic. et Card. Sirleti. 5) *Tractatus S. Leonis aduersus errores Eutychetis et aliorum haereticorum*, incipiens: *Ad ecclesiae filios instruendos* etc. (ex Ms. Vatic. n. 2346.), quem plenius in Scholiis subiunctis ex stili sententiarumque similitudine Leoni asserit editor. 6) *Editum S. Leonis ad vniuersos episcopos per Siciliam constitutos*. 7) *Epistola ad Iulianum Coënssem Episcopum*. Vtramque antehac non editam ex MS. Card. Sirleti descripsit et vere Leonis esse ex dictione et historicis momentis demonstrare nititur. Sed qui porro additi sunt, 8) *De Martyribus*, et 9) *de Absalone quando David patrem suum persequebatur*, qui in antiquis aequae codicibus ac editis superioribus pro Leoninis vendebantur, eidem abiudicauit. Atque haec omnia Scholiis illustrauit Vossius.

1606.

Coloniae apud Io. Gymnicum et Ant. Hierat. fol. Leonis Papae I. epistolae et Decreta, praemissa Vita eiusdem; in *Collectione Conciliorum Severini Bini T. I. p. 935—1009.* Insunt epistolae CX. additis scilicet quae a Baronio, Vossioque recens vulgatae erant.

1614.

Hamburgi typis Pauli Langii. 8. Epistola Leonis Magni ad Flavianum Graecolatina: ex Manuscripto Graeco Anonymo, Byzantinae urbis direptioni subtracto, *Graece primum*, Latine vero ipsius Leonis verbis seorsim edita, cum praefatione *M. Nicolai Glaseri.* Addita post praefationem ex eodem manuscripto *Gregorii Thaumaturgi de Sancta Trinitate Doctrina.*

Editor, Scholae tunc Verdensis Rector, ex Bibliotheca Philippi Sigismundi Ducis Brunov. et Luneb. Episcopi Osnabrug et Verdensis nactus erat MS., in quo Graeca huius epistolae versio cum aliis quibusdam opusculis exhibebatur. Erat illud, ut scribit, ex Byzantii incendio subtractum, ab Hebraeo quodam in Aegyptum, inde in Melitam insulam, indeque a Rhodio equite in Germaniam transportatum, tandemque ab Henrico Schradaeo I. D. Osnabrug. Proconsule, Bibliothecae Episcopali insertum. Sed cum primum eam in lucem emissurus sibi visus esset, ad finem iam perducta preli opera rescivit demum, a Leunclavio hunc honorem sibi ereptum. Contentus igitur fuit ex Leunclaviana editione variantes aliquot lectiones excerptas in calce addere.



Parisiis apud Claudium Morellum. f. SS. Patrum Leonis Magni Romani Pontificis, eius nominis

nis primi, *Maximi Taurinensis Episcopi*, et *Petri Chrysologi Rauennatis episcopi*, opera omnia, quae reperiri potuerunt. Vide editionis huius repetitionem proxime sequentem.

1618.

Parisiis sumptibus Sebastiani Cramoisy. fol. SS. Patrum Leonis M. etc. opera omnia. *Editio noua, aucta et recognita.* Sic titulus: enimvero altera haec editio non magis est recognita, quam prima, sed vtraque ad verbum est descripta ex Louanienſi. Nec veriti sunt bibliopolae, quorum solum hoc est institutum, *Vlimmerii* epistolam in fronte operis recusam dare. Mirum vero, qui Quesnellus scribere poterat, *integra Leonis Opera* ante annum 1614. edita se nescire, cum tamen *Vlimmerianam* operam probe nouerit. Integriora dici poterant, si verum est, quod scribit, tribus Sermonibus ex veteri MS. Nicolai Fabri Codice, in Bibliotheca Thuanorum tunc seruato, esse auctiora; nam nobis propter indicis defectum contendere eam cum praecedentibus non licuit. Epistolas habet CX. et Tractatum a Vossio editum *aduersus Errores Eutychetis.*



Coloniae Allobrog. sumpt. Ant. Hierat f. Leonis — Epistolae et Decreta (CX.); in *repetita Bini-ana Conciliorum editione.*



Ibidem per eundem. f. Leonis M. Pontif. Sermones de praecipuis solemnitatibus Domini et Sanctorum; Epistolae decretales et familiares, *ex ed. Louanienſi*: in *Bibl. PP. T. V. P. II.*

1622.

Coloniae Agr. sumpt. Ant. Hierati. f. S. Leonis Papae I. tractatus aduersus errores Eutychetis et aliorum haereticorum; Eiusdem edictum de Bonis ecclesiae non alienandis; *it.* Epistola de auctoritate Concilii Nicaeni et de non ambiendis pluribus ecclesiis, ex ed. et cum notis *Gerardi Vossii*; in *Supplem. ad Bibl. PP. Colonienf. p. 157.*

1623.

Lugduni sumpt. Claudii Landry. f. SS. PP. Leonis Magni eius nominis primi, Maximi Taurinensis Petri Chrysologi Rauennatis, Fulgentii Ruspensis, Valeriani Cemeliensis et Asterii Amaseni Opera omnia, quae reperiri potuerunt. Editio praeter ceteras recognita auctiorque cum Scholiis *Gerardi Vossii* ad S. Leonem etc.

Satis commode exscriptum est volumen, quod bibliopola Dionysio Simoni de Marquemont Archiepiscopo tunc Lugdunensi dedicauit. Praemittitur Sermonum index, sed non Epistolarum. Indicem locorum biblicorum Leo cum Maximo communem habet. Fallitur autem Quesnellus, dum hanc quasi repetitionem ed. 1618. commemorat. Videlicet quod textum attinet, vnius omnes sunt familiae, at quoad bibliopolae institutum valde differunt.

1633.

Lugduni f. SS. PP. Leonis M., Maximi Taurinensis etc. *Heptas Praesulum Christiana sapientia et facundia Clarissimorum*, edente Theophilo Raynaudo. Soc. I.

Heptadem hanc scriptorum confecit editor inferendo collectioni, ante annos decem ibidem apud eundem, vt opinor, bibliopolam publicatae, *Ame-
deum*

deum Lausanensem, qui proxime *Asterium* antecedit. Non igitur ad editionem a. 1618. conformata est, ut *Quesnellus* innuit.

1638.

Parisis ex off. Morelliana. f. S. Leonis Vita, Epistolae et Decreta; in Concilior. editione Biniana, postremae repetitionis.

1642.

Parisis sumpt. Cl. Sononii et D. Bechet. f. S. Leonis Epistola ad Theodoretum. Lat.; in calce operum Theodreti Tomi Vlti p. 724.

1644.

Parisis ex typogr. Regia. f. Leonis M. Vita, Epistolae et Decreta; in Conciliorum Collectione Regia T. VII. p. 49—272. et in T. VIII.

1651.

Parisis f. Leonis opera. Quesnellus tanquam iterationem ed. a. 1618. laudat, sed, si omnino extat, tota *Raynaudiana* haud dubie in ea recusa est collectio.

1661.

Parisis apud Simeonem Piget (Bibliopol. iuratum via Iacobaea ad insigne Prudentiae). f. Leo Magnus Romanus Pontifex, Maximus Taurin., Pet. Chrysol. Rouenn. Fulgent. Ruspens. Valerian. Cemel. Amedeus Lausan. Asterius Amasen. Heptas Praesulum Christiana Sapientia et facundia Clarissimorum.

Theophilus Raynaudus Soc. I. Theol. priorem editionem, variis ad SS. Leonem et Fulgentium accessionibus instructam, octoginta *Fulgentii Sermonibus* ex MS. cumulauit. *Censuram inofficiosae Censurae libri de Praedestinatione et Gratia, S. Fulgentio* vendicati, apposuit: *Valerianum Cemelensem* accurata
M m m 3 defen.

defensione textit, aduersus *Parcum Charitatis* criminatorem. *Amedei Homilias* florentissimas de Deipara addidit. Hac postrema editione D. *Fulgentii* liber tertius de veritate praedestinationis et gratiae, antea mutilus, nunc primum prodit omnibus suis capitibus absolutus. Periunde atque D. *Asterii* Homiliae. Quibus adiuncti sunt eiusdem Auctoris *Sermones* viginti omnino longe elegantissimi.

Titulum plenum hoc loco proponere malui, ne in sequentibus per singulos auctores discerptum conquirere lectores oporteret.

1662.

Parisiis sumpt. Ant. Bertier. f. Leonis Sermo in Natiuitatem Domini; in *Combesfii Bibl. Concion. p. 241.*



Romae typis Iacobi Dragondelli. 8. IX. Leonis et aliorum ad Leonem Epistolae ex codice ms. Barberino editae inter Acta Synodi Romanae sub Bonifacio II.; in *Lucae Holstenii Collectione Romana Bipartita* pagg. 103 - 163.

Epistolae sunt sequentes: I. *Valentiniani et Marciani Angg. ad Leonem* (in ed. Ballerin. 100.). II. *Leonis ad Marcianum* (ib. 104.). III. *Ad Anatolium* (ib. 106.). IV. *Ad Marcianum* (ib. 136.). V. *Anatolii ad Leonem* (ib. 132.). VI. *Leonis ad Anatolium* (135.). VII. *Ad Anastasium* (ib. 6.). VIII. *Ad Metropolitanos Illyrici* (ib. 5.). IX. *Ad Metropolitanos Aethiopiae* (ib. 13.). Ex his sex, nimirum I. IV. V. VII. VIII. et IX. antea ineditae, nusquam fere in aliis MSS. occurrunt; si a duabus I. et IV. recesseris. Quartam enim *Quesnellus* in *Grimanico*, *Ballerinii* vero in *MS. Ratisponensi* deprehenderunt:
primam

primam autem Arnoldus graece scriptam in Bodleiano codice reperit, sicuti Ballerinii in Vaticano Graeco 1455. Cf. *Balleriniorum* de Collectionibus Epistolarum Leonis, quae infra excerpta damus, *observata* ad *Collect.* XVI.

1670.

Cygnae typis et sumpt. Sam. Ebelii. 8. S. Leonis M. Rom. Pontif. eius nominis I. Sermones in Solennitate Natiuitatis Domini nostri Iesu Christi II. VII. et IX., in *Diutorum PP. veterumque Ecclesiae Doctorum aliquot, qui oratione soluta scripserunt, Homiliis ac Meditt. in Festum Nativ. I. Chr.* e diversis ipsorum operibus collectae et peculiariter editae a *Christ. Daumio* pagg. 103—121.

1671.

Parisis sumpt. Petri Variquet, via Iac. sub signo Craticulae prope aedes S. Benedicti. f. SS. PP. Leonis M. etc. opera per *Theoph. Raynaudum.* Accedunt huic postremae editioni D. *Prosperi Aqu.* Opera etc.

1675.

Lutetiae Parisiorum sumptibus Ioh. Bapt. Coignard via Iac. sub Bibliis aureis. 4. II. Tomis. S. Leonis Magni Papae primi *Opera omnia* nunc primum *epistolis XXX.* tribusque de Gratia Christi opusculis auctiora; secundum exactam annorum seriem accurate ordinata; a Supposititiis, Interpolationibusque; innumerisque mendis expurgata; Appendicibus, Dissertationibus, Notis Observationibusque illustrata. Accedunt S. *Hilarii Arelatensis Episcopi* opuscula, vita et Apologia. Vna prodit e tenebris geminus Codex Canonum et Constitutorum Sedis Apostolicae.

Ordo contentorum hic est. Agmen ducunt libri a Quesnello demum, ut supra vidimus, Leoni vindicati, videlicet, *de Vocatione omnium Gentium* I. II. *Auctoritates de Gratia et libero Voluntatis arbitrio*, *Libellus ad Demetriadem Virginem*. Hos excipiunt *Sermones* sub vna numerorum serie ordinati, nec tamen omissa prius usitata numerandi ratione. Fatetur autem, nullum loco suo motum esse, praeter tres, scilicet *quartum in Anniversario Assumptionis suae*, *sextum de Collectis et Eleemosynis*, et *nonum de ieiunio decimi mensis*, qui olim ex Cod. MS. Nic. Fabri ad Calceam ceterorum erant adiecti, a Quesnello vero iustis locis p. 110. 121. et 140. sunt adscripti. Vnicum Sermonem XCVI. in *Cathedra S. Petri*, inquit, ex Regio Cod. descriptum ceteris accensuimus et accensuisse poenitet: quoniam, etsi tunc temporis ratio id non vna suadebat, modo tamen stylo et in propria iterum et in aliena trutina suspensio, prius examen castigamus, illumque Leoni abiudicamus. Enimvero hoc quoque iudicium in sequiore editione reformavit et in prima sua sententia se acquiescere fassus est. Huic Sermonum XCVI. seriei finem imponunt *praefationes* ex Pontificali Romano ob affinitatem dictionis cum ceteris Leoniis huc repositae et appendicula Sermonum, qui, ut ipsi visum fuit, falso Leonis nomen in Codd. MSS. gererent, nempe 1) *in natali S. Vincentii Martyris* 2) *de Natiuitate Domin.* 3) *In ascensione Domini:* 4) *in Natiuitate SS. Apostolorum Petri et Pauli.* 5) *Tractatus aduersus errores Eutychetis*; atque haec appendicula minori quam reliqua caractere est expressa. Alteram quasi Tomi primi partem conficiunt *Epistolae* CXLI. in quibus, quae a se praestita sint, ipse ad sex sequentia capita refert: 1) Reiecit spurias et subdititias; 2) A germanis mendorum et inter-

interpolationum maculas absterfit; 3) Ordinem mutauit et ad genuinum renocauit; 4) auxit numerum plurium (XXXIII.) accessione; 5) Suam cuique, vt in Sermonibus quoque, synopsis praefixit; 6) Quotquot ab aliis ad Leonem datae sunt Epistolae, quae ipsius responsionibus intelligendis saepe sunt necessariae, locis suis inseruit, ita, vt minori caractere facile a Leoninis discernantur. Commode vero fecit, quod numerum ipsis non addiderit. Peccatum est in hoc ab omnibus fere insignioribus Patrum editoribus, maximeque Benedictinis, vt continuo cum scriptoris sui epistolarum numero exhiberent eas, quae ab aliis ad illum datae essent, quod saepe euoluenti ista volumina permolestum accidit: inprimis cum indicibus praefixis, in quibus diuersarum editionum ordines contenduntur, non occurri huic incommodo videas. Vnam ex ante editis epistolam, *ad Germaniarum et Galliarum episcopos de Chorepiscopis*, tanquam supposititiam omnino reiecit: praetereaque septimam *ad Septimum* et decimam septimam *ad vniuersos Siciliae episcopos* ex reliquorum numero expungendos censuit, locum tamen eis seruaui, ne doctorum iudicio praeiudicare videretur. Adiecta sunt fragmenta quaedam epistolarum et *epistola Iuliani Episcopi Coënsis*, vnica, quae restat. Claudit denique hunc tomum *Vita S. Hilarii Arelatensis episcopi*, scriptore S. Honorato Episcopo Massiliensi illius discipulo, Hilarianae apologiae causa addita, cui *metrum Hilarii in Genesin*, et *Epistola ad Eucherium* Episcopum Lugdunensem subiiciuntur. In *praefatione*, quam *Iohannis Cassiani ad S. Leonem Rom. Eccl. tunc Archidiaconum epistola librorum suorum de incarnatione Christi contra Nestorium nuncupatoria* et testimonia quaedam de Leone praecedunt, de superioribus Leonis editionibus, et

de sua opera atque subsidiis, quibus suffultus eam aggressus sit, luculenter verba fecit. Praefationi subiunxit indices: 1) generalem contentorum utriusque tomi, 2) epistolarum chronicum, 3) epistolarum anteriores editiones cum noua contendentem, 4) alphabeticum epistolarum. Rerum index in Leonis scripta ad calcem extat vberimus.

Alter tomus inscribitur: *Ad Sancti Leonis Magni opera Appendix seu Codex Canonum et Constitutorum Sedis Apostolicae. Dissertationes, Lectiones Varias, Notae, Observationes, Indices. Tomus II.* Singula eo ipso ordine, quo in titulo recensentur, se excipiunt, nisi quod lectiones variae, notae et observationes permistae inuicem proponantur. Iam de *Codice Canonum* alio loco dicetur. Dissertationes sunt XVI., quarum V. posteriores ad *Codicem Canonum* spectant, reliquae Leonem propius attingunt, quas enumerabimus. Disputatur igitur in I. *De Vita et Rebus gestis Leonis.* II. *De libris de Vocatione omnium gentium, qui Leoni vindicantur.* III. *De Auctoritatibus de Gratia Dei et libero voluntatis arbitrio eidem asserendis.* IV. *De libello ad Demetriadem, quod eiusdem Leonis sit, non Prosperi.* V. *Apologetica est pro Sancto Hilario Arelateni Episcopo.* VI. *De Ieiunio Sabbati in Ecclesia Romana tempore S. Leonis praecipit.* VII. *De Causa Eutychis Archimandritae CP. appellantis a sententia Concilii CP. sub Flauiano Episc. Cp. exponit.* In VIII. de causa *Flauiani Episcopi CP. appellantis a sententia Pseudosynodi Ephesinae*; in IX. de causa *Domni Episcopi Antiocheni depositi in eadem Pseudosynodo, et de Maximi in eius locum ordinatione*; in X. de causa *Theodoriti Episcopi Cyri appellantis ab eiusdem Pseudosynodi sententia agitur.* XI. *Epistolam de Privilegiis Chorepiscoporum ad Germaniarum et Galliarum*

liaram Episcopo Leonis nomine confictam esse contendit. Post Dissertationes notasque, *addenda quaedam in utroque Tomo et notitia aliquot Epistolarum S. Leonis et aliorum monimentorum, quae perierunt, sequuntur.*

Descriptio totius operis est elegantissima. Chartae maximi moduli, densae et pellucidae tamen, characteres nitidissimi. Lectorum commoditati ubique prospectum est, inprimis in Epistolis, apposita in summa paginae ora chronologia, et ubique notatis in margine grauioris momenti, quae quidem Pontificiis aestimari solent, sententiis, quibus passim lectiones varias et loca biblica interspersa invenies. Singularis exempli est dedicatio operis, qua ipsi Leoni Magno illud consecratur, et raro sane acumine cuncta Leonis praeconia, tum ex vita gestisque et scriptis eius, tum ex coaenorum et omnis posteritatis ipsiusque Quesnelli de eo iudiciis collecta, ad formam inscriptionis lapidaris redacta sunt. Quatuor paginarum spatia exaequat, additis in margine locis singulis, unde quaeque sint petita. Scilicet Quesnellus cum non posset non sentire, quantam invidiae nubem, quantosque aduersarios in se concitaturus esset libertate sua iudicandi et inueteratos errores oppugnandi audacia, hac quasi fidei formula contra laesi numinis pontificii calumniam se tueri voluisse videtur.

Ex his autem, quae haecenus de huius editionis contentis atque instructione enarrauimus, facile quidem, etiam absque monitore patet, quanto spatio ea omnes superiores post se relinquat, immo quantopere omnes omnium patrum tam Graecorum, quam Latinorum, quae ad hunc usque annum comparuerunt editiones, ingenii et doctrinae copiis studiique impensa antecellat. Quapropter haud opus esse arbi-

tramus

tramur speciosa testium inductione, ut probetur, quam honorifice utriusque ecclesiae docti de eadem senserint ac iudicarint. Nec sane catholicis scriptoribus religioni esse debet, iustam ipsi, quamvis atro in Romana Curia carbone notatae, laudem tribuere, nouissimorum editorum exemplo, qui digna meritum Quesuelli commendatione et aequi et perfecti arbitri personam sustinuerunt, neque aliter, quam ex iusta aduersarii virium aestimatione et maiorum conscientia victoriam sperandam esse docuerunt. Quod itaque instar omnium esse possit, Ballerini-
orum de Quesnelliana iudicium hoc loco apponere haud poeniteat. „Quae, quantaque sit ea Leonis editio, *inquiunt in praefatione generali p. XIII.* quam summo studio curauit Paschasius Quesnellus, illi soli ignorare queunt, qui editionem eius ignorant. Si textum expendas, qui in aestimandis veterum editionibus primum et potissimum spectandus est, et in quo quaeritur, num sit emendatus ac ineditis opusculis auctus; plures ille ac praestantissimos codices nactus est, quorum praesidio multa loca in anterioribus editionibus deprauata feliciter correxit et epistolas Pontificis, quae inter ipsius opera sacrae historiae utiliores sunt, ex vno Grimanico ms. octo et viginti antea ineditis augere epistolis potuit. Praeterea alia quaedam adiecit inedita, inter quae maxime celebris est antiquissima illa Canonum et Epistolarum Romanorum Pontificum Collectio, quae Dionysianae nihilum cedit, vetustissimique canonici Iuris studiosis maximo adiumento est. Si vero ipsius editoris lucubrationes textui, vel rebus illustrandis insertas consideres (idenim alterum est, quod in editionibus quaeritur;) quatenam editio Patrum tot *unius* *) editoris obser-

*) Non legerunt itaque Ballerinii, aut si legerunt, tanquam

observationibus, admonitionibus, notis, et dissertationibus locupletata inuenietur, quot illa Leonis quam Quesnellus typis impressit? Quae enim eiusdem Pontificis opera paruo volumine, formae, uti vocant, octavae, vel quartae, in antiquis editionibus comprehendebantur, ob Quesnelli additamenta duos implent non exiguos tomos in folio. Quem porro non moueant tantum studium in Leone edendo ab eo susceptum et nauiter impensum, *qui praestanti ingenio et multa eruditione ornatus, plurimum poterat*, quique priorem editionem nouis curis recognitam post viginti quinque annos recudit auctiorem, adeo ut limata et perfecta, quantum per eum fieri potuit, iudicari debeat? Quae in eo reprehendi solent ad haec tria fere redeunt capita. Primo arguitur negligentiae in usu codicum et quidem a summis viris et in antiquorum librorum studio peritissimis Baluzio et Coustantio; deinde accusant libertatem eius, qua interdum textum nullo allegato codice emendat. Omnium vero grauissima reprehensio haec est,

tanquam fabulam contemserunt, quae *Richardus Simonius* in *Critica Bibliothecae Dupiniana* v. *Leo* T. I. p. 190. sq. de Quesnello eiusque hac opera ferio, ut videtur, vultu refert, nimirum, non Quesnellum solum, sed plures, et in quos illud: *sumus legio* quadret, huius editionis fuisse auctores. Quesnellum solummodo per multos annos ea, quae a pluribus intra Parisios viris doctis accepisset, collegisse, et quia latine scribere nesciret, vernaculo sermone composuisse, deinde docto alicui Hiberno, qui olim fuerat Oratorii eius socius, tunc vero Rhetoricam in Collegio Bellouacensi docebat, in latinum dedisse transfundenda. Vitam Leonis autem traduxisse *P. Gerardum Dubois*, eidem sodalitio tunc adscriptum, eundem que inuito Quesnello duriora nonnulla eius in Romanam sedem enunciata inter traducendum mutauisse.

est, quod minime veritus sit falsarum doctrinarum patronum se in istis suis lucubrationibus fateri et non tam Leonem, quam Romanae sedis praerogativas, nunc palam nunc latenter impetere. Quod postremum tanto in ipso fuit inuidiosius, qui non occultas iamini odii sui in Societatis lesu asseclas significationes dederat, animumque vix a partium studio liberum gerere videbatur. Ac profecto nostrae etiam ecclesiae homines, qui acerrimum quemque Romani Pontificis iurium impugnatorem prono fere semper studio amplexi sunt, infitiri non debuissent, Quaesnellum animo interdum indulgisse, et modo contendendi impetu abreptum, modo studiose nimis vulgatis opinionibus contraria sectantem talia scripsisse, quae plus speciei, quam soliditatis habent. Quod priora attinet, dubium quidem non est, quin iuste a summis viris Baluzio et Constantio sit reprehensus, et vel illa, quam modo notauimus, argumentandi eius ratio aestuans magis quam sobria, non diligentissimum ubique criticum arguit. Sed caueamus, ne, quod culpa eius acciderit, in fraudis et maleuolentiae statim suspensionem trahamus. Etenim in cognoscendis atque discernendis tot editionibus impressis, examinandisque et conferendis codicibus mss. in tam arduo de genuinis atque supposititiis scriptis iudicandi, tam implicato circa annorum rationes constituendas negotio, tam multifario rerum, quas attendere debebat minutarum nexu, quis errare potuisset mirabitur et quis delassato aut nimis subinde perspicaci veniam denegabit? Illud denique non celabimus, dissertationes Quaesnelli esse fere prolixiores et per singula facta circumductas, saepe etiam in causis Leonem remotius attingentibus distineri.

1677.

Luteciae Parisiorum apud Franc. Muguet. 4.
Leonis Papae Epistolae quaedam et aliorum ad eundem antehac fere omnes ineditae, *e codice ms. Regio depromptae a Ioh. Bapt. Cotelario; in Monumentis Ecclesiae Graecae T. I. pagg. 50—65.*

Insunt: 1) *Epistola Flavianii CP. ad Leonem Rom. ex mss. Reg. 1026. 2614.* 2) *Leonis Papae et Romanae Synodi Epistola ad Pulcheriam Augustam, ex ms. Reg. 1026.* 3) *Leonis Synodica ad CPTanos, ex eodem codice.* 4) *Hilarionis seu Hilari Diaconi Epistola ad Pulcheriam, ex eodem ms.* 5) *Gallae Placidiae Epistola ad Aeliam Pulcheriam, ex eodem ms.* 6) *Leonis Rom. Epistola ad Archimandritas CPTanos, ex eodem codice.* 7) *Fragmentum Epistolae Anatolii CP. ad Leonem Pontif. Romanum, ex ms. Reg. 940.*



Lugduni apud Anissonior. f. Leonis M. Sermones de praecipuis solemnitatibus Domini et Sanctorum; Eiusdem epistolae decretales et familiares ad diuersos; Item tractatus aduersus errores Eutyche- tis et aliorum haereticorum; in Bibl. PP. Max. Tom. VII.

1687.

Parisiis et typogr. Regia. fol. Decreta Leonis Papae XLIX. in Collectione Dionysii Exigui recusa in vet. Codice Canon. Ecclesiae Rom. Francisci Pithoei nouae editionis pagg. 228—49.

1700.

Lugduni apud Ioannem Certe bibliop. in vici Mercatorio sub signo Trinitatis. fol. Tomi II. S. Leonis

Leonis M. Papae I. opera omnia, nunc primum Epistolis XXX., tribusque de Gratia Christi opusculis auctiora etc.

Iteratio Quaesnellianae recensitionis. Mutavit in leuioribus quibusdam auctor sententiam suam, sed non in iis, quae impio furore contra sedem apostolicam debacchatus esse criminabatur. A pagina 195—202. Tomi primi insertum est: Opusculum de *Vocis Correctione* in *Sermone VII. Sancti Leonis Magni de Natiuitate Domini Γεγραμμενῆς Δωρηματιῶν* (sic) *sive Litterulae Munusculum*, quod *Reuerentissimo patri Erasmo Gattola a Caieta, incliti Monasterii Casinensis Monacho, ac Decano et Vic. Gen. nec non a Bibliotheca, dono dat et offert* Ioannes Clampus Romanus *Magister Breuium Gratiae ac in utraque Signatura Referendarius Romae M. DC. XCIII. ex typogr. Io Iac. Komarek Boemi apud S. Angelum Custodem*: in quo auctor vocem *Aræ* in laudato Sermone corruptam esse contendit et ex Codicibus MSS. legendum demonstrat *Aræ* ad significanda spatia, quibus scalarum, per quas ascensus in Basilicam D. Petri detur, ordines distinguantur. Emendatio sane certissima; quapropter a Quaesnello absque vlla hæsitazione in textum pag. 81. addito auctoris elogio, est recepta. Ex hac epistola porro hausimus notitiam quarundam sermonum Leonis editionum, quas aliunde mihi innotescere haud memini. Sed lectores non celare debeo, id quod singulis in locis etiam, vbi eas proponimus, monui, fidem viri in hoc non satis mihi esse exploratam. Quod reliquas huius repetitionis dotes attinet, indices paulo copiosiores nacta est, inque his nouum *librorum, eorumque Capitum, Sermorum, Epistolarum, earumque Synopsis*, et aliorum omnium *Tomi primi titulorum*, quo prior editio aegre caret. Enim-

vero displicet, eosdem, qui tamen ex superiore maximam partem sunt repetiti, in vtriusque tomi titulo magna cum pompa ostentari. Denique descriptio operis facta est luculento charactere, binis per paginam columnis, in charta neutiquam contemnenda.

S A E C. XVIII.

1739.

Romae typis S. Michaelis ad Ripam sumpt. Hieron. Mainardi, f. S. Leonis Epistolae Decretales; in Collectione Amplissima Bullarum Pontif. Rom. ed. Carolo Cocquelines, Tomo I. a pag. 25—47.

Numerus contentorum est XIX. Sunt vero iuxta Quesnelli ordinem hae: I. II. III. V. VIII. XII. XV. XVI. XVII. XIV. XCVII. XXIX. XLVII. L. CXXXV. LXXVII. LXXXVII. CXXIX. CXXXVI. Ab initio statim editor subiecta ad primam epistolam notula monet, se omnes ex *Antonii Card. Carasae Epistolae Decret. Summor. Pontif. Tomo I.* deprompsisse, additque studio huius Cardinalis, qui scilicet Codicibus Vaticanis adiutus fuit, admodum dissimiles esse redditas iis, quas Canonistae et Operum S. Leonis Collectores ediderint.

1741.

Venetis apud Augustinum Sauoli. f. Sancti Leonis Magni Pontificis Opera omnia ad MSS. Codicum fidem emendata. Accedunt opera Maximi Taurinensis.

Parum cognita editio, et cuius vix vnum exemplar trans Alpes migravit. Merito quidem suo, si nostrates mature bibliopolae nequitias olfecerint, qui Codices in titulo venditavit ad emtores frequenter alluciendos; reuera opera Leonis, quae in Quesnello

Tom. II.

Nnn

exhi-

exhibita sunt, additis eiusdem super tribus Leoni primum ab eo vindicatis opusculis dissertationibus, recudit, et, si *Cacciario* fides sit, quae nobis non videtur ei deneganda, innumeris operarum vitiis foedavit. Nec vero palam eum ferre putes *Quesnelli* diligentiam. Immo ipse contemnens lectorum iudicium *Quesnelli* personam induit, et quae ille scripserat *a se denuum Leoni vindicata*, quasi sua (bibliopolae scilicet) opera *nunc primum vindicata et ad manuscriptos codices denuo emendata* profert. Hac ipsa denique impudentia sua legentibus iocum dedit, dum elogio Leonis a *Quesnello* condito et hic pariter eadem pompa recuso in locum nominis *Quesnelli* substituit: *Deuotissimus et obsequentissimus Client Augustinus Sauoli*. Ceterum meminerint lectores, ab eodem bibliopola *Petri Chrysologi* opera iuxta editionem priscam esse recusa, quod *Fulgentio* pariter accidisse in sequentibus discent.

1748.

Venetis apud *Andream Poletti*. fol. Tomis II. S. Leonis opera, — Accedunt Codex Canonum Ecclesiae Romanae — et *Sermones* et *homiliae S. Maximi Episcopi Taurenensis* ad MSS. Codices denuo castigati et aucti.

Curator huius editionis fuit *Andreas Polettus*, Venetus item Typographus. Ex eo primum discimus, priorem *Augustini Sauoli* editionem, quamvis misere confarcinatam, tam frequenti tamen emporum concursu esse distractam, ut exemplaria iam desiderarentur. Quocirca cum ex re sua existimaret, denuo Leonis opera prelo committere, ipse tamen nefas esse reputasset, *Sauoli* exemplar temere exscribere, doctorum virorum consiliis ductum se asseverat, ut aliud melioris notae et accessionibus auctum

exem-

exemplat repraesentari curaret, id quod non aliud, quam ipsius Quesnelli editio Parisiensis fuit, deintis tamen aliquibus et additis inuicem, quae in titulo significantur. Illud tamen scias, non Quesnellum, sed tantum Parisiensem editionem eum appellasse, iustone metu, an ut homines parce doctos sed tanto religiosiores simulatione hac falleret, non disceptauerim. *Tomus primus*, pariter ac Quesnellianae editiones, continet Sermones in varia capita distinctos, praefixa singulis Synopsi, qua a Parisino editore primum instructi sunt; epistolas deinde totidem, eodemque ordine ac distributione, fontibus vnde nouae illae ductae essent Quesnelli verbis indicatis. Nec tria illa opuscula, quae in Parisina editione Leoni primum tributa sunt, repudiavit, in hoc solum ab ea recedens, quod non in fronte reliquorum, sed ad calcem potius addiderit, subiectis statim tribus, quae ad eadem spectant, dissertationibus. Contra quae ad primum tomum accesserant in Parisina, *Vita Hilarii auctore Honorato*, et reliqua, hic in tomo altero post *Codicem Canonum* exhibentur, iisque denique ad voluminis complementum, quoniam reliquae Quesnelli dissertationes omissae sunt, *Maximi Sermones* succedunt.

Iam si quaeratur, quale nomen pretiumque operae huic Poletti statuendum sit, ut lubet *expurgatam* seu *mutilatam Quesnelli editionem* recte appellaue-
ris. Nam non ea solum, quae modo indicauimus, de Parisina demta sunt, sed multa etiam ex animad-
versionibus et admonitionibus ipsius frustra hic expectes. Atque hoc praecipuum est, quod in laudibus illius ponit *Petrus Thomas Cacciari*, sequentis auctor, cui huius aequae ac praecedentis Venetae notitiam vnice debemus. Is vniuerse quidem reprehensione summa et dixerim paene detestatione dignum

censens, quod e Quesnello aliquid in suam deriuare instituerit Polettus, tum eo magis ei succensendum arbitratur, quod famae, quae de suo (Cacciarrii) molimine nouae editionis spargi coepisset, nullam rationem habuerit: atque ea solum in meritis eius ponit, quibus a Parisina editione recessit. „Inprimis illud minime possumus dissimulare, inquit, Typographum Polettum aliquam ex eo laudem sibi comparasse, quod non praecedentem Sauoli editionem exscripserit, quam innumeris typographiae mendis scatere ipsi, et quotquot eam lustrarunt, iure meritoque conquesti sunt. Alia porro laus, quam Polettus comparauit sibi, ea est, quod scilicet in suam Venetam editionem quam plurimas Quesnellianas animaduersiones minime intulerit, et admonitiones, quae vt plurimum, aut Leoninis sensis, aut ecclesiae ritibus, aut ecclesiasticae hierarchiae ordinibus, vel demum etiam Catholicae fidei regulis repugnant, resecarit: cuius quidem generis obseruationes et monita, quae in vtraque Gallica Quesnelli editione legenda occurrunt, prorsus in illa desiderantur, quam Polettus vulgauit: qui in suis nouis typis et Quesnellianas duntaxat synopses et Leonis textum attendens, prout ille in Galliis lucem adspexit, tantam sibi blanditus prae se ferre puritatem, vt castigatior atque limatior prodire minime possit.“ Ob vtrumque porro acrius in ipsum calamum diffusa Quesnelli confutatione stringit Cacciarus. Sed quod ex proprio magis instituto hoc facit, de eo post videbimus. Illud vero eius de Poletto iudicium incautius nobis visum est, quo reprehendit, quod tres laudatas Quesnelli dissertationes suscipere non grauatus fuerit, *nulla interim mentione facta Scriptorum illorum, qui totis nervis Quesnello sese opposuerunt ad praeiudicatas eiusdem opiniones refellendas, et porro quod*

*Codicis Canonum auctoritatem ab aliis scriptoribus eliuatam magni fieri dixerit a Petro Constantio in praefatione ad epistolas Pontificum Romanorum, seque lectorum votis consuluisse professus sit, ut opus illud quaecumque alibi quaerere non cogerentur. Egrege scilicet rei suae consulisset bibliopola, si litium istorum commemoratione scrupulum hominibus superstitiosis inieciisset. — Grauior haud dubie reprehensio ea est, quod plurimis typorum erratis opera Poletti laboret et manifesta nimiae festinationis vestigia ostendat, cuius exemplum prodit admodum turpe, nempe *Tractatum S. Leonis aduersus errores Eutychetis aliorumque Haereticorum* bis iisdem verbis et eadem epigraphe semel pagina 102, iterumque pagina 309. excusum.*

1751.

Bononiae apud Hieron. Cortiolani et H. H. Colli.
4. *Sermo S. Leonis de Quadragesima, incipiens Dilectissimi nobis, fides nostra nos admonet, cum annotationibus Io. Chrys. Trombelli cum aliis tribus de Resurrectione Domini, in Festiuitate S. Pauli, falso eidem adscriptis, et vno de Abrahae filio incerti auctoris, forte Leonis eiusdem, ex codice Bononiensi; in Opusculis Vet. PP. Lat. s. Anecdotis a Canoniciis Reg. S. Saluatoris Bononiae euulgatis Tomo II. P. I. pagg. 233—53. Nullus omnino, nec prior ille de Quadragesima, ut Trombellus inscripsit, Leonis est, docentibus Balleriniis in diss. de Sermonibus Leoni M. suppositis.*



Romae ex typographia Antonii Fulgonii apud S. Eustachium. fol. Exercitationes in vniuersa S. Leonis Magni opera pertinentes ad Historias Haeresium

Manichaeorum, Priscillianistarum, Pelagianorum atque Eutychianorum, quas summo studio ac labore SS. Pontifex evertit atque damnauit, et dicatae sanctissimo Patri Benedicto XIV. Pontifici Maximo a *Fratre PETRO THOMA CACCIARI, Carmelita, in Collegio Urbano propagandae fidei sacrae Theologiae Polemicae Lectore, et Romani Cleri Examinatore Apostolico.*

Leonis operum editionem Anti - Quesnellianam iam pridem non intra animum solum voluerat *Cacciarus*, sed expectari etiam ex aliquo tempore iusserat. Attamen cum diutius protrahi illa videretur, quod ipse iustis causis, muneris scilicet auocationi, et ipsius negotii grauitati tribuit, et iam cauillationibus ab iis, quibus vel impar huic spartae aestimaretur, vel totum consilium displiceret, peti coeptus esset: hisce tandem editis dissertationibus et inuidos rumores dispellere et viam apud aequiores sibi praemunire studuit. Hoc ergo prae ceteris ratio postulat, ut quo in Quesnellum affectus sit animo ostendamus. Tria autem potissimum ab eo commissa grauitur conuestus est. Primum, quod plura a genuino textu abhorrentia intulerit; deinde, quod multa admiscuerit Ecclesiastico agendi ordini ac rationi minus consona et, quod grauius, a Catholica regula plane aliena: adeo, ut non tam medelam Pontificiis scriptis adhibuisse, sed ea grauitur vulnerasse videatur; tandem quod non solum omnia monumenta non collegerit, sed alia de industria praetermiserit, alia vero, utpote aduersa scopo, quem forte sibi proposuerat, tanquam omnino supposititia, vel certe, ut suppositionibus referta reiecerit, vel mutilauerit. Ita summam sese habent Cacciarum in Quesnello repressa, distinctius autem sic persequitur. *Quesnellus*, inquit, *acerrimo pollens ingenio, valde facilis ad contentio-*

tentiones, et iurgia excitanda; omnino promptus ad aequivocationes et fallacias construendas, alium sibi scopum proposuit, praeter illam, quem Catholici cuncti, et praecipue suae gentis homines habuerunt, in adornandis castigandisque veterum PP. voluminibus. Ipse namque, quandoque clariora Sancti Pontificis loca obscuris, aequivoxis, falsisque adnotationibus foedavit: alia ad prorsus violentas interpretationes detorsit; veritatem fallaciis occulit, oppressit, atque perpetuo praetextu antiquitatis inquirendae et illustrandae ea systemata sensim et ubique stabilire satagit, quae haereticorum partibus fauent, et sacrae Ecclesiasticae Hierarchiae regimen deiciunt; pene quandoque etiam abolita, aut saltem imminuta Romanorum Pontificum vera et legitima iurisdictione super omnes alias Ecclesias, etiam Orientis. Alium interim tamen se esse simulavit. Quandoquidem in suis scribendis operibus, et in Leoninis adornandis scriptis, multo artificioso conatu usus est, reverentiam, pietatem, cultumque erga Romanos Pontifices, et Apostolicam Sedem affectanda, ut incautos deciperet, et occulti hostis quam saepissime partes agendo, post splendidum verborum apparatus, illas veneno adpersas propositiones erubrat, quae erroneae, et in omnibus commentitia eius systemata falso aliquo veritatis colore induere posse arbitrantur *).

Nnn 4

In

*) In praefatione ipsis operibus praemissa eandem querelam sic effert. *Tantum abest, ut Quesnellus Ecclesiasticae et Literariae Reipublicae haec beneficia contulerit, (ut scilicet Leonis scriptis primigeniam integritatem et nitorem, quemadmodum professus est, redonaret) ut ipsum potius textum compluribus in locis gravius vulneraverit, in aliis ad violentas omnino interpretationes distorserit, et in nonnullis denique eundem minus Catholice explicaverit; ita ut*
eius

In hac ergo rerum conditione cum ingens laborum onus humeris suis impositum existimaret, cum textu a falsis et corruptis lectionibus purgando et ad pristinam integritatem restituendo, id, quod Synopses etiam a Quesnello studiose temeratas postulare affirmat: tum augendo aliqua genuinorum operum accessione eaque, quae non nisi praua et subdola mente ab eo Leoninis inserta essent (intelligit libros *de Vocatione gentium*, *Auctoritates sedis Apostolicae de Gratia*, et *Epistolam ad Demetriadem*, item *Codicem Canonum Ecclesiae Romanae*) eliminando; neque tamen plene se consecuturum speraret quod cupiebat, nempe ut omnes Quesnelli venenatos aculeos retunderet, quorum plurimos et grauissimos in eius dissertatione *de vita et rebus gestis Leonis M.* superesse sibi persuaerat: huc praesertim selectissimas doctrinae suae copias conuertere et ingenii neruis intensissimis contra ipsum in hoc exercitiorum campo deproeliari decreuit. Sed audi ipsum: *Inter illas dissertationes fucato colore Ecclesiasticae traditionis et Leoninae doctrinae illustrandae, a Paschasio Quesnello conscriptas, principem locum habet illa: De vita et rebus gestis S. Leonis Magni. Multis fraudibus enim magis, atque commentis totam hanc dissertationem, et caeteras subsequentes esse refertas, vix intelligere potuissim, si in illis percurrendis semper ad ipsum Leoninum textum non prouocassim, ut rerum veritatem inspicerem. At cum tanto artificio ipse uti soleat, ut sensim lectores etiam probos et optimos in prauas suas opiniones pertrahere possit, hosque multis praepiudiciis imbuere, plurimum mihi laborandum fuisse praesens hoc opus indicabit. Vix enim enarrare pos-*

eius studia et labores nonnisi in S. Leonis iniuriam, Ecclesiae Catholicae perniciem et in A catholicorum praesidium atque fauorem redundauerint.

possum, studium adhibitum in exaggeranda sua erga S. Leonem et Apostolicam Sedem deuotione animique pietate, quam testari se simulat ornata quadam oratione vel in huius laudes excurrendo, vel Leonina gesta atque statuta cum aliorum Episcoporum doctrina, pietate, religione Clarissimorum operibus simul comparando, vel in medium interim adducendo quarundam particularium Synodorum regulas, quae ante Leonis aeuum alicubi obtinuerunt, quibus subesse et insistere Summum Pontificem debuisse offeuerat. Quid enim? Aliquando talem, tantumque eruditionis apparatus ad suos lectores delectandos construxit, sensim suique deque antiquas Ecclesiae res vertit, perturbauit, miscuit, ut ne vix quidem appareant illicia, quibus usus est ad praua sua systemata insinuanda atque firmanda; sibi forte blandiendo, in sacris et Ecclesiasticis rebus pertractandis hominum ingenia, et dicendi arte et philosophicis coniecturis potius, quam rerum veritate et rationum pondere persuaderi posse. Quolis autem quantaque diligentia, et animi attentio, ne deciperer, adhibenda mihi fuerit in percurrenda hac, aliisque Quesnelli dissertationibus, nemo facile poterit intelligere, nisi ii forte, qui in conscribendis eruditissimis Commentariis, ad Ecclesiasticas res pertinentibus, me praecesserunt. Quemadmodum nouissime factum fuisse a Cl. Viro Ioanne Antonio Bianchi ii norunt, qui eiusdem sex volumina de Ecclesiae potestate aestimarunt. Is enim in familiaribus colloquiis inter nos habitis, non semel testatus est, alium nunquam scriptorem legisse, qui tot simulationibus, et artificiis uteretur praeter Quesnellium. Quippe qui cum aliquando se facile perstringi et iugulari posse persensit, statim quasi anguis elabitur, et ex una ad aliam, vel plures quaestiones progrediens, vera incertis et aequivocis admiscuit; et rursus falsa, et

erronea, dubiis et probabilibus interserit et implicat, ut ad sibi praefixum scopum perveniat. Non igitur ad eliminanda solum e Leonis operibus tot commenta, fallacias atque nugas, et ad asserenda Sedi Apostolicae sua legitima iura sufficere poterat illorum textum nudum et sincerum undequaue ab omnibus mendis, aequivocis et falsis interpretationibus expurgatum exhibere, verum etiam opus erat, ordinata methodo quasdam exercitationes conscribere, quibus haud exiguum lumen Leonis gestis, Apostolicae Sedis iuribus et Ecclesiasticae regiminis formae, et ordini offerri possemus.

Scilicet enarrandam sibi sumsit earum haeresium, vel praecipuarum certe historiam, quae tempore, quo S. Leo ad summum Pontificatum fuit assumptus, ad vitae ipsius exitum usque Catholicae Religioni vim intulerunt, et Occidentem atque Orientem infestarunt. Propterea, inquit, ut suorum munerum partes impleret, et Christianam fidem custodiret, omne studium ac laborem eum impendere oportuit ad sedandas saevissimas tempestates, quae diabolico furore debacchante fidei exitium promovebant, Christi imperium et Romanam Ecclesiam vexabant, de quibus omnibus eas victorias ipse summus Pontifex reportavit, quas Divo Petro, huiusque successoribus Christus Dominus in Scripturis promiserat. Igitur duobus libris de Manichaeorum, vno de Priscillianistarum, libro vno de Pelagiana, libris itidem duobus de Eutylichiana haeresi et historia, copiosum sermonem instituit. Ac Manichaeismi historiam ab ovo inde pertextere coepit, fortasse non ex primo consilio. Etenim iam absolutum sibi fuisse hoc pensum scribit, cum ab amico monitus, Belsobrii libellum in manus sumeret telamque iam pertextam denuo sibi retractandam esse intelligeret. Hinc Belsobrium magis quam

quam Quesnellum in his libris debellat. Contra in Pelagiana historia ea solum, quae Leonem attingerent, spectauit, omninoque in singulis quae Leonis partes vel scriptis vel factis fuerint, insigni in loco ponit. Iam cum satis ingenium consiliumque viri hisce speciminibus declarata esse reor, ad ipsam operum Leonis editionem progrediamur.

1753—55.

Romae apud Iosephum Collini. fol. Tomis II.
S. Leonis Magni Papae primi opera omnia ad manuscriptos Codices emendata, nouis monumentis aucta, notis et obseruationibus adornata studio F. PETRI THOMAE CACCIARI Carmelitae.

Nimirum tria illa, quae in editore requirunt Balzerinii iuxta verba eorum supra producta, vt editionem praestet emaculatam, nouis scriptis auctam et illustratam, Caccarius quoque in hisce voluminibus effecisse sibi visus ac pollicitus est. Quippe emaculatam et locupletatam dedit ex codicibus maxime Vaticanis, quapropter *Romanam* appellari cupit, illustratam autem praeterquam Exercitationibus praeciis, in notis iamiam textui subiectis, quae cum fere omnes contra Quesnelli opiniones atque asserta diriguntur, idcirco *Antiquesnelianam* non immerito suam editionem audire praedicat. Rescissis igitur libris, quos nouo exemplo Leoni vindicatum iuerat Quesnellus, rescisso quoque Codice Canonum et Constitutionum Sedis Apostolicae, *primo Tomo* Sermones, cum nonnullis aliis monumentis de re liturgica ex Missali et Ordine Romano et Codice Sacramentario desumptis, *altero* Epistolas solas complexus est. Ac in Sermonibus quidem non vna profecto ratione Quesnellum deseruit, restituendo non solum superiorum editorum ordine, quem a veteribus quoque Colle-

Collectoribus in manu exaratis archetypis seruatum obseruarat, et Synopses, quas illi concinnauerant, sed textu passim ad mss. fidem immotato, et, vt sibi quidem persuasit, emendato. Et quod varias lectiones attinet in editis et mss. libris deprehensas, nusquam vulgatas ab aliis editoribus subduxisse et nouas intulisse se affirmat, nisi tum, cum ipsorum Codicum summa consensio et Leoninae orationis ratio id postulare videretur, vel quando manifesto antiquorum errore perspecto duorum saltem Codicum subsidio easdem castigari posse et debere existimaret. In qua re, *inquit*, praesertim etiam ad consuetas et satis familiares sancti Pontificis loquendi formulas alibi expressas attendentes, quaedam corrupta loca ex alicubi repetitis suppleuimus, admonitis tamen nostris lectoribus de causis, quae Leonis obscura et difficiliora quaedam sensa aliis magis perspicuis et certis nos docebant oportere interpretari. Quae quidem omnia non magis veritatis causa, quam vt artibus aduersarii sui Quesnelli, quam saepissime vel Leonem accusantis, aut in praesidium suorum assertorum traducantis, occurreret, fieri debuisse significat. Huius etiam causa se coactum fuisse scribit, textum codicum mss. subsidio ita restitutum, notis, observationibus et praemonitionibus adornare, ne forte totum illud, quantum esset, quod ex illa castigatione provenire posset utilitatis, aut penitus interiret, aut saltem occultaretur, adeoque nonnullorum opinio de Quesnellianae editionis prae ceteris omnibus praestantia maneret, aut etiam notae eius et observationes tantum pondus habere viderentur, quasi a nemine de errore notari aut de falsitate possent convinci. „Necesse ergo fuit, *inquit*, hisce Quesnellianis notis et observationibus, nouas, veriores atque magis sinceriores oponere; easque non ad calcem huius nostri volumi-

voluminis referuare, vt quandoque viri, alias doctissimi fecerunt, sed easdem conuenientibus sibi que aptis locis distribuere, vt lector nullum prorsus laborem in euoluendis libri paginis subiret, ad ea intelligenda, quae hac Romana editione contra Quesnellianam conscripsimus. Quia vero tandem (vt diximus) in suarum falsarum propositionum praesidium, Leoninum textum, perperam et violenter interpretatum, adducere consuevit, allaborauimus, vt in his typis maiusculis characteribus ea loca excuderentur, quae magis apta sunt ad arguendam eiusdem nostri aduersarii falsitatem et ad euertenda tot asserta minus Catholica, aut maxime impudenter ab eodem pronunciata.“ Iam quod vltimam huius editionis dotem, augmenta in hoc tomo facta attinet, plures in tot diuersis, quot manu versabat, mss. codicibus sermones Leonis nomine inscriptos inuenit, quorum alii magis, alii minus sinceri videbantur, alii manifesto mentiri se hoc nomen ostendebant et ex sexcentis aliorum pannis consuti erant, in quibus omnibus rite et apte discernendis haud leuem operam et plusculum temporis perdidit, vnumque ex tot impedimentis fuisse conqueritur, cur opinato serius hanc editionem emittere potuerit. Addidit autem genuinis Leonis sermonibus, quinque nouos ex Vaticanis et Vallicellaneis Cod. haustos, et postremam partem sermonis de festo Cathedrae S. Petri, quem mutilum et imperfectum primus euulgauerat Quesnellus. Sunt autem I. *de Dominica Resurrectione*, idem, quem *Trombellus* dederat, cuius de sinceritate eius dubia proluxa praemonitione euertere noster studuit. II. *De Festo Ascensionis Dominicae*. III. IV. *in festum SS. Fratrum Macchabaeorum Romae Kalend. Augusti in Ecclesia S. Petri ad Vincula celebrari solitum*. Posteriores duo in vetustis codd. vel anony.

anonymos vel sub Augustini nomine offendit, sed suo aliorumque doctorum virorum post examen institutum arbitrio Leoni adiudicavit; V. de *Natali Sancti Pauli Apostoli*, itidem a Trombello tanquam alius a Pontifice Leonis editus, nunc autem ad antiquissimum Cod. Vat. num. 3835. repraesentatus et Leoni M. assertus. Dubios deinde spuriosque et ex diuersis Leonis fragmentis consarcinatos Appendicibus Quesnelli et PP. Maurinorum, qui Augustini sermones ediderunt, more secreuit, ac in primam quidem eos solos, quos Quesnelli Appendicula continet, compegit, in altera vero, quam *nouam Appendicem* inscripsit, nouem sermones mutilos et imperfectos, dubios et apocryphos, qui in variis Mss. Leonis nomen gerebant, exhibuit, postremoque loco posuit *Breuiarium contra haereticos et schismaticos* a Sirmondo et in *Bibl. PP.* pridem euulgatum, recens autem in Bibliotheca FF. Eremitarum S. Augustini Patauii in ms. Codice VII. saeculi sub Leonis nomine inuentum. Haecenus de *primo* huius editionis *Tomo*. *Alter Tomus* Epistolas complectitur, in quo non minori Codicum mss. imprimis Vaticanorum adiutus fuit auxilio, tantamque in iis messem sibi fecisse visus est, vt libere fateri ausus sit, hanc editionem prorsus nouam esse ac ex mss. fide vnice eductam. Et cum Graecis iuxta quam Latinis codicibus mss. Bibliotheca Vaticana abundaret, noua quaedam monumenta Graeca offendere contigit, quorum alia quidem iam in Conciliorum Collectione edita medicam manum postulare videbantur, alia, graece nusquam, latine tantum euulgata, in maiorem historiae ecclesiasticae fidem, alia denique, nec graece, nec latine antehac cognita, tanquam editionis suae ornamenta adicere constituit. In quo negotio, quoniam ipse nec in Graecis scriptoribus satis versatus, multo

multo minus compendiosas manu exaratorum librorum notas legere posset, usus est opera docti cuiusdam Graeci Raphaelis Vernazza, Chio oriundi, presbyteri Romani, qui XLVII. epistolas graecas exscripsit, easdemque ad alia exemplaria iterum relegit, aut cum editis ubi suppetebant diligenter contulit. Sed singula hic enumerare non refert; sufficiet indicasse quatuor epistolas, plane novas, quibus primus Quaesnellianarum numerum CXLI. ad CXLV. amplificauit. Sunt illae I) num. XXII. *Leonis ad Theodosium Imperatorem de Verbi Diuini Incarnatione* epistola seu fragmentum potius epistolae gr. latinum ex Cod. Vat. num. 720. p. 74. erutum. II) num. LXXXV. *Ad Iulianum Episcopum de Monachis Eutycheti adhaerentibus.* III. num. CXVII. *Ad eundem de eiusdem contra Eutychianos industria.* IV. num. CXXVI. *Ad Anatolium Episcopum super Attico Ep. CP.*; omnes ex Codice ms. Ratisbonensi Monasterii S. Emerani, de quo infra dicendi locus erit. Has igitur locis notatis inseruit, in ceteris sequitur Quaesnelli ordinem aliorumque ad Leonem epistolis illius more nullos numeros adscripsit. Synopses quoque Quaesnelli retinuit, ea licentia, ut ubi sensibus Leonis eadem non omnino respondere existimaret, castigaret, suppleret, aut plane novas concinnaret et ad calcem singularum fere Epistolarum discrimen inter Quaesnelli verba suaque notaret. Notas denique, monita ac marginalia adiecit, quibus partim de variantibus et emendationibus rationem reddit, partim et frequentissime quidem in Quaesnellum gladium stringit. Nam cum in eius annotationibus, quas magno lectorum incommodo ad calcem ab eo reiectas fuisse censet, nec veram semper, nec sanam doctrinam continere obseruasset, sed quam saepissime fraudem, fallacias, malam fidem sensim in iisdem haberi detexisset,

xisset, eas omnes (loquimur verbis eius) conuenientibus suis locis ad veritatis trutinam reuocauit, et grauissimis rationibus insistens, eum aut hallucinatione defecisse, aut incautos lectores fallere quaesuisse demonstrauit. In quo fungendo munere, *inquit*, non semper breuitati studuimus, cum multa quando, que et varie inter se admodum disparata obliicerentur, quae paucis verbis indicare, eripere atque refellere cuique prorsus impossibile credebatur.

Restat nunc, vt pauca de operis totius descriptione, specie ac norma adiiciamus. Singulis itaque tomis post dedicationem (prior inscriptus est *Cardinali Nerio Corsinio*, alter *Benedicto XV. P. S.*) subiicitur praefatio, in qua de editionis consilio, editionibus superioribus, imprimis Quesnelliana eiusque methodo et malis artibus, suoque denique studio et subsidiis verbosius fere disputat, et vtraique indice mss. librorum, quibus vsus fuit, claudit. In secundo tomo, antequam ad haecce argumenta deuenit, prolixam de iis, maxime catholicae ecclesiae doctrinis, quas Quesnellus labefactare studuerat, sermocinationem orsus est, cui vix post quadraginta et amplius paginas finem imponit. Sequuntur deinde Sermonum Epistolarumue contentorum indices vna cum synopsibus, quae dupliciter adeo impressae sunt, tandemque ipse textus binis columnis impressus, cui notae in ima ora latis lineis exscriptae subsunt. Ab initio cuiusque sermonis aut Epistolae ad marginem litteris minusculis editiones et codices mss. ex quibus desumtae et castigatae fuerint, sicut in ceteris marginalibus argumenta et sententiae potiores indicantur. Monita vel admonitiones modo praemittuntur, modo ad calcem subiecta, interdum media inter duo, ad quae pertinent scripta, collocata sunt. Tandem cuique volumini Index rerum et nominum memoranda-

morabilium satis copiosus additus est. Characteres ut plurimum rotundi sunt, grandiusculi, sed apti invicem pro loco suo et luculenti, et raro typothetarum vitia occurrunt.

Iam si de editore eiusque meritis sententiam requiras, satius ipsi fuisset putaverim, si vires consideratius ponderasset, antequam tale opus Leoninarum lucubrationum imprimilque epistolarum editionem post Quesnellum, nedum contra Quesnellum, aggrediretur. Enimvero sine vlla haesitatione tanto immergit se Oceano, etsi sentire debebat, sibi multa eorum, quae in vnoquoque editore necessaria, nedum ornamento sunt, deesse. Etenim praeter doctrinam aliquam in Theologia Polemica, non elegantem illam. sed talem, quae fortasse muneri Examinatoris Apostolici Cleri Romani sufficeret, omnis eius eruditio, praesertim in historia et iure Ecclesiastico, non diuturna lectione et studio acquisita, sed pro praesente rei necessitate festinanter coacta fuit, adeo, ut, quae modo immenso labore ab aliis addidit, nisi a sensu eius atque intelligentia nimis disiuncta fuerint, tanquam sua statim atque intra animum enata proferre atque alios docere audeat; id, quod non solum ex Exercitationibus eius manifestum fit, sed potissimum etiam in iis, quae de Quesnello sentit, declaratur; quippe quem vix semel laudabilem aliquam in Leonis editione operam fecisse agnoscit *), doctum nunquam fatetur, sed hominum ignavorum more aduersarium, quem inconsulto laceffendum sibi sumsit, non virtute sua, sed fraude et astutia metuumdum clami-

*) *Praef. ad T. I. p. XXI.* vbi de ordine Epistolarum a Quesnello instituto, contra quem iustissimis de causis nihil moliri audebat, ait, non modicam auctorem exinde laudem retulisse.

clamat. Certe si quidquam aliud tot lepidae de Quesnelli artibus, fallaciis, simulationibus falsis et aequiuocis interpretationibus exclamationes et querelae, in singulis paene paginis repetitae, demonstrant, quanta viri ingeniosissimi eruditio Cacciaro inopi negotia faceffiuerit, praesertim dum ipse semper circumspectans, ne anguis in herba lateat, lectoribus frequenter acclamat, ne ipsum timidum reputent, aut Quesnellum vinci non posse credant. Hinc fit, ut huic certamini plane impar, incertus etiam apertone campo aggredi debeat, an ubi occasio data fuerit, hostem vellicare: neque conferto argumentorum robore totum eius systema falsarum doctrinarum oppugnet, neque singulis semper aptissima quaeque opponat, sed declamationibus fere utatur, et non raro pro refutatione se illum non intelligere obiiciat. Ceterum hanc censuram unusquisque, cui editionem Cacciarri manu versandi facta fuerit copia, quemque operae suae non poeniteat, veram atque iustam esse deprehendet. Sed iam antequam molimini huius successus hominis ingenium manifestaret, nemini magis quam sibi ipsi imbecillitatem virium incognitam fuisse, ab ipso iterum edocemur. Eo scilicet tendunt illae eius de inuidis et obrectatoribus, quorum irrisiones et aduersa in se studia quotidie non sine editionis impedimento expertus sit, querimoniae, quarum iam ad Exercitationum eius commemorationem mentio iniecta est, quasque in utriusque tomi praefatione ingeminat. Qui autem propius intuebantur, nosse poterant, operam in alio quouis ecclesiastico scriptore bene ab eo collocatam in Leone perditum iri, unde poterant non aut palam, aut occulto consilium illud improbare, et cum nimium diu protraheretur, opinari, eum in medio opere defecisse.

1755—57.

Venetis apud Simonem Occhi. f. III. Tomis.

Sancti Leonis Magni Romani Pontificis Opera post *Paschasti Quesnelli* recensionem ad complures et praestantissimos mss. Codices ab illo non consultos exacta, emendata, et ineditis aucta: Praefationibus, Adnotationibus et Admonitionibus illustrata. Adduntur etiam quaecumque in *Quesnelliana* Editione inveniuntur, eaque ad crisin reuocantur: curantibus **PETRO, et HIERONYMO FRATRIBUS BALLE-
RINIIS Presbyteris Veronensibus.** *Tomus primus* sincera S. Pontificis Opera continens, id est Sermones et Epistolas cum suis Appendicibus.

Tomus secundus continens Opera S. Leoni attributa, quae nec ad Sermones, nec ad Epistolas pertinent. Accedunt S. Hilarii Episcopi Arelatensis Opuscula, ad codd. exacta et aucta. Subiiciuntur Dissertationes XI. *Quesnelli* in S. Pontificis Opera, eiusque Notae in Epistolas, criticis observationibus appositis.

Tomus Tertius seu Appendix ad Sancti Leonis Magni Opera, seu vetustissimus Codex Canonum Ecclesiasticorum et Constitutorum Sanctae Sedis Apostolicae, a *Quesnello* eiusdem Pontificis Operibus adiectus, nunc autem ad praestantissima mss. Exemplaria recognitus, et in meliorem multo formam restitutus: cui alia subiiciuntur rarissima, et quinque Dissertationes *Quesnelli* in eundem Canonum Codicem ad critice reuocatae. Praemittitur Tractatus de antiquis tum editis, tum ineditis Collectionibus et Collectoribus Canonum ad Gratianum usque.

Ita inscribitur editio, quacum praeter Constantii praeclaram de epistolis Romanorum Pontificum operam vix alia in tota Ecclesiastica litteratura comparari potest, quaeque editoribus suis tertium merito

inter studii huius coryphaeos, Baluzium et Coustantium dico, locum assignat. Quesnellum sane non solum subsidiorum i. e. mss. librorum copia ac praestantia, sed multo magis etiam peritia eorum et usu diligenti, tum vero eruditione prompta atque accurata superant. Nimirum codices mss. non solum ex Vaticana plurimos et praestantissimos, sed ex aliis etiam intra et extra Urbem et in omni paene Italia Bibliothecis, quin in Germania etiam ex Vindobonensi Caesarea et Ratisbonensi S. Emerami admodum insignes habuit. Ex his Sermonibus emendandis potissimum profuerunt exemplaria Romana, quorum nonnulla ad Basilicas urbis pertinuisse, certoque Romana esse cognouerunt, eorumque lectiones tanquam puriores saepius vulgatis, quae a Quesnello non emendatae erant, aut a Quesnello non apte satis vel perperam mutatis substituerunt. Quippe tercenta circiter loca vel certa emendatione restituisse, vel ad meliorem lectionem reuocasse se affirmant. Praeterea ex tot diuersae originis codicibus simul collatis ordinem in nonnullis perturbatum esse detexerunt et correxerunt, duos sermones, qui in vnum coalebant, diuiserunt, sermonem Leoni perperam tributum, aliumque eidem a Quesnello ex suo codice affectum remouerunt, alium denique, quem ille Leoni detraxerat, restituerunt, pluraque id genus, de quibus passim in annotationibus monent, praestiterunt. Similiter in Epistolis nec paucas nec leues correctiones intulerunt, chronologiam in aliquibus restituerunt totumque ordinem immutarunt, item quasdam a Quesnello in dubium vocatas et nonnulla ab eodem expuncta adiuuantibus mss. libris vindicarunt. Quod inedita attinet, adiecerunt huic editioni tres nouas Leonis epistolas ex Codice Ratisbonensi *) et vnam Graec.

*) Easdem, quas hoc ipso fere tempore Cacciarus euulgauit.

Graecam Anatolii Constantinopolitani Episcopi ad Leonem; item epistolas aliquot Graecae interpretationis antiquae ex eodem Vaticano; porro ex Codice Veneto S. Marci integram actionem concilii Chalcedonensis in gratiam Epistolae XCIII. Leonis habitam, nec non aliam actionem eiusdem Concilii in causa Domni Antiocheni, in qua pontificia Leonis auctoritas commendatur ex ms. olim Veronensi, nunc Vaticano, tomo secundo; denique Sermones complures Leoni in mss. tributos, in appendice. Hic primus editorum labor fuit, nempe ut textus emendatior quam in Quesnelliana prodiret et auctior; alteram curam esse voluerunt, ut quoad ipsa Leonis opera fieret sincerior, secernendo genuina a supposititiis, praesertim illis, quae arbitrario Quesnellus eidem tribuerat. Neque enim omittenda duxerunt, quaecunque ab eo huc semel collata essent, sed segregare maluerunt, iisdemque mss. librorum medelam ubi copia facta esset, adhibere. Restabat tertium, textus intelligentia, rerumque a Leone gestarum aut eum attinentium iusta explicatio, id quod absque severo omnium Quesnelli annotationum et dissertationum examine fieri nequibat. Enimuero etsi in quibus ille offensam dedit, ad duo praecipue capita, de gratia divina scilicet, et Sedis Romanae quibusdam praerogatiuis redeant, intelligebant tamen, uniuerse iis non eo successu obuiam iri posse, ut omnes eius errores paterent et conuincerentur, sed pedetentim se eum sequi oportere, omnesque ac singulas eius assertiones et commenta ad viuum refecare. Statuerunt itaque ipsas eiusdem lucubrationes integras editioni suae inferere et suas cuique observationes subiicere, quibus ea, quae confutatione viderentur digna, impugnant aut corrigerent. Quo simul illud sese consecuturos esse sperabant, ut Quesnelli editio, quae

huic ipsorum in totum inserta inueniretur, non amplius esset necessaria, et lucubrationes ipsius, quae in editionibus eius interdictae essent, in hac et cum animaduersionibus et censuris eorum legere liceret. Quibus ita pro consilio Operis descriptis ordo atque distributio totius haec exit. *Primus tomus* exhibet omnia *genuina* Leonis opera, id est, *Sermones* et *Epistolas* sinceras, in quibus emendandis tam suis codicibus mss. quam Quesnelli variantibus vsi sunt. Constat ergo hic tomus duabus partibus, quarum cuique peculiaris, de fontibus mss. vnde omnino tam sermones, quam epistolae prodierint, praefatio ad vniuersam huius scriptorum generis tractationem criticam apprime utilis praemittitur. Iplis porro sermonibus atque epistolis *Praefationes* et *Admonitiones* ubi opus fuit praemiserrunt; *Annotationes* autem vtrisque subiectae partim emendationum rationem reddunt et variantes lectiones, tum ipsorum, tum Quesnelli codicum designant, partim ipsius Pontificis textum, ubi indigere visus est, illustrant. In his Ballerini Annotationibus etiam locum habent illae *Notae*, quas Quesnellus sermonibus vel epistolis ipsis quandoque apposuit, ne scilicet quidquam illius desideraretur. Quoniam autem ille Sermonibus quasdam Notationes aut postillas affixit, quae longiorem disputationem postularent; idcirco post Sermones ediderunt *Observationes* in quaedam peculiaria loca eorundem, iisque Quesnelli illas notationes aut postillas, sicut et Ciampini de vocis *areae* in sermone XXVII. emendatione dissertationem, inseruerunt. Optauerim vero, vt simili instituto post epistolas statim addidissent longiores Quesnelli in easdem *Observationes*, quo concinnius omnia, quae ad sermonum epistolarumque elucidationem spectant, vno volumine fuissent comprehensa. Sed tomo secundo

illas

illas reseruarunt eodem ordine ac apud Quesnellum post dissertationes edendas, haud dubio non aliam ob causam, quam vt aequalis voluminum magnitudo euaderet. Proxime autem post Sermones sinceros sequitur *Appendix dubiorum aut male ipsi tributorum*, maximam partem ineditorum. Praemittitur per praefationem notitia aliorum, qui in nonnullis mss. exemplaribus Leoni perperam adscripti, in aliis autem codicibus aliis auctoribus tributi, et quia inter aliorum Patrum Opera iam excusi essent, non repetendi videbantur. Epistolae porro excipit dissertatio *de epistolis deperditis tum S. Leonis ad alios, tum aliorum ad S. Leonem, ac de aliis monumentis ad epistolas pertinentibus, dispositis ordine chronologico*: ubi simul fragmenta Leonina, quae supersunt, inferuntur. Sequitur eam *Notitia Decretorum*, quae Leoni in libro pontificali tribuuntur, ac denique *Appendix Epistolarum S. Leonis*, aliquot litteras supposititias aliaque documenta ad epistolas pertinentia, quae inter epistolas non collocanda erant, comprehendens.

Tomus Secundus exhibet Appendicem prolixiorem Operum quae Leoni adscripta fuere, ac primo quidem editur *Sacramentarium* omnium vetustissimum, *Leoninum* in vulgatis appellatum ipsiusque creditum. Sed quoniam nec omnia, quae in eo continentur, Leonis sunt, nec ipsius compingendi auctor idem pontifex certo appellari potest; quaedam Leonina tamen in eo deprehenduntur, ex quibus eidem in editis adiudicatum est: iure suo in Appendice locum postulare visum est. Idque eo magis faciendum fuisse editores monent, quod Quesnellus tres praefationes veluti Leoninas in Calce Sermonum edidisset, quarum duae in ea eiusdem Sacramentarii parte, quae superest, inueniantur, tertiam vero in

ea quae intercidit parte exstitisse probabile sit. Sacramentarium excipiunt *libri duo de Vocatione omnium gentium, Capitula seu auctoritates de gratia et libero arbitrio, et Epistola ad Virginem Demetriadem seu tractatus de Humilitate*: quae omnia Leonis nomine Quesnellus ediderat, Ballerinii autem ex mss. codicibus emendarunt et nonnullis in locis suppleuerunt. Subiicitur *Breuiarium aduersus haereticos*, seu vt alibi inscribitur, *Breuiarium fidei aduersus Arianos*, quod Sirmondus olim sine auctoris nomine edidit. Leoni quippe assertum inuenerunt in duobus antiquis codicibus, Patauino atque Mediolanensi, qui etiam correctiones aliquot praebuerunt. Licet autem in duobus aliis Codicibus, a Sirmondo inuentis, inter eiusdem Pontificis opera insertum fuerit, ob manifestum tamen scriptoris discrimen ipsi Pontifici attribui non posse, sed fortasse aliquid, quod ad nostram notitiam non peruenerit, cum eodem coniunctum habuisse ideoque Appendice non indignum iudicarunt. Post haec ne quid deesset, quod Quesnellus suae editioni inseruit, repraesentantur *Hilarii Arelatensis vitam et opuscula* duobus, *Sermone* scilicet *de Miraculo Genesii Arelatensis Martyris*, et *Carmine de Macchabaeis* aucta et ex aliquot mss. exemplaribus emendata. Haec Appendix. Dehinc in hoc tomo undecim ex Quesnelli dissertationibus, quae vel ad Leonem, vel ad praemissa Opera spectarent, recusae sunt. Cuique dissertationi subiiciuntur *Observationes*, quae, vt inquirunt, dissertationis censoriae vicem gerere possint, et ad praecipuum quodque thema a Quesnello propositum refellendum tendunt. Vbi autem quaedam tantum in dissertationibus corrigenda aut confirmanda essent, notationes in calce paginarum appositae sunt; id, quod in prima praesertim, quae vitam Leonis describit,

scribit, seruari debuit, in qua etsi non pauca castiganda, nonnulla etiam adiicienda fuerint, plura tamen satis constare fatentur. Concludunt hunc to-
mum eiusdem Quesnelli Observationes et Notae in Leonis epistolas, quas vti prolixiores ipse quoque post dissertationes vulgavit, vna cum annotationibus editorum in ima paginae ora subiectis.

Tertius tomus complectens *vetustissimam Collectionem Canonum et Constitutionum sedis Apostolicae* aliaque antiquissimi Iuris Canonici monumenta totus editoribus proprius et peculiaris, idemque amplissimae utilitatis et maximo editioni huic ornameto est. Tametsi enim laudata collectio a Quesnello primum e duobus exemplaribus mss., Oxoniensi altero, recentiori ac valde mendoso, altero Thuaneo, antiquiori et optimae notae, sed quod, serius acceptum, non diligenter satis adhibere potuit, edita et quinque dissertationibus, quae hic quoque subiiciuntur, illustrata fuerit: Ballerinii tamen, cum in ea non solum multo plura e Thuaneo codice aliunde, sed quam plurima etiam ex alio, haecenus ignoto, at peruetusto Bibliothecae Caesariae libro eiusdem collectionis accepissent; permulta menda corrigere ipsamque meliori et primigeniae quasi formae restituere potuerunt. Neque vero hoc contenti fuerunt; conquisitis enim, quae ad huius collectionis castigationem et illustrationem adiumenti aliquid conferre possent, subsidiis, praesertim aliarum veterum collectionum mss. exemplaribus, in quibus omnia, vel fere omnia huius collectionis documenta, licet sparsim inserta reperire et recognoscere contigit: aliam ex hoc studio eamque longe praestantiorum collegerunt utilitatem. Nacti enim sunt in iisdem codicibus non pauca rarissima iuris antiquissimi Canonici monumenta, quae post laudatam Collectionem vel emendatiora, vel

primum omnino edere ipsis licuit *). Simul autem hoc ipso diligenti mss. librorum exámine factum est, ut non solum aliquot ignotas et ineditas collectiones Canonum deprehenderent, sed tales circa vulgatas etiam collectiones notitias colligerent, quae nouissimos et eruditissimos harum rerum scriptores latuerunt, quibusque iuris canonici antiqui historia eximie illustrata est. Quippe inde enatus est tractatus *de antiquis tum editis, tum ineditis collectionibus et collectonibus Canonum ad Gratianum usque*, Quesnellianae collectioni praemissus, quo quidquid ab aliis hactenus de eadem materia disputatum fuerat, vilescere statim et quasi sordere coepit. Dispersit ille in qua-

- *) Sunt ea quidem I. *Prisca Canonum editio latina, complectens Canones Conciliorum Ancyran, Neocaesariensis, Nicaeni, Sardicensis, Antiocheni, Constantinopolitani primi et Chalcedonensis*, quae primum in lucem prodiit ex antiquissimo ms. Christophori Iustelli, a Balleriniis autem cum aliis vetustis mss. collectionibus collata integra et emendatior exhibetur. II. *Antiquissima Interpretatio latina Canonum Nicaenorum* nunc primum edita ex ms. Vat. Reginae Suecorum 1997. III. *Vetus interpretatio latina Canonum Nicaenorum, Sardicensium et Chalcedonensium, aliorumque documentorum ad Nicaenam et Sardicensem Synodum pertinentium*, nunc primum edita ex perantiquo ms. codice LV. Capituli Veronensis. IV. *Documenta Iuris Canonici Antiqui*. 1) *Canones Concilii Carthaginensis celebrati a. 419. uti leguntur in antiquissimis collectionibus Italicis*. 2) *Concilium Carthaginiense a. 421. sub Aurelio XVIII. ex ms. Cod. LV. Cap. Veronensis nunc primum editum*. 3) *Statuta Ecclesiae antiqua ex praestantissimis mss. collectionibus edita*. 4) *Epistola Canonica: Quae debeant adimplere Presbyteri, Diaconi, seu Subdiaconi*, 5) *Praecepta S. Petri de Sacramentis conseruandis*. 6) *Glycerii Imp. Edictum contra ordinationes Simoniacas*, nunc erutum e ms. Vat. Reg. 1997.

quatuor partes, quarum prima de *Graecis Canonum collectionibus*, secunda de *antiquioribus collectionibus Latinis*, quae vel sunt anteriores *Dionysio*, vel ex fontibus *Dionysio* anterioribus originem ducunt, tertia, de *Collectionibus Dionysianis et caeteris*, quae a *Dionysio* profecerunt, quarta denique, de *antiquis Canonum Breuiationibus*, aliisque *collectionibus Latinis in titulos et locos communes distributis*, ad *Gratianum* usque, exponit. Claudunt hunc tomum quinque dissertationes *Quesnelli* ex *XVI.* reliquae ad *Codicem Canonum* pertinentes cum prolixioribus ac valde vtilibus *Balleriniorum* annotationibus et correctionibus. Enimvero tantum abest, ut hac generali huius editionis descriptione satis declaratum arbitremur, quantum ingenii, doctrinae ac studii illi sit impensum, ut potius, si quis omnes eius dotes rite explicare velit, singulorum ei *Sermonum* atque *Epistolarum* tractationem enarrandam putemus. Tot sunt profecto tamque illustria artis atque sagacitatis horum virorum documenta, ut, si in aliis non sane vulgarium scriptorum operibus euenire soleat, ut usu atque consuetudine diuturniori opinio ab initio concepta minuatur, aut etiam peccata et errores auctoris passim oculis retegantur: hoc opus contra, quo magis assiduo studio versaueris, tanto impensius admirere necesse est. Exemplo sit, cui exempla sufficiunt, *admonitio I. et II. Epistolae ad Aquileiensem Episcopum et Septimum Altinatem* (quacum *XVIII. ad Ianuarium Aquileiensem* coniuncta est) praemissa, nec non illa in *Epistolam XXVIII. ad Flavianum*. Ne autem alterum huius tam laudatae operae momentum taceam, in quo tam ob diuturnum, quod *Romanae sedis episcopi* eorumque iurium et potestatis rigidiore defensores aluerant, eiusmodi editionis desiderium, quam ob speciale *Benedicti XIV.* mandatum,

tum, pars longe gloriosissima laboris editorum posita esse debebat, *Quesnelli refutationem* dico: illud quidem haud inuiti fatemur, doctrinam et methodum, qua singulis aduersarii sui assertionibus et argumentationibus modo apertis modo tectis occurrere, easque innumeris in locis et tantum non in singulis paginis leuitatis, aut manifesti erroris, aut, quod magis est, fallaciae et fraudis arguere calluerunt, tam arcte cum vniuersa ingenii atque eruditionis eorum laude esse coniunctas, vt ab ea omnino diuelli nequeant, nec crebro accidere possit, vt criticam eorum facultatem et explicandi artem laudando hanc in *Quesnelli disputata* et sin reprehendas, quod autem vniuersam quaestionum *de primatus pontificii vi ac potestate* enodationem attinet, de horum virorum haeresi, paucis vt equidem arbitror ignota *), a nobis hoc loco haud refert iudicium ferri, quod vel alienissimus a partium studio propter auctorum artificium periclitetur. Diligens huius editionis recensio extat in *Bibliotheca Theologica* (vernacule scripta) *Io. Aug. Ernesti T. IV. Fasc. VII.* (1763.) pagg. 579—614.

1761.

Florentiae impensis Antonii Zatta Veneti. fol.
Vita, Epistolae et Decreta Leonis Papae I.; in Io. Dominici Mansi noua et ampliff. Sacror. Conciliorum
Collectione, Tomo V. col. 1203—1430. Tomo VI.
col. 1—432.

Etsi

*) Notus est alter ex fratribus inter aduersarios Febronii, edito opere *Veronae* 1768. 4. hoc titulo: *De Potestate Summorum Pontificum et Conciliorum Generalium liber, vna cum vindiciis auctoritatis pontificiae contra opus Iustini Febronii auctore* P. PETRO BALLERINIO Presb. Veron. Accedit *Appendix de infallibilitate eorundem Pontificum in definitionibus fidei.*

Etsi hic titulus Labbeanam et Binianam editionem sapit, nec unquam fere Mansius, et ne quidem in Coustantii gratiam a Labbeo, veluti in Veneta Coletiana repraesentatur, recedere ausus est; hoc loco tamen praecessorum suorum exempla deseruit et Balleriniorem editionem exprimere curauit, non tam ob insignem huius operae praestantiam, quam quia facilius sic negotium expediri posse videretur. Intellegebat enim post Quesnelli, Cacciarii et Balleriniorem editiones multa sibi in Labbeo sarcienda ac suppleenda fore, et quia metuebat, ne in additionibus hisce locis suis inferendis siue ipsi interdum oscitanti aliquid mendi vel transpositum obreperet, cui malo in tanta a loco, ubi editio praestabatur (Venetiis), distantia vix succurri potuisset, vel fucus aliquis fieret typographis, ut aliud pro alio folium assumerent et loco non suo nonnulla assignarent: Balleriniorem pro Labbeana assumendam iudicauit. Hanc autem, inquit, quasi veritus, ne satis ingenium declarasset, praeferebam caeteris existimavi, non quod praestantior duxerim ea, quam Pater Cacciari Carmelita eodem fere tempore, quo Ballerini suam, adornauit et Romanis typis produxit; sed quod Venetiis excusum opus, Veneto typographo paratior erat et ad manus. Sic tota huius immerito laudati hominis compilatio ne minimam quidem liberalitatis speciem prae se fert! Seruauit ex Balleriniorem animaduersionibus eas, quas textui statim subiecerant, criticas fere et breuiores: fusiores autem, veluti admonitiones et dissertationes pro consilii sui a Balleriniorem sine discrepantia subduxit, aut subinde paucioribus verbis contraxit. Inferuit etiam Cacciarii additamenta, quae apud Ballerinos desideraret et Sirmondi notas rariores ex appendice eius in concilia, quemadmodum in Coletiana Conciliorum editione erant exhi-

exhibita. De suo addidit *synopsin* quarundam epistolarum Leonis vetustissimam ex codice Lucensi 190. Balleriniis non incognitam, et ne quid ex superioribus periret, vitam Leonis *ex libro Pontificali* cum Binii notis praemisit. Hic vero mihi aliquis obiiciet, fieri illud debuisse propter maiorem cum caeteris partibus consonantiam. Audio equidem, neque id magnopere reprehendo, sed totam operam improbam et fama huius viri indignam censeo. Quid enim referebat tanta cum pompa repetere, quae ante centum et amplius annos satis laudabiliter quidem conscripta essent, et alias atque alias eruditorum hominum annotationes et emendationes tam anxia sollicitudine assuere, cum longe fructuosius ipse studium suum tali operi consecrasset. Ceterum monitu non eget, epistolas ad Concilium Chalcedonense pertinentes non iterum in Actis illius expressas esse, sed lectores ad hanc integram collectionem remitti.

1780.

Helmstadii litteris viduae Schnorri. 4. Leonis Magni Episcopi Romani, epistola contra Eutychen de vera incarnatione Domini ad Flavianum Episcopum CPolitanum. E recensione Balleriniiorum cum praecipua varietate lectionis, notulis et admonitione historica. Ciuibus academiae Iuliae Carolinae in religione solemniter Christo incarnato sacrandae a. 1780. commendata (ab Henrico Philippo Conrado Hencke Theologo Helmstadiensi).

Praeclare editor celeberrimus hac solemniter occasione usus est, ut iuuenibus sedulo Theologiae operam nauantibus libelli tam illustri argumenti copiam faceret. Quapropter in praemissa ipsi epistolae admonitione historica primo loco, quanti illa in historia dogmatis de Christo momenti sit, ostendit, deinde de auctore

store; occasione, consilio, auctoritate et existimatione, qualem ab initio statim, et postea semper auctiorem nacta fuerit, disputat. In subsidium stabi-
liendae genuinae lectionis ipsius epistolae reuocauit
etiam versionem antiquam Graecam eademque usus
est ad difficiliores quasdam phrasas Latinas explican-
das. Cf. *Commentarii Helmstad. de reb. nov. lit.* 1781,
fasc. I. sc. V. p. 38. sq.

1789.

Parisis sumtibus Petri Didot filii primog. fol.
S. Leonis Papae I. Epistolae XII. ad Galliae Episco-
pos et Epistola ad Flavianum (dogmatica XXVIII.)
vna ad Rauennium missa, cum notis, obseruationi-
bus et adnotationibus denuo illustratae a *Monachis*
Congreg. S. Mauri; in *Collectione Concilior. Galliae*
nuper ab ipsis inchoata *T. I. pagg. 442—568.*

Sirmondi editio pro fundamento fuit. In emen-
dationibus autem Quaesnellum ita secuti sunt, vt ipsi
non negligerent denuo mss. codices inspicere. Sup-
petebant praeterea Constantii schedae, ex quibus
haud pauca obseruationibus suis intulerunt.



VERSIONES. Sermones Leonis adeo olim in
deliciis habitos nouimus, vt haud semel in linguam
Italicam transfunderentur. *Gallicam* versionem
non nisi vniam deprehendere licuit, hoc indiculo
teste.

1485.

Firenze. fol. I Sermoni di S. Leoni tradotti da
Filippo di Bartolomeo Corfini, in fine: *In Firenze*
adi XXI. di Maggio MCCCCLXXXV. Expressa est
editio Andreae Aleriensis, traducta simul eius ad
Paulum II. S. P. epistola, quam excipit breuis tra-
ductoris

ductoris commendatio a Marfilio Ficino adscripta et deinceps rubricae operis. Memorant hanc editionem *Ballerinii T. I. praef. p. XXX. Bibl. degli aut. volg.* inserta in *Racc. d'Opusc. scient. e filol. T. XXXIV. p. 261.* et *Argelati Bibl. degli volgarizz. (in Milano 1767.) T. II. p. 300. sq.*

1547.

In Venezia al segno de la speranza. 8. I divini Sermoni di San Leone Papa primo nuovamente di Latino in volgar Lingua tradotti per *Gabriel Foresto da Brescia. Raccolta l. l. et Argelati p. 301. sq.* vbi fuse admodum describitur, inserta Epistola integra traductoris et contentorum tabula repraesentata. Ex hoc autem apparet duas esse huius eiusdem anni, loci et typographi, haud parum tamen quoad contenta diuersas Sermonum Leonis versiones.

1564.

In Venezia per Girolamo Scotto. 4. Sermoni (III.) di S. Leone Papa I. Sermone V. del digiuno del settimo mese. Sermone XI. del digiuno della quattro tempora. Sermone nella festa di tutti Santi; in *Sermoni de SS. Agostino, Crisostomo, Bernardo et Basilio. Parte Secunda Cf. Argelati l. l. et p. 158. it. T. I. p. 14.* Auctor versionis fuit *Galeatius Florimontius (Galeazzo Florimonzio)* Episcopus.

1698.

Paris chez Andr. Pralard. 8. Sermons de S. Leon, Pape, surnommé le Grand, traduits sur l'édition Latine du P. Quesnel, par *Nicolas Fontaine. Cat. Bibl. Reg. Paris. T. I. p. 385. n. 811.*



CODICES. Quae ante *Quesnellum* in subsidium vocata sunt ab editoribus Leonis mss. exemplaria haud operae arbitramur sollicitè circumspicere. Post *Quesnellum Cacciarinus* plures illi haud visos codices contulit, sed longe plurimos et maiori solertia *Ballerinii*, iique in iisdem examinandis, ordinandis et describendis tam egregiam posuerunt operam, ut ex hac de Leonis mss. codicibus notitia etiam ad aliorum scriptorum Ecclesiasticorum, imprimis vero Pontificum Romanorum opera, non parum utilitatis proficisci possit: quapropter peculiari diligentia nobis hoc loco non indigna visa fuit.

I.

Codices QUESNELLI.

I. *Sermonum.*

1. *Corbeiensis.* Codices mss. tres olim Monasterii S. Petri Corbeiensis, iam *Bibl. monast. S. S. Germani a Pratis*, in quibus Sermones LX. et amplius.

2. *Nauarraeus*, i. e. Codex *Bibl. Regii Collegii Nauarraei in Acad. Paris.* Sermonum variorum, in quibus plures Leonis.

3. *Regii.* Lectionarii duo, in quibus plures Leonis Sermones.

4. *Sammaglorianus*, Codex Lectionarius ms. ad usum Abbatiae S. Maglorii Parisiensis, in *Bibl. Sammagloriana Seminarii Archiepiscopalis Presbyterorum Oratorii D. Iesu ad muros Parisienses*.

5. *Thuanei*: 1. Codex ms. qui fuerat olim *Nic. Fabri*, in quo Sermones aliquot Leonis. 2. Liber Lectionarius ad usum insignis Ecclesiae Lugdunensis.

3. Codex Lectionarius S. Petri Fossatensis, in quo Sermones plures, scr. a. MLVII.

II. *Epistolarum.*

1. *Barberiniani*, codices mss. tres Bibl. Card. Franc. Barberinii, ex quibus varias lectiones plurimarum Epistolarum S. Leonis, iussu suo excerptas, ad Quesnellum post publicatam primam editionem transmisit. Signabantur num. 57. 77. et 2888. Tertius quoque Codicem Canonum, quem Quesnellus Romanum dieit, continebat.

2. *Bellouacensis* i. e. *Bibl. Ecclesiae Bellouacensis*, codex ms. Canonum et Decretorum Pontificiorum, in quibus ex Leone plura.

3. *S. Germanensis*; codex Dionysianae Canonum et Decretorum Collectionis ex *Bibl. Monast. S. Germani a Pratis*.

4. *Grimanicus*; codex ms. *D. Grimani* Card. S. Marci, nongentorum circiter annorum, in quo CVII. Leonis epistolae, quarum *viginti octo* ante Quesnellum non erant editae, et plures aliae pene nouae. Acceperat eum ex Bibl. Domus Institutionis Oratorii D. Iesu ad muros Parisienses. De hoc codice fuse disputat Quesnellus in praefatione §. V. Cf. *Observata Ballerini*.

5. *Corbeiensis*; codex Canonum antiquissimus, cuius collectionem amplissime descripserunt Ballerinii in *diff. de antiquis Canonum Collectionibus* inserta Tomo III. Opp. Leonis. Ex *Bibl. Mon. S. Germani a Pratis*.

6. *Herouallianus*; codex ms. Isidorianae collectionis, cui et Liberati Breuiarium et alia quaedam subiiciuntur: quem, quia beneficio *D. Vion d'Herouval* acceperat, Herouallianum appellauit, antequam rescuisset illam esse ex Bibl. *Antonii Faure* D.

Th.

Th. Facultatis Paris. Eccl. Metrop. Remensis Canonici et Vicarii Generalis Episcopi Remensium.

7. *Oxonienſis*; codex ms. in quo *Codex*, quem appellat Quesnellus, *Canonum et Conſtitutorum Sedis Apoſtolicae* cum variis Leonis, quae eidem annectebantur, quorum indicem vna cum apographo Codicis ad Quesn. miſerat E. Bernardus, Altronomiae tunc in Academ. Ox. Profeſſor. Seruabatur in *Bibl. Ox. Collegii Orielenſis N. 91. B.*

8. *Remigianus*; codex ms. Epistoſularum, cuius notitiam et varias lectiones ex Bibl. S. Remigii Remenſis ſuppeditauerat D. Franc. Delfau Benedictinus Sangermanenſis.

9. *Thuanei*: 1) Codex ms. Canonum et Conſt. Sedis Apoſt. cum XXXIII. Leonis Epistoſolis, *num. 129.* 2) Codex ms. in quo plures epistoſolae ad Synodum Chalcedonenſem et ad Arelatenſis Eccleſiae priuilegia pertinentes, item epistoſolae Flauiani ad S. Leonem verſio antea non edita, aliaque primum e tenebris eruta, *num. 780.* 3) Codex ms. librorum de Vocatione omnium Gentium, et aliquot Epistoſularum S. Leonis, *num. 729.* 4) Codex ms. plurimarum Epistoſularum S. Leonis notatus *num. 432.* 5) Codex ms. Canonum et Decretorum PP. Rom. Collectore Dionyſio Exiguo. 6) 7) 8) Codices mss. tres Iſidorianae Conciliorum et Pontificiarum Epistoſularum Collectionis. 9) Codex ms. Can. et Decretorum Pontificum Rom. qualis editus Moguntiae a. 1525. qui fuit olim Claudii *Falcheti* (Fauchet). 10) Codex ms. in quo pars Actorum Synodi Chalcedonenſis.

10. *Treco — Pithoeanus*; codex ms. continens Concilia plurima, Epistoſolas Pontificias praefertimque Leonis, et alia monumenta eccleſiaſtica, qui olim ad Celeberrimum Pithocum pertinuit, ex *Bibl.*

*Collegii Treco — Pithoeani Presbyterorum Oratorii
D. Iesu.*

III. *Sermonum et Epistolarum.*

1. *Cisterciensis i. e. Bibl. Abbatiae Cisterciensis Parisiis*; codex ms. cuius indicem et loca aliquot communicauerat D. Iacobus de Lannoy, eiusdem Abbatiae Subprior.

2. *Claromaricensis i. e. Bibl. Monasterii Claromaricensis prope Audomaropolim*; codex ms. cuius indicem per Io. Mabillonium acceperat.

3. *S. Mariani et Regniacensis i. e. Bibl. Monasterii S. Mariani Autissiodorensis Ord. praemonstratensis*, codices mss. duo, quorum collatas lectiones vna cum indice alterius, qui fuerat *Regniacensis Monasterii*, excerpsit et ad Quesnellum misit D. Chrestien Eccl. Autissiod. Can. et Theol. Par.

4. *Victorinus i. e. Bibl. S. Victoris Parisiensis*; codex ms. Sermonum et Epistolarum fere omnium S. Leonis.

2.

Codices CACCIARI.

A. Sermonum.

I. *Vaticani*: 1. *Codex num. 3835*. Prior pars antiqui pergameni Lectionarii, continens quam plures Homilias in nocturnis diuinis officiis recitandas in Natali S. Leonis, Passione, Resurrectione, Ascensione Domini, et Pentecoste, atque de Sanctorum Apostolorum Petri et Pauli solemnitatibus. Scr. corrente Saec. VIII. Romanis characteribus in duas columnas distinctis. Huius et sequentis scripturae specimina aere incisa proposuit Cacciarus in fine huius recens, Tomi I. praef. p. XXIX.

2. Co-

2. *Codex num.* 3836. altera pars praecedentis *Lectionarii*, continens Sermones in festo SS. VII. Fratrum Macchabaeorum, S. Laurentii, de Ieiunio septimi mensis aliasque Homilias usque ad Natiuitatem Domini recitandas, inter quas celebris Ep. XXIV. ad Flavianum de Incarnatione verbi.

3. *Codex num.* 3828. pergamenus, X. saec. exaratus, continens aliquot Sermones Leonis in variis anni Solemnitatibus.

4. *Codex num.* 1195. pergamenus in folio, praeter quasdam Sanctorum Homilias, etiam Leonis nonnullas continens. Scr. circa XI. saec. Cacciaro iudice.

5. *Codex num.* 1267. vt praecedens forma maiori in duabus columnis exaratus circa saec. XI. *cont.* inter plurium veterum PP. sermones, nonnullos Leonis M. de Natiuitate et Epiphania et de S. Stephano.

6. *Codex num.* 1268. pars altera praecedentis *Lectionarii*, *cont.* Sermones quam plurimos a Dominica Septuagesimae usque ad natiuitatem Domini legendos.

7. *Codex num.* 1269. postrema pars eiusdem, *cont.* praeter Sermones de Tempore, orationes de natali SS. Apostolorum Petri et Pauli, de Natali S. Laurentii et de S. Leonis assumptione ad Pontificatum.

8. *Codex num.* 1270. pergamenus in folio magno, in quo varii Leonis Sermones. Cacciarus eius subsidio potissimum sermonem de festo Cathedrae Petri, quem primus Quesnellus sed mutilum et imperfectum euulgarat, primigeniae integritati reddidisse testatur.

9. *Codex num.* 1271. pergamenus in folio, varios Leonis Sermones exhibens.

10. *Codex num.* 1272. pergamenus in quarto, saeculi X. *cont.* sermones et homilias, quae olim le-

gebantur in singulis Apostolorum festiuitatibus. Praeter quasdam Leonis orationes, habebat quoque antiquum quendam Missae Canonem, homiliae de octo beatitudinibus adiunctum, quem integrum Cacciarus vna cum characterum specimine ipsi subiecto pagg. 297—304. T. I. excudi curauit.

11. *Codex num.* 4222. in folio magno Longobardicis characteribus exaratus, saec. IX. *cont.* quosdam Leonis sermones secundum anni dies festos legendos.

12. *Codex num.* 5451. Saec. XII. Romanis characteribus scriptus, *cont.* Leonis sermones de solemnitate Paschae, Pentecostes et de Festis SS. Apostolorum Petri et Pauli.

13. *Codex num.* 6450. pergamenus XII. saeculi, *cont.* Homilias in nocturnis officiis recitandas, interque eas plures Leonis et illam in Festo Cathedrae Petri pariter ac in Quesnelli codicibus mutilam.

14. *Codex num.* 6451. praecedenti non absimilis, eodem saec. et caractere scriptus, *cont.* sermonem tertium de Paschate, quo Cacciarus primum Leonem mastrauit.

15. *Codex num.* 6452. duobus praecedentibus forma, figura, saeculo et caractere perlimilis, *cont.* Leonis sermones de Quadragesima, cum aliis nonnullis ad Domini Passionem pertinentibus.

16. *Codex num.* 6454. similis tribus praecedentibus, in quo praeter alios Patrum sermones, Leonis nomine tum plures ex vulgatis, tum alii nonnulli occurrebant, quos ille tanquam dubios in Appendicem reiecit.

II. *Vaticano - Palatini num.* 442. 443. Lctionum et homiliarum SS. PP. libri duo chartacei, *cont.* quamplures sermones Leonis, quorum nonnulli mutili et imperfecti, accommodati ad vsum alicuius

alicuius particularis ecclesiae. Scriptura erat Germanica, in duas columnas distincta et notis compendiariis difficillimis referta, quem se ipsum legere nequivisse fatetur.

III. *Vallicellanus* vetustus liber *cont.* varios Leonis sermones, quem ipse tamen Cacciarus non vidit, sed a *P. Ios. Blanchinio* cum editis fuit exactus et quidam sermones inde exscripti sunt, de quibus suis ille locis monet.

IV. *Chisianus*; codex quondam ex Vat. Archiv. exscriptus, *cont.* varios Leonis sermones, inter quos tres ex iis, quos *Chrys. Trombellius T. II, P. I, Anecdotorum* primus omnium adornavit.

B. *Epistolarum.*

I. *Latini.*

I. *Vaticani.* 1. *Codex num. 541.* pergamenus in folio magno, variis picturis auro et minio diligenter circa XIII. saec. ornatus, quo Nicolaus V. Papa utebatur, *cont.* omnes Leonis Epistolas in vulgatis ante Quaesnellianam occurrentes.

2. *Codex num. 542.* pergamenus in quarto, saec. XIII. easdem continens epistolas.

3. 4. 5. 6. 7. *Codices num. 543—547.* similes omnes characterum forma, epistolarum collectione et aetate praecedentibus. Nullus enim ante XII. saec. exaratus fuit. Lectionibus tamen inter se differebant.

8. *Codex num. 630.* pergamenus in folio magno, saeculi fere XIII. *cont.* Isidori Mercatoris collectionem Can. et Epp. Pontiff. Rom. inter quas XXXIX Leonis.

9. *Codex num. 631.* Collectionem similem praecedenti exhibens, labente saec. XII. exscriptam, sed V. tantum Leonis Epistolas.

10. *Codex num.* 1319. in quarto saeculi XII. *contin.* Acta Syn. Chalced. cum variis Leonis Epistolis in Eutychetis et Eutychianorum causa exaratis.

11. *Codex num.* 1321. in folio paruo, saec. circiter XII., *cont.* libros Facundi Hermianensis pro Syn. Chalced., inque iis non solum varia Epp. Leonis fragmenta, sed et illas Epistolas, quae Leo in illius Synodi generalem confirmationem conscripsit.

12. *Codex num.* 1322. antiquissimus, ut ex characterum specimine, quod Cacciarius pag. LXV. *praef.* ad T. II. incudi curavit, apparet. *Cont.* omnes et singulas Chalcedonensis Synodi actiones, quas inter notat Cacciarius illam, quae ad Domni Antiocheni Episcopi causam pertinet, quamque veluti supposititiam, et a Latino impostore confictam Quesnellus reiiciendam esse censuit: tum quia (ut ipse aiebat) in graecis exemplaribus non legitur: tum quia ex unico nullius auctoritatis, antiquitatisue Codice chartaceo ab ignotis Scholaribus in lucem prodisse affirmatur. Habet autem varias hic codex ad eandem Synodum pertinentes epistolas.

13. *Codex num.* 1342. pergamenus saec. IX. labente aut ineunte X. scriptus. Characterum formam et notas Cacciarius ibidem, ubi praecedentis, exscribi fecit. *Cont.* antiquam Canonum Collectionem cum XVI. Leonis epistolis, quarum prima ad Rusticum Narbonensem.

14. *Codex num.* 1328. pergamenus in folio saec. circiter XII. *Cont.* Acta Concilii sexti generalis et praeter Epp. fragmenta in iisdem occurrentia alias quasdam Leonis Epistolas cum quibusdam Chalced. Conc. Actis.

15. *Codex num.* 1337. pergamenus scr. ante saec. XI. Continet *Canones diversorum conciliorum et Epistolas decretales plurimum summorum Pontificum*

cum. Incipit Collectio a Nicaenis Canonibus omnesque Leoninarum Epp. Decretalium titulos cum iisdem Epp. repraesentat.

16. *Codex num.* 1338. Collectionem praecedenti, similem sed serius, saec. XIII. exaratam continens. Recenset autem inter Leoninos Canones etiam Epistolam ad Afros Mauritanae Prouinciae in causa Lupicini Ep. scriptam, quam Quesnellus supposititiam dicere ausus fuit.

17. *Codex num.* 1340. pergamenus saec. XIII. *cont.* Isidori Collectionem et in ea omnes Epp. Leonis, quae in editis Surii, Louanienfium et Raynaldi occurrunt. Hac Collectione saepissime se vsum esse testatur Cacciarius, quod inter recentiores magis castigatam deprehendisset.

18. *Codex num.* 1341. saec. XI. a diligenti et perito Amanuensi scriptus, *cont.* praeter diuersorum Concil. Canones et plurium Rom. Pontiff. Epp. XLI Leoninas.

19. *Codex num.* 1343. saec. XI. Collectionem praecedenti plane similem continens.

20. *Codex num.* 1344. praecedentibus duobus forma et charactere prorsus similis, *cont.* Acta Chalced. synodi cum Leonis Epp. ad eandem spectantibus.

21. *Codex num.* 1345. saec. XI. inscriptus *Collectio Cresconii*, quae olim pertinebat ad celebre *Monasterium S. Columbani de Bobio*, *cont.* nonnullas Leonis Epistolas.

22. *Codex num.* 1353. saec. XII. optime scriptus, *cont.* plures Leonis Epistolas.

23. *Codex num.* 3791. saec. XII. optimae notae, *cont.* L. Leonis Epistolas.

24. *Codex num.* 3836. Lectionarius, de quo supra in *Sermonibus* dictum est. *Cont.* solam Episto-

lam ad Flavianum, quam saeculo VIII et IX. in Divinis Officiis ante Festum Natiuitatis legere solebant.

25. *Codex num.* 3787. pergamenus in folio, saec. XII. *Cont.* Epp. VI. de causa Eccl. Alexandrinae et Timothei Aeluri.

26. *Codex num.* 4661. praecedenti respondens, *cont.* totidem Epistolas.

27. *Codex num.* 5748. *cont.* Cresconii Concordiam Canonum cum nonnullis Leonis Epistolis decretalibus.

28. *Codex num.* 5750. scr. ante saec. IX. Olim fuit Monasterii S. Columbani Bobiensi. *Cont.* XXXI. Leonis Epp. cum priore Synodi Chalcedon. Actione. Formam ac characterem Cacciarus aere incisam dedit pag. LXV.

29. *Codex num.* 5845. antiquissimus et Cacciaro plerumque Longobardicus dictus. *Cont.* Collectionem Canonum et Epp. Pontiff. Rom. inter quas XXIV. Leonis.

II. *Vaticano-Palatinus* codex num. 579. saec. X. *cont.* IV. tantum Leonis Epistolas.

III. *Vaticano-Urbinales*. 1. *Codex num.* 65. pergamenus optime saec. XV. scriptus. *cont.* omnes Epp. editionum ante Quesnellum vulgatarum.

2. *Codex num.* 179. recens, adeoque exigui vsus. *Cont.* Collectionem Isidori Mercatoris.

IV. *Vaticano-Alexandrini* i. e. Vaticani, qui quondam fuerant Reginae Suecorum, Christinae Alexandrae.

1. *Codex num.* 586. membranaceus in 4. saec. XII. inter cetera *cont.* Paschasini Lilyb. Epistolam ad Leonem.

2. *Codex num.* 755. membr. in fol. paruo saec. XIII. *cont.* eiusdem Ep. de Paschae Observatione.

3. *Codex num.* 849. membr. saec. XII. *Cont.* Collectionem Canonum praecipue ex Africae Conciliis, quaedam Acta Conc. Chalced. et Ep. Leonis ad Anastasium Episc. Thessalonicensem.

4. *Codex num.* 1038. membr. in fol. saec. XII. *Cont.* Decreta Pontiff. Rom. ex Isidori collectione nec non Bedae librum de Computo etc.

5. *Codex num.* 1039. membr. in fol. saec. XIV. *Cont.* Cresconii Concordiam discord. Canonum.

6. *Codex num.* 1040. in fol. saec. XI. *Cont.* Concilium Generale VI.

7. *Codex num.* 1044. membr. in fol. saec. XIII. *Cont.* Epp. Rom. Pontiff. a Clemente ad Leonem.

8. *Codex num.* 1043. membr. in fol. saec. XIII. *cont.* Collectionem Canonum, forte Dionysianam inquit Cacciarius, cum adiectis Symmachi et Hormisdæ decretis.

9. *Codex num.* 1127. membr. in fol. saec. X. *Cont.* varia PP. opuscula et Codicem Canonum, Apostolorum et Conciliorum decreta et Pontiff. Rom. Epistolas complectentem.

10. *Codex num.* 1997. pergamenus in fol. saec. X. *cont.* Collectionem Dionysianam, in qua V. tantum Leonis Epistolae.

V. *Taurinensis, Bibliothecae Regiae Codex num.* 29. D. IV. pergamenus in folio circa saec. XIII. optime exaratus. *Cont.* LII. Leonis epistolas et nonnullas aliorum. Contulerat pro Cacciaro P. Cyrillus Gubernatis Carmeli Taurinensis Alumnus. a. 1739.

VI. *Florentinus, Bibliothecae Medicae Codex* pergamenus in folio, saec. XIII. *Cont.* omnes Leonis Epp. editionum ante Quesnellum vulgatarum.

VII. *Grimaneus.* Celebris huius codicis exemplar Cacciarius in chartaceo folio Parisiis exscribi fecit

cit ad explorandam Quesnelli fidem, indeque in vaticana Bibl. reposuit.

VIII. *Ratisbonensis, Bibliothecae Monasterii S. Emerami*, Codex num. 113. DDAA. membraneus, in quarto, constans foliis CLVII. *Cont.* Epistolas Leonis LXXII. Characterum formam ex delineatione Frobenii Forsteri tunc temporis apud S. Emeranum Prioris et Bibliothecarii, qui easdem epistolas in usum editoris Romani diligentissime exscripserat, aere incidendam curavit Cacciarus pag. LXII. *praef.* Aetatem eius monente Forstero Bernardus Pezius in T. I. Thes. Anecd. p. XI. prope mille annorum aestimavit. Plura de eodem dabit Forsteri epistola (d. ad S. Emeran. XII. Kal. Septembris a. 1752.) pag. LXI. sq. excusa.

2. *Graeci.*

I. *Vaticani*: 1. Codex num. 451. chart. in folio saec. XIV. inter variorum PP. Graecorum scripta fragmentum Epistolae Flauiani ad Leonem de *Incarnatione D. N. I. Chr.* continebat.

2. Codex num. 730. chart. in folio. saec. circiter XV. *cont.* Theodoreti Episc. Cyri epistolas.

3. Codex num. 720. pergamenus in folio saec. X. inter diuersorum PP. opera aliquas Leonis epistolas continet.

4. Codex num. 712. in 8. saec. XIV. *cont.* diuersorum PP. Epistolas et praesertim quas Flavianus in Eutychetis causa ad Leonem scripsit, cum responsis illius.

5. Codex num. 1178. chartaceus in folio saec. XV. *Cont.* omnia Chalced. Conc. Acta cum Leonis Epistolis ad illud pertinentibus.

6. *Codex num.* 1431. pergamenus in folio saec. XII. *Cont.* inter diuersorum opera et epistolas etiam Leonis cum Chalced. Conc. Collectaneis.

7. *Codex num.* 1455. bombycinus saec. XIII. optime scriptus. *Cont.* Pontiff. Rom. et SS. PP. epistolas, quas inter epistolae Flauiani, Theodoret, Anatolii et Marciani ad Leonem, cum Leonis responsis.

II. *Regio-Vaticani.* 1. *Codex num.* 44. chart. in 4. saec. XVI. *Cont.* plurium SS. PP. aliorumque Auctorum Homilias et Opera, tum ad scripturam, tum ad Ecclesiasticas res pertinentia, inque illis nonnullas Leonis Epistolas.

2. *Codex num.* 57. chart. in folio saec. XIV. *Cont.* Conciliorum general. et partic. Canones et alia antiquorum PP. opera, quae inter Flauiani et Genadii Episc. CP. ad Leonem epistolae.

3. *Codex num.* 67. chart. saec. XV. *Cont.* vnam dumtaxat Leonis epistolam.

III. *Vaticano-Ottobonianus*, *Codex num.* 29. non absimilis *Vat. num.* 1178. *Cont.* omnia Chalced. Conc. Acta cum variis in iisdem Leonis Epistolis.

C. Sermonum et Epistolarum.

I. *Vaticani.* 1. *Codex num.* 541. pergamenus Nicolai V. iussu auro et variis coloribus ornatus. *Cont.* solummodo Leonis Sermones et epistolas et quidem eas, quae in editis ante Quesnellum vulgatae sunt.

2. *Codex num.* 542. pergamenus in 4. saec. XII. labentis. Similis Collectio.

3. *Codex num.* 644. pergamenus in folio saec. circiter XIII. Collectio non absimilis.

4. *Codex*

4. *Codex num.* 545. pergamenus in 4. scr. circa finem saec. XII. Totidem Sermones et Epistolas complectitur.

5. *Codex num.* 546. membr. in folio saec. XII. Collectio similis praecedenti.

6. *Codex num.* 547. membr. in 4. eiusdem aetatis et conditionis.

7. *Codex num.* 548. membr. in 4. Praeter sermones in superioribus contentos exhibebat etiam Sermonem de *Absalon*, sed quem ad Leonem non pertinere iudicavit, ideoque omisit Cacciarius.

8. *Codex num.* 549. membr. in 4. praecedenti similis et eundem de *Absalone* sermonem in fine praeferens.

9. *Codex num.* 550. membr. in 4. praecedentibus per omnia similis.

II. *Regio-Vaticanus, Bibliothecae Alexandrinae* *Codex num.* 139. membr. in 4. optime exaratus saec. XII. solam Leonis Serm. homil. et epistolar. Collectionem exhibens.

III. *Vrbinas.* *Codex num.* 65. pergamenus in fol. paruo saec. labentis XIV. eandem collectionem praeferens.

3.

*Codices BALLERINIORVM*A. *Sermonum.*I. *Lectionarii.*

I. *Bergomenses*; codices duo saec. circiter XII. ex tabulario DD. Consortii Ecclesiae S. Alexandri in Columna apud Ios. de Saluaneis de Roteriis Patricium Bergomensem. *Cont.* XII. Leonis sermones.

II. *Chigiani*; codices duo Bibl. Chigianae [num. 3 et 5. saec. XII. *cont.* IV. Leonis sermones.

III.

III. *Padilironenses*; codices tres monasterii Padilironensis S. Benedicti in agro Mantuano, *cont.*

IX. Leonis sermones et Ep. ad Flavianum.

IV. *Patauinus*; codex PP. Conuentualium S. Antonii *num.* 408. *saec.* XIII. *cont.* Sermones XXX.

V. *Patauini Heremitanorum*; codices tres PP. Heremitanorum SS. Philippi et Iacobi, *num.* 111. 112. et 113. *cont.* XVI. Sermones cum Ep. ad Flavianum.

VI. *Patauini S. Iustinae*; codices duo monachorum Casinensium S. Iustinae *saec.* XV. *cont.* XIV. sermones cum praedicta Epistola.

VII. *Basilicae S. Petri in Vaticano*; codices tres *num.* 107. 105. et 106. Sed duo priores longe tertio praestantiores erant, qui *saec.* licet XII. exaratus tamen non plures quam sex sinceros Leonis sermones complectebatur, aliosque falso illi adscriptos.

VIII. *Tridentinus*; codex ms. Capituli Tridentini *saeculi* XIV. *cont.* IV. Leonis sermones.

IX. *Vallicellani* i. e. codices Bibliothecae S. Mariae in Vallicella Patrum Oratorii S. Philippi Neri Romae, quae plures *saeculi* XI. et XII. codices Balderinorum vsui concessit, ex quibus enumerarunt *Codices* XXV. et XXVI. qui praeter Epistolam CLXV. ad Leonem Augustum lectam aduentus tempore (cuius loco in aliis Lectionariis habetur Epistola XXVIII. ad Flavianum) continebat Sermones XXV; *Codicem* II. *cont.* Epistolam ad Flavianum et Sermones XXIV; *Codicem* A. 6. *cont.* Sermones VII; *codicem* A. 7. *cont.* Sermones XIII. *codicem* A. 9. qui ad S. Euticii Monasterium pertinuit, *cont.* sermones X; *codicem* A. 10. *cont.* Sermones VII; *Codices* VII. XX. XXIII. A. 16. *cont.* Sermones V. IV. vel III.

X. *Vaticani*; Lectionaria omnium antiquissima, quae inter imprimis eminebant *num.* 3835. et 3836. vere Romana, quae diligentissime recognouerunt.

Alios

Alios plures autem Lectionarios codices non quidem per omnia, sed ubi opus fuit, inspexerunt.

XI. *Veneti*; codices duo Bibliothecae Venetae S. Marci, Lectionarii signati *num.* 153. et 154. saec. circiter XIII. in quibus LI. sermones Leonis.

XII. *Vercellenses*. Ex Lectionariis Eusebianae Bibliothecae Vercellensis Capituli habuerunt collatas lectiones Sermonum XI. Leonis.

XIII. *Veronenses* Cap. i. e. Bibliothecae capituli Veronensis; codices Lectionarios duos, qui XV. Leonis Sermones praebuerunt, praeterea *codex* 74. praecedentibus antiquior *cont.* Sermones VIII. et recentior ms. liber *num.* 214. *cont.* sermonem vnum.

XIV. *Veronensis* S. F. i. e. *codex* PP. Conuentualium S. Firmi maioris; Lectionarius saec. circiter XIII. *cont.* vnum Leonis sermonem.

2. Collectiones.

Collectionum harum ms. quinque distinxerunt genera, ex quibus singulis maxime insignes codices tantum indicantur, videlicet ex *Collectione* I. liber ms. *Casimensis* *num.* 126. ex Coll. II. *Barberinus* *num.* 88. et *Casanatensis* C. III. 7. ex Coll. III. exemplar primae editionis, quam ex huius collectionis ms. desumptam censuerunt; ex Coll. IV. *Vaticanus* *num.* 546. et qui aliquando adhibitus est 541; ex Coll. V. denique *Vaticanus* *num.* 544.

B. Epistolarum.

De his in sequentibus Ballerini *observationibus* tam luculenter ac copiose disputatum est, ut singulorum enumeratio superuacanea videretur.

OBSERVATIONES BALLERINIORVM

*de Fontibus mss. Sermonum et Epistolarum**S. Leonis**I. De Fontibus mss. Sermonum.*

Duo vniuersim manuscriptos fontes esse monent Ballerinii, ex quibus Sanctorum patrum Sermones attingere, seu emendare liceat, nimirum *Ecclesiarum Lectionaria* ex variorum Sanctorum Sermonibus compacta, et *peculiares* Sermonum alicuius Sancti *Collectiones*. Lectionaria antiquioris originis esse solent. Collectiones peculiares non excedunt Saeculum XI. „Paucis enim sanctis, *inquiunt*, contigit, quod SS. Zenoni, Gaudenzio et Petro Chrysologo, vt Sermonum collectiones Auctoribus aequales vel quasi aequales ad nos vsque peruenirent: idque iis forte accidit, quorum Sermones, in Lectionaria haudquaquam traducti, si peculiaribus collectionibus non fuissent custoditi, periissent. At quum non multo post Auctoris mortem Sermones tantae auctoritatis ac celebritatis fuere, vt apud vniuersas fere Ecclesias in Lectionaria relati inter officia publica legerentur; tunc vel nullae collectiones factae, vel si quae factae fuerunt, sensim periere: cum enim omnes, aut fere omnes sermones in Ecclesiarum libris seruarentur, horum collectionem separatim describere superfluum videbatur. Ita Augustini Sermones, seu, vti vocabantur, tractatus, in Bibliotheca Hipponensis Ecclesiae aliqua fortassis serie dispositos existisse Possidius subindicat. In Augustini enim vita c. 18. perinde loquens de tractatibus ac de ceteris S. Doctoris operibus, quae sane in distinctis codicibus continebantur, omnium indiculum se subiecisse affirmat, vt *sibi quisque voluerit, ad legendum et cognoscendum eligat, et id ad describendum vel de bibliotheca Hip-*

ponensis Ecclesiae petat, ubi emendatiora forte exemplaria poterunt inueniri, vel unde voluerit, inquirat, et inuenta describat. Vetustissima tamen eiusmodi exemplaria desiderantur. Tres enim antiquiores, quae supersunt, collectiones Sermonum S. Augustini *de Verbis Domini, de Verbis Apostoli et Homiliarum quinquaginta*, ut obseruarunt doctissimi Patres Maurini in Praef. ad Tomum V. licet in mss. octingentorum annorum et amplius reperiantur, non tamen Augustino aequales credi queunt: non solum quia earum Possidius non meminit, sed praesertim quia supposititiis non carent. In Lectionaria nimirum eius Sermones sparsim traducti, collectionum describendarum laborem sustulere. Ex Lectionariis autem tres memoratae collectiones posterius fuerunt digestae, ac deinceps alii Sermones ex aliis Lectionariis descripti Augustinianis adiecti fuerunt in editionibus quae subinde apparuerunt, nec deerunt qui alios eiusdem Doctoris Sermones ex iisdem fontibus deriuare queant, sicuti nos viginti et amplius genuinos in Anecdotis Miscellaneis aliquando edituri sumus. Simile quidpiam S. Leonis sermonibus accidisse arbitramur. Hunc S. Pontificem multo studio Sermones lucubrasse et accurata eorum exempla apud se retinuisse illud indicio est, quod in suis dogmaticis epistolis, quae ob sublinem difficilemque explanationem dogmatum, de quibus disseruit, maximam non tam sententiarum, quam verborum cautionem et delectum flagitabant, quaedam ex Sermonibus non exigua fragmenta inseruit. Haec autem Sermonum autographa exemplaria in Archivio Apostolico diutius fuisse custodita, dubitare non licet. Cum vero pro auctoritate ac celebritate Auctoris, et cura peculiari in Sermonibus lucubrandis, hi paulo post Leonis obitum in Lectionariis Romanarum Ecclesiarum inter aliorum

aliorum Sanctorum Sermones fuissent transcripti, et exinde transiissent in similes codices aliarum Ecclesiarum totius Occidentis; hinc factum fuit, ut eorundem sermonum in aliquo separato Volumine colligendorum cura antiquitus defuerit. Quare nihil mirum, si Gennadius, qui memorat Sermones S. Maximi Taurinensis, in Leone c. 70. nullam eiusdem Sermonum mentionem facit: aliquam enim Maximi Sermonum vetustissimam collectionem, nullam autem Leonis inuenit, nec ad Lectionaria, in quae huius Sermones traducti fuerant, oculos ac mentem intendit. Haec illi, ut ostenderent, qui factum sit, ut in vniuersum Lectionarii remotioris aetatis sint, quam peculiare certi alicuius scriptoris collectiones. Idem vero in Leone accidisse, testimoniis scriptorum saeculi noni, Hincmari Remensis, Remigii Lugdunensis, Prudentii Tricassini, Flori, et qui illos omnes praecessit, Pauli Diaconi demonstrant.

Itaque *Lectionarios* prae ceteris MSS. libris diligenter conquiuerunt et maiori studio quam Quaesnellus recoluerunt. Quaesnellus enim etsi antiquiorem eorum prae MSS. collectionibus originem bene perspexerat, tamen ob multa peculiaria ipsis incommoda ac vitia, quae in praefatione generali copiose recenset *), parcius eos adhibuit, adeoque senioribus et

*) Refert eo, primo, quod non omnes contineant sermones et alii quidem alios, ut saepe multa euoluenda sint ob paucos sermones volumina; deinde quod, cum variis propriisque locorum solemnitatibus accommodati fuerint, saepe saepius peregrinis quibusdam additamentis, ab auctoris mente prorsus alienis, et quae difficulter discerni possunt, auctiores habeantur; denique quod frequentibus maculis et mendis, librariorum siue incuria, siue

et minus emendatis collectionibus vti fuit coactus. Inter multos autem, quos adire ipsis licuit praestantissimos diuersaeque originis codices, longe optimos atque plurimi faciendos esse significant *Romanos*, quo nomine tales libros innuunt, qui in publicis Romanarum Ecclesiarum officiis olim adhibiti fuerint quosque ex originariis et autographis Leonis scriptis originem ducere, et in Romana ecclesia semper magna cum diligentia custoditos et ad posteros transmissos esse statuunt. Horum quatuor inuenisse se affirmant, nempe *Vaticanos* duo pergamenos in folio 3835. et 3836. et duo *Basilicae S. Petri* num. 107. et 105. posteriore quidem caractere exaratos, sed ex vno exemplo, antiquiori eiusdem Basilicae Lectionario eductos, de quibus pluribus disputant §. II. Praef. n. VI. et VII. Tametsi vero reliquarum Ecclesiarum exemplaria minus accurata se expertos testentur, non paucas tamen optimas et ipsas lectiones, quorundam etiam Sermonum exempla nemini inuenta suppeditarunt, quae ibidem §. III. num. VII. notarunt. Quatuor tamen Sermones in nullo Lectionario nancisci potuerunt, nimirum quintum de Natali Papae, sextum de Collectis, nonum de Ieiunio decimi mensis, et nonagesimum sextum, inscriptum: *Tractatus contra Eutychianos, habitus in Templo S. Anastasiae*. Enimvero hic tractatus cum conseruatus fuerit in mss. collectionibus S. Leonis, quae ex Lectionariis dimanarunt, non dubitant Ballerinii, quin in aliquo Lectionario libro contineatur, qui haecenus ipsis non innotuerit. Secus autem censent

ignorantia vitientur. Quas quidem et alias insuper deformitates, quarum omnium causae non obscurae sunt, Lectionariis adhaerere Ballerinii haud negant, sed non adeo frequentes esse monent, vt non cum plerisque mss. ipsis communes sint.

sent de reliquis tribus. Sicut enim defunt in Collectionibus Sermonum Leonis, ita in nullis Lectionariis inuentos aut inueniendos existimant. Prodierunt illi ex vno codice Nic. Fabri, qui Quesnelli aetate in Thuaneam Bibliothecam transferat, indeque ab eodem Thuaneus dictus est, post in Colbertinam, ex eaque in Regiam Parisiensem transiit. Ante non-gentos annos exaratum fuisse, Mabillonii, Baluzii aliorumque peritorum iudicio testatur *Antelmius* in Diff. VI. *de veris Operibus SS. Leonis ac Prosperi num. 4.* vbi fusius illum descripsit. Continet varia Patrum opuscula, inter quae tres laudati Leonis Sermones, qui, qua ratione in hunc vnum commigraverint, haud facile aliquis coniciat.

Alter fons Sermonum Leonis sunt *Collectiones MSS.* Earum mentio apud Scriptores non est anterior saeculo XI. vt ex testimoniis *Micrologi de ecclesiasticis obseruationibus* cap. 25. *Leonis Hostiensis* in *Chronico Casinensi* l. III. c. 63. et *Anonymi Mellicensis* c. 7, *Ballerinii* probant. (Cap. II. Praef. §. I. n. XIII.).

Neque inter quamplures, quos euoluere ipsis licuit mss. Sermonum Leonis libros vllum deprehenderunt, qui Saeculum XI. excederet: vnde non inepte colligunt, circa Saeculum XI. Sermones huius Pontificis colligi coepisse. Quinque autem collectiones diuersae originis nacti iuerunt, quarum vetustiores ad idem saeculum pertingere videbantur, quas sedulo et magno cum rei criticae fructu distinxerunt. Ex Lectionariis quidem omnes profectas esse iudicant, non solum, quod antiquior collectio nulla inuenta est, ex qua exscribi potuerint, sed etiam quia Sermonum numero, ordine, vel saltem titulis, ac praeterea variis lectionibus differunt, pro- vt ex Lectionariis simili ratione diuersis originem

ducunt. *Primam* itaque *collectionem* statuunt illam, quae in Codice membranaceo *Bibliothecae Casinensis* nunc signato num. 126. cum epigraphe *Leonis primi Papae pars prima, Sermones*, reperitur. Saeculi XI. est eundemque arbitrantur, quem Leo Hostiensis iussu Desiderii Abbatis (post Romani Pontificis, nomine Victoris III.) compactum tradit. Continet sermones XCI. inter quos vnus bis describitur, alter dubius est, decem supposititii sunt, sinceri adeo accerti restant LXXIX; videlicet de *ieiunio decimi mensis*, VII; de *Natali Domini. n. Iesu Christi*, XI; de *Epiphania Domini*, VII; de *ieiunio Quadragesimae*, XIV; de *passione Domini*, XIII; de *resurrectione Domini*, IX; de *Ascensione*, XIX; in *natali S. Laurentii*, II; de *ieiunio septimi mensis*, V; de *octo beatitudinibus*, I; de *Pentecoste*, II. Singulos recensent Ballerini l. I. §. II. n. XVI.

Secundam collectionem dicunt, quam praeferunt mss. tres, nempe Casanatensis G. III, 7. *Basilicae S. Petri*. 210. et *Barberinus* 88. quorum priores ad saec. XII. pertinere existimant. Casanatensis aliquot foliis mutilus est et variantes ex collectionibus posterioribus a quopiam studio ad marginem appositas, textuique nonnunquam superadditas exhibet. Haec collectio C. Sermones continet, in ordine cum praecedenti modo conuenit, modo longius ab ea recedit. Complectitur omnes genuinos Sermones, qui in prima exstant, praeter vnum Serm. II. de *Natali Leonis*, qui incipit *Honorabilem*, habet autem XII. alios germanos, qui in illa desiderantur; in his quinque extra propriam sedem positos, vnde Ballerini colligunt, hanc collectionem prima cura ex iis Lectorariis elaboratam fuisse, qui his sermonibus carebant, posteaquam vero in collectoris manus alii libri venissent, qui hos sermones praeferrent, eos in fine adden-

addendos putasse. In hoc quidem, monent, duas hasce priores collectiones sequentibus postponendas esse, quod plures alienos Sermones Leoni tribuant, sed lectionibus melioribus praestare atque ab editoribus aestimandos esse (§. III. num. XVIII. XIX.). *Tertiam collectionem* appellant eam, quae exstabat in MS., unde primam editionem Romanam sumsit *Andreas Aleriensis*. Talem inuenerunt in *Vat. ms. num. 545.*, qui solos Leonis Sermones continet, dum ille, quo Aleriensis usus est, quatuor epistolas in fine additas, et editioni idcirco subiectas, praeferebat. Ad eandem pertinere suspicantur *codicem Bononiensem*, cuius variantes cum lectionibus primae editionis fere conuenientes notatas inuenerunt in Ms. Barberino num. 3520. Continet autem Sermones Leonis XCIII. omnes sinceros praeter vnum *de Machabaeis*, quem Ballerini Augustino vindicarunt. Sermonibus de Natali Domini praemittit *Epistolam ad Flavianum*, quae hanc quoque collectionem ex Lectionariis deriuatam innuit. Desunt ex sinceris foli tres ex Ms. Nic. Fabri editi. Ordo autem Sermonum XCIII. qui ab anteriorum collectionum ordine longissime recedit, idem est, ac in editionibus maxime tritis, quae his tribus carent, hac vna exceptione, quod Sermo LI. in *Euang. Matthaei c. 17.* inter Sermones de Quadragesima describitur, vti in omnibus Lectionariis positus est. Ceterum peculiare habet titulos, qui tam ab editis, quam ceteris collectionibus maxime discrepant. (§. IV. num. XX. XXI.). *Quartam collectionem* frequentius in mss. codicibus obuiam, eosdem omnino Sermones eodemque ordine ac tertiam praeferre, sed titulis, qui iidem sunt ac in vulgatis, ab eadem discrepare, praetereaque variantibus lectionibus, nec modicis, nec infrequentibus, quae diuersae origini, non libratio-

rum lapsui, vel arbitrio tribui queant, diuersam esse significant. Plerique huius collectionis codices annexam habent epistolarum collectionem, quapropter inter Sermones *Epistolam ad Flavianum* omittunt, cum in epistolis suo loco ponatur. Referunt huc codices *Vaticanos tres num. 541, 546 et 547. Vaticanum Vrbinat. 65. vnum Angelicae Eremitarum S. Augustini, Venetum S. Marci 79. et Fesulanum Canonicorum Lateranensium.* Eandem collectionem cum epistola ad Flavianum, sed sine Epistolarum collectione inuenerunt in mss. *S. Iustinae Patauino-Casinensum*, nec non in alio *Vineto Monachorum S. Georgii Maioris.* Nullum exemplar Saeculo XIV. vetustius reperire licuit, vnde valde recentem esse colligunt. Ac sane vitiosissimam omnium dicunt, ex eaque editiones Sermonum per eos, qui Alerienfis editionem ignorarunt, vulgatas, quae tot mendis et corruptis lectionibus scatent, proficisci suspicantur. Quinta collectio a praecedentibus, paucis, at exploratis characteribus distinguitur. Quot Sermones comprehendat, diserte non indicant, vnde colligo totidem inesse ac in tertia. Quod discrepantes lectiones attinet, duabus praecedentibus meliorem, primae tamen et secundae cedere innunt.

Nullum autem deprehendisse se testantur huius collectionis exemplar, in qua ab epistolarum collectione separata esset, eam vero similiter ab illa epistolarum collectione, quae cum quarta Sermonum collectione copulatur, diuersam esse. Praecipuum autem discrimen esse monent in defectu duorum Sermonum *Exultemus*, de SS. Petro et Paulo, et *Gratias dilectissimi*, de Macchabaeis, quorum prior in quatuor antecedentibus, posterior in secunda, tertia et quarta legitur. Ordo, excepto leui discrimine, idem est, qui in III. et IV. Ceterum hanc collectionem purissi-

purissimam omnium et quae nihil plane subdititium contineat, affirmant. Inuenitur in *Vat. num. 544.* saec. circiter XII. *Vat. Reg. Suec. num. 139.* saec. XIII. vel XIV. et vno *Caesenate Minorum Conuentalium S. Francisci* saec. XV. nec non in *Victorino*, quem Quesnellus adhibuit. (ibid. num. XXIII. XXIV.). His quinque a se inuentis diuersae originis Leonis Sermonum collectionibus adnumerant *sexto loco* Collectionem a Quesnello in *MS. Oxoniensi* saec. XI. vel XII. deprehensam, quam laudat dissert. XII. cap. 2. Epistolas vna cum Sermonibus Leonis complectebatur, ac Epistolis quidem, vt Quesnellus docet, insertae erant *constitutiones Imperatorum Theodosii ac Valentiniiani aduersus Manichaeos et contra Hilarium Arelatensem; Sermonibus subiiciebantur duae Epistolae Proterii Alexandrini et Paschasini Lilyb. ad Leonem, aliaeque nonnulla ad vitam Pontificis attinentia.* Talem vero neque epistolarum neque sermonum collectionem vnquam se vidisse fatentur, indeque aliam omnino a quinque praecedentibus esse statuunt (§. V. n. XXV.).

Coronidis loco huic de mss. Sermonum Leonis fontibus dissertationi addiderunt Ballerini Observationes duas, alteram *de Homiliario Doctorum* (§. VI. n. XXVI.) alteram de *MS. Barberino continente varias lectiones Sermonum S. Leonis* (§. VII. n. XXVII.) *Homiliarium Doctorum* a Paulo Diacono iussu Caroli M. exeunte saec. VIII. pro festorum ratione collectum, codicis vice habendum, cum ex antiquioribus Saeculo IX. codicibus, qui Paulo praesto fuerunt, decerptum fuerit, non minimi faciendum esse recte illi censuerunt. Huius editio rarissima est Spirensis a. 1482. Quesnellus autem editionem longe posteriorem, in qua alii ex editis Leonis multa addiderunt, adhibuit. Quapropter vt germa-

nas Pauli Diaconi lectiones cognoscerent, Ballerinii editionem Basiliensem Nic. Kessleri a. 1496. sumtam ex vetustissimo codice Ecclesiae Basiliensis contulerunt, quae licet non minus quam Spirensis nonnullos Sermones auctorum posteriorum addititios praeferat, genuinam tamen Pauli Diaconi editionem quoad ceteros, et Leoninos, exhibet. At sine addititiis in duobus MSS. Augiensibus inueniri ex Mabilonio T. IV. Analectorum p. 631. 32. observant. Iam quod *codicem Barberinum* attinet, vnus ex fratribus cum Romae versaretur, in bibliotheca Barberina incidit in librum ms. recentiore *num.* 3520. qui non paucas variantes Sermonum S. Leonis editioni paratas exhibebat. Praemissa erat Italica epistola Laurentii Mari scripta die 3 Martii 1677. in qua, cum Card. Franc. Barberini, Brancacii tum Praelati, nomine ab eo quaesitum fuisset, quid Io. Bapt. Marus frater eius in editionem Leonis reliquisset, respondet, ante aliquot annos in manus eiusdem fratris venisse editionem Sermonum Leonis, in cuius marginibus Gerardus Vossius, Praepositus Tungrensis, variantes lectiones notauerat; has autem exinde excerptisse Ioannem Baptistam, aliasque variantes ex aliis codicibus et editionibus addidisse eo consilio, vt novam Sermonum editionem vulgaret cum titulo: *Sermones S. Leonis M. restituti ad fidem plurium codicum mss.*, concluditque, editionem praedictam cum variantibus Vossii, et fratris sui lucubrationes se tradidisse Michaeli Angelo Riccio, postea Cardinali. Sequebatur ipsius Io. Bapt. Mari praefatio editioni praemittenda, quam totam Ballerinii descripserunt. Ex dictis autem a Laurentio Maro patet, codicem laudatum Barberinum tam Vossii, quam Mari variantes lectiones complecti; quamquam Io. Baptista in praefatione variarum lectionum Vossii nullam mentionem

tionem facit, neque ex ipsa scriptura, quae ex Vossio desumitae sint, quaeue a Maro additae, discerni possit. Sane plures variantes Sermonum ordine nonnihil perturbato adscriptas esse fatentur. Pleraque sumtas esse monent ex codicibus Basilicae S. Petri, alias ex Vaticanis, nonnullas ex codice Bononiensi; frequentiores esse in iis Sermonibus, qui continentur in Lectionariis S. Petri; sicuti, ubi ista Lectionaria defuerint, rarissimae et quandoque nullae indicentur. Ipsi multa loca huius manuscripti cum Lectionariis Basilicae S. Petri contulerunt, cumque ea exacte notata deprehendissent, a fusiori eorum, ut et aliorum tum eiusdem Basilicae, tum Vaticanorum aliarumque Romanarum bibliothecarum exemplarium collatione leuatos sese eodem existimarunt.

II. *De Fontibus mss. Epistolarum.*

I.

Tria in vniuersum codicum genera distinguenda esse docent Ballerinii, in quibus Leonis epistolae contineantur. Nempe primum genus faciunt *Collectiones generales Canonum et Constitutionum Romanorum Pontificum*, in quibus aliquot integrae Leonis epistolae fuere descriptae. Alterum constituunt *Collectiones particulares seu quarundam Ecclesiarum, seu Epistolarum Leonis solius*, quae ex vetustis vel etiam primaevius exemplaribus olim compactae antiquissimam originem prae se ferunt. Ad tertium pertinent *Collectiones particulares epistolarum S. Leonis*, sed recentiores et ex primi generis collectionibus maximam partem deductae.

2.

Sicut nulla extat Leoni coaeva aut suppar omnium eius Sermonum collectio; ita nullam quoque coaeuam

coaeuam aut supparem epistolarum eius collectionem factam esse, certissimum habent. Hinc nulum codicem sperandum esse affirmant, qui omnes eius epistolas praeferat: quoniam non omnes olim perinde fuerint in vnum corpus, aut Regestum, ut vocant, collectae, ut Gregorii M. epistolis euenit. Initio quidem omnes collocatas et quam diligentissime custoditas fuisse in *Scriniis* seu *Archivio* sedis Apostolicae inter ceteras constitutiones aliorum Pontificum, vetustam suadere aiunt consuetudinem Romanae ecclesiae, de qua *Constantius* in *Praef. ad Epp. Pont. Rom. n. 44. seqq.* Atque id ipsam Auctorem Pontificalis Romani, qui Anastasii Bibliothecarii nomine vocari solet et Leonis vitam serius saeculo VIII. scripsit, testari monstrant. Sed postquam collectiones generales canonum et epistolarum Rom. Pontiff., a priuatis hominibus olim compositae in priuatum usum ita propagari et obtinere coeperint, ut iidem Romani Antistites epistolas decessorum suorum non ex apostolicis scriniis, sed ex iis collectionibus sumerent, tunc factum esse dicunt, ut earundem epistolarum autographa exemplaria, quae erant in apostolico archiuo, sensim neglecta, temporum vicissitudinibus interciderint, ac propterea antiquae istae generales collectiones sint vetustiores ac celebriores fontes, ex quibus antiquiorum Pontiff. Rom. epistolas accepimus, adeo ut non aliae quorundam Rom. Antistitum epistolae ad nos peruenerint, nisi quae eiusmodi collectionibus conseruatae fuerunt *). Has igitur et secundi generis collectiones veluti pro originariis fontibus habendas esse, ad quas Leonis editio

*) Hae sunt, de quibus ut et mss. codicibus, qui easdem complectuntur, amplissimum tractatum condiderunt Ballerini in *Tomo III. s. Appendice ad Opp. Leonis*, ut supra iamiam indicatum est.

tio reuocari deberet, statuerunt, ita quidem, vt illas tertii generis haud negligerent, siquidem subinde ex emendationibus manuscriptis antiquarum editionum eductae lectiones meliores et emendationes non contemnendas praebuere. Quaedam etiam ex iis epistolas continent, quae in antiquis notis collectionibus non inueniuntur, vnde existimare licet, eas ex aliis antiquis collectionibus nunc quidem ignotis desumptas atque in hac parte pro originariis habendas esse. Generatim autem Collectiones mss. epistolarum S. Leonis Balleriniis innotuerunt XXIV. Ex his XIII. ad *Collectiones generales*; VI. ad *antiquas particulares* referuntur; V. *Collectiones recentiores peculiare*s sunt. Quemadmodum vero, inquit, hae singulae inter se epistolarum numero, ordine aliisque characteribus discrepantes diuersam originem produnt; ita omnes cuiusque collectionis codices adeo plerumque ipsis lectionibus congruunt, vt, (quod de Sermonibus etiam valet) superuacaneum plerumque sit, plures consulere, maioremque vtilitatem referat, qui duos aut tres diuersarum collectionum mss. libros, quam qui permultos vnus collectionis euoluerit.

Iam peculiaria de singulis: quae, quoniam etiam ad editionum nonnullarum, quas supra recensuimus, notitiam haud parum conducunt, a nobis non omnino hic praetermitti debebant; sed breues esse studebimus. Initium fit a *Collectionibus generalibus*.

Prima Collectio. Antiquissima omnium et hactenus ignota. Extat in cod. *Vat. Reg. Sueciae* 1997. Catalogus Pontiff. Rom. in Hormisda definit. Continet epistolas VII. 1. *Rustico* (167.)*. 2. *Episc. Mauritaniae* (12.). 3. *Turribio* (15.). 4. *Episc. Siculis*

*) Hic numerus significat ordinem ed. Ballerini.

Siculis (16.), 5. *Nicetae* (159.). 6. *Aquileiensi ep.* (1.). 7. *Septimio ep.* (2.).

Secunda collectio. Corbeiensis, vt a Coustantio appellatur, seruata in *Ms. Corbeiensi Bibl. S. Germani a Pratis Parisiis* et venerandae antiquitatis. Ballerinii in nullo codice eam deprehenderunt. Sed Quesnellus ea vsus est (ms. Corbeiese vocans) et post eum Coustantius, qui eam descripsit in Praef. ad Epp. Pontiff. Rom. num. 61. Sed ordinem epistolarum indigitauit; quare ex vtriusque citatis, quantum fieri potuit, Ballerinii eruere studuerunt, qui sic se habet. 1. *Campanis* (4.). 2. *Italis* (7.). 3. *Viennensibus* (10.). 4. *Anastasio* (4.). 5. *Turribio* (15.). 6. *Flauiani ad Leonem* (22.). 7. *Flauiano* (28.). 8. *Theodosio* (29.). 9. *Pulcheriae* (31.). 10. *Iuliano* (35.). 11. *Constantinopolitanis* (59.). 12. *Rauennio et Gallis* (103.). 13. *Iuuenali* (139.). 14. *Leoni Aug.* (165.). Quesnellus praeterea laudat *Thuanicum codicem* Corbeiensi ita similem, vt ex eo transcriptus videatur.

Tertia Collectio. Antea ignota, vetustissima et praestans. Extat in *Codd. Barberino* 2888. et *Vat.* 1342. Continet XV. Epistolas hoc ordine: 1. *Anastasio* (14.). 2. *Rustico* (167.). 3. *Siculis* (16.). 4. *Aquileiensi ep.* (1.). 5. *Mauris episc.* (12.). 6. *Nicetae* (159.). 7. *Dioscuro* (9.). 8. *Iuuenali* (139.). 9. *Leoni Aug.* (145.). 10. *Maximo* (119.). 11. *Flauiano* (23.). 12. *Flauiani ad Leonem* (22.). 13. *Eutycheti* (20.). 14. *Flauiano* (28.). 15. *Leoni Aug.* (165.).

Quarta collectio. Extat in antiquo codice *Capituli Lucensis*, quem Io. Dom. Mansi in diss. de celebri codice saeculo Caroli M. scripto Tomo XLV. *Opusculorum P. Calogerae* accuratissime descripsit. Extat quoque in Codice olim *Colbertino* 784. quem Antel-

Antelmius et Pagius commendant. Adde Coustantii descriptionem, qui Italicam collectionem agnoscit, in laudata *Praef. n.* 89. Continet IV. tantum Leonis epistolas. 1. *Rustico* (167.). 2. *Mauris* (12.) 3. *Aquileiensi ep.* (1.). 4. *Septimio* (2.).

Quinta collectio a Balleriniis vocatur *Quesnelliana*, eoque nomine significant *Codicem Constitutionum Ecclesiae Romanae* a Quesnello primum, sed ex ms. Oxoniensi recenti et mendoso editum. Continet epistolas Leonis XXXII. nempe: 1. *Leoni Aug.* (165.). 2. *Iuuenali* (139.). 3. *Flauiano* (28.). 4. *Theodoro Foroiulensi* (108.). 5. *Turribio* (15.). 6. *Rustico* (167.). 7. *Anastasio Theff.* (14.). 8. *Nicetae* (159.). 9. *Ianuario Aquilei.* (18.). 10. *Episcopis Campaniae, Piceni et Tusciae* (4.). 11. *Episcopis Italiae* (7.). 12. *Siculis* (16.). 13. *Pulcheriae Aug.* (31.). 14. *Constantinopolitanis* (59.). 15. *Palaestinis* (124.). 16. *Aquileiensi Ep.* (1.). 17. *Septimio* (2.). 18. *Mauritanis* (12.). 19. *Synodo Ephesinae* (33.). 20. *Theodosio Aug.* (44.). 21. *Pulcheriae Aug.* (45.). 22. *Iuliano Coensi* (25.). 23. *Theodosio Aug.* (29.). 24. *Marciano Aug.* (104.). 25. *Anatolio Ep.* (106.). 26. *Synodo Chalcedonensi* (114.). 27. *Anatolio Ep.* (155.). 28. *Leoni Aug.* (162.). 29. *Anatolio* (163.). 30. *Eidem* (135.). 31. *Synodo Chalced.* (93.). 32. *Doro Beneuent. Ep.* (19.)

Has praecedunt in pluribus codd. III. aliae aliorum epistolae, quae inter Leoninas eduntur. 1. *Eusebii et Synodi Mediol.* (97.). 2. *Rauennii et al. Episcoporum Galliae* (99.). 3. *Ceretii, Salonii et Veranii* (68.). In Galliae Bibliothecis aliquot h. coll. codices reperiri monent Ballerinii. Quesnellus in emendandis Leonis Epistolis usus est duobus aliis insignibus eiusdem codicibus, *Thuaneo*, postea *Colbertino*

bertino num. 932. nunc Regio et Treco-pithoeano, de quo supra. Ballerini cum in Italia nullum eius codicem reperire potuissent, vetustissimum exemplar nacti sunt ex *Bibl. Caesarea Vindobonensi* XXXIX. Alius eiusdem Bibliothecae codex antiquus, sed praecedenti aliquanto recentior, sign. num. XLII. eandem collectionem, sed insertis XX. epistolis ex collectione Hispanica seu Isidoriana complectebatur (vid. §. II. num. 11. 12.).

Sexta collectio Dionysii Exigui fuit sub Hormisdæ Papae tempora lucubrata. VII. Leonis epistolas complexa est. 1. *Campanis* (4.). 2. *Italici* (7.). 3. *Siculis* (16.). 4. *Ianuario* (18.). 5. *Rustico* (167.). 6. *Anastasio Thessalon.* (14.). 7. *Nicetae Aquilii.* (159). Aliam Leonis Epistolam ad *Mauros* posterioribus additamentis tribuendam esse monent. Huius collectionis mss. libri, qui additamentis insertis careant, adeo rari sunt, ut duo tantum hactenus nominentur, *Vaticanus* et *Regius Parisiensis*. Inter hos maxime commendatur *Vaticanus* num. 845. quem ipsi contulerunt. Sed cum purae Dionysianae mss. usus sit *Cresconius*, utpote qui totam Dionysii collectionem in certos titulos distributam operi suo inseruit, Codices Cresconianos pro puris Dionysianis habendos esse monent. Horum autem plures Romae asseruantur, ex quibus inspexerunt Ballerini *Vallicell.* XVIII. *Vatic.* 1347. *Vatic. Reg.* 849. *Vatic. Palat.* 579.; sed praecipue contulerunt *Ms. Capituli Veronens.* saeculo VIII. caractere papyraceo scriptum.

Septima collectio. Dionysio - Hadrianea a superiore non disiungenda, quoniam nonnisi additamentis quibusdam internoscatur. Hadrianea vocatur, non quod additamenta sub Hadriano Dionysio accesserint, sed quod hic pontifex eam ad Carolum M. miserit.

miserit. Nonnisi *unam super septem* epistolas continet, nempe ad *Mauros* (12.). Ex codd. huius collectionis, quos Romae Ballerinii viderunt, memorandos praecipue censent *Vatic.* 4969. *Vatic. Palat.* 578. *Vatic. Reg.* 1021. et 1043. nec non *Vat.* 1337. qui a Correctoribus Romanis in editione Gratiani *Codex Canonum* appellatur, ac duos *Vallicell.* A. S. et XVIII. saeculo nono vel decimo scriptos. Ex edd. huc pertinet *Parisiensis Voëlli et Justelli* a. 1661, nam licet illis puram Dionysianam separatis additamenti edere constitutum fuisset, cum tamen nullum Dionysianum codicem inspexerint, additamenta omnia praesertim in Leone internoscere ac separare non potuisse monent Ballerinii.

Octava Collectio. Additamenta omnia a purò Dionysio seiuncta post Dionysium descripta inveniunt Ballerinii in *Ms. Vat.* 5845. collectionis Dionysianae. Iisdem autem in eodem codice subiectae erant multo maiores additiones, quas Hadrianeae collectioni subiunctasprehenderunt in codd. *Vallicellano A. S.*, *Vat.* 1353. ac in vno *Capituli Veracellensis*. Haec igitur quasi utriusque supplementa ex aliis fontibus congesta octavae collectionis loco habenda esse censent. Constant autem XV. epistolis
1. *ad Dioscurum* (9.). 2. *Ad Turribium* (15.). 3. *Ad Episc. Aquileiensem* (1.). 4. *Ad Septimum Altini Episc.* (2.). 5. *Ad Theodorum* (108.). 6. *Ad Siculos* (17.). 7. *Ad Eutychem* (20.). 8. *Ad Flavianum* (23.). 9. *Flaviani ad Leonem* (22.). 10. *Ad Flavianum* (28.). 11. *Ad Iuvenalem* (139.). 12. *Ad Maximum* (179.). 13. *Ad Anatolium* (80.). 14. *Ad Leonem Aug.* (145.). 15. *Ad eundem* (165.).

Nona Collectio. *Hispanica*, quam primus Constantinus notiozem reddidit. Huius auctor Dionysia-

nas epistolas cum iisdem titulis sumsit, vno tantummodo titulo et capite in epistola ad Rusticum addito. His adiecit triginta alias Leonis, vnam Chrysologi, et Flauiani ad Leonem vnam, ita vt omnes XXXIX. hac serie procedant. 1. *Ad Eutychen* (20.). 2. *Ad Flavianum* (23.). 3. *Flauiani ad L.* (22.). 4. *Leonis ad Flavianum* (28.). 5. *Petri Rauenn. ad Eutychen* (25.). 6. *Leonis ad Synodum Ephesinam* (33.). 7. *Ad Theodosium* (44.). 8. *Ad Pulcheriam* (45.). 9. *Ad eandem* (60.). 10. *Ad Martinum et Faustum* (61.). 11. *Ad Theodosium Aug.* (69.). 12. *Ad Pulcheriam* (79.). 13. *Ad Faustum Martinum et ceteros* (71.). 14. *Ad Pulcheriam* (70.). 15. *Ad Anatolium* (80.). 16. *Ad Marcianum* (82.). 17. *Ad eundem Imp.* (83.). 18. *Ad Anatolium* (85.). 19. *Ad Marcianum* (90.). 20. *Ad Synodum Chalced.* (93.). 21. *Ad Marcianum* (104.). 22. *Ad Anatolium* (106.). 23. *Ad Marcianum* (115.). 24. *Ad eundem* (130.). 25. *Ad eundem* (134.). 26. *Ad Leonem Imp.* (165.). 27. *Ad Turribium* (15.). 28. *Ad Italos* (7.). 29. *Ad Siculos* (16.). 30. *Ad Episcopos per Campaniam &c.* (4.). 31. *Ad Ianuarium* (18.). 32. *Ad Rusticum* (167.). 33. *Ad Anastasium* (14.). 34. *Ad Nicetam* (159.). 35. *Ad Africanos* (12.). 36. *Ad Theodorum* (108.). 37. *Ad Leonem seu Neonem Rauenn.* (166.). 38. *Ad Dioscurum* (9.). 39. *Ad Campanos* (168.). In indice decretorum huic collectioni praefixum tum in codd. tum apud Coustantium tres Leonis epistolae ad Marcianum censentur num. 51—53. ex quibus XL. tituli ad Leonem pertinent, sed in ipso collectionis corpore et Isidori Merc., qui totam descripsit, duae tantum eo loco inueniuntur, adeoque omnes sunt XXXIX.

Porro

Porro Epistola XII. *ad Mauros* in h. coll. habetur decurtata et ab illa in Hadrianca diuersa, id quod purum Dionysianae codicem praesto fuisse declarat. Codices huius coll. valde rari sunt. Ballerinii duos diligenter contulerunt, *Vatic. 1341.* et *Caesareum Vindobonensem 41.* olim 281. vtrumque saeculi circiter IX., quorum prior a Gallicanis, posterior ex Hispanicis purioribus mss. originem duxit, quamquam non paucis in locis erroneas lectiones praefert, quae in Vindobonensi a studioso librario correctae deprehenduntur. Ex codice perinde emendato collectionis Hispanicae fluxerunt exemplaria, quae Gallicana appellant, veluti *Vat. 1341.* et alia quae in *Tractatu de antiquis Collectionibus et Collectoribus Canonum* Tomo III. allegant.

Decima collectio. Isidori Mercatoris. Hanc quidem collectionem Ballerinii, fatentur post Hispanicam, quoad Leonis epistolas, distincte non fuisse memorandam; quia purus Isidori codex easdem, nec plures, nec pauciores Leonis epistolas continet, quae quidem in eum ex Hispanica collectione sine ulla fictione vel additione fuerunt traductae, testibus codicibus *Vat. 630.* saec. circiter IX. quem accurate contulerunt, et *Vat. 631.* saec. circiter XIII. At ceteros codices non eodem iure pro Isidorianis habendos esse obseruant. Tametsi enim in aliis plerisque Isidoriani sunt, in Leone tamen purum Isidorum haud referunt; sed alia additamenta receperunt; id quod etiam de ea collectione valet, quam *Merlinus* edidit. *Vaticanus* quoque 630. cum *Vat. 1341.* coll. Hispanicae tam in lectionibus quam erroribus inter se concordabant, vt vnus ex altero exscriptus videretur. Attamen quod Hispanica parum nota sit, Isidoriana autem vt notior citari soleat, Quesnellus

etiam aliquot Isidorianae codices alleget: idcirco distincte eam commemorare par visum.

Vndecima collectio. Ex Isidoriana promanuit, sed praeter XXXIX. epistolas in Isidoriana obuias addit XVIII. alias, in Isidoro aequae ac in Hispanica deficientes. Comprehendit itaque LVII., in quibus bis recitatur *epistola ad Flavianum* (28.) ex diuersis scilicet fontibus. Praemittuntur nempe Isidorianis XVI. sequentes: 1. *Ad Theodoretum* (120.). 2. *Eusebii et Synodi Mediolanensis ad Leonem* (97.). 3. *Rauennii et aliorum Episcoporum Galliae ad Leonem* (99.). 4. *Leonis ad Iuvenalem* (139.). 5. *Ad Flavianum* (28.) sumpta ex lectione, quam antiquissima Homiliaria praeferunt et dissimilis lectioni Isidorianae. 6. *Ad Pulcheriam* (31.). 7. *Ad Clerum CP.* (59.). 8. *Ad Palaestinos* (124.). 9. *Ad Aquileiensem* (1.). 10. *Ad Iulianum* (35.). 11. *Ad Theodosium* (29.). 12. *Ad Synodum Chalced.* (114.). 13. *Ad Anatolium* (155.). 14. *Ad Leonem Aug.* (162.). 15. *Ad Anatolium* (163.). 16. *Ad eundem* (135.). Subiiciuntur XXXIX. Isidori, inter quas inseritur *epistola ad Dorum Beneventanum* (19.), quae in Isidoro desideratur. Porro *Epistola ad Africanos Mauros*, quae inter Isidorianas numeratur, hic non ex decurtata Isidori, sed ex Hadrianea editione profertur: ac postea eidem velut appendicula subiicitur, quidquid praeterea in Isidoro legitur: quam editionis rationem ex hac in posteriores quasdam collectiones fluxisse existimant. Additur denique *epistola Leoni* in hac collectione primum attributa *ad Episcopos Germaniae et Galliae*: unde vetus suppositionis origo, simul autem quod perperam ab Isidoro confictum nonnulli arbitrati sint, patet. Nam in Isidoro deest: huius autem collectionis anti-

antiquitatem non solum codices, sed multo magis Hincmarus probat, quem ea usum fuisse ex Opusc. I. c. 5. p. 23. ed. Paril. euincunt. Extat autem haec collectio in *Vaticano Ottoboniano num. 93. saec. IX. vel X. et Vaticano num. 3791.* Prior in fine mutilus, vnde numerus ex posteriori colligendus fuit. Praeterea ad eandem referendos existimant *Barberi. num. 57. a Quesnello in notitia Mss. ed. secundae laudatum, et Vaticanum 4902.*

Duodecima Collectio. A *Merlino* edita; Galliae originis fuit, vt ex additamentis, quae ad Concilium Remense vsque ad a. 1148. pertingunt, aliisque Gallicanis monumentis patet. Continet XCIX. epistolas adeoque omnium, excepta decima octaua, editissima. Exhibet scilicet epistolas XXXIX. coll. *Isidori* (inter quas decurtata ad *Africanos*), tum alias XVI. in antecedenti additas, omissa vna *Eusebii Mediolanensis* (97.) ac sine repetitione epistolae ad *Flavianum* (28.); de nouo adiiciuntur epistolae XLIV. sequentes 1. *Theodosio* (24.). 2. *Galliae episcopis* (102.). 3. *Marciano* (121.). 4. *Iuliano*: falso inscripta est *Eudochiae* (122.). 5. *Septimo* (2.). 6. *Viennensibus* (10.). 7. *Rauennio* (41.). 8. *Pulcheriae* (95.). 9. *Marciano* (94.). 10. *Pulcheriae* (105.). 11. *Iuliano Coënsi* (113.). 12. *Marciano* (111.). 13. *Pulcheriae* (112.). 14. *Iuliano* (118.). 15. *Eudociae* (123.). 16. *Iuliano* (125.). 17. *Eidem* (127.). 18. *Cerettii* etc. ad *Leonem* (68.). 19. *Leonis Bituricensis, Victorii et Eustochii Episcopis et Presbyteris infra tertiam Prouinciā (in App.).* 20. *Leonis Papae Rauennio et al. Galliae episc.* (103.). 21. *Galliae et Hispanis* (138.). 22. *Theodosio* (54.). 23. *Iuliano* (34.). 24. *Flauiano* (36.). 25. *Theo-*

doso (37.). 26. *Flauiano* (38.). 27. *Eidem* (39.). 28. *Constantinopolitanis* (50.). 29. *Anastasio* (47.). 30. *Flauiano* (49.). 31. *Iuliano* (48.). 32. *Archimandritis CP.* (59.). 33. *Marciano* (74.). 34. *Eidem* (78.). 35. *Iuliano* (81.). 36. *Pulcheriae* (45.). 37. *Anatolio* (87.). 38. *Marciano* (89.). 39. *Pulcheriae* (116.). 40. *Maximo* (119.). 41. *Leoni Aug.* (145.). 42. *Eidem* (148.). 43. *Eidem* (156.). 44. *Pulcheriae* (30.). Pleraeque ex his epistolis in nulla iam descripta collectione inueniuntur. Quodsi nonnullae postea inventae fuerint, in quibusdam raris codicibus, aliae vero in mss. collectionis XXIV. ex qua auctor profecisse videtur, quinque tamen Leonis epistolas in nulla alia collectione adhuc exhibitae ex aliquo ignoto Codice sumsit, nimirum 1) *ad Flavianum* (39.). 2. *Ad Anastasium* (47.). 3. *Ad Iulianum* (48.). 4. *Ad Marcianum* (74.). 5. *Ad Gallos et Hispanos* (138.). Perperam *Leonis Bituricensis, Victorii* etc. epistola tamquam Leonis Papae inserta est, Extat in cod. *Vaticano* 1340, solaque additamenta *Isidorianis* subiuncta reperiuntur in cod. *Veneto S. Marci* 169. Vulgavit eam *Merlinus* ex codice *Isidoriano*, simili *Vaticana* 1340. omisis solummodo *Petri Rauennatis et Ceretii, Salonii* etc. *ad Leonem epistolis* et ordine in nonnullis immutato. *Ballerinii* vsi sunt ed. a. 1530. Pertinere huc quoque existimant Codicem *Quiesnelli*, quem *Herouallianum* vocat, nec multa dissimilem esse *Codicem Remensem S. Remigii*, tum ex variantibus apud *Quesn.* tum ex *Constantio, praef. ad Epp. Pontiff. Rom. n. 163*, colligunt.

Ad eandem Collectionem porro pertinuisse coniciunt codicem *Isidorianum*, ex quo *Sichardus L.* episto-

epistolas Leonis, inter quas epistola *Flauiani ad Leonem* (22.), edidit, licet in nonnullis diuersum fuisse, diuersus ordo ac numerus epistolarum ostendat. Lecliones vero nec non pannum illum, quem Sichardi codex praefert in ep. ad Episc. Aquileiensem (1.) diuerso loco, ac in praesenti collectione, assutum, collectionem XXIV. fontem habuisse monent, in qua eodem loco subiiciatur. (cf. Ballerin. annot. 26. ad dict. ep.). Quesnellus vsus est ed. Sichardi Paris. 1568. quam tamen Ballerini ad Victorinos forte codices Isidorianos, non autem Sichardiano similes emendatam perspexerunt; ipsi adhibuerunt puram Basiliensem a. 1536.

Decima tertia collectio. Extat in ms. *Florentino* S. Marci 182. saec. XII. solas Rom. Potiff. epistolas complexo et ex apocryphis, quas vna cum sinceris profert vsque ad Sixtum III., Isidorianus agnoscitur, in Leone vero ab Isidorianis ordine et qualitate epistolarum quam maxime discrepat. Continet XXIII. integras, vigesima quarta sine caret: est enim codex mutilus, unde, quot comprehensae fuerint, ignoratur. Series haec est: 1. *Episcopis per vniuersas provincias constitutis* (4.). 2. *Italis* (7.). 3. *Siculis* (16.). 4. *Ianuario* (18.). 5. *Rustico* (167.). 6. *Anastasio* (14.). 7. *Nicetae* (159.). 8. *Mauris* (12.). 9. *Palaestinis* (124.). 10. *Constantinopolitanis* (59.). 11. *Ephefinae Synodo* (33.). 12. *Theodosio* (44.). 13. *Pulcheriae* (45.). 14. *Theodosio* (29.). 15. *Iuliano* (35.). 16. *Pulcheriae* (31.). 17. *Aquilei.* (1.). 18. *Septimo* (2.). 19. *Anatolio* (163.). 20. *Eidem* (135.). 21. *Synodo Chalced.* (95.). 22. *Doro* (19.). 23. *Flauiano* (23.). 24. *Leoni Aug.* (165) sed perperam *Marciano* inscripta. Octo pri-

ores Hadrianeae coll. ordinem praeferunt; non item octaua eiusdem est originis: est enim integra et exacte descripta, qualem hic codex vnus exhibet peculiaris et praestantis originis testimonio. Haec de generalibus collectionibus. Transgrediuntur ad *peculiares* Ballerini, et primo quidem ad eas, quae peculiaris quarundam ecclesiarum documenta continent.

Decima quarta collectio. Auellana, Romanae ecclesiae propria. Auctor Romae sub Vigilio floruit, ac multa Rom. Pontiff. et Romanae ecclesiae specialia collegit, quae in ceteris collectionibus aut omnino desunt, aut diuersa editione prodierunt. Continet V. tantum Leonis Epistolae a Surio primum vulgatas, quae in aliis codd. et coll. frustra quaeruntur, et ex Ballerini sententia non nisi ex scriniis apostolicis deriuari potuerunt. 1. *Leoni Aug.* (169.). 2. *Gennadio CP.* (170.). 3. *Timotheo Alex.* (171.). 4. *Presbyteris et Diaconis Alex.* (172.). 5. *Theophilo et al. Episcopis Aegyptiis* (173.). Exstat in *Codice antiquissimo et celeberrimo Vaticano* 4961. qui olim ad Monasterium S. Crucis Fontis *Auellanae in Umbria* pertinuit; unde nomen a Balleriniis desumptum; item in aliis tribus *Vaticanis* 3786. 3787. et 4983. vno *Corfiniano* et alio *Bibl. Angelicae*; *Venetis* autem in duobus S. Marci 171. 172. Inter haec tamen exemplar *Vat.* 3787. et duo *Veneta* ab *Auellana* nequaquam pendent.

Decima quinta collectio. Arelatensis; quae Arelatensis Ecclesiae Episcoporum ad Romanos Pontifices aut Romanorum Pontificum ad Arelatenses epistolae complectitur. Continet III. Leonis et vnā ad Leonem, quae alias perisset, nimirum: 1. *Ad*
Con.

Constantium, aliosque Galliarum Episcopos (40.). 2. *Ad Rauennium Arelatens.* (42.). 3. *Preces Gallorum ad Leonem* (65.). 4. *Rescriptum Leonis ad superiorem epistolam* (66.). Laudantur *codices* duo antiqui, *Regius et Colbertinus*. *Ballerinii* recentiorem *Vaticellanum* G. 99. sed exactissime ex *Arelatensi* peruetusto transcriptum recognouerunt, ex quo, licet memoratae epistolae a *Baronio* editae fuerint, nonnulla tamen emendare ipsis licuit, quae ob characterem difficiliorem apographi legenti obreperunt.

Decima sexta collectio. Ecclesiae Thessalonicensis, quo nomine *Synodus Romana sub Bonifacio II.* a. 531. habita et ab *Holstenio* in *Collectione Bip.* a. 1662. edita, a *Balleriniis* significatur; quippe in qua non paucae Pontiff. Rom. epistolae ad eandem ecclesiam pertinentes proferuntur. Profecta est ex *codice ms. Barberino* 3386. recentiori, sed ex duobus antiquioribus *Vaticanis* sign. num. 5751. fol. 55. et 6339. fol. 12, exscripto, ut *Ballerinii* iudicant. Neutrum tamen quamuis sedulo inquirentes inuestigare potuerunt. Ex numero autem *Vaticanorum* mss. *Holstenii* manu initio *Codicis* adnotatorum *Barberinii* colligunt, ipsius *Holstenii* cura illum esse descriptum, indeque amplius argumentantur, accurate ex *Vaticano* exemplo fuisse expressum, adeo ut ipsi errores *codicis Barberini*, quos ille in editione postea emendauit, et paucae quaedam lacunae, quae in eodem cernuntur, in ed. *Holstenii* autem fuerunt suppletæ, *Vaticano* exemplari tribuendae sint. Ex ipsius porro *codicis* huius inspectione cognouerunt, *Holstenium* haud pauca ex ingenio emendasse aut suppleuisse absque vlla de lectione *codicis* admonitione, nonnullaque item restituerunt.

Decima septima Collectio. Chalcedonensis i. e. in Actis Concilii Chalcedonensis reperiunda. Constant haec Acta tribus partibus, quarum prima documenta exhibet, quae Concilium praecesserunt, secunda ipsas actiones, tertia, quae sunt post synodum acta. In prima XXVII. insunt Leonis et ad Leonem aliorumque nonnullae epistolae hoc ordine in Latinis codicibus obviae. 1. *Ad Eutychen* (20.). 2. *Petri Rauennatis ad Eutychen* (25.). 3. *Ad Flavianum* (72.). 4. *Flauiani ad Leonem* (22.). 5. *Ad Faustum* (72.). 6. *Flauiani ad Leonem* (26.). 7. *Ad Iulianum* (35.). 8. *Ad Faustum et ceteros Christianos.* 9. *Ad Theodosium* (29.). 10. *Ad Pulcheriam* (30.). 11. *Ad Synodum Ephesinam* (33.). 12. *Ad Theodosium* (43.). 13. *Ad eundem* (44.). 14. *Ad Pulcheriam* (45.). 15. *Hilarii Diaconi ad Pulcheriam* (46.). 16. *Placidiae ad Pulcheriam* (58.). 17. *Valentiniani ad Theodosium* (55.). 18. *Placidiae ad eundem* (56.). 19. *Eudoxiae ad eundem* (57.). 20. *Theodosii ad Valentinianum* (62.). 21. *Ad Placidiam* (63.). 22. *Ad Eudoxiam* (64.). 23. *Ad Constantinopolitanos* (80.). 24. *Ad Archimandritas CP.* (51.). 25. *Marciani ad Leonem* (73.). 26. *Ad eundem* (76.). 27. *Pulcheriae ad Leonem* (77.). Altera pars vnā tantum comprehendit insertam actioni, quae in vulgatis dicitur *secunda*, nempe *Leonis ad Flavianum* (28.). Tertia tandem duas exhibet, scilicet *Synodi Chalcedonensis ad Leonem* (98.) et *Leonis ad Synodum* (114.). Haec collectio est vetustissima omnium et Leone adhuc viuentē inter annum 453. et 455. Graece compacta censetur. Etsi enim aliquae epistolae latinae originis, quae in ea continentur, prius ab ipso collectionis Graecae auctore traductae non fuerint; epigraphas tamen, quae
longi.

longioribus identidem verbis et cum historicis quibusdam notitiis epistolis praefiguntur, eidem Graeco collectori referendas et collectionis tempore scriptas esse Ballerinii monent. Latine reddita fuit ante Vigilium Papam, vti probat Baluzius in praef. ad versionem antiquam Conc. Chalcedonensis num. 3. Ea vero documenta solum interpres in latinum translulit, quae ex sua origine Graece scripta fuerunt, vel quorum originale latinum nequaquam reperit. Vbi autem originale Latinum suppetebat, illud inseruit, adeo vt Balleriniis affirmantibus et probantibus, pleraeque Leonis epistolae, quae Graece redditae, a Graeco collectore compilatae fuerunt, in Latinis eiusdem Collectionis exemplaribus non interpretationes ex Graeco, sed ipsum originale latinum sint. Huius Latinae Collectionis duo mss. *exemplaria Thuanæa* Quesnellus adhibuit. Ballerinii ex tribus codibus *Corbeiensis*, *Divionensis* et *Colbertino*, quorum variantes Baluzius in recensione Synodi Chalced. edidit, profecerunt, Contulerunt autem ipsi *Chigianum* 483. *Vaticanos* 1323. et 4166. et vnum praestantissimum *Capituli Veronensis* 57. quem maiori forma in quadratum vergente et scriptura in duas columnas discreta exaratum ad VII. circiter saeculum pertinuisse existimant; item *Vaticanum* 1322. inter Gesta Chalcedonensia, *Epist. ad Flavianum* (28.) et *Relationem Synodi ad Leonem* ex antiqua versione et cum Episcoporum subscriptionibus exhibentem. Quod *Graeca* huius collectionis *manuscripta* attinet, observant Ballerinii, non solum epistolas Leonis Chalcedonensi collectioni praemissas mature Graece redditas et compilatas fuisse, sed idem etiam ceteris contigisse, quas eadem super re in Orientem miserat: ex quibus *exempli* causa laudant epistolam *ad Leonem Augustum* (165.) vel olim inter Graecos celeberrimam, cuiusque

que versio est accuratissima. Plerumque enim Graecae epistolae obscurae et implicatae sunt, ex inopia eorum, qui ista aetate inter Graecos tam perfecte latine scirent. Neque tamen idcirco minoris habendas esse istas versiones monent. Consuluisse enim Orientales post factam sub Hormisda cum Occidentalibus reconciliationem non solum Epistolam ad *Flavianum*, sed omnes eius (exigente eodem Pontifice) profiteri, indeque easdem epistolas Graecae interpretationis non ut privatim aliquod scriptum, sed ut publicum Ecclesiae Orientalis monumentum, ab eadem receptum et probatum ad fidem catholicam contra Eutychianos statuendam habendas esse. Aliae sunt porro epistolae ad Leonem datae et inter Leoninas recensendae, quae Graece scriptae et postea fero in Latinum traductae fuerunt, quarum Graecus textus adeo pro originali habendus est. Quesiellus autem in editione prima XII. tantum epistolarum Graecum textum ediderat, earum nempe quas ab origine Graece scriptas aut pro originalibus habendas credidit, nimirum Epist. 22. 52. 55. 56. 62. 63. 64. 73. 76. 77. et 78.

In secunda addidit duas Graecas 26. et 53. quae a *Cotelirio* et item 100. et 110. quae ab *Arnoldo* *) post priorem editionem typis datae fuerant. Balle-

rinii

*) Hic *Arnoldus* Germanus fuit patria Norimbergensis et libri, ad quem mentio nominis eius spectat, titulus sic se habet: *S. Athanasii Archiep. Alex. Syntagma Doctrinae ad Clericos et Laicos. Valentini et Marciani Impp. Epistolae duae ad Leonem M. Theodori Abucarae tr. de unione et incarnatione. Singula, praeter priorem Marciani Epistolam Latine extantem, utraque lingua primum prodeunt cum Notis, edente ANDREA ARNOLDO C. F. Norimbergense. Lutetiae Parisiorum apud viduam Edm. Martini et Io. Boudot. 1685. 8.*

rinii autem, quibus propositum fuit omnium epistolarum Graecum textum edere, addiderunt XXV. adeo ut omnes Graecae epistolae in eorum editione sint XLI. Inter has ep. 101. *Anatolii ad Leonem* originalis ex ms. gr. Vat. 1455. primum, nec non ex eodem interpretationes antiquae Graecae, quae nondum antea lucem viderant, epistolarum 104. 106. 114. 115. et 139. prodierunt. Addiderunt ex Vossio exactissimam versionem graecam ep. 165. *Leonis ad Leonem Aug.* quae in Conciliis non legitur. Neque reliquas ex editis descripserunt, sed omnes fere cum codd. mss., etiam illas rarissimas, quas Arnoldus vulgavit, contulerunt. Et cum Cotelierius sex epistolas graecas, quae apud interpretem Latinum antea gesta leguntur, at in codd. qui in edendo gr. textu Romanis editoribus usui fuerunt, desunt, ex ms. Regio perfecto gr. exemplaris collectionis Chalced. edidisset, reliquas autem nemo adhuc inuentus esset, qui recoleret et emendaret: Balleriniis epistolas a Romanis editas in *Mss. Graecis Bibl. Venetae S. Marci* relegere licuit cum duobus gr. exemplaribus eiusdem collectionis num. 555. saec. XI. vel XII. et num. 164. saec. recentioris, alterius originis, notae melioris, quam quae Romanis usui fuerunt. Porro in ms. 165. eiusdem Bibliothecae unam ex sex a Cotelierio vulgatis, nimirum *Flauiani* (26.) una cum interpretatione ep. 28. *Leonis ad Flavianum*: nec non in antiquo Ms. Rom. XIX. *Patrum Basilianorum* easdem reppererunt et contulerunt. Praeterea ex duobus laudatis mss. Venetis num. 164. et 555. ineditam actionem Synodi Chalced. in qua *Leonis ep. 93. ad Synodum*, in Appendice proposuerunt.

Sequuntur *peculiares epistolarum Leonis collectiones antiquae* *).

Decima

*) Recentiore huiusmodi collectionem fuisse suspicantur,

Decima octaua. Grimanea. De Codice Grimanico fule *Quesnellus*, *Constantius* et qui totum eum describere curauerat *Cacciarius*. Constantius annorum 700. i. e. saeculo circiter X. scriptum aestimabat et collectionem maximam partem ex archiuo Romano deriuatam putauit. Sane multas peculiare habet et inter CVII. Leonis, quas continet epistolas, XXVIII. antea prorsus ineditas suppeditauit, videlicet: 1. *Ad Flavianum* (27.). 2. *Ad Faustum* (75.). 3—10. *Ad Iulianum* (86. 92. 117. 131. 140. 141. 147. et 152.). 11. *Ad Paschasium* (88.). 12—15. *Ad Anatolium* (91. 143. 146. 157.). 16—19. *Ad Marcianum* (126. 128. 137. et 142.). 20. *Ad Proterium Alex.* (129.). 21. *Ad Aëtium* (153.). 22. *Ad Basilium Antioch.* (149.). 23. *Ad Euxitheum Thessalon.* (150.). 24—26. *Ad Aegyptios* (154. 158. 160.). 27. *Ad Clericos CP.* (161.). 28. *Ad Leonem Aug.* (164.). Non omnes tamen h. coll. epistolas ex Romano, aut alio quouis archiuo depromptas esse monent Ballerini; sed alias ex Dionysiana, alias ex antiquioribus et praesertim Chalcedonensi (veluti ep. 43. *ad Theodosium*) deriuatas videri; et fortassis a seriori amanuensi etiam aliquid additum esse, veluti de ep. Symmachi in fine h. codicis probabile sit. At Epistolas ad Eutychianam haeresim spectantes, quae in h. coll. plures, quam alibi, et rarissimae inueniuntur, vel ex ipso archiuo Romano, vel ex aliqua certe vetustiori collectione, quae inde originem duceret, petitas esse censent.

Decima

cantur eam, quam vetustus Catalogus mss. Bibl. Monasterii Bobiensis, vbi iam deest, notauerit. (§. XIX. n. 38. p. 543.) Catalogum istum vulgauit Muratorius ex codice Ambrosiano saec. IX. et X.

Decima nona Collectio. Ratisbonensis. Grimanica aliquanto antiquior et praestantior, servatur in Codice *Bibl. S. Emerani* et non solum XVI. ex iis epistolis comprehendit, quae olim primum ex Grimanico ms. prodierunt, VIII. autem, quae solum in mss. coll. XII. leguntur, et vnam, quae exstat in rarissima coll. XVI. atque aliam, quae in sola coll. XXIII. occurrit, sed etiam III. alias hactenus incognitas, nimirum duas *ad Iulianum* (109. et 144.) et vnam *ad Anatolium* (151.) suppeditavit. Praeterea emendatior est: unde eius praesidio quasdam lectiones tute confirmare, plura autem loca antea depravata corrigere et restituere sibi licuisse affirmant. Solas autem epistolas ad Eutychianam haeresin pertinentes complectitur: non omnes quidem, sed desunt quaedam, quae in aliis quibusdam peculiaribus collectionibus tantummodo reperiuntur. Solas porro Epistolas Leonis, non aliorum ad Leonem, comprehendit, et ordine quidem chronologico, praeter sex, quae extra proprium locum collocantur. Numero sunt LXXII. ita tamen, ut loco epistolae 71. describantur *Exemplaria Testimoniorum*, seu illa Patrum testimonia, quae epistolae Leonis *ad Leonem Aug.* (165.) subiici solent. Ballerinii ne singularum prolixum catalogum describerent, quatuor tantum priores, quatuorque posteriores indicarunt, quae sic se habent: 1. *Ad Theodosium* (24.). 2. *Ad Flavianum* (23.). 3. *Ad Theodosium* (29.). 4. *Ad Pulcheriam* (30.). 69. *Ad Leonem Aug.* (164.). 70. *Ad eundem* (165.). 71. *Exemplaria testimoniorum*. 72. *Ad eundem* (162.). Post Ep. 36. ad Pulcheriam (95.) legitur: *Expliciunt Epistolae Sanctissimi Papae Leonis*, quae sancto Chalcedonensi Concilio praemissae: et dein a capite: *Incipiunt quae post gesta subsequutae sunt*: quibus subiicitur ep. 37. ad Marcianum

num (104.) etc. Ex omnibus autem huius eodiciis notis *) colligunt Ballerinii, esse collectionem eam, quam Vigilius Papa ad Iustinianum misit, et quam in epistola sua IV. ita descripsit, ut omnes eius notae in hanc quadrent.

Vigesima Collectio. Obuia in *Ms. Romano* 237. *Bibl. S. Crucis in Ierusalem*, saec. circiter XI., initio et fine carens. Exhibet epistolas XXVII. quarum prima et vltima mutilae sunt. Solo ordine Epistolarum distinguitur: nullas autem comprehendit, quae non in aliis etiam reperiantur. Ac ordinem quidem XI. postremarum in aliis collectionibus frequentem esse monent, XVI. autem priores ab aliis omnibus peculiari ordine recedere. Sic ex. gr. initio post Ep. ad *Flavianum* (28.) subiicitur ep. ad *Flavianum* (35.), tum ep. ad *Pulcheriam* (31.) ep. ad *CPolitanos* (59.) ep. ad *Palaestinianos* (129.) ep. ad *Aquileiensem episc.* (1.) ep. ad *Anatolium* (163.) ep. ad *Leonem Aug.* (165.) etc. Epistola ad *Mauros* (12.) cum appendicula exhibetur interque Leoninas refertur supposititia ad *Episcopos Germaniarum et Galliarum*: litterae autem ad *Dorum Benev. Theodoro* inscribuntur.

Vigesima prima Collectio. Haec collectio in mss. frequentior easdem epistolas LVI. exhibet, quas Collectio XI. complectitur: sed ordine et lectionibus ita diuersis, ut diuersam originem prodere videatur. Incipit ab ep. ad *Eutychen* (20.) et desinit in ep. ad *Episcopos Campaniae* (168.). Plures h. coll. codices

*) Oblatus fuit *Tutoni* Episcopo, qui Ecclesiae Ratibonensi praefuit ab a. 891. usque ad annum 930. Character noni vel decimi saeculi, similis est illi, cuius specimen exhibuit *Mabillonius de re dipl.* tab. 57. Incidi curauit *Cacciarus*, ut supra est monitum.

ces recensent Ballerini, quos inter vetustior *Bibliothecae S. Marci* saec. circiter XII. solas epistolas continens, quemadmodum et alii duo *Vatt.* 542. et 543. saec. XIV. Epistolas autem cum Sermonibus coll. IV. exhibuerunt mss. libri *Vatt.* 546. et 547. *Vat. Vrb.* 65. vnus *Angelicæ PP. Augustinianorum Romæ* 5. 10., duo *Florentini Medicei* XI. et XXIII. pluteo XXI. et vnus *Fesulanus Canonico. Lateranensium* sign. num. 7. pluteo III. Eadem collectio cum sermonibus legebatur in *Vat.* 541. (qui Nicolao V. traditus fuit a. 1452.). Sed hic codex post epistolas LVI. addititias habet XII. quarum XI. in coll. XXIV. continentur, vltima autem ad *Maximum Antiochenum* in eadem deest. Ex alio igitur fonte et forte ex eodem, ex quo XII. desumpta fuerit, huius collectionis auctorem hausisse suspicantur, quoniam harum duodecim epistolarum variantes cum Mss. XII. coll. fere concordant. Ad eandem collectionem referri posse monent duos Mss. libros *Vatican.* num. 3137. et *Vatic. Ottobonianum* 332., qui easdem XVI. epistolas lectionibus fere consonas eodemque ordine complectuntur, nisi quod XI. epistolae, mero haud dubie librarii arbitrio, a fine abstractae et post epistolam XXVI. insertae sunt.

Vigesima secunda Collectio. Extat in codice *Veneto S. Marci* 79. Continet praeter Sermones collectionis IV. epistolas duarum collectionum XVII. et XXI. hoc ordine, vt praecedant epistolae XXVI. priores collectionis XXI. eadem serie; dein epistolae omnes collectionis Chalcedonensis XVII. eodem pariter ordine, duabus tantum, quae inter praecedentes XXV. descriptae fuerant, omisiss; tandem reliquae collectionis XXI. sed tribus omisiss, et ordine non modicum immutato, ac lectionibus valde dissimilibus et aliam originem manifestissime ostendentibus,

se se excipiant. Tres omissae sunt *Eusebii Mediolanensis ad Leonem* (97.), *Rauennii ad eundem* (99.) et *Leonis ad Campanos* (168.).

Vigesima tertia Collectio. Extat in codice *Vat. Ottob.* 297. saec. XII. Continet primo loco epistolas XV. recensitas in coll. VIII. quarum decima quinta est *ad Leonem Aug.* (165.). Post hanc vero et ante testimonia PP. eidem subiecta inferuntur epistolae *Innocentii I. ad Decentium*, *Bonifacii I. ad Honorium Aug.*, *responsio Honorii et Coelestini ep. ad Venerium*. Mox post testimonia ad laudatam epistolam pertinentia sequuntur epistolae LVI. coll. XXI. iis excerptis, quae inter priores XV. epistolas descriptae fuerunt et ordine alicubi immutato. Tandem adduntur in fine IV. perrarae epistolae *ad Iulianum* (167.) *ad CPolitanos* (50.) *ad Flavianum* (49.) et *ad Martinum*, *Faustum* etc. (51.). Fuit hic codex olim Card. Sirleti, idemque, ex quo Gerardus Vossius a. 1604. duas epistolas tunc ineditas, *ad Siculos* (17.) et *ad Iulianum* (107.) vulgavit.

Vigesima quarta Collectio. Extat una cum Sermonibus Collectionis IV. Insunt epistolae LXXI., nimirum LIV. collectionis XXI. (omissis duabus *Petri Chrysologi ad Eutychen*, et *Eusebii Mediolanensis ad Leonem*) et aliae insuper raras epistolae XVII. quae in Collectione XII. reperiuntur et apud Ballerinnios sunt ordine, 2. 10. 24. 41. 94. 95. 102. 105. 111. 112. 113. 118. 121. 122. 123. 125. et 127. Monent Ballerinnii Epistolas LIV. sumtas videri posse ex coll. XXI. vel XI. At ne id credamus efficere epistolam *ad Mauros* (12.), quae in hac decurtata est, cum tamen in illis appendiculae additionem praeferat. Neque epistolas XVII. ex coll. XII sumtas dici posse, siquidem si ex hac collector profecisset, non has solum XVII. sed alias similiter exinde exscripturus fuisset.

isset. Praeterea ordinem epistolarum LXXI. ab vtriusque XII. et XXI. diuersum et lectiones discrepantes originem diuersam ostendere. Huius collectionis sunt Codices *Vaticanus* 544. saec. XII. *Vat. Regius* 139. saec. XIII. *Caesenas PP. Minorum Conuentual. S. Francisci, et Laurentianus Florentinus* saec. XIV. pluteo XXI. qui posterior duas insuper epistolas, videlicet 119. et 145. addit. Quesnellus trium h. coll. mss. notitiam habuit, *Victorini Regniacensis* et *S. Martini Autissiodorensis*. (cf. admonit. eius in ep. XII. n. 2.) at solo Ms. Victorino plerumque vsus est.

Denique in codice *Fesulano* 10. pluteo III. solum XXV. epistolae h. coll. descriptae extant, quarum pleraeque sunt ex XVII. indicatis: epistola autem ad *Mauros* editionis decurtatae.

Hactenus de *Collectionibus Epistolarum Leonis* Ballerinii, quas ipsi cognouerunt. Neque vero dubitant, quin plures aliae reperiiri adhuc possint.

Subiecerunt postremo loco *Codices*, in quibus, licet collectiones non sint, aliquae tamen eius epistolae contineantur. Videlicet:

Codices tres vetustissimi Veronenses, mille prope annorum: primus n. 8. continens post epistolas Catholicas N. T. epistolam *Leonis ad Flavianum* (28.); alter n. 58. continens eandem et *Epistolam ad Rusticum Narbonensem* inter varia documenta Synodorum Ephesinae et Chalcedonensis; tertius, qui nunc *Vaticanus* 1322. inter gesta Chalcedonensia quinque Leonis epistolas, nimirum 87. 89. 93. 94. et 114. exhibens.

Codex Vat. Reginae Suec. 293. saec. XII. in quo post libros de *Vocatione omnium gentium* IV. epistolae Leonis 31. 35. 139. et 165. Similem Thuaneum Quesnellus habuisse videtur.

Codex Vallicellanus. XVIII. saec. XI. varia opuscula complectens interque ea: opusculo 73. insertas duas Leonis epistolas 106. et 93.

Codex Vaticanus 1343. saec. X. qui fuit Ecclesiae Ticinensis, inter Miscellanea Dionysianae et Isidorianae collectionum exhibens IV. Leonis epistolas 9. 17. 20. et 108. quae ex additionibus Dionysianis, seu coll. VIII. desumptae videntur.

Codex Vaticanus 1347. saec. X. et similes *Vat. Palat.* 579. ac *Vat. Reg.* et 49. vnam ep. ad *Anastasium* (14.) praebuere.

Codex Barberinus 77. apud Quésn. in secunda editione solam obtulit ep. ad *Mauros* (12.) decurtatam.

Codex editionis primae Sermonum Leonis, quam vulgavit *Ioannes Aleriensis*, praeter epistolam ad *Flavianum* (28.) quatuor alias 80. 119. 145. et 165. sermonibus subiectas exhibuit. Alios eiusdem generis mss. libros, qui peculiaribus epistolis *Paschafini* et *Proterii ad Leonem* emendandis profuerunt, suis locis indicarunt. Superfederunt autem iure suo syllabo codicum singularium collectionum quippe qui ubique indicati sunt. Ex quibus autem collectionibus singulae epistolae castigatae sunt, initio cuiusvis hac vel simili formula significarunt. *Extat in Mss. coll. I. II. III. aut Dionys. Isid. Hisp. etc.*

43.

PROSPER AQUITANUS.

9. X. VI a2

Aquitani nomine distinguitur ab aliis haud incelebribus eiusdem aetatis Scriptoribus, inter quos notissimus *Prosper Tiro*, poeta, cuius Beda meminit, cuiusque cognomen ipsi Aquitano affingere quondam ausus est *Sirmondus*. Natus est exeunte saeculo quarto aut quinti initio in Aquitania. Sed qua in vrbe aut

aut loco tam amplae huius provinciae, non liquet; sicuti de parentibus, educatione atque prima aetate eius aequae omnia ignorantur. Attamen ex iis, quae reliquit, ingenii sui monumentis satis patet, eum haud leuiter liberalibus studiis et artibus ingenuis, praecipue poeticae, incubuisse. Aquitania, incertum quibus de causis relicta, in Prouincia domicilium posuit, vbi certe iam anno 428. commorabatur, ibique concertationes suas pro Doctrina Augustini contra Ioannem Cassianum aliosque, qui eam respuebant, Galliae seu Prouinciae magis Presbyteros exorsus est. Fuit hoc eius in Augustinum hac ex parte studium *Hilarius* quidam, cui, quoniam de rebus domesticis eius nihil amplius constat, ab hac ipsa cum Prospero consuetudine *Prosperiani* nomen inditum fuit. Dederat quidem Prosper iam antea ad Augustinum litteras per Leontium Diaconum, ab eoque responsorias acceperat. Hic autem, qui ipse quondam cum Doctore Hipponensi versatus erat, vt eundem propius amico admoueret et conciliaret, Prosperum impulit, vt denuo secum litteras ad eum scriberet, id quod anno 428. seu 429. contigit. In iis igitur Augustino exponunt, *quae in scriptis eius contra Pelagianos conditis plurimi apud Massiliam constituti Monachi et Sacerdotes Patrum opinioni et Ecclesiae sensui aduersa putent*, pericula, quae ipsis ex illorum coecitate aut prauitate imminere videantur, et quemadmodum iis reniti coeperint, declarant; denique *vt suarum disputationum praesidio ipsorum tenuitatem roborare velit*, rogant. Ac Augustinus sane votis eorum obsecuturus ad eos direxit libros *de praedestinatione Sanctorum et dono Perseuerantiae*. Sed cum vterque tanto ardore flagraret, nec tamen aduersarii crebris disputationibus ac scriptis flecti possent, ambo Romam perrexerunt, eosque apud

Coelestinum papam calumniae in Augustinum et haereleos accusarunt, ab eoque a. 431. obtinuerunt celebrem illam ad *Episcopos Galliarum* epistolam, in qua eos grauiter reprehendit, quod auctoritatis suae tam parum memores, presbyteros nouas et indisciplinatas quaestiones quoquomodo proferre sinant, atque monet, vt iis silentium imponant, nec memoriam Augustini, quem impense laudat, affligi patiantur. Hac igitur epistola freti in Galliam reuertuntur tantoque alacrius susceptam contra Semipelagianos causam defendere studuerunt; imprimisque Prosper scriptis contendere coepit, quorum varia intra hoc tempus emissa ad nostram memoriam pertuenerunt. Percrebescente autem de doctrina et pietate eius fama euenisse volunt, vt a Leone Archidiacono Romano inter Aetium et Albinum in Galliis amicitias redintegrante in familiaritatem reciperetur et cum is ab eodem negotio ad occupandam sedem apostolicam euocatus esset, Romam vna adduceretur et ornaretur munere Notarii Pontificis. Enimvero qui sic statuunt, coniectura delectantur, cuius ne fundamentum quidem satis exploratum est. Nam quod Leonis Notarius fuerit Prosper, nonnisi feriorum scriptorum *) et vnius ms. codicis Corbeiensis Gennadii valde dubio testimonio nititur, quod recentiores quidam ssili ac sententiarum, quam inter vtriusque scripta deprehenderunt, similitudine roborare conati sunt. Reliqua vitae Prosperi incerta sunt. Ecclesiastico aliquo munere illum non functum esse, vero simillimum *).

Igno-

*) Vocatur *Leonis Notarius* ab Adone saec. noni scriptore in *Chronico* aliisque sequioris aetatis auctoribus.

**) Errore satis communi codicum mss. et editionum antiquiorum, cuius origo nondum patet, *Episcopus Rhegiensis* (oppidi *Ries* in Prouincia) audire solet.

Ignoramus etiam quando diem obierit; tamen ex Chronico eius constat, eum anno 453. adhuc in vivis fuisse, aliquo multo diutius eum vixisse et Leoni superstitem fuisse ex Marcellino ad a. 463. cognoscere sibi videantur.

Scripta Prosperi genuina iuxta seriem temporis, s. 2. Scripta. quam novissima etiam tenet Parisiensis editio, sunt:

1. *Epistola ad Augustinum de reliquiis Pelagiana Haeresis in Gallia etc.* scr. a. 428. aut 429.

2. *Epistola ad Rufinum de Gratia et libero arbitrio*, scr. anno 429. vivo adhuc Augustino.

3. *Carmen de Ingratis* scr. circa annum 429. aut 430.

4. *Epigrammata duo in obtreclatorem S. Augustini*, scr. forte circa a. 430.

5. *Epitaphium Nestorianae et Pelagianae Haereses*; scr. post damnatam haeresim Nestorii in Concilio Ephesino a. 431. Augustino iam mortuo.

6. *Pro Augustino Responsiones ad Capitula obedi- tionum Gallorum calumniantium*, scr. a. circiter 431.

7. *Pro Augustini doctrina Responsiones ad capitula obedi- tionum Vintentianarum*, scr. forte paulo post superiores responsiones.

8. *Pro Augustino Responsiones ad Excerpta, quae de Genuensi Civitate sunt missa*, scr. eodem forte tem- pore cum superioribus.

9. *De Gratia Dei et libero arbitrio liber contra Collatorem i. e. contra Cassiani Presbyteri librum*, qui titulo, *de protectione Dei*, praenotatur, scr. cir- citer a. 432.

10. *Psalmorum a C. usque ad CL. expositio*, scr. ut videtur ante annum 424.

11. *Sententiarum ex operibus S. Augustini deli- batarum liber unus*, scr. forte circa a. 450. aut 451.

12. *Epigrammatum liber vnus ex sententiis S. Augustini*, scr. non longe ante tempus Concilii Chalcedonensis, quod anno 451. congregatum esse constat.

13. *Chronicum integrum in duas partes distributum*, in annum 455. desinens. Nouimus ex Victorii, seu Victorini, Gennadii, Cassiodori et Isidori Hispalensis testimoniis, Prosperum hoc opus ab origine mundi ad Valentiniani III. obitum et Romam a Vandalis captam perduxisse, ita, vt Eusebium et Hieronymum, quatenus illi porrigerentur, abbreviaret, reliqua autem i. e. ab anno 379. ad a. 455. de nouo contexeret; in qua studii eius diuersitate ipsa operis partitio continetur. Vero autem simile est, eum non vno ductu totum absoluisse, sed variis identidem additamentis perfecisse et quasi iterato edidisse, et sunt sane, qui *tres* diuersas ab ipso auctore *editiones* paratas esse existiment: quarum *primam* conclusisse putant Theodosio XIV. et Maximo CSS. anno Christi 433., quandoquidem eo anno omnium priorum annorum epochas summasque collegerit, quod non nisi in operum fine fieri solet, nisi forte aliqua peculiaris caussa accadat, quae hic nulla esse videtur; *secundam* censent XII. annis auctam et ad Valentiniani VI. ac Nonii Consulatum, seu annum Chr. 445. productam fuisse, quo vulgare eius Chronicon Eusebiano et Hieronymiano subnecti solet; *tertiam* denique editionem fuisse volunt, quae ad captam a Genserico urbem, seu ad Valentiniani Aug. VIII. et Anthemii Consulatum seu annum Chr. 455. extensa fuerit. Vtriusque posterioris etiam nunc exemplaria supersunt.

Dubiae auctoritatis sunt:

1. *Confessio*, quae ipsius dicitur.

2. *Poëma coniugis ad uxorem*.

3. *Car.*

3. *Carmen de Providentia Divina*, quod alias *Hilario* tribuitur.

4. *De Vocatione omnium gentium libri duo*; in mss. quibusdam *Ambrosio* adscripti. At viri docti in diuerlas de auctore abierunt inuicem sententias. Alii enim, veluti *Erasinus Euchenio*; alii, inter quos *Vossius*, *Hilario Prosperi* familiari tribuerunt; *Quesnellus* autem *Leoni M.* illos adiudicauit: cui se ex proposito opposuit *Iosephus Antelmus Prospero* vindicans. Scripti existimantur circa annum 440. Sed multo serius (ante annum tamen 496.) conditos esse censent *Ballerinii* in *observationibus ad II. Quesnelli dissert. de horum librorum auctore*, vbi collatis vtriusque argumentis, neutrius sententiam veram pronuntiant, et singula, quae in disputationem venire poterant, inomenta accurate et sagaciter examinant. Quas adeat, cui lubet, in *Tomo II. Opp. Leonis p. 662. seqq.*

5. *Ad sacram Virginem Demetriadem epistola s. de humilitate Christiana tractatus*, scr. circiter annum 440. Olim inter *Ambrosii* opera vulgata fuit, in epistolarum numero LXXXIV. a *Sotello* primum vna cum libris *de Vocatione omnium gentium Prosperi* Operibus adiecta, non aliam ob causam, quam ob stili quandam similitudinem. Enimuero nusquam in mss. codicibus vtrumque opusculum simul inueniri; tum *Ambrosii* editorum exemplo, tum ex iis, quos ipsi inspexerunt, testantur *Ballerinii*. Primus hanc sententiam impugnare coepit et euertere studuit *Quesnellus* Leonique vindicatum iuit in *Dissertatione IV. de auctore huius libelli*. Quem contra insurrexit *Antelmus* in laudato libro pro *Prospero* pugnans. *Ballerinii* inter vtrumque lancem tenentes neutro inclinare intellexerunt, adeoque incerto auctori relinquendam censuerunt. Cf. eorum *Obsf. ad IV. Quesn. diff.*

diff. T. II. p. 743. seqq. Antelmio tamen adstipulantur editores nouissimi Operum Prosperi.

6. *Praeteritorum Sedis Apostolicae Episcoporum Auctoritates de Gratia Dei et libero voluntatis arbitrio*, quae vulgo subiici solent Epistolae Coelestini Pontificis *ad Episcopos Gallos*. Collectae putantur circa annum 431. Primus eas Dionysius Exiguus vulgauit et epistolae Coelestini subiecit. Illum autem ex scriniis Romanis eas sumsisse Hormisdæ Papae imprimis testimonio demonstrant Ballerinii. Nec tamen Coelestini ipsius sunt, quemadmodum nec Leonis, ut iidem euicerunt in Observationibus ad laudatam Quesnelli dissertationem *T. II. p. 719. seqq.* Antelmii, qui Prospero asserit, sententiam secutus et magis etiam confirmare studuit Pagius ad a. 431. num. 49. Idem Constantius fecit (in admonitione ad laudatam Coelestini epistolam) insuperque occasionem huius lucubrationis inuestigare conatus est. Atque Ballerinii etiam huic sententiæ calculum adiacere non dubitarunt, ita tamen, ut in nonnullis a Constantio dissiderent *Cf. Obss. in Diss. III. Quesn. T. II. Opp. Leonis pag. 719. seqq.*

Omnino non ad eum pertinent: *Libri tres de vita contemplatiua*, qui verius Iuliani Pomerii nomine insigniuntur; *de Promissionibus et Praedictionibus Dei*, incerti auctoris, et *Chronicon alterum*, quod vulgo *Pseudochronicon* vel etiam *Tironis Prosperi Chronicon* dicitur. Orditur a morte Valentis Imperatoris et ad captam a Genserico Urbem procedit. Cum superius indicato non pauca quidem communia habet, sed longe plura ab eodem diuersa, et praecipue hoc, quod non per Consules, sed iuxta Imperatorum seriem digestum sit. Pithoeus, qui primum illud euulgauit, ipsum verum Prosperi Chronicon esse, eiusque adeo ingenium referre contendit, ut non immerito

rito sibi videatur membrum esse amplioris eius, quod ipsius nomine ab orbe condito ad captam a Vandalis urbem Gennadius legisse testatur, et miretur adeo, unde factum sit, ut aliud Chronicon per Consules digestum in omnibus Hieronymiani Chronici editionibus Prosperi nomine subiungatur. Pithoeo assentiri visus est Labbeus. Sed Bucherius et sagaciores cum eo viri docuerunt, confusum et perturbatum huius Chronici ordinem, innumera menda in rectam Chronologiae rationem, leuissimam et tantum nonnullam de Pelagianis mentionem, denique quod id unum de Augustino in eo obseruetur, quod plurima libris innumeris disseruerit, et Praedestinatorum haeresis, Prospero certo certius ignota, ex Augustino (*Augustini libris intrudere ausus fuit Pithoeus*) orta dicatur: haec singula totidem esse argumenta, quae Prospero indignum et ab ingenio eius alienum euincant, quemadmodum luculenta narratio, et ordo, praecipue autem diligens rerum S. Augustini et haereseos Pelagianae tractatio et tam Augustini, quam Leonis non nisi cum summa veneratione commemoratio in altero (pro genuino habito) discipulum Augustini et doctrinae eius de gratia defensorem omnibus agnoscendum praebeat. Fuerunt itaque, qui suppositum hocce Chronicon Prosperiano nomini putarent, ut inde tum ipse, tum Augustinus in contemptum et inuidiam adducerentur. Sed probabilior est sententia, quam Antelmius quoque tuetur, absque fraude a Prospero quodam vel etiam alius nominis auctore compositum, et quia in exemplaribus nomine careret, Prosperi, quem eiusdem aetatis Chronicon scripsisse palam constabat, nomen ei inditum fuisse, vel denique genuinum Prosperi Chronicon a Semipelagiano quodam in priuatum usum sic interpolatum et diminutum esse; quemadmodum nunc comparet.

Sed

Sed quoniam Antelmii toties in his mentio facta est, alia insuper eius opinio non praetermitti debet, quae omnes omnino Leonis Papae lucubrationes Prospero tanquam Notario Leonis adiudicauit, magnasque ei cum Quesnello lites excitauit. Proposuit eam in eodem, quem antea commemorauimus libro, cuius, cum rarissime iam occurrit in Bibliothecis, notitiam hoc loco appendamus.

De veris Operibus SS. Patrum Leonis Magni et Prosperi Aquitani Dissertationes Criticae, quibus Capitula de gratia Dei, Epistolam ad Demetriadem, nec non duos de Vocatione omnium Gentium libros Leoni nuper adscriptos abiudicat et Prospero postliminio restituit IOSEPHUS ANTELMIUS. *Accessere cum ipsius iudicio de celebri Leonis ad Flavianum, et aliis ad diuersos, Prospero dictatis in causa Eutychis ceterisque Epistolis etc. Parisiis apud Dezallier.* 1689. 4.

Auctor ortu Foroiulienſis, natus a. 1648. post confecta studia in vrbe patria Canonicus, ab anno autem 1684. Episcopi Pamiensis I. B. de Verthamon magnus Vicarius et officialis († 1697.) Quesnellii assertionibus obuiam iturus, per tres priores *dissertationes*, tria modo laudata opuscula Prospero vindicare conatus, *quarta Leonis Magni* duas contra Pelagianos *Epistolas* aggreditur, quarum alteram *ad Ianuarium* Quesnellus authenticam declarauerat, alteram *ad Septimum* supposititiam; Antelmius vero posteriorem veram, priorem *ad Ianuarium* falsam esse contendit. *Dissertatione quinta* Gennadium et alios antiquos, qui *Epistolam Leonis ad Flavianum in causa Eutychis* (apud Ballerin. 28.) a Prospero tanquam eius Notario dictatam scribunt, aduersus Bellarminum Labbeumque vindicat et non solum in hac, sed et in aliis Leonis epistolis haud obscura stili Prosperiani vesti-

vestigia deprehendit. Nec pauciora in *Sermonibus* huius similitudinis indicia agnoscere sibi visus, in *dissertatione sexta* varia promit exempla, imprimis ex *Sermone IV.* (ed. Quesn.) in *Natali Leonis* et ex *Sermonibus de Collectis et Ieiunio*. In causas autem huius rei inquirens, potiore iudicat morem aetatis istius, quo Sermones ab aliis Episcopis recitandos frequenter expeti consueuerint, si quidem Gennadius testetur, Saluianum Presbyterum multas pro Episcopis Homilias composuisse, indeque *Magistri Episcoporum* laudem, non, ut vulgo volunt, quia Salonium et Veranum Episcopos in adolescentia docuerat, reportasse. Hinc colligit, tanto magis Leonis, summi Pontificis Sermones expetitos fuisse, cui interdum aliquos orationis ornatus contulerit *Prosper*, vir sui aevi doctissimus et facundissimus, qui occupatissimo Pontifici a consiliis ac epistolis aut praecipuus fuerit, aut vnicus. In sequentibus reliqua Opera Prosperi adscripta percenset, nempe in *septima* dissertatione Opus de *Promissionibus et Praedictionibus*, quod a Cassiodoro falso Prospero tribui, et auctorem ex Africa oriundum habere statuit; libros de *vita contemplatiua*, quos *Iuliano Pomerio* assignat, atque de eo accurate agit; *Confessionem Tyronis Prosperi*, a Sirmondo editam, quam vix aliquid exhibere censet Prosperi stylo et famae satis consentaneum. *Octauam* dissertationem *Prosperi Chronico* impendit, idque, prout vulgo extat, Prospero aduersus Garnerium prolixè vindicat, prout vero a Pithoeo editum est, interpolatum infartumque probat. *Nona* *dissertatio* Prosperi *Carmina* examinat, ita ut illud de *providentia* supposititium iudicet; *Anacreonticum ad Vxorem* dubium relinquat; *Epitaphium haereseos Pelagianae et Nestorianae* Prospero Aquitano contra Garnerium adserat; *Carmen de ingratis* cum *Epi-*
gram-

grammatibus XCVII. et aliis duobus in *Augustini ob-*
tretractorem genuina maxime arbitretur, illumque
 obtretractorem non alium, quam Vincentium Liri-
 nensem existimet; qui in Commonitorio suo Augu-
 stini etiam doctrinam perstringere affectauerit. Inter
 haec autem nouum huius Vincentii opus *Secretorum*
Lirinenſium producit Antelmus, in quo ordinando et
 illustrando totum se esse significabat, eiusque et omni-
 um Prosperi editionis promissione totum volumen
 claudit *). Ceterum Antelmio mox responsum est
 a Quesnello epistola gallice scripta in *Ephemeridibus*
Parisiensibus die VIII. et XV. *Augusti* 1689. Cui
 non cunctanter quidem Antelmus duas alias *Episto-*
las ad Abbatem . . . duabus Epistolae P. Quesnelli
partibus responsorias Parisiis a. 1690. 4. reposuit:
 sed Quesnellus iis non magis, quam dissertationibus
 eius se conuinci passus, nec transuersum vnguem a
 pristina sententia in editione Lugdunensi a. 1700.
 recessit.

6. 3. Edi-
 tiones.

Primum opus, quod inter cetera Prosperi typis
 mandari coepit, fuisse Epigrammata **), quorum
 prima

*) Repetita est haec notitia ex *M. Bibliotheca Eccl.*
Colon. T. I. p. 487. cuius auctores eam se debere
 significant *Actis Eruditor. Lips. Supplem. T. I. p.*
431. neque tamen per omnia iis adhaesimus. Nam
 quae de Antelmii sententia super epistolis *ad Septi-*
imum et *Ianuarium* referunt, non concordant cum
 Balleriniurum eiusdem sententiae expositione, qui
 tamen, cum vtrumque et Quesnellum et Antelmi-
 um refellerunt et vtramque epistolam genuinam
 esse demonstrarunt, potiores hac in re auctores
 habendi sunt. Cf. *Balleriniurum Admonitionem* in
duas priores Leonis epistolas T. I. Opp. Leonis
pagg. 567—590. vbi prolixa de ambabus et XVIII.
 disputatio subiungitur.

**) Editores Parisienses ordiuntur seriem impressio-
 rum

prima editio apparuit *Moguntiae* a. 1494. 4. et *sine anni nota Taurini* eadem forma, nec non *Venetis* apud *Aldum* a. 1501. Huic proxima fuerunt *liber contra Collatorem, Moguntiae* a. 1524. emissum ac repetitum in *Antidoto Sichardi Bas.* 1528. et editio *Sententiarum ex Augustino excerptarum, Coloniae* a. 1531., a quibus haud longo spatio diremtae emerse-
runt *Epistola ad Rufinum* et *Responsiones ad Excerpta Genuensium, Venetiis* apud *Bernard. Stagninum* 1538. 8. mox etiam in *Gryphiana Lugduni* 1539.: *Responsiones ad Capitula Gallorum et obiectiones Vincentianas vna cum Carminibus de Providentia et de Ingratis* *). Scilicet ab hac *Sebastiani Gryphii* opera altera incipit editionum *Prosperi* aetas. Is enim primus inscripsit opera et collatione vetustorum codicum recognovisse professus est. Repetita est *Coloniae* a. 1540. et addita *epistola ad Augustinum* nonnullisque ad *Prosperum* non pertinentibus opusculis *ibidem* 1565. per *Ioannem Sotillum*. Eandem sed in nonnullis perpurgatam dedit *Iaannes Olinarius Duaci* 1577. cuius ab hoc tempore recensio, nisi forte *Theoph. Raynaudus* in ed. *Paris.* a. 1671. aliquid mutaverit, ad annum usque 1711. semper viguit. Hoc autem anno prodiit *Parisiis in folio* editio, si non omnibus numeris absoluta, certe codicum mss. apparatu editorisque (*Ioannis le Brun de Marette e Congreg. S. Mauri.*) studio atque etiam eruditione, longe super anteriores excellens. Procuravit eam D. Man-

rum *Prosperi* a libro *contra Collatorem Moguntiae* a. 1524. excuso.

*) Ipse tamen *Gryphius* non significat, *Responsiones ad Capitula Gallorum et obiectiones Vincentianas* a se primum proferri, tamen si hoc diserte de aliis duobus opusculis affirmet. Vide igitur an ne aliqua editio praecesserit paucissimis fortassis visa.

Mangeant eiusdem Congregationis socius, vnde fortassis colligas, Lebrunum nondum omnia perfecisse, dum opus e manibus illi excuteretur. Facile autem, quae desunt diligens et sagax historiae temporum illorum lector, vel a Balleriniis per ista loca circumductus animaduertet. Neque vero post huiusce editionis commemorationem silentio praetermitti debent, quae a. 1732. *Ioannes Salinasius* et a. 1758. *P. I. Rogginus*, Romae uterque ad ornanda Prosperi opera contulerunt.

De *Chronico* separatim monere necessum est, tres diuersas *genuini* extare editiones, quarum *prima*, *vulgaris* dicta, Eusebiano et Hieronymiano *Chronico* iungi solet et ab anno 379. quo Hieronymus desit, ad annum 445. protenditur, a Canisio etiam non parum a vulgato textu diuersa prodita est ex ms. Augustano; *altera* priori decem annis auctior a *Duchessio* primum inter *Historicos Francia* coetaneos vulgata est; *tertiam*, *chronicon integrum* ab origine mundi ad annum 455. complexam, *Labbeus* in *Bibliotheca noua mss.* a. 1657. exhibuit. In omnibus autem pars posterior ab anno 379. ad annum 445. aut 455. mirum in modum variat, in aliis auctior quam in aliis, et modo dilutior ac ieiuna, modo accurata, cuiusmodi deprauationes aut negligentiae librariorum, aut certo studiosorum consilio tribuendas esse patet. Praeter haec *Pseudochronicon* a *Petro Pithoeo* e *Mss. codd.* editum est a 1588. iterumque 1609. itidemque a *Labbeo* in *Bibl. noua MSS.* a. 1657. recusum. Vtrumque denique, tam genuinum, quam *Pseudochronicon* cum notis et variis lectionibus reddidit editio nouissima *Operum Prosperi* Parisiensis et eum notis *Basnagii* eruditissimis in noua ed. *Lectionum antiquar.* *Henr. Canisi* a. 1725. Plura qui cupit, euoluat *Annales editionum*, quos iam subnectimus.

SAEC. XV.

1494.

Moguntiae per Pet. Friedbergensem. 4. „Epigrammata Sancti Prosperi episcopi regienſis de viciis et virtutibus ex dictis Auguſtini.“

Incipit volumen in ipſo ſtatim tituli folio pagina auerſa praeuio elogio Prosperi ex Trithemio. In fine (folio XXII. pagina auerſa): *Expliciunt Epigrammata Sancti Prosperi episcopi regienſis de viciis et virtutibus ex dictis Auguſtini. Impreſſa Moguntiae per Petrum Friedbergen. Anno virginiei partus XCIII.* Haec excipit folio XXIII. Carmen Coniugis ad uxorem inſcriptum: *Proſper de fide et moribus chriſtianorum et martirum, Ac de contemptu et breuitate praefentis vitae,* qui titulus tamen inferitur demum poſt ſedecim priores verſus metro Anacreontico exaratos. Denique in fine huius, folio XXIV. pagina auerſa legitur *Commendatio* (anonymi) cuiuſdam in auctorem ſeptendecim hexametris conſtans. Corrigenſus ex his Cl. BRAUN in *Not. Hiſt. Lit. P. II. pag. 260. n. XX.*

Sine anno

Taurini. 4. B. Proſper de vita contemplatiua et de ſeptem virtutibus, adiectis neſcio in eadem, an in auerſa pagina ſequentibus verſiculis:

*Hae Auguſtini ex ſacris epigrammata dictis,
Dulciſono rhetor componens carmine Proſper,
Verſibus hexametris depinxit pentametrisque,
Floribus ex variis ceu vulget nexa corona.
Vnde ego te, lector, religis qui ſub haec ſedulus, oro
Intentas adhibere ſonis coeleſtibus aures,
Iſtic nam inuenies, animum ſi cura ſubintrat,
Maxime quid doceant ſanctae moderamina legis*
Tom. II. Ttt Obſer-

*Obſervare homines, vel quid vitare ſub aſtra,
Sidereum coeli cupiunt qui ſcandere regnum.*

Nimirum ne *Juliani Pomerii* libros de *vita contemplativa*, *Prospero* falſo adſcriptos, hic exhiberi putes, nihil aliud complectitur hocce volumen, quam *Epigrammata* *Proſperi*, quibus eoſdem verſiculos in antiquo ms. ad calcem adiectos vidit et ex eodem recudi curavit *Muratorius* in *Anecd. T. II. p. 210.* *) teſtibus auctoribus *Historiae litterariae Galliae*, a quibus inſuper diſcimus, acceſſiſſe commentarium latinum anonymi cuiuſdam, de quo cum exploratius aliquid expeteret *Hambergerus*, deprehendit in *Catalogo Codd. Mss. Biblioth. Taurinen.* inter *Codices latinos n. 781. e. II. 10. pag. 256. Codicem Epigrammatum Proſperi cum commentario*, qui forte ab hoc non diverſus eſt; ſed cuius ſit, non magis ex ſubſcriptione eius, quam aliunde elucet **).

SAEC. XVI.

1501.

Venetis apud Aldum. 4. *Proſperi Aquitanici Epigrammata* ſuper *D. Aurelii Auguſtini ſententias* quaſdam; cum *Aratonis Carmine* *Historiae Apoſtolicae*, *Probae Falconiae Centonis* excepto, *Ioh. Damasceni hymnis* et *Cosmae Hieroſolymitani* (opusculis) aliquot. In exemplari huius libri quod ſervat *Bibliotheca Bernenſis*, (*Cat. T. I. p. II.*) *Proſperi epigrammatibus* varias lectiones e mss. codd. adſcripſit *Bongarſius*.

1524.


*) *Hist. lit. de la France. T. II. p. 384. 85.*

**) *Hamberger Zuverl. Nachr. T. III. p. 215.* ſubſcriptum erat: *Hoc opus ſcripſit Frater Tibaldus de Guerris de Caſtro nouo Terdonenſi Ord. fratr. min. tunc Bachalarus Conuentus Cherii, 1466. die 12. Auguſti.*

1524.

*Moguntiae apud Io. Schoeffer. 4. S. Prosperi, Presbyteri Aquitanici, libellus aduersus inimicos Gratiae Dei contra Collatorem; et Aurelii, Carthaginensis Episcopi, epistola contra Pelagianos; Coelestini Papae, et aliorum Romanorum Pontificum auctoritas de Gratia Dei pro Prospero et Hilario, aduersus Pelagianos (industria Nicolai Carbacchii). Cat. Bibl. Paris. *).*

Carbacchius libelli huius exemplum repperat in Bibliotheca religiosorum fratrum Benedictinorum Montis sancti Iacobi (Moguntiae).



Basileae. 8. Prosperi, Augustini et Ambrosii opuscula de libero arbitrio, ex editione Ioannis Oecolampadii. Cat. Bibl. Baluz. T. II. p. 1001.

Num praeter librum aduersus Collatorem aliud quidpiam Prosperi insit, dicere non ausim. Sub Ambrosii nomine procul dubio nihil aliud hic euulgatur, quam libri de *vocatione omnium gentium*, Ambrosio a multis tributi,

Ttt 2

1528.

- *) Paulo aliter sed rectius puto (nam Regii Catalogi auctores titulos interdum contrahere, interdum ex contentis libris aliquid addere amant) hic titulus profertur in praefatione nouissimae editionis Parisiensis, videlicet: *Liber sancti Prosperi de Gratia Dei et libero Arbitrio, pro defensione Diui Aurelii Augustini Episcopi: contra Cassiani Presbyteri librum, qui titulo de Protectione Dei praenotatur. Item Capitula tredecim decretorum Coelestini Papae pro Prospero et Hilario, de Gratia Dei, aduersus quosdam Galliarum Presbyteros Pelagii sectatores etc.*

1528.

Basileae apud Henr. Petri. fol. Prosperi Aquitanici libellus de libero arbitrio contra Collatorem; in *Io. Sichardi Antidoto contra omn. haer. p. 215. sqq.*

1531.

Coloniae imprimebat Ioannes Prael. 8. Sententiae aliquot velut aphorismi, ex S. Augustini et aliorum libris selectae, studio et labore Prosperi, Episcopi Rhegiensis. *Cat. Bibl. Reg. Paris. cf. Praef. ed. Paris.*

1533.

Parisis. 16. D. Prosperi Aquitani libellus adversus inimicos gratiae Dei: accedunt epistola Aurelii Episcopi Carthaginensis ad Episcopos per Byzacenam et Arziguitanam Prouinciarn constitutos; excerpta ex gestis synodalibus contra Pelagium haeticum; et Coelestini Papae epistola ad episcopos Galliae de erroribus Pelagii. *Cat. Bibl. Baluz. l. l.* Recusa est, vt equidem arbitror, editio Moguntina.

1534.

Parisis apud Ant. Augerellum. 16. S. Prosperi de gratia et libero arbitrio ad Rufinum et responsiones ad excerpta Genuensium. *Cat. Bibl. Baluz. ibidem et Bibl. Tellerianae p. 198. b.* Auctores *Historiae litt. Galliae* eiusdem libri exemplar vidisse testantur, cui inscriptus fuerit annus 1533.

1538.

Venetis per Bernardinum Stagninum. 8. Opuscula de Gratia et libero Arbitrio S. Prosperi Aquitani Episcopi Rhegiensis viri religiosissimi, Diui Augustini discipuli et in diuinis scripturis eruditissimi.

Continentur in hoc volumine 1. *Epistola S. Prosperi ad Rufinum.* 2. *Ad excerpta Ianuensium* (Genuensium). 3. *Liber S. Prosperi contra Cassianum.* 4. *Epistola Aurelii Carthaginienfis Episcopi.* 5. *Coelestini Epistola ad Episcopos Galliae et Auctoritates Sedis Apostolicae etc.* 6. *Epigrammata S. Prosperi et Carinen ad vxorem.* Ex quibus num. 1. et 2. nunc primum eduntur. *Praef. ed. nouiss. Paris.*

1539.

Lugduni apud Sebastianum Gryphium. fol. D. Prosperi, Aquitanici, Episcopi Rhegiensis, opera, ad vetustorum exemplarium collationem emendata et recognita. *Cat. Bibl. Reg. Paris.*

Sebastianus Gryphius epistolam dedicatariam ad Senatum populumque Rhegiensem auspicatur ab excusatione, quod, quem ante annos plus minus quatuor ipsorum rogatu suscepisset laborem, omnes Prosperi Episcopi quondam ipsorum lucubrationes typis exscribendi, haud prius emitte potuerit: id quod exemplaribus, partim non accurate satis descriptis, partim desideratis nonnullis opusculis imperfectis tribuit. „Qua propter, *inquit*, vt vobis gratificarer, atque studiosorum commodis inferuirem, editionem minime praecipitandam putavi: sed primum vehementer conandum, vt opus, si quo pacto fieri posset, prius pristino nitore, germanaeque integritati restitueretur. Proinde huc illuc missis litteris, negotium dedi amicis et Gallis et Germanis, praesertim humaniorum litterarum studiosioribus, vt quidquid huius auctoris apud eos in antiquis Bibliothecis lateret, tam lacerum, quam integrum ad me transmitterent. A quibus inter alia vetustissima exemplaria allata sunt simul quae desiderabantur opuscula: nempe duo, versu heroico, *de prouidentia Dei* vnum, alterum *περὶ ἀρχαῖων*

ταῦν: praeterea *Expositio in postremos unum et quinquaginta psalmos*: omnia, ut opinor, a nostrae tempestatis hominibus non visa. His igitur omnibus simul inter se diligentissime collatis effeci tandem, ut hic vester Prosper, vir tam sanctus, quam eruditus, tot retro saeculis in tenebris delitescens, situm earumque passus, totus nitidus, purus, integerque in lucem exiret.“ Hactenus verba Gryphii, quae ex laudata epistola producuntur in praefatione nouissimae editionis Parisiensis. Addunt tamen eiusdem auctores, qui parum perspicua in his utuntur oratione, accessisse de nouo, praeter enumerata, *Responsiones ad Capitula Gallorum, et ad Capitula abiectionum Vincentianarum*. Omisit autem *Chronicum integrum*, quod inter Eusebiana aliorumque Chronica excusum esset, et quod ob nimiam corruptionem lectori fastidio fore videretur.

1540.

Coloniae excudebat Hero Alopecius. 8. D. Prosperi, Aquitanici, Episcopi Rhegiensis, opera, collatione vetustorum exemplarium recognita. *Cat. Bibl. Reg. Paris.* Gryphianae repetitio.

1552.

Coloniae apud Lamb. Syluium. 8. Prosperi et Hilarii Arelatensis epistolae duae ad B. Augustinum, de reliquiis Pelagianae haereseos, ad fidem vetusti exemplaris restitutae, cum *Honorii Augustodunensis dial. de praedestinatione et libero arbitrio*. *Cat. Bibl. Bunav. T. III. p. 208.*

1556.

Basileae ex officina Henr. Petri. fol. Prosperi Aquitanici aduersus Colluctatorem (*sic*) de libero arbitrio; in *Io. Heroldi Haeresiologia p. 664—675*.
Edidit

Edidit ex antiquo codice Laurissensi, in quo tamen aliquot in fine libri versus deerant.

1565.

Coloniae, apud haeredes Arnoldi Birckmanni, in pingui Gallina. 4. mai. D. Prosperi Aquitanici, Episcopi Rhegiensis, Opera, accurata vetustorum exemplarium collatione per viros eruditos a mendis pene innumeris repurgata. In fine: Louanii typis Ioannis Bogardi. Qua loci et typographi nota, sed praefixo anno 1566. hanc ipsam haud dubie editionem indicat Cat. Bibl. Reg. Paris.

Superioris editionis contenta iuxta elenchum in aversa pagina tituli huius editionis subiectum sic se habebant: *Opus de praedictionibus et promissionibus Dei*, quo nescio quando et per quem numerus operum Prosperi auctus fuerit; *de vita contemplatiua libri III.*; *ad Rufinum epistola*, *Responsiones ad Capitula Gallorum*, *ad obiectiones Vincentianas*, *et ad excerpta Genuensium*, *contra Cassianum de Protectione Dei liber I.*; *Sententiarum ex operibus Augustini excerptarum liber I.*; *ex iisdem sententiis epigrammatum liber I.*; *de providentia diuina opusculum*; *de Ingratis lib. I.*; *Commentarius in Psalmos C—CL.* Inter accessiones huius editionis numerantur 1. *de vocatione omnium Gentium libri II.*, 2. *Epistola ad sacram virginem Demetriadem*, 3. *epistola ad D. Augustinum*, 4. *Coelestini pro Prospero et Hilario epistola* (quatenus illa scilicet in Gryphiana omissa fuerat), 5. *Canones alterius concilii Arauscani.* Ex his num. 3. plane noua fuit acquisitio. Num. 1. et 2. Ambrosio haftenus tributi et cum eius operibus vulgati fuerant. Nunc priores non tantum ob stili et phrasim similitudinem, sed etiam ex codicum mss. fide, posterior etiam, partim ob stilum, partim ob

argumentum Prospero vindicantur. Affirmat enim huius editionis curator *Ioannes Soteaux* (*Sotellus*) Montiniensis in praefatione ad Lectorem, (quae a vita Prosperi incipit) deprehendisse se *libros de vocatione omnium gentium* in antiquissimis mss. Bibliothecae regularium S. Martini Louanii, Bibliothecae Abbatiae Cambronensis et Boneffienfis Abbatiae apud Namurcum, Prosperi nomine inscriptos. De ceteris sic monet editor: „*Libros de praedictionibus et promissionibus Dei* non ignoramus plurimis in locis mendosos, et (vt apparet) mutilos esse: tamen si haud ita atque cum eos in manus legendos acciperemus. Sed cum nobis exemplaria correctiora non suppetere, nolimus quidquam ex coniectura immutare. Si cui ob minorem eruditionem videantur a diuo Prospero adhuc iuniore, iamque primum in sacris literis sese exercente scripti: obstabit, quod trigesimo octauo capite secundae partis auctor ipse ita loquitur, velut iam annos iuuentutis excesserit. Vt certe Prosperi non videantur, non eo tantum fit probabile, quod Gennadius et Trithemius recensentes, quae ab illo scripta sint, huius operis non meminere, sed etiam ex phrasi ac stili maxima dissimilitudine, quodque saepissime toto opere auctor hisce sententiis vt sibi familiarissimis vtatur: *Non tantum sibi, quantum etiam suis, etc. etc., non tantum praeteriti, quantum etiam praesentis etc.* quas in ipsis D. Prosperi libris non reperies vsquam. Fatendum tamen est, ab homine scriptorum ac librorum diui Augustini studiofissimo scriptos esse. Nam et ipsa Augustini verba non semel citat: quae quo loco apud illum habeantur, in margine annotauimus. Libri *contra Collatorem* (qui et mendis scatebat et ordinis plane erat perturbatus: quoniam in eo passim verba Prosperi impressa erant tanquam Cassiani essent) castigationes subministravit

stravit eruditus et eximius vir, sacrae theologiae Regius Louanii professor, *M. Ioannes Hessels* a Louanio: sicut et magnam partem eorum, quae tecum huc usque locuti sumus Lector christiane.“ In eadem praefatione remotum a se dicit *carmen de Providentia*, quia Pelagianae doctrinae sit; attamen in ipso volumine eodem ordine impressum extat, quod a praecedenti editione exhibitum *) fuerat. Accesserunt denique huic editioni *indices* locupletissimi *rerum* et *scripturarum*, in titulo etiam notati. Inscripta eam Sotellus *Carolo van der Linden* Monasterii Parcensis Ord. Praemonstrat. apud Louanium Abbati, epistola data *Louanii ex minori collegio Theologorum 13. Calendas Maias M. D. LXV.*

1577.

Duaci ex off. Ioannis Bogardi, Typogr. iurati, sub Bibliis aureis. 8. Diui Prosperi Aquitanici, Episcopi Rhegiensis, Opera, accurata vetustorum exemplarium Collatione a mendis pene innumeris repurgata.

Superioris editionis substantia non aucta est. Sed quae in eadem non satis expurgata fuissent Prosperi scripta, nunc nitidiora, et non modica accessione cum variarum lectionum, tum plurium lacunarum, maximeque vnius perquam insignis supplemento locupletiora se dare professus est *Ioannes* nescio quis *Oliuarius* *) in epistola ad *Ioannem Sacracenum* Priorem Vedastinum Atrebatii. (dat. *Duaci Idib. Novemb.*

Ttt 5

vemb.

*) Fugit hoc editores Parisienses, quod ipsum librum inspicere superfederunt.

**) In litteris tantum humanioribus versatum atque a sacro Theologico studio plane alienum se dicit per occasionem excusationis, quod scriptori Ecclesiastico manus admouerit.

vemb. 1576.). „Emendationes enim plurimas, inquit, item varias lectiones partim suppeditavit nobis liber tua singulari industria collatus cum antiquis codicibus, partim vetustissimum volumen bibliothecae Cambronensis, quod habebat manu descriptos, *de vita contemplatiua* libros tres, *de vocatione gentium* duos et vnum *Epigrammatum*. Itaque ex eo iis in libris multa sunt facta meliora, quae deerant, suppleta, adnotata plurima; ne acerrimo quidem iudicio tuo, cui libenter illa submittimus, improbanda.“ Ceterum totus superioris editionis ordo, indices item atque adeo *Ioannis Sotelli praefatio ad Lectorem* hic seruata sunt.

S A E C. XVII.

1601.

Ingolstadii ex officina Ederiana. 4. Prosperi Aqu. chronicon integrum, in duas partes tributum, item pars posterior (a vulgatis admodum recedens) ex MS. Augustano; in *Henr. Canisii Lectionibus antiquis* T. I. Vide ed. Basnagianam. a. 1725.

1604.

Burdigalae apud Simonem Millangium. fol. Prosperi Aqu. Chronicon a morte Valentis etc., in *Arnaldi Pontaci Chronicis trium illustrium Auctorum* Eusebii, Hieronymi et Prosperi, pagg. 198—210. Notae extant pagg. 760—790.

1606.

Lugd. Bat. exc. Thom. Basson. sumptib. Commelin. fol. Eadem pars Chronici; in *Ios. Scaligeri Thesauro Temporum*. pagg. 188—197. et ibidem in editione *Amstelodamensi* apud Io. Iansson. 1658.

1609.

1609.

Coloniae Agrippinae excudebat Arnoldus Kempenfis sumptibus Ioannis Crithii. 8. D. Prosperi Aquitanici — Opera accurata exemplarium vetustorum collatione a mendis pene innumeris repurgata. Repetitio editionis *Io. Oliuarii*.



Parisis ex off. Niuelliana apud Sebast. Cramoisy.
4. Chronicon Prosperi Tironis Aquitani a morte Valentis Imp. ad captam a Genetico urbem. Nunc primum in lucem editum, longe aliud ab eo, quod haecenus B. Hieronymi Chronico subiunctum est. Item Fragmentum ex Chronico Victoris Episcopi Tunnenfis Africae, quod subiecit Chronico Prosperi; in *Petri Pithoei Operibus* pagg. 329—42. De editione prima a. 1588. nondum mihi certi aliquid constat.

1611.

Romae ex typogr. Camerae Apostolicae
D. Prosperi — opera (ex editione *Io. Oliuarii*). *Benedd. ex Cat. Bibl. Cordesianae (Parif. 1643. 4.)*
P. 73.

1619.

Parisis 8. Tironis Prosperi Aquitani confessio nunc primum edita ex codice Vaticano per *Iac. Sirmondum*; cum *Eugenii* Ep. Tolet. *Opusculis*, quibus *Dracontii aliorumque vet. eccles. SS. quaedam* (poëmata) adiecta sunt. Recusa sunt haec omnia in *Operibus Iac. Sirmondi Parif. 1696. T. II. pagg. 913. 14.*

1622.

Helmaestadii typis heredum Iacobi Lucii. 8. S. Prosperi Sententiae ex B. Augustini monumentis collectae,

lectae, unde et a quibusdam Sententiae Augustini appellantur. In gratiam pietatis et veritatis amantium seorsim editae. Cum indice Alphabetico copiosissimo, in quem pene omnes Sententiae relatae sunt.

1636.

Lutetiae Parisiorum sumpt. Seb. Cramoisy. fol. Prosperi Aqu. Chronicon — ex ed. viri cl. *Petri Pithoei*; in *Duchefne Scriptorib. Franciae Coëtaneis Tomo I. pagg. 196—201.* Item Chronicon ab orbe condito, pars posterior, Eusebii et Hieronymi Chronicis adiungi solita, multo quam in vulgatis exemplaribus emendatior et auctior ex mss. Codd. *Jac. Sirmondi et Petri Franc. Chiffletii, pagg. 201—209.*

1657.

Parisiis apud Seb. et Gabr. Cramoisy. fol. Viri Clarissimi Tironis Prosperi Aquitani Chronicon integrum ab Adamo ad Romam captam a Genserico Wand. Rege, in duas partes distributum. *Prima pars*, ab ortu rerum ad mortem Valentis cum annotatione Consulium, *nunc primum edita ex variis codicibus calamo exaratis.* Pars altera, ab a. 379. ad 455. *auctior atque emendatior in pluribus, quam quae antea vulgata est.* Eiusdem alteriusve Prosperi Chronicon, editio Pithoeana emendata multis in locis, ex collatione codicum MSS. omnia in *Bibl. nova MSS. Librorum Philippi Labbei Tomo I. pagg. 16—60.*

1671.

Parisiis sumptibus Petri Variquet. fol. D. Prosperi Episcopi Rhegiensis Opera, quae quidem editio innumeris prope, quibus praecedentes scatebant, mendis fuit perpurgata; accesserunt *Heptadi Praefulum* a *Theophilo Raynaudo* editae et posthac saepius, h. l. et a. vero ultima vice recusae.

1677.

1677.

Lugduni apud Anissonios. fol. Prosperi — Opuscula diuersa soluta oratione et carmine scripta, ex recognitione *Iohannis Oliuarii*; Eiusdem siue Prosperi Tyronis Chronicon, ex editione *Henr. Canisii* nec non Chronicon Pithoeanum; in *Bibl. Max. PP. Tomo VIII. pagg. 1—203.*

1690.

Parisiis apud Franc. Muguet. fol. Prosperi Aquitani pro Augustino, contra iniquos doctrinae illius de gratia et praedestinatione reprehensores, Apologetica opuscula: nec non eiusdem Prosperi liber sententiarum ex Augustino; in III. parte *Appendicis ad T. X. Operum S. Augustini* curantibus Monachis e *Congreg. S. Mauri ad S. Germanum in Pratis*; in ed. *Antuerp. p. 110—170.*

Comprehenduntur vna: 1. *Epistola ad Rufinum* recognita ad antiquissimum exemplar Remensis Abbatiae S. Remigii. 2. *liber contra Collatorem* castigatus ex vetustissimo codice Corbeienſi et secundum optimas editiones, velut Moguntinam, Louanienſem et Antuerpienſem.

1699.

Trai. ad Rhen. et Lugd. Bat. apud Franc. Habmam et Petrum van der Aa. fol. Prosperi Aqu. Chronicon integrum iuxta Labbeanam editionem expressum; in *Io. Geo. Graeuii Thesauro Antiqq. Rom. T. XI. p. 269. ſqq.*

SAEC. XVIII.

1703.

Louanii apud Aegidium Denique. 8. D. Prosperi Aquitanici Peri - Achariston; hoc est, de Ingratis

tis Carmen, accuratum et Notis miscellaneis illustratum a *Martino Steyartio* (*Steyaert*) in Tomo III, Opusculorum seu Lucubrationum Steyartii.

De auctore, doctore quondam Theologiae Lovaniensi, qui magnam nominis celebritatem apud suos obtinuit, adeundus *Io. Franciscus Foppens* in *Bibl. Belgica* p. 861. vbi et effigies eius cernitur; est autem hic in Prosperi libellum commentarius opus posthumum. Neque enim seorsim, sed in hacce operum eius editione (quae VI. Tomis constat) primum prodiit. Notae vero omnes traductae sunt in editionem Parisiensem. Errat, igitur *Io. Alb. Fabricius*, si editionem Louaniensem Steyartianae lucubrationis *se vera* Amstelodami non Louanii prodisse affirmat. Neque enim Benedictini solum in Historia literaria Galliae eius meminerunt, sed ipsi editores Parisini in praemonitione ad hocce carmen disertis verbis Lovanii eam prodisse indicant; quin ipse Clericus in praef. ad Appendicem Augustinianam testatur *Louanii editas* fuisse hasce Steyartii notas.



Antuerpiae apud Petrum Mortier. fol. Sancti Prosperi Aquitanici Carmen ΠΕΡΙ ΑΧΑΡΙΣΤΩΝ, hoc est, de Ingratis, accurante et illustrante Theologo Louaniensi, in *Appendice Augustiniana* seu Tomo XII. *Operum Augustini* curante *Io. Clerico*, pagg. 1—39.

Ante omnia, inquit Clericus, in praefatione ad hoc volumen, ante omnia oculis se subiicit legendum poema S. Prosperi de Ingratis, in quo doctrinam S. Augustini, Pelagii et praesertim Semipelagianorum versibus quidem non optimis, sed intellectu minime difficilibus exponit. Eos tamen eruditus Louaniensis Theologus sat diligenter illustrauerat notis, quas hic vides.

vides. Eae notae, viri docti manu emendatae et auctae, a nobis editae sunt, quales transmissae fuerant, sine vlla additione, aut detractioe. Erant prius editae Louanii, nomenque praeferebant Martini Steyarti, qui theologus fuit eius Academiae, non ita pridem mortuus, et qui dicitur primum fuisse in eorum partibus, qui Augustinianam doctrinam tuentur, deinde in partes contrarias transiisse, quod satis liquet ex variis libellis Gallicis, quibus eum oppugnavit vir disertissimus *Antonius Arnaldus* Doctor Sorbonicus, Augustinianarum partium in Gallia facile princeps. Nomen tamen Steyarti deleri voluerunt, qui Opusculum hoc ad Bibliopolam (Appendicis huius redemptorem) transmiserunt; quod nos dissimulare non potuimus.

1711.

Parisis sumpt. Guil. Desprez et Io. Desessartz.
fol. Sancti Prosperi Aquitani, S. Augustini discipuli, S. Leonis Papae Primi Notarii, Opera Omnia, ad manuscriptos codices, nec non ad editiones antiquiores et castigatiores emendata, nunc primum secundum ordinem temporum disposita, et Chronico integro eiusdem, ab ortu rerum, vsque ad obitum Valentiniani tertii et Romam a Vandalis captam pertinente, locupletata. Quibus praefigitur eiusdem S. Prosperi Aquitani Vita, ex Operibus ipsius, et Scriptorum Ecclesiasticorum libris concinnata.

Editores *Ioannes Le Brun de Marette et D. Mangeltus (Mangeaut)* hunc finem sibi in adornanda hac editione fuisse profitentur, ut quantum fieri potuisset, amplissima, castigatissima et optimo ordine disposita prodiret: et ut etiam ex illa aliquid adiuventi lectoribus subministraretur ad erroris Semipelagiani historiam plenius cognoscendam. Quapropter primo in
 eam

eam contulerunt, quidquid genuinorum S. Prosperi Operum hactenus in lucem prodierat, non omissis *Confessione* quam primum euulgauit, et *Chronico* integro, quod omnes superiores editores spreuerant. Castigarunt deinde singulos huius editionis libros ad fidem editionum probatorum et tot MSS., quot per concessi temporis angustias reperire et conferre licuit. Erat enim in literis Regiis, datis d. 14. Decembris 1709., quae huius aliorumque librorum imprimendorum et recudendorum priuilegium bibliopolis indulserant, mandatum, vt Prosperi opera intra duorum annorum spatium absoluerentur. *Et ne inter varias, quae in libris occurrerent loci eiusdem lectiones, temere selegisse et doctiorum palato praeiudicare voluisse arguerentur*, in marginem inferiorem cuiusque paginae illae, quas neglexerunt, reiectae sunt. Nec vero intra hos limites crisin suam contineri voluerunt, sed sedulo etiam laborarunt, vt spuria et dubia a veris et genuina tam sede ac caractere, quam admonitionibus praeambulis distinguerent, simulque eruditorum virorum de vnoquoque sententias adferrent. Ordo librorum idem est, quo supra scripta singula enumerauimus, ita tamen, vt varia aliorum, quae eadem attinent, inserta sint, itemque dubia cum certis ac genuinis vna serie exhibeantur ad easque simul *index* vberrius rerum et nominum et sententiarum memorabilium spectet, pone hunc demum appendix sit annexa. Videlicet inserta sunt post *Prosperi epistolam ad Augustinum*: *Hilarii Epistola ad eundem*, item *Augustini de Praedestinatione SS. et de Dono Perseuerantiae libri II*; post *Responsiones ad Excerpta Genuensium*: *Coelestini Pontificis pro Prospero et Hilario Epistola vna cum Sedis Apostolicae Episcoporum auctoritatibus de Gratia et Ioannis Cassiani Collatio XIII.*; post *Chronicum integrum*: *Concilium*. II.

11. Arausicanum, quae reliqua dubiae fidei scripta eodem ordine, quo supra proposita sunt, excipiunt. In *Appendice* continentur, prima Parte: *Juliani Pomerii de vita contemplativa libri III. de Promissionibus et Praedictionibus Dei liber, Chronicon Prosperi Tironis*; in secunda Parte: *Varia scripta et monumenta*, quorum lectio *Operibus Sancti Prosperi, ac Historiae Semipelagianae* lucem afferunt, ac inter illa primo loco *S. Augustini de Corruptione et Gratia ad Valentinum librum I.* Ceterum libris, qui in prima Appendicis parte exhibentur, non minor cura est adhibita ab editoribus, quam reliquis Prosperi Scriptis, sicuti in totam appendicem peculiaris index haud vulgari cura exaratus accessit. Singulare denique huius editionis ornamentum est *Vita Prosperi ex Operibus ipsius et scriptorum ecclesiasticorum libris continnata*, quae XI. articulis constat et proxime post praefationem est subiecta.

1725.

Antuerpiae apud Rudolphum et Gerhardum Westenios. fol. Tironis Prosperi Aquitani Chronicon integrum in duas partes tributum. *Pars Prima, edita ex variis codicibus chlamy exaratis. Pars altera ex Canisio. Eadem ex MS. Augustano (Monasterii SS. Afrae et Valtrici); Item Chronicon Pithoeanum: omnia ex recensione et cum notis Iacobi Basnagii; in Thesauro Monumentorum Ecclesiasticorum et Historicorum seu Henrici Canisii Lectionibus antiquis ad Saeculorum ordinem digestis. Tomo I. pagg. 252—318.*

1732.

Romae, ex typographia Antonii de Rubis. 8. Sanctorum Prosperi Aquitani et Honorati Massiliensis
Tom. II. V v v sis

sis Opera (aliquot), Notis Observationibusque illustrata a D. *Ioanne Salinas*, Neapolitano, Canonico Regulari Lateranensi, ac S. Theol. Lectore ad Sanctissimum patrem Clementem XII. Pontificem Max.

Horum opusculorum editio ad idem consilium spectat cum editis ab ipso superiori anno *Vincentii Lirinensis et Hilarii Arelatensis* lucubrationibus, nempe triumuiros hosce a Semipelagianismi objectione liberandi. Quapropter additurus erat tertium volumen et in peculiari dissertatione ostensurus, *Vincentium, Hilarium et Honoratum* re vera ab orthodoxis doctoribus non dissentire, vna cum observationibus quas studiose collegerat de Lirinensi coenobio. Sed mors doctas eius meditationes intercepisse videtur. In hoc volumine scripta aliquot praecipuae dignationis, ex quibus de orthodoxorum de gratia Dei sententia iudicium ferri possit, proposuit, videlicet *Prosperi et Hilarii Epistolas ad Augustinum*, ex Parisiensi editione, additis quibusdam variantibus lectionibus e Codicibus nonnullis Vaticanis depromptis; porro *Carmen de ingratis* ex eadem editione cum delectu notarum Steyartii, quae ibidem adiectae conspiciuntur, et ultimo loco *Honorati vitam Hilarii*, de qua alio loco dicitur. Ex eadem Parisiensi editione hic repetita sunt *Testimonia veterum de S. Prospero*, item *Vita eius ex Operibus ipsius et aliis Scriptoribus Ecclesiasticis concinnata* cum observationibus Salinasii et *Synopsi chronologica operum et gestorum eius*. Suppeditarunt hanc editionem *Suppl. ad N. Acta Erud. Lips. T. II. p. 17. (a. 1731.)*.

1740.

Veronae. fol. Prosperi Aqu. — Chronici pars posterior, cum Eusebii et Hieronymi Chronicis; in ed. *Operum Hieronymi Dominici Vallarfi* Tomo VIII.

VIII. pagg. 823—56. editionis *Venetæ T. VIII. P.*
I. pagg. 821—56.

1744.

Venetis. fol. S. Prosperi — Opera. Non recordor amplius ubi hanc editionem notatam inuenerim. Haud dubie est recusa Parisiensis.

1758.

Romæ apud Fratres Palearinos. 8. S. Prosperi Aquitani S. Leonis M. Notarii de Gratia Dei et libero arbitrio hominis et Prædestinatione Sanctorum opera omnia. Editione in emendatissimam et variis lectionibus vndique collectis præcipue vero ex Codd. Mss. Vaticanis adornatam curauit P. F. F.

Nitidissima hæc Prosperi opusculorum editio partem tertiam facit *Operum Selectorum SS. Patrum de Gratia Dei et Prædestinatione Sanctorum*. Editor fuit *Petrus Franciscus Fogginius*. Complexus est in hoc volumine *Epistolas ad S. Augustinum et Rufinum, Responsiones ad Capitula Gallorum, Obiectiones Vincentianas et Excerpta Genuensium, Librum contra Collatorem, Carmen de Ingratis, Epigrammatum triadem aduersus Massiliensēs et Epigrammatum ex sententiis Augustini spicilegium*, omnia diligenter ex editione Parisiensi expressa, additisque non solum variis lectionibus in eadem, sed nouis etiam sua ipsius opera ex Vaticanis codicibus collectis; præterea *Carmen de Ingratis*, cuius mss. exemplaria nulla reperire ei contigit, nec non *tria epigrammata*, quæ illi adiungi solent, perpetuis scholiis ex prolixioribus Martini Steyartii et Parisiensium editorum instruxit. Inscriptis Clementi XIII.

1759.

Romae 12. S. Prosperi Carmen de Ingratis et Epigrammata selecta. Sic legitur in *Cat. Bibl. Comit. Caroli a Firmian* T. I. p. 53. n. 3027.



VERSIONES. Praeter poema de ingratis pauca Prosperi in recentiores linguas conuersa extant.

GALLICAE.

1647.

Paris chez la veuve Martin Durand. 4. Poëme de S. Prosper contre les Ingrats, où la doctrine catholique de la grace est expliquée et soutenue contre les Pelagiens, traduit en François, en vers et en prose, avec les vers mis à coté, par *Louis Isaac le Maître de Sacy*. Eadem versio recusa est *Parisiis apud Guil. Despres et Io. Desessarts* a. 1717. 12. addita epistola ad Rufinum et Epitome totius doctrinae Prosperianae de gratia et libero arbitrio ex operibus ipsius.

1649.

Paris chez Jean Henault. 8. S. Prosper de la vocation des Gentils, où la doctrine catholique de la liberté et de la grace est déclarée contre les erreurs des Heretiques, traduit en François avec des reflections, par le P. *Antoine Girard*.

ITALICAE.

1586.

In Roma. 8. Sentenze di S. Prospero sopra le promissioni, e predizioni di Dio, tradotte da *Giulio Folco*; in *Effetti mirabili de la Limosina e Sentenze degne*

degne di memoria appartenenti ad essa, raccolte per opera di Giulio Folco. Argelati l. mox laudando.

1751.

In Venezia per Carlo Pecora. 8. Il poema di S. Prospero Aquitano degl'Ingrati, o sia sopra la Grazia. Traduzione in ottava rima dell' abate Gianfrancesco Giorgetti dedicato a Monsignor Illustriss. e Reverendiss. Aluise Foscari Patriarca di Venezia, e Primate della Dalmazia etc. con una Dissertazione sopra la Vita, e l'Opere di S. Prospero Aquitano, e con Annotazione Filologiche, Istoriche, Critiche.

Accedit textus latinus. Nouvelle Lett. di Firenze a. 1751. 24. Sptembr. p. 610. et Nov. lett. di Venezia num. XLIV. p. 345. et qui ex iis hausit Argelati in Bibl. degli Volgarizz. T. III. p. 303.

1753.

In Venezia presso Simone Occhi. 8. I mille Versi Latini di S. Prospero di Aquitania contro i Semipelagiani, tradotti in Versi Italiani dal P. Carl' Agostino Anfaldi de' Predicatori, fra gli Arcadi della Colonia di Trebbia, Clomoneo.

Et hic interpretes textum latinum et notulas in inferiori margine apposuit. Argelati l. l.

1756.

In Brescia presso Giammaria Rizzardi. 4. mai. Ricerca Sistematica sul testo, e sulla mente di S. Prospero d'Aquitania nel suo poema contra gli ingrati.

Praeter carmen de ingratis insunt etiam Epigrammata duo Prosperi in obtrectatorem Augustini et Epitaphium Nestorianae et Pelagianae Haereseon, omnia latine iuxta textum editionis Parisinae cum latinis marginalibus et in aduersa pagina versione Italica.

cum iisdem marginalibus conuersis et notis eodem idiomate scriptis criticis, historicis et theologicis. His subiecta est promissa in titulo *disquisitio*, quae praeter introductionem et conclusionem, LXX. annotationibus seu capitibus constat, adeo ut ipsa carmina cum variis ad poetam eiusque ingenium, nec non Semipelagianos Massilienses spectantibus quaestionibus nomine *apparatus ad disquisitionem* insignita sint. Scite auctor *Viator a Coccaleo* (*Viatore da Coccaglio*) Capucinus sermonem ad *Amatores Doctrinae Prosperi* direxit, alioquin nemo facile dixerit, cui haec scripta sint. Nuncupauit autem volumen suum Cardinali Dominico Passioneo.

1760.


In Brescia dalle Stampe di Giamb. Bossini. 4.
Lo Spirito Filosofico — Teologico — Ascetico di San Prospero d'Aquitania ne' suoi Epigrammi.

Idem auctor est *Viator de Coccaleo*, idemque spiritus in commentariis, sed volumen spissius. Singulis Epigrammatibus latinis subiungitur versio italica, quam prolixissima excipere solet, non de arte poeticae sententiaeue tractatione, sed ex proprio auctoris ingenio super idem, quod poeta attigit argumentum, quasi in datum textum commentatio. Dedicauit opus *Carolo Victorio Amadeo Cardinali delle Lanze*, Archiepiscopo Nicosio et Regi Sardiniae a Confessionibus.

1764.

In Verona per Agostino Carattoni. 4. Di San Prospero Aquitano Notaio di San Leone magno il poema degl' Ingrati ouvero Semipelagiani recato in versi Italiani sciolti dal Reverendiss. Padre Don *Francesco Maria Ricci* Romano Abate Benedettino — Casinese.

E regione versionis Italicae appositus est textus latinus, additaeque sunt annotationes et lectiones variantes. Sed haec omnia ex Parisina editione decerp-
ta sunt. Nuncupavit editor versionem suam Nicolao Antonio Iustiniano Episcopo Veronae.



CODICES, ex quibus *Prosperi scripta aut pri-
mum edita aut deinceps emaculata sunt.*

I. *Codex ms. Benedictinorum Montis S. Iacobi Moguntiae*, unde editio Moguntinensis a. 1524. prodiit.

II. Quae *Sotellus* ex mss. exemplaribus petiit sub-
sidia, pauca fuerunt et supra sunt a nobis indicata.

III. *Ioannes Oliuarius* vnum tantummodo Codi-
cem *Cambronensem* commemorat, ex quo plurima
ab ipso in textu *Prosperi* castigata fuerint. Sed is ex
genuinis *Prosperi* scriptis non nisi *Epigrammata*, de
ceteris libros *de vita contemplatiua* et *de vocatione om-
nium gentium* continebat.

IV. *Benedictinorum*, editorum *Operum S. Au-
gustini*.

1. *Codex Corbeiensis*, ex quo emendarunt *librum
contra Collatorem*. Ante annos fere nongentos ex-
aratus. Pro titulo erat: *Liber sancti Prosperi pro
praedicatoribus gratiae Dei, contra librum Cassiani
presbyteri, qui praenotatur de protectione Dei.*

2. *Remigianus*, de quo sub num. IV.

3. *Colbertinus* libri *Sententiarum ex Augustino
delibatarum*, notatus num. 303. nec admodum vetus,
complectebatur non plures quam septuaginta sex sen-
tentias, nempe octodecim primas, et omissa decima
nona, vigesimam, vigesimam primam et alias ex sub-
sequentium serie selectas. In editis trecentae et no-
naginta extant.

V. *Parisiensibus* autem *Editoribus* praesto fuerunt :

1. *Codices Bibliothecae Regiae Parisiensis*, quorum ex vno castigata sunt *epistola ad Augustinum* et *Responsiones ad Capitula Obiectionum Gallorum*, item *Sententiae ex Operibus Augustini delibatae*, et in *Appendice libri de Vita contemplativa*, ad duos.

2. *Codex Remigiano - Remensis* i. e. *Abbatiae S. Remigii Ordinis S. Benedicti* apud Remos, unde variantes lectiones ipsis transmissae fuerant. Ex hoc plurimi libri castigati sunt, videlicet *Epistola ad Rufinum*, *Responsiones ad Obiectiones Gallorum*, *Vincentianas* et *Excerpta Genuensium*, *liber contra Colatorem* et *liber Sententiarum ex Augustini Operibus delibatarum*. Nec alius ab hoc fuisse videtur codex, ex quo variantes in *librum de promissionibus et praedictionibus* accepit, quamquam mirum videri possit, quod huic soli, non item ad antecedentes libros aetatis nota addita fuerit. Traditur enim 800. annos excedere et saeculo nono opera Leutberti et Adeloldi Monachorum scriptus esse. Sed similia de Remigiano codice, quocum omnes modo laudatas Prosperi Incubrationes contulerunt, Benedictini editores Augustini docent, ante annos fere nongentos eum scriptum esse affirmantes. Nisi forte hic computus strictissime accipi debeat et ab eo diuersus sit codex Remigianus, quem ad *Responsiones ad Capitula Obiectionum Vincentianarum* laudant ante annos plus minus obtingentos scriptum.

3. *Codex Ioliensis*, qui olim fuerat *Claudii Ioly Praeceptoris* et *Canonici Ecclesiae Metropolitanae* et ex legato eius ad Capitulum illius ecclesiae peruenerat. Hunc totum a capite ad calcem ipsi excusserunt editores et quidem ad *Epistolam Rufini*, *Responsiones ad Obiectiones Gallorum*, *Vincentianas* et *Excerpta*

scripta Genuensium, librum contra Collatorem, librum Sententiarum ex Augustino delibatarum, librum Epigrammatum, Confessionem, poema coniugis ad uxorem et ex Appendice, ad libros de vita contemplatiua et Pseudochronicon.

4. *Codices Bibliothecae Colbertinae*, quorum vnus profuit *Epistolae ad Rufinum*, tres libro *Epigrammatum*, quinque *Chronico integro et adulterino*. Nempe in duobus, *Chronicis Eusebii et Hieronymi* subiungebatur *Chronicum verum* Prosperi, in tribus aliis autem *Pseudo-Chronicon*. Quatuor denique eiusdem Bibliothecae Codices collati fuerunt cum libris *de vita contemplatiua* in Appendice.

5. *Codex ms. Theodoricensis* i. e. Monasterii S. Theodorigi prope Remos, cuius Variantes in *Chronicum integrum* ex monasterio isto ad eos missae erant. Praeter hos etiam

6. *Codex Victorinus Pseudo-Chronici*, vnde Pitheoeus hauserat, iterum ad eundem librum excussus est.

VI. *Codices Vaticani*, ex quibus variantes in *Epistolam ad Augustinum* excerptit *Salinasus*. De iis propter ipsius editionis defectum mihi non constat.

VII. *Codices Foggini*. Plures habuit *Vaticanos* optimae notae, e quibus diserte laudat vnum octingentorum circiter annorum, notatum num. 558. qui olim fuerat *Maiores Domus Carthusiae* et praeter alia continebat S. Prosperi *Responsa ad capitula Gallorum, Obiectiones Vincentianas, Excerpta Genuensium, Epigrammata*, nec non *Librum contra Collatorem*.

44.

HILARIUS PROSPERI.

Hilarius conditione laicus, incerta patria et igno-
tis parentibus ortus, non est quo aptiori cognomine

ab aliis claris eiusdem nominis atque aetatis viris *) distinguatur, quam quod ab arctissima eius cum Prospero Aquitano familiaritate ductum, simul omnia hominis gesta studiaque comprehendit. Quae cum maxime intra Prouinciam Galliae sese exseruerunt, in eadem terra natum non sine aliqua probabilitate coniicias. Sed cum parum interfit, Galliam, an aliam patriam habuerit, illud vero longe est notatu dignissimum, quod ex Augustini consuetudine et institutione in Galliam aut primum venerit, aut redierit. Huius enim doctoris sacro zelo adeo fuit inflammatus, ut non contentus eundem Prospero, quem sibi propter ingenii consensum et eximiam quandam eruditionis et eloquii existimationem sociauerat, instillasse, Romanae sedis auctoritatem, in ancipiti certamine contra nouum illud Pelagianorum genus, quod sub annum 428. in his regionibus emerferat, euocaret. In hoc autem fidei tuendae negotio illud cum aliis Augustini imprimis laicae conditionis amicis commune habuit, ut magis paene doctoris, quam ipsius doctrinae studio flagraret. Quocirca nihil prius atque antiquius habuit, quam ut etiam Prosper penitus sese ad amicitiam Augustini applicaret et communia vtriusque studia ab hoc *speciali fidei patrono* **) probarentur, sicuti apud Coelestinum postea de Augustini obtrektoribus et calumniatoribus est conquestus. Ceterum quod laicum ante diximus non impedit, quo minus eundem vitae monasticae sese addixisse credamus, idemque sit Hilarius, qui complures annos ante hanc cum Prospero initam societatem,

*) Velut *Arelatensi*, *Narbonensi* etc. non item *Syracusano*, qui haud dubie idem est cum *Prosperiano*.

**) Sic eum Prosper in Epistola ad ipsum vna cum litteris Hilarii missa appellat.

tem, Syracusis constitutus Augustinum de haeresis Pelagianae inter Syracusanos progressibus certiore fecit *). Quin potius hanc ipsam eius ad Augustinum epistolam, quam anno fere 414. scripserit, occasionem ei extitisse, qua in amicitiam eius sese insinuaret et ad ipsum visendum Africam properaret, ex responsoria Augustini haud obscure intelligitur **). Augustinum porro ad vtrumque Prosperum et Hilarium libros de *praedestinatione Sanctorum et de dono perseverantiae* direxisse, in Prosperi vita dictum est. Post epistolam denique Coelestini Papae ad Galliae Episcopos, quam a. 432. secum in Galliam asportarunt, cessat Hilarii memoria. Aut igitur paulo post e vita excessit, aut Prospero soli tanquam doctiori certamen contra Semipelagianos reliquit.

Restant hodie *duae* Hilarii epistolae ad Augustinum antea laudatae, 1) brevis de *Pelagianis*, Syracusis scripta a. 413. aut 414. 2) prolixior de *Semipelagianis*, ex Prouincia vna cum Prosperiana eiusdem argumenti anno 428. aut 429. missa. *Intercidit* alia paulo ante super eadem materia ad Augustinum exarata. *Tributi sunt* eidem a nonnullis libri de *vocatione omnium gentium*; sed abs vlla ratione.

Prior inter Augustianas epistolas seruata, apud *Benedictinos* ordine est CLVI. *Posterior* primum a. 1503. Coloniae cum *Honorii Augustodunensis tractatus de* §. 3. Editiones.

*) Scilicet *Oudin* in *Comm. T. I. p. 1222. 23.* vano hoc argumento usus est, vt Prosperum Syracusis aliquantisper versatum, siue, vt ipse opinari videtur, ortu Syracusanum, alium ab hoc et plane diuersum fuisse euinceret.

**) Cf. *Auctores Historiae litt. Galliae T. I. p. 211.*

de libero arbitrio, et iterum ibidem 1552 *) impres-
sa mox Augustinianis quoque inserta numeratur
CCXXVI. tandemque in nouissimam *Operum Pros-
peri Aquitani* editionem (Parisi. 1711.) pagg. 7—19.
cum notis et admonitione illata est.

45.

PHILIPPUS

§. 1. Vita. presbyter, Hieronymi discipulus ac familiaris, quem
Gennadius *optimum* eius *auditorem* dicit. Obiit Ma-
riano et Auito regnantibus i. e. anno 455.

§. 2. Scripta. Edidit in *Iob. commentarium* simplici sermone
compositum, teste Gennadio, quem nunc superesse
putant, et *Epistolas familiares*, quae *interciderunt*.

§. 3. Edi- Prodiit a. 1527. *Philippi* nomine *commentarius*
tiones. in *Iob.* a Io. Sichardo e ms. codice Fuldensi erutus,
hoc titulo:

1527.

Basileae per Adamum Petrum. fol. Philippi
Presbyteri longe eruditissimi in Historiam *Iob.* Com-
mentariorum libri tres; et in ima pagina: In *Philippo*,
quem iam nunc a situ asseruimus tibi candide lector,
quod praestitisse nos confidimus, nempe ut inoffense
legatur, id sumus itidem aggressi in *Cyrillo Alexan-
drino* facere, et paulo post in *Athanasio*, quibus per
nos integri *Tomi* ex vetustissimis libris accedent, mo-
do tu nos, quod bono tuo potes, sedulo tuo favore
adiuues. Nuncupatum est volumen Reuerendissima in
Christo patri eidemque illustrissimo principi Domino
D. Ioanni ab Hennenberg, Antistiti Fuldensi epistola
d. mense Augusto M. D. XXVII. Fertur autem eo-
dem

*) Vide in *Annalib. edd. Prosperi* ad h. a.

dem anno et apud eundem bibliopolam in forma quarta excusus esse hic Commentarius, et vtrumque impressionis exemplum in Bibliotheca Abbatiae S. Germani Parisiis manibus tenuisse se testatur Casim. Oudinus. Praeterea excusus est inter Hieronymi et Bedae opera Tomo IV. Sed qui inter Bedae lucubrationes occurrit, ab altero Hieronymiano haud paucis in locis dissentit, adeo ut vulgo nonnisi ille inter Hieronymi opera et qualis seorsim vulgatus fuit pro genuino haberi solet. Enimuero nouum et a vulgari opinione longissime recedens est iudicium, quod *Ioannes Dominicus Mansus* ad *Fabricii Bibliothecam M. et I. Latitatis* de vtraque commentarii huius lectione protulit, quodque hoc loco ommittere religio sit. „Inscriptum, inquit, Philippi presbyteri nomine commentarium in lobum prodiisse non dubito; sed et admonendi erant Lectores, illum, qui inter opera Bedae Tomo IV. legitur non plane cohaerere illi, qui in Collectione S. Hieronymi lucem semel iterumque aspexit. Conueniunt eruditi, scriptum istud Bedae operibus adiectum interpolationes multas ab ipso Beda pro more consueto tulisse; vicissim illud quod inter Opera S. Hieronymi collatum est, sincerum esse Philippi Presbyteri foetum arbitrantur. Verum et de hac commentarii posterioris sinceritate ambiguos nos efficiunt excerpta operis Philippi Presbyteri ex cod. Ambrosiano 1000. annorum a *Muratorio Antiquit. T. III. pag. 845.* et a *Vallarsio* in editione operum S. Hieronymi Veronensi pag. 824. vulgata; illa enim cum Beda, et Philippo vulgato collata, quamuis interdum conueniunt, saepe tamen discrepant, et non raro sensum eundem verbis diuersis exprimunt. Quare sincerum vnquam prodiisse opus Philippi Presbyteri vix ac ne vix quidem credo.“ Haecenus Mansus. Mss. hosce commen-

mentarios vidisse se testatur in antiquissimo codice Bibliothecae Igniacensis in Tractu Remensi *Casimirus Oudinus T. I. pag. 1165.*

46.

ANTONINUS HONORATUS

§. 1. Vita. seu vt alibi audit *Honoratus Antoninus*, Constantinenſis in Africa Episcopus, vixit tempore persecutio- nis, quam Genſericus rex Vandalorum in Catholi- cos excitauerat, et Arcadium quendam Hispanum, ob fidem in exilium pulsum, per epistolam consola- tus et ad grauiora perferenda exhortatus est.

§. 2. Scripta. Restat hodie illa *Epistola ad labores pro Christo ferendos exhortatoria*, grauis et elegans, quam re- cte Baronius antiquum illum apostolicum caracte- rem redolere ait, ſcr. ferme intra annos 437—440.

§. 3. Edi- tiones. Edita est primum a *Sichardo* a. 1528. et post va- rias in *Bibliothecis PP.* repetitiones emendatior facta et illustrata est a *Theodorico Ruinarto*, hoc indice teste.

S A E C. XVI.

1528.

Basileae apud Henricpetri. fol. Antonini Ep. Constantinenſis ad Arcadium exulem consolatoria; in *Io. Sichardi Antidoto contra omnes haereses. fol. 241. 42.*

1556.

Basileae apud eundem fol. Antonini — ad Arca- dium actum in exilium a Genſerico Vandalorum re- ge consolatoria; in *Io. Heroldi Haeresiologia. p. 702—704.*

1575.

1575.

Parisiis apud Mich. Sonnum. fol. Eadem, in *Bibl. PP. Bigneana T. I.*

1589.

Parisiis. fol. Antonini Ep. Const. ad Arcadium actum in exilium a Genserico Rege Vandalorum epistola consolatoria; in *Bibl. PP. Bign. editionis secundae T. III.*

1595.

Romae ex Typogr. Vat. fol. Epistola Antonini Episc. Constantinae ad Arcadium; in *C. Baronii Annalibus* ad a. 437. *primae editionis T. IV.* (qui totus accurate recusus est in eadem typographia a. 1607.) *pagg. 659—61.*; in *Coloniensi* 1624. *T. V. pagg. 743—45.* et *Mansiana T. VII. (Lucae 1741.) pagg. 499—501.*

S A E C. XVII.

1618.

Coloniae Agr. fol. Antonini — epistola conf. ad Arcadium quendam a Genserico Gothorum rege in exilium actum; in *M. Bibl. PP. T. V. P. III.*

1644 et 1654.

Parisiis. fol. Antonini — ad Arcadium exulem consolatoria; in *Bibl. PP. T. III.*

1677.

Lugduni apud Anissonios. fol. Antonii Honorati Ep. Constantinensis epistola consolatoria et ad labores pro Christo ferendos exhortatoria; in *Max. Bibl. PP. T. VIII. p. 665. sqq.*

1694.

1694.

Parisiis ex t. Theodor. Muguet. 8. Honorati Antonini Constantiae in Africa episcopi Epistola cohortatoria ad Arcadium pro fide exulantem, sub Genferico Vandalorum rege Ariano; in *Theodorici Ruinart Historia persecutionis Vandalicae P. II. cap. IV. pagg. 433—39.*

47.

EUSTATHIUS,

§. 1. Vita.

Afer ex illustri stirpe oriundus, frater Syncleticae Diaconissae, quam splendidissimo encomio ornauit Sedulius.

§. 2. Scripta.

IX. S. Basilii M. Sermones in principium Genesis ex Graeco latinos fecit.

§. 3. Editiones.

Haec latina Eustathii in *Hexaëmeron S. Basilii metaphrasis* non in omnibus latinis aut graeco-latinis Basilii editionibus occurrit, omninoque nusquam textui graeco e regione adiecta est, sed vulgata versio ab Argyropulo profecta posteaque a Ioanne Tilmanno emendata est. Accessit autem editioni latinae *Coloniensis* cum notis Frontonis Ducae et Andreae Schotti anno 1617. apud Antonium Hierat in folio factae, transcripta in eam ex *Antuerpiensi* a. 1616. (quae potissimum ex antiquiori *Antuerpiensi* a. 1568. apud Phil Nutium profecta fuisse videtur;) pagg. 746—773.; nouissimeque in *Parisiensi*, studio Iuliani Garnierii a. 1721. (apud Io. Bapt. Coignard) tribus tomis in folio emissae, *T. I. App. pagg. 631—676.* recusa est ad plures codices mss. imprimis Colberti nos duos et Sangermanensem castigata, nec non cum editione *Antuerpiensi* antiqua et textu graeco diligenter collata;

CONSTANTIUS

Presbyter Lugdunensis, genere, morum elegantia ac literis inter aequales clarus et familiaris Sidonii, qui iudicium eius tanti fecit, ut eidem septem epistolarum suarum libros limandos et defaecandos committeret. De reliquis rebus eius pauca et quae referre non interest cognita sunt.

§. 1. Vita.

Scriptit instante Patiente Lugdunensi Episcopo *Vitam S. Germani Episcopi Autissiodorensis* a. 448. defuncti, cui praemissae sunt duae Epistolae, altera ad Patientem Lugdunensem, altera ad Censorium Autissiodorenses. Posterior enim, cum Constantius post mortem Patientis (a. 480.) operam suam e manibus dimississet, denuo ad eam pertexendam et publicandam incitavit, adeo ut a. 488. emissam putent. Dividi solet in duos libros, absque causa.

§. 2. Scripta.

Sunt qui Constantio etiam tribuunt *Vitam S. Iulii Lugdunensis Episcopi* demortui a. 390., obuiam apud Surium ad diem 2. Septembris, sed sine vlla probabilitatis specie.

Edita est apud Surium ad diem XXX. Iulii ed. a. 1573. (Col. Agr.) T. IV. p. 405—27. ed. alterius a. 1618. p. 358—69, et in Bollandianorum *Actis sanctorum* Tomo VII. Iulii pagg. 200—220. ex libro Chiffletiano cum aliis multis collato. Gallice etiam conuersa est ab Andilio (d'Andilly). Neque praetermitti debet, eandem Constantii operam versibus fere expressam esse ab Erico Monacho Benedictino Autissiodorensi, qui circa annum 980. claruit, sex libris, qui in *Actis Sanctorum* ad eundem diem, ex ms. Lobienſi cum antiquo codice Lugdunensi et ms. Belfortiano collato p. 221—254. prostant. Diuersa Tom. II. XXX autem

§. 3. Editiones.

autem ab hac metaphrasi metrica sunt *Miracula S. Germani* ab eodem Erico sermone soluto conscripta et a *Labbeo T. I. Bibl. nov. ms. p. 531.* primum prolata, hoc ipso autem loco in *Actis SS. p. 255.* sqq. subiecta, quae perperam cum illa confundunt Benedictini Historiae literariae Galliae auctores.

49.

PASCHASINVS,

§. 1. Vita. Cuius et Episcopus clarus maxime legatione Leonis I. iussu ad Concilium Chalcedonenſe 2. 451. vna cum Lucentio Episcopo Aſculano et Bonifacio presbytero suscepta, inter quos ipse tamen primus loco et honore fuit, primusque Actis Concilii Leonis nomine subscripsit. Neque hoc vnicum fuit Leonis de doctrina et prudentia viri huius testimonium, sed iam antea meruerat, vt ab eo de Paschatis a. 444. supputatione, haud leui tunc quaestione, consuleretur. Multa autem grauius per id tempus cum ecclesia sua perpeſſus est a Genſerico, de quibus ipse in epistola ad Leonem conqueritur. Extrema vitae eius incerta sunt.

§. 2. Scripta. Superest epistola eius ad Leonem, de Quaestione Paschali, scr. a. 443., qua Leonis epistolae, quae intercidit, respondet. Apud Marianum Scotum male in duas epistolas dissecta est et ab aliis etiam duobus titulis ineptis, nimirum de *Fontis miraculo*, et de *captiuitate Vandalica* laudari solet. Epistola autem altera Paschagini de *Damnatione Dioscuri*, quam extare tradunt in Actione III. Concilii Chalcedonenſis, non est epistola, sed eiusdem Paschagini coram ipso Concilio Leonis nomine dicta in Dioscurum sententia, quod nemo non videt, qui Acta ipsa inspicere velit; obuia in *Conciliis Labbei T. IV. pagg.*

419.—21. *Harduini T. II. pagg. 343—46. Mansi T. VI. pagg. 1046—48.*

Paschasini Epistolam non solum multi Epistolarum Leonis M. libri mss. seruarunt, sed transmisit etiam in *Chronicis* suis *Marianus Scotus* saeculi vndecimi Chronographus, *Lib. II. Act. VI. ad. a. 444. ed. Bas. apud Oporin. a. 1559. p. 344—46. et in Pistorii SS. rer. Germ. Ratib. 1726.* 9. 3. Editiones.

Emendata est potissimum *Petauii* et *Bucherii* opera, quorum alter in *Opere de Doctrina Temporum* nonnulla castigavit ad Mss. Codd. Iac. Sirmon-di, alter totam auctiorem et elimatiorem descripsit ex aliis mss. exemplaribus in *Commentario in Victorium Aquitanum (Antuerpiae in off. Plant. apud Bathas. Moretum 1634.) pagg. 75—77.* Dehinc eam suscepit Quesnellus inter Leoninas post Epistolam II. doctasque annotationes addidit *pagg. 425. sq. ed. Lugd.* Tandem Ballerinii relectam ad ms. Vat. Reginae Suecorum num. 586. saeculi XI., in quo Paschasini opere inserta erat, cum copiosis et ipsi annotationibus et variantibus lectionibus repraesentantur inter Leoninas num. III. non omissis Quesnelli notis *Tomo III. Adde Mansi Concilia T. III. p. 1222.*

50.

POLEMIVS siue SYLVIVS

aut *Saluius* *), episcopus Octoduri (qui locus hodie audit *Martignac* et situs est ad Rhodanum in Comitatu Vallesino Heluetiorum); si idem vere fuit, cui Eucherius Lugdunensis Passionem Martyrum Agau-nensium nuncupavit. Certe nihil amplius praeter hoc cum laudatissimo viro, cui vicissim lucubrationes suas

Xxx 2 inscrip-

*) Bollandus *P. Annaeum Silvium* scripsit.

inscripsit, vinculum, vitae eius memoriam commendat.

§. 2. Scripta. Extat eius *Laterculus* siue *index dierum festorum*, singulis mensibus tum inter Christianos tum apud Gentiles celebrari solitorum, scr. Theodosio Iuniori et Valentiniano Augustis, Flauio Zenone et Porthumiano Coss. i. e. a. 448.

§. 3. Editiones. Partem huius *Laterculi*, mensem scilicet Ianuarii et excerpta ex aliis vulgauit primus *Bollandus* in *praefatione gen.* ad *Acta SS. T. I. Ian. p. 44. 45.* Integram deinde proposuerunt Continuatores eius *Tomo VII. Iunii pagg. 178—184.* cum praefatione de ms. codice, ex quo ille proficiscitur, item aetate, auctore et indole eius, ad quae magis illustranda aliud simul ediderunt *Kalendarium e regione Laterculi* huius impressum *Furii Dionysii Philocali*, quod antea euulgarat *Bucherius* in *Commentario in Victorem Aquitanum*. Attamen multis hic *Laterculus* in locis mancus est et ab excerptis etiam, quae *Bollandus* olim ediderat, perquam saepe recedens, ut pridem *Benedictini* auctores *Historiae Literariae Galliae T. II. p. 295. 96.* et nuper *Mansus* ad *Fabricii Bibl. M. et Inf. Lat.* animaduenerunt.

51.

TVRIBIVS,

§. 1. Vita. Asturicensis in Hispania Tarraconensi episcopus, acerrimus Priscillianistarum hostis et vexator, qui postquam ex variis per Hispaniae et forte etiam exteras prouincias peregrinationibus redux de malo hoc late in tenebris serpente, primum amicos Idacium et Ceponium, Episcopos, mox Leonem Romanum semel iterumque ad auxilium contra ferendum excitavit,

vit; iussorumque eius et epistolarum ad Tarraconenses, Carthaginieneses, Lusitanos, (Baeticos) atque Gallaecos episcopos de generali concilio celebrando ministrum se praebuit. Acta quoque hac in causa, non in Gallaecia solum, sed et aliarum quatuor provinciarum*) synodus; sed de successu utriusque nihil ad nostram memoriam pervenit.

Restat Turibii *epistola de non recipiendis in aucto-* §. 2. Scripta.
ritatem Fidei apocryphis scripturis, et de secta Priscillianistarum ad Idacium et Ceponium scr. a. circiter 447. cum nondum Episcopi dignitatem eisset adeptus. Interciderunt *epistola ad Leonem*, aliaque, quorum ille in Epistola responsoria, (quae in edd. ante Quesnellum factis est XCIII. in Quesnelliana et Balleriniolum XV.) diserte meminit.

Laudatam epistolam edidit primus *Ambrosius de* §. 3. Editiones.
Morales in Historia Hispaniae lib. XI. cap. 26. ex codice S. Aemiliani, qui in Bibliotheca S. Laurentii Escuriarum servabatur. Exinde eam *Baronius* inseruit *Annalibus* ad annum 447. (ed. Rom. a. 1607. T. VI. pagg. 43. 44. Colon. a. 1624. p. 50. ed. Mans. T. VII. pagg. 604. 6.) et *Franciscus Bivaricus* (*Commentariis in Chronicon Maximi* Continuatoris Pseudo Dextri (Madridi 1651. f.) ad a. 445. n. 6. pagg. 157—159. qua occasione luse de Turibio disputat. Mox recepta fuit inter *Concilia Hispaniae Cardinalis de Aguirre* et cum notis eius illustrata in editione priori (*Romae typis Io. Iac. Komareck* 1694.) T. II. p. 218—222.; noua autem (*Romae ex typogr. Ant. Fulgonii*) T. III. p. 108—111. Leoninis Epistolis inseruit primum *Pasch. Quesnellus* post Leonis ad Turibium Epistolam quae numero est XV. Nouissime recusa est a *Balleriniis* post eandem Leonis epistolam T. I. col. 711. quem locum tamen non tam

Xxx 3

consilio

*) *Antonius in Bibl. Hisp. Vet. Lib. III. c. IV. §. 104.*

consilio editorum, quam errore typographorum, quibus Quesnellianum exemplum describendum datum erat, obtinuit. Subiicienda enim erat in Appendice T. I. p. 1478. Sed bis repetere noluerunt. Plurimum lucis huic epistolae affunditur ex animadversionibus Quesnelli ad laudatam Leonis epistolam, ed. Lugd. p. 445. quibuscum iungendae sunt Ballerini in eadem notae T. III. col. 1362—86. Baluzius in *praef.* ad *Nov. Conc. Collectionem* in suspicionem hanc epistolam adduxerat, sed satis eam antiquitate codicis Aemiliani vindicari demonstrant Ballerini: quippe codicis istius notitiam, tametsi quidem haud satis exactam, dedit *Ambrosius de Morales*; sed Leonis editores ex *libro Canonum*, quem ante Ambrosium a. 1575., iussu Card. Quirogae, Io. Bapt. Perezii ex mss. Hispanicis conscripsit et Romam ad Gregorium XIII., ut emendationi Gratiani inferuaret, transmisit, ubi nunc in Bibl. Vat. n. 4887. custoditur, affirmant, ms. huius Aemiliani, qui inter alios Hispanae collectionis codices in eo fuit adhibitus, antiquitatis et praestantiae adeo manifesta esse indicia, ut omnem de interpolatione aut suppositione suspicionem penitus tollant.

52.

LEO. BITURICENSIS,

§ 1. Vita. Bituricensis in Gallia Auaricum episcopus, variis per hoc tempus ibidem coactis Conciliis interfuit, aut praefuit, eorumque actis subscripsit, veluti Andegavensi a. 453. et Turonensi a. 461.

§ 2. Scripta. Atque etiam *Epistola*, quam cum Victurio et Eustochio Episcopis ad *Episcopos et Presbyteros Ecclesiarum provinciae tertiae Lugdunensis* sive *Turonicae* (olim male ferebatur *Thraciae*;) a. 454. dedit, e Synodo fortasse aliqua scripta fuit, ut pridem suspicatus est *Sirmondus* in notis posth. T. IV. *Conc.* p. 667.

Recen-

Recensetur haec epistola inter Epistolas Leonis Romani et tanquam ipsius in variis codicibus eius Collectionis, quam Ballerinii XII. statuunt, exhibita; inde vna cum Leoninis edita primum fuit a *Merlino*, ex quo in alias tum Conciliorum Collectiones, tum Leonis operum ante Quesnellum editiones fluxit, numerata ordine XCVI. Inter haec *Iacobus Sirmondus* verum eius auctorem detexit et Leoni Bituricensi asseruit, nec Thraciae, sed *Tertiae Lugdunensis provinciae Episcopis* inscribendam esse docuit in *Conciliis Galliae* (a. 1629.) T. I. pagg. 119. Notae extant pagg. 599., quibus iungas notas ad *Sidonii Epist.* IV. 18. ed. *Parif.* 1652. pagg. 49. et *Tom. I. Opp.* p. 953. Receperunt deinde *Sammarthani* fratres in *Tomum I. Galliae Christianae* pagg. 143. (ad. a. 1656.) *Labbeus*, qui a *Binio* raro vel nunquam abscedit, inseruit *Concilior.* Tomo III. col. 1420. 21. contentus notam *Sirmondi* ad calcem adiecisse. *Quesnellus* eam omisit. *Ballerinii* vero adiecerunt in *Appendice Epistolarum Leonis* T. I. col. 1469—72.

53.

SALONIUS,

Eucherii Lugdunensis Episcopi filius, cura paterna ^{s. i. Vita.} et *Honorati, Saluiani, et Vincentii Lirinensis praecceptorum* institutione cum fratre *Verano* optime eruditus mature in ecclesia stipendia meruit et ad episcopatum *Geneuensem* euectus est *). Idem enim *Saluia-*

*) Alii *Geneuensem* in Liguria, alii *Vienensem* prodiderunt. Sed *Martyrologia*, in quibus *Genuae* episcopus scribitur, semper addunt in *Gallia*. De *Viennensi* autem episcopatu error natus est ex confusione huius *Salonii* cum alio eiusdem nominis, non item conditionis, ad quem apud *Viennam* vna cum fratre habitantem literae exstant *Sidonii Apollinaris*.

Saluianus ad Salonium iam episcopum direxit libros suos *de auaritia* scriptos circiter anno 440. et paulo post quoque Opus *de gubernatione Dei*, nec non *epistolam* quae inter superslites eius nona est. Ceterum de gestis eius in episcopatu haud quidquam memoriae est proditum. Obiisse ante annum 475. colligunt ex eo, quod in Concilio Arelatensi in causa Lucidi presbyteri eodem anno coacto Episcopi Genuensis Theoplasti nomine mentio fiat.

§. 2. Scripta. Superlunt eius *Expositio mystica in Parabolas Salomonis et Ecclesiasten* per modum Dialogi inter ipsum et Veranum fratrem, qui percontantis personam sustinet, scripta, et *Epistola* suo et fratris et Ceretii episcopi nomine *ad Leonem M.* data.

§. 3. Editiones.

Expositio Salonii, seu vt antiquiores editiones praefereunt, *in parabolas Salomonis dialogi II.* aut *in parabolas et Ecclesiasten Salomonis dialogi* seorsim primum prodisse fertur *Hagenoae ex officina Ioannis Secerii* 1532. 4. quam editionem haud videre contigit. Dehinc autem inserta est in *Micropresbytericon Basileae* apud Henr. Petri a. 1550., *Orthodoxographa Ioannis Heroldi* a. 1555. p. 783—808. et *Iac. Grynaei* a. 1569. p. 1010—1037. item in *Bibl. PP. Paris.* 1575. T. VI.; *editionis secundae* a. 1589. nec non annorum 1644. et 1654. T. I.; *Coloniensem* a. 1618. T. V. P. III. pagg. 382—95. et *Lugdunensem* a. 1677. T. VIII. p. 401. sq.

Epistola ad Leonem saepius inter opera eius vulgata est, et in *editionibus* quidem *Leonis Quesnello anterioribus* post *Epistolam XCVIII.*; in *Quesnelliana* post *Ep. LXXVI.* collocatur; apud *Ballerinios* vero est numerus eius LXVIII. Quesnelli notae extant in *Tomo II. ed. Paris.* pagg. 864. *Lugd.* pagg. 478. Edita quoque fuit in *Conciliis Labbei Tomo I. III.* p. 1434. 35.



